



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



STV

Geonings

Digitized by Google

* EL

A N N A L E S
ACADEMIAE GRONINGANAE.

6 2 2 2 2 2 2

2 2 2 2 2 2 2

A N N A L E S
ACADEMIAE GRONINGANAE

CIDIDCCCXXIV—CIDIDCCCXXV.

A N N A E O Y P E I J

RECTORE MAGNIFICO,

E E L C O N E T I N G A

ACTUARIO.



GRONINGAE, APUD
I. O O M K E N S,
Academiae Typographum

MDCCCXXVIII.

THE UNIVERSITY OF CHICAGO

I N D E X

EORUM, QUAE HOC ANNALIIUM VOLUMINE
CONTINENTUR.



Series Lectionum in Academia Groningana proposita.

_____ Athenaeo Friiaco habitarum.

_____ Daventriensi proposita.

Indicia Ordinum Universitatis Groninganae de Commentationibus ad Quaestiones, anno cymccccxiv propositas.

Programma novi certaminis Literarii a Rectore et Senatu Universitatis Groninganae indicti xiii Octobris cymccccxv.

Series Disertationum Inauguralium.

A. YPEIJ, Rectoris Magnifici Oratio.

L. P. SURINGAR Disertatio.

F. MINGUET _____

G. F. DE MEY _____

G. A. STRATINGH _____

I. I. DE GELDER _____

I. S. SWAAGMAN _____

I. H. PHILIPSE, Oratio inauguralis in Athenaeo Friiaco habita.

I. W. ERMERINS, _____



S E R I E S L E C T I O N U M

I N

A N N U M D U C E N T E S I M U M U N D E C I M U M

1824—1825,

IN ILLUSTRİ ACADEMIA, QUAE GRONINGAE
EST, PROPOSITA.



IN FACULTATE PHILOSOPHIAE THEORETICAE
ET LITERARUM HUMANIORUM.

CORNELIUS DE WAAL, diebus Lunae; Martis et Mercurii; hora IX aut XII, *Metaphysicam* tradet; hora auditoribus commoda, *Philosophiae Moralis* partem alteram, id est *Ethicam*; hora XI, *Logicam* exponet; hora X, *Historiam Philosophiae* enarrabit. Ceterum, si sint, qui *Theologiam naturalem* tradi sibi cupiant, de his cum discipulis consilium inibit.

IOANNES RUDOLPHUS VAN EERDE, diebus Lunae, Martis et Mercurii, hora ante meridiem IX, et die Lunae, post meridiem, hora II, *Historiam Universalem*; iisdem diebus, hora ante meridiem VIII, *Historiam Belgii*, et, hora X, *Antiquitates Romanas* exponet. Denique, horis auditoribus commodis, ter per hebdomadem, *Historiam populorum Europae recentiorum, foederibus illustratam*, duce MARTENSIO, enarrabit. Disputationum exercitiis lubens vacabit.

GERARDUS WOLTERS, diebus Iovis, Veneris et Saturni, hora matutina VIII, *Antiquitates Hebraeae* exponet; hora ante meridiem IX, *librum primum Samuelis* analytice explicabit; hora X, *Literaturam Orientalem* tradet; hora XII, *Grammaticam Hebraeam* interpretabitur.

* 1

IANUS TEN BRINK, diebus Iovis, Veneris et Saturni, lectiones suas habebit; nempe, hora X, *Latinas*, quibus cum Poëtarum, tum Historicorum Latinorum loca selecta explicabit; *Graecas*, hora XI, quibus partem ex XENOPHONTIS *Cyropaedia*, deinde *Iliados* Librum XXII tractabit. *Antiquitates Graecas*; duce Cl. BOSIO, exponet eorundem dierum hora XII. Si qui sint, qui aliquem Graecum et Latinum scriptorem difficiliorum sibi exponi cupiant, iis operam dabit quater per hebdomadam, hora auditoribus commoda. Denique disputandi scribendique exercitiis praeesse perget.

BARTHOLDUS HENRICUS LULOFS, diebus Lunae, Martis et Mercurii, hora XII, secundum manuactionem, quam anno praecedenti edidit, *Fundamenta stili bene Belgici* exponet, *aeque, quae ad scientiam praesstantiae, originis, indolis ac Grammatices totius linguae Belgicae et litterarum Belgicarum pertinent*, additis inprimis recte *Belgice* scribendi *exercitationibus*. — Iisdem diebus, hora V, post meridiem, alterum suum compendium secuturus, fusius *Rhetoricam Belgicam*, sive *generaliora Eloquentiae* ac simul *Poëseos Belgicae praecepta* tradet, *exemplis illustrata*, et adiunctis Exercitiis, quae Oratoris actioni, sive vocis et gestuum moderationi inserviant. Reliquis studiorum desideriis lubens obtemperabit.

IN FACULTATE THEOLOGICA.

EELCO TINGA, diebus Lunae, Martis et Mercurii, hora XI, *Theologiae Christianae partem practicam*; iisdem diebus, hora XII, *partem theoreticam*; die Martis, hora II, et Iovis, XII, *Sacrorum curandarum, Orationumque sacrarum componendarum et pronuntiandarum rationem* exponet; denique diebus et horis, posthac indicandis, *Historiam Iesu patientis* explicabit. De ceteris eum consilium inibit.

ANNAEUS YPEIJ, diebus Lunae et Saturni, hora VIII, *Theologiam naturalem*, diebus vero Martis, Mercurii, Iovis et Veneris, eadem hora, *Theologiam revelatam*, duce I. VAN VOORST, viro clarissimo, exponet; denique diebus Iovis et Veneris, hora IX, tradet *Disciplinae Hermeneuticae praecepta*, exemplis, e sacro N. T. codice depromptis, illustrata.

Ceterum commilitonum in sanctiori disciplina provectionum commodis adiuvandis faciet satis die horaque posthac significandis.

THEODORUS ADRIANUS CLARISSE, diebus Lunae, Martis, ac Mercurii, hora IX, *Historiam Societatis Christianae*, duce Cl. H. MUNTINGHUS, tradet. Praeterea diebus Lunae, Martis, Mercurii ac Iovis, hora X, cum *Hermeneutices librorum Veteris Foederis* fundamenta exponet, tum *Iobaeum carmen* philologicae ac criticae interpretabitur. Si qui porro sint, qui, sive publice disputando, sive aliis ingenii exercitiis, virium periculum facere cupiant, eorum desideriis libens obtemperabit.

IN FACULTATE IURIDICA.

SERPILIUS GRATAMA, die Lunae, hora IX, die Martis, hora X, et die Mercurii, hora XI, *Historiam Iuris* tradet; diebus Martis, Mercurii, Iovis et Veneris, hora IX, *Pandectas* exponet; diebus Lunae, Mercurii, Iovis et Veneris, hora X, *Institutiones Iustinianaeas* explicabit; diebus Lunae, Martis, Iovis et Veneris, hora XI, *Ius Naturae* docebit. Disputationum exercitiis, examinibusque scriptionum, a discipulis ad aliquam legem aliumve de iure locum compositarum, horis deinde indicandis, vacabit.

GABINUS DE WAL, lectiones suas habebit diebus Martis, Mercurii, Iovis et Veneris, iisque, hora IX, *Introductionem in universam Iurisprudentiam*, sive *Encyclopaediam et Methodologiam Iuris* tradet, hora XI, doctrinam *de Criminibus et Poenis* exponet; et tandem, hora XII, *Ius Publicum et Gentium* tractabit. Disputationibus, si velint commilitones, cum publicis, tum privatis, libens praecrit.

HENRICUS NIENHUIS, *Codicem Civilem* interpretabitur, mensibus Septembri, Octobri, Febuario et deinceps, diebus Lunae, Martis, Mercurii et Iovis, ab hora matutina media VIII ad IX; ceteris autem mensibus Novembri, Decembri et Ianuario, die Lunae ab hora matutina VIII ad X, et diebus Martis, Mercurii et Iovis ab hora VIII ad IX. *Leges ad mercaturam pertinentes* exponet diebus Lunae, Mercurii et Iovis, hora X. *Codicem de ratione procedendi in causis civilibus* explicabit diebus Lunae, Martis, Mercurii et Iovis, hora meridiana. Si qui sint, qui dispu-

tando vires suas exercere cupiant, iis officium suum non defuturum pollicetur.

IN FACULTATE MEDICA.

PETRUS DRIESSEN, Regia licet auctoritate ob aetatem septuagenariam rude donatus, studioforum tamen commodis, quantum poterit, inserviturus, diebus Iovis hora IX, et Veneris, hora IX et III, *Materiem Medicam* cum *Pharmacia Medica* coniunctam tradet.

EVERARDUS IOANNES THOMASSEN A THUESSINK, diebus Lunae, Martis, Iovis et Veneris, hora XI, *Medicinam Practicam* proprio sibi ordine explicabit. Diebus Mercurii et Saturni, hora XI, de *Medicina Forensi et Politica* aget. Denique in Nosocomio Academico, hora XII, singulis diebus ad aegrotantium lectulos ad ipsam *praxin clinicam* exercendam aptos reddere tirones medicos conabitur.

GERBRANDUS BAKKER, diebus Lunae hora VIII et IX, Martis et Mercurii hora VIII, *Physiologiam* docebit; *Sceleti et ossium structuram* explicabit die Martis et Mercurii, hora IX; additâ, tempore liberno, demonstratione *anatomica Corporis Humani universi*, quinquies vel sexies hebdomade, hora post meridiem V.

SIBRANDUS ELZO STRATINGH, diebus Mercurii, hora IX, Lunae et Veneris, hora X, *Pathologiam*, diebus Mercurii et Saturni, hora X, *Diasteticam*, et diebus, ac horis, posthac significandis, *Therapiam generalem* tradere constituit. Singulis etiam diebus in Nosocomio Academico aegrotis curandis vacabit, morbosque tractatos Medicinæ studiose subinde de industria paulo uberius exponet. Qui disputando vires suas periclitari velint, illorum desideriis lubens obtemperabit.

PETRUS HENDRIKSZ, diebus Iovis, Veneris et Saturni, hora VIII, *Chirurgiam* tractabit, singulisque diebus, hora media prima, in Nosocomio Chirurgico *Praxin Chirurgicam* ad lectos aegrotantium docebit. Die Iovis, hora post meridiem IV, *fasciarum applicationem* ita exponet, ut discipuli hac in re se exercent. *Artem obstetriciam* diebus Martis, Mercurii et Saturni, hora IX, explicabit, et institutionibus clinicis in Nosocomio habendis vacabit.

IN FACULTATE DISCIPLINARUM MATHEMATICARUM ET PHYSICARUM.

PETRUS DRIESSEN, Regia licet auctoritate ob aetatem septuagenariam rude donatus, studioforum tamen commodis, quantum poterit, inserviturus, diebus Veneris et Saturni, hora II, *Botanices Elementa* exponet, a mense Aprili ad Novembrem. *Selecta Pharmaciae capita* tractabit horis postea indicandis.

THEODORUS VAN SWINDEREN, diebus Lunae et Mercurii, hora VIII, *Historiam Naturalem Animalium et Fossilium*, et *Animalium*, cum *Anatome comparata* coniunctam docebit; diebus Lunae et Martis, hora III, hoc anno, *Historiam Naturalem Mammalium* fusius explicabit; hiberno tempore die Saturni, hora V, *Philosophiam Naturae* exponet; die Martis, hora VIII, *Encyclopaediam Philosophiae naturalis* tradet, cui praemittet praecepta *Hodegetica* sive *de studii ratione recte instituenda*, denique altera quavis hebdomade die Mercurii, hora III, *disputationum exercitiis* vacare perget.

IACOBUS ALBERTUS UILKENS, die Iovis, hora X, die Veneris, hora XI, et die Saturni, hora IX, *Oeconomiam Ruralem*; die Iovis, hora XII, die Veneris, hora XII, et die Saturni, hora XI, *Physicam experimentis illustratam*, tradet; diebus Mercurii et Saturni, hora II, a mense Novembri ad Aprilem, *Physiologiam plantarum* exponet; ac bis quavis hebdomade, hora auditoribus commoda, *Technologiam* docebit.

SEERPIUS BROUWER, diebus Mercurii, Iovis, Veneris et Saturni, hora pomeridiana III, *Geometriam et Trigonometriam* demonstrabit; diebus Iovis et Veneris, hora IX, *Astronomiam Mathematicam* docebit et *rem Nauticam observationibus confirmatam*; die Iovis, hora XI, et die Saturni hora IX, *Algebram* exponet. *Mathesin sublimiorem, Physicam Mathematicam, Hydrodynamicen et Astronomiam Physicam*, horis auditoribus commodis, tradet.

SIBRANDUS STRATINGH, diebus Lunae, Martis et Mercurii, hora II, lectiones habebit *de Chemia generali et applicata*. Diebus Lunae et Mercurii, hora III, *Chemicam Pharmaceuticam* tradet, secundum *Pharmacopoeam Belgicam*.

VI

Disputationes publicae per omnes Facultates instituentur diebus Mercurii et Saturni, ab hora matutina undecima ad primam, aut a secunda ad quartam.

Bibliotheca Academiae, diebus Lunae, Mercurii et Saturni, a IX ad I, et diebus Iovis et Veneris, ab hora II ad IV, studiosis aliisque literarum amantibus patebit, iis legibus, quae in aditu ipsius Bibliothecae publice affixae sunt.

Museum Historiae Naturalis patebit die Mercurii ab hora XII ad I, et ab hora II ad IV.

Peregrinarum linguarum, nominatim Anglicae, Germanicae, Italicae et Gallicae, cupidi suos hinc reperient Praeceptores, publica auctoritate ad id constitutos, ut civibus nostris inserviant; uti etiam illi, qui artibus gymnasticis cuiuscunque generis corpora sua formare ac se erudire gestiunt, et qui Equitandi, ac Pingendi arte instrui cupiunt, suis non destituuntur Magistris.

L E C T I O N E S

H A B I T A E

I N

A T H E N A E O F R I S I A C O

A N N O D E C I M O,

(1824—1825,)

R E C T O R E M A G N I F I C O,

I A C. HERM. PHILIPSE.



EV. WASSENBERGH, e sacris N. T. Libris interpretatus est PAULI ad *Thesfalonicensis epistolas*; e Graeciae veteris monumentis EURIPIDIS *Tragoediam Hippolytum*; *Antiquitatis etiam Graecae*, praesertim *Atticae*, res sacras et civiles, duce ROSSIO, enarravit.

I. H. PHILIPSE, Iur. Prof. *Introductionem in Iurisprudentiam universam* tradidit bis per hebdomadem; *Institutiones Iuris Iustiniani*, duce WESSENBERGIO, exposuit quinquies, *Pandectas*, eodem duce, septies per hebdomadem.

N. MULDER, Chem. Pharm. et Botan. Prof. docuit *Chemiā* quater per hebdomadem; *Anatomiā et Physiologiam plantarum* bis, additā verno tempore quater per hebdomadem *Historiā systematum botanicorum*, et *instituto vegetabilium examine*; *Pathologiam* bis per hebdomadem; *Historiam Naturalem* item bis, cum *Anatome comparatā iunctam*: caeterum, post obitum V. cl. I. PIERSON THOLENII, *Geometriam*, duce SWINDENIO, bis per hebdomadem tradidit.

- IO. GUIL. ERMERINS, cl. THOLENII in *Philos. Theor. et Nat. item Mathes.* cathedrâ successor, easdem lectiones inde a feriis vernis continuavit.
- IO. GUIL. DE CRANE, I. U. D. Litt. Hum. et Hist. Prof. tradidit *Historiam Universalem; Antiquitatem Romanam* exposuit; et HORATII *Odas* interpretatus est: *Exterioris item eloquentiae exercitium instituit.*
- I. C. SWYGHUISEN GROENEWOUD, LL. OO. Prof. tradidit *Litteras Hebraicas*, cum interpretandâ *Grammaticâ*, eiusque, ut et *syntaxeos*, usu, in legendis quibusdam V. T. capitibus historicis monstrando, diebus Lunae, Martis, Iovis, et Veneris; horâ I, tum habendis *exegeticis in nonnullos Psalmos lectionibus*, diebus Mercurii, et Saturni horâ VIII; *Litteras Arabicas* iisdem diebûs, horâ IX; *Antiquitatem Hebraicam* diebus Lunae, Martis, Iovis, et Veneris, horâ X. *Disputandi quoque exercitationibus* alternis hebdomadibus praefuit. — Caeterum hoc insuper anno, ob inopinatum cl. THOLENII et AMERSFOORDTII obitum, Ampl. Ath. Curatorum rogatu, *Logicam* etiam et *Christianam* docuit *Theologiam*.
- IAC. AMERSFOORDT, Theol. D. et Prof. post ferias aestivas Lectiones suas de *Philosophia Logicâ*, et *Theologia Christiana*, vix dum instaurationem, cum, iuventibus collegis, ac discipulis, bonarum Litterarum studiis praematurâ morte eriperetur.
- S. ENS, Anat. et Physiol. Prof. sexies quavis hebdomado *C. Hum. Physiologiam* exposuit; quater *Chirurgiam* tractavit; bis *sceleti humani et ossum structuram* explicavit. — Hiberno tempore lectiones suas *demonstrationibus anatomicis, atque operationibus chirurgicis, in cadaveribus institutis*, illustravit. — Caeterum, Philosophiae Theoret. Nat. item *Matheseos* vocante cathedrâ, bis per hebdomadem *Physicam Experimentalem* docuit.

O R D O L E C T I O N U M,
ALIARUMQUE EXERCITATIONUM ACADEMICARUM,

QUAS IN ILLUSTR

D A V E N T R I A E

A T H E N A E O,

A. D. XXI SEPTEMBRIS, A. MDCCCXXIV. USQUE AD FERIAS
AESTIVAS, A. MDCCCXXV.

FAVENTE SUMMO NUMINE, HABEBUNT
CLARISSIMI PROFESSORES.

PETRUS BOSSCHA; Philof. Theor. Mag. Liter. Hum. et Iuris Doct. Hst. Antiq. Eloq. et Ling. Graec. Profefor, *h. t. Rector Magnif.* Historiam Universalem tradet diebus Lunae, Martis; Iovis et Veneris hora IX, iisdem diebus hora X Antiquitates Romanas explicabit. Diebus Martis, Iovis et Veneris hora XI aliquot loca e Selectis Historicorum WYTTENBACHII interpretabitur; profectionibus Tragicorum aliquam fabulam tractandam proponet hora commoda. In Latinis literis exponet Ovidianas aliquot Heroidum epistolas, quibus deinceps succedet Tibullus diebus Lunae hora XI, Mercurii et Saturni hora IX. Praeterea, si iustus fit auditorum numerus, diebus Mercurii et Veneris hora post meridiem I, lectiones instituet de Historia Literaria, duces secuturus WYTHINGIUM V. Cl.

CORNELIUS FRANSEN VAN ECK; Theol. Doctor, eiusdemque et literarum Belgicarum Profefor, diebus Lunae et Martis, hora post meridiem tertiâ, Doctrinam Moralem Christianam exponere perget. Eâdem horâ, diebus Iovis et Veneris, Euangelium Marci interpretabitur. Diebus autem

Lunae, Martis et Iovis, horâ meridianâ, praecepta filii bene Belgici tradet. — Praeterea, tempore auditoribus commodo, eloquentiae exterioris exercitiis vacabit.

IACOBUS VERBURG, Theol. Doctor, Lingg. Orient. et Antiq. Hebr. Professor, diebus Martis, Mercurii, Iovis et Veneris, horâ XI, initia linguae Hebraeae tradet. Diebus Martis et Mercurii, horâ X, profectionibus discipulis, ad penitiorem monumentorum Hebraeorum cognitionem viam patefaciet, tractandis varii styli speciminibus. Diebus Mercurii, horâ IX, Iovis et Veneris, horâ X, Aramaeam dialectum seu linguae Syriacae et Chaldaicae initia docebit. Praeterea, si qui sunt, qui de lingua Arabicâ vel Antiquitatibus Hebraeis lectiones audire cupiunt, et horum desiderio satisfaciet.

HENRICUS COCK, Iur. Rom. et Hodierni Dr. Iur. Professor Ordinarius, Pandectas exponet diebus Lunae, Martis, Mercurii Iovis et Veneris hora XI; Institutiones Iustinianae iisdem diebus hora X; Iuris Naturalis Initia diebus Martis et Veneris hora IX. Repetitionem instituet Pandectarum die Martis hora post meridiem III, Institutionum eadem die hora post meridiem II.

IACOBUS ABRAHAMUS DOMPELING, Math. Phys. et Phil. Theor. Professor, Matheseos elementa, Geometriam scilicet et Algebram docebit diebus Lunae, Martis, Mercurii, Iovis et Veneris, horâ matutinâ VIII. Goniometriam vero Trigonometriam rectilineam et Sphaericam, nec non curvarum theoriam explicabit diebus et horis auditoribus commodis. Physicam, experimentis illustratam, exponet diebus Mercurii et Veneris horâ meridianâ. Logicam tradet diebus Lunae et Iovis horâ X. Collocutionibus philosophicis praesertim de Logices praeceptis, vacabit alternis hebdomadibus, die Mercurii horis vespertinis a VII ad IX. Ceterum eorum desiderii, qui vel Matheseos vel Philosophiae Theoreticae sublimioribus partibus, ipso praesente, operam dare student, lubens satisfaciet.

I. ANRAAD, Lector Anatom. Chirurg. et Art. Obst. Lectiones suas Obstetrit. habebit die Lunae et Veneris post Meridiem ab horâ II ad III.

Praeterea studiosae iuventuti spes facta est, fore ut linguarum Anglicae et Germanicae Lector huc publice vocetur. Neque vana fuit illa spes, Lectore linguarum Germanicae et Anglicae constituto viro eruditissimo IOANNE PETRO

AREND, qui non diu post munus suum auspicatus est, habita publice Praelectione Belgica: *Over het aanbevelenswaardige van de beoefening der Engelsche taal et letterkunde voor den Geleerde.*

Hoc anno ornatissimus iuvenis IOAN. HERM. KROON, Athenaei alumnus, ex sententia Ordinis Philosophiae Theoreticae et Literarum Humaniorum in Academia Lugduna-Batava, praemio ornatus est ob scriptam Commentationem *de GABRIELIS FAERNI fabulis*, quae exstat in Annalibus Academiae Leidensis 1824—1825.

—

I U D I C I A

ORDINUM UNIVERSITATIS GRONINGANAE
DE COMMENTATIONIBUS AD QUAESTIONES,
ANNO MDCCCXXIV PROPOSITAS.

IUDICIUM FACULTATIS THEOLOGICAE.

Facultas Theologica ad quaestionem superiori anno propositam unam accepit commentationem, inscriptam hoc symbolo: „Omnia conando docilis solertia vincit;” quam quidem dignam iudicavit, quae praemio ornaretur. Scheda igitur Dissertationi adiuncta aperta, patuit auctorem esse LUDOVICUM PETRUM SURINGAR, Theologiae in Academia Leidenfi studiosum, cui, cum Facultati abunde probasset, se verum scriptionis auctorem fuisse, praemium est decretum:

GRONINGAE a. d. XI mensis Octobr.

MD. CC. XXV.

T. A. CLARISSE,

Fac. ab act.

IUDICIUM FACULTATIS IURIDICAE.

Facultas Iuridica tres accepit Commentationes, quibus *Historia Iuris Romani de Tutelis* exponitur. — Prima inscripta est: *Nec ideo contempnas legum istarum antiquitates, quod plerisque populus Romanus uti desiverit.* AULUS GELLIVS, *Noct. Att. Libro XX, cap. 1.* — Secunda haec in fronte gerit verba: *Inter omnia humana beneficia, quod quaeso beneficium excogitare mens humana poterit, quam tutorum ac curatorum bene gubernantium beneficium, ac meritorium officium aut superet, aut aequet, aut quod cum tam amplissimo et sanctissimo parentum erga liberos officio conferri posset?* I. DAMHOUDER, *Patrocinium Pupillorum* pag. 415. — Tertia duplici infi-

gnis sententia; altera IUSTINIANI: *Impuberes autem in tutela esse Naturali iuri conveniens est, ut is, qui perfectas aetatis non sit, alterius tutela regatur*; altera GROTHII: *nam quae minoribus consulunt beneficia sunt ex iure civili.*

Ex hisce Commentationibus quaeque, si sola fuisset oblata, praemium reportavisset. Cum vero hoc uni tantum posset assignari, caeteris praestare visa est, quae ex GELLII verbis internoscitur, cuius igitur auctori fuit decretum, licet non omnes disputationis partes eadem cura ac diligentia sint elaboratae, neque sermonis Latini castitas in auctore posset laudari. — Ne tamen duarum reliquarum disputationum auctoribus suus honor deesset, eorum nomina, si vellent, laudis praeconio celebrare constituit Facultas.

Aperta schedula, Commentationi, primo loco memoratae, adiecta, nomen auctoris ita lectum fuit:

FELIX MINGUET

Iuris Candidatus in universitate Leodienfi, habitans in Zuchten, prope Maeseyk, in provincia Limburgensi.

Hic, postquam legi satisfecit et ad obiectiones Professorum respondit, victor in certamine literario huius anni salutatus est.

Duarum reliquarum Commentationum auctores se profesii sunt, alter GERHARDUS SCHIMMELPENNINCK, IANI filius, Phil. Theor. Litt. Hum. et Iur. Rom. Cand. in illustri Athenaeo Amstelaedamensi; alter HENRICUS REIGER, Phil. Theor. Litt. Human. et Iuris Rom. Cand. civis Academiae Groninganae.

GRONINGAE a. d. XII Octobr.

CICIDCCCXV.

G. DE WAL,
Fac. Iur. ab actis.

IUDICIUM FACULTATIS MEDICAE.

Ad quaestionem, a Facultate Medica propositam: *Quum mors suspensorum ab auctoribus Medicis vario modo explicetur, et quaestionibus haud paucis in Medicina Forensi ansam dederit, quaeritur: quanam sententia maxime probabilis sit habenda, et quomodo secundum hanc ad illas quaestiones sit respondendum,* quatuor accepit Facultas commentationes.

Una harum verba IACOBI DE LILLE praefixa habebat: „Le travail veut un but, au bout de la carrière on s'anime, a sa vue et sur tout on espere.”

Alterius lemma erant haec **QUINCTILIANI** verba: „Fructum studiorum adhuc viridem et dulcem promi oportet, dum venias spes est, et paratus favor, et audere non dedecet, et si quid desit operi, supplet aetas, et si dicta sint iuveniliter, pro indole accipiuntur.”

Tertia inscripta erat **MORATII** versu:

„Si defint vires, tamen est laudanda voluntas.”

Quartae symbolum erat sequens **GOODWINI** sententia:

„Toutefois si nous devons regarder l'affection primitive du corps malade, comme la maladie meme, et tous les effets, qui en resultent comme les symptomes, le siege de cette maladie est dans le sang, et consiste dans la presence du sang noir dans les cavités gauches du coeur et dans le systeme arteriel.”

Binis posterioribus longe antecellunt binae priores commentationes, quae singulae ita testantur auctorum industriam, et diligentiam laudabilem, ut singulas, si fieri id potuisset, libenter praemio donasset Facultas.

Quoniam vero uni tantum ex duabus his eximiis scriptionibus victoriae palmam tribuere posset Facultas, accurata instituta comparatione, uno ac pari consensu Commentationem verbis **DE LILLE** indicatam, magis dignam indicavit, cui summus honor assignaretur.

Id enim, quo competitorem superaret, vindicare sibi potuisse haec commentatio Facultati visa est, ut accuratius omnium auctorum, imprimis recentiorum opiniones exposuerit, easque maiori ingenii acumine diiudicaverit, dum ultima quaestionis pars, quae quidem notabilis erat, multo enucleatius, quam illud aemulus fecit, ab eius auctore fuit tractata.

Apertis literis, quae commentationi erant adiunctae, auctor apparuit **GULIELMUS FRANCISCUS DE MEY**, *Clivensis*, Medicinae in hac Academia tunc temporis Candidatus, nunc Medicinae Doctor; qui in examine deinceps instituto adeo praeclare commentationem suam defendit, ut se verum esse auctorem Facultati abunde constaret.

Ne vero auctori commentationis **QUINCTILIANI** verbis insignitae sua decasset laus et honor, in diariis publicis eum invitavit Facultas, ut eius nomen promulgandi potestas sibi daretur.

Qua venia impetrata et resignata schedula, intellexit Facultas, scriptorem huius commentationis esse **IANUM VAN DEN OEVER**, *Harlemensem* in Academia

Lugduno-Batava Medicinæ Candidatum. Ab his memoratis egregiis responsis multum discrepant, quæ *tertio et quarto loco* notavit Facultas.

Praeter dicendi genus multis in locis a perspicuitate longe alienum, illud non tantum Facultati haud quaquam placere potuit, utrumque auctorem, praesertim ultimum, vel obiter indicatis vel plane neglectis aliorum sententiis, qui nostra aetate, potissimum in Germania adeo praeolare de proposita quaestione meruerunt, suam praesertim proposuisse sententiam, verum etiam primariam quaestionis partem, quae erat, ut proposita sententia Medicinæ Forensi accommodaretur, vel plane omisisse, vel festinanter nimis perstrinxisse.

Illud interim laudandum censet Facultas, utriusque commentationis auctorem, quamvis a victoria longe remotum, sententiam, quam suam fecit, experimentis de industria in animalibus captis magis probabilem reddidisse; quod inprimis de commentatione tertia inscripta *HORATII* versu, silentio praeterire non vellet Facultas, quum ita opinionem de morte suspensorum ingeniosam, et saepe attentione dignam, confirmasse videatur.

S. E. STRATINGH,
Facult. Medic. Decanus.

IUDICIUM FACULTATIS DISCIPLINARUM MATHEMATICARUM ET PHYSICARUM.

Ad *quaestionem* propositam *Physicam*, quâ quaerebatur: „an experimenta „DALTONI, quæ ad aquæ evaporationem spectant, nullam admittere possint combinationem Chemicam aquam inter et aërem; si illa combinatio locum „non habeat, quâ ratione atmosphaeræ siccitas et humiditas et in univ ersum „Meteora aquosa ex DALTONI theoria possint explicari?“ tres ad Facultatem perlatae sunt commentationes, quarum prima insignita erat hoc lemmate: „Si „una causa sufficiat ad phaenomenon explicandum, non plures sunt ponendae „aut fingendae.“ — Altera inscripta erat dicto: „Es ist klar, das man sich „an dem wesen der wissenschaft versundigt, wenn man das gewisse und ungewisse durch einander wirft etc.“ H. G. FISCHER, Lehrbuch der Mechan. Naturlehre. — Tertia Symbolo notabatur: „Trado, quod potui.“

Auctori iam primæ commentationis lubenter illam laudem tribuendam censuit Facultas, ut insignem industriam, cum eruditione coniunctam, per totam

hanc commentationem palam fecerit, simulque sermonis perspicuitate; et disferendi ratione egregie sese commendet. — Cum dein omnia, quae ad propositam quaestionem pertinent, rite in eâ sunt exposita, huic commentationi victoriam adiudicare Facultas non dubitavit. — Resignata schedula, auctorem esse intellexit Facultas, GOSVINUM ACKERSTRATINGH, Adorpa - Groningannum, Math. et Phil. nat. ut et Medicinae Candidatum in hacce Academia; qui, instituto examine, ita ad propositas quaestiones respondit, ut Facultati nullum superesset dubium, quin huius commentationis esset auctor.

Quamvis secunda Commentatio sese etiam variis titulis commendaret, et haud exigua diligentiae atque laboris praeberet specimina, illud tamen animadvertendum, auctorem non omnia, quae ad quaestionis propositum pertinent, satis attigisse, et argumenta, quae ad opinionem suam stabiliendam attulit, non eâ evidentiam exposuisse, ut scopo satisfacerent. — Quoniam autem haecce commentatio non pauca habebat merita, decrevit Facultas, ut, si veniam daret auctor literas adiunctas aperiundi, nomen eius publica honoris significatione praedicaretur. — Quâ potestate data, apertis literis, auctor prodiit IANUS BOSMAN TRESLING Math. et Phil. nat. Candid., nec non Medicinae in hac Academia studiosus.

Tertia commentatio ideo potissimum Facultati placere non potuit; quia prima et praecipua propositae quaestionis pars leviter tantum ab auctore fuit tractata; dum potius maiorem industriam, in parte ultima quaestionis elaboranda, non omnino reprobendam collocavit.

Quoad quaestionem alteram *Astronomicam*: „*Dato plano cuiuscumque positionis et puncto extra planum, determinetur per formulam generalem locus umbrae purae huius puncti, proiectae per disci solis centrum in hoc planum, pro quavis diëi hora et solis declinatione, neglectis refractionis et parallaxeos effectibus;*” una tantum commentatio Facultati fuit tradita, insignita symbolo: „*I bone, quo tua te virtus vocat: I pede fausto.*” Cum autem haecce commentatio quaestioni propositae rite respondebat, et auctoris insignem applicationem ad studia Mathematica, et in hisce doctrinis versatum ingenium probabat, omni laude haec digna Facultati fuit visa, et auctorem praemio esse ornandum decrevit. — Aperta schedula auctorem se professus est IANUS IACOBUS DE OELDER, Haganus, Phil. et Litt. Hum. Candid.;

nec non Mathes. et Phil. Nat. studiosus in Academia Lugduno-Batava, qui instituto examine probavit, se huius commentationis auctorem esse potuisse.

Facultatis nomine

S. STRATINH Esf.

ab actis.

IUDICIUM FACULTATIS PHILOSOPHIAE THEORETICAE ET LITERARUM HUMANIORUM.

Ad quaestionem, anno superiore propositam de dialecto Groningana, una commentatio ad Facultatem missa est, symbolo insignita: *segetis herbescentis spem caet.*

Licet in ea commentatione, scripta de argumento, cum satis difficili, tum in multis eius partibus a nemine fere tractato, nonnulla invenirentur, quae vel accuratiore indagatione, vel ulteriore explicatione, vel maiore confirmatione indigerent; tot tamen indefessi laboris et assiduae diligentiae vestigia ostendere illa videbatur, ut Facultas minime dubitaret, quin eius auctori praemium, lege promissum, esset adiudicandum.

Aperta schedula, scriptioni adiuncta, nomen prodiit I. S. SWAAGMAN; Groningani, Litt. Hum. Cand. et cum maxime Theol. in hac Academia studiosi; qui cum examine deinde instituto probasset, se *potuisse* esse verum Commentationis auctorem, praemio dignus indicatus est.

Facultatis nomine,

I. TEN BRINK,

h. t. ab actis.

GRONINGAE; d. x Oct. 1825.

P R O G R A M M A

NOVI CERTAMINIS LITERARII

A RECTORE ET SENATU UNIVERSITATIS GRONINGANAE

INDICTI

D. XIII OCTOBRI S

C1913CCCCXXV.



Ex decreto Regis Augustissimi, Academicarum civibus et Athenaeorum alumnis in nostra patria a singulis ordinibus Academicis quaestiones proponuntur sequentes:

AB ORDINE IURIDICO QUAERITUR:

Disputatio de poena stigmatum, de eius origine atque usu apud diversos populos, deque eius meritis secundum praecipuos iuris Criminalis scriptores.

A FACULTATE MEDICA QUAERITUR:

Primo historia diverticuli, quod vocant, in intestino tenui brutorum non raro, in homine minus frequenter obvi.

Deinde descriptio formationis tubi intestinalis in embryone, quatenus faciat ad originem fabricae huius abnormis illustrandam.

**A FACULTATE DISCIPLINARUM MATHEMATICARUM
ET PHYSICARUM QUAERITUR:**

1.

Desideratur accurata descriptio phaenomenorum, quas observantur, si corpus liquidum transeat in statum solidum: addatur ex phaenomenis derivata theoria.

2.

Exponantur ea, quae docuit observatio et ratiocinium mathematicum de corpore et atmosphaera solari.

**QUAESTIO PROPOSITA AB ORDINE PHILO-
SOPHIAE THEORETICAE ET LITE-
RARUM HUMANIORUM:**

Enarrentur, explicentur et inter se comparentur Virorum acutissimorum, BLASII PASCALII, IMMANUELIS KANTII, et IOANNIS SCHULTZII (in libro: Prüfung der Kantischen Kritik der reinen Vernunft), sententiae de spatio et tempore.

**QUAESTIO PROPOSITA AB ORDINE
THEOLOGICO:**

Grammaticae et criticae explicetur Elegia Davidis in Saulum et Ionathanem, 2 Sam. 1: 17—27, et cum aliorum Poetarum, s. Hebraeorum, s. Gentilium antiquiorum, Orientalium, Graecorum, Septentrionalium in simili argumento versantium poematibus comparetur.

Responſa oratione Latina, manu aliena, ſatis nitide ſcripta, et ante diem
1 Auguſti 1826, Auctorum ſumtibus, mittuntur ad Virum Clariſſimum, qui
Senatui Academico eſt ab actis, obſervatis iis, quae leguntur Art. 210 Decreti
Regii; 2 Aug. 1815, N°. 14.

Victoribus in honeſtiſſimo hoc certamine praeſidia diſtribuentur die Iovis, 12
menſis Octobris anni 1826, quo novus Rector munus ſuum eſt aſpiciaturus.

S E R I E S

DISSERTATIONUM INAUGURALIUM,

I N

A C A D E M I A G R O N I N G A N A

D E F E N S A R U M.

1824.

27 Octobris. **ENGELBERTI IOHANNIS GEERTSEMA**, Groningani, Specimen Historico-Iuridicum inaugurale de *Senatus Romani Auctoritate sub Imperatoribus*, pro gradu Doctoris Iuris Romani et Hodierni, in Curia Academica defensa.

1825.

29 Ian. **WILHELMI IACOBI GEORGII SYPKENS**, Haga-Batavi, Disertatio Iuridica inauguralis de *Conditione indebiti*, pro gradu Doctoris Iuris Romani et Hodierni, in Curia Academica defensa.

26 Febr.

CORNELII ALBARDA, Frisii, Disertatio Iuridica inauguralis de *Privilegio Venditoris rei immobilis, secundum principia Iuris hodierni*, pro gradu Doctoris Iuris Romani et Hodierni, in Curia Academica defensa.

30 Apr.

RUDOLPHI HELPRICHI EYSSONII WICHERS, Groningani, Disertatio Historico-literaria inauguralis de *Coloniis Veterum*, pro gradu Doctoris Philosophiae theoreticae et Literarum Humaniorum, in Choro Templi Academici defensa.

— Apr.

RUDOLPHI HELPRICHI EYSSONII WICHERS, Groningani, Disertatio Iuridica de *Patronatu et Clientela Romanorum*, pro gradu Doctoris Iuris Romani et Hodierni, in Choro Templi Academici defensa.

1825.

14 Maii.

GULIELMI FRANCISCI DE MEY, Clevenfis, Disfertatio Medico-Practica inauguralis, exhibens *Observationes quasdam de Gastritide*, pro gradu Doctoris Medicinae, in Auditorio Academico defenfa.

6 Iunii.

IOHANNIS ANTONII ENDTZ, Sneca-Frifii, Specimen Physiologicum inaugurale de *Motu corporis animalis, sine conscientia, voluntario*, pro gradu Doctoris Medicinae, in Curia Academica defenfum.

8 Iunii.

CORNELII FRANCISCI FRISII RINIA VAN NAUTA; Leovardia-Frifii, Disputatio Iuridica inauguralis de *Delictis adversus peregrinos, maxime adversus milites hostiles*, pro gradu Doctoris Iuris Romani et Hodierni, in Curia Academica defenfa.

8 Iunii.

HENDRICI CONRADI BUNING, Pekel-a-Oldamtini, Disfertatio Pathologico-Medica inauguralis de *Vigente constitutione inflammatoria, in longe aliis etiam dominante morbis, exemplis quibusdam comprobata*, pro gradu Doctoris Medicinae, in Curia Academica defenfa.

8 Iunii.

FRANCISCI DE L'ARBRE, Gerardimontenfis, Disfertatio Medico-Practica inauguralis, de *Noxiis febrium intermittentium fequelis*, pro gradu Doctoris Medicinae, in Curia Academica defenfa.

13 Iunii.

REMBERTI WESTERHOFF, Warffumo-Groningani, Disfertatio Botanico-Medica inauguralis de *Quarundam plantarum in Provincia Groningana indigenarum usu oeconomico et medico*, pro gradu Doctoris Medicinae, in Curia Academica defenfa.

13 Iunii.

GULIELMI GERBRANDI BAKKER, Alomarienfis, Specimen Medicum inaugurale Aftens *Momenta quasdam Medicinae forensis e Physiologia et observatione recentiori illustrata*, pro gradu Doctoris Medicinae, in Curia Academica defenfum.

15 Iunii.

ZENONIS SALVERDA, Leovardia-Frifii, Disputatio Iuridica inauguralis de *Iure civili Papiriano*, pro gradu Doctoris Iuris Romani et Hodierni, in Curia Academica defenfa.

15 Iunii.

BERNARDI KYMMELL, Rodina-Drenthini, Disputatio Iuridica inauguralis, qua inquiritur; *Utrum agri turfini elevatio-*

res, separatim a fundo spectati (Belgia Hoogveen zonder ondergrond) *iure hodierna rebus mobilibus sine annumerandi*; pro gradu Doctoris Iuris Romani et Hodierni, in Curia Academica defensa.

1825.
15 Iunii. IANI KYMMELL, Rodena-Drenthini, Disputatio Iuridica inauguralis de *Cura Prodigorum*, pro gradu Doctoris Iuris Romani et Hodierni, in Curia Academica defensa.
- 16 Iunii. HENRICI FREDERICI AUGUSTI SASSE, Lemgovia-Lippienfis, Disertatio Physiologica inauguralis de *Fallacia Visus*, pro gradu Doctoris Medicinae, in Auditorio Academico defensa.
- 16 Iunii. CASPARI MELCHIORIS BALTHAZARI HEYMANS, Sylva-Ducensis, Specimen inaugurale, exhibens *Observationes quasdam therapeuticas de regimine aegrotantium rite instituendo*, pro gradu Doctoris Medicinae, in Auditorio Academico defensa.
- 16 Iunii. HENRICI VOS, Asena-Drenthini, Disertatio Iuridica inauguralis de *Iudiciis Drenthinorum antiquis*, pro gradu Doctoris Iuris Romani et Hodierni, in Curia Academica defensa.
- 17 Iunii. IACOBI IOHANNIS CANTER CREMERS, Groningani, Disertatio Iuridica inauguralis *ad locum Codicis civilis de conditionibus ad nuptias ineundas requisitis*, pro gradu Doctoris Iuris Romani et Hodierni, in Curia Academica defensa.
- 17 Iunii. DANIELIS DE BLOCQ VAN HAERSMA VAN SMINIA, Leovardia-Frisii, Specimen Iuridicum inaugurale exhibens *Observationes nonnullas de Iure Hodierno*, pro gradu Doctoris Iuris Romani et Hodierni, in Curia Academica defensum.
- 17 Iunii. GERARDI ABRAHAMI CANNEMAN, Haga Comitum-Batavus, Disertatio Iuridica inauguralis de *Furto nocturno*, pro gradu Doctoris Iuris Romani et Hodierni, in Curia Academica defensa.
- 17 Iunii. ADAMI GODOFREDI SCHULTZ, Doccumo-Frisii, Specimen Medico-Obstetricium inaugurale de *Partu praemature arte promovendo*, pro gradu Doctoris Medicinae, in Curia Academica defensum.
- 20 Iunii. PETRI ANTONII VAN MEURS, Heerda-Gelri, Disputatio Literaria inauguralis de *Sophoclia Oedipo Tyranno*, pro gradu

XXIV

1825. Doctoris Philosophiae Theoreticae et Literarum Humaniorum, in Auditorio Academico defensa.
- 15 Iulii. HIERONYMI VAN ALPHEN, Indo-Batavi, Disertatio Iuridica inauguralis continens *Quaestiones quasdam Iuris*, pro gradu Doctoris Iuris Romani et Hodierni, in Curia Academica defensa.
- 24 Sept. DAVIDIS MOSIS KAN, Leovardienfis, Disertatio Literaria inauguralis de *Sophoclis Oedipode Coloneo*, pro gradu Doctoris Philosophiae Theoreticae et Literarum Humaniorum, in Choro Templi Academici defensa.
- 1 Oct. IACOBI EVERHARDI SLOT, Meppela-Drenthini, Disertatio Therapentico-Medica inauguralis de *Vi naturae medicatrice*, pro gradu Doctoris Medicinae, in Curia Academica defensa.
-

A N N A E I Y P E I J
O R A T I O,

DE PRAECLARIS IACOBI ALTINGII IN
DISCIPLINAM SANCTIOREM
MERITIS,

DICTA PUBLICE,

die XIII m. Oct. a. MDCCCXXV,

CUM MAGISTRATU ACADEMICO
ABIRET.

THE UNIVERSITY OF CHICAGO

LIBRARY

PHYSICS DEPARTMENT

CHICAGO, ILL.

1950

PHYSICS DEPARTMENT

ACADEMIAE GRONINGANAE CURATORES, VIRI NOBILISSIMI, GRAVISSIMI!

QUARUMLIBET DOCTRINARUM PROFESSORES, VIRI CLARISSIMI! COLLEGAE CONIUNCTISSIMI!

OMNIUM ORDINUM AUDITORES, QUOTQUOT ADESTIS, SPECTATISSIMI, HUMANISSIMI!

ACADEMIAE CIVES! IUVENES LECTISSIMI!

Universum terrarum orbem animo et cogitatione cum percurramus, nullam reperimus gentem, honestis moribus excultam, quae non tulerit homines, sapientiae magnitudine illustres, ubertate doctrinarum praestantes, utiles civibus suis et admirabiles.

Quidni igitur Belgarum genti liceat tali tantaque gloriari felicitate? De gente Belgarum dici profecto nequit quod de sua gente dixerunt olim Romani, ex hac nimirum plures in quocumque eruditionis genere eximios apparuisse viros, quam ex ceterarum gentium universitate. At audacter et tanto verius certiusque dici posse equidem opinor, nulla in regione ad christianam theologiam rite colendam tam excellentes ingenio et doctrina accessisse homines, quam in uno Belgio nostro. Cogitatis, quaeso, **WESSELUM GANSPORTUM, RUDOLPHUM AGRICOLAM, FRANCISCUM IUNIUM** cunctisque ab omni laude et gloria feliciorum **DESIDERIUM ERASMUM**. Quorum memoria quanto in honore fuit habitae a summis et infimis semper et ubique!

Prae ceteris vere unum maximo offerre meritorum praeconio par est, unum inquam, cui tot et tam egregias ingenii animique dotes concesserat natura, ut omnium intelligentissimus doctrinarum diceretur et esset. Cuius haec est ef-

figies? Cuius, nisi HUGONIS GROTIJ, Belgarum genti plurimis accepti nominibus? Etenim ex omnibus quis primus fuit, qui unam eamque veram recte et iuste interpretandi rationem grammaticam, simulatque iurisprudentiae adhibuisset, eandem mox adhibuerit theologiae? Is fuit GROTIUS! Sacrorum Bibliorum utriusque partis interpretis quis, inter FRANCISCI IUNII studiorum comprobatores et aemulos, dexter adeo fuit et eximius, ut universi theologorum ordinis excellere princeps facile potuerit et vero etiam excelluerit vel maxime? Idem GROTIUS! Si molis sit maioris reficere quod corruptum est, quam efficere quod sit integrum, in disciplinae sanctioris cultura, quis post DESIDERIUM ERASMUM praebeuit exemplum, quo perfectius nullum? GROTIUS! Certe quidem! non tui nominis fefellit augurium, GROTIJ vere tu *magnus* fuisti! Tui memoriam, insigne Belgii decus! ab oblivione et reticentia omnis vindicabit aetas posterior, ortum occasumque literarum quoties meminerit! Tu, illustre lumen Europae! tuo tu splendore universas, quae uti in Iurisprudentia, ita in Theologia, supererant de veteri barbarie scholastica, tenebras opinionum repulisti? Neque ulla est in hac terrarum parte regio, quam tua ista lux non collustraverit, dum nationes nullae et gentes aut sperando aut desiderando talem cogitaverant tantamque eruditionis et sapientiae amplitudinem, quantam in te cognoscere illis contigerit. Utinam horrida discordiarum in Belgio tempestas Te, qui documentum eras virtutis, probitatis antiquae et charitatis in patriam! non patriae, non tuis hominibus abstulisset et detulisset ad externos!

Progredior ad alia, neque dissimilia dictis. Grotiana sacri codicis interpretandi ratio, eaque grammatica et simplex et absoluta in Belgio multis quidem placebat, plurimis vero non placebat. Minus enim congruens haec erat quibusdam de religionis doctrina statutis defendendis, quae maxima ecclesiae, uti vocatur, reformatae pars tum receperat. Mirumne igitur videri nobis potest, propter hoc ipsum, plerosque theologos omnem adspersatos fuisse interpretationem sacrorum Bibliorum grammaticam, commendavisse contra dogmaticam et coluisse? Neque tamen diu viguit sola interpretatio haec dogmatica; vigere non potuit, copulata quippe cum grammatica arcte adeo, ut divelli utraque ac distrahi nequiret. Quid igitur? quod iidem theologi sensim sensimque ab omni prope modum sacri codicis interpretatione, uti grammatica, ita dogmatica, tanto reddebantur alieniores, quanto esse graviore rem in discrimine putabant pericu-

loque, ne novis firmata rationibus fidei doctrina Grotianae auctoritatis appulsu concuteretur, et eodem hoc impetu a fundamentis convulsa rueret ecclesia:

Metuentibus obrepfit ignavia. Peperit ignavia ignorantiam; ignorantia credulitatem; credulitas superstitionem. Quid enim? Estne fingendum quidquam magis superstitiosum, quam ut hominibus, qui alioquin vitam suam in literis colendis conterunt, ad religionis causam spectantibus, id satis sit, quod ratum habuerint maiores tradiderintque, perinde quasi hi immunes ab omni fuissent errore? Sic eheu! circiter seculi decimi et septimi dimidium sentiebat in Belgio ingens theologorum multitudo, de humanis anxia, negligens divina et omne despicens sacri codicis pervestigandi studium. Igitur ad depravata corrigenda ut accederet theologus vere doctus, prudens et liberalis, GROTII instar, admodum erat necesse.

Sed ecce, media nocte caliginosa, tamquam e coelo delapsus apparuit IACOBUS ALTINGIUS, qui quantum lucis attulerit in Belgio societati christianae, si hac hora decessurus annuo magistratu academico exponam, vestrum fore neminem spero, qui aures mihi faciles benevolasque accommodare gravetur. Dicam igitur ad vos, Auditores, omnium ordinum spectatissimi! humanissimi! *de praeclaris IACOBI ALTINGII in disciplinam sanctiorem meritis.*

Ut ab eo, quod mihi proposui, minus aberrem, primum arguam, quaenam egregii huius theologi merita fuerint in sanctiorem sui temporis disciplinam, deinde quamnam quantamque vim ipsius merita habuerint in eandem senioris aevi disciplinam, cuius studiis adhuc honor durat!

Quo tristior ac magis austera, circa seculi decimi et septimi dimidium, sanctioris erat disciplinae forma ac facies; hoc praeclariora, quae in illam haud leviter emendandam tunc nactus est ALTINGIUS, merita fuisse, quis est, qui vel me tacente non suspicetur? Quid autem tristius et magis austereum cogitari potest servili illa, quam dixi, superstitione, quae omnem opprimit religionis doctrinae persequutandae voluntatem, imo ipsam religionem omnem? Quamplurimi sane theologi istius temporis miseri erant servi, non dicam devoti, sed a se ipsi deiecti, suoque subiungentes arbitrio vicissim omnes eiusdem religionis susceptrae socios ac participes. Multis certe doctrinis, quae erant praecepta hominum, morem cum lubenter ipsi gererent, non una ratione dominatum sibi vindicabant in reliquos, quorum animis nullam non sentiendi libertatem extorserant, nefas esse rati, si suo quis indicio stare mallet, quam aliorum. Solis

sapere sibi videbantur elato illi animo theologi, seculi superioris praestare se doctoribus iactitantes. Quod si ab illorum opinionibus vel transversum digitum quis recederet, aut si quis alius ad hanc illamve rem indicandam norma esset usus loquendi minus vulgari ac trita, aut si quid esset huiusmodi aliud, alii obiciendum, is protinus habebatur reus erroris, sacrata lege damnandus. Oportebat, ut in una hac causa unum atque idem omnes sentirent, neque mores unquam mutarent disserendi dicendique. Igitur omni id studio agebant, ut receptam doctrinae saluberrimae formam non stabiliarent, habitam quippe divinam; et quid divino stabilius? sed sexcentis defenderent argumentationibus, ex eo saepius depromptis, quod probabile videbatur, non erat; et ut idem, quemadmodum in fabula Sisyphus, saxum perpetuis volutarent laboribus sudoribusque.

Accedebat flagrans horum hominum in reconditos abstrusosque sapientiae divinae recessus inquirendi aviditas, quibus aperiundis, ope philosophiae, assiduam adhibebant sollicitudinem, quasi mortalibus parum esset negotii, mentem Dei ac rationem cognoscere, de eadem tamen hac ratione dissentientes ipsi et digladiari inter se consueti. Quid de minuta eorundem hominum, in edisserendo, subtilitate dicam, qua curiose explorare singula satagebant religionis christianae dogmata, quomodo nimirum omnia singulorum membra atque omnes cohaerescerent partes, in alia parte quid sibi proposuisset summe sapiens Deus, quid vero aliud in alia? Proinde, singulo dogmate in partes iterum saepiusque distributo, de sublimibus nugabantur humiliter. Nihil dico immoderatus; etiam dicam, eodem, sophistarum more, ex contortis et aculeatis sermonibus solitos id fuisse concludere, quod consequeretur falso. Num igitur et istos homines, argutissime disceptantes, syllogismis inflectendis, rapi se passos fuisse usque adeo, mirari quis potest, ut eandem, nunc alia, nunc rursus alia adspectus acie visam, particulam ab eadem discernere, ignari tandem, quid unum esset idemque et quid diversum? Proh hominum fidem! ut distinguebant et confundebant! ut ciebant affectus et complebant vociferationibus omnia, coelosque miscere terris moliebantur! Quo quidem quid veritati perscrutandae fingi poterat perniciosius? Nihil. Veritatis patronos se profiteri solebant. At quomodo veritatem tuerentur, quam infirmaverant ipsi, quam infuscaverant, quam obscurarant? Rationes deerant, quibus fidem facerent; deerant argumenta, quibus vim redarguerent erroris. Submersa tenebris latebant divina testimonia, quibus veritatem docerent, comprobarent, commendarent! Sacrarum literarum interpretandarum rudes erant et im-

periti. Igitur non in statutis divinis, sed in placitis humanis, sed in monumentis maiorum sita erat omnis sapientiae notio, omnis doctrinae, religionis omnis. O crassam miseramque horum hominum ignorantiam, qui quod primi prudentum haberi vellent et admodum oculati, hoc ipso facti erant imprudentes, et coeci cum essent, mentem quoque coecabant aliorum, ut eundem simul errarent errorem!

Misera profecto haec erat animorum coecitas, miseranda haec ignorantia veri eaque voluntaria! Etenim si religionis doctrina sit a Deo, ut aliunde esse non potest, nos non quaerere oportet, quid sentiant de illa homines, ut ad hoc componamus fidem nostram. Nihil enim vel doctissimorum hominum auctoritas valet in re divina. Igitur evolvendi sunt et legendi libri, quibus per virorum sanctorum ministerium sua placita patefecit sapiens Deus, hominum indigentis consulens providensque. Omnis in his sedes est Dei loquentis, Dei docentis, monentis. In his, quem oculis videre non possumus, Deum doctorem animo contemplamur, mente audimus. Ex his quid sit religio, discimus, quae ad beatam ducat immortalitatem. Unum hunc doctrinae salutaris fontem adire nos deest, neque alium, unde hauriamus, quem igitur qui praeterierit, tantum abest, ut christiano nomine existimari dignus possit, ut etiam absit ab eo quam longissime.

Permirum sanequam videtur et est, plerosque theologos medio saeculo illo decimo et septimo segnes adeo et socordes fuisse, ut non viderint id, quod maxime planum erat et perspicuum, neminem videlicet esse, qui sanctiorem disciplinam rite colere posset, nisi sacri codicis interpretandi studio impenderet operam. Invaluerat supina huiusmodi negligentia, praesertim posteaquam Belgae, uti vocantur, interpretes, procerum auctoritate, egregiam suam Bibliorum versionem, una cum egregiis adnotationibus, magnam licet partem dogmaticis, emisissent in lucem. Meliora reddere nullus poterat interpres! Haec theologorum complurium una erat sententia, una vox. Quod enim sentiebant, aperte dictitabant neque scriptitare publice verebantur. Quid? quod ab iisdem alto supercilio despiciebantur erectioris ingenii homines, qui in hoc studiorum genere ulterius progredi vellent, quique eapropter *scripturariorum* nomen, ignominiae tum notatum, sibi impositum ferrent, moderate autem ferrent et sine animi morore, maculam dedecoris in decus virtute sua convertentes.

- Graviter contra hi theologi illos dolebant divinis monumentis illatas iniurias.

Sed inclusum pectore premebant dolorem. Quid enim exigua meliora suadentium copia efficeret in tam ingenti sapientibus obstrepentium theologorum cohorte? Addicta insuper his erat rudis et indocta plebis multitudo, apud quam sine ullo consilio stabat fides parentum et auctoritas. Quantum igitur repugnantiae, quantum clamoris et contumeliae, quantum probrosum et minarum et malorum erat pertimescendum? Annorum memores praeteritorum formidabant alii carcerem, exilium alii, multi inopiam, quidam etiam peram et baculum. Parvi sic fugabant magnos, imperiti peritos, et qui inertes erant solertes. Cuius vero rei tandem aliquando cum taederet **ALTINGIUM**, non tam timidum et fugacem, forti hic animo totum istud theologorum genus oppugnavit, neque oppugnavit modo, verum etiam auspiciis divinis humanarum, quibus tenebantur, opinionum devieit tyrannidem et superior ex hoc certamine discessit!

IACOBUS ALTINGIUS, a Patre **HEYRICO ALTINGIO**, in Academia Groningana Theologiae Professore, cum liberaliter esset edoctus, paternam etiam consuetudinem, cum animi generositate et magnitudine, tum ingenii elegantia et suavitate exprescit feliciter. Ad uberiora et sublimiora studia ipsum praeparasse videtur Anglia, unde medio seculo decimo et septimo in hanc academiam nostram ad orientales literas docendas evocatus, provinciam suam egregie adeo ornavit, ut ad illum, tamquam optimum in paucis philologum, primas deferrent aequi harum rerum aestimatores omnes. Accesit dein theologiae tradendae munus, quo per plures annos functus tantam est gloriam consecutus et admirationem, ut qui aetatis eiusdem theologorum πολλὴν ἀντάξιον ἄλλων haberetur, fuerit dignissimus.

Praeclaro viro, sanctioris disciplinae integrandae posituro initia, visum hoc fuit opus et munus, difficilia interpretando explanare, a certis distinguere ambigua, corrigere errores, ut alienos, ita suos, et errandi evitare disorimen. Exorsus ab his initiis in id intendebat animum, ut supremi Numinis sapientiam, potentiam bonitatemque, non in rebus modo creatis et confirmatis, sed potissimum in iis perspicuam, quas humani generis conservandi causa peregit **IESUS** noster **CHRISTUS**, et sibi et aliis admirandam venerandamque suaderet potius, quam naturae divinae excoelsitatem, nulla metiendam sagacitate mortalium, attingere humanis vellet rationibus, et mente comprehendere; quod profecto, quemadmodum dixi, temeritatis vitium erat plurimorum. Temeritatis, inquam; nihil enim inter Deum et hominem interesset, si divinae maiestatis consilia assequi posset in-

genii humani celeritas. Non erat ALTINGIUS philosophus, eorum instar, qui ab hac illave schola profecti, putari sapientes volebant et putabantur, sed *σοφός* erat, non alienis sed suis serviens legibus iisque probatis, in hoc praesertim genere, ut quae cognita, creditu factuque ad sempiternam beatitudinem obtinendam erant necessaria, divinitus revelata omni studio et nisu exquireret, cetera relinqueret Deo, qui solus est perfecte sapiens et penetrat in omnia. Nata hinc viro prudentissimo fuit salutaris doctrinae enucleandae prodendaeque facilitas, cunctis denegata, qui in disserendo, disputando, altercando, nescio quam scaturiginem investigant, unde puros quasi placidosque veritatis rivulos velint deducere. Quod nullo unquam pacto fieri posse cum probe perspectum haberet ALTINGIUS, hoc sibi tamquam doctori evangelico agendum esse arbitrabatur, ut divina monita e sacris literis nec temere nec timide, sed et prudenter et liberaliter erueret, eaque simpliciter exposita communicaret cum aliis.

Sunt, si quid ego video, tria praecipua, quae in bono disciplinae sanctioris cultore desiderantur. Primum est, ut hic ad verae religionis doctrinam rite explicandam sacras literas probe intelligere discat; alterum, ut in iis interpretandis praepudicatorum opinionum sit vacuus, ne suam potius doctrinam inferat, quam quod quisque divino spiritu afflatus docuerit auctor, liberaliter perscrutetur, idque eliciat fideliter; tertium, ut divinam inde derivatam veritatem ab omnibus opinionum humanarum commentis prudenter sciungat eamque integram explanet diligentius.

Tria haec cum ob oculos sibi posuisset semper ALTINGIUS, rem suam gere-re rite voluit. Nec voluntate minor ingenii fuit facultas, neque dispar ingenio vigor iudicii et alacritas, rerumque perceptarum conservatrix recordatio fidissima. Iste igitur quid non voluerit modo et potuerit, sed quid optime fecerit, ut apertius ostendam, causa postulat.

Sacra utriusque Instrumenti scripta legebat ALTINGIUS multumque legebat et persaepe tanta ingenii acie, ut quae ab aliis sive praetermissa, sive perperam erant explicita, in lucem admodum clara et vera pollocaret. Posthabita aliorum existimatione omnia pervestigabat ipse, accurate exquirens, quasnam qualesque sententias auctor sacer suis subiecisset dictionibus, et quid unus ille divinus divinae voluntatis interpret, IESUS CHRISTUS, docuisset. In contuendis constituendisque locorum sententiis, ne in alterutrum scopulum

incideret; superstitionem aut inconsiderantiam, cavebat et cavere poterat, sensu quippe veri et probi medium diligenter conspici usque adeo, ut vel ab eo abhorreret, quod ficti pravius forebat faciem. Sic identidem quasi ex itinere prospero redux de causa sua feliciter procurata securi erat animi, semperque habebat, quod sequeretur, aut ubi pedem poneret, et a luce veritatis prudenter tutanda, modo hinc, modo illinc, pelleret nebulas errorum.

Has theologi christiani esse partes, haec illius officia, cum recte indicaret ALTINGIUS, religionis doctrinam a philosophiae scholasticae sordibus perpurgavit eamque simplicem constituit et illibatam et vere Biblicam. Testor magni huius viri scripta, quae quid praestiterit, loquuntur, quaeque cum legimus quem theologum istius aetatis illi antepoamus? Omnium, qui tum vixere, theologorum scripta si quis pervolvat, in his profecto nihil inveniet, quod de sacro codice interpretando dici simplicius posse videatur, quam in solius ALTINGII libris, nihil de ipso interpretandi modo liberalius, de doctrinis inde colligendis nihil acutius, et vero etiam nihil cautius. Quanta ex his elucescit antiquitatis hebraeae et graecae scientia! quanta eruditio et sapientia! quanta urbanitas et suavitas! quanta simul gravitas et doctrinae maiestas!

At mihi videor audire aliquem, qui tanta tamque egregia non posse praestari ab eodem putet homine, contra haec dicentem; „Sint ista uti sunt! Sed quid tu, censeres de IOHANNI COCCIO, praeclaro, temporibus illis, inter Belgas, „Theologo, primum Franequerano, dein Leydeni? Hic ALTINGIO si non eruditior, at longe ingeniosior nonne fuit Biblicorum interpretes?” Omnino COCCIIUS fuit ingeniosior; sed hanc ob causam suo ipse consilio excidit sapiens. Nequaquam vero intelligenda haec velim perinde quasi, mea opinione, nunquam hallucinatus sit ALTINGIUS, semperque in explanando codice sacro nihil aliud protulerit, nisi quod praeclarum esset ac verum. Absit longissime istiusmodi opinio! Sed hoc est, quod iudicem, COCCIO, ceteroquin omnem laudem superanti, ALTINGIUM sacrarum literarum interpretandarum facilitate quadam nativa et arte excelluisse. COCCIIUS enim, nimis sedulus et diligens interpretes, in veritate expiscanda scrupulos non raro movebat, ubi nullus dubitandi erat locus, non eodem quo ALTINGIUS modo simplici codicem sacrum interpretans. Doctrina etiam si pares tamen inter se tantum distabant, ut ille vestigia legens ORIGENIS duplicem, literalem nempe et mysticam, sensum in sacris literis interpretandis ubicumque ob oculos vellet habendum, hic vero, qui normam legem-

que interpretandi Grothianam observabat; unum duntaxat indagandum autumaret sensum, cuiusque simplicem seu literalem, et hanc unum patefaceret, proferret. Quo quidem factum est, ut theologia COCCHEIANIS pariter atque iis, qui COCCHEIO resistebant, GYBERTI VORSTII, eruditissimi iisdem temporibus theologi Traiectini, alumnis neque obscurus esset ALTINGIUS; neque huic utraque illa pars adstriperetur. Multis tamen COCCHEII asseclis dein probatus est ALTINGIUS; illis contra, qui VORSTII partibus favebant, vix ullo modo. Omnibus sane, qui recte sentiebant, laudi dandum hoc erat et honori, quod COCCHEIUM magni, ALTINGIUM non parvi facerent. Utriusque enim proprium erat ex foliis literis sacris velle sapere, ut non nisi cum Deo loquens divina promeret. Simpliciora tamen et magis aperta, quae ab ALTINGIO proferebantur, erant quam ut eum COCCHEIANIS comparari posse viderentur, copulatis quippe et non uniusmodi. Quid igitur? mirundumne est bene multos, in hoc studiorum genere principes, theologos lente pergendo propius ad ALTINGIUM accessisse, quam ad COCCHEIUM, atque huic illum praetulisse?

Erant utique theologi illi in hoc studiorum genere principes, quippe quorum gloria maior fuit et est etiamnum, quam ut a perfecto laudatore satis digne queat celebrari. Num enim IOHANNEM RUDOLPHUM WESTENIUM, dum ANTONIUM PERIZORIUM, dum liberali doctrina cultissimum HERMANNUM WITSIUM, dum, quos communis malevolorum invidia fecerat ALTINGIO amiciores, CHRISTOPHORUM WITTICHIIUM et FRANCISCUM BURMANNUM, dum omnes hos vere theologos verborum ornatu, quemadmodum par est, afferte quis positi?

De iis vero, qui VORSTIUM sequebantur, quid dicam? Invidere malebant quam demirari et aemulari. Quo enim negligentiores hi interpretandarum erant literarum sacrarum, eo vehementiori contendebant ardore adversus COCCHEIUM, eoque acerbiori inflammati odio in ALTINGII disciplinam iungebantur, omnium animos ab illa alienare studentes ferventer. Undenam vero hic ardor animi, hoc odium? In promptu sita est res. Inde quoniam hoc est commune omnibus, qui cum ingenio tum eruditione excellent, ut fama eorum creet livorem, contumeliam, malevolentiam, imo, maliciam. Praestantium hominum laudes quantopere nunquam non laceravit obtrektorum invidentia, quae rixarum est bellorumque mater et alitrix! Proinde ALTINGIO graves erant et acres adversarii, quorum tanta fuit asperitas, ut illi haereseos inurere

notam non erubescerent: Criminandi et condemnandi ansam inde praesertim arripiebant, quod repudiabat vir eruditus doctrinam de *foedere*, ut vocant, *operum*, receptam omnibus. Quod postquam ex doctissimi viri scriptis, in lucem editis, apparuisset, mox admiratione obtupefacti omnes primum ora tenebant, deinde consurgebant, conclamabant, contestabantur Deum atque homines. Nova haec erat solertia et perspicacitas, machinatio nova, civitatis christianae firmamenti convellendis aptissima, nemini audita unquam et detestabilis! Quid igitur? numne tanti erat ponderis et momenti illud de foedere operum dogma? Omnino habebatur perpurgatae doctrinae pars praecipua ac pene caput. Habebatur, inquam, non erat. In libris namque symbolicis, quid dicam? in universo codice sacro nullum huius est dogmatis indicium, nullum vestigium. Ex commentorum scholasticorum colluvione dimanant, post emendata sacra a FRANCISCO GOMARO aliisque commendatum maximopere, deinde vero a MACCOVIO et OLOFFENBURGIO, imprimis COCCIO, uberius expositum dogma hoc erat amplexa ceterorum, quos aliena sefellera opinio, theologorum universitas. Strenue defendebant hoc de foedere operum dogma theologi eo praesertim quod inde operosa illa magnisque difficultatibus impedita quaestio, quam via primorum hominum peccati labes propagata sit in posteros? extricaretur facilius, extricari certe posse videretur.

In dies gliscente livoris acrimonia et eorum indignatione, qui istiusmodi dissensionem in ALTINGIO ferre non poterant, en prodiit unus in aciem antesignanus SAMUEL ILL. MARESIUS, ingenti hominum, cum eo facientium, stipatus multitudine undique collecta. Fuerat hic FRANCISCI GOMARI discipulus, eidemque in academia Groningana successor. Magnis eruditionis dotibus eminebat, at quidem, ut longa aetate, ita inveterata rixandi pertinacia gravis, proinde contentionis studiosior quam veritatis. Idem hic, ubi cognoverat, quam late ALTINGII doctrina per auditores et patronos divulgaretur, confestim inflammatus contra illum odio, sine causis tamen vel exiguis, voluit animo, quid esset faciendum et quid expediret, tum vero cursum huc et illuc flectendo multos symmystarum circulos sibi conciliavit, denique foras prorumpens motas irarum flammam evomit atque eiecit. Quid autem? ALTINGIO collegae, quid mali molitus est collega MARESIUS? Summis viribus hic arsit, ut sua ille sedes et loco pelleretur, veluti societatis christianae pestis et perniciēs. Maximos excitavit in academia tumultus, universam obturbavit ecclesiam. O quam indigna tu

perpesus es, **ALTINGII**! Sed rem moderatus est Deus. Spes omnis et impetus **MARESI** caruere successu. Quae videbatur victa vicit veritas, nullis fracta terroribus. Sic sua fretus virtute confistit cum gloria **ALTINGIUS**; cecidit **MARESIUS**; conciderunt et omnes in eius exercitu focii et commilitones, quorum tamen intererat non alio vinci praesidio, quam bene merendi studio, videlicet ut, disrupto servitii iugo, restitueretur in integrum animorum libertas. Felices et fortunati, quotquot haec sua noscerent bona!

Sed quid ego odiosa bella theologica morer diutius, et exulcerata refricem tempora, quae praeterierunt? Omnis haec est res taedii plena, quae dum gerebatur exposceret piacula. Praestat orationis ordinem persequi. Ostendam igitur, quanta in serioris aetatis disciplinam sanctiorem merita idem sit adeptus **ALTINGIUS**.

Post sedatas disfidiorum procellas ecclesia demum fruita hoc est doloris solatio, ut illorum familia, qui **ALTINGIO** adstipulatores essent, accreverit maiorem in modum, et vero etiam sibi illustriorem nominis claritatem comparaverit. Viderant nimirum multi, quam infirma esset sedes, in qua suum exfiruxerat theologiae typum **COCCEIUS**, perinde ac si omnia huc spectantia referri deberent ad doctrinae de foederibus, quae cum hominibus iniisset Deus, notionem, quam autem hac in re prudenter postponebat **ALTINGIUS**. Viderant, quantum a fine proposito retardarent ambages illae et flexiones, quas quaerere solebat sacrum codicem cum interpretaretur **COCCEIUS**, easdem vero omnes ab **ALTINGIO** praecisas, certam neque longam pergente viam. Viderant, quam concretum et duplex, quam sui dissimile et impar esset sentiendi docendique institutum, quod **COCCEIUS** sequebatur, admirantes contra in **ALTINGII** scriptis auream illam simplicitatem, qua praeprimis in hoc studiorum genere nihil esse potest optatius et magis desiderabile. Etenim religionis doctrina num vere coelestis haberi queat, si huic simplicitatem ademeris, quae, ut proverbii loco dicitur, sigillum est veritatis?

Viderant omnia haec in **ALTINGIO** eaque meliora multi et probaverant. Aemuli propterea erant et imitatores studiorum **ALTINGII**, a **COCCEII** tamen studiis non abhorrentes, sed sibi temperantes in illis. Itane existerit inde nova quasi secta, suo appellata nomine *Altingiana*? Non ita. Nihil ab his theologia aberat longius studio partium. Sciebant enim crebro contingere, ut idem sapiens iam magni fiat, iam despicatui habeatur. Veritatem ipsi exqui-

rebant ea sentiendi libertate, quae sui sit iuris, vicissimque suum cuique tribuat, quae et argutias fugiat inanes et horreat disceptationum certamina. Sic **ALTINGIO** hoc accidit honoris, quod evidens eius exemplum tam generosam tamque excelsam quam plurimi praestantiora edocti theologi suspexerint et imitati sint.

Et qui tandem erant hi praestantiora edocti theologi? Meministis, Auditores literatissimi! quoniam fuerint **HERMANNUS ALEXANDER ROËLLIUS**, **CAMPAGIUS VITRINGA**, Pater et Filius, **IOHANNES ALBERTIUS**! Meministis, quanti quamque illustres fuerint theologi **HERMANNUS VENEHA**, **IANUS HONERTIUS**, **PETRUS CONRADIVS**. Hi omnes et illi infiterunt **ALTINGII** vestigiis, eiusque disciplinam sustinuerunt et tuiti sunt. Meministis, quam praeclarus fuerit theologus **BALTHASAR** ille **BEKKERUS**, quem primo loco nominari oportuisset. Hic enim, serviens veritati, non opinionibus, in Frisia eo duriora pertulit mala, quo fervidiorem Altingianae scholae alumnum cum ore tum calamo palam se fuerit professus. Neque opportunior usquam dabitur laudandi locus **IANI IACOBI SCHULTENSII**, theologi, cum paucis aetatis suae comparandi, quippe quo neminem defensores peritiorum adversus **NICOLAUM HOLTIIUM** nacta fuit Altingiani honoris memoria. Quid de utroque **DANIËLIS GERDESII** genero, **SAMUËLE HENRICO MANGERO** et **EWALDO HOLLEBEEKIO** loquar? Hi **ALTINGIO**, quem in multis sequebatur fovecer, propiores erant in pluribus. De **PAULO CHEVALLIBRO** quis obsecro! qui vastam huius theologi eruditionem, qui quod in eo erat ingenii acumen, cum pulcri venustique sensu coniunctum, aestimare didicerit, diu dubitabit, quin et magna ex parte assensor esse lubens voluerit **ALTINGIO**?

Maxime tamen insignia exstant huius rei exempla in **PETRO ABBESCHIO** et **NICOLAO GULIELMO SCHROEDERO**, utroque splendidissimo non Groninganae tantum academiae, verum etiam eruditi orbis universi lumine et ornamento. E schola **ALBERTI SCHULTENSII** cum hic prodisset, sacri codicis veteris interpretandi rationem Altingianam modis omnibus excoluit, exornavit, expolivit! Ille vero, ad disciplinam Hemsterhusianam eruditus, sacri codicis novi interpretandi rationem Altingianam ad eam composuit institutionem, quam uni **IOHANNI AUGUSTO ERNESTIO**, in Germania optimo post **HUGONEM GROTIUM** sacrarum literarum explanatori, referimus acceptam. Tanta huic in eadem academia sodalium pari, et **SCHROEDERO** et **ABBESCHIO**, fuit

ingenii excellentia et doctrinae, ut dubium sit; alteramne superaverit alter.

Huius autem utriusque viri eximii schola quis exlit eruditione liberali pollier, quis graecarum, praesertim orientalium, literarum peritior, quis in omni sanctioris disciplinae circuitu magis exercitatus. HERMANNO MUNTINGHIO, quem cognovimus, quem venerati sumus omnes? Hic inter sui temporis theologos, qui religionis christianae doctrinam esse nullam contenderint, nisi quae sit oraculorum divinorum superstructa exegefi, fuit primus, atque in tractanda eadem illa doctrina secundus nemini.

Dixi quod sentio, et omnes sanctioris disciplinae gnaros idem id sensuros esse de MUNTINGHIO nostro, non est quod subdubitem. Sic igitur tuo consilio, sic conatibus tuis, beate ALTINGII respondit optime rerum eventus. Causam, quam tu olim ex eadem hac cathedra auditoribus, quam et hinc discedens mandasti posteris, recte curatam a multis vidisti, eamque demum peractam feliciter vides a MUNTINGHIO nostro, iam quoque tuo tibi quoque socio et comite in altissimis sedibus, ubi mortuorum manes vitam degunt beatam. Vides hoc et laetaris.

Ad nos quod attinet, laetamur item et gratulamur academiae nostrae, quae sanctiori disciplinae obortam e suo sinu admiratur lucem liberalitatis et sapientiae, magno fulgore ceteras circumnans Belgicarum academias. Hac luce fruuntur omnes, qui quidem nunc sunt, vere theologi. Laetantur hi gaudentque magnopere. Atque sic, quod olim PLINIUS ad PAULINUM, impetrante TRAIANO, scribebat, „gaude meo, gaude tuo, gaudes etiam publico nomine; adhuc honor studiis durat!“ id, maxime sub Regis optimi auspiciis, summo cum gaudio usurpare nobis liceat; „adhuc honor sanctioris disciplinae studiis durat!“

* * *

Sub auspiciis optimi Regis, ut quae dixi repetam, adhuc inter Belgas honor sanctioris disciplinae studiis durat! Neque his tantum, sed et omnis cuiuscunque disciplinae studiis honor habetur, ut alibi, ita in hac academia. Florent literarum omnium studia; crescunt, augentur, confirmantur. Adfunt documenta, quanto ardore nobilis nostra iuventus spectet altiora, quantisque laboribus ad illa contendat. Adfunt documenta, quantum operae doctores acade-

miarum in id impendant, ut quod sciunt ipsi ac tenent etiam sciant teneantque discipuli. Adfunt documenta, quantum curae a perillustribus academiæ custodibus adhibeatur ad omnia illa moderanda, quæ communi eruditionis commodo inserviant. Adfunt documenta, quantum sollicitudinis in rem literariam, latis a se legibus convenienter, conservandam stabiliendamque insumat Rex augustissimus, cui igitur omnia debemus, quæ doctrinarum studiis tantos tamque diuturnos impertiant honores, ad patriæ salutem et academiæ splendorem.

Quam feliciter, sub Regis augustissimi auspiciis, dignitatem suam ac decus, me rectore, retinuerit academia nostra, quamvis pressa nonnunquam aerumnis, ut enarrem huius diei requirit sollemnitas.

Ad universam rerum nostrarum conditionem cum animadverto, primum compellare mihi liceat vos, in quibus maxima est academiæ prosperitas et summa gloria, quarumvis doctrinarum addiscendarum studiosi Iuvenes! commilitones carissimi, cives academiæ ornatisimi, nobilissimi! Vestra frequentia, anno hoc, magna fuit adeo et est etiamnum, ut longe superet alumnorum numerum, quo antea gavisa hæc fuit academia. Quod autem dulciori nobis voluptati est, vos ii fuistis, qui eruditionis et sapientiæ adipiscendæ desiderio et honestis moribus consilii vestri rationem vestris probavistis praeceptoribus! Vos et ii fuistis, qui mihi illa, quibus frui sum hoc anno, fecistis otia! Ad me amicum tamquam amici adiistis, et tamquam amicus vos recepi amicos. De ipsa re literaria idem mecum sensistis et hoc factis confirmavistis. Legibus academicis morem gestistis quam lubentissime, et academicam libertatem vestram conservastis modeste. Nulla quoque vos inter fuerunt dissidia, nullæ lites, Pax erat et tranquillitas et concordia. Hoc vero, quod gratum omnibus erat et laetabile, permistum fuit interdum cum tristitia. Saeviit, cheu! in vestrum consortium acerba mors semel atque iterum et saepius. Erepti sunt vobis per epidemici morbi atrocitatem quatuor commilitones, in suo quisque genere studiorum egregii, primum LAMBERTUS BROCADES, *Meppelanus*, et LUDOVICUS WILHELMUS vos, *Arsenensis*, deinde nobile illud par fratrum, quos uti sanguinis propinquitas ita caritas coniunxerat, uterque STROINCKIUS, Transilanus ex *Almeloa*. Erepti denique morte vobis sunt nuperrime cives academici IANUS KRAMER, *Leera* Frisus orientalis, et CORNELIUS VAN DER BREGGEN PAAUW, Am-

fructedamenfis. O spes parentum et confanguineorum et praeceptorum quam fallae fuerunt et fallaces! Longe hos omnes horumque conservate memoriam! Ceterum eadem, qua caepistis, voluntate vitam vivite Musis dignam Groninganis, omnique nisu ac sedulitate in liberalium doctrinarum rite colendarum studia incumbite, Iuvenes praestantes et amici! Haec ipsa amabilia in dies cognoscitis, vestramque in iis collocatam industriam reperiatis et utilem et iucundam et gloriosam. Ad vos autem, qui in sanctioris doctrinae studia incumbitis! hoc habeo quod paucis dicam; sequimini vos vestri MUNTINGHII exemplum, cum id non tam illius sit quam ALTINGII exemplum; quo illustrius, quemadmodum audistis, nullum est.

Vos, collegae spectatissimi, exoptatissimi! literarum studiosae iuventutis antistites desideratissimi! Vos, festo hoc die anniversario, salvos videre sospitesque, cum mihi contingat, vehementer ego gaudeo. Si quis vero vos inter adversa valetudinis tentatus anno praeterito, quanta sit corporis humani fragilitas fuerit expertus, illum redditam nobis sanum in hoc conspectu salutare iuvat, illique restitutam vitae suavitatem laetus gratulor, Deo pro hoc beneficio gratum offerens animum!

Neque sine laetitiae sensu tibi gratulor; doctissime, mihi amicissime CLARRISSE! honoris et muneris augmentum, quo te dignatus est Rex augustissimus. Gratulor hoc non tibi tantum, sed et literis, sed academiae, sed ordini theologorum, sed mihi. Incepta vota quoque tua optimi numinis favor secundet; prosperet! Sic discipuli non modo tua imbuentur doctrina, sed etiam illo veritatis et pietatis sensu, ad quem eos flectere conaris, ducti a te dimittentur!

Vobis autem omnibus, collegae optimi, mihi coniunctissimi! multum me debere, lubens ego profiteor, qui, in muneris iam iam ponendi functione, prudentissimis consiliis vestris tantopere sum sublevatus, ut si quid inde honoris aut voluptatis in me profectum sit, id gratus vobis retribuam, si quid vero oneris et laboris, id satis compensatum vestra habeam benignitate.

Vobis, viri clarissimi! diem natalem gratulor! utinam, iterum utinam nullius cladis conturbatam memoria! Sed aliter visum est prudentis Dei consilio. Tristissimam IACOBI ALBERTI VILKENSII, viri clarissimi, mortem luxit et adhuc luget universus ordo noster. Lacrimas luctus tenere vix dum possumus. Extinctus est illustris ille naturae interpres, doctrinae gloria excellentissimus, qui ornamentum erat academiae nostrae et decus insigne. Luget, quae vitae

focla fuit, coniuq lectissima cum liberis, parente optimo orbatis et cum uni-
versa familia, tanto privata rerum praesidio. Lugant omnes in hac civitate,
omnes in patria nostra, imo per totam Europam omnes, quos singularis saec
et reconditae doctrinae cultores fuerat nactus.

Dolent inprimis discipuli, quorum commodis adjuvandis tantopere invigila-
bat, qui per decennium in hac academia, non sine ingenti laude, munus suum
sustinuit. Nunc hec erat munus, at necessarium idque gravissimum. Multi
quamvis paterna exerceant rura, ruralis tamen disciplinae cognoscendae si qui
sint cupidi, doctorem desiderant et lumen. Quantum vero luminis UILKENSI-
us in commune hoc emolumentum de suo accenderit lumine, sciunt omnes et
fatentur, qui istiusmodi rerum vel mediocriter sunt periti. Quam plurima,
tenebris quasi perpetuis involuta, non luce tantum ita perfudit, ut inventa ab
illo et instituta viderentur, verum et multa invenit viditque primus et monstra-
vit aliis. Tantam autem tamque aptam ad ista praestanda solertiam quis mire-
tur sibi comparavisse acerrimi virum ingenii, qui in hac academia per plures an-
nos in vario ac diverso studiorum genere, in re mathematica, physica, chemi-
ca, botanica, alia, tantis laboribus et vigiliis, sub tantis magistris elaboras-
set. Ex quorum numero superstitem et hic asidentem videre te, clarissime
BRIESCHNI! quam prae ceteris ille dilexit, perquam dulcis nobis est et iucun-
dum, fore exoptantibus, ut maneat superstes diutissime saluus et incolumis,
tuaque frui virtute et consuetudine valde cupientibus.

Magnam UILKENSI copiam doctrinae raramque illius in docendo facilitatem
ornabat morum suavitas. Et quanta haec, tanta in eo animi erat sinceritas,
qua expresum prioris aevi referret exemplar. Qua fide, qua concordia vixi-
mus! Quam candidus erat, quam liberalis animo, quam fidelis nobis amicus,
quam apertus! Nihil in eo falsi, nihil erat fucati. Sermone semper votoque verax
et vindex veritatis, ab omni levitate erat alienus. Quam late patet laudum cam-
pus, quibus celebrari meretur UILKENSI memoria, quibus vero praedicandis
ta, clarissime STRATINGHI! ante hos paucos dies, singulari oratione, ad persua-
dendum accommodata, iacturae gravitatem, quam fecimus, luculenter ostendisti!
Igitur lugeamus doctum et sapientem et probum virum, nimis cito, prohi dolor!
morte sublatum. Sed modus sit in luctu. Non omni ille vita functus est. Una
cum corpore non interiit pars illius praestantior. Vivit haec vitam praestantio-
rem, vitam felicem ac beatam, quam expetiverat, quam expectaverat. Noster

fuit, sed quotiescumque de viro beato cogitemus, etiam nunc est noster. Mens eius et vis doctrinae, quae in tot et tam egregiis, quos edidit, libris spirat, vigetque, nostra est. Omnes, quos sive audiendo, sive legendo ex perfecta illius eruditione perspicias, fructus nostri sunt, nobisque communes cum pluribus. Faxit Deus, ut per vigilantiam vestram, Moecenates optimi! talis, qui istiusmodi fructus cumulationi mensura collegerit, tanti exempli viro propediem detur successor!

Ad vos, quorum tutelae et curae commissa haec est academia, viri honoratissimi! cum me converto, omnino est quod impense gaudeam vestrae salutis integritatem. Maximo autem luctu vos etiam affecti fuistis et afflicti, cum per repentinam eamque praematuram mortem vobis adimeretur, qui ut illustrium populi Groningani ordinum collegio, ita et vestro ab actis erat et tabulis, MATTHIAS SALVERDA, vir, si quis alius, omni gravitate, singulari prudentia, magna publicarum rerum cognoscendarum diligentia, sanctaque adversus id quod iustum est et honestum reverentia, plurimum laudandus! Recordamur, quam acerbus multorum honorum de hominis huius praecleari morte fletus fuerit et tristitia. Flebant filii filiaeque; flebant fratres et sorores, cognati omnes et amici et necessarii. Profligata erat moerore tota academia, universa civitas, provincia omnis. Quam grave vulnus ex illius morte acceperit provincia, dictum est difficile. Quae enim res erat provinciae publica, quam non sic perspectam, ut suam quisque rem privatam, quamque non curae haberet cordique, bene consulens semper Regi et populo? De re autem, ut publica, ita literaria quam egregie fuerit meritis, si vellem exponere, argumenti nihil, temporis vero multum mihi desisset. Verbo ut dicam, quod arbitror me dicere verissimo, tanta fuit omnium de huius viri virtutibus opinio, ut eius memoriam diu conservatura, magnisque cumulare laudibus non defutura sit grata posteritas. Tali tamque excellenti viro dignus successor ut brevi in academicae utilitatem a Rege augustissimo designetur, opto.

Reliquum est, ut Regem, quocum, ante hos duodecim annos, in patriam reverso etiam reversa est patriae salus, academiarum incolumitas et literarum rite colendarum, quae cesserat, libertas, piis animi sensibus votisque prosequamur.

Gaudio nobis est et laetitiae, optimi Regis valetudini restitutam esse sanitatem pristinam, cui in singulos dies et annos plus firmitatis et roboris addat Deus! Laetamur inagropere salvam esse domum Regiam universam, iamque praecelsi Bel-

garum principis **FREDERICI** nuptiis haud ita pridem cum regia Bornsorum
 Rirperarolius iunctam atque hęc modò amplificatam. Salvum servet Deus Re-
 gem cum tota familia regia, illique vitam, concedat longævam, omnibus feli-
 com numeris, fructuosam patriæ ac admiis literisque. **Literis** quantopere faveat Rex, quantus sit earum adiutor et auctor, testes
 integri vos estis, iuvenes præstantissimi qui hic sedetis, vestris rebus optime
 actis præficientes. An non Regis augustissimi liberalitas vos allexit ad litera-
 rium certamen, quo nobilior est nullum, decertandum? An non eadem libera-
 litas regia animos vestros ita inflammavit, ut pro suis quisque viribus in cursu
 properaretis ad metam. Iam metam attigistis. Quam laudabiles in studio cur-
 sores vos præfiteritis, ut aadiat volumina hæc, literatorum hominum
 conicio!

Praelegas, quæso, vir clarissime! huiusmodi hoc anno exacto senatui academico a
 ferretis fuisti, singula singulorum ordinem, quas huc spectant, iudicia.

Victores igitur proclamantur

LUDOVICUS PETRUS SURINGAR;

FELIX MINGUET;

GULIELMUS FRANCISCUS DE MEU;

GOSVINUS AKKER STRATINGH;

IANUS IACOBUS DE GELDER;

IANUS SONIUS SWAAGMAN.

**Am ut palmam ferre possitis, iuvenes lectissimi! abcedatis huc obsecro, et
 accipiatis præmia, vestris digna laboribus, totidem regi in vos favoris pigno-
 re gloriosa.**

**Conversum iam sunt in vos, iuvenes laureati, hominum oculi et animi. Tacito
 sensu et consensu vestram laudant diligentiam omnes. Nomen vestrum, ornant**

et illustrant. Quae promittitis praestantiora expectant ad patriae decus et literarum incrementum. Hoc, hoc est, quod excitet vos et stimulet, ut animose et naviter viam progrediamini, quam optimis ingressi estis omnibus. Succurrat Deus vobis vestrisque conatibus!

Vobis vero, qui in certamine literario victoribus proximi fuistis, Adolescentes egregii,

HENRICE REIGER!

et

IANE BOSMAN TRESLING!

vobis etiam honores, quos assecuti estis, ex animo gratulor; quemadmodum eiusmodi gratularer honores, si hic praesentes adstarent, GERHARDO SCHIMMELPENNINCK et IANO VAN DEN OEVER. Laudanda vestra est voluntas, summopere laudanda industria vestra, cuius tam luculenta exhibuistis specimina, admodum probata vestris magistris. Iam vos, iuvenes diligentissimi! mementote certamen esse plurium, uni autem tribui posse praemium. Certavisse tamen non obfuit vobis. Profuit hoc ad vestrae doctrinae fructum. Igitur vobis non sufficiat utcumque rem agere vestram, sed lente festinandum, ut perfruamini aliquando immortalibus eruditionis muneribus, quae sedulitatem sequuntur et laborem. Huc alliciant, huc moveant et stimulent vestrorum parentum et avorum exempla, ad imitandum egregia! Frequenter haec vobis ob oculos versentur. Proinde ad summa contendendum est, quam maxime poteritis, ut vincatis deinceps!

Novi instant cursus, nova manent praemia optime responsuros ad novas quaestiones, quas iam promulgandas ut audiatis vos, etiam vos omnes, qui hic adestis, rogo.



Restat, ut brevi pererem. Immortales ego laudes gratesque perfolvo venerandus Deo optimo maximo, cuius auxilium, hoc anno, mihi efficax adeo fuit, ut civitatis nostrae literariae regimen laete ponere possem. Quod cum pono, iussu et auctoritate Regis augustissimi, novum Academiae *Rectorem* publice proclamo GABINUM DE WAL, virum clarissimum, collegam mihi coniunctissimum!

Salve, Rector Magnifice! iterumque salve! Floreat, te Rectore, docentium
et discipulorum nobilitate illustris Mulsarum haec gratisima sedes, Academia
Groningana! Quod ut eventui reddere ratum velit Deus, enixe precor.

A N N O T A T I O N E S.



P. 8; fuerit dignissimus. Fuit *Altingiana* gens perantiqua nominisque in urbe *Groninga* et vicinis *Drenthiae* ac *Geldriae* regionibus praeciari. Certo enim constat, *MENSONEM* *ALTINGIUM* anno 1360 fuisse *REINOLD* tertio, *Geldriae* duci, a consiliis, belli vero, quod tum exarserat, causa anno proxime sequente 1361 in *Drenthiam*, ceu asylum, sibi apertum, concessisse. Huius eiusdem pronepos; *MENSO*, anno 1523, a parte Ordinum *Drenthiae* *CAROLO*, item *Geldriae* duci, obfides datus est. Ex filio huius, *RUDOLPHO*, praetore in pago *Drenthiae*, *Eelde*, et postea *Groninganae* civitatis magistratui adfessore, (*gezworen*) editus est, matre *EMICA* *SCHIERBEEK*, nepos, *MENSO* tertius, *IACOBI* nostri avus, summo vir ingenio, qui inter Christianos, quos vocant, reformatos, *Emdae* Frisiorum, per annos XXXVIII religionis fuit doctor, ibidemque coetui ecclesiastico moderando perditu praefectus. Quenam hominis huius celeberrimi fata, quantaque in Christianam societatem, seculo decimo sexto, instaurandam fuerint merita, refert historicorum ille Frisiae princeps, *UBBO* *EMMIUS*, in libro, qui inscribitur *MENSONIS* *ALTINGII* *vita*. Huius *MENSONIS* patrus, *ROBERTUS* *ALTINGIUS*, literis excultus, per annos XLV reipublicae *Groninganae* summa fide a secretis fuit, et unum reliquit filium, *IOACHIMUM*, inter primos *Groningae*, ab Hispanorum ingo in pristinam libertatem vindicatae, consulem designatum, et Academiae, cui condendae omnem impenderat operam, saepius Curatorem. *MENSONIS*, quem postremo diximus, fuit filius, e matre *MARIA* *BISCHOFF*, a *Vucht*, *HENRICUS* *ALTINGIUS*, claritatis fama illustris Theologus, primum *Heidelbergensis*, dein *Groninganus*, de cuius laudibus legantur *Effigies et vitae Professorum Academiae Groningae et Omlandiae*; p. 88—101. Pater hic fuit *IACOBO* nostro *ALTINGIO*, mater vero *SUSANNA* *BELIER*. Natus est *IACOBUS* *Heidelbergae*, anni 1618 die 27 m. Sept. absente tum patre, utpote ad synodum *Dordracenam* delegato et profecto. *HENRICUS*, anno 1626, ad *Academiam Groninganam* in locum *HERMANNI* *RAVENBERGERI*, qui primus in ea fuerat professor theologus, honorifice vocatus, sedem illuc et familiam cum transtulisset, mox filio dedit

praeceptores, de studiis liberalibus bene meritos, quibus hic suam industriam et in discendo celeritatem probaret egregie. Anno iam 1631 in album relatus civium academicorum, puer adhuc philosophiae et philologiae, in primis hebraeae, studia rite coluit, omnique liberalioris doctrinae apparatu abunde instructus tandem ad theologiam, cui ipse, aequae ac pater plurimum venerandus, sibi dilectissimus, se destinaverat totum, accessit, tantosque in ea fecit progressus, ut orbi literario haud minimum admirationis moveret et stuporis. A patre indulgente exteras etiam regiones et academias visendi veniam cum impetrasset filius optimus, Angliam, omnium eo tempore doctrinarum mercatorem, lucri facienda desiderio petiit. Gratus ibi fuit omnibus, praesertim *Oxonii*. More ritumque illic recepto primum diaconus constitutus est, tum presbyter. Interea usus clarissimorum fuit virorum EDUARDI POCOCKII, IACOBI USSERII, WOTTONI, ROBERTI et aliorum familiaritate quotidiana et consuetudine. Captus suavi horum convictu terraeque ipsius bonitate sedem illic figere perpetuam cogitabat. Verum Deo O. M. aliter visum fuit.

FRANCISCO GOMARO, V. C. fatis functo, ad hebraeae et affinium linguarum professionem, communi Ordinum Groningae et Omlandiae suffragio, cum erat electus IACOBUS ALTINGIUS, ex Anglia sub finem a. 1642 reversus in patriam, et proxime sequentis a. die 13 m. Januarii more solenni inauguratus est. Eodem illo die SAMUEL MARESIUS eidem GOMARO in theologiae professione datus successor munus suum rite suscepit. Anno demum 1666, MATTHIAS PASOR, theologus Groninganus, cum extinctus erat, statim MARESIUS pariter cum ABDIA WIDMARIO, theologiae etiam professore, novum collegam sibi IACOBUM ALTINGIUM in facultate sua desiderans, ut hunc finem attingeret, ne quis forte alius obtruderetur minus gratus, supplicem, quem vocant, libellum, mense Iulio eiusdem anni, exhibuit amplissimis Academiae Curatoribus. Neque consultum hoc et actum optato caruit eventum. Etenim ex decreto, in Ordinum Groningae et Omlandiae comitiis, anni subsequenti pridie Nonarum Aprilis, facto, tabulae vocationis, MARESII manu conscriptae, atque ab amplissimis Curatoribus obsignatae ad 6 Kal. Maii, bido post oblatae ALTINGIO fuerunt, qui tum inde novum munus suum solenniter auspicatus est. Abhinc utriusque professionis officia eadem, qua antea, dexteritate, ad finem usque vitae exsecutus est. Diem obiit supremum vir praestans et eximius 20 m. Aug. a. 1679, tres filios relinquens ex matrimonio, quod iuxerat cum BARBARA WALRICH, filia IOHANNIS WALRICH, I. U. doctoris, et Frisiorum civitati *Worcumanae* a secretis, nempe IOHANNEM CHRISTIANUM, Med. Doctorem, GERHARDUM, operum iuri literisque humanioribus sedulo impendentem, et HENRICUM, qui sagatae militiae se addixerat; quorum vero progenies, quantum nobis constiterit, nulla superest amplius.

Secutus sum in his BALTHASAREM BEKKERUM, qui IACOBI ALTINGII, optimi per plures annos praeceptoris sui, memoriam, singulari scripto, ple celebravit. Praemisum hoc est *Operibus I. ALTINGII*, mox memorandis. Verba tamen, quae mutanda erant, mutavi, et quae omittenda omisi. Conf. *Effigies et vitae Prof. Acad. Gron. e Oml.* p. 161—163, etiam *Das Gelehrte Ost Friesland*; auctore ENNONE IOHANNES HENRICO TIADEN; p. 338, 339.

Pag. 10; anteponamus? Magni huius viri scripta in lucem edita sunt coniunctim *Amstelredami*, a. 1687 curante B. BEKKERO. Titulus est IACOBI ALTINGII, *dum vixit*, S. S. Theologiae et linguarum orientalium professoris, verbiq. divini ministri in Academia Groningana et Omlandica, Opera omnia, theologica, analytica, exegetica, practica, problematica et philologica, in somos quinque tributa.

Pag. 12; *universitas*. Sub qua notione primorum hominum prima eaque innocens et incorrupta conditio, habita ratione Dei, sit concipienda? utrum, nempe, sub alicuius quasi pactionis notione, an vero obsequii naturalis? quæsiiverunt nimio opere theologi, præsertim nostrates, sæculo decimo octavo, in utramque partem hac de re acriter disputantes. Veteres, qui ante instaurata sacra docuerunt, theologi primos homines, etiam tum animi vitæque integros, sibi repræsentarunt tamquam Deo subditos, proinde in conditione obsequii naturalis, quasi similes liberis, qui iuxta legem naturæ obedientiam suo præstent parenti. Fuerunt tamen præsertim inter theologos, quos vocant, scholasticos nonnulli, qui ut sibi ita aliis persuaderent, Deum cum primis hominibus de eadem illa obedientia quoddam pepigisse foedus, quo et horum posteri continerentur. Hinc evenit, ut, sacris iam instauratis, sæculo decimo et septimo, vetus docendi ratio scholastica postquam in Belgicas academias tarde et quasi verecunde irrepisset, mox longe plures, quam antea, existerint theologi, qui, cum in litibus et dissidiis intestinis otium suum consumere didicerant, per hoc redditi a simplici doctrina alieniores, obedientiae Deo præstandae obstrictos fuisse homines primos contenderent sola vi foederis, quod cum illis sanxisset Deus. *Foedus* iidem dixerunt *operum*, eo quod primi parentes obedientiae *operibus*, si hæc fuissent perfecta, in conditione felicissima conservari potuissent et conservati fuissent, infelices vero facti sint, una cum posteris; cum nequaquam obediverint. Eo fuit progressa sensim dicam an festinanter? hæc doctrina, ut tandem theologi reformati illam omnes amplecterentur, tum qui COCCÆII castra sequebantur, tum qui ab hoc ceteroquin in multis diverse sententiæ GYSBERTI VORTII erant partium. Nostra vero ætate universam hanc doctrinam non biblicam esse, sed a scholis, unde non pauca istiusmodi profluxere, derivatam, meliora edocti uno omnes consensu et voce agnoscere palam non verentur. Hoc sacrarum literarum interpretandarum studiis debemus, quæ, MARESIORENKENTE, commendavit ALTINGIUS, auctorem sequens CHRISTUM, cunctis sapientiorum auctoribus et magistris.

Pag. 13; *expoſceret piacula*. Legi meretur I. ALTINGII *Vita*, auctore BALTHASARE BEKKERO; Universam vero rei historiam ipsius ALTINGII verbis, ex Epistola depromtis, quæ scripta fuit ANTONIO PERIZONIO die 9 m. Feb. a. 1669, referre liber. Reperitur hæc *Epistola* in I. ALTINGII *Opp.* V, p. 370. Ipsius ALTINGII verba sunt. „De rebus meis quod scribam plus est, quam chartæ committere ausum; longæ est iniuriæ, longæ ambages, ipsa rerum summa vestigia sequi nimis longum foret. Placuit meo collegæ me adoriri publice, atque in collegiis, lectionibus, disputationibus, sparsis articulis, ceu hæreticorum maximum traducere; misis insuper circumquaque literis et thesibus ceu in me scriptis totò orbe reformato me infamem reddere. Scopus illi fuit non solum a me avertere studiosos, quos a suo unius ore pendere vult, sed ne qui unquam ad me converterentur, me ipsa statione delicere, professionibus et ministerio exuere, imo si potuisset urbe et provincia ipsaque adeo vita eicere, iam circumcursitandò procures utriusque partis occuparet, ut privatis eorum sententiis prædamnatus essem. Sed D. D. Curatores evocatos ambos audire Gallum (MARESIUM) accusantem, me defendentem; et hæc prima actio pleororque eorum in aliam flexit opinionem; qui tamen dicta utrinque consignari et sibi offerri voluerunt. Ille XXXI articulos obtulit, ex suo placito conceptos, quibus singulis subnexuit iudicium suum, quo me Pelagianismi, Socinianismi, Papismi cet. reum peregit. Ego respondi, et quam longe ab istis erroribus, quin etiam ab istis, quas mihi affungebat, sententiis abessem, ostendi.” Inter arti-

culos, quos affigere tamquam errores gravissimos ALTINGIO non erubuit MARESIUS, praecipui fuerunt hi. „Nullum foedus, quod naturae vel operum vel legale dicatur, intercessisse ADAMO cum Deo!” Respondit ALTINGIUS: „Foedus naturale, id est lex impressa naturae forma foederis, nusquam dicitur in scriptura; nec habet requisita pactionis mutuae, quae in foedere, nec solennem sanctionem et confirmationem. Nam quod ex Gen. II: 9, 16, 17 adducitur non sufficit.” — „ADAMUM absolute loquendo non fuisse seductum, sed EVAM.” Respondit ALTINGIUS, ad verba provocans PAULI apostoli, 1 Tim. II: 14; „ADAMUS non fuit seductus, sed mulier seducta in transgressionem fuit;” et addens, „cur fraudi sit ita locum esse?” — „Nullas passiones CHRISTI fuisse satisfactorias pro nobis praeter eas, quas per triduum obscuracionis solaris sustinuit, dum esset in cruce et antequam expiraret.” Respondit ALTINGIUS; „si quis huic (articulo) mecum ad stipulari vereatur, non tamen a quoquam aequi aut sani iudicii theologo tam gravis heterodoxias aut haereseos crimen mihi impingendum arbitror, ut hinc omnia firmamenta doctrinae Catholicae de satisfactione CHRISTI contra Socinianos evertere, et nostrorum tela, quae ex armario scripturae contra eos depromuntur, hebetare ac infringere, denique cum illis syncretizare ac bonam causam iis prodere dicar.” — „Nullius plane auctoritatis esse annotationes Belgicas ad Sacra Biblia, licet ex auctoritate publica tam politica D. D. Ordinum Generalium, quam ecclesiastica Synodi Nationalis sint confirmatae, et per Revisores ex singulis provinciis solemniter approbatae.” Respondit ALTINGIUS; „Annotationes vel referunt, quae diversorum auctorum circa ea loca sit sententia, vel monent, quomodo sensus sit accipiendus, ne in formulas communis consensus incurrat. Adeoque nec eadem auctoritas publica seu politica annotationibus translatorum, licet eorum labor a Revisoribus fuerit utrumque approbatus, quae versioni est accommodata; ut vel ex lectione praefixi Diplomatis cuiusvis constare possit.” Obvia sunt haec et, quae minoris sunt momenti, cetera porismata, a MARESIO in iudicium relata, cum ALTINGII responsis in huius Opp. V: p. 471—482. Sic concludit ALTINGIUS; „Non equidem prohibeo, quo minus traditis, systematibus et quibusvis institutionibus, per locos communes, studiosi quantur, dum una adiungant vel aliis liberum relinquant τὸ ἐρευνᾶν τὰς γράφας, secundum illud CHRISTI, scrutamini scripturas, quae solae, iuxta Apostolum, nos possunt sapientes reddere ad salutem.” Uberiori interpretatione scripturas non indigere; interpretes quippe Bibliorum Belgas fuisse ὁρῶντες, profitebatur MARESIUS. Vid. ALTINGII Opp. V. p. 384.

Ad rei historiam ut revertamur, pergit in eadem PERIZONIO scripta Epistola ALTINGIUS. „Curatores scriptis illis potius theologorum Leydensium iudicium explorarunt; a quibus, quale refert, responsum venit.” Laudanda sanequam haec erat Academiae Curatorum cura et sollicitudo, qua in tanta sententiarum diversitate paria facere vellent omnia. Responsum vero Leydense quale fuerit, nobis aliunde constat. Vid. Vita ALTINGII, auctore BEKKERO, p. 4. Leydenfes, nimirum, theologi ALTINGIUM ab omni haereseos suspicione vindicarunt, commendandam vero voluerunt ei prudentiam; neque sine causa; sciebant quocum collega illi erat commercium. In MARESIO enim parum modestiae, multum contra intolerantiae et acerbitalis cum comperissent, utrumque hoc vituperarunt, caritatem illi commendandam suadentes. Iudicium hoc Leydense est insertum COCCII Opp. T. VIII. p. 142. „Quamobrem” sic pergit ALTINGIUS, „ex Curatorum placito comitia decreverunt, MARESIUM in meo responso debere acquiescere, neque me ulla haeresi gravare, Curatores autem discernere ea, quae ad concordiam facerent, etiam in futurum.” Quid tum MARESIUS? Vehemen-

ter commoto aestuans animo, infima summis miscenda mox moliebatur. „Gallus” nimirum „ille mille artifex” referente ALTINGIO, id operam dedit, ut in Consistorio audiretur narrator criminatio-
 „num suarum, atque ut illud statueret causae cognitionem a se suscipiendam, et definitivam a se vel a
 „synodo pronuntiandam esse; hac spe fretus utrobique per *discipulos* suos, ex suo arbitrio omnia actu-
 „ros, se de mea innocentia triumphaturum. Ego vero opinor, Ordines non passuros, quod a se decusum
 „est, ut ab Ecclesiasticis denique cognoscatur et decidatur, atque ut post Facultatis iudicium ad pas-
 „tores res devolvatur, maxime cum observent, facile illos ipsos Conventus in partes scissum iri,
 „quomodo incendium istud in manus glisceret, quod sopitum volunt.” Neque haec fefellit opinio
 ALTINGIUM. Lege cautum fuit ab Ordinibus G. et O. ne rixando digladiandoque in dubium vo-
 cicaretur Facultatis Leydenensis in iudicando sinceritas. „Hinc relecta e Bibliopolitis auctoritate publica
 „et sufflaminata exemplaria libelli Marellani, quem *Audi et alteram partem* inscripserat.” Ita BEKKER-
 RUS I. I.

Interea dum haec agebantur, suadet ALTINGIO COCCZEIUS, ad d. 8 m. Martii a. 1669, ut
 animo stet firmiter, sed prudenter, significans simul, quid ipse sit acturus, his verbis, animadversione
 dignis. „Amice honorande! Quod scribis D. MARESIUM fateri, id praesagebat animus et inter
 „collegas dixi, eum omnem suam iram effusurum in nos et me praecipue. Verumtamen non est,
 „quod propterea terreamur vel tu vel ego. Gratior tibi patientiam et suadeo ut sis pernix. Si
 „ille pergat saevire in me, Deus ipsi respondebit et veritas. Vale et retine *την ἐπιμονήν*, et nullo
 „verbo irrita adversarium. Vel convertetur, vel confundetur. Vale iterum, ad d. 8 Mart. 1669.”
 Post autem aliquanto MARESIUS, in lucem edito scripto virulento, convictorum pleno adortus est
 COCCZEIUM, cui suavori et auctori *Iudicium* illud *Leydensē* tribuendum putaret, eo vehementius mo-
 vens lacertos, quo durius sibi esset sui nominis pati ruina. Siluit tamen COCCZEIUS citra vitae
 taedium, quod non invideret MARESIUS. Neque causa erat, cur huic ille daret responsa, Proscrip-
 tione enim puniendum etiam hunc MARESIUM libellum mox statuerunt Groningae et Omlandiae Ordines,
 rei et ecclesiae publicae bene consulentes. Conf. VRIEMORTII *Ath. Fris.* p. 311. Quantum
 dein molestiarum non COCCZEIO tantum, sed praesertim ALTINGIO omnibusque, qui huius et il-
 lius partibus erant addicti, theologis et religionis doctoribus, insidiose domi forisque facesciverit
 MARESIUS, per quadriennium, quod vivere amplius ipsi fuit concessum, hic enarrare non est ne-
 cesse, neque me iuvat. Ad ALTINGIUM quod attinet, legatur in primis huius *Epistola*, BEKKER-
 RO missa a. 1673, in ipsius *Opp.* V. p. 424 et seqq.

Pag. 14; palam se fuerit professus. Quae in Frisia BEKKERUS, dum ecclesiastes erat
 Franequerae, pertulit, mala sibi illata cum primis IOHANNIS WUBBERNAE, ibidem professoris
 philosophiae, impulsu, refert ipse in libro, *De Friessche godgeleerdheid*, p. 367—566; et praesertim *No-
 dig voorberigt*. „Erat hic WUBBERNA,” teste VRIEMORTIO, *Ath. Fris.* p. 490 et 491, „vir,
 „etiam Academiae Franequeranae molestissimus, qui, variorum licet criminum nomine dudum notus
 „aut suspectus, favorem tamen et patrocinia concillare sibi apud ipsos Procures callide sciverit.”

Pag. 14; ALTINGIANI honoris memoria. Legatur, quem conscripsit ipse cum ALEXAN-
 DRO COMRIE, ecclesiaste apud reformatos in pago *Woubrugge*, NICOLAUS HOLTJUS, eodem
 munere fungens apud reformatos, in pago *Koudekerk*, libellus, anno 1753 et seqq. in lucem ed. cui
 est titulus *Enamen van het ontwerp van Toleraantie, om de leer in de Dordrechtse synode anno 1619*

vastgesteld met de veroordeelde leer der remonstranten te vereenigen, voorgesteld in eenige zamenkomsten. In universo hoc libro eristico sanctioris disciplinae colendae tradendaeque rationem, quae medio saeculo decimo et octavo omnibus erectioris ingenii theologis erat recepta, acriter dum impugnabat NICOLAUS ille HOLTIVS, eam in Belgarum academias invecram fuisse asseruit a IACOBO ALTINGIO, quem espropter gravissimi erroris crimine notare non fuit veritus. SAMUELEM contra MARESIUM nullis non laudibus extulit perinde quasi huic inter *ὀρθόδοξους* statos aetatis suae par nullus fuisset; III. p. 29—38. Ceterum hanc docendi rationem eamque habitam sibi praeposteram et detestabilem ab ALTINGII discipulis, BEKKERO praesertim et ROELLIO, asseruit idem, commendatam fuisse maximo quam plurimae opere; p. 48, 49. Denique hanc docendi rationem fuisse asseruit eandem, quae a viris clarissimis VITRINGA, patre filioque, VENEMA, HONERTIO, aliisque pervulgata fuerit ad omnes, quibus non veritas cordi esset, sed rerum novitas, qua magis perniciosum veritati dici nihil fingique posse videretur. Quorum quidem omnium partes cum maxime tuerentur IANUS ALBERTIVS et IANUS IACOBUS SCHULTENSIVS, in eodem libro his HOLTIVS haereseos notam inurere ausus est, hunc *Pantaneochoment*, illum *Euruedil* nomine signans, utroque tunc temporis admodum inviso. Quod cum aequo animo ferre SCHULTENSIVS non posset, surrexit tandem, ut se HOLTIO strenue opponeret. Igitur suam suorumque et ALTINGII disciplinam viriliter defendit, atque in hac contentione palmam reportavit gloriosam. Eddidit SCHULTENSIVS, anno 1755, *Epistolam* N. HOLTIO scriptam, omnino gravem rerumque plenam dignissimarum, quae proderentur memoriae sub titulo, *Omstandige brief aan den Heere NIKOLAAS HOLTIVS, Predikant te Koudekerk.*

Pag. 16 et 17; *Amstelaeladamenfis.* Vitam cum morte commutarunt iuvenes hi praestantissimi, L. BROCADES, d. 9 m. Nov. a. 1824, L. W. VOS, d. 2 m. Dec. a. 1824, TH. E. STROINCK, d. 16 m. Ian. a. 1825, I. C. W. STROINCK die 21 m. Ian. a. 1825; I. KRAMER d. 28 m. Iunii a. 1825, C. V. D. BREUGEN PAAUW; d. 15 m. Aug. a. 1825.

Pag. 19; *communes cum plurimis.* Gratam acceptamque fore lectoribus credam brevem vitae, quam vixit vir hic eximius, delineationem, ante hos fere duodecim annos cum munus suum oratione inaugurali esset auspicaturus, exhibitam ab HERMANNO MUNTINGHIO, V. C. Academiae tunc Rectore magnifico, in programme publico.

„Natus est IACOBUS ALBERTUS VILKENSIVS, die 1 m. Maii a. 1772 in pago, vix horae „spatio ab urbe nostra (*Groningen*) remoto, *Wierum* appellato, ubi parentes eius, CHRISTOPHORUS VILKENS et WILDINA STENHUIS, natalium honestate aequae ac industriae animique et morum integritate valde aestimabiles, solertem agriculturae operam navabant. Patris autem cura haud diu „frui licuit nostro; utpote quem mors ei, quinque annorum puerulo, eripuit. Patre mortuo, mater mox „cum filiolo, tum soli eius curae commisso, Groningam habitatum concessit, at etiam illam ab eo, undecim „annos nato, acerbum mortis fatum abstulit. Neque tamen sic illum, utroque licet orbatum parente, defecit paterna Dei providentia; utpote quae, parentum loco, ei procuravit tutores, qui, cum emicantes bonae mentis pupilli sui animadverterent scintillas, eum literarum studiis imbuedum curarunt. „Posito itaque magna cum laude scholasticae in hac urbe institutionis circulo, civium Academiae „Groninganae catalogo insertus est, anno 1789. In hac bonae mentis officina ad omnem eruditionem „liberalissime instructus, doctoribus usus est, in Graecarum Latinarumque literarum studio, clarissimo „IOHANNES RUARDI, in Historia clarissimo IACOBO DE RHÖER, in Mathesi, Physica et Astro-

„nomis clarissimo IACOBO BAART DE LA FAILLE, in literis Orientalibus clarissimo NICOLAO
 „GULIELMO SCHROEDER, in Logica et Metaphysica clarissimo GULIELMO VAN DER
 „VOORT. His studiis bene praeparatus in Theologiam Christianam sedulo incubuit, ducibus in eius
 „studio usus viris clarissimis PAULO CHEVALLIER, GERHARDO KUYPER; et THEODORO
 „LUBBERS; cui studio pro eo, quo semper flagavit, perscrutandae rerum naturae ardore, adiun-
 „xit Chemiam, ductu et institutione usus clarissimi PETRI DRIESSENII, itidemque, duce claris-
 „simo WYNOLDO MUNNICKS, Botanicam, Osteologiam, Anatomiam et artem Obstetriciam.

„Hanc studiorum academicorum UILENSII nostri diversitatem qui vel fugitivo percurrit oculo,
 „facile animadvertet, eum excelluisse iam in ipsa iuventute cum diligentia indefessa, tum mira facilita-
 „te et amplitudine ingenii, quod curta doctrinae, *πρὸς ἀλφειά* sufficientis, supellecile minime con-
 „tentum, multarum insuper artium, humanitatem exornantium ac perficientium artium scientiarum-
 „que divitiis largissime se locupletaret.

„Summo itaque iure, qui multis aliis iam tunc antecellebat, invenis a Sepatu Academico Gronin-
 „gano amplissimo, voluntatis suae interprete uso cl. DE LA FAILLE dignissimus census est,
 „quem *Artium Liberalium Magistrum et Philosophiae doctorem* renunciaret, quem honoris gradum
 „obtinuit anno 1795 edita ac publice defensa *Disertatione de atmosphaera eiusque, quam exserit in*
 „*vegetabilia, actione*. Eodem porro anno in Classe ecclesiastica Groningana cum eximia profectuum,
 „in Academia factorum, laude, post institutum examen, Candidatorum sacri ministerii catalogo inser-
 „tus, mox sequente anno 1796 in pago LELLENS, ac porro ab anno 1798 ad annum usque
 1815, „in pago *Eenrum* Evangelii praekonem egit talem, qui conceditum sibi gregem non oris tan-
 „tum dulci eloquio verum et pulchro virtutis exemplo doceret.

„Omne autem, quod ipsi ex iis negotiis, quae ad munus ecclesiasticum propius spectarent, resta-
 „bat, tempus eo maxime impendit, ut et ipse acquisitum eruditionis apparatus novis identidem locuple-
 „taret accessionibus, et illum, quoad fieri posset, ad communis utilitatis salubritatem adhiberet; quare
 „non tantum cum rusticis, quantas capere possent, et quantas ipse iis utiles iudicaret, noticias, ad
 „rerum naturam pertinentes, docendo continue communicare, in magnam eorum utilitatem, allabora-
 „vit, verum etiam haud paucis librorum elaborationibus, eximiam dulcissimaeque facundiae flore con-
 „vestitam eruditionem, ac summe laudabilem quaecumque ingenio ac diligentia assecutus esset ad bo-
 „num commune convertendi conatum luculentissime prodentibus, famam suam amplificavit.”

Igiturne mirandum est, Regem augustissimum, Belgicarum academiarum instaurandarum curam et
 operam cum suscepisset, magnam UILENSII peritiam, quae ad omnium pervenerat aures, ma-
 xima dignam mercede censuisse, eumque ad Oeconomiae, quae dicitur, Ruralis professionem, a
 se institutam in academia nostra, rite obeundam elegisse et evocasse? Etenim ad hanc istam pro-
 fessionem et doctor et magis expertus a Rege augustissimo evocari poterat nullus. Mox una
 omnes voce consilium Regis laudant, a quo qui occulte disenserit, eum rapi se passum invidia
 fuisse putemus. Rem certe rusticam probe cognitam si quis in disciplinam academicam esset redacturus,
 eandemque e cathedra aliis traditurus, unus ex omnibus ad hoc quasi natus erat UILENSIUS, ut-
 pote et agriculturae apertissime gnarus et doctrinarum divitiis vere abundans. Quidquid in Oeconomia
 rurali, ad elementa quod attinet, ars requireret, id acceperat, adhuc puerulus, a GERHARDO
 REINDERSIO, rurali oeconomo, *Bellugerverae* vitam degente, praestantissimo sui temporis omnium;
 IENNERO Belgarum ante IENNERUM, quo gloriatur Angli. Maiores in dies et annos faciens

Ceterum quae edidit scripta, referente eodem MÜNTINGHO V. C. in progr. laud. sunt haec.

„Korte, op ondervinding rustende, Thermometer-beschrijving.

„Natuurkundig schoolboek. Opere hoc praestantissimo," quod intra unius hebdomadis spatium tanta animi alacritate confecerat, quantam in se ipse mirari nunquam desuit, auctor, „anno 1797 praemium „reportavit summum, a Societate, quae ab *utilitate communis* nomen habet, ei destinatum, qui optime „hoc argumentum pertractaturus esset.

„Korte schets der natuurkennis; anno 1799.

„Redevoeringen over de volmaaktheden van den Schepper; Eerste deel; anno 1801. Huius operis „quatuor volumina edita sunt.

„Kort natuurkundig schoolboek; anno 1804.

„Beschrijving van de merkwaardigste voortbrengselen der natuur, met aanwijzing van derzelver „nut, bijzonder voor den mensch. Een volks-leesboek; anno 1805. Opus hoc eadem iam comme- „morata societas praemio, quod optime hoc argumentum exposituro promiserat, in duplum aucto, di- „gnum censuit.

„Schoolboek over de Natuurlijke historie; opusculum, in usum scholarum inferiorum, hortante ac „probante eadem societate, concinnatum; anno 1807.

„Over de voorvaderen omstreum 'het onweder; opusculum, hortante ac probante eadem societate, edi- „tum anno 1808.

„Technologisch handboek; Pars I. anno 1809. Utilissimi huius libri, itidem eiusdem Societatis hortatu „conscripti, Pars secunda prodit anno 1813.

„Schoolboekje over de Technologie; anno 1810.

„De Catechismus der Natuur van I. P. MARTINET verkort en nagezien; anno 1812.

„Merkwaardige natuurverschijnselen; Eerste stuk; Dierlijk Magnetismus; anno 1814.

„Tertium VILKENSIO nostro a saepius laudata societate praemium, addito decem aureorum mune- „re, oblatum est anno 1815, cum ex eiusdem iudicio optimum dedisset responsum ad propositam *de uti- „litate insectorum* questionem.

„Ceterum, praeter varias minoris molis commentationes, hic illic in diariis publicis reperiundas, inde „ab anno 1801, ad usum communem quotannis usque ad a. 1815. edidit *maenologium*, quod, „cum in eo utile dulci miscere soleret, appellare voluit *Almanak tot nut en vergenoeging*."

Quibus omnibus notae optimae scriptis in lucem editis, evenire non aliter potuit, quin, quae inde elucebat, tam praeclara magis viri eruditio commoveret quam plurimas doctissimorum hominum socie- tates, ut istum sodalium suorum infererent catalogo. Diversis namque temporibus collega adscriptus fuit Societati scientiarum, cum Medloburgensi, tum Harlemensi. Deinde societatis, naturae perseru- tandae et Chemiae tractandae operam navantis, Groninganae electus fuit sodalis, meritorum ergo, ho- noratus. Tum vero societati Harlemensi oeconomicae et Instituto scientiarum Belgico ad commercia epistolica cum iis agenda adiunctus fuit. Idem societas, quae agrorum maiori et fructuosiori indu- stria colendorum curam gerit, Amstelaedamensis eum inter sodales recepit. Tandem et iis, qui in pro- vincia Groningana cum agriculturae, tum et rei scholasticae curandae admodi sunt, additus fuit so- cius.

Academici doctoris munere etiam si fungeretur strenue, operam tamen impendere conscribendis varii argumenti libris non destitit. Libri, quos tum etiam conscripsit ediditque, sunt hi.

Oratio, patris sermone habita in choro templi academici, inauguralis *over den invloed der landhuis-houdkunde op het bestaan en de welvaart der maatschappij.*

Drie voorlezingen over natuur en zedekundige onderwerpen.

Handboek van vaderlandsche huishoudkunde.

Almanak tot nut en vergenoeging. Continuum fuit opusculum hoc idem, quod iam memoravimus, ab anno inde 1815 usque ad a. 1825.

Eerste beginselen der natuurkunde tot nut en vergenoeging van het dagelyksche leven., in leeslesjes voor de vaderlandsche jeugd.

Technologisch leerboekje, in lessen voor schoolgebruik.

Technologisch Handboek.

De Catechismus der natuur van I. F. MARTINET verkort; Tweede verbeterde en vermeerderde uitgave.

Kleine Catechismus der natuur voor kinderen, nagezien en verbeterd.

Ex his scriptis quo magis cresceret eruditionis, quam sibi auctor comparaverat, fama, eo maior meritis illius habitus fuit honor apud omnes, quibus in ea iustum debitumque constituere pretium non erat difficile. Qui Instituto scientiarum Belgico adscripti sunt VILKENSII sibi socium elegerunt; Regis augustissimi auctoritate non refragante, sed approbante. Plures praeterea accessere honores. Adscriptus fuit noster et societati Groninganae, *Pro excol. iure patris*, et societati Batavae, quae est *Roterodami*, et societati artium scientiarumque Traiectinae.

Ad orationem denique memoratam quod attinet, quam sermone vernaculo, in auditorio societatis, naturae et chemiae perferendae operam navantis, Groninganae, omni in dicendo suavitatem habuit S. STRATINGH, E. F. Vir clarissimus, die 28 Sept. a 1825; lecta haec est dignissima, utpote qua VILKENSII merita summis illisque debitis elata sunt laudibus, eorumque memoria pie celebrata est. In lucem prodit haec cum titulo; *Redevoering ter plegtige nagedachtenis van wijlen den hoogleeraar L. A. VILKENS, lid van verduien en bestuurder van het natuur en scheikundig genootschap te Groningen.*

Pag. 19; grata posteritas. Natus est MATTHIAS SALVERDA, homo sapiens et gravis et integer, *Franequerae*, die 9 m. Octob. a. 1769; patrem habuit IACOBUM SALVERDA, antiqua virum fide et probitate, per annos complures ibidem civitatis senatorem (*raad in de vreeschap*) consulatu etiam aliisque honoribus conspicuum, matrem vero ELIZABETHAM SMIT, matronam ex honorata gente ortam, MATTHIAE SMIT, inter patricios agri *Bilant* haud ignobilis, filiam, eximilis donibus virtutibusque ornatam, antea nuptam GEORGIO HIDDEMA, Iuris utriusque doctori, apud supremam Frisiorum curiam advocato, et pensionarii Leovardiensis munere fungenti, quem in aetatis flore peremptum morte luctuosa amisit, nulla subole edita, die 17 m. Nov. a 1765. Noster autem MATTHIAS curriculum industriae suae in addiscendis doctrinarum elementis cum esset emensus *Franequerae*, moderante scholas HENRICO WAARDENBURG, viro liberaliter erudito magnisque claro in rem literariam meritis, ibidem in albo civium academicorum nomen professus fuit anno 1783 usque in literis latinis et graecis, in philosophicis et mathematicis, institutione virorum clarissimorum EVERWINI WÄSSENERGH, THEODORI VAN KOOTEN, IOHANNIS HENRICI VAN SWINDEN et NICOLAI YPEIJ, avunculorum sui. Anno dein 1786 cum ad iurisprudentiam se satis strenue accinxisset noster, ecce mox horrida, ut alibi, in patria nostra, ita in Frisia, praesertim

vero *Franequæ* publicarum rerum immutandarum tempestas existit. Hinc et, quæ iam per plures annos omni fuerat fructa quiete, academia Frisiorum, magnis commovebatur docentium discendum-que disensionibus, discordiis, seditionibus. Quatuor numero profesores, in suo quisque genere de academia egregie meriti, SAMUEL HENRICUS MANGERUS, GADSO COOPMANS, IANUS VALCKENARIUS et THEODORUS VAN KOOTEN, ingenti contentione sibi oborta cum Frisiorum ordinum de publicis rebus etiam dissentientium parte maiori, turbidi maris fluctibus huc et illuc propulsi, animo tandem abalienato, se abdicarunt munere, die 15 m. *Maii* anni 1787. Siluerunt mox Musæ et conticuere literæ omnes. Uberior huius rei enarratio scripta est a G. DE WAL V. C. in Opere eximio, *de claris Frisiae iureconsultis*, p. 352—355. VALCKENARIUM, quo imprimis praeceptore in iurisprudentia usus fuerat noster, etiam sequebatur in politicis, et eiusdem etiam tempestatis procellis tentatus, mense Septemb. a. 1787, Ordinum et Principis Arausionensis auctoritate restituta, aliorum conferre se coactus fuit. Igitur tranquilliorum Musarum sedem quaerens Groningam appulit, ubi d. 15 m. Nov. a. 1788, in album academicorum civium relatus, omni voluntate nisque in iurisprudentiae studia tam felici successu incubuit, ut post defensam *Disertationem inauguralem de iure postliminii antiquo et hodierno*, die 16 m. Ianuarii, a. 1790, crearetur Iuris utriusque Doctor, promotore IOHANNE CANNEGIETERO, quem ducem pariter atque LUDOVICUM CONRADUM SCHROEDERUM in hoc studiorum genere fuerat secutus. Iuris vero peritum civem se Groningani cum commendasset, causarum patronus in foro Groning. anno 1795, Fisco civitatis Gron. procurando fuit praefectus, tum vero Omlandorum Syndicus, inde ab anno 1796; denique anno 1798, qui Ordinibus provinciae atque ex horum collegio delegatis Academiae curatoribus ab actis esset et tabulis, dignus fuit habitus. Quo munere sibi oblato quanta dexteritate et vigilantia functus fuerit, per rerum publicarum tempora admodum disparia, iam meliora, iam deteriora, tandem serena et optata, ad vitae finem usque, qui incidit in diem 15 m. *Maii* an. 1825, in Oratione diximus.

Coniugem duxit, die 26 m. Octobr. anni 1790, sibi dilectissimam ANNAM SWANIDAM MARIAM BACHIENE, patre editam ZENONE BACHIENE, viro plurimum venerando et doctissimo, per multos annos in reformatorum societate christiana religionis doctore Groningano, et matre MARIA COOPSEN. Ex hac coniuge, quæ diem obiit supremam 19 m. Decemb. an. 1823, nostro ex duodecim liberis superstites fuerunt septem, quatuor filiae, filii tres, IACOBUS, subcenturio inter copias pedestres, ordine primus, (*eerste luitenant*) ZENO, Iuris utriusque doctor, et MATTHIAS, literarum studiis diligenter navans operam.

LUDOVICI PETRI SURINGAR,
THEOLOGIAE IN ACADEMIA LEIDENSI STUDIOSI,
C O M M E N T A T I O,
QUA
RESPONDETUR AD QUAESTIONEM,
A NOBILISSIMO THEOLOGORUM ORDINE
I N
ACADEMIA GRONINGANA
PROPOSITAM:
QUAENAM FUERINT SAECULIS POST C. N. TRIBUS
PRIORIBUS CHRISTIANORUM DE S. BAPTISMO SEN-
TENTIAE, ADDUCTIS SCRIPTORUM EIUS AEVI TES-
TIMONIIS, EXPONATUR.
QUAE PRAEMIUM REPORTAVIT
d. XIII Mensis Octobr. MDCCCXXV.

COMMENTATIO THEOLOGICA

EXHIBENS

CHRISTIANORUM E TRIBUS POST C. N.
PRIORIBUS SAECULIS SENTENTIAS

DE

S. BAPTISMO.

Beneficiis a Iesu Christo in genus humanum collatis, quae immensa sunt omnique praeconio maiora, accensendum omnino est illud, quod ab optimo Servatore instituti, omnibusque, qui Religionem Christianam profiterentur, praescripti sint duo ritus sacri: Baptismus et Sacra Coena.

Haec enim est horum rituum e Christi praecepto pie celebrandorum indoles, hoc consilium, haec efficacitas, ut quam maxime faciant ad bona illa et beneficia, quae per Iesum Christum in hac vita nobis contingunt, et quae post hanc vitam firmissima fiducia expectamus, rectius intelligenda, eorum memoriam pie recolendam, alendum verae virtutis studium, nosque salutis illius, quam generi humano attulit et cultoribus suis pollicitus est Servator, participes reddendos.

Quae cum ita sint, de horum rituum indole et consilio, de recta eos celebrandi ratione et salutaribus eorum effectibus cognoscendis, omnino nos sollicitos esse oportet, et quemadmodum in persequenda doctrina aliqua magnopere nos adiuvat eius historia et variarum, quas diversis temporibus experta est, mutationum cognitio, ex ipsis, quantum fieri potest, fontibus petenda; ita quoque doctrina Christiana de utroque illo, quem memoravimus, ritu rectius intelli-

gitur, si duce historia inquirantur diversae, in quas Doctores abierunt, sententiae, et variae, quae sensum sensimque exortae sunt, opiniones.

Quod attinet ad priorem horum rituum, qui in sacro N. F. codice, solenni τοῦ Βαπτίσματος voce designatur, antiquissimis quidem rei Christianae temporibus, a simplici Iesu et Apostolorum doctrina non tam longe recesserunt Ecclesiae doctores, quam quidem postea. Aucta nimirum, post saeculum a Chr. N. tertium, disputandi de rebus ad Religionem pertinentibus subtilitate, magis neglecto S. Literarum studio, et crescente superstitione, plura simplici huic ritui addita sunt, quae prior aetas ignoraverat; atque ab eo inde tempore multis placuerunt opiniones, quae a vera huius instituti ratione et consilio recedebant. Harum vero opinionum perversarum, longius sensum latiusque sparsarum, origo repetenda esse videtur e sententiis, quas nonnulli ante Concilium Nicaeae, saec. IV. habitum, professi sunt, adeoque maxima utilitas capi posse censenda est, e diligenti scriptorum veterum, qui in prima historiae Societatis Christianae periodo fuerunt, perscrutatione, qua cognoscatur, quid illi hac de causa senserint atque docuerint.

Est quidem labor hic gravis, viresque iuvenis parum exercitati excedens, sed utilis tamen et iucundus. Itaque liceat mihi periculum facere solvendae quaestionis a Vn e rando Theologorum ordine iuvenibus, qui in certamine literario suas vires experiri velint, propositae, non quod novi quidpiam hac in causa a me adferri aut posse aut debere existimem; sed quod investigandis, colligendis atque inter se conferendis iis Patrum Ecclesiasticorum locis, quae de Sacro hoc ritu agunt, aliquem utilitatis fructum, ex horum veteris aevi monumentorum lectione capiam et ingenium ad eorum cognitionem exerceam. Quaestio autem proposita haec est: *Quaenam fuerint saeculis post C. N. tribus prioribus Christianorum de S. Baptismo sententiae, adductis scriptorum eius aevi testimoniis, exponatur?*

Vos autem Viri Clarissimi! pro insigni vestra humanitate faciles fitis in iudicando, et reputetis, quaeso, animo vestro, ab adolescente propter ipsam aetatem iuvenilem parum exercitato, expectari non posse accuratam omnibusque partibus absolutam disquisitionem eorum, quae ad argumentum propositum pertinent. Utique vero conatus mei ceciderint, et licet publico huius certaminis praemio ornatur alius, spero tamen fore, ut vobis Viri Clarissimi! diligentiam ac voluntatem probare vestramque mihi conciliare possim benevolentiam.

Ut qualiscumque haec ad quaestionem propositam commentatio iusto ordine procedat, et ne forte omittam aliquid, quod ad exponendas Christianorum antiquissimorum de S. Baptismo sententias pertinet, *prima* Sectione paucis indicabo, quid de S. Baptismo docuerint Iesus et Apostoli. Sectione *altera* nonnulla monebo de fontibus has priorum Christianorum sententias cognoscendi. Sectione *tertia* indicabo rationem, quam in Baptismate administrando secuti sunt veteres Christiani. *Quarta* denique Sectione exponam eorumdem sententias de Baptismatis ab omnibus suscipiendi necessitate, consilio ac vi salutari, eodemque, si rite fit adhibitus, non repetendo.

C A P U T P R I M U M.

Baptismi Institutio, et Iesu Apostolorumque de hoc ritu sacro doctrina.

§ 1.

In exponendis Veterum, qui tribus prioribus saeculis in Ecclesia Christiana fuerunt, Doctorum de Baptismo sententiis decet, ut enarrationis nostrae initium ducamus ab huius ritus origine et brevi expositione eorum, quae ipse Dominus noster Iesus eiusque legati de eo docuerunt. Hac enim ratione factum iri spero, ut ad id, quod huic libello proprium est, argumentum paratior accedam, et cognita ante S. Codicis doctrina, in ea inquiram, quae scriptores illius aevi, quod inde ab Apostolorum interitu ad Concilii Nicaeni tempora elapsum est, hac de causa tradiderunt.

§ 2.

Ab antiquis inde temporibus apud plerosque populos, maxime Orientales, invaluit mos, ut qui peculiari Dei cultui consecrandi essent, pura aqua abluerentur, quo ritu designaretur puritas illa mentis ac morum, qua ornatum esse oporteret illum, qui Deum rite coleret (a). Antiquissimum huius rei ex-

(a) Sacros lustrationis ritus apud varias gentes in usu fuisse docuit praeter alios *Wissus* Misc. S. T. II. Exerc. XIII. § 17. Exerc. XIV. § 31. Exerc. XX. § 10, 11. et in Aegyptiacis L. II. C. XVI. § 7—13. Vid. *Kuinoel* in Comment. ad Matth. III. 6. et quos laudavit *Wegscheider*, In-
stit. Theol. Dogmat. P. III. C. 4. § 168 nota (a).

emplum reperitur Genes. XXXV, 2, ubi Iacobus patriarcha, vero Deo aram exstructurus, domesticis praecepit, ut corporis lotionem indicarent, se ab idolorum cultu, quo contaminati essent, recedere. Multae dein lotiones sacrae in legibus Mosaicis Levit. XIII, XIV, XV hunc in finem leguntur institutae, ut, qui impuritatem aliquam contraxissent, idonei redderentur ad ingrediendum atrium sanctum cum reliquo Israëlitarum coetu, atque hac ratione designaretur puritas illa mentis, qua in Deo rite colendo opus esset (b).

§ 3.

A sacris illis lotionibus diversum esse solennem illum immersionis atque ablationis ritum, qui Baptismus dicitur et semel peractus numquam postea repetitur, ipsum docet eius consilium et modus universus. Huius ritus vestigia reperiri in Baptismo Profelytorum, quo Iudaei Ethnicos, qui relicto Idolorum cultu religionem amplecterentur Mosaicam, solenni ablutione inaugurarent atque in coetum suum reciperent, multi existimant; alii vero negant Baptismum Profelytorum ante templi Hierosolymitani destructionem apud Iudaeos in usu fuisse (c). E sacris quidem V. T. libris et auctoribus rerum Iudaicarum, Philone ac Iosepho constat, gentilibus ad sacra Iudaica per solam circumcissionem patuisse aditum, neque eiusmodi Baptismus Profelytorum vel in antiquis illis monumentis, vel in libris V. T. Apocryphis memoratur. Non improbabilis tamen est opinio, cum Profelytorum inauguratione genus quoddam lustrationis iam olim in usu fuisse, et certum est, Iudaeis tempore Christi per-

(b) Conf. *Seller* Theol. Dogmat. P. II. C. VII. Sect. II. p. 346. Ed. tertiae Erlang. 1789. *Münchinger* Pars Theol. Christ. Theor. L. I. P. 2. C. VI. Sect. 2. § 320, idem V. Cl. Geschied. der Menschheid naar den Bijbel T. IX, p. 209. Aanm. p. 14—16.

(c) Magnus est numerus scriptorum, qui hac de quaestione in utramque partem disputarunt. Ex his nonnullos laudavit *de Wette*, *Lehrbuch der Hebräisch-Jüdischen Archäologie*, Leipz. 1814. S. 204. quibus addantur *Beckii* *Comm. Hist. decr. Relig. Christ.* Lips. 1801. p. 671. sq. *Knapp* *scripta* varii argum. T. I. p. 178, 214. Edit. primae, *Eisenlohr* *Historische Bemerk. ueber die Taufe*, Tübing 1804. S. 5. sqq. *Ziegler*, *Theologische Abhandl.* T. II. N°. 3. Gött. 1804. *E. G. Bengel*, *ueber das Alter der Jüdischen Profelytentaufe*, Tübing. 1814. qui argumentis gravissimis demonstrare conatus est, Baptismum Profelytorum, iam ante Christi tempora usitatum, post civitatis Iudaicae excidium demum tanquam initiationis ritum solennem publice sancitum fuisse. Conf. *Wegscheider* l. c.

suum fuisse, ad Mesiae regnum, ad quod gentiles quoque vocandi essent, aditum fore per Baptismum, adeoque, pervulgatâ de Ioannis Baptismo famâ, innumerabilis Iudaeorum multitudo effusa legitur, et milleni undique ad eum confluxerunt, qui peccata confessi, immersione in aquam et ablutione, ad novam vitam, pietatis ac sanctitatis plenam, se obstringerent, ut haud indignos se praestarent beneficiis a Mesia, brevi adventuro, expectandis.

Hanc ob causam ritus ille, quem suscipiebant, dicitur βαπτισμα εἰς μετένοινον vel μετένοιας εἰς ἄφεσιν ἁμαρτιῶν cf. Matth. III, 5. sqq. Marc. I, 4. sqq. Luc. III, 3. sq. Ioan. I, 25, 26. Act. XIX, 4. Ioannem illud iussu divino fecisse apparet, tum ex ipsius testimonio Ioan. I, 33. tum ex dictis Servatoris Matth. XXI, 25—27, 52. Luc. VII, 29, 30. Ioan. III, 5. qui et ipse ad Ioannem venit seque illi, eodem modo, quo reliqui baptizabantur Iudaei, flumini immergendum praebuit, ut hac ratione et Baptismatis Ioannei usum suo exemplo comprobaret, simulque arctius iungeretur cum iis, qui ad regnum Mesiae inchoandamque in eo vitam vere novam initiarentur (d).

§ 4.

Ut ergo Ioannes suo Baptismo Iudaeos Mesiae mox venturo obstrinxit Matth. III, 11. Act. XIV, 4. ita Iesus quoque in ipsis muneris sui primordiis, vivo adhuc Ioanne et libero, nonnullos hoc ritu in suam familiam recepit et discipulis suis dedit mandatum, ut nuntiarent instare regnum Mesiae, et eius nomine baptizarent Iudaeos, qui illius disciplinae se traderent Ioan. III, 22—26, IV. 1, 2. (e). Et tunc temporis quidem pari consilio atque omine et Ioannes et Christus auctoritate divina baptizavisse videntur. At vero postquam Iesus morte sua salutare illud redemptionis nostrae opus perfecerat, atque redierat in vitam mox abiturus in coelum, diserte instituit Baptisma eum in finem, ut omnes et singuli homines, ex omnibus sine discrimine gentibus in coetum Christianum recipiendi, hoc ritu initiarentur Matth. XXVIII, 19. ubi Servator hoc discipulis suis dedit mandatum: Προσπεύτε βαπτίζειν πάντα τὰ ἔθνη

(d) Vid. Wislusz Miscell. S. T. II. Exerc. XV. § 63, 65. Ven. D. Bax Diss. de Ioanne Baptista Lugd. Bat. 1821. p. 13. sq.

(e) Cf. Knapp, l. c. p. 215 et interpretes ad haec loca. Hoc Baptisma ad solos Iudaeos pertinuisse apparet ex Matth. X, 5, 6, 7. Luc. X, 9. Coll. Marc. VI, 12.

βαπτίζοντες αὐτοὺς εἰς τὸ ὄνομα τοῦ πατρὸς, καὶ τοῦ υἱοῦ, καὶ τοῦ ἁγίου πνεύματος, arctissime hic iunguntur *μαθητεύειν* et *βαπτίζειν*, atque indicatur eos, qui discipuli Iesu fieri vellent, Baptismatis ritu esse initiandos: *μαθητεύειν* igitur hic non est *edocere*, sed *discipulos facere*, adducere ad coetum Christianorum, ut adeo idem sit ac *μαθητὲς ποιεῖν* Ioan. IV, 1. Similiter adhibetur Act. XIV, 21. Matth. XIII, 52, et in hoc contextu diserte distinguitur a *διδάσκων*, quod mox sequitur comm. 20. *διδάσκοντες αὐτοὺς* (f). Itaque continetur hoc vocabulo mandatum de universis gentibus (*πάντα τὰ ἔθνη*) in suam disciplinam recipiendis, quod in duabus maxime cerneretur partibus, tum baptizando comm. 19, tum vero etiam docendo comm. 20. Debent ergo, qui Christiani fiunt, ex Christi praecepto *βαπτίζεσθαι*, immergi in aquam; quae propria est vocis significatio, translata ad omnis generis ablutiones et inprimis ad ritum illum sacrum, qui *βάπτισμα* dicitur, et in quo antiquissimis temporibus haec obtinuit ratio, ut homines fere toti in aquam immergerentur. Ita Ioannes in flumen immergit omnes, qui ad eum venirent, Matth. III, 6, 16. Ioannes III, 23: ita quoque Apostoli hunc ritum administrarunt, Act. VIII, 36. sqq. XVI, 13—15. et ad hanc consuetudinem manifesto respicit Paulus Rom. VI, 4. Col. II, 12, in ista immersione, imaginem mortis ac sepulturae Christi esse docens, hinc et veteris hominis enecandi, novique excitandi necessitatem derivans.

Ita baptizari praecepit Christus *εἰς τὸ ὄνομα τοῦ πατρὸς, καὶ τοῦ υἱοῦ, καὶ τοῦ ἁγίου πνεύματος*: quae verba non continent formulam solennem, quam in administrando Baptismo recitandam iusserit Servator, neque enim hic additur, vel *οὕτως*, ut Matth. VI, 9., vel *λέγετε*, quemadmodum Luc. XI, 2. vel alia quaedam vox tale quid indicans; sed *εἰς τὸ ὄνομα* arcte ophaeret cum *βαπτίζοντες*, et indicat summam doctrinae Christianae de Deo, Patre, Filio et Spiritu sancto, cui probandae, profitendae et sequendae obstringuntur omnes, qui hoc ritu initiuntur. Hinc aliis in locis N. T. simpliciter legitur: *βαπτισθῆναι ἐν* vel *ἐπὶ τῷ ὀνόματι*, vel *εἰς τὸ ὄνομα Ἰησοῦ Χριστοῦ* Act. II, 58. VIII, 16. X, 48. XIX, 5. vel *εἰς Χριστὸν Ἰησοῦν*, Rom. XI, 5. quae nihil videntur differre in significatione, quoniam de eadem re posita invicem permutantur (g).

(f) Vid. *Michaëlis Verklaring der Geschied. van de Begraevenis en Opstanding van Christus* Amst. 1784. bladz. 304—319. Cl. *Heringa* Disertatio de Formula Baptismi, praef. Cl. *Abresch*, Groningae 1785 p. 8. sqq.

(g) Cf. *Kutnoel* ad Matth. XXVIII, 19. *Morus* in Comment. ad Epitomen Theol. Christ. T. II. p. 496. sq. Cl. *Heringa* l. c. p. 16.

§ 5.

Itaque finem et confilium Baptismatis ipse indicavit Servator, et inest in Baptismo novae susceptae Religionis declaratio ac promissio eorum, qui illum suscipiunt, omnia se esse credituros et facturos, quae Christus docuerit, vid. Matth. XXVIII. 20. et Marc. XVI, 15. Esse autem in Baptismo non fidei solum declarationem, sed et impuritatis nostrae confessionem, et significari illâ corporis lotionem animi purificationem a vitiorum sordibus et peccatorum veniam a Dei misericordia impetrandam, apparet ex aliis vocabulis, quae in N. T. de Baptismo adhibentur: dicuntur Christiani *καθαρίζεσθαι τῷ λουτρῷ τοῦ ὕδατος*, Eph. V, 26. dicitur Baptismus *ἀπολούειν τὰς ἁμαρτίας*, Act. XXII, 16. τὸ σῶμα dicitur *λούεσθαι ὕδατι καθαρῷ*; Hebr. X, 22. vocatur Baptismus *καθάρσιμος τῶν πάλαι ἁμαρτημάτων*, lustratio a peccatis vitae pristinae, II Petr. I, 9. *λούτρον παλιγγενεσίας*, lavacrum novae vitae nos inaugurans, Tit. III, 5. et *συνειδήσεως ἀγαθῆς ἐπερώτημα εἰς θεόν*, mentis recti consciae promissio Deo facta, I Petr. III, 21. Praeterea dicuntur quotquot Baptismo suscepto Christianam doctrinam profiteantur, aretissimo cum Christo vinculo esse conjuncti, Gal. III, 27. *ὅσοι εἰς Χριστὸν ἐβαπτισθῆτε, Χριστὸν ἐνεδύσασθε*. Idem dicuntur *βαπτίζεσθαι εἰς ἓν σῶμα* I Cor. XII, 13. ad id baptizati esse, ut profiteantur se esse unum corpus. Christus nimirum voluit, ut solennis Baptismatis ritus signum esset visibile ac testifera professionis fidei in ipsum, qua omnes et singuli in unum quasi corpus coalescerent et ad officia amoris erga se invicem obstringerentur, Eph. IV, 3—6. Ita communi hoc vinculo adstringuntur omnes Christiani et obligantur ad obedientiam legibus divinis et Christi praeceptis praestandam, eamque animi ac morum puritatem sectandam, quae Deo propter Christum nobis benigne grata possit esse et accepta.

§ 6.

Hinc intelligitur, quae in N. T. libris tribuatur vis non soli huic ritui per se, sed quatenus conjunctus sit cum assensu Doctrinae Christianae praestito (*πίστει*) et animi conditione mutata (*μετανοία*) Act. II, 38. qui sacris Christianis initiati sincera mente Doctrinam Iesu profitebantur et vitae emendationi studebant, his peccatorum antea commissorum venia significabatur, cuius quoddam

quasi pignus et symbolum erat Baptismus, hinc βαπτισμα εἰς ἄφεσιν ἁμαρτιῶν dictus Act. II, 38. Conf. Marc. XVI, 16. Ioan. III: 6. Eph. V, 26, 27. Tit. III, 5. Animi vero motus illi singulares, quibus vel ante vel statim post Baptismum nonnulli immediata Spiritus sancti operatione affecti faisse leguntur Act. II, 38. VIII, 15. sq. X, 44. sqq. XI, 15. XV, 8. XIX, 6. primis tantum rei Christianae temporibus locum habuerunt.

§ 7.

Ceterum Christum Baptismatis ritum instituentem non prima tantum spectasse tempora, quibus et Iudaei et Gentiles ad sacra Christiana hoc ritu inaugurarentur; sed in perpetuum Societatis Christianae usum destinasse hunc ritum, et voluisse, ut ab omnibus, qui huic societati adscriberentur, reciperetur, non diserte quidem legitur, sed recte concluditur ex ipso Iesu mandato, quo non praefinitum est tempus, ad quod usque ritus hic valeret. Vis etiam Baptismi cum interna tum externa etiamnum locum habet, et ad omnium temporum Christianos pertinent tum officia, ab omnibus, qui initiantur, praestanda, tum beneficia, quae hoc ritu significantur, et universe dicitur Marc. XVI, 16. qui crediderit et baptizatus fuerit, salutem consequetur, ὁ πιστεύσας καὶ βαπτισθεὶς σωθήσεται (h).

§ 8.

Pro scriptionis consilio haec quidem sufficere videntur de instituto a Iesu Baptismate atque de Ipsius et Apostolorum huius ritus sacri doctrina in Libris Dogmaticis, quos laudavi, aliisque, quibus uti mihi licuit, uberius explicata.

(h) Vid. *Eisenlohr* l. c. p. 85. imprimis Cl. *van Hengel*, Verhandeling ten betooge, dat de doop en het Avondmaal naar het oogmerk van Jesus instelling door alle tijden dezer wereld moeten voortduren. Nieuwe verhand. van het Haagsch Genootf. voor 1811. *I. F. Zimmermann* Comment. de Baptismi origine eiusque usu hodierno Gott. 1816. *I. G. Reiche* Disf. de Baptismi origine et necessitate nec non de formula Baptismi Gott. 1816. et alii laudati in *Breitschneiders* Handbuch der Dogmatik B. II. p. 667. ed. 2. Lips. 1822.

Progredior ad sententias, quae inter Christianos trium priorum post C. N. saeculorum de hoc ritu fuerunt, hoc ordiné explicandas, ut

I. Paucis indicem rationem, quam in Baptismate administrando secuti sint Christiani antiqui; Tum

II. Paulo uberius exponam eas de hoc ritu sententias, quae ista aetate plerisque placuerunt, et in Patrum Ecclesiasticorum, qui dicuntur, scriptis reperiuntur.

CAPUT SECUNDUM.

*De Fontibus cognoscendi Christianorum saeculis post
C. N. tribus prioribus de S. Baptismo sententias.*

§ 1.

Quoniam ex quaestionis a Venerando Theologorum ordine propositae consilio Veterum Christianorum saeculis post C. N. tribus prioribus de S. Baptismo sententiae ita debent exponi, ut ipsa adducantur scriptorum huius aevi testimonia, haud abs re fore iudico, ut, antequam ad has sententias exponendas progrediar, paucis indicem, quinam ex ea aetate scriptores, et quanam eorundem scripta, hic ex mea quidem sententia in censum veniant.

§ 2.

Primo loco hic memorandi sunt Scriptores illi antiqui, qui Patres Apostolici dici solent, quoniam Apostolorum aetatem proxime attigerunt atque ex horum disciplina prodisse videntur. Illi quidem in scriptis suis illud non egerunt, ut accuratam doctrinae de Baptismo expositionem nobis scriptam relinquerent; sed ita huius ritus mentionem fecerunt, ut dicas fore in transitu eos et aliud veluti agentes graviora attigisse Christianae doctrinae placita. Verum enim vero, divina moderante Providentia, hoc ita egerunt, ut non modo hominum sua aetate viventium commodis prospicerent, sed vero et nostris inserviant, quoniam ex antiquissimis his veteris Ecclesiae monumentis nonnulla peti possunt, quae nos ducant ad intelligendas Veterum Christianorum de hoc ritu sententias.

Quam ob rem, misisse iis, apud quos nullam inveni Baptismatis mentionem, paucis indicare liceat, quinam sint scriptores illi antiqui, ex quorum testimo-

niis Veterum Christianorum de Baptismo sententiae sint cognoscendae. Ex his primum sibi vindicat locum

CLEMENS ROMANUS, qui Romanae Ecclesiae praefuit, eiusque nomine scripsit Epistolam ad Corinthiorum Ecclesiam intestinis litibus laceratam. Hanc epistolam, quae antiquis Christianis admodum cara fuit, cuiusque mentionem honorificam fecerunt Irenaeus, Eusebius, Hieronymus, esse authenticam, licet forte hic illic interpolatam, iudicarunt viri docti, et probabilis est sententia, eam ad finem saeculi I circa annum XCVI, esse scriptam (a). Quae eiusdem Clementis nomine circumfertur altera ad Corinthios Epistola a veteribus iam in suppositionis suspicionem vocata fuit (b). Falso quoque eidem Clementi tributa fuit collectio Constitutionum Apostolicarum, libris octo, quae dicuntur *Διατάξεις τῶν ἁγίων Ἀποστόλων διὰ Κλημέντος τοῦ Ῥωμαίων Ἐπίσκοπου τε καὶ πολίτου*, quae saeculo II, a variis diverso tempore confectae et saeculo III exeunte, vel ineunte IV, editae esse videntur (c). Idem dicendum de *Canonibus Apostolorum LXXXVI*, additis libro VIII *Constitutionum*, qui, ut ex indiciis internis, atque e Veterum eos excitandi ratione apparet, videntur confecti esse saeculo II exeunte, vel ineunte III (d). Haec monumenta igitur sunt spuria quidem, sed quoniam formam, disciplinam ac ritus antiquae Ecclesiae satis fideliter depingunt, omnino facere posse videntur ad illustrandas veterum Christianorum de Baptismo sententias. Denique sub Clementis nomine exstant *Recognitiones Libris X latine ex versione Rufini, et Homiliae XIX. S. Clementina, et Epitome Actorum et peregrinationum S. Petri* (e).

BARNABAE, cuius prima mentio est Act. IV, 36. et qui inter Pauli Apo-

(a) Exstat haec Clementis Epistola in Patrum Apostolicorum editione Cotelerii ex recensione Clerici Amst. 1724. Vol. I. p. 145. sqq. Conf. de ea Eusebius H. E. L. III. c. 4, 15, 16, 38. Hieron. Cat. Script. Eccles. c. 15. Mosheim. Comment. de rebus Christ. ante Const. M. pag. 156 sq. Cotta-Wefkl. Hist. des N. T. D. I. bl. 575 sqq. Lange Ausführl. Gesch. der Dogmen Th. I. S. 67 sqq. Köster Bibliothek der Kirchenväter Th. I. S. 45, sq.

(b) Clem. Rom., Ep. II. in Patr. Apost. I. c. p. 185, sq. cf. Mosheim. I. c. pag. 157. Cotta I. c. p. 580 sqq. Lange II. p. 71 sq.

(c) Constit. Apost. in Patrum Apost. I. c. p. 201 sq. Cf. Buddet Isagog. in Theol. P. II. c. 5. p. 742 sq. Cotta D. II. p. 425. sqq.

(d) Canones Apost. in PP. Ap. I. c. p. 412. Cf. Codex Canonum illustratus a GuA. Beveregio in Patr. Apost. Tom. II. P. II. p. 1. sqq. Cotta I. c. p. 431. sqq.

(e) Recognitiones et Clementina exstant in Patr. Apost. T. I. pag. 493 sqq.

Itoli comites ac socios saepius memoratur Act. XIII sqq., tribuitur Epistola, quam Eusebius et Hieronymus iam spuriam vel dubiae saltem fidei esse iudicaverunt, et cuius argumentum allegoriis et fabulis plenum vix dignum videri possit, ut celebri illo Pauli comiti auctori tribuatur. Quamobrem haud improbabilis videtur sententia, Epistolam hanc saeculo II ineunte ab alio quodam Barnaba, homine pio sed exilis ingenii, scriptam esse, nisi quis malit statuere, ab ipso quidem Pauli comite Barnaba scriptam, sed pluribus in locis interpolatam esse hanc Epistolam (f).

HERMAS memoratur Rom. XVI, 14. ei que tribuitur liber *Pastor* dictus, cui magnum pretium statuerunt Irenaeus, Clemens Alexandrinus et Origenes. Latina tantum hodie exstat versio huius libri, qui *Pastor* dicitur, quoniam Angelus, Pastoris forma et habitu, primas in eo partes agit, et Hermam mandatis ac similitudinibus erudire fingitur. Alium quemdam *Hermam* Pii I Episcopi Romani fratrem saeculo II medio hunc librum scripsisse nonnulli volunt.

Auctor libri, quiaquis ille sit, bono consilio colloquia cum Deo et Angelis finxisse videtur, ut hac docendi ratione salutaria Religionis Christianae praecepta commendaret (g).

IGNATIUS Apostolorum discipulus, sacrorum antistes Antiochenus, septem reliquit epistolas, quas, cum iussu Traiani Romam abduceretur, in itinere scripsisse dicitur, de quibus utrum germanae sint, an spuriae, diu multumque disputatum est. — Plerique statuunt, eas Ignatio auctori esse tribuendas, sed hic illic a seriori manu interpolatas (h).

§ 5.

E scriptoribus Christianis, qui saeculo II et III floruerunt in Ecclesia Grae-

(f) *Barnabae* Epistola in Patr. Apost. T. I. p. 15. sqq. Conf. *Moshem.* l. c. p. 161. sq. *Cotta* l. c. D. I. p. 583. *Lange* l. I. p. 57. sq. *Rösler* l. I. p. 3. sqq.

(g) *Hermas Pastor* in Patr. Apost. Tom. I. p. 75 sqq. Conf. *Moshem.* l. c. p. 162. sqq. *Cotta* l. a. p. 603. sqq. *Lange* II. p. 75. sqq. *Rösler* l. c. p. 21. sqq.

(h) *Ignatii Epistolae* in Patr. Apost. T. II. P. I. p. 11. sqq. et ab aliis editae. Cf. *Moshem.* l. c. 195. sq. Duplex exstat earum recensio. Cf. *I. E. C. Schmidt*, in *Henke's Magazin* Vol. III. p. 91. sqq. et in *Handbuch der Kirchengesch.* T. I. § 47. p. 209. sqq. § 119. p. 443. sqq. *Cotta* l. c. p. 611. sqq. *Rösler* l. c. p. 67. sqq.

ca, primo loco hic in cēsum venit IUSTINUS MARTYR, qui duplicem scripsit *Apologiam* ad causam Christianorum vindicandam, alteram maiorem, alteram minorem, ex quibus multa, quae ad doctrinam et mores Christianorum ea aetate pertinent, cognoscuntur (i). Tribuitur eidem *Dialogus cum Tryphone Iudaso*. Non Iustinum, sed alium quemdam esse huius Dialogi auctorem nonnulli existimarunt, alii vero eius authenticam defenderunt (k). Reliqua, quae Iustino tribuuntur scripta, hic non in cēsum veniunt, *Quaestiones autem et Responiones ad orthodoxos*, quae eius nomine circumferuntur, serioris sunt aetatis.

Secundo loco hic memorandus est THEOPHILUS Episcopus Antiochenus, qui floruit ad annum CLXXXI scripsitque Libros III *περὶ τῆς τὰν Χριστιάνων πίστεως* ad Autolycum, quibus Religionem Christianam contra eius calumniatores defendit (l).

Sequitur CLEMENS ALEXANDRINUS, Pantaeni viri egregii discipulus, Catecheta et Presbyter Alexandriae, vir eruditus, e cuius scriptis hic imprimis usui esse possunt eius *Pædagogus*, in quo III Libris exponit Christi doctoris præstantiam et Christianorum officia: et eiusdem *Stromatum* Libri VII, quod opus varii est argumenti, eo tamen fine conscriptum, ut probaretur antiquorum philosophorum decreta, e fontibus Hebraeis petita, multa complecti, quae cum Religione Christiana consentiant, et vanam esse Gnosticorum, se reliquis sapientiores prædicantium, gloriationem (m). Nonnulla etiam, quae ad sententias veterum de Baptismo pertinent, leguntur in eiusdem Clementis *Homilia* sive libro: *quis dives salutem consequi possit* (n).

Ex ORIGENIS Presbyteri Alexandrini, qui labore indefesso multa scripsit, operibus, quibus de Grammatica et Critica Librorum S. optime meruit, et Re-

(i) *Iustini Philosophi et Martyris opera cum Athenagera, Theophilo Antiocheno, Tatiano, Hermia* Coloniae 1686. opera et studio Prudentii Marani Parisiis 1742. Cf. *Cotta*, l. c. P. II. p. 3. sqq. *Rösler* l. c. p. 101. sqq.

(k) Vid. *Münfcher* in Progr. an *Dialogus cum Tryphone Iustino Martyri recte adscribarur*, disquiratur. Marburgi 1799 et in *Handb. der Dogmengesch.* Th. I. S. 153. Cf. *Lange* *Gesch. der Dogmen*. S. 137. sqq.

(l) *Theophili* Libri III *ad Autolycum* additi sunt plerisque Iustini M. editionibus. Separatim illos edidit I. F. *Wolffius*. Hamb. 1724. Cf. *Rösler* l. c. T. I. p. 218. *Cotta* Vol. II. p. 95. sqq. *Münfcher* l. c. p. 155.

(m) Præstantissima Operum *Clementis Alex.* editio est, quam curavit Io. *Potterus* Oxon. 1715. repetita Venetiis 1757. II Vol. Cf. *Cotta* l. c. p. 53. sqq. *Rösler* Vol. II. p. 3. sqq. *Münfcher* l. c. p. 159.

(n) Librum hunc perpetuo Commentario illustravit Car. *Seagar* Trai. ad Rhen. 1816.

ligionis Christianae defensionem suscepit, non multa ad veterum de Baptismo sententias cognoscendas peti possunt; sed in eius Commentariis, quibus in schola Catechetica Alexandrina eum S. Scripturam publice interpretatum esse refert *Eusebius* (o) aliisque eius Libris nonnulla insunt, quae ad hanc rem pertinent, quamobrem et huius nonnulla adducentur testimonia, licet in universum iudicatu sit difficile, quatenus vera fuerit *Origenis* de quibusdam doctrinae Christianae capitibus sententia (p); eum enim varium fuisse et mutabilem, et quod hoc poneret loco, id eum aliis tollere atque evertere, docuerunt viri docti (q).

§ 4.

In Ecclesia Latina, maxime Africana, saeculo II et III, magna nominis celebritate floruit, QUINTUS SEPTIMIUS FLORENS TERTULLIANUS, Presbyter Carthaginienfis, vir eruditus, omnis antiquitatis peritus, et rerum sua aetate gestarum testis locupletissimus, ita ut ex eo doctrina et mores veterum Christianorum optime cognoscantur. Licet stilo usus sit ingrato et obscuro et sibi ipse linguam sinxerit duram, horridam, Latinisque inauditam (r), haec orationis vitia compensavit rerum expositarum ubertate; et in libris de Baptismo, de Oratione, de Corona Militis aliisque multa reperiuntur testimonia, e quibus Christianorum Veterum de Baptismo sententiae cognosci possunt (s).

Secutus est in eadem Ecclesia Carthaginienfi THASCIUS CIRCILIUS CYPRIANUS, Episcopus, propter pietatem et ardentissimum religionis tuendae ac propagandae studium laude dignissimus. Fuit perpetuus Tertulliani imitator et raro ab eo dissenfit. Ex eius Libris de Gratia Dei et de Unitate Ecclesiae, ex

(o) Vid. *Eusebius* H. E. Lib. VI. c. 19.

(p) *Origenis* opera omnia optime edidit IV Voll. *Carolus de la Rue*, Presbyter et Monachus Benedictinus e congreg. S. Mauri Paris 1733—1759, repetita cura *Oberthür* Würzburgi 1785. Tom. XII. Cf. *Cotta* l. c. p. 223. sqq. *Rösler* l. c. p. 76. sqq. *Müncher* l. c. p. 162 sqq.

(q) V. Gr. *Moshem*. l. c. p. 623. *Müncher* l. c. p. 168.

(r) Vid. *Ruhnkenii* in Praef. ad Schelleri Lexicon p. 2. de Tertulliani latinitate iudicium.

(s) *Tertulliani* opera edidit Nicolaus Rigaltius, Paris 1641. quam editionem repetiit et locupletavit Phil. Priorius 1675. Novam et indicibus instructam eius editionem curavit *Semlerus* 1770—1776. Voll. 6. Cf. de Tertulliano *Cotta* l. c. p. 108. sqq. *Rösler* l. c. Th. III. p. 32. sqq. *Müncher* l. c. p. 175. sqq.

eius Epistolis et ex Actis Concilii anno CCLVI Carthagine habiti, quae apud ipsum prostant, peti possunt testimonia pertinentia ad doctrinam de Baptismo, quam ista aetate profitebantur Christiani (t).

§ 5.

In Ecclesia Gallica saeculo II, floruit IRENAEUS, inde ab anno CLXIV Episcopus Lugdunensis, e Graecia videtur oriundus, et, quemadmodum ipse testatur, Polycarpum Smyrnensem habuit magistrum. Ex eius scriptis supersunt Libri V adversus Haereses Gnosticorum, Graece scripti, qui, licet in iis doctrinae de Baptismo rarior mentio sit, hic tamen verbo memorandi videbantur; Philosophiae Graecae videtur parum amicus fuisse, et scribendi ratione usus est simplici, ut apparet ex fragmentis textus Graeci, quae supersunt (u).

§ 6.

Fontibus, e quibus veterum Christianorum de Baptismo sententiae sint hauriendae, accensendus est EUSEBIUS PAMPHILI, Caesareae in Palaestina Episcopus, qui, licet saeculo IV maxime floruerit vixeritque ad annum CCCXL, eorum, quae inter Christianos ante suam aetatem gesta sunt, testis est locupletissimus, scripsitque historiam Christianam a primis eius initiis ad Constantinum Magnum. Summa diligentia ac fide e fontibus, quos adire poterat, hausit relationem eorum, quae ad cognoscendas veterum Christianorum sententias optime faciunt, e libris, epistolis, actis, scriptionibus publicis, quamobrem in plerisque de fide eius historica nullo modo est dubitandum (v). Denique et huc referendos esse cen-

(t) Cypriani opera post alios ediderunt Stephanus Baluzius ac Prud. Maranus Paris 1726. Fol. Ioh. Fellus cum Jo. Pearsons Annalibus Cyprianicis et Dodwelli Diss. Cyprianicis, Amstel, anno 1700. Cff. de eo Costa l. c. p. 180. sqq. Rösler p. 178. sqq. Müncher l. c. p. 178.

(u) Irenaei opera optime edidit Masfuetus Paris. 1710. Cff. Costa l. c. p. 30. sqq. Lange l. c. p. 286. sqq. Rösler l. c. Th. I. p. 262. sqq. Müncher l. c. p. 157.

(v) Eusebii Hist. Eccles. Lib. X. Graece et Latine edidit Henr. Valesius Paris. 1659. ornatus Guil. Reading Cantabr. 1720. Cff. Rösler l. c. T. IV. p. 1. sqq. I. Müller de fide Eusebii in rebus Christianis enarrandis, Hafniae 1813. I. T. L. Daus de Eusebio Caesar. eiusque fide historica recte aestimanda, Jenae 1815. C. A. Kestner de Eusebii H. E. conditoris auctoritate et fide diplomatica, Göttingae 1816.

seo ARNOBIUM et LACTANTIUM, qui licet maiorem vitae partem saeculo IV transegerint, scriptorum saeculi tertii exemplum secuti, non haereses quarto saeculo ortas, sed vanas gentium opiniones refutarunt, et praecipua Religionis Christianae capita defenderunt. Prior quidem id egit scriptis septem *adversus gentes* libris, posterior *divinarum institutionum* libris septem, uterque tamen felicius fuisse censetur in evertendis erroribus alienis, quam in explicanda doctrina divinitus patefacta (w).

§ 7.

Hi quidem sunt fontes, ex quibus ea, qua fieri poterat, diligentia Veterum Christianorum de Baptismo sententias colligere, et quae ad has pertinere videbantur, eo ordine disponere studui, quo qualiscumque haec Commentatio mihi videbatur elaboranda, qua quidem in re insignem mihi opem tulerunt scriptores recentiores, qui dogmata Christiana vel eorum historiam exposuerunt, quosque dein suo loco memorabo.

(w) *Arnobii Aphi adversus gentes Libri VIII*, Lugd. Bat. 1651. cura Ant. Thyft 4to. Novam editionem curavit Jo. Conr. Orellius, Lips. 1816. II. Vol. *Lactantii Institut. Divin. Libri VII*. Lugd. Bat. 1652. cura Thyft. De utroque videatur Rösler l. c. P. III. p. 308. sqq. p. 353. sqq.

CAPUT TERTIUM.

*Ratio, quam in Baptismo administrando secuti
sunt Christiani antiqui.*

§ 1.

*Veterum Christianorum sententiae de iis, qui Baptisma
rite possint conferre.*

Quemadmodum summus Religionis Christianae Doctor Iesus rarius ipse baptizavit, Io. IV, 2, ita quoque Apostoli videntur noluisse hanc novae Ecclesiae cives initiandi ritum sibi et ipsis proprium vindicare, sed eum doctoribus a se constitutis aliisque, qui tamquam legati, socii et ministri iis ad manus erant, peragendum mandavisse. Sic Petrus Act. X, 48. Cornelium cum familia non ipse baptizavit, sed iussit eos βαπτισθῆναι ἐν τῷ ὀνόματι τοῦ κυρίου, scilicet a doctore quodam Christianorum Ioppenfium. Et Paulus in coeta Corinthiaco paucos tantummodo ipse baptizavit, Crispum videlicet, Gaium et Stephani familiam, atque laetatus est non plures se solenni baptismatis ritu initiasse I Cor. I, 14—16 addens haec verba memoratu digna, C. 17. οὐ γὰρ ἀπέστειλέ με Χριστὸς βαπτίζειν, ἀλλ' εὐαγγελίζεσθαι, ex quibus intelligitur, munus Baptizandi cum munere doctoris non fuisse necessario nexu coniunctum. Cum paucissima eorum, quae Apostoli fecerunt, sacris Literis mandata sint, et multa, quae ad perpetuam Ecclesiae gubernationem pertinent, serius sint ordinata, dici vix posse videtur, quid primis temporibus fuerit constitutum de iis, quibus solis ius alios baptizandi competeret. In N. T. nulla hac de re ex-

stat lex, quae fieri id iubeat per Religionis doctores, neque ex Christi aut Apostolorum exemplo apparet, proprium hoc fuisse docentium munus (a).

Postquam autem coetus Christiani multis in locis ac regionibus fuerant collecti saeculo II, antistites Ecclesiae cuiusvis Baptismum, five ipsi administrarunt, five per Diaconos administrandum curarunt. *Iustinus Martyr* quidem in praeclara illa Baptismi descriptione (b), quam postea memorabimus, non expresse meminit, quis baptismum administraverit catechumenis, probabile tamen est, fuisse illum ipsum *πρεσβύτερα*, praesidem fratrum, quibus praesentibus ritus ille peragebatur. Et doctoribus hoc fuisse proprium testatur *Tertullianus* (c): „*Dandi Baptismi habet ius Summus Sacerdos, qui est Episcopus, dehinc Presbyteri et Diaconi, non tamen sine Episcopi auctoritate propter Ecclesiae honorem, quo salvo salva pax est.*” Iam ante *Tertullianum* hanc regulam commendavit *Ignatius* (d). „*Sine Episcopo nemo quidquam faciat eorum, quae ad Ecclesiam spectant. Non licet sine Episcopo neque baptizare, neque agapen celebrare.*” In *Constitutionibus Apostolicis* docetur, Baptismi administrationem pertinere ad munus Sacerdotale solisque doctoribus eam competere (e).

Laicos vero etiam, urgente necessitate, Baptismum administrare potuisse, docet *Tertullianus*, addens his, quae loco ante citato scripserat: *Alioquin etiam Laicis ius est.* Maiorem tamen passim videntur antiqui tribuisse valorem Baptismo, qui ab Episcopo, vel eius auctoritate a Presbytero aut Diacono fuerat administratus, quam qui a Laico esset peractus. *Cyprianus* certe et *Firmilianus*, eorumque collegae saeculo III, in litibus de valore Baptismi ab haereticis ministrati (controverfiam de virtute Baptismi haereticorum postea

(a) Cf. *Mori* Commentar. ad Epitomen. Theol. Christ. T. II. p. 537. fqq.

(b) *Apol.* I. § 79.

(c) De Baptismo. C. XVII.

(d) *Epist. ad Smyrnaeos* § VIII, in *Patr. Apost. Cotelieri et Clerici* T. II. p. 36, 37. *Μηδεις χωρις του Επισκοπου τι πρσσετω των ανηκοντων εις την εκκλησιαν. Ουκ εξον εστιν χωρις του Επισκοπου, ουτε βαπτίζειν, ουτε αγαπην ποιειν.*

(e) *Constit. Apost.* L. III. c. 9. *Patr. Apost.* I. p. 285. L. VI. c. 15. p. 347. ubi memoratur εν βαπτισμα το παρὰ των ἀμέμπτων ιερών δεδομενον εις το ὄνομα του πατρὸς καὶ του υιοῦ καὶ του ἁγίου πνεύματος. Conferantur *Cypriani* aliorumque loca a *Cotelerio* l. c. p. 284. excitata.

Cap. IV. § 4. exponemus) hoc usi sunt argumento : „*haeretikos, amissa iam sacris ordinibus, non esse vere Episcopos aut Presbyteros, ideoque ab illis acceptum Baptismum non alio numero esse habendum, quam qui esset acceptus de manu Laici, adeoque debere expurgari vero Ecclesiae Baptismate (f).*” Praeterea in Constitutionibus Apostolicis neque Laicis, neque inferioris ordinis Clericis conceditur ius Baptismum conferendi, sed solis Episcopis et Presbyteris, administrantibus Diaconis (g).

Ultimis igitur huius Periodi temporibus et saeculis sequentibus obtinuit ratio diversa ab ea, quae aetate Apostolorum obtinuerat, quam in rem notabile est testimonium *Hilarii Diaconi* sive *Ambrosiastri*, qui anno circiter CCCLXXX scripsit: *Primum omnes docebant et omnes baptizabant, quibuscumque diebus vel temporibus fuisset occasio, nec enim Philippus tempus quaesivit aut diem, quo eunuchum baptizaret, neque ieiunium interposuit. Ut ergo cresceret plebs et multiplicaretur, omnibus inter initia concessum est et evangelizare et baptizare et scripturas in Ecclesia explanare. At ubi omnia loca comprehensa est ecclesia, conventicula constituta sunt et rectores et caetera officia in ecclesiis sunt ordinata, ut nullus de clero auderet, qui ordinatus non esset, praesumere officium, quod sciret non sibi creditum, vel concessum, et coepit alio ordine et providentia gubernari ecclesia, quia si omnes eadem posset, irrationabile esset, et vulgaris res et vilissima videretur. Hinc ergo est, unde nunc neque Diaconi in populo praedicant, nec clerici vel laici baptizant, neque quocumque die credentes tinguntur, nisi aegri. Ideo non per omnia conveniunt scripta Apostoli ordinationi, quae nunc in Ecclesia est, quia haec inter primordia sunt scripta (h).*

(f) *Basilus* ad *Amphilochium* Epistola Canonica I. Can. 1: οἱ δὲ ἀπορράγοντες, λαϊκοὶ γινόμενοι, οὔτε τοῦ βαπτίζειν οὔτε τοῦ χεῖροστονεῖν ἔχον τὴν ἐξουσίαν. — Διό ὡς παρὰ λαϊκῶν βαπτιζομένους, τοὺς παρ' αὐτῶν ἐκίλευσαν ἐρχομένους ἐπὶ τὴν ἐκκλησίαν, τῷ ἀληθινῷ βαπτισματι τῷ τῆς ἐκκλησίας ἀνακαθαίρεσθαι. Conf. *Io. Forbessi* Instruct. Historico Theologicae L. X. C. III. § 2, 3. Opp. Tom. II. p. 483. Amst. 1702.

(g) Conf. Apost. L. III. C. 10, 11. p. 286. sq. οὔτε λαϊκοῖς, οὔτε τοῖς λοιποῖς κληρικοῖς ἐπιτρέπομεν βαπτίζειν — (ἀλλ') ἢ μόνοις ἐπισκόποις καὶ πρεσβυτέροις, ἐξυπηρετουμένων αὐτοῖς τῶν διακόνων.

(h) *Ambrosiaster* in Comment. ad Eph. IV. 11. sqq. quem locum debet *I. C. L. Gieseler* in Lehrbuch der Kirchengeschichte p. 87.

§ 2.

*Veterum Christianorum sententiae de iis, qui
Baptismate sint initiandi.*

Baptismum hoc consilio a Iesu institutum esse, ut per eum omni tempore ad Ecclesiae societatem adducerentur Religionis Christianae tirones, et beneficia cum hoc ritu coniuncta pertinere ad omnes omnis aetatis homines, est res, quae omni dubio vacat.

Cum vero nullum exstet Christi aut Apostolorum mandatum de certo temporis termino, intra quem administrandus sit Baptismus, ut olim in Religione Iudaica de circumcissione fuerat statutum, haud mirum profecto, diversas hac de re fuisse inter Christianos, ab antiquis inde temporibus sententias, a scriptoribus de historia paedobaptismi expositas (1).

Quaeritur, an veteres Christiani tribus prioribus saeculis, Christi mandatum, de solis hominibus adultis, an vero de infantibus etiam baptizandis intellexerint. Hac de quaestione multum diutius fuit disputatum, statuentibus aliis, aevo iam Apostolico ex communi Ecclesiae consuetudine, praeter adultos, infantes etiam Baptismo esse initiatos; aliis vero opinantibus, ab illo saeculo alienum plane fuisse paedobaptismum; aliis denique censentibus, inde ab Apostolorum aevo ad Tertulliani tempora rem in ambiguo mansisse et baptizatos quidem nonnumquam fuisse infantes, praesertim eos, qui in vitae periculo versari viderentur, sed magis vulgarem fuisse primis temporibus adultorum Baptismum. Quod ad priorem attinet sententiam, non exstant antiquissimorum scriptorum Ecclesiasticorum testimonia, quae probent adeo communem fuisse iis temporibus morem baptizandi infantes, ut censeri possit paedobaptismus ab Apostolis traditus, et ab Ecclesiis Christianis omnibus communiter receptus fuisse. Perperam enim nonnulli, ut Apostolicam paedobaptismi originem probarent, ad eiusmodi provocarunt scripta, quae licet prae se ferant nomina auctorum, qui aevo Apostolico

(1) Vidd. E. S. Cyprian. hist. paedobapt. Göth. 1705. G. Wall hist. Bapt. infantum ex Angl. vertit I. L. Schlosser Brem. 1748. I. G. Walch hist. Paedobaptismi IV priorum saeculorum, in Miscell. sacr. p. 487 sqq. I. A. Stark Geschichte der Taufe und Taufgesinnte Lips. 1789. Bingham Orig. Eccles. Vol. IV. p. 192. sqq. Robinson History of Baptism. Lond. 1790.

vixerunt, serioris tamen sunt aetatis, adeoque in hac causa satis certa non exhibent testimonia (*k*), vel ad eiusmodi veterum loca, quae licet ad paedobaptismum possint referri, non disertam tamen eius faciunt mentionem v. gr. *Irenaeum*, qui scripsit de Christo: „*Omnes enim venit per semet ipsum salvare, omnes, inquam, qui per eum renascuntur in Deum, infantes et parvulos et pueros, et iuvenes et seniores. Ideo per omnem venit aetatem et infantibus infans, factus est sanctificans infantes etc. (l).*” Multi statuerunt haec Irenaei verba ita intelligenda esse, ac si dixisset, *infantes Baptismo per Christum renasci (m)*; sed non certa est haec interpretatio, etenim cum nulla Baptismi hic aut praecesserit aut sequatur mentio, *renasci in Deum* hic esse potest idem quod *doctrina, s. praeceptis Christi ad cultum divinum institui*, adeoque non satis evidens esse videtur hic locus ad probandam sententiam, tunc temporis usu communi receptum fuisse paedobaptismum (*n*).

Nonnulli etiam provocarunt ad *Iustinum M.* tradentem, permultos sua aetate fuisse utriusque sexus homines, sexagesimum vel septuagesimum aetatis annum agentes, qui a iuventute discipuli Christi facti fuissent (*o*). Sed inde non sequitur; hos in infantia iam baptismo esse initiatos (*p*). Neque constat eundem *Iustinum* in Dialogo cum Tryphone Iudaeo (*q*) saepius Baptismum comparantem cum circumcissione, eumque περιτομὴν πνευματικὴν appellantem, indicare voluisse,

(*k*) V. gr. *Dionysii Areopag.* Hierarch. Eccles. C. VII. Sect. II. de parvulorum Baptismate tamquam de re nota loquentis, et *Constit. Apost.* L. VI. C. 15. ubi legitur: βαπτίζετε δὲ ὑμῶν καὶ τὰ νήπια καὶ ἐκτρέφετε αὐτὰ ἐν παιδείᾳ καὶ νοουθεσίᾳ Θεοῦ, Nec non *Quaest. ad Orthodoxos*, quae *Iustino M.* falso tribuuntur, ubi Resp. 56. p. 275 de infantibus ἀβαπτίστοις dicitur, eos τῶν διὰ τοῦ βαπτίσματος ἀγαθῶν μὴ τυχεῖν.

(*l*) *Irenaeus* adv. Haereses. L. II. C. 22. Edit. Masfueti, Paris 1710.

(*m*) Sic. v. gr. *Bingham* l. c. p. 200. *Walchius* l. c. p. 493. *Seilerus* Theol. Dogm. Polem. p. 571. *Schroeckh.* Christl. Kirchengesch. Th. III. p. 203. sq.

(*n*) Cf. *Venema* H. E. Tom. III. p. 467. *Rösler* Bibl. der Kircheng. Tom. I, p. 310. sqq.

(*o*) *Iustinus M.* Apol. I. § 18. πολλοὶ — οἱ ἐκ παιδῶν ἐμαθητεύθησαν τῷ Χριστῷ.

(*p*) Cf. *Rösler* l. c. p. 110.

(*q*) *Iustini* Dial. C. 18. p. 118. C. 43. p. 139: Ἡμεῖς οὐ ταύτην τὴν κατὰ σάρκα περιτομὴν, ἀλλὰ πνευματικὴν. Ex iis, quae ibi sequuntur, apparet h. l. sermonem esse de aditu ad Baptismum, qui pateat omnibus Iesum Messiam agnoscantibus, sive Iudaei sint, sive Gentiles. Conf. *Müncher Handb. der Dogmeng.* B. II. S. 342.

baptismum hac ratione convenire cum circumcissione, ut infantes octavo post natiuitatem die, eo fuerint initiati. Idem dicendum de comparatione Baptismi et Circumcissionis parvulorum ab Origene instituta (r).

Gravjora nonnullis visa sunt testimonia eiusdem *Origenis*, qui natus est circa annum Christi CLXXXV, et testatur, se ipsum puerum recens natum lavacro sacro initiatum esse (s), et qui praeterea scripsit, Ecclesiam ab Apostolis traditionem accepisse, etiam parvulis baptismum dare (t). Sed ex uno, vel pluribus eiusmodi exemplis non sequitur, communem hanc fuisse Ecclesiae praxin, et ex altero loco hoc tantum sequitur, hanc fuisse veterum sententiam ex Apostolica traditione, *licere*, ut infantes baptizentur, atque inde ab Apostolorum tempore, illos data occasione et urgente casu fuisse baptizatos (u).

Itaque ex probatis monumentis demonstrari non potest, in Ecclesia Christiana primaeva, quae Apostolicae est proxima, communi consensu et continuata successione infantes fuisse baptizatos. Neque tamen assentiendum videtur sententiae eorum, qui statuunt, ab aevo Apostolico alienum plane fuisse paedobaptismum. Quis enim satis certo dici posse affirmet, in familiis illis, quae totae baptizatae esse leguntur Act. XVI, 15, 33. XVIII, 8. 1 Cor. I, 16. non fuisse infantes, qui una cum parentibus mox Baptismo fuerint initiati? E silentio autem de Baptismo parvulis collato in scriptis antiquioribus, quae brevi post Apostolorum tempora edita sunt, non sequitur, antiquissimis temporibus hunc baptismi administrandi modum nequaquam adhibitum esse: quoniam longe plures tunc adulta aetate ad societatem Christianam transibant, haud mirum profecto, horum tantum Baptismum in Apologiis aliisque huius generis scriptis commemorari (v).

Tertia igitur superest sententia, quae mihi quidem videtur probabilior, scilicet „more receptum fuisse in Ecclesia antiqua, ut si infantes graviter laborarent

(r) *Origenes* Hom. VIII. in Levit. Opp. T. II. p. 320.

(s) *Origenes* l. c.

(t) *Origenes* Comment. in Ep. ad Rom. C. VI, 5, 6, 7. Opp. Tom. IV. p. 565. Hic vero commentarius Latine tantum exstat, ex interpretatione *Ruffini*, quem non ea semper fide, qua opereretur, in libris Latine convertendis versatum esse, inter eruditos constat.

(u) Conf. *Vitringa* de fundam. et rationibus paedobaptismi Christiani, Obs. Sac. T. I. p. 326.

(v) Hoc recte monuisse videtur *Schrockh*. l. c. p. 204. sq.

„et forte immineret mortis periculum, vel si parentes singulari cura affecti essent erga liberorum suorum salutem, infantes Episcopo baptizandos offerrent. „Hae autem causae si non urgerent, videntur plerique satius duxisse et magis e re minorennium, ut eorum Baptismus differretur, usque quo pervenisissent „ad aetatem magis provectam.” Haec sententia, quam Cl. *Vitrinas* (w) malui, quam meis exponere verbis, magna se probabilitatis specie commendat, et observat idem Vir Cl., rationes dilati vulgo in veteri Ecclesia Baptismi ad annos adolescentiae et iuventutis peti posse ex Constitutione Ecclesiae illius temporis, scilicet, per afflictiones et persecutiones, quas post Apostolorum aevum sustinuerunt Christiani, factum saepenumero fuisse, ut occasio infantes ad Baptismum offerendi commoda semper parentibus non obveniret, et hos non ita studiose quoque Baptismum infantum, utpote non diserte a Christo et Apostolis praescriptum, affectasse, quia viderent, eum non nisi cum cura, labore et sollicitudine administrari posse in tenera illa aetate; in prima Ecclesia quoque, imminentibus omni die novis vexationibus, necesse fuisse, tum, ut illi, qui suam profiterentur communionem, quovis modo constringerentur et obligarentur ad constantiam in fide, tum vero etiam, ut nulli nisi bene eruditi et de veritate, quam profiterentur, probe convicti, atque ad constantiam hortatione et ritibus symbolicis adstricti, in societatem Christianam reciperentur (x).

Hanc ob rationem *Tertullianus* Baptismum, quo *viri, iuvenes et adolescentes* Ecclesiae adscriberentur, videtur praetulisse Baptismo, quo initiarentur *infantes*. Huius autem verba, quae imprimis huc pertinent, sunt sequentia: „Itaque pro cuiusque personae conditione ac dispositione etiam aetate cunctatio Baptismi utilior est, praecipue tamen circa parvulos. Quid enim necesse est, si non tam necesse, sponsores etiam periculo ingeri, qui et ipsi per mortalitatem destituere promissiones suas possunt et proventu malas indolis falli. Ait quidem Dominus: nolite illos prohibere ad me venire: veniant, ergo dum adolescunt; veniant dum discunt, dum quo veniant docentur: fiant Christiani, dum Christum nosse potuerint. Quid festinat innocens aetas ad remissionem peccatorum (y)?”

(w) *Vitrinas* l. c. p. 325.

(x) Vid. *Vitrinas* l. c. p. 326. sq. Cf. I. Franc. Buddi Observ. Theol. de Paedobaptismo, in Miscell. Sac. T. III. p. 25. sq.

(y) *Tertull.* de Bapt. C. 18. Cf. C. 14. *cur baptizari debet aetas innocens?*

Nonnulli dixerunt, privatam hanc fuisse *Tertulliani*, ad Montanismum proclivis, sententiam, communi Ecclesiae praxi non consentaneam (z). Sed scriptum fuisse hunc de Baptismo librum ante *Tertulliani* secessionem, et nihil in eo esse, quod *Montani* faveat erroribus, plerique viri docti statuunt (a). Et licet verum sit, neminem ex antiquis Doctoribus ante eum ita locutum esse, animadvertendum tamen est, *Tertullianum* hoc tantummodo voluisse docere, posse quidem infantes Baptismo initiari, absque necessitate tamen illud fieri non oportere, et quandoque bonum esse, eum aliquamdiu differre, ut qui eo tinguntur melius parati sint, et praesertim hanc ob causam, quod peccatorum, quae quis post Baptismum committeret, difficilior esset venia. Non diserte quidem id dixit *Tertullianus*, sed non obscure tamen illud indicat verbis, quae mox sequuntur. „*Si qui pondus intelligant Baptismi magis timebunt consecutionem, quam dilationem:*” et in hac sententia plures fuisse saeculo III, apparet ex more, qui tunc invalescere coepit, differendi Baptismum usque ad senectutem sive mortis periculum, quo scilicet peccatorum veniam consecuti et omnis vitii expertes ad vitam aeternam proficiscerentur (b).

Tertulliani tamen auctoritas et argumenta, quibus usus est, efficere non potuerunt, ut abrogaretur mos infantes Baptismo initiandi. Ipse *Cyprianus*, qui magistrum suum magni faciebat eiusque sententiam in plerisque sequebatur, ratione Baptismi infantum ab eo dissentiebat. Nimirum ad quaestionem institutam a *Fido*, Episcopo Africano, de die, quo infantes sint baptizandi, an intra secundum vel tertium, vel propter legem circumcisionis antiquae, intra octavum diem illud fieri deberet? respondit *Cyprianus*: hanc esse et suam et sexaginta sex Episcoporum, qui Carthageniensi concilio a. CCLIII interfuerant, sententiam: „*a Baptismo atque a gratia Dei neminem per nos debere prohiberi; quod quum circa universos observandum sit atque retinendum; magis circa infantes ipsos et recens natos esse observandum putamus*” et hanc addit rationem: „*qui hoc ipso de ope nostra, ac de divina misericordia plus merentur, quod in primo statim nativitatis suae ortu plorantes ac flentes, nihil aliud faciunt*

(z) Sic. v. gr. *Seilerus* l. c. p. 572.

(a) Vid. *I. Aug. Noesfelt*. Disput. de vera aetate ac Doctrina scriptorum *Tertulliani* § 36. in Opusc. Fasc. III. p. 136. sqq. et p. 181.

(b) Cf. *Müncher*. l. c. p. 344. sq.

„quam deprecantur (c).” Huic Cypriani testimonio magnum pondus tribuit Augustinus, qui scripsit: *Beatus quidem Cyprianus non aliquod decretum condens novum, sed Ecclesiae fidem firmissimam servans, modo natum rite baptizari posse cum suis quibusdam coëpiscopis censuit (d).*

Itaque saeculo III mos antiquus adultos baptizandi aequae ac Paedo-baptismus obtinuit, sed brevi post parvulos baptizandi consuetudo magis invaluit, et scriptores saeculi IV et V tantum non omnes huius usus mentionem faciunt, eumque commendant, ut e multis *Chrysostomi, Cyrilli Hierosolymitani, Gregorii Nazianzeni, Augustini* locis apparet.

§ 3.

Veterum sententiae de Baptismo immersione in aquam plerumque peragendo.

E libris N. T. constat, Baptismatis ritum a Iesu institutum immersione in aquam fuisse peractum (e). Hunc morem ab Apostolis acceptum per plura saecula a Christianis fuisse servatum, multa probant veterum testimonia. Saeculis praesertim tribus prioribus universalem hanc fuisse Christianorum consuetudinem, docet *Constitutionum Apostolicarum* auctor, qui scripsit, Baptismum in mortem Iesu dari, et aquam adhiberi pro sepultura, et Baptismum diserte vocat τὴν καταδύσιν, immersionem (f). Idem apparet ex testimonio *Iustini Martyris*, qui refert Catechumenos adductos esse in locum, ubi aqua esset, ibique fuisse baptizatos (g). Aquam fluvialem, aquam vivam passim praetulisse Christianos refertur in *Recog-*

(c) *Cyprianus* Ep. 64. ad Fidum p. 281. Cf. *Rösl.* l. c. Th. III, p. 258. sqq. *Müncher.* l. c. S. 348. sqq. *Storr.* l. c. p. 301. sqq.

(d) *August.* Epist. 28. Cf. *Rösl.* Lehrbegr. p. 214.

(e) Cf. Cap. I. § 4.

(f) *Const. Apost.* L. III. C. 17. p. 291. Ἐστὶ τὸ μὲν βάπτισμα εἰς τὸν θάνατον τοῦ Ἰησοῦ διδόμενον τὸ δὲ ὕδωρ ἀντὶ ταφῆς, ἢ καταδύσεως τὸ συναποθανεῖν.

(g) *Iust. M.* Apol. I. p. 79: ἔπειτα ἄγονται ὑφ' ἡμῶν ἐνθα ὕδωρ ἐστὶ καὶ τρόπον ἀναγεννήσεως, ὃ καὶ ἡμεῖς αὐτοὶ ἀνεγεννήθημεν, ἀναγεννώμεθα.

nit. Clementis (h). Scripsit tamen *Tertullianus (i)* nullam esse distinctionem „*mari quis an stagno; flumine an fonte, lacu an alveo diluatur.*” De immersione passim adhibita testantur voces et phrasae, quibus Baptismus a *Tertulliano* saepius insignitur, *immersio, mergitari, inire aquam (k)*. Hunc morem secutos etiam esse haereticos, Ebionitas et Marcionitas, testantur *Epiphanius* et *Tertullianus (l)*. Adeo communis fuit hac periodo ille immersionis ritus, ut soli aegroti, qui absque vitae periculo mergi non possent, aqua perfunderentur, ambigentibus etiam nonnullis de hac ipsa aegrotorum perfusione, essetne verus Baptismus. Quin adeo novum et inauditum fuit saeculo tertio sola perfusione initiari, ut *Cyprianus*, qui primus hunc ritum, ubi necessitas eius usum suaderet, defendere allaboravit, timide tamen, ut in re nova, versatus sit (*m*). Immersio illa primis temporibus *simplex* videtur fuisse, sed inde a saeculo II multis placuit *ter* facta, qui ritus quando adhiberi coeperit, satis certo dici nequit: neque de eius significatione consenserunt antiqui, alii enim trina hac immersione Trinitatem, alii tri-duanam Christi in sepulcro commorationem innui existimabant. *Tertullianus* prius indicat dicens (*n*): „*ter mergitamur. Nec semel, sed ter ad singula nomina in personas singulas tingimur.*” Traditioni Apostolicae hunc ritum acceptum esse referendum, idem docet et Canone Apostolico trina illa versio sub excommunicationis poena praescripta legitur (*o*).

Licet igitur in Baptismo Clinicorum, five morbi causa in lecto decumbentium, et in iis, qui vinculis tenebantur, initiandis adpersio fuerit adhibita, unde et *Tertullianus* verbum *perfundere* de Baptismo usurpat (*p*), et *Cyprianus* aliique

(h) L. VI. C. 15. PP. Apost. T. I. p. 558.

(i) De Baptismo C. IV.

(k) *Tertullianus* de Bapt. C. VII. de Cor. Mil. C. III. de Poenit. C. VI.

(l) *Epiphanius* Haer. XXX. N. 2. *Tertull.* contra Marcion. L. I. C. 28. Cf. *Bingham*. Orig. Eccl. Vol. IV. p. 331.

(m) *Cyprianus* in Epist. ad Magnum 69. p. 297. Cf. *Bingham*. l. c. p. 334. *Wissus* de Oecon. Foed. Dei L. IV. C. 16. p. 877. *Walch*. Miscell. Sacra p. 492.

(n) *Tertull.* de Coron. Mil. C. 3. Contra Praxeam. C. 26.

(o) *Canon. Apost.* 50. in *Beveregii* Cod. Canonum, PP. Apost. T. II. p. 100: „*Εἰ τις ἐπίσκοπος ἢ πρεσβύτερος μὴ τρία βαπτίσματα μίας μνήσεως ἐπιτελέσῃ, ἀλλὰ ἐν βάπτισμα, εἰς τὸν θάνατον τοῦ Κυρίου δίδόμενον, καθαιρεῖσθω.*” Conf. *Bingham* l. c. p. 337. 199.

(p) *Tertullianus* de Anima C. 50. p. 301: *ubi sunt illi, quos Menander ipse perfudit?*

Doctores Baptismi clinicorum, per adspersionem et affusionem peracti, valorem in dubium non vocarint, crebrior tamen mansit immergendi consuetudo, ita usu recepta, ut saeculo adhuc III, vel Clinicorum baptismus propterea, quod perageretur affundenda aqua, ab aliis omnino reiectus, ab aliis certe Baptismo reliquorum, qui sani baptizati, h. e. aqua salutaris, non aegrotorum more perfusi aut adspersi, sed loti essent, longe posthabitus fuerit (q). Hinc multorum tunc erat opinio, non licere quancquam ex iis, qui morbi vi urgente in lectulo perfusi fuissent, in clerum assumi (r).

§ 4.

Veterum Christianorum sententiae de Formula in administrando Baptismate adhibenda.

Quemadmodum non constat, utrum Apostoli eorumque socii in administrando Baptismo ipsis usi sint verbis, quae Servator Matth. XXVIII, 19. adhibuerat, an vero verborum Christi vim potius, quam formam, spectaverint illi, qui in Actis Apostolorum simpliciter dicuntur baptizavisse εἰς Χριστόν, vel εἰς ὄνομα Κυρίου: ita quoque argumentis, extra omnem dubitationem positis, probari nequit, a primis post Apostolorum obitum Christianis, formulam hanc, εἰς τὸ ὄνομα τοῦ πατρὸς, καὶ τοῦ υἱοῦ, καὶ τοῦ ἁγίου πνεύματος, semper et ubique fuisse adhibitam.

Refert *Iustinus Martyr*, sua aetate morem fuisse Baptismum administrandi in nomine rerum cunctarum Parentis ac Domini Dei, et Servatoris nostri Iesu Christi, et Spiritus Sancti (s). In *Constitutionibus Apostolicis* Baptismus administrandus esse dicitur in nomine Patris qui misit, Christi qui venit, et Pa-

(q) Conf. *Storr*. Doctr. Christi Pars Theoretic. § 109. nota d. p. 290.

(r) *Eusebius* ex Epistola Cornelii Episcopi Romani. Hist. Eccl. L. VI. C. 43. p. 245. Edit. Vales. Paris. 1659. universum clerum et multos ex populo existimasse narrat: ὅτι μὴ ἔξον τὸν ἐπὶ κλήνης διὰ νόσον περιχυθέντα εἰς κλῆρον τινὰ γενέσθαι Cf. de h. l. *Risler*. Bibliothek der Kirchenv. T. IV. p. 171. Vid. etiam Conc. Neocaesar. C. XII. T. I. Conc. p. 1484. apud *Bingham*. l. c. p. 335.

(s) *Iustinus M.* Apol. I. p. 79. Ἐπ' ὀνόματος τοῦ πατρὸς τῶν ὁλῶν καὶ δεσπότου Θεοῦ, καὶ τοῦ σωτῆρος ἡμῶν Ἰησοῦ Χριστοῦ, καὶ πνεύματος ἁγίου.

racleti, qui testimonium perhibuit (t): ex quibus apparet, alios pluribus, alios paucioribus verbis, ad formulae tamen ab ipso Christo adhibitae argumentum compositis, usos fuisse. Et videntur passim ipsa illa verba, quibus Christus Baptismatis ritum instituit, pronuntiata fuisse. Scripsit certe *Tertullianus*: „*Lex tingendi imposita est et forma praescripta. Ite, docete nationes, tingentes eas in nomen Patris et Filii et Spiritus Sancti (u).*” Et idem alio loco „*Nec semel, sed ter ad singula nomina, in singulas personas tingimus (v).*” *Cyprianus* item provocat ad formulam a Christo adhibitam: „*Do minus,*” inquit „*post resurrectionem Discipulos suos mittens, quemadmodum baptizare deberent, instituit et docuit, dicens: ite et docete gentes omnes, baptizantes eas in nomine Patris et Filii et Spiritus Sancti. Insinuat Trinitatem, cuius sacramento gentes baptizarentur (w).*” Postrema haec adduntur propter disensionem in doctrina de Trinitate, quae tunc temporis erat, et in sequentibus disputat idem contra haereticos, qui in solius Iesu Christi nomine baptizarent (x). Eandem ob causam in Recognitionibus, quae *Clementi Romano* falso tribuntur, *trinae invocationis* est mentio (y). In *Canonibus Apostolicis* diserte iubentur Episcopi et Presbyteri, baptizare in nomine Patris, Filii et Spiritus Sancti (z). Atque ita communis veterum sententia huc redit, disertam in Baptismo faciendam esse mentionem argumenti formulae, qua hioce ritus ab optimo Servatore fuit institutus, ut et hac ratione palam fieret disensio Orthodoxorum ab Haereticis, formulam eam vel mutantibus, vel corrumpentibus, vel alio modo eam explicantibus.

(t) *Const. Apost.* L. VII. C. 22. p. 371. Εἰς τὸ ὄνομα τοῦ ἀποστείλαντος Πατρὸς, τοῦ ἐλθόντος Χριστοῦ, τοῦ μαρτυρήσαντος Παρακλήτου Cf. *ibid.* L. II. C. 26. p. 242.

(u) *Tertullianus* de Baptismo C. 13.

(v) *Tertull.* adv. Praxeam. C. 26. p. 516.

(w) *Cyprian.* Epist. 73. ad Iubaianum p. 307.

(x) Cf. *Bingham.* l. c. p. 164.

(y) *Recogn. Clem.* L. I. C. 63. p. 508.

(z) *Canon. Apost.* 48, 49. Ἐκ τῆς ἐπίσκοπος, ἡ πρεσβύτερος κατὰ τὴν τοῦ κυρίου διάταξιν μὴ βαπτίζῃ εἰς πατέρα καὶ υἱὸν, καὶ ἅγιον πνεῦμα, ἀλλ' εἰς τρεῖς ἀνάρχους, ἢ εἰς τρεῖς υἱούς, ἢ εἰς τρεῖς παρακλήτους, καθαιρεῖσθω. Cf. ad hunc locum *Röpler.* Bibl. der Kirchenv. T. IV. p. 245. sq.

§ 5.

Ritus, qui Baptismati accesserunt.

Simpliori Baptismatis a Iesu instituti usu non contenti veteres, nonnullos ei addiderunt ritus, cum, ut externum quoddam ei conciliarent decus, ne ob simplicitatem contemneretur, ut *Tertullianus* indicat (a); tum, ut res baptismo significatae vividius exprimerentur. An saeculo iam primo ordinis et decori causa baptismo nonnulli ritus additi sint, non constat, neque e sequentium temporum moribus primae aetatis consuetudinem metiri licet. Constitutis vero et certis legibus munitis Christianorum coetibus saeculo II, caerimoniae quaedam in usu esse coeperunt, ex quibus hic recensere nonnullas oportet, quoniam videntur posse aliquid conferre ad illustrandas veterum de Baptismatis consilio et vi salutari sententias, dein exponendas; hoc enim consilio accesserunt immersionis actui ritus illi, ut Baptismatis virtus et effecta salutaria significarentur. Ritus illi partim praecedebant, partim sequebantur Baptismum.

Primo quidem illi, qui sacra Christiana se velle suscipere indicaverant, atque in ordinem Catechumenorum fuerant recepti, *renunciare* debebant *Diabolo eiusque pompae*, h. e. superstitioni, idolorum cultui omnique scelerei, abstinendum quoque iis erat a theatris, scenis et spectaculis, utpote cum idolorum cultu arctissime iunctis. Huius ritus diserte meminit *Tertullianus* tamquam diu obtinentis et e traditione Apostolica repetendi. „*Aquam adituri*”, inquit „*sed et aliquanto prius in Ecclesia sub Antistitis manu contestamur, nos renuntiare, Diabolo et Pompae, et angelis eius; dehinc ter mergitamur*” (b).“

Et haec quidem in *Constitutionibus Apostolicis* legitur fuisse huius renuntiationis formula; *renuncio Satanae et operibus eius et pompis eius et cultibus eius*

(a) *Tertull.* de Baptismo C. 1.

(b) *Tertull.* de Cor. Mil. C. III. Cf. C. IV. Idem de Spectac. C. IV, de cult. foem. L. I. C. II. p. 150. ubi scripsit. „Hi sunt angeli mali, quibus in lavacro renuntiamus,” alibi utitur verbis „*et rari, repudium dicere*” de Idol. C. VI. p. 88. C. XVIII. p. 96. Cf. C. F. *Eisenlohr*, ueber den Ursprung und ursprünglichen Sinn der Entsagungsformel bey der Taufe in *Bengel's Archiv fuer die Theologie und ihre neneste Literatur* B. III. St. II. S. 285. sqq. Tübing. 1819.

et angelis eius et inventis eius, ac omnibus, quae sub eo sunt (c). Postquam baptizandus, facie ad occidentem versa et gestibus nonnullis detestationem ipsius significantibus, hanc formulam recitaverat, ad orientem se convertebat Christo se addicturus, quod dicitur *συντάσσεσθαι τῷ Χριστῷ*. Ut autem de eius notitiis et confessione cum Ecclesiae decretis constaret, solennem edere debebat fidei confessionem, cuius diferta est apud *Irenaeum* mentio, qui memorat τὸν κανόνα τῆς ἀληθείας, regulam sive normam veritatis, quam quis per Baptismum accipit (d). Denique precibus, abstinentia, aliisque piis exercitationibus mentem praeparare debebant Baptizandi, teste *Tertulliano*; „*Ingressus Baptismum orationibus crebris, ieiuniis, et geniculationibus crebris, et pervigiliis orare oportet et cum confessione omnium retro delictorum* (e).” Additque *Iustinus M.*, totam Ecclesiam una orasse et ieiunasse (f). Unctionem quoque Baptismum antegressam et praeparationis loco adhibitam fuisse nonnulli tradiderunt (g). Sed cum nulla huius unctionis vel apud *Iustinum M.*, vel apud *Tertullianum*, sit mentio, seriori demum tempore illa videtur introducta, quemadmodum et crucis nota, quae cum aliis ritibus saeculo demum IV, videtur accessisse.

Peracto Baptismo sequebatur unctio ex more orientali, teste *Tertulliano*: „*Exinde*”, inquit „*egressi de lavacro perungimur benedicta unctione, de pristina disciplina, (Iudaica) qua ungi oleo in Sacerdotium solebant* (h)” Baptizati scilicet habebantur veri Christiani, nominis Christi sive uncti participes, et spiritus eius confortes „*in nobis*” inquit carnaliter currit unctio, sed spi-

(c) *Const. Apost. L. VII. C. 41. p. 383. Ἀποτάσσομαι τῷ Σατανᾷ, καὶ τοῖς ἔργοις αὐτοῦ, καὶ ταῖς πομπαῖς αὐτοῦ, καὶ ταῖς λατρεῖαις αὐτοῦ, καὶ πᾶσι τοῖς ὑπὲρ αὐτὸν.*

(d) *Irenaeus L. I. C. 9. Const. Apost. l. c. Cf. Tertull. de Coron. Mil. C. 3.*

(e) *Tertull. de Bapt. C. 20. p. 232.*

(f) *Iustinus M. l. c. Ἡμῶν συνευχομένων καὶ συνηστεύοντων αὐτοῖς.*

(g) *V. gr. Auctor. Const. Apost. L. VII. C. 41. μετὰ τὴν ἐπαγγελίαν ταύτην κατ' ἀκολουθίαν ἔρχεται εἰς τὴν τοῦ ἐλαίου χρίσιν Cf. Bingham l. c. p. 303. et laudatus ibi Dallaeus de confirm. L. II. C. 11.*

(h) *Tertull. de Baptismo C. VII. meminit etiam eius ritus adv. Marcion. L. I. C. 14. p. 372: Sed Iustinus M. nullam eius facit mentionem.*

ritualiter proficit." Sequebatur manuum impositio χειροθεσία sive σφράγις (i) precibus iuncta ad spiritum Sanctum, „ut invocetur Spiritus sanctus, inquit *Tertullianus*, qui et scripsit „*Caro manus impositione adumbratur, ut et anima spiritu illuminetur (k).*"

Noverant scilicet veteres, Apostolos iis, quos Baptismate initiaverant, manus imposuisse, et hac ratione novos familiae Christianae cives singularem spiritus Divini vim in animo suo fuisse expertos. Act. II, 38. VIII, 15. sqq. X, 44—47. XI, 15. XV, 8. XIX, 6. Licet donorum Sp. S. extraordinariorum hoc modo collatorum non amplius reperirentur exempla, huic tamen manuum impositioni a Sacrorum Antistite peractae magnam vim in emendando Baptizatorum animo tribuebant veteres, ut eius ope in Baptismo non tantum corporis, sed animae quoque sordes deponerentur, uti legitur in *Constitutionibus Apostolicis (l).*

Cum porro Baptismus eorum, qui lavacro sacro essent egressi, altera haberetur nativitas, ideo lac et mel gustandum praebebatur Baptizatis, velut tenellis infantibus hoc modo nutriendis, quo de ritu diserta sunt *Tertulliani* testimonia (m), et ad quem forte alluditur in Epistola, quae *Barnabae* tributa fuit, ibi traditur ad lac et mel, quibus terra Cananaea abundabat, respexisse veteres, atque ad quaestionem: *quare lac et mel?* respondetur „*quoniam in-* „*fans primum melle, tum lacte viviscit, ita et nos fide repromissionis et ver-* „*bo, in vitam confirmati vivemus, terram possidentes (n).*"

(i) A *Clemente Alex.* Strom. L. II. p. 452. Ed. Pott. vocatur σφράγις τοῦ κηρύγματος, sigillum praedicationis et Evangelii. Cf. *Swicert* Thef. h. v.

(k) *Tertull.* de Baptismo C. VII de Resurrectione C. VIII. Cf. *Cyprianus* Ep. 70. ad Iannar. Ep. 73. ad Iubal. p. 309. ubi hoc ritu dicuntur accipere Spiritum sanctum Baptizati et signaculo dominico consummari. Cf. *Venema* H. E. Tom. III. p. 654.

(l) *Const. Apost.* L. VII. C. 44. p. 385: Ἐκάστου γὰρ ἡ δύναμις τῆς χειροθεσίας ἐστὶν αὐτή, ἵνα γὰρ μὴ εἰς ἕκαστον τούτων ἐπικλήσις γένηται παρὰ τοῦ ἐνσεβοῦς Ἱερέως, τοιαῦτα τις εἰς ὕδωρ μόνον καταβαίνει ὁ βαπτιζόμενος, ὡς Ἰουδαῖοι, καὶ ἀποτίθεται μόνον τὸν ῥύπον τοῦ σώματος, οὐ τὸν ῥύπον τῆς ψυχῆς.

(m) *Tertull.* de Cor. Mil. C. 3. p. 102. adv. Marc. L. I. C. 14. p. 372.

(n) *Barnabae* Ep. § 6. PP. Apost. T. I. p. 20: τί οὖν τὸ γάλα καὶ μέλι; ὅτι πρῶτον τὸ παιδίον μέλει, εἰτα γάλακτι ζωοποιεῖται, οὕτω καὶ ἡμεῖς τῇ πίστει τῆς ἐπαγγελίας καὶ τῷ λόγῳ ζωοποιούμενοι, ζήσομεν, κατακυριεύοντες τῆς γῆς.

Alios ritus fuisse ante saeculum tertium usitatos non liquet, nisi quod recens baptizati a quotidiano lavacro per totam hebdomadam abstinuerint (o).

Saeculo tertio in Baptismate administrando plures acceperunt ritus, ipsum immersionis actum vel praecedentes vel sequentes.

Ad priores pertinet imprimis *exorcismus*, cuius neque apud *Iustinum M.* neque apud *Tertullianum*, qui ceremonias saeculo II, in Baptismo usitatas recensuerunt, aliqua est mentio, magno argumento, post horum virorum aetatem et tertio demum saeculo eum Christianis fuisse probatum (p). Tunc vero primum adhibitus fuisse videtur, cum haeretici vel schismatici in familiam Catholicam essent recipiendi, ita certe iudicatum fuit in concilio Carthaginensi anno CCLVI habito, haereticos et schismaticos ad ecclesiam venientes, non ante ingredi posse, nisi exorcisati et baptizati prius fuissent (q). Mox vero etiam in omnibus, infantibus aequae ac adultis, Baptismate initiandis usi sunt formula: „Obtestor te (spiritum malum alloquuntur) ut excedas ex hoc servo Christi, repetita etiam hac formula: *Exi spiritus male et locum da Spiritui sancto*. Haec nimirum iam erat plerorumque sententia, inesse in hominibus nondum Baptizatis Diabolum, ex huius igitur potestate eos eripiendos esse, et ex regno Satanae liberatos in Dei et Christi regnum esse recipiendos. Diserte hoc docet *Cyprianus* cum dicit „*Diaboli nequitiam pertinacem usque ad aquam salutarem valere, in Baptismo vero omne nequitiae suae virus amittere* (r); nec non: *per aquam salutarem atque Baptismi sanctificationem Diabolum opprimi, et hominem Deo dicatum divina indulgentia liberari*. Aucta dein saeculo IV et

(o) *Tertull.* de Cor. Mil. C. 3. p. 102.

(p) Vid. *Moshem. H. E.* ed. 2. Helmstad 1764. p. 117. in nota. Est quidem in scriptis *Tertulliani* saepius mentio *exorcismi*, sed alio sensu ibi adhibetur de daemoniis. Vid. *Augusti* Lehrbuch der Dogmengeschichte p. 337. qui tamen huius exorcismi vestigia apud *Tertullianum* invenisse sibi visus est de Bapt. C. 5. et 20. de Cor. Mil. C. 3. At vero haec loca videntur esse intelligenda de nuncio, quem mittere deberent Diabolo eiusque pompae, quod saeculo II in usu fuisse observavimus. Accedit et hoc, in scriptis, quae *Dionysio Arcopagita* et *Clementi Romano* tribuuntur, nullam esse exorcismi mentionem: Conf. *Suiceri* Thesaur. in voce *ἐξορκισμός*.

(q) Conf. *Rösler* Bibl. der Kircheng. T. III. p. 226. Huc pertinet etiam, quod in eodem concilio aliqua dixerat *primum purgari, dein baptizari*.

(r) *Cyprianus* Ep. 69. ad Magnum p. 298.

sequentibus superstitione de potestate Diaboli *ἐνεργούντος* in animis corporibusque infidelium, nec non de virtute ministri ecclesiae Diaboli victrix, haud mirum, exorcismum illum constanter fuisse adhibitum, et peculiarem constitutum fuisse *exorcistarum* ordinem, quem iam saeculo tertio in ecclesia Romana fuisse constet (s).

Crescente iam saeculo III haeresium et schismatum numero, magis solennis ante Baptismum requirebatur fidei confessio, ad quaestiones de singulis Symboli articulis respondendo, edenda. Disertam huius interrogationis, quae in Baptismo fieret et testis esset veritatis, mentionem facit *Cyprianus*, et formulam hac in re adhibitam vocat *usitata et legitima verba interrogationis*. In concilio Carthageniensi dicitur illud *Sacramentum interrogare*, et facit *Eusebius* mentionem Symboli, quod acceperat Catechumenus factus et lavacro tinctus. In *Constitutionibus* denique *Apostolicis* symbolum illud legitur recitandum ab omnibus, qui Christo adscripti Baptismum susciperent (t).

Peracto Baptismo praeter unctionem et manuum impositionem recens Baptizatis osculum infigebatur a fidelibus, quo demonstrarent Baptizatam, siue infans esset siue adultus, ad Ecclesiae societatem et communionem pertinere (u). Denique initiatos corona candidaque veste ornatos domum reversionis fuisse, ut illa victoriae de mundo vitiisque partae, haec innocentiae acquisitae signum esset, nonnulli referunt. Cum tamen ante *Cyrillum* nemo huius rei mentionem fecerit, non animi statuere, tertio iam saeculo hunc ritum in usu fuisse. Ceterum qui Baptismo fuerant initiati non adulti tantum, sed infantes etiam, admittebantur saeculo tertio ad sacrae coenae usum. Testatur illud *Cyprianus*, qui infantes ita loquentes inducit: „*Nos nihil facimus, nec derelicto ci-*

(s) Vid. *Cornelius* in Epistola apud *Eusebium* H. E. L. VI. C. 43. p. 244. *Cyprianus* quoque in Epist. I. diserte memorat *Exorcistas*, et scripsit Epist. 76 per Exorcistas voce humana et potestate divina flagellari et uri et torqueri Diabolum, nec non, aqua salutaris atque Baptismi sanctificatione Diabolum opprimi, et hominem Deo dicatum divina indulgentia liberari. Cf. *Bebelius* Antiq. Eccles. Saec. III. Art. II. p. 540.

(t) *Cyprianus* Ep. 70 ad Iannarium p. 301. Conc. Carthag. N. 1. p. 158. *Rösler* l. c. T. III. p. 221. *Euseb.* H. E. L. VI. C. 8. *Constit. Apost.* L. VII. C. 41. p. 383. Cf. *Venema* H. E. Vol. IV. p. 652.

(u) Docet illud *Cyprianus* in Epist. ad Fidum, qui obiecerat, infantes, quod immundi sint, exorcizandos non esse Ep. 64. p. 281.

„bo et poculo domini ad profana contagia sponte properavimus, perdidit nos
 „aliena perfidia: parentes sensimus parentes homicidas.” Et alio loco: *Per
 Baptisma Spiritus sanctus accipitur, et sic a Baptizatis et spiritum S. conse-*
cutis ad bibendum calicem pervenitur. Quum enim existimarent Patres, Bap-
 tismum et S. Coenam ritus esse absolute necesarios, Eucharistiae usum infan-
 tibus quoque haud denegandam esse censebant, et ut probaret illud *Cyprianus*
 provocat ad locum Io. VI, 53. (v).

§ 6.

*Veterum Christianorum sententiae de loco ac tempore
 Baptismi administrandi, nec non de sponforibus.*

Tempore Apostolorum nulli loco adstrictam fuisse Baptismi administrationem,
 sed quoniam immersione peragebatur, passim id factum fuisse ad flumina, ad ri-
 vos, aliosque locos aquosos, docent exempla tum Ioannis Baptistae, qui non
 tantum ad Iordanem fluvium, sed et ad locum aliquem Aenon, ubi aquae erat
 copia, baptizasse legitur Matth. III. Io. III, 23. tum et Philippi, qui Aethi-
 opum reginae ministrum ad fluvium quemdam baptismo initiavit Act. VIII,
 36, 38. Hunc morem secutos esse veteres, qui Apostolorum aetatem proxime
 attigerunt, testes sunt *Iustinus Martyr*, qui narrat adductos fuisse Baptizan-
 dos in locum ubi aqua esset (w), et *Tertullianus*, qui scripsit: *aquam aditu-*
ri — contestamur, nos renuntiare — dehinc ter mergitamur (x). Aquam
 fontanam, aquam perennem passim praetulisse Christianos, tradit auctor *Re-*
cognitionum Clem. Rom. (y), qui narrat „*Et post ieiunium in fontibus, qui*
 „*contigui habentur mari, perennis aquae mihi Baptismum dedit.*” Ad mare

(v) *Cyprianus* de Lapsis p. 94. Ep. 63. Testimon. ad Quirinum L. III. C. 25. p. 58. Cf. *P. Zor-*
nias in Historia Eucharistiae infantium. *Wakh.* Historia paedobaptism. IV. priorum saecul. § 14.
Miscell. Sacr. p. 505. sq.

(w) *Iustinus M.* l. c. Apol. I.

(x) *Tertull.* l. c. de Cor. Mil. C. 3. p. 102.

(y) *Recogn. Clem.* L. VI. C. 15. p. 558.

quoque illud factum fuisse idem est testis „*Die postera baptizatur in mari (z).*”

Nonnullos tamen fuisse, qui Iordanis aquas vehementer appetere, non tantum docet exemplum *Constantini Magni*, qui narrante *Eusebio* (a) olim statuerat Baptismum suscipere in flumine Iordane, in quo Servator ipse lavacrum susceperat, sed et aetate *Tertulliani* videntur nonnulli fuisse in hac opinione, quam ille reprehendit dicens. „*Nulla distinctio est, mari quis an stagno, flumine an fonte, lacu an alveo diluatur, nec quidquam refert inter eos, quos Ioannes in Iordane et quos Petrus in Tiberi tinxit (b).*” In casu autem necessitatis in aedibus quoque privatis, in carceribus, item et lectis peragebatur Baptismus, cuius rei exemplum est in *Basilide*, qui narrante *Eusebio* in carcere Baptismo fuit initiatus (c).

De tempore, quo Baptismus esset administrandus, nihil definiuerunt Apostoli, et singulis diebus, ubi commoda erat occasio, patebat aditus ad hunc ritum omnibus, qui ad illum suscipiendum essent parati.

Mature tamen Veteres Christiani consentaneum existimarunt, ut ritus sollemnis tempore solenni administraretur, imprimis diebus Paschatis et Pentecostis, propter mortem Christi eiusque in vitam reditum ac Spiritus sancti effusionem, quarum rerum signum ac pignus erat Baptismus (d). In Ecclesia certe Africana hic mos erat receptus, teste *Tertulliano*, qui scripsit: „*Diem Baptismo solenniorem Pascha praestat, quum et passio Domini, in quam tingimur, adimpleta est,*” cetera: „*Exinde Pentecoste ordinandis lavacris latissimum spatium est, quo et Domini resurrectio inter discipulos frequentata est, et gratia Spiritus S. dedicata, et spes adventus Domini subostensa est.*” cet. (e).

(z) *Recogn. Clem. L. VII. C. 38. p. 565, Cf. idem L. IV. C. 32. ut in praesenti quidem tempore diluantur peccata vestra per aquam fontis, fluminis aut etiam maris, invocato super vos trino beatitudinis nomine. Vid. et Clem. Hom. IX. N. 19. ubi eadem verba Graece leguntur.*

(a) *Eusebius* vita *Const. M. L. IV. C. 62.*

(b) *Tertull. de Baptismo C. 4. p. 225.*

(c) *Eusebius* Hist. Eccles. L. VI. C. 5. dicitur ibi *Basilides* in carcere accepisse τὴν ἀρχαίαν ἐν χύματι.

(d) Cf. *Venema* H. E. Tom. III. p. 471.

(e) *Tertull. de Bapt. C. 19. p. 232.*

Latifimum illud, quod *Tertullianus* memorat, spatium intelligendum videtur de universis quinquaginta diebus inter Paschatis et Pentecostes festa interiectis, qui ipsius aetate sacri erant et festi, quemadmodum aliis in locis narrat, dicens v. gr. „Eadem immunitate a *die Paschatis in Pentecosten usque gaudemus* (f).” Inprimis vero in Sabbatho sancto, seu vigiliis Pentecostes, Baptismus ea aetate solebat administrari. Mature tamen est intellectum, quemvis diem huic ritui esse aptum, et hanc sententiam ipse profitetur *Tertullianus* (g): „*Ceterum, omnis dies Domini est, omnis hora, omne tempus habile Baptismo: si de solennitate interest, de gratia nihil refert.*”

Idem *Tertullianus* primus mentionem fecit *sponsorum*, qui tamen iam ante eius aetatem in Baptismo videntur adhibiti fuisse, quoniam de iis loquitur tamquam de personis nemini incognitis, officiique ab iis praestandi mentionem facit (h).

Erant autem *sponsores* duplicis generis, alii infantibus et clinicis dabantur, alii adultis. Ut infantum Baptismo sponsores adessent, necesse erat propter persecutiones, quibus expositi erant Christiani, et quibus integrae saepius familiae dispergebantur, adeo quidem ut, nisi infantibus hac ratione prospiceretur, periculum esset, ne praedae futuri essent civitatis Christianae hostibus, atque nemo curam eorum gereret. Accedebat et haec ratio, quod si persecutionum tempore album ecclesiasticum, cui nomina Baptizatorum erant inscripta, deperderetur, Baptismi infantibus administrati testes fide digni deberent exstare. Sponsores, qui Baptismo infantum aderant, horum loco respondisse ad quaestiones propositas, fideique constantiam et vitae sanctitatem pollicitos esse, tradunt veteres (i). Quod ad clinicos attinet, hi cum propter valetudinem et virium debilitatem profiteri fidei articulos non posset, id fieri solebat a Sponsoribus, qui et pollicebantur, quod Baptizati, quantum per se liceret, vitam acturi essent Christiano homine dignum, si convalescerent.

(f) *Tertull.* de Cor. Mil. C. 3. p. 102 de Idolol. C. 17. Cf. *Bevereg.* in Cod. Can. Vet. Eccl. vindic. L. II. C. 8. N. 3.

(g) *Tertull.* de Bapt. C. 19. p. 232.

(h) *Tertull.* de Bapt. C. 18.

(i) V. gr. auctor librorum, qui *Dionysii Areopagitas* nomine circumferuntur, de Hierarch. Eccles. C. VII. Sect. 11. p. 361. sq. Cf. quae ex Augustino notavit *Venema* H. E. Tom. IV. p. 198. *Saiceri* Tesauro voce ἀναδέχονται T. I. p. 258. *Seiler* Theol. Dogm. Polem. p. 560.

Nequē tamen solis infantibus et clinicis, verum etiam adultis et aetate pro-
 vectioribus dabantur Sponsores, vel susceptores, quia, qui ad Christianam accē-
 derent civitatem reputabantur ut peregrini, qui aliquem debebant habere, qui
 eorum curam gereret, eosque in tutelam suam reciperet. Hi susceptores Grae-
 ce ἀνάδοχοι dicebantur, quia Baptismo peracto manum Baptizatis, e sacro lava-
 cro adscendentibus, porrigebant, eoque ritu palam faciebant, se eos in curam
 atque in tutelam suam recipere. Ad hos susceptores alludere videtur *Tertul-
 lianus* dicens „*inde suscepti lactis et mellis concordiam praegustamus (k).*”

(k) *Tertullianus* de Cor. Mil. C. 3. p. 102. Ceterum de sponforibus legantur *Bingham* Orig. Eccles.
 Vol. IV. p. 288. sqq. *Walch* Miscel. S. p. 498. sq. *Buddaeus* Theol. Dogm. Vol. II. p. 1071. sqq.
Schroeckh. Chr. Kircheng. T. III. p. 36. sq. *van Hamelsveld* Kerkel. Gesch. D. II. p. 359.

CAPUT QUARTUM.

*Veterum Christianorum sententiae de Baptismatis
necesitate, consilio ac vi salutari, eodemque, si
rite sit adhibitus, non repetendo.*



*Veterum Christianorum sententiae de Baptismi
ab omnibus suscipiendi necesitate.*

§ 1.

Quoniam Baptismatis ritus ab ipso Iesu Christo fuerat institutus; et dixerat Servator. „*Nisi quis per aquam, sive lavacrum sacrum, et Spiritum natus fuerit, eum non posse divini regni fieri participem* (a)“ communis fuit haec veterum Christianorum sententia, summam esse Baptismatis necessitatem, adeo quidem, ut sine eo homines neque emendari, neque verae felicitatis participes fieri possent. Plura huius doctrinae de Baptismi necesitate, quam professi sunt veteres Christiani, exstant in scriptis eorum testimonia v. gr. apud *Hermam*, qui aevo Apostolico vixit, et in Libro, qui *Pastor* dicitur, saepius locutus est de aquae, sive Baptismi necesitate ad homines servandos. Hunc in finem Ecclesiam Christianam comparat turri super aqua aedificatae, et ait „*quare igitur super aquas aedificatur turris?*“ audi, inquit, *quoniam vita vestra per aquam, i. e. Baptismum, salva facta est et fiet* (b).

Baptismum necessarium esse omnibus, docet etiam Auctor *Constitutionum*

(a) Ioan. III, 5.

(b) *Hermæ Pastor*. L. I. vii. 3. § 3. p. 79. PP. Apost. Cotel. Vol. I. p. 79.

Apostolicarum, provocans ad universale Christi mandatum de nuntianda per universum mundum doctrina salutari, docendis omnibus gentibus ac baptizandis in mortem eius (c). Eandem profitetur sententiam Auctor *Recognitionum Clementis*, dicens aliter nullo modo homines posse salvari „*nisi per Sancti Spiritus gratiam trinae invocationis dilui baptismate properent, aliter impossibile prorsus esse reconciliari eos Deo, etiamsi mille ei aras et altaria mille succendant (d)*,” et alio loco: „*Nisi quis baptizatus fuerit in aqua, sub appellatione trinae beatitudinis, sicut docuit verus Propheta, neque remissionem accipiet peccatorum, neque introibit in regna coelorum (e)*.” Ad obiectionem: *quid ad pietatem conferat aqua baptizari?* respondet Auctor *Homiliarum Clementinarum*, sic fieri quod Deo placeat, sic fieri posse, ut quis salutem consequatur (f). Baptismum viam esse ordinariam, qua a culpa vindicemur, docuit *Irenaeus*, eumque vocat *regenerationem in Deum (g)*, hoc ritu opus esse, ut ad vitam perennem perveniamus, idem affirmat (h). Sine baptismo neminem peccatorum veniam consequi posse, diserte declarat *Origenes (i)*. Uberius hanc doctrinam exposuit *Tertullianus* his verbis: „*Quum vero praescribitur, nemini sine baptismo competere salutem ex illa maxime pronuntiatione Domini, qui ait: Nisi natus ex aqua quis erit, non habet vitam, subiunguntur scrupulosi, imo temerarii tractatus quorundam, quomodo ex ista praescriptione Apostolis salus competat, quos tinctos non invenimus in Domino, praeter Paulum.*” Hanc difficultatem tollere studet *Tertullianus* monendo,

(c) *Constit. Apost. L. V. C. 7. p. 312. καὶ λαβόντες ἐντολὴν παρ' αὐτοῦ κηρύξαι τὸ εὐαγγέλιον εἰς ὅλον τὸν κόσμον, καὶ μαθητεῦσαι πάντα τὰ ἔθνη, καὶ βαπτίσαι εἰς τὸν αὐτοῦ θάνατον.*

(d) *Recogn. Clem. L. I. C. 63. p. 508.*

(e) *Ibidem C. 69. p. 509.*

(f) *Clem. Homilia XI. N. 26. p. 705. Cf. Recogn. Clem. L. VI. N. 9. p. 557.*

(g) *Irenaeus advers. Haereses. L. I. C. 18. τὸ βαπτίσμα τὴν εἰς Θεὸν ἀναγέννησιν.*

(h) *Irenaeus L. III. C. 17. § 2. p. 208. Sicut enim de arido tritico massa una fieri non potest sine humore, neque unus panis, ita nec nos multi unum fieri in Christo Iesu poteramus sine aqua, quae de coelo est, et sicut arida terra, quae non percipiat humorem, non fructificat, sic et nos lignum aridum existentes primum numquam fructificaremus vitam, sine superna voluntaria pluvia. Corpora enim nostra per lavacrum illam, quae est ad incorruptionem, incitationem acceperunt, animae autem per Spiritum etc.*

(i) *Origenes Exhort. ad Martyr. § 30. Opp. T. I. p. 392. in Gen. Hom. XIII. Opp. T. II. p. 27.*

eos forte a Ioanne Baptista fuisse initiatos, et potuisse iis loco Baptismi esse familiare commercium cum Iesu, qui dixerit: „*Fides tua te salvum fecit, et remittuntur tibi peccata, credenti utique nec tamen tincto.*” Praeterea exemplum Abrahami aliorumque Patriarcharum, qui non fuerunt Baptizati, nihil valere dixit ad infringendam Baptismi necessitatem: „*Fuerit, inquit, salus retro per fidem nudam ante Domini passionem et resurrectionem. At ubi fides aucta est credendi in nativitatem, passionem et resurrectionem eius, addita est ampliatio — sacramento, obsignatio Baptismi. — Lex enim tingendi imposita est et forma praescripta (k).*” Eadem denique est de Baptismi necessitate sententia Cypriani (l).

Veterum igitur Christianorum haec fuit sententia, neminem nisi Baptismate initiatum, posse salutem aeternam consequi, et hinc nata est opinio, ipsis etiam Patriarchis diu ante adventum Christi denatis, hunc ritum fuisse ab Apostolis administratum. Ita *Hermas*, in visione quadam, fingit Apostolos post mortem proficiscentes ad homines pios, qui sub V. F. vixerant, baptizandos, ut in regnum Dei transferri possent: „*Necesse est*” inquit „*ut per aquam habeant adscendere, ut requiescant. Non poterant enim aliter in regnum Dei intrare, quam ut deponerent mortalitatem prioris vitae. Illi igitur defuncti sigillo Filii Dei signati sunt et intraverunt in regnum Dei (m).*” Idem repetit *Clemens Alexandrinus* narrans, Apostolos iis dedisse signum praedicationis et descendisse cum illis in aquam, et iterum adscendisse, et hac ratione, qui mortui descendissent, vivos adscendisse (n).

Haec de Baptismi necessitate opinio et hunc peperit errorem, ut homines quidam superstitiosi, pro amicis suis e vita iam decessis, baptisma peterent, ut iis prodesset illud in spem resurrectionis, quod *Tertullianus* Marcionitis etiam tribuit, hanc cerimoniam appellans *vicarium Baptisma* (o). Statuebant tamen veteres, posse aliquem salutis reddi participem absque Baptismo, si nimi-

(k) *Tertull.* de Bapt. C. 12, 13. p. 218. sq.

(l) *Cyprianus* Ep. 73. ad Iubal. p. 307, 308.

(m) *Hermas* L. III. Sim. IX. N. 16. p. 120. Cf. *Rösler* l. c. T. I. p. 43.

(n) *Clem. Alex.* Strom. L. II. p. 452. καὶ αὐτοὶ ἔδωκαν αὐτοῖς τὴν σφραγίδα τοῦ κήρυματος κ. τ. λ. L. VI. p. 764. καλῶς εἰρηται τῷ Ποιμένι κατέβησαν μετ' αὐτῶν εἰς τὸ ὕδωρ κ. τ. λ. Cf. *Münfcher*. B. II. S. 339. sq.

(o) *Tertull.* Resurrect. Carnis C. 48. p. 355. adv Marcionem L. V. C. 10. Cf. *Sellerus* l. c. p. 581.

rum religionis causa mortem subiret cruentam, quam *sanguinis Baptismum* appellabant, quoniam Christus mortem, quam subiturus esset, *βαπτισμα* vocaverat (p). Martyres morte sua plenam consequi peccatorum veniam et beatitudinis aeternae fieri participes, etiam si non essent baptizati, communis fuit Christianorum, saeculo III, sententia. Docet illud *Tertullianus* eiusmodi mortem alterum vocans *Baptismum* et *latus Christi percusum*, unde *sanguis et aqua manarunt*, memorans: additque „Proinde ut nos faceret aqua vocatos, sanguine electos, hos duos Baptismos de vulnere perfossi lateris emisit, quia qui in sanguinem eius crederent, aqua lavarentur, qui aqua lavassent, etiam sanguinem potarent. Hic est Baptismus, qui lavacrum et non acceptum repraesentat et perditum reddit (q).”

Eandem sententiam profitetur auctor *Constitutionum Apostolicarum*, qui affirmat, posse aliquem, qui Martyrio dignus sit habitus, laetari in Domino, quod tantam coronam nactus fuerit, et per confessionem ex hac vita migret, additque, *quamvis Catechumenus sit, sine tristitia excedat, passio enim, pro Christo perlata, erit ei sincerior Baptismus* (r). *Origenes* etiam, licet statuatur sine Baptismo non esse peccatorum veniam, affirmat Martyrio posse aliquem a peccati fordibus liberari, adeo quidem ut aquae Baptismate sit efficacius (s). Magnifice quoque de felicitate, ad quam Martyres evehantur, locutus est *Cyprianus*, affirmans, *Martyrium supplere Baptismi vicem, vel si quis iam baptizatus sit, eius Baptismum consummare et veniam peccatorum post admisorum conferre, et in sanguinis Baptismo esse coronam virtutum* (t).

(p) Marc. X, 38, 39.

(q) *Tertull. de Bapt. C. 16.*

(r) *Const. Apost. L. V. C. 6. p. 307. ὁ δὲ ἀξιούτως μαρτυρίου χαίρει τὴν ἐν κυρίῳ χάραν καὶ κατηχούμενος, ἢ ἄλλος ἀπίτω, τὸ γὰρ πάθος τὸ ὑπὲρ Χριστοῦ ἵσται αὐτῷ γνησιώτερον βάπτισμα.*

(s) *Origenes exhort. ad Mart. C. 30. Opp. Vol. I. p. 293. Cf. in Levit. II. Opp. T. II. p. 191.*

(t) *Cyprianus de Exhort. Martyr. p. 118. Martyrium sive sanguinis Baptisma esse in gratia maius, in potestate sublimius, in honore pretiosius; Baptisma, in quo Angeli baptizant; Baptisma, in quo Deus et Christus eius exsultant; Baptisma, post quod nemo iam peccat; Baptisma quod fidelis nostrae incrementa consummat; Baptisma, quod nos de mundo recedentes statim Deo copulat. In aquae Baptismo accipitur peccatorum remissio, in sanguinis corona virtutum. Vid. ad hunc locum.*

Itaque statuerunt veteres, locum aquarum lotionis sustinere cruentum Baptismum, reliquis autem omnibus, qui peccatorum veniam sint consecuturi, et beatitudinis aeternae futuri sint participes, necessarium esse Baptismatis ritum.

§ 2.

*Veterum Christianorum sententiae de Baptismatis cum
circumcisione comparati consilio.*

Quemadmodum circumcisione olim Israelitae ex Dei mandato erant initiandi et promissionum divinarum reddebantur participes, ita quoque Baptismatis ritu ex Christi instituto initiari debent omnes, qui Christianam profiteantur Religionem. Hinc mature iam veteres de Baptismo cum circumcisione comparando cogitarunt, ut illius prae hac praesentiam demonstrarent, praesertim adversus Iudaeos eosque ex Christianis, qui rituum Mosaicorum essent tenaciores.

Praeunte Paulo Apostolo (*u*) *Iustinus Martyr* saepius hanc instituit comparisonem, dixitque v. g. circumcisionem fuisse typum verae circumcisionis, qua circumcisi sumus ab errore et pravitate per eum, qui e mortuis resurrexerat, Iesum Christum (*v*). Nos, qui per Christum nacti sumus aditum ad Deum, non istam secundum carnem suscepisse circumcisionem, sed spiritualem, quam *Enoch* et similes sustinuerunt, eam vero nos per Baptismum propter misericordiam ipsius Dei accepisse (*w*). Monet idem, Iudaeos quidem, quod attinet

Dodwelli diss. Cyprian. XIII. § 5. sq. Cf. *Venema* H. E. T. III. p. 633. *Sulzeri* Theol. Vol. I. p. 628. *Münster*. Handbuch der ältesten Christl. Dogmengeschichte Vol. II. P. 2. S. 66. *Müncher*. Handb. Tom. II. p. 340.

(*u*) Coloss. II, 11, 12.

(*v*) *Iust. M.* Dial. cum Tryphone Iudaeo C. 41. p. 138. ἡ ἐντολὴ τῆς περιτομῆς τύπος ἦν τῆς ἀληθινῆς περιτομῆς, ἣν περιεδημήθημεν ἀπὸ τῆς πλάνης καὶ πονηρίας διὰ τοῦ ἀπὸ νεκρῶν ἀναστάντος Ἰησοῦ Χριστοῦ τοῦ κυρίου ἡμῶν.

(*w*) *Iustinus M.* l. c. p. 139. Ἡμεῖς, οἱ διὰ τούτου (Χριστοῦ) προσχωρήσαντες τῷ Θεῷ, οὐ ταύτην τὴν κατὰ σάρκα παρελάβομεν, ἀλλὰ πνευματικὴν, ἣν Ἐνῶχ καὶ οἱ ὅμοιοι ἐφυλάξαν ἡμεῖς δὲ διὰ τοῦ βαπτίσματος. αὐτὴν διὰ τὸ ἔλεος τὸ παρὰ τοῦ Θεοῦ.

ad carnem, circumcisos circumcissione nostra i. e. Baptismate, indigere, nobis vero hanc habentibus illâ non opus esse (x). Circumcissionem illam spiritua-lem τὴν περιτομὴν καρδίας vel κατὰ πνεῦμα magnis etiam laudibus extulit *Origenes*, monetque praeputium cordis esse pravas cogitationes, eumque, qui falsam opinionem deponat, circumcidere praeputium cordis sui (y).

Licet igitur veteres illi quamdam statuerint Baptismi et circumcissionis similitudinem, ex eorum tamen scriptis apparet, longe maiorem eos Baptismo tribuisse praestantiam, hac etiam de causa, quoniam constabat, Baptismum ab omnibus posse suscipi et multo latius patere, quam circumcissionem τὴν κατὰ σάρκα, quae ad sexum muliebrem certe non pertineat, et quam Abrahamus in signum, non ad iustitiam acceperit (z).

Fuerunt tamen in Ecclesia Africana, quibus tanta videretur Baptismi et circumcissionis similitudo, ut Baptismum octavo post nativitatem die peragendum statuerent, quod haec lex de circumcissione data esset. *Cyprianum* tamen ceterosque in Concilio Carthagenensi Episcopos, rationes pro hac sententia in medium prolatas non satis validas iudicasse, ut in hac causa aliquid statueretur, ante exposuimus in § 6. de loco ac tempore Baptismi administrandi.

Ceterum hoc statuebant esse Baptismatis consilium, ut omnes, qui hoc ritu in familiam sectatorum Christi reciperentur, hanc ederent professionem, se Christum veritatis, virtutis et salutis auctorem, atque Dominum venerari, seque esse Christianos, et ad omnia Christi et decreta, et praecepta, et beneficia, et officia, inde derivata animum et vitam componere velle, ut participes evaderent beneficiorum hac ratione consequendorum. Docet illud locus *Iustini*

(x) *Iust. M.* l. c. C. 19. p. 118. Ὑμεῖς μὲν οἱ τὴν σάρκα περιτετμημένοι χρήζετε τῆς ἡμετέρας περιτομῆς ἡμεῖς δὲ ταύτην ἔχοντες οὐδὲν ἐκείνης δεόμεθα.

(y) *Origenes.* Hom. V. in Ieremiam p. 160. ὁ περιαιρούμενος τοὺς διαλογισμοὺς τοὺς πονηροὺς τὴν ἀκροβυστίαν τῆς καρδίας περιαιρεῖται, ὁ ἀποτιθέμενος τὴν ψευδοξίαν περιτέμνεται τὴν ἀκροβυστίαν τῆς καρδίας αὐτοῦ.

(z) *Iust. M.* l. c. p. 139 dixit: πᾶσαν ἔφετον ὁμοίως λαμβάνειν τὴν πνευματικὴν περιτομὴν διὰ τοῦ βαπτίσματος, monuitque ibidem p. 132: μὴ δύνασθαι τὸ θῆλυ γένος τὴν σαρκικὴν περιτομὴν λαμβάνειν. Ὁ Ἀβραάμ τὴν περιτομὴν εἰς σημεῖον, ἀλλ' οὐκ εἰς δικαιοσύνην ἔλαβεν. Cf. *Eisenlohr.* l. c. p. 123. sq.

M. saepius laudatus, ubi scripsit: *quicumque persuasum habuerint et crediderint vera esse, quae a nobis traduntur et dicuntur, atque se, quantum possent, vitam secundum ea instituturos esse, receperint orare ieiunantes et petere a Deo priorum peccatorum remissionem docentur, nobis cum illis una et orantibus et ieiunantibus. Deinde eo adducuntur a nobis ubi aqua est etc. (a).* Ad hoc sacrae lotionis consilium alludere videtur *Arnobius*, mentionem faciens eorum, *qui feritate atque inhumanitate depositis resumant ingenia mitiora.* Hisce verbis *regeneratio per Baptismum* videtur indicari translata ad ritum Christianum loquendi ratione gentium, quae existimabant, mysteria fuisse inventa, ut homines ex agresti immanique vita ad humanitatem excolerentur et traducerentur, unde appellata sunt *initia*. Sic Baptismus censebatur eo consilio institutus, ut signum esset atque sigillum ablutionis peccatorum, et transitus ad novam vitam per renovationem Spiritus sancti (b).

§ 3.

*Veterum Christianorum sententiae de vi
Baptismatis salutari.*

Post ea, quae de Baptismi necessitate et consilio Christianos veteres statuisse tradidimus, exponendum videtur, quatenam de huius ritus vi salutari eorumdem fuerint sententiae. Cum non omnes Patres Antenicani hac de causa eandem professi sint sententiam, operae pretium me facturum esse censeo, si distinctius indicetur, quid Patres Apostolici et qui eos secuti sunt Apologetae

(a) Vid. *Iust. Apol. Mai.* l. c. In textu Graeco καὶ βιοῦν οὕτως δύνασθαι ὑποσχωῦνται post οὕτως excidisse librariorum negligentia voculam ὥς, et Iustinum scripsisse καὶ βιοῦν οὕτως, ἃς δύνασθαι, ὑποσχωῦνται, suspicatur *Grænerus* Instit. Theol. Dogmat. p. 557.

(b) *Arnob.* adv. Gentes L. II. p. 65. Lugd. Bat. 1651. et ad h. l. *Desid. Heraldi* Animadv. p. 84. qui ad hanc rem illustrandam contulit locum *Ciceronis* de Legibus II. *Nam mihi cum multa eximia divinaque videntur Athenae tuae peperisse atque in vitam hominum attulisse, tum nihil melius illis mysteriis, quibus ex agresti immanique vita exculi ad humanitatem et mitigati sumus, initiaque, ut appellantur, ita revera principia vitae cognovimus.* Cf. et *Münter.* l. c. p. 47. qui etiam locum ex *Isocrate* in Panegyri, hic contulit.

Graeci docuerint, quid dein scholae Alexandrinae doctores statuerint, quae-
nam denique fuerit doctorum Ecclesiae Occidentalis sententia. Quid de Bap-
tismatis, cum fide atque animi emendatione iuncti, vi et effectibus salutaribus do-
cuerint Sacri Scriptores ante indicavimus Cap. I. § 6. Hos secuti Christianorum
doctores, qui Patres Apostolici vocantur, insignem Baptismo tribuerunt vim
statueruntque, homines hoc ritu initiatos peccatorum veniam consequi, eorum
animos emendari, et novis exornari virtutibus. *Barnabas* v. gr. testatur de Bap-
tismo: *Nos descendimus quidem in aquam pleni peccatis ac sordibus, inde au-
tem emergimus fructum afferentes in corde, timorem et spem in Iesum ha-
bentes in Spiritu* (c).

Hermas, Baptismum omnem peccati labem eluere docens, dixit, *aliam non es-
se poenitentiam, nisi illam, cum in aquam descendimus et accipimus remissi-
onem peccatorum nostrorum, ulterius non peccare, sed in castitate permane-
re* (d). Idem *Hermas* alio loco multis variisque similitudinibus adhortatur
ad poenitentiam per Baptismum, et desinit in haec verba: *Vides igitur in
poenitentia peccantium inesse vitam, non agentium vero poenitentiam mortem
paratam* (e).

Notatu dignus imprimis est saepius laudatus *Iustini M.* locus, qui hac in
causa merito classicus habetur, de Baptismo agens dixit ille „*nos priorem nos-
tram nativitatem ignorantes necessitate quadam natos et in malis moribus
pravaque consuetudine educatos, remissionem ante commissorum peccatorum
consequi in aqua, ne necessitatis et ignorantiae liberi maneamus, sed ut delec-
tus et scientiae filii fiamus.*” Hanc peccatorum veniam non cum externo
Baptismi ritu esse coniunctam, sed accedere debere poenitentiam, idem docet
addens: „*Super eo, qui renascendum sibi esse statuerit, atque per poenitentiam
ab admisfis delictis resipuerit, Parentis rerum omnium et Domini Dei nomen
nominari* (f).” Idem Baptismum vocat φωτισμον illuminationem, non quia

(c) *Barnabae* Ep. C. XI. PP. Apost. T. I. p. 38. Ἡμεῖς μὲν καταβαίνομεν εἰς τὸ ὕδωρ γε-
μόντες ἁμαρτιῶν καὶ ἔντρον, καὶ ἀναβαίνομεν καρποφοροῦντες ἐν τῇ καρδίᾳ τὸν φόβον
καὶ τὴν ἐλπίδα εἰς τὸν Ἰησοῦν ἔχοντες ἐν τῷ πνεύματι.

(d) *Hermas* Pastor. Mand. IV. C. 3. ibid. p. 90.

(e) *Hermas* L. III. Similit. VII et VIII ibid. p. 110. sq.

(f) *Iust. M.* l. c. Ap. Mai. p. 80. ἐπειδὴ τὴν πρώτην γένεσιν ἡμῶν ἀγνοῦντες κατ' ἀνάγκην

statuebat, ipsa lotionis modo supernaturali mentes hominum collustrari, quae serioris aetatis fuit opinio; sed iustam rationem, ob quam Baptismus ita vocetur, hanc esse dixit „quia eo illuminantur mentes illorum, qui haec” (quae in contextu legimus) didicerint (g). Ob antegressam in Doctrina Christiana institutionem Baptismum ita a *Iustino M.* appellari, sequitur etiam ex eo, quod mox addit, *eum, qui illuminatus fit, abluere* (h). In Dialogo cum Tryphone Iudaeo idem statuit, Baptismo solum lustrari atque purificari posse poenitentiam agentes et aquam esse vitae, nullam autem utilitatem esse Baptismatis, quod carnem et corpus, solum reddat purum „Baptizamini” inquit „et „abluimini animas ab ira, ab avaritia, ab invidia, ab odio, et ecce corpus „mundum est. (i).” Itaque statuit in solis poenitentibus baptismum vim suam exferere salutarem. Eadem fuit sententia *Theophili Antiocheni*, qui in explicanda doctrina de rerum omnium Creatore Deo, rationem, ob quam animalia quinto die ex aqua producta benedictionem Dei sint consecuta, hanc esse dixit „ut notum sit mortalibus, fore ut poenitentiam apprehendant et peccato-

γεγεννημένα ἐν ἰδέσει φαιλοῖς καὶ πονηραῖς ἀνατροφαῖς γεγόμενα ὅπως μὴ ἀνάγκης εἶναι, μηδὲ ἀγνοίας, μένωμεν ἀλλὰ προαιρέσεως καὶ ἐπιστήμης, ἀφέσεως τὴν ἁμαρτιῶν, ὑπὲρ ὧν προσημαρτομεν τύχωμεν ἐν τῷ ὕδατι ἐπονομάζεται τῷ ἐλομένῳ ἀναγεννηθῆναι καὶ μετανοήσαντι ἐπὶ τοῖς ἁμαρτημένοις τὸ τοῦ πατρὸς τῶν ὅλων καὶ δεσπότου Θεοῦ ὄνομα.

(g) *Iust. M.* l. c. καλεῖται δὲ τοῦτο τὸ λουτρὸν φωτισμός, ὡς φωτιζομένων τὴν διάνοιαν τῶν ταῦτα μανθανόντων. Pro μανθανόντων hic legendum esse μετασχόντων statuit *Thirlitz* in edit. p. 90. et pro φωτιζομένων *Grunerus*. *Inst. Theol. Dogmat.* p. 547. legere mavult φωτίζον μὲν, probante *Cl. Abresch* in not. ad *Paraphr. Ep. ad Hebr.* p. 381. Nihil tamen videtur mutandum, commodè epim. vertitur, quoniam ii, qui ea de Deo etc. didicerunt, mente collustrati sunt. Cf. *Doederl. Inst. Theol. Christ. T. II.* p. 766. Ed. VI. *Cl. Seagar* ad *Clem. Alex.* Librum: quis divus etc. p. 378. qui pro μανθανόντων coniecit legendum μαθόντων.

(h) *Iust. M.* l. c. ὁ φωτιζόμενος λούεται Cf. de Doctrina *Iust. M. Lange.* l. c. p. 131. *Münter.* l. c. p. 48. sq. *Müncher.* Vol. II. p. 327. sq.

(i) *Iust. M.* Dial. cum Tryph. Ind. p. 114. τὸ βάπτισμα τί μόνον καθαρῶσαι τοὺς μετανοήσαντας δυνάμενον, ταῦτό ἐστι τὸ ὕδωρ τῆς ζωῆς, τί γὰρ ὄφελος ἐκκενοῦ τοῦ βαπτισματος, ὃ τὴν σάρκα καὶ μόνον τὸ σῶμα φαυδρύνει, βαπτίσθητε τὴν ψυχὴν ἀπὸ ὀργῆς, καὶ ἀπὸ πλεονεξίας, ἀπὸ φθόνου, ἀπὸ μίσους, καὶ ἰδοὺ τὸ σῶμα καθαρὸν ἐστί.

„*rum remissionem nanciscantur per aquam et lavacrum regenerationis omnes, quotquot accedant ad veritatem et regenerentur, et accipiant benedictionem a Deo (k).*”

Simpliciori huius de Baptismo sententiae hanc addidit *Irenaeus*, quod cum Baptismate iuncta sit communicatio Spiritus sancti dixitque: *corpora nostra per lavacrum accipere illam, quae est ad incorruptionem, unitatem, animas autem per spiritum (l).*

Magis autem doctrinam de Baptismo exornarent et vim quamdam Mysticam huic ritui tribuerunt Scholas Alexandrinae doctores, *Clemens Alexandrinus* et *Origenes*.

Clemens quidem *Alexandrinus* docuit, baptismo collustrari hominum mentes ad Deum cognoscendum, dixitque „*Baptizati illuminamur, illuminati in filios adoptamur, adoptati perficimur, perfecti immortales reddimur.*” Porro scripsit: „*qui tingimur absterfis peccatis, quas divino spiritui quodammodo tenebras offundebant, liberum et ab omni impedimento vacuum et lucidum, habemus Spiritus oculum, quo quidem solo quod divinum est intuemur, coe-litus influente nobis sancto Spiritu (m).*”

Pluribus idem usus est vocabulis ad salutarem Baptismi vim significandam, dixit eum *gratiam, illuminationem, perfectum tutamen, signaculum domini (n).* Non autem externo Baptismatis ritui praeclaram hanc vim tribuit,

(k) *Theophilus* ad Autolycum L. II. C. 16. p. 361. ἔτι μὲν καὶ εὐλογίᾳ ὑπὸ τοῦ Θεοῦ τὰ ἐκ τῶν ὑδάτων γινόμενα, ὅπως ἢ καὶ ταῦτο εἰς δαῖγμα τοῦ μέλλον λαμβάνειν τοὺς ἀνθρώπους μετανοοῦν καὶ ἄφεσιν ἁμαρτιῶν διὰ ὕδατος καὶ λουτροῦ παλιγγενεσίας πάντας τοὺς προσέιοντας τῇ ἀληθείᾳ, καὶ ἀναγεννομένους καὶ λαμβάνοντας ἐνδοξίαν παρὰ τοῦ Θεοῦ.

(l) *Irenaeus* L. III. C. 17. §. 2. Cf. ante dicta C. IV. § 1.

(m) *Clem. Alex. Paedag. L. I. C. 6. p. 113. Εἰρωτίσθημεν γὰρ τὸ δὲ ἐστὶν ἐπιγινῶναι τὸν Θεόν, deis: βαπτιζόμενοι φωτιζόμεθα, φωτιζόμενοι νίπτοιόμεθα, νίπτοιόμενοι τελειούμεθα, τελειούμενοι ἀπαθανατιζόμεθα. p. 114. οὕτως καὶ οἱ βαπτιζόμενοι τῆς ἐπισκοποῦσας ἁμαρτίας τῷ Θεῷ πνεύματι ἀγλὸς δίκην, ἀποτρυνόμενοι ἐλεύθερον καὶ ἀνεμπόδιστον καὶ φωτεινὸν ὄμμα τοῦ πνεύματος ἴσχομεν. ὃ δὲ μόνον τὸ Θεὸν ἐκπιεζόμεν οὐρανῶθεν ἐπειρέοντος ἡμῶν τοῦ ἁγίου πνεύματος.*

(n) *Clem. Alex. in Libro quis dives etc. § 42. p. 109. ed. Segar, φάσμα, τελείον, φυλακτήριον.*

vel physicam esse eam statuit, sed signum esse dixit purificationis internae et symbolum salutis (o).

Origenes secutus est *Clementem*, docuitque regeneratione per aquam et Spiritum nos ab omni labe purgari et omne genus peccati, cum ad salutare lavacrum venimus, auferri (p). Baptismum quidem esse dixit symbolum externum purificationis, sed vocat hunc ritum tamen *principium et fontem donarum gratiae divinae, quia Spiritui sancto viam munit ad animos hominum accedendi* (q). *Sine Baptismo non esse peccatorum veniam* idem affirmat (r) et mutationem, quam in homine efficiat Baptismus, vocat ille *παλογενεσιαν* (s) etque magnam tribuit vim ad homines a Spiritu maligno liberandos, eosque Spiritus sancti et aeternae cum Deo conjunctionis participes reddendos (t). Neque tamen *Origenes* vim physicam Baptismo tribuisse videtur, diserte declarans „*renovationem spiritus praestare aquae, neque Spiritum, qui a Deo est, omnibus post aquam imprimi et ingenerari* (u).”

Longius progressi in Ecclesia Latina Doctores Africani, ritui externo vim et efficaciam tribuerunt maxime salutarem, et accedente Spiritus Sancti operatione aquam animi sordes abluere et salutem afferre statuebant, et vim quamdam physicam Baptismo iunctam opinabantur.

Tertullianus imprimis elogiis pluribus Baptismum exornavit, eiusque ad salutem necessitatem defendit, scripto etiam peculiari libro de Baptismo, in quo

ριον, σφραγίδα τοῦ κυρίου Cf. ad. h. l. Segar, p. 377. sqq. alibi a *Clemente* vocatur σφραγίς τοῦ πνεύματος, item φάρμακον παιδνιον, λογικὸν βάπτισμα, λογικὸν ὕδωρ *Pædag.* L. I. C. 6. p. 116, 117. Cohortat. ad Gentes. C. X. p. 79. Cf. *Münster.* l. c. p. 330. sq.

(o) *Clem. Alex. Strom.* L. IV. C. 22. p. 628. ubi laudat proverbium Ἰσθὶ μὴ λουτρῶ ἄλλα νόῳ καθαρὸς. Cf. *Münter.* p. 53, 54.

(p) *Origen.* Comment. in Rom. V. Opp. T. IV. p. 565.

(q) *Origen.* contra Cels. L. III. C. 51. Opp. T. I. p. 481. in Ioan. Opp. T. IV. p. 133.

(r) *Origen.* exhort. ad Mart. C. 30. T. I. p. 292. ὅτι οὐκ ἐστὶν ἄφεσιν ἁμαρτημάτων χωρὶς βαπτίσματος λαβεῖν.

(s) *Origen.* in Matth. Opp. T. III. p. 686.

(t) *Origen.* in Matth. Opp. T. III. p. 539. idem περὶ ἄρχων L. I. C. 3. p. 61, 62. Cf. de his locis *Münter.* l. c. p. 55. sqq. *Münster.* l. c. p. 332.

(u) *Origen.* in Comm. in Ioan. Opp. T. IV. p. 134.

mentem fufius expofuit, et aquis, per unionem cum divina virtute, vim fanctificandi tribuit. *Felix, inquit, facramentum aquae nostrae, quia ablutis delictis pristinae coecitatis in vitam aeternam liberamur (v).* Aquae iunctam esse Spiritus sancti operationem statuit, fcripfitque: *Aqua imprimis visa est digna, quia antiqua substantia (i. e. ante terram creatam) et quia Spr. S. aquae sedes gravior fuit, quam cetera elementa. Spiritus sanctus tum quasi omne quodam significavit modum, quo postea aquas vis in fanctificando tribueretur. Nam omnes aquae (nihil enim interest, mari quis an stagno, flumine an fonte, lacu an alveo, diluatur) de pristinae originis praerogativa facramentum fanctificationis consequuntur, invocato Deo. Supervenit enim statim Spiritus de Coelo et aquis superest, fanctificans eas de semet ipso, et ita fanctificatas vim fanctificandi combibunt (w).* Idem opinabatur Baptismo praesesse Angelum quemdam, quem *Baptismi arbitrum* appellat, qui homines ducat ad abluitionem peccatorum, et Spiritum Sanctum manus impositione recipiendum, atque rem illustrat exemplo Angeli, qui piscinam Bethsaidam commovisse dicitur ad aegrotorum valetudinem restituendam (x): addit porro: *Neque tamen in aquis Spiritum S. consequimur, sed in aqua emendati sub angelo Spiritui sancto praeparamur (y).* Nam post Baptismum demum manus imponitur per benedictionem advocans et invocans Spiritum sanctum, qui tunc super emendata et benedicta corpora libens a Patre descendit, super Baptismi aquas tanquam pristinam sedem recognoscens, conquiescit columbae figura delapsus in Dominum (z).

Magis diserte Baptismi vim et laudes extulit *Cyprianus*, et hunc ritum superiorum peccatorum labem abluere, hominem ab omnibus vitiis et sceleribus purgare, eumque luminis coelestis participem reddere docuit, ad salutarem eius effectum, quem ipse expertus fuerat, provocans: *Nam ut ipse, inquit,*

(v) *Tertull. de Bapt. C. 1.*

(w) *Tertull. de Bapt. C. 4.*

(x) *Tertull. de Bapt. C. 5.*

(y) *Tertull. de Bapt. C. 6.* sensus est: Baptismum poenitentibus conferre veniam peccatorum eosque sanctificare, ut ad communionem Spiritus sancti apti sint, qui per manuum impositionem his daretur, ut per eum ducantur et ad immortalitatem praeparentur. Vid. *Venema H. E. T. III. p. 486.*

(z) *Tertull. de Bapt. C. 8.* Cff. de his *Tertulliani* locis *Risler. l. c. P. III. p. 129. sqq. Münster. l. c. p. 57. sqq. Münscher. l. c. p. 333.*

quam plurimis vitae prioris erroribus implicitus tenebar, quibus exui me posse non crederem, vitiis adhaerentibus, obsecundans eram et desperatione meliorum malis meis velut iam propriis et vernaculis favebam. Postquam undae genitalis auxilio superioris aevi labe deterfa in expiatum pectus et purum desuper se lumen infundit, postquam coelitus spiritu hausto in novum me hominem nativitas secunda reparavit, mirum in modum protinus confirmare se dubia, patere clausa, lucere tenebrosa, facultatem dare, quod prius difficile videbatur geri posse, quod impossibile putabatur, ut esset agnoscere terrenum fuisse, quod prius carnaliter natum delictis obnoxium viveret, Dei esse coepisse, quod iam Spiritus S. animaret (a). Idem omnia fere S. Scripturae loca, quae de sola loquuntur aqua, qua purgantur credentes, de Baptismo interpretatur et diserte tradit per Baptismum Spiritum S. accipi (b). Porro dixit: Oportet ergo mundari et sanctificari aquam prius a sacerdote, ut possit baptismo suo peccata hominis, qui baptizatur, abluere (c). Inde incipit omnis fidei origo et ad spem vitae aeternae salutaris ingressio et purificandis ac vivificandis Dei servis divina dignatio (d).

In Christo per lavacrum generationis nascimur: peccata purgare et hominem sanctificare aqua sola non potest, nisi habeat et Spiritum S. baptisma est, in quo homo vetus moritur et novus nascitur (e). Idem baptisma vocavit sanctificationem ubi scripsit: Delicta quae fuerant ante contracta, Christi sanguine et sanctificatione purgantur. Hic a Cypriano intelligi baptismum patet ex iis, quae mox subiungit: quia sicut lavacro aquae salutaris gehennae ignis extinguitur, ita et eleemosynis atque operationibus iustis delictorum flamma sopitur, et quia semel in baptismo remissa peccatorum datur, assidua et iugis operatio, baptismi instar imitata Dei rursus indulgentiam largitur (f).

(a) Cyprianus de Gracia Dei ad Donatum p. 2. Cf. Münster. l. c. p. 61. sqq. Rösler. l. c. T. III. p. 178. sq.

(b) Cyprian. Ep. 63. ad Caecilium p. 278.

(c) Cyprian. Ep. 70. ad Ianuar.

(d) Cyprian. Ep. 73. ad Iubal.

(e) Cyprian. Ep. 74. ad Pompeium. Vide haec et alia Cypriani loca apud Venem. H. E. T. III. p. 665.

(f) Cyprian. in Libro de Opere et Eleemosynis p. 137. Cf. de h. l. Venem. H. E. T. III. p. 630. sqq. Rösler. l. c. T. III. p. 214.

Ita quoque vim Baptismi salutarem laudat *Lactantius*: Uno, inquit, *lavo-
cro malitia omnis abolebitur. Tanta divinae sapientiae vis est, ut in hominis
pectus infusa, matrem delictorum stultitiam uno simul impetu expellat, ad
quod efficiendum non mercede, non libris, non lucubrationibus opus est. Gra-
tis ista fiunt, facile, cito, modo pateant aures et pectus sapientiam ficiat.
Nemo vereatur nos. Aquam non vendimus, nec solem mercede praestamus.
Dei fons uberrimus atque plenissimus patet cunctis, et hoc coeleste lumen uni-
versis oritur, quicumque oculos habent (g).*

Ex hisce veterum testimoniis apparet, *Tertullianum* imprimis, et qui eum
secuti sunt saeculo III. Ecclesiae Patres, de vi Baptismatis salutari magnifico
sensisse et praelusisse iis, qui post. Concilii Nicaeni tempora de Baptismi virtuti-
bus, maxime de remissione peccatorum eius fructu, splendidi declamarunt,
*Gregorio Nyseno et Nazianzeno, Athanasio, Basilio, Chrysostomo, Cyrillo
Hierosol. Epiphania, Augustino, Ambrosio, Hilario*, aliis, qui postea vim
aquae in Baptismo inditam multo magis extulerunt, eamque ab omnibus pecca-
tis et poena liberare, atque Dei gratiam et fidem cunctis impertire statuerunt,
unde tandem fluxit Ecclesiae Romanae doctrina, baptismum delere culpam et
poenam, infundere gratiam et prodesse ex opere operato, characterem indelebilem
imprimere (h). Non ita sentiebant patres Anteniceni, qui, licet Baptismi
necessitatem defenderent, et non nisi hoc ritu initiatos ad vitam beatam perveni-
re posse docerent, iidem admonuerunt, baptismi aquam superiorum tantum peo-
catorum abolere labem, nec a poenis futuris liberare, futurorumque praemio-
rum compotes facere posse homines, nisi qui a vitiis ac foederibus purgati vitae
honestate et mentis morumque integritate se praestarent dignos, qui in vitam
beatam recipiantur (i).

(g) *Lactantius Instit. Divin. L. III. C. 25.*

(h) Vid. *Crunerus* L. c. p. 549 sqq. *Beck. Commentar. Histor. p. 679.*

(i) Cf. *L. A. Paetz Commentar. de vi, quam Religio Christiana, per tria priora saecula, ad homi-
num animos, mores, ac vitam habuit, Götting. 1799. p. 3. sq.*

§ 6.

*Veterum Christianorum sententiae de Baptismo, si
rite sit peractus, non repetendo.*

Ex iis, quae de Baptismi a Iesu Christo instituti consilio docuerunt ipse Servator et Apostoli, et ex antiquorum de huius ritus necessitate ac vi salutari sententiis ante expositis, sequitur communem hanc fuisse veterum Christianorum doctrinam, omnibus, qui Christianae societati adscribendi sint, hunc inaugurationis ritum semel tantum esse subeundum, neque, si rite peractus sit, esse repetendum. Haec res adeo perspicua est, ut vix testimoniis opus sit, quae illam probent. In Veterum scriptis semper de uno Baptismo, quo peccatorum sordes abluantur, sermo est, et in *Canonibus Apostolicis* statuitur. *Episcopum aut Presbyterum esse munere movendum, si denovo baptizaverit eum qui vere habeat baptismum (k)*. In *Constitutionibus Apostolicis* dicitur: *omnes contentos esse debere uno Baptismo solo in mortem Domini tradito (l)*. *Tertullianus* dixit: *Semel lavacrum inimus, semel delicta diluuntur. Unus omnino Baptismus est nobis. Unus Dominus et unum Baptisma et una Ecclesia in coelis (m)*. *Cyprianus* scribit, *Baptisma semel sumitur, nec rursus iteratur, additque rationem ex dicto Christi: qui biberit ex aqua, quam ego do, non sitiet in aeternum (n)*.

Sed de Baptismo Haereticorum, eiusque vi orta est dissensio. Primis quidem temporibus, quum aut nullae erant Haereticorum familiae, aut tenues saltem et perobscurae, nihil de virtute Baptismi haereticorum constitutum, nec

(k) *Canon. Apost. in Const. Apost. L. VIII. C. 47. apud Cotelierum in PP. Ap. T. I. p. 449: Ἐπίσκοπος, ἢ πρεσβύτερος τὸν κατὰ ἀλήθειαν ἔχοντα βάπτισμα ἐὰν ἄνωθεν βαπτίσῃ — καθαρώνεται.*

(l) *Const. Apost. L. VI. C. 15. p. 347. βαπτίσματα ἐν ἀρκείῳ μόνῳ τῷ εἰς τὸν τοῦ κυρίου θάνατον δεδιμένῳ.*

(m) *Tertull. de Bapt. C. 15.*

(n) *Cyprian. Ep. 63. ad Caeciliam p. 278.*

qua lege recipiendi essent, qui ex haereticis ad Catholicam Ecclesiam transirent, decretum est.

Secundo vero saeculo, quum paulatim variae sectae orirentur, atque ex his saepe nonnulli ad recte sentientes Christianos migrarent, orta est quaestio, utrum hi sacris Christianis per Baptismum initiandi essent, nec ne.

Haereticorum Baptismum nullam operari posse peccatorum veniam, adeoque hunc ritum non nisi in Ecclesia Catholica recte administrari, indicavit *Clemens Alexandrinus*, dicens *haereticorum Baptismum non esse aquam puram et sinceram* (o); et magis aperte dixit *Tertullianus*: *Unus Baptismus est nobis. Sed circa Haereticos sane quid custodiendum sit digne quis retractet? Ad nos enim editum est. Haeretici autem nullum habent consortium nostrae disciplinae. Non idem Deus est nobis et illis, nec unus Christus, id est idem; ideoque nec Baptismus unus, quia non idem: quem cum rite non habeant, sine dubio non habent* (p). Alio loco idem *Tertullianus* scripsit: *Haereticus apud nos ut ethnico par, imo et super ethnicum. Haereticus etiam per Baptisma veritatis utroque homine purgatus admittitur* (q). Ita quoque indicabant plerique in Africa et Asia Episcopi, adeoque Haereticos ad Christianos Catholicos accedentes, per baptismum initiandos, censabant. Alii vero contendebant, in eiusmodi casibus repetitione Baptismi non opus esse, et haereticos, ad Ecclesiam Catholicam accedentes, manibus tantum impositis et precibus, ab Episcopo esse consecrandos. Ita statuebant Romani, quos Europaei reliqui et nonnulli ex Africanis et Asiaticis sequebantur, suo quisque arbitrio usi.

Cum tamen ineunte saeculo III, in Africa de hoc negotio dissensio orta esset, Agrippinus, Episcopus Carthaginensis, Concilium convocavit, in quo decernebatur: *baptizandos esse, qui ab Haereticis ad Ecclesiam veniunt* (r). Se-

(o) *Clem. Alexand. Strom. L. I. C. 19. p. 375. ὅντα γὰρ διαβήσῃ ὕδωρ αἰλλότριον τὸ βάπτισμα τὸ αἱρετικὸν οὐκ οἰκείον καὶ γνήσιον ὕδωρ λογιζομένη.*

(p) *Tertull. de Bapt. C. 15. p. 230. Cf. de h. l. G. I. Vosius Dissert. 19. de Baptismo Opp. T. VI. p. 322, qui notavit verba obscura ad nos enim editum est, significare ad Catholicorum disciplinam pertinere Baptismus, sive nobis Catholicis is est praeceptus, non haereticis.*

(q) *Tertull. de Pudicit. C. 19. p. 581.*

(r) *Cyprian. Ep. 71. p. 196. Ep. 73. p. 199.*

quætantur hoc decretum multi Afferum Episcopi, licet et inter hos fuerint, qui hæreticos sine Baptismo recipere.

Progrediente tempore cum eadem res Episcoporum Asiaticorum animos distraheret, habiti sunt plures conventus eorum Iconii et Synadis, quas urbes erant Phrygiae, et statutum est: in hæreticis, ad ecclesiam accedentibus, iterandum esse Baptismum (s).

Africanos et Asiaticos, qui hanc tuebantur sententiam, valde errare iudicabat Stephanus, Episcopus Romanus, qui, ut ab hoc errore eos abduceret, Epistolam ad eos scribebat, cui cum illi parere nollent, eos Ecclesiae Romanae communione excludebat (t). Nihilo tamen minus *Cyprianus*, ab Episcopis quibusdam Afris consultus, in Concilio Carthaginensi anno CCLVI Orientalium sententiam probabat, idque Stephanò modeste significabat, Concilii nōmina monens, se nulli sedna sentienti litem moturos esse. Plures hac de causa scriptae sunt a *Cypriano* Epistolae, quibus contendebat, neminem posse extra Ecclesiam baptizari, cum sit Baptisma unum constitutum, adeoque hæreticorum Baptismum omnis virtutis esse expertem. *Omnes*, inquit, *qui ex quacumque hæresi ad Ecclesiam convertuntur, Ecclesiae unico et legitimo Baptismo baptizantur, exceptis his, qui baptizati in Ecclesia prius fuerant, et sic ad Hæreticos transierant. Illos enim oportet, cum redeunt acta poenitentia, per manus impositionem solum recipi* (u). Stephanus contra statuebat, omnes in Christi nomine tinotos posse sine baptismo admitti ad melioris ecclesiae societatem; *non quaerendum esse, quis sit ille, qui baptizaverit, eo quod qui baptizatus sit, gratiam consequi possit, invocata Trinitate nominum Patri et Filii et Spiritus sancti* (v). Utraque dissidentium pars in sua sententia permanebat, post Stephani mortem tamen pax restituta fuit (w).

(s) Niditur hoc testimonio *Dionysii* Episcopi Alexandrini apud *Euseb.* H. E. L. VII. C. 7.

(t) *Dionys. Alexand.* apud *Euseb.* H. E. L. VII. C. 5. ἐπιστάλη μὲν οὖν πρότερον, καὶ περὶ Ἐλένου, καὶ περὶ Φιριλλιανοῦ, καὶ πάντων τῶν τε ἀπὸ Κιλικίας, καὶ Καππαδοκίας, καὶ δηλονότι Γαλατίας, καὶ πάντων τῶν ἐξ ὁμορῶντων ἔθνων, ὡς οὐδὲ ἐκείροις κοινωνήσων διὰ τὴν αὐτὴν ταύτην αἰτίαν, ἐπεὶ τοὺς αἱρετικούς φησὶν ἀναβαπτίζουσι.

(u) *Cyprian.* Ep. 69–75. variis locis Cf. *Rösler.* l. c. p. 263. sqq.

(v) Ita Stephani sententiam tradit *Firmilianus* in Ep. ad *Cyprian.* Ep. 75. p. 322.

(w) Vidd. de hac controversia *Fossus* l. c. p. 323. sqq. *Mishem.* de rebus ante. Const. M. p. 533.

Postea vero disceptatio cum Donatistis effecit, ut unitas Baptismi a Catholicis magis defenderetur, discrimen veri et falsi Baptismi constitueretur, et diceretur vim baptismi non pendere a ministro, adeoque si adhibita aqua et invocato Patris Filij ac Spiritus S. nomine sit peractus, ab eo iterando abstinendum esse, repeti autem debere Baptismum, qui non rite sit peractus.

§ 5.

Haereticorum, qui tribus prioribus saeculis fuisse dicuntur, sententiae de Baptismo.

Ne omittam aliquid, quod ad veterum Christianorum sententias, de Baptismo pertinet, ultimo loco paucis inquirendum videtur, quid de hoc ritu sacro senserint illi, qui saeculis tribus prioribus ab Ecclesia Catholica dissentiebant et haeretici habebantur.

Plerique eorum videntur eadem ratione Baptismum administrasse, qua illud factum fuisse in Ecclesia Catholica ante exposuimus, et propterea multi statuerunt, si qui ex Haereticorum familia quadam ad Catholicos transirent, non iterandum esse Baptismum.

Nonnulli quidem fuisse dicuntur inter Gnosticos, qui Baptismum repudiarent, statuerentque veram ἀπολύτωσην tantum in cognitione veritatis sitam esse, quae ritu externo et visibili conferri non possit: et haec traditur fuisse sententia sectae Marciorum natae, saeculo II, e Valentiniana, reliqui autem Gnostici, inprimis Valentiniani et Menander, Baptismum adhibuerunt eiusque vim et laudes auxerunt (*).

Marcion saeculo II dicitur baptismum bis vel ter impertisse et primum Baptisma inde collegisse, quod Christus baptizatus sit a Ioanne, alterum tertiumque exinde quod Christus dixerit: βάπτισμα ἔχω βαπτισθῆναι, καὶ τί θέλω, εἰ ἤδη τετέλεκα αὐτό; Item ποτήριον ἔχω ποιεῖν καὶ τί θέλω, εἰ ἤδη πληρώσω αὐτό; Utrum-

sqq. Venema H. E. T. III. p. 749. sqq. Rösler. l. c. P. II. p. 218. sqq. Münscher. l. c. P. II. p. 352. sqq. Münter. l. c. p. 29. sqq. van Hamelveld Kerkel. Gesch. D. III. p. 115—138.

(*) Vid. Theodor. Exc. Opp. Clem. p. 987—991. Iren. L. III. C. 17. 2.

que hoc dictum fere convenit cum iis, quae leguntur Luc. XII, 50. et Matth. XX, 22, 23. (γ). Ita quoque inter Marcianos, de quibus ante, nonnulli plures adhibebant ritus initiandi, quorum prior veniam peccatorum conciliare, alter ad sublimiorem scientiam ducere credebatur, hoc baptismo Christum accepisse Spiritum S. et de eo locutum fuisse Marc. X, 30. statuebant, et iungebant huic ritui precum formulas lingua Syriaca, quae servatae sunt apud *Irenaeum*, *Epiphanium* et *Theodoretum* (z).

Inter Manichaeos Baptismus erat receptus ea forma ac ratione, quam Christus praescripsit, quoniam vero huic ritui nullum tribuebant ad animae salutem fructum, cogebant neminem suorum ad eum suscipiendum. Si qui tamen ex electorum, quos dicebant, numero, initiari per Baptismum cupiebant, licitum hoc iis erat, quibus autem ritibus hi Electi, qui reliquis sanctiores habebantur, initiati sint, nemo veterum memoriae prodidit, res enim haec ad arcana sectae sacra pertinebat. Illud constat, eos, qui apud Manichaeos fuerant baptizati, absque huius ritus iteratione in Ecclesiam Catholicam fuisse receptos (a).

Ita iam perveni ad finem Commentationis, qua veterum Christianorum tribus prioribus saeculis de Baptismo sententias exponere conatus sum. Vobis, Viri Clarissimi! hocce opusculum offero, vestram implorans benignitatem et in iudicando facilitatem.

Symb.

Omnia conando docilis sollertia vincit.

(γ) Vid. *Epiphan.* Haeresi XLII. p. 304. ed. Paris. 1622. Cf. *Vossius* Disput. 17. de Baptismo l. c. p. 319. *Münter.* l. c. p. 72. sq.

(z) Vid. *Münter.* l. c. p. 73.

(a) Vidd. Testimonia *Cyrilli Hierosol.* *Augustini Hieronymi*, aliorum apud *Moshem.* l. c. p. 889. sqq. Cf. *Münter.* l. c. p. 76. sq.

FELICIS MINGUET

IURIS CANDIDATI IN UNIVERSITATE LEODIENSI

COMMENTATIO

AD

QUAESTIONEM,

A NOBILISSIMA FACULTATE IURIDICA ACADEMIAE
GRONINGANAE IN CERTAMINE LITTERARIO

ANNO MDCCCXXIV.


PROPOSITAM:

„EXPONATUR HISTORIA IURIS ROMANI DE TUTELIS,
„ITA UT PATEAT, QUAE NAM IN IIS, SINGULIS
„TEMPORIBUS, IURIS MUTATIONES ACCIDERINT,
„QUAEQUE EARUM MUTATIONUM CAUSAE FUE-
„RINT ATQUE EFFECTUS.”

QUAE PRAEMIUM REPORTAVIT

a. d. XIII Octobris MDCCCXXV.

P R O O E M I U M.



Cuique saeculo sua est facies; nostra aetate legum praesertim examini operam damus: atqui effatum illud compertum habemus: quid sit si intelligere velis, prius, quid fuerit, cognoscere debes. Vix enim, quae in iure hodierno exstant, rite intelligas, nisi, quae fuere apud antiquos, et apud Romanos praecipue, quorum ius fere omnibus normae instar est, intellecta habeas. Ac, quoniam nil est, quod non pendeat ab hisce, quae praecessere, neque ius Romanum a iure anteriori non pendere poterit. Quae cum ita sint, viri, cum ingenio praestantissimi, tum divinarum atque humanarum rerum peritisimi, prae caeteris iuris historiam esse colendam iam dudum docuere. At enim non nititur iuris historia legum olim apud Romanos receptarum nuda expositione; legum etiam fatis, instituti causis, origine atque vicissitudinibus continetur; quomodo enim Themidis ministri leges callebunt, quarum causas, origines ac progressus ignoraverint? Quae sane momenta Iurisconsultorum mentibus, hoc saeculo in iuris disciplinam perficiendam arrectis, sponte occurrerunt, nuperque adeo Iuridicam Facultatem Academiae Groninganae praepriis moverunt, Commentationem ut postularet, qua exponatur tutelarum apud Romanos historia, ita ut pateat, quaenam in iis, singulis temporibus, iuris acciderint mutationes, quaeque earum mutationum causae fuerint atque effectus. Id nos ut audivimus, illico animum alacres ad huiusmodi aliquid tentandum stimulasse candide profitemur; nec enim poterat haec materies antiquitatum perscrutandarum avidis non arridere.

Nec latebat tamen, illas, quae instituendae essent circa ius, politicam, mores religionemque Quiritium, disquisitiones gravissimas esse; et consultissimi viri magis quam tyronis vires, prudentiam, iudicium atque eruditionem postulare; imo periculum esse, ne athletae debiliores in arena viribus defecti concideremus. Vix operi manum admoveramus, cum tot tantaeque insurgerent undique difficultates, ut, absolutis prioribus pagellis, calamus plane haerere videretur, et in tanta doctorum fluctuatione verisimile non esset, iuvenem, exigua praelucente suffultum doctrina, tenebricosissimum iter posse certo pede emetiri. Saepe nimirum cum QUINCTILIANO dictitabamus: „*quibus praeceptis parendum, pugnant inter se, atque dissentiant, et perpetuam hanc per saecula litem trahunt. Quibus credamus? Quibus accedamus? quidquid probaverimus, plures negaturi sunt, nec, quaecumque praecipiantur, stare possunt.*”

Et fatebimur, rem peritioribus eramus relicturi, nisi partim laudis cupido disquirendique voluptas, partim spes vel modicum ex labore doctrinae incrementum consequendi, partim denique benevolentia, qua iudices futuros praecellere scimus, animos addidissent. Et illi non expectant, et nos, ut Ciceroniano utamur verbo, *non ea pollicemur, quae in viro erudito, ac multo rerum usu exercitato laudentur, sed quae in iuvene.*

Quodsi alicubi forte, dum nostra firmamus placita, doctissimorum virorum sententias audacius, quam par erat, profligavimus, ardori iuvenili sit venia; si vero erravimus ipsi, meminerint quaesumus, id maxime habere naturam nostram, quod effugere non possit.

I N T R O D U C T I O.

Si in foro causas dicentibus nefas, ut ita dixerim, videtur esse, nulla praefatione facta, iudici rem exponere: quanto magis interpretationem promittentibus inconueniens erit, omisfis initiis, atque origine non repetita, atque illotis, ut ita dixerim, manibus, protinus materiam interpretationis tractare? namque nisi fallor, istae praefationes et libentius nos ad lectionem propositae materiae producant: et cum ibi venerimus, evidentiore praestant intellectum.

GAIUS ad legem XII tabularum.
(Dig. lib. I. Tit. II.)



§ 1.

De necessitate Tutelae et Curae in uniuersum.

Homo, parentum cura si destitueretur, animalium omnium longe foret miserimum. Bruta, ut primum nascuntur, iam ipsa pleraque valentiora sunt, caeterum brevi a parentibus relictis eo a natura inducuntur, quo maxime ad sui conservationem necesse est; homo autem, illud tolle praesidium, non modo vitam tueri non potest, inops atque imbecillus: verum etiam si posset, nonne exstingueretur in eo divinae illa particula aerae, et omnis humanior cultus praefecabitur, qui nonnisi post longum temporis spatium apparet, neque nisi impensis curis maximis perficitur? Verum sapienter a natura provisum est, ut parentes diuturno, imo perpetuo amore complecterentur liberos, quod rationis, quae nos a brutis segregat, munus non minimum videri possit (1): qui enim fieri

(1) MONTESQUIEU, Esprit des lois, lib. XXX. cap. 2. Me non fugit, multos contendere, in-

posset, ut homo non diligeret eum, in quem suam vitam se transfudisse sentiat (2)? Ex hoc amore orta vincula domestica, quae sunt primordia ineundae societatis, ad quam nati sumus (3).

Verum parentes superstitēs habere non omnibus contingit: quam enim multorum fata praecipitantur, qui ex se natos omni ope destitutos, et, ut ait auctor quidam vetus, ἐπὶ τῆς γῆς μονωθέντας relinquerent, quo tempore auxilio maxime indigent, nisi a natura ipsa vinculum cognationis amicitiaeque esset constitutum?

Rursus vero non omnibus datum est amicitiae aut cognationis vinculo iunctos habere, neque semper, qui tali iunguntur, officia praestant, quae iniungit; at non omni tamen praesidio nudatur, qui huiusmodi sibi domesticos

fantes alendi parentibus nullam incumbere obligationem. Sic sequentem propositionem defendit ornatiss. VAN HASSELT, in elegantissima Disertatione de legis actionibus (Groningae 1824) thes. adiect. 1. „*Licet, ut caeteris animantibus, ita et hominibus magnus erga sobolem amor a natura sit inditus, iure naturae tamen stricte ita dicto, recens natos alendi educandique ipsi nulla incumbit obligatio, nec in eos ullum est veri nominis ius*” quae si essent vera, societatis destructio iure naturali esset licita; nam, si parentes recens natos alere non tenerentur, statim societatis destructioni locus esset; si vera essent, inquam, homicidium iure naturali esset ipsum licitum; quod quibus rationibus defendi posset plane ignoro; nam nil refert, utrum homicidium fiat facto quodam, an vero facti omissione, cum in utroque casu homicidii causa situs directa aut indirecta, in quibus nullam plane video differentiam: quibus momentis (nisi me mea, ut quemque sua persaepe, fallant) me recte ab ornatissimi VAN HASSELT sententia recedere duxi.

Iam moneam necesse est, me disertationes quasdam, in universitate Groningana defensas, plane ignorasse, quas si cognovissem, multos labores multasque vigilas mihi pepercissem; quas cum egregii viri iuridicae facultatis Academiae Groninganae, dum meam disertationem defenderem, mecum communicassent, mihiq; dedissent, rogavi eos, ut meae disertationi notas quasdam adicere liceret, quo benigne concesso, in meum usum praefatas disertationes Groninganas contuli, notasque iam anno praeterito collectas, sed quas vigiliis et labore defessus elaborare non potueram, adieci, ita ut notae, in hac disertatione occurrentes, posterius additae fere omnes haberi possint.

Manum de tabula tollere non salutatis, quos mihi iudices habere licuit, Professoribus, placulum duxi. Accipite igitur, Viri Clarissimi GRATAMA, WALLI; NIENHUISI! qui tanta benevolentia et humanitate erga iuvenem usi fuistis, ut me plane devictum sentiam; accipite, inquam, grati animi significationem, quam publice profiteor, quamque in me nulla delebit dies. Vos ad emolumentum artis aequi et boni diu servet incolumes Summum Numen!

(2) HEMSTERHUISIUS, Opusc. vol. I. pag. 61. — HERDER, de l'amour et de l'égoïsme p. 91.

(3) MONTESQUIEU, Esp. des lois, lib. XXIII cap. 4.

patrones invocare nequit: inre enim naturali tantum est, ut eum indefensum non linqueremus (4).

Fuere quidem, nec ii pauci, inter quos Clariss. OTTO, qui omnem tutelam, sive originem spectes, sive formam, mere iuris civilis esse institutum opinati sunt (5). His, quod eorum pace dicatur, assentiri non possumus; et, quantum quidem ad originem tutelae, videtur illa nobis iuris naturalis praeceptum, et praesertim tutela propinquorum; certum est enim, apud omnes populos tuendi imbecilliores invaluisse morem, antequam leges existerent civiles: quia, ut GAIUS ait, id naturali rationi est consentaneum (6). Quomodo enim omnes illud institutum fuissent amplexi, nisi eo natura ipsa raperet?

Sed cum iuris naturalis praecepta, licet ea natura ipsa sanciverit, naturae immemor hominum pravitae facile transgrediatur, quo se vertent, quos parentum interitus in tanta iniquitate orbos destituit? Invocandum ius civile; et merito invocatur (7), cum omnis societatis finis, atque adeo omnis iuris civilis, singulorum membrorum felicitas sit, et ius civile novam addere debeat sanctionem iuri naturali, si, ne hoc infringatur, sit periculum (8).

Porro, cum homo ad illam pervenit aetatem, qua sibi ipsi providere posse videri queat, imperfecto tamen eius intellectu, experientiaque deficiente, malorum infidiis caset, obnoxius, sicque patrimonium facile amitteret, aut saltem, ne amitteret, rerum ignaro periculum immineret. Idcirco iare civili statuendum erat, talium obligationes non valere, aut illis adiungendae personas,

(4) BURLAMAQUI, Elements du droit naturel cap. 3.

(5) OTTO, Disf. de perpetua mulierum tutela, § 1.

(6) GAIUS, Comm. I. § 189. Ait GAIUS: *Sed impuberes quidem in tutela esse, omnium civitatum iure consingit; quia id naturali rationi conveniens est, ut is, qui perfectae aetatis non sit, alterius tutela regatur. et § 190. feminas vero perfectae aetatis in tutela esse, fere nulla pretiosa ratio suasisse videtur.* Quaesitum igitur apud GAIUM fuit de origine utriusque tutelae, an scilicet iuris gentium, num vero iuris civilis? mulierum tutelam iuris civilis, impuberum tutelam iuris gentium esse pronuntiat. WICHERS Disf. ad locum GAII de tutelis. (Groningae 1822.) pag. 21.

(7) PLATO, de legibus lib. XI. — Clarissimus THIBAUT in praeciaro opere *System des Pandekten-Rechts*, (6^{ta} edit. Ienae 1823.) tom. I. pag. 376—426. sub civitatis disciplina, quam germanice *Polizeyrechts* vocant, de tutela agit. Sed doctissimum virum hic a vero ordine recedere cuique clarum est, qui perpendit, apud Romanos tutelam fuisse institutum ad similitudinem patriae potestatis.

(8) IUSTINIANI Nove CLXI.

quarum consilio agentes se obligare possent; hoc ultimum praevalere debuit (9), cum homo obligationibus contrahendis non aptus a societate vere exulare videatur.

Aetas vero ineundis pactis aliisque negotiis expediendis idonea mero iure naturali haud est definita, quum in quibusdam citius, in aliis tardius iudicium mature scat; at leges civiles diligentius eam determinant, variae tamen pro nationis, cui latae sunt, solertiori aut hebetiori ingenio. Ex legumlatoribus alii cives suos ad ipsum nuptiarum tempus, alii, donec inter viros adscriberentur, tutelae subesse voluerunt, quandoque vero usque ad pubertatem tantum iuvenes tutelae subfunt, veluti initio apud Romanos, dum aliis temporibus tutela extensa videri possit ad puberes ipsos, qui tum curatores accipiebant (10).

Homo, cum ad illam pervenit aetatem, qua sibi ipsi providere possit, nec alterius consilio amplius egeat, et omnia iuris negotia peragere ipse valeat, dementia atque prodigalitate aliisque casibus veluti ad infantiam redire videtur: talem hominem aliorum praesidio carere non posse, rationes de tutelis allatae satis ostendunt.

Porro, quae diximus, non in doctrina tantum sunt vera, sed constanti firman-
tur usu; quippe testatur historia, nullam gentem partem suae legislationis non consecravisse tuendis iis, qui se ipsi tueri non valerent propter teneram aetatem aut animi imbecillitatem, ita ut cum G A I O dicamus: *omnium civitatum iure contingit, quia id naturali rationi conveniens est, ut is, qui perfectae aetatis non fit, alterius tutela regatur.*

Unde autem accidisse dicemus, ut, cum hoc iuris naturalis praeceptum omnes animadverterent, cuncti tamen alii alia via sint progressi in eo applicando? Neque mirum, cum omnis legumlatio a moribus, religione, institutisque politicis pendeat (11), ideoque, si diversas legislationes interrogemus, diversas leges ea de re latis reperiemus, prudentes aut malas, prout populi magis minusve erant exculti.

Cum in hac commentatione nobis Tutelarum apud Romanos fata et vicissitu-

(9) SEGERUS, Disertatio de tutela, § 2.

(10) SERPIUS GRATAMA, antecessor Groninganus, Prael. ad lib. I. Inst. pag. 263.

(11) OTTO, Disf. de perpetua feminarum tutela, § 1.

dines enarrare, legesque, quae in veteri iure Romano de tutelis obtinebant, investigare, non alienum duximus inquirere, quatenus apud alios quosdam populos leges hae de re latae fuerint, ut ex harum cum Romanis comparatione hae rite diiudicari queant.

Hoc opus, hic labor est; verum liceat tamen iuveni indulgere animo et in tam pulchro argumento, nae per se iam amplo atque erudito, delibare quaedam de **SOLO**NIS et **LYC**URGI institutis pro capto mediocritatis suae.

§ 2.

Comparatio Iuris variorum Populorum.

Si ad Graecorum instituta nos convertamus, prima nobis fit obvia **SOLO**NIS legislatio, qua cavetur, ne is fiat tutor, ad quem post pupilli obitum patrimonium iure hereditario spectat (12). **SOLO**NIS legibus agnati ad successionem vocabantur; timuit legislator, ne propter hereditatem speratam ad crudelissima impellerentur scelera, ideoque cognatis, sed sub hac adhuc cautela, ut ab Archontibus idonei haberentur, addixit tutelam (13); qua ratione effecit, ut, si agnatis tutelam committendo scelerum immineret periculum, nunc, tradita ea in manus cognatorum, qui nulla spe hereditatis ad pupillorum perniciem excitari posset, eorum vitae consultum esset. Cuius legis sapientiam multo etiam magis laudabimus, si ad Atheniensium morum depravationem attendamus (14).

Iam si **LYC**URGI inspicimus leges, oppositum praevaluisse reperiemus. Quamquam enim Laconum leges in scripturam redactae haud fuerint, ex **HERO**DOTO tamen colligere est, apud **LAC**ONES ad agnatos pertinuisse tutelam, sic enim ait: *Lacedaemonii ipsi narrant, Lycurgum, quum fuisset tutor filii fratris sui Leobotae Spartanorum regis, e Creta haec attulisse* (15).

(12) **DIO**C. **LAERT.** lib. I. segm. 56.

(13) **IUL.** **POLLUX**, *Onomast.* 8.

(14) **GIBBON**, Cap. 44. § 38. editionis, cui praefuit et quam notis illustravit **Clariss.** vir **WARNEKÖNIG**, antecessor in Universitate Belgica Leodienfi — *Voyage du jeune Anacharsis en Grèce* per **BARTHÉLÉMY** XIV—XX.

(15) **HEROD.** hist. lib. I. 65.

Certe in tanta Laconum continentia et divitiarum contemptu infidiae haud fuerunt metuendae (16), eo minus etiam, quod infantum educatio fore omnis apud illos esset publica atque communis (17), et ad *παιδείας* spectaret, quodque infantes reipublicae essent proprietates, ideoque quodammodo sub reipublicae tutela esse dici posset (18).

CHARONDAM caute mediam tenuisse viam, refert DIODORUS SICULUS: ab illo, inquit, *lex favore et gratia plena traditur, conscripta, de tutela et educatione orphanorum; scriptum enim reliquit, bona hereditaria agnatorum tutelae et administrationi, pupillorum vero educationem cognatorum fidei et curae tradi debere* (19). Hanc legem admodum laudat praefatus DIODORUS hisce verbis: *Cur aliis opum et patrimonii curam, aliis vero vitae educationem credi statuerit, singularis quaedam et prope divina conditoris providentia et cautio occurrit, ad utriusque rei incolumitatem protegendam excogitata* (20).

Haec de Graecis dicta sufficiant, cum proposuerimus singulorum placita diversa de quaestione, quibus tutela committi deberet. Vidimus enim, aliis placuisse tutelam cognatis, aliis agnatis eam tradere; denique CHARONDAM mediam tenuisse viam, quod tantum memorare nobis in animo erat: iam itaque ad Romanos redimus; Mosaicam enim legislationem praeterire nolebam, sed, postquam multum laboris impendissem, expertus sum, in ea ne vestigium tutelae quidem occurrere, quin dubitari posset, eam apud Iudaeos etiam in usu fuisse.

§ 5.

De indole et vi huius Iuris apud Romanos.

Quae de tutelis diximus, eam humanae misericordiae munus esse probant, idque rationi est consentaneum: mirum sane esset, aliam tutelae notionem va-

(16) HEINECCIUS, Ant. Rom. Syntgm. lib. I. tit. 13. § 5.

(17) ARISTOTELES, Polit. IV. 49.

(18) DIONYSIUS HALIC. lib. II. cap. 27.

(19) DIODORUS SICUL. lib. XII.

(20) DIOD. SICUL. loco laudato.

lere apud nos, quos tot cognitionum faces illustrant: minime vero mirum, tutelarum imperfectiorem notionem obtinuisse apud varios antiquitatis populos, et remotae praesertim, namque illa humani generis est pueritia. Quid igitur miremur, tales populos, etsi iuris naturalis praeceptum imbecilliorum tuendorum sentirent, in eo recte applicando errasse? neque igitur mirum est, eos tutelam, utpote institutum secundarium, suis institutis primariis legum, religionis, politices, morumque accommodasse (21). Etenim cum apud nos nulla res a re anteriori non pendere non possit, nulla quoque legislationis pars ab antecedente more, religione, et instituto politico non erit deducta; at quomodo populus infans, et in barbarie adhuc, suas leges condidisset, nulla ratione habita praecedentium morum, religionum, et institutorum politices? haec autem imperfecta ipsa esse debuerunt, ut quae temporibus rudibus barbarisque moribus introducta sint, neque nisi tempore perfici potuerint; ne miremur igitur, tutelam vitiorum aliorum institutorum fuisse participem; nam, quod vere monet acutissimi ingenii vir MONTESQUIEVIVS, *les législateurs statuoient plus sur la société que sur le citoyen, et sur le citoyen que sur l'homme* (22).

Apud Romanos eadem causae eundem effectum pepererunt, eorumque leges antiquae expertes esse non poterant pravae temporum conditionis (23). Atqui veteri iure Romano tutela legitima non, ut iure eorum posteriori, humanitatis munus, ast agnatorum ius fuit (24), quare non tantum pupilli pupillaeque, sed etiam feminae puberes sub tutela erant, et hae quidem sub perpetua (25); ideo non cognati, sed agnati heredes futuri tutelae ius soli habebant (26), quam in rem ait MONTESQUIEVIVS: *la tutelle aux plus proches héritiers fait plus*

(21) MONTESQ. *Esprit des lois*, lib. XIX, cap. 21—25. quamquam GAIUS dixit, tutelam im-
puberum esse iuris gentium, haec tutela tamen apud Quirites tot et talia habet Romanae civitati pro-
pria, ut eam quoque iuris civilis esse facile dixeris; eadem tamen ratione, qua patria potestas iuris ci-
vilis esse dicitur, qua usucapio, qua alia iuris civilis esse dicuntur. WICHERS in *Discl.* laudata pag. 23.

(22) MONTESQ. in opere laudato lib. XVII, cap. 1.

(23) MONTESQ. *Grand. et décad. de l'emp. Rom.* cap. 2.

(24) GAIUS, *Comm.* 1. § 155—157. — SEERF. GRATAMA, *Praelect. ad lib. I. Inst.* pag. 216.
VON LOHR, *Magasin* tom. I. fascic. 1—16.

(25) GAIUS, *Comm.* 1. § 144.

(26) ULP. *fragm. tit. XI.* § 3. — GAIUS, *Comm.* 1. § 155.

d'attention à la conservation des biens qu'à la personne du pupille (27); hinc tantopere tutorum potestati et commodo favebatur, et minus iis prospiciebatur, qui suberant tutelae (28).

Tutelae singularis (ut sic loquar) character tutoris auctoritas dici debet (29), qua amovebatur personarum incapacitas, (venia sit verbo) quae tutelae suberant; hac enim auctoritate personarum illarum imperfecta voluntas perficiebatur, per voluntatem alterius personae perfectae voluntatis, nempe tutoris. Actus ille nullibi in iure reperitur, nisi in tutela (30), multumque differt a curatoris consensu, imo vis et indoles dici debet, quo tutela a cura distinguitur (31).

In tutela semper observatur similitudo cum ordine suocessionum ab intestato (32), ita ut tutelarum fata, (ut ita dicam) a suocessionibus pependisse videantur, et ita quidem arte connectantur, ut ordine suocessionum ab intestato mutato et tutelarum doctrinam mutari videamus; imo tutelam partim propter hereditates esse introductas, hisce accomodatas, et ius fuisse ad hereditatem futuram tuendam, merito praedicari posse putaverimus (33).

§ 4.

Quas personas de iure incapaces ab incapacibus de facto distinguebant Romani.

Quamvis unum hoc commune sit omnibus, quos incapaces vocare consuevimus, ut, quidquid in iure peregerint, irritum sit, nisi alterius personae voluntate firmetur, non tamen omnes eodem modo incapaces dicendi sunt, si ad eorum, qui tales habentur, naturam, maxime vero si ad Romanorum mores institutaque politica attendimus. Solebant enim Romani eos, qui iure poli-

(27) MONTESQ. *Esprit des lois*, lib. XIX. cap. 24.

(28) VON LOEHR et GROLMAN, *Mag.* tom. III. fascic. 1-16.

(29) HUGO, *Iuris hist.* edit. latina § 47.

(30) *Ibidem* § 47.

(31) VON LOEHR, *Mag.* tom. III. fascic. 26.

(32) HUGO, *Iuris hist.* § 47.

(33) GAIUS, *Comm.* 1. § 192. — SCHWEPPE, *Rechtsgesch. und Alterth.* sect. 4. § 110.

tico fruebantur, distinguere ab his, quos ab eodem excluderant, et apud omnes populos in infantia degentes personae, quae arma ferre non valent nec patriam defendere, publicae potestatis participes fieri non possunt; fieri enim non potest, ut rudes animi intelligant, eum, qui patriam defendere non potest, publicae potestatis participem esse posse; hinc illis tamquam inutilibus pauciora fere iura aut privilegia conceduntur. Et contrario iis, qui ad arma ferenda apti, adeoque publicae potestatis participes sunt, maiora iura et privilegia addicuntur, quia talibus viris indigent, cum populi in infantia degentes in perpetuis fere bellis versentur.

Quivis sentit, quanti momenti illa fuerint apud Romanos, ut TACITUS ait, ad bellandum natos, qui omnia virtuti bellicae postponebant (34), cuius infantia iam populi principis infantia erat. Atqui apud Romanos feminae et impuberes in comitiis non admittebantur, omnibusque muneribus publicis excludebantur, neque arma ferre poterant, civesque (si ita loqui fas est) magis *passivi* quam *activi* erant (35), denique status eorum, vi cuius incapaces erant, permanens erat, et hinc ex iure tales erant; ita quidem, ut, si intellectus et iudicium annos superasset, ipsa legis ratione tum cessante, contractus tamen ab iis, etsi pleno iudicio facti, irriti fuissent sine tutoris auctoritate adhibita: ita etiam si impuberes aut feminae condidissent pleno intellectu testamentum, tamen effectum sortiri non poterat, si tutoris auctoritas interposita haud fuisset, utpote conditum ab eo, qui ex iure incapax esset.

Secus est de aliis, et ipsis quoque inhabilibus, sed diversa ratione, veluti de prodigiis et furiosis; illi enim ex iure omnino capaces erant, et cives activi, cum antè furorem aut prodigalitatem in comitia prodire, et arma ferre valerent, atque ita publicae potestatis participes fieri. Erant ergo ex iure personae capaces et perfectae, sed quae propter factum aliquod sua iura exercere per se impediabantur; unde et perpetuo inepti non erant, cum, facti impedimentis remotis, denuo apti redderentur. Hi erant de facto incapaces, et ita quidem, ut, si dementes lucido intervallo condidissent testamentum, aut aliud

(34) VEGETIUS, lib. II. cap. 1.

(35) Non satis latine forsan *activi* et *passivi*, quibus verbis hic utor: verum nulla alia reperire potui, quae rectius, quid vellem, indicarent.

quodvis gessissent iuris negotium, ea essent valida: *furius tempore intermissi furoris testamentum facere potest*, ait PAULUS (36).

§ 5.

Tutela et Curae distinctio, utriusque cum vinculo domestico connexio.

Ex supra dictis elucet, quibus fundamentis superstructa sit tutela et cura distinctio; habebant nimirum incapaces ex iure tutores, et aliquando voluntas eorum imperfecta per tutoris auctoritatem perficiebatur, ita ut in iure effectum habere posset; facto autem incapaces curatores habebant, et, quamdiu incapaces erant, reddi capaces ne ipsa quidem curatoris voluntate poterant, quoniam nullam habere voluntatem intelligebantur.

Ast et alia datur cura, non dementium et prodigorum, sed aetate minorum, quae tamen posteriori invaluit iure; hanc nil nisi extensionem tutela ad impuberes esse, Clariss. SEERPIUS GRATAMA, antecessor Groninganus, existimavit (57). Quae nostra de hac re sit sententia, suo loco sumus propofituri. Quidquid de eo sit, intelleximus, nobis, cum de tutela historia exponenda sit, etiam minorum curarum historiam esse tradendam, ut quaestionem ita absolvamus, quemadmodum eam Groningana iuris facultas intellexisse videtur.

De differentia inter curam minorum et tutelam nuperrime maximi nominis viri disputaverunt, veluti SCHWEPPE et VON LOHR (38): utram Clarissimorum virorum sententiam amplectamur, postea dicemus.

Ut ad tutela et cura redeamus distinctionem, de qua supra disseruimus, hanc Romanorum moribus, institutis politice, personarumque naturae esse consentaneam, monere necesse non ducimus.

(36) Sententiarum lib. III. tit. 4. § 5.

(37) SEERPIUS GRATAMA, Praelect. ad lib. I. Inst. pag. 110 — 112. et 163, ubi curam minorum nil esse nisi tutela continuationem aut successionem contendit.

(38) SCHWEPPE, Juristisches Magaz. tom. I. fascic. 109. — VON LOHR, Magazin für Rechtswiss. und Gesetzgeb. tom. III. fasc. 433 — 477.

Quod ad tutelae et curae necessitatem spectat, si de ea, qualis nostra aetate apud nos existit, agendum nobis esset, responso certe esset levissima, cum curae atque tutelae institutio nunc propter eos tantum locum obtinuerit, qui sub tutela atque cura positi sunt, eorum inquam in gratiam tantum, non aliorum. Verum Romanorum instituta ex Romanorum moribus diiudicanda sunt; quod hoc loco facere conabimur.

Cum de indole tutelarum dixerimus (39), maximam similitudinem esse inter tutelam et successiones ab intestato docuimus, affirmavimus, tutelas partim propter successiones esse introductas, et hisce accomodatas fuisse. Maxime igitur iuvabit rationem inquirere et fundamentum successionum, ut ex hac tutelarum curarumque necessitas eruatur.

MONTESQUIEU (40) egregie docuit, quatenus fuerit successionum apud Quirites doctrina, huiusque rationes politicas, ratione immortali ipsius ingenio dignissima exposuit; quin tamen de tutelis fuerit locutus. Idem exposuit acutissimi ingenii Germaniae iureconsultus VON LOHR (41), qui inde eruit tutelarum curarumque necessitatem. Quid autem nos tyrunculi horum virorum doctrinae addamus? Satis praestitisse arbitramur, si sacra eorum, quod ait ille in fine Thebaïdos suae, vestigia adorantes, longe secuti fuerimus, et, quod illi docuerunt, passim atque sedulo sublegentes, omnia ita exponere posimus, ut non nimis deformata videantur.

ROMULUS agrum Romanum per domos distribuerat (42), quae divisio eidem genti eadem bona in perpetuum addicebat, ut ita aequalitas servaretur inter Quirites; bona autem in eadem familia manere debuisse perpetuo, ex hisce in aperto est. Postea vero haec cum ex usu recessissent, regnante SERVIO TULLIO, hae leges ad agrorum divisionem spectantes denique restitutae sunt (43), et ipse TULLIUS in hanc rem novas tulit leges, et censum instituit, unde bonorum aristocratia orta est (44). Ex hisce necessario ordo succedendi ab

(39) Huius dissertationis introd. § 3.

(40) MONTESQ. *Esprit des lois*, lib. XXVII. cap. unico.

(41) VON LOHR, *Magasinfür Rechtswiss. und Gesetzgebung*, tom. III. pag. 10-12.

(42) DIONYSIUS HALIC. lib. II. cap. 3.

(43) DIONYSIUS HALIC. lib. IV.

(44) VON LOHR, *Magaf. für Rechtsw. und Gesetzgebung* tom. III. fascic. 10.

intestato evenire debuit, qui familiae relationibus nitebatur, quique eo tendebat, ut bona in eadem familia manerent (45); ideo Romani tantum successionem ab intestato habebant initio, quae apud eos *iuris publici* (*d'ordre public*) erat. Hinc placitis privatorum successiones ab intestato mutari non poterant, quia nimirum reipublicae interesset hoc non fieri (46); quod adeo est verum, ut, si quis vellet successioni ab intestato derogare, nova lex esset ferenda (47); initio enim testamenta nulla omnino condi poterant, nisi comitiis calatis, et in procinctu (48); in utroque autem casu, cum populi Romani voluntate, adeoque lege illud fieri recte dici potest, namque, quod Quirites iusserant, legis nomine salutabatur: hinc iure defenditur, apud Romanos successionem ab intestato normam fuisse generalem, testamentariam vero exceptionem.

Hoc iure agnatis tantum dabatur hereditas, quoniam bona in aliam transivissent familiam, si et cognati ad bona fuissent vocati. Haec succedendi ratio divitibus familiis, quae tum multa auctoritate valebant, favebat, eam ipsa poscebat reipublicae indoles, cuius intererat, illos, qui egregiam patriae operam praestitissent, quorumve maiores bene de ea fuissent meriti, easdem semper opes, atque ita eandem in republica retinere potestatem, nec unquam fortune imminutis ab altioribus muneribus prohiberi, denique haec volebat legumlatorum favor, haec Patriciorum tunc omnia moderantium flagitabant commoda (49).

Incapacium ex facto, sicut incapacium ex iure, ius succedendi restrictum non erat: cum igitur verendum esset, ne tales personae sua bona in aliam transferrent familiam, propter eas rationes necessarium erat, iis adiungere personas, sine quibus alienare non possent, et quarum interesset ne hoc fieret (50), ut ita patrimoniorum migrationes in alias familias locum non haberent, nisi maiori necessitate cogente, de qua necessitate tamen tutor solus erat index, cum ad auctoritatem interponendam cogi non posset. Quorum autem potius hoc loco

(45) MONTESQ. *Esprit des lois*, lib. XXVII. cap. unic.

(46) VON LOEHR, *Mag.* tom. III. fasc. II. et MONTESQ. loco laudato.

(47) MONTESQ. l. l.

(48) GAIUS, *Comm.* 2. § 110.

(49) VON LOEHR, *Magaf.* tom. III. fasc. II.

(50) Idem ibidem.

res agebatur, quam succesorum futurorum? Itaque cante, in omnibus iuris negotiis, incapaces omnino ab agnatis pendere constitutum est: *eaque*, ut GAIUS ait (51), *omnia ipsorum causa constituta sunt, ut, quia ad eos intestatarum mortuarum hereditates pertinent, neque per testamentum excludantur ab hereditate, neque alienatis pretiosioribus rebus, susceptoque aere alieno, minus locuples ad eos hereditas perveniat*. Revera, sic agnati hereditatem ipsis fortasse obventuram tueri poterant, nempe apud impuberes administratione et auctoritatis interpositione, apud feminas auctoritatis interpositione tantum, apud furiosos et prodigos administratione aut consensu (52).

Haec in clarissima luce collocant, caute Romanos, secundum pristinum Reipublicae statum et mores, agnatis tutelae et curae ius tradidisse, cum ipsorum tanti, ut bona in eadem familia manerent, interesset; et miremur, clarissimum virum HEINECCIUM (53) adversus clariss. HUBERUM (54) contendere, Romanos non prudenter hanc legem civitate donasse.

Non haec tantum, sed et religio, ut plurimi suspicantur, contulisse videtur ad introducendam tutelarum curarumque necessitatem, nimirum sacra privata et gentilitia. Notum est illud de sacris Romanorum effatum: *Sacra perpetua sunt!* Ait TULLIUS: *De sacris haec fit una sententia, ut conserventur semper, et deinceps familiis prodantur, et, ut in lege posui, perpetua sint sacra* (55). Sed sacra aut gentilitia erant, aut privata, gentilitia publicis sacris adscribebantur, et de his hic sermo non est (56), sed de sacris privatis tantum.

Ad sacrorum cultum impensae necessariae erant, et, ut nos saltem suspicamur, quisque ex familiis de aliquo contribuere pro rata patrimonii et opum debuit. Feminae vero et impuberes, qui facile sua bona disperdidissent sua nequitia, aut alio quocumque modo in aliam transtulissent familiam, si in nullius potestate

(51) Comm. I. § 192.

(52) VON LOEHKE, Magaf. III. p. 408.

(53) Antiquit. Rom. lib. I, tit. XII. § 6.

(54) Digressio. Iustinian. III. 5.

(55) CICERO, de legibus II. 19.

(56) Vid. CICERO pro domo cap. 51. et de Harusp. resp. esp. 15. De his quam maxime etiam commendari potest VON SAVIGNY Zeitschrift für geschichtliche Rechtswissenschaft, tom. II. p. 362-399.

fuisſent, patrimonio amiſſo, de nihilo amplius ad ſacrorum cultum ſuſtinendum contribuere potuiſſent; cumque ſacra perpetua eſſe deberent, caeteri eiſdem familiae ſoli ſacra ſuſtinere debuſſent: horum ergo intererat, ne impuberes et feminae ſuum amitterent patrimonium, et hinc agnatorum gentiliumque in hiſce perſonis tutelae et curae ius, ad talem patrimonii amiſſionem impediendam.

Neque obſtat, ſacra patrimoniis ipſis adiuncta fuiſſe, *ſacra cum pecunia, pontificum auctoritate, nulla lege, coniuncta ſunt* (57); namque, ut egregie probavit nuperrime vir ſummus NIEBUHRUS, id de dominio ex iure Quiritium intelligendum eſt, neque vero de dominio ex iure gentium (58); itaque feminae et impuberes ſi dominium ex iure gentium ad alios tranſtulſſent, huic dominio ſacra coniuncta non fuiſſent. Hanc coniecturam verifimilitudinem aliquam habere, non diffitemur, magni tamen momenti eſſe non exiſtimamus; ſed hac de re monuimus, ut non omitteretur id, quod a multis eſt prolatum.

§ 6.

Necesseſtas diſtinguendi aetates in illuſtranda Tutelae historia.

Ut plurimum in Lectorum gratiam et facilitatem narratio in ſuas partes di-
viſa reperitur, tumque parvi intereſt quomodo diviſio facta ſit: at longe aliter
ſe res habet, ſi obiecta, de quibus diverſis in locis eſt diſpiciendum, in orati-
one occurrant, huiusmodi, inquam, obiecta, de quibus ex ipſorum indole,
prius de uno quam de altero, niſi peccare velimus, tractandum eſt: quid di-
cemus, ſi, ut ſit in hoc noſtrae diſſertationis argumento, rerum politicarum
aut morum ſequi mutationes neceſſe ſit, quae ita ſeſe ad totum ius extende-
rint, ut ſequentis ſaeculi ius ab eo, quod proxime praecedenti obtinuit, ma-
gnam partem differat? Certe, ut nos quidem compertum habemus, nil ſuper-eſt,
niſi narrationem confuſam inſtituendi ſubire periculum (59), aut certas eligere

(57) CICERO, de legibus cap. 21.

(58) NIEBUHR, Römische Geſchichte tom. I. p. 260.

(59) HUGO, Hiſt. Iuris Rom. § 25.

epochas, quae, quoad eius fieri possit, convenire debéant cum rerum, politices, et morum mutationibus. Nos nequaquam dubitavimus posteriorem eligere conditionem, qua autem de re non omnes ita sentiunt, alii aliam amplexi viam, inter quos vir summus SCHWEPPE (60), qui aetatum distinctiones non admittendas putat, quia nempe tales constitui nequeunt, quae omnibus iuris partibus convenient. At hoc verisimum ducimus, proindeque omnis aetatum distinctio merito imperfecta dicitur; an autem ideo reiicienda? Nos, propter imperfectionem res ipsas reiicere nollemus; quas enim res, si ita nos praeficemus religiosos, quas doctrinas non reiiceremus, cum nil sit sub sole perfectum?

Nos, etiam si allatis supra momentis non moveremur, tamen ad aetates distinguendas lucidior quidam ordo et memoriae adiumentum, quae inde quaerantur, impellerent.

Aetatum distinctionem, quae nobis maxime placuit, apud GIBBONIUM reperimus (61), qui immortalis iuris historiae scriptor tres epochas a Lege XII Tab. usque ad Imperatorem IUSTINIANUM distinguit; at praeterea summum virum HUGONEM, antecessorem Göttingensem, sequimur, qui hisce tribus GIBBONI aetatibus quartam adiecit (62), nimirum ab urbe condita usque ad legem XII Tab.; et, cum nobis etiam de iure IUSTINIANO disferendum esset, aliam insuper ipsi aetatem adiecimus, qua illud comprehenderetur; ita ut argumentum nostrum quinque aetatibus absolvatur, hoc ordine:

Prima, ab urbe condita usque ad legem XII Tab. nempe ab anno 1—300. Hanc aetatem iuris infantiam merito appellamus, in qua maxime notanda sunt sequentia. — Status democraticus Romae viget (63), qui sub TARQUINIO in tyrannidem mutatur. Regia potestas erigitur (64); populus Romanus non maiorem libertatem obtinet, sed libertatis spem tantum. In fine huius aetatis lata est lex XII Tab. quae maiorem libertatem et aequalitatem statuebat inter plebeios et patricios (65). Initio populus sine iure certo, sine lege certa agit, manu a regibus

(60) SCHWEPPE, Römische Rechtsgesch. und Alterthümer, § 4.

(61) GIBBON, cap. 44. § 12.

(62) HUGO, Hist. Iuris Rom. § 27.

(63) HEEREN, Histoire ancienne, pag. 343.

(64) POMPONIUS, lib. singul. enchiridii, § 3.

(65) POMPONIUS, § 4.

gubérnatur (66); conditur ius civile Papirianum; iuris cum religione intimus nexus; iuris notitia apud patricios solos et pontifices, plebi incognita (67); inde ius valde ambiguum; tandem Lege XII Tabul. lata, ius certum fit.

Aetas secunda erit a lege XII Tab. usque ad CICCERONEM, ab anno 300-650, quam aetatem iuvenilem vocamus. Hac extenditur respublica, plebs plenam libertatem et aequalitatem acquirit, ius dividitur in praetorium et civile (68); ius, quod antea sufficiebat parvae civitati, accommodatur magnae reipublicae, iuris notitia ad plebeios transfertur per scribam GNAEUM FLAVIUM, qui subreptum librum, qui legis actiones continebat, plebeiis tradidit (69); ius civile naturali iure et aequitate mitigatur a Praetoribus.

Tertia aetas ducitur a CICCERONE usque ad ALEXANDRUM SEVERUM, ab anno 650 ante C. N. usque ad annum 225 aerae vulgaris. Ea est iuris aetas virilis; Romae urbs omnium Regina salutatur, et in caput orbis excrevit; Iureconfulti Romani nova plane et mira arte ius tractant (70); a SERVIO SULPICIO ars dialectices iuri applicatur (71), et ius Romanum sibi nomen legitimae scientiae merito vindicat, humanarumque et divinarum rerum notitiam continet. Iure praetorio ius maxime mutatur, et prior mitigatur asperitas et dures, haecque concurrunt ad introducendam maiorem aequalitatem inter eos, qui in ipsa urbe habitant, et ceteros, qui in provinciis degunt. Iuris Corryphaeorum haec est aetas, quorum, quae supersunt, fragmenta et hodie miramur, et ex quibus magnam partem Iustinianum ius compilatum est; ideoque erroneum valde est, quod aiebat aliquis ex Oratoribus, qui de Codice Civili Gallico verba fecerunt: *sous Justinien la Jurisprudence Romaine sortit du chaos!*

Quarta aetas ab ALEXANDRO SEVERO usque ad IUSTINIANUM ab anno 225 post C. N. usque ad annum 550 producitur, estque aetas senilis iuris. Haec iuris scientiae quodammodo interitus est: ius fit incertum, et confusa constitutionum multitudine in chaos abit; iuris fiunt collectiones, Codex Gregori-

(66) POMPONIUS, § 1.

(67) POMPONIUS, § 6.

(68) POMPONIUS, § 8-10.

(69) POMPONIUS, § 7.

(70) GIBBON, cap. 44, § 12.

(71) CICCERO, in Bruto, cap. 14.

anus, Hermogenianus, Theodosianus; iuri reformando opera adhibetur, sed opus ut desperatum relinquitur (72).

Quinta aetas Ius Iustineaneum comprehendit.

A E T A S P R I M A.

§ 1.

Notio tutelae.

De tutela acturis, qualis obtinuit in veteri iure Romano, nobis seponenda est et tutelae indoles iuris Iustineanei, et apud nos recepta; quomodo enim utraque eadem esse posset, cum fundamenta, quibus sunt superstructae, sint diversa, imo ex diametro sibi invicem opposita (73).

Apud nos enim, et in iure Iustiniano; tutela introducta est in gratiam illorum tantum, qui propter aetatem teneram sibi ipsi prospicere, seque contra maiorum infidias defendere non possunt. Apud priscos Romanos multifaria erat tutelae institutae ratio: nimirum sacra privata, impuberum tenera aetas, populi mores, aristocratia censu introducta, de qua diximus ubi de tutelarum origine quaestionem instituimus (74); et hoc ultimum, ut nos saltem arbitramur, ad istius indolis tutelam introducendam, de qua hic dispiciendum, maximum habuit momentum (75).

Tutela ius erat agnatorum gentiliumque (76); patriae potestatis imago quaedam; introductum illud erat ad hereditatem futuram tuendam (77), magis etiam in tutorum favorem quam pupillorum et feminarum constitutum, magisque patrimonii conservationem respiciebat, quam pupillorum felicitatem.

(72) Prooemium inst. Iust.

(73) VON LOHR, Magaf. tom. III. p. 10.

(74) Huius dis. introduct. § 5.

(75) VON LOHR, Magaf. tom. III. p. 10 et 11.

(76) SERRP. GRATAMA, Prael. ad Inst. pag. 216.

(77) GAIUS, Comm. 1, § 19a.

Ita se rem habuisse, atque id Romanorum moribus consentaneum fuisse et nos arbitramur, et iam pridem doctissimus MONTESQUIEVIVS docuit: *chez les peuples, où les loix doivent avoir de la confiance dans les mœurs des citoyens, on donne la tutelle à l'héritier des biens — les loix, qui donnent la tutelle au plus proche héritier, ont plus d'attention à la conservation des biens, qu'à la conservation de la personne du pupille* (78).

Etsi vero tutela tutorum ius esset, et maxime in eorum gratiam introductum, obligationes tamen nonnullae tutoribus incumbabant; multa bonis moribus, quae tam multum valebant, erant relicta, neque adeo misera erat conditio eorum, qui suberant tutelae, quam eam plerique scriptores fecere. Credendum est, primis temporibus plus valuisse mores, quam postea sine moribus leges (79). Illa autem de legitima tutela, non etiam de testamentaria intelligenda sunt; ut enim iam pridem acutissimi ingenii vir THIBAUT observavit, ignoratur, quale ius tutorum illa fuerit (80).

Sententia, quam supra protulimus, nova non est, quamquam a multis ignota, neque adeo absurda, ut primo obtutu videri posset; namque illam summi nominis viri docti in Germania approbarunt, VON LÖHR, HUGO, SCHWEPPE et VON SAVIGNY, viri, qui sane in iuris historia perficienda facile principes salutantur. Cum vero non semper res ita intellecta fuerit, alique summi etiam nominis viri aliam emisissent sententiam, nobis, cur hanc nostram sententiam finis amplexi, proponere rationes liceat.

Tutelam ius fuisse agnatorum gentiliumque, constitutum ad similitudinem patriae potestatis in filios filiasque, viri in uxorem, quae in manu erat, probare videtur locus, tutelarum doctrinae in iure Romano assignatus (81); de illa enim agitur in loco, ubi exponitur doctrina potestatum. Idem probare videtur ipse loquendi usus Quiritium: hoc enim elucet ex verbis Leg. XII Tab.: *si furiosus existat agnatorum gentiliumque in eo, pecuniave eius potestas esto* (82). —

(78) MONTESQ. Esprit des lois, lib. XIX. cap. 24.

(79) SEERF. GRATAMA, Prael. pag. 271.

(80) Recensent der Heidelberg. Jahrbüch, tom. X. fasc. 4. sect. 158. — GANS, Scholien zum GAIUS, pag. 179.

(81) VON LÖHR, Magaf. tom. III. p. 3.

(82) Auctor ad Herennium I, 13. — CICERO, de invent. II, 50.

Elucet etiam ex SERVII Sulpicii multum celebrata tutelae definitione: *tutela est vis et potestas in capite libero* etc. (83). — Ex LIVIO: *maiores nostri nullam, ne privatam quidem rem, agere feminas sine auctore voluerunt, in manu esse parentum, fratrum, virorum* (84). — Denique ex AULO GELLIO: *et tutoribus in pupillos tantam esse auctoritatem potestatemque fas non est, ut caput liberum fidei suae commissum alienae ditioni subiiciant* (85). — Et TULLIUS, latinitatis princeps idemque iureconsultus, atque ideo horum verborum significationis gnarus, in eodem sensu voce *potestas* usus est: *mulieres omnes, propter infirmitatem consilii, maiores in tutorum potestate esse voluerunt* (86).

Hosce auctores classicos videmus voce *potestas* usos fuisse, de tutela loquentes; et in eodem sensu quidem, ac si de patria potestate, de potestate viri in uxorem, quae in manu erat, fuissent locuti.

Non haec tantum nostrae sententiae probant veritatem, sed GAIUS expressis verbis eam docet, qui, de Legitima tutela dicens, ait: *earum omnia ipsorum causa constituta sunt, ut quia ad eos (legitimos tutores) intestatarum mortuarum hereditates pertinent, neque per testamentum excludantur ab hereditate, neque alienatis pretiosioribus rebus susceptoque aere alieno minus locuples ad eos hereditas perveniat* (87). — Idem testatur curiosus sane scriptor ULPIANUS: *Legitimae tutelae lege XII Tab. agnatis delatae sunt, et consanguineis: item patronis, id est, his qui ad legitimam haereditatem admitti possint. Hoc summa providentia: ut, qui sperarent hanc successionem, iidem tuerentur bona, ne dilapidarentur* (88).

Introductae sunt tutelae vel maxime in favorem tutorum, vel in favorem pupillorum feminarumque; facile autem probatur ex principiis iuris, horum, nempe eorum, qui tutelae subiecti erant, fere nullam rationem fuisse habi-

(83) Inst. I, 13.

(84) LIVIUS, lib. XXXIV. cap. 2.

(85) AULUS GELL. Noct. Attic. lib. V. cap. 19.

(86) CICERO, pro Muraena, cap. 12.

(87) GAIUS, Comm. 1. § 192.

(88) Lex 1. Dig. XXVI, 4.

tam. Furiosi et impuberes ipsi tutorés esse poterant, quod patet ex **ULPIANO** dicente: *si legitimum tutorem pupillum habeat* (89). Sane ipsi impuberes et furiosi soli legitimi tutores erant, si soli ad hereditatem vocarentur (90), namque veteres volebant, ut tutela concomitaretur hereditatem; accidere ergo poterat, ut ex duobus, qui ambo tutorem habebant, alter in alterius tutela esset. Iam quomodo alter fuisset in tutela illius, qui ipse esset inhabilis, nec sua propria negotia gerere valeret, si legitimorum tutorum commoda prae commodis pupillorum et feminarum non praevaluisent (91)?

In legitima tutela omnium tutorum auctoritas impuberibus feminisque necessaria erat, quod ex **CICERONE** elucet: *nihil potest de tutela legitima sine omnium tutorum auctoritate deminui* (92). Itaque pendebat ab auctoritatis interpositione unius ex tutoribus, an negotium quantumvis necessarium perficeretur, quin pupillorum feminarumque commoda respicerentur (93); atque enim id satis ex ipsa re cernitur. Hic illud usurpare solebant Romani: *melior conditio prohibentis*, nos *veto negativum* diceremus; et neutiquam sane illa eorum, qui sub tutela erant constituti, commodo fuerant excogitata.

Haec, quae docuimus, adeo sunt vera, ut **Senatusconsulto** opus fuerit ad tutorem alium dandum ei, qui legitimum, sed auctoritatis interponendae incapacem, habebat tutorem (94).

Si tutela maxime in favorem et gratiam personarum, quae sub tutela erant, fuisset constituta, quomodo factum esset, ut hi, qui nullos legitimos aut testamentarios habebant tutores, ante legem Atiliam sibi fuerint relictī (95), cum ex ipsius legis verbis pateat, ante illam a magistratibus tutores dari non potuisse? et si quis est, cui hoc non placeat, eum hoc convincet principium: *tutoris datio neque imperii est, neque iurisdictionis: sed ei soli competit, cui nominatim hoc dedit vel Lex, vel Senatusconsultum, vel Princeps* (96): neque Princeps autem, neque Lex, neque

(89) **ULPIANUS**, *Fragm. tit. XI. § 20.*

(90) **GAIUS**, *Comm. I. § 164.*

(91) **VON LOEHR** et **GROLMAN**, *Magaf. tom. III. p. 6.*

(92) **CICERO**, *pro Flacco c. 34.* — **ULP.** *Fragm. tit. XI, § 26.*

(93) **VON LOEHR**, *Magaf. tom. III. p. 6.*

(94) **ULPIANUS**, *tit. XI. § 20—23.* — *Lex 17. Dig. XXVI, I.*

(95) **VON LOEHR**, *Magaf. tom. III. p. 4.*

(96) *L. 6. § 2. Dig. XXVI, I.* — **SERP. GRATAMA**, *Prael. ad Inst. pag. 246.*

Senatusconsultum, ante legem Atiliam, potestatem constituendi tutores iis; qui talibus carebant, dederat magistratibus: proinde ante hanc legem hi, qui nullum legitimum neque testamentarium tutorem habebant, sibi ipsis relinquebantur, quod certe non obtinuisset, si in eorum gratiam tutela exstitisset. Nostra vero admissa sententia, clarum evadit, cur illi, nostro in casu, sibi ipsis essent relict, si attendamus, illos etiam nullos legitimos heredes habuisse, adeoque non fuisse, cur quis futuram hereditatem tueretur (97).

Evidentius etiam nostram sententiam probat Lex Iulia et Papia Pop-paea (98), quae liberorum iure liberabat a tutela feminas; nam, si tutela in feminarum favorem fuisset inducta, certè hoc loco erratum esset, neque enim tum quidquam illa lex feminis attulisset commodi, eas a tutela vindicando; quod tamen dici non potest, si attendimus, quo tempore quibusque de causis haec lex lata fuerit.

Quirites enim, cum viderent, quantum matrimoniis et liberorum procreationi pravi mores obstarent, qui tum omnem rempublicam invaserant, nec ullus videretur libidinis atque corruptionis modus futurus, unde quotidie magis magisque perniciēs atque reipublicae interitus timebantur, nisi ad coniugia et liberos procreandos denno allici feminae posset, iis propter certum numerum partuum, quod vocabant liberorum ius, plura concessere privilegia, quae alias non habuissent; et inter quae numerabatur libertas a tutela; adeoque vere feminis illa lex lata fuit.

At non haec tantum, sed et tutelae finis nostram sententiam iam comprobat (99); namque tutela legitima, ut omnia alia familiae iura, capitis diminutione amittebatur (100); tutela legitima a tutoribus; sicut omnia alia iura, in iure cedi poterat (101). Satisfactioni locus non erat, neque ad conscribendum inventarium tutores tenebantur, uno verbo minime cautum erat, ut res pupillares salvae forent (102).

(97) VON LOEHR, Magaf. tom. III. p. 3.

(98) VON LOEHR, Mag. tom. III. p. 4.

(99) VON LOEHR, Mag. tom. III. p. 7.

(100) ULP. tit. XI. § 10.

(101) ULP. tit. XI. § 7.

(102) SERP. GRATAMA, Prael. pag. 271.

Abunde haec omnia probant, tutelam non unice in favorem personarum illi subiectarum institutam fuisse, sed multo magis agnatorum gentiliumque ius fuisse, et maxime in eorum commodum et gratiam constitutam. Si vero causa et ratio huius legislationis quaeritur, dicemus, illud ex politicis rationibus et reipublicae forma pependisse, et fuisse *iuris publici*, quod Galli *d'ordre public* vocant.

Ius tamen illud, etsi primo loco agnatos gentilesque respiceret, nihilominus obligationibus erat adstrictum, quae tamen, ut iam diximus, ipsae magis bonae fidei et moribus tutorum erant relictæ, quam expressis legibus confirmatae; et hoc pristinis Romanorum moribus consentaneum fuisse, affirmanti MONTESQUIEU credemus.

Si quis nostram sententiam non admitteret, non videmus, quam aliam rationem principiorum iuris allatorum afferre posset (103); nostra autem opinione admissa, omnia haec explicare nullius est difficultatis, quae optime etiam conveniant cum Romanorum moribus atque institutis politicis, cum tutelarum origine (104), cum iure succedendi agnatorum gentiliumque, atque

(103) VON LOEHR, Mag. tom. III. p. 7.

(104) MONTESQ. Esprit des lois, lib. XXVII. cap. unic. et VON LOEHR, Mag. tom. III. p. 10 et 11. Clariss. THIBAUT in Heidelberg. Jahrb. Jahrg. 10. St. 158. ait: „dass bey den Römern, wie bey den Deutschen und Franzosen die Familieneinheit auf die Idee einer Art von Gemeineigenthum geführt habe, aus welcher die Unterordnung der Weiber sowohl, wie auch anderes erklärt werden könne. Allerdings wird die legitima hereditas mit Rücksicht auf die streng juristischen Verhältnisse der Suität, Agnation, Patronat und Gentilität deferirt, und bey der ersten in ähnlicher Gedanke erwähnt.“ Fr. II. Dig. XXVIII. 2. Allerdings konnte das Recht auf eine deferirte legitima hereditas vor dem Erwerbe einem andern so in iure cedirt werden, das dieser als legitimus heres behandelt wurde. „ULP. tit. XIX. § 12—15. GAL. Comm. II. § 34—37 et Comm. III. § 85—87.“ Allerdings konnte der Schutz dieses Erbrechtes, aber nur die legitima feminarum tutela durch cessio in iure übertragen werden.“ ULP. tit. XI. § 6—8. GAL. Comm. § 168—172.

Hisce Clarissimus VON LOEHR non assentitur; ait enim in opere Magazin für Rechtswiss. und Gesetzgebung tom. III. pag. 410—411: „ich glaube nicht, das von einem Familieneigenthum gesprochen, und noch viel weniger, dass daraus für die Tütel über Weiber etwas gefolgert werden kan. Jenes scheint mir in einem Staate, wo unbeschränkte Dispositionsfreiheit gilt unter Lebenden und auf den Todesfall, und wo die legitima hereditas durch den Grundsatz: *in legitimis hereditatibus non est successio*, beschränkt wird, nicht gedenkbar. Nur ein Bestreben, das Vermögen der Familia oder Gens zu erhalten, lässt sich, meiner Absicht nach, deduciren, besonders für das Recht nach den 12 Tafeln; aus

cum indefinita apud priscos Romanos potestatum doctrina; ideoque hanc eligimus sententiam, quae, si cui forte periculosior videatur, eo quod sententiae communiter receptae sit contraria, cogitet, me non temeritate, novandique aut detrahendi cuiquam certandive studio esse ductum, sed amore erga veritatem, quam omnes amare et amplecti aequum est.

His dictis, expositisque iis, ex quibus tutelae indoles dignosci possit, de qua hoc loco de industria erat dicendum, iam expeditum esset tutelam definire, sed nihil opus est. SERVIVS SULPICIVS, quem CICERO acutissimo ingenio doctrinaque egregia ornatum praedicavit (105), cuiusque, ut iuris principis atque parentis, meritas laudes sua eloquentia ornare non est dedignatus, et in quo extollendo toti fuerunt doctissimi quique ex recentioribus, praecipue Clarissimus OTTO in eius elegantissima vitae descriptione (106), qua non solum de ipso, sed de bonis litteris immortaliter meritus est: ille igitur SERVIVS definitionem tutelae reliquit auro contra non caram, quam nobis servavit IUSTINIANUS imperator.

„Tutela, ut ait SERVIVS, est vis et potestas in capite libero, ad defendendum eum, qui propter aetatem se defendere nequit, iure civili data et permissa (107).” Et haec est illa SERVIANA tutelae definitio, quae tantis viris, divinarum atque humanarum rerum peritisimis, dicendi vastum obtulit campum, et quam e recentioribus nonnulli, ut CUIACIVS, RHETIVS, alique, quod mirari non defino, in suis pagellis ferre noluerunt. Sed, ut cum Clarissimo GRATANA dicam, utinam illam recentiores suo loco non turbarent! Vix crederes, in hac tutelae definitione explicanda quantum argutiarum effutierint docti, et nondum tamen de ea convenit inter philologos.

De hac definitione flagolari prolixitate disseruit doctissimus GEBAUER (108) quem tamen, ut et SEGERIVM, merito laudandum censemus. Praeterea elegantem huius definitionis analysis instituit SERPIVS GRATANA, antecessor

diesem Bestreben scheint die legitima feminarum tutela hinreichend erklärt:” quae ultima sententia mihi saltem verior videtur.

(105) CICERO, in Bruto cap. 12.

(106) OTTO, in elegantissima *Disq. de SERVIVS SULPICIO* pag. 15—45.

(107) Inst. 1, 13.

(108) GEBAUER, *Disq. Academicae* Vol. 2. Proleg. 23, de SERVIVS SULPICII definitione.

Groninganus (109); HUBERUS quoque in suis digressionibus Iustinianeis bonam, ut solet, navavit operam (110).

His ego tot ac tantis viris praeiunctis fretus, eandem viam ingrediar, et SERVII SULPICII definitionem explicare conabor. *Est vis et potestas*, ait SERVIVS: me iudice, egregie haec verba generis loco posuit, quamvis de eorum significatione non conveniant docti. Contendunt multi, nonnulla antiqua Institutionum manuscripta habuisse, *tutela est ius*; et probant hanc lectionem CONTIVS, VULTIVS, alique: ita autem rem se habere nullis argumentis confirmatum reperio.

Violentam ACCURSII potestatem, quae datur invito et in invitum, reiecerunt plerique omnes. Erroneum etiam est id, quod vult nuperus HUGONIS editor (111), SERVIVM figura *ἐν δὲ δυνάμει* fuisse usum, tamquam dixisset, tutelae vim et potestatem in tuendo esse. Quid enim ita interpretando de verbis *in capite libero* fieret, nescio; forsan, cum vir ille duo tantum illa nostrae definitionis vocabula illustraverit, de aliis non cogitavit, quod ridiculum videri possit.

Sunt, qui existiment, ut CONRAD. RITTERSHUSIVS, elegantiae et *ἰσχύος* causa duas has voces coniungi, et hoc vero simile videtur; at si nec hoc placeat, et nihilominus excogitanda sit aliqua inter duas has voces differentia, dici non absurde potest, *vim*, quae iusta potest esse et iniusta, *potestatis* vocabulo temperari, namque haec nonnisi iusta esse solet (112), ita ut tutela idem sit ac ius, aut vi legum armata potestas, neque iis tantum stabilita, sed debita instructa efficacia (113).

Pro *potestate*, *ius* vertimus, et sic Graeci paraphrasae THEOPHILUS et HERMENOPOLUS *δικαίων καὶ ἰσχύς*: revera in subiectivo sensu ius nil aliud est ac potestas in personis aut rebus (114). Sed quae potestas, quale ius? non patria, non ita vehemens, non ita late patens, sed quae in patriae potestatis locum venit, et veluti eius umbra (115).

(109) SERVII GRATANA, Prael. ad Inst. pag. 223—227.

(110) HUBERI Digressio. Iustinian. lib. III. cap. 2.

(111) Nota A. §. 46. HUGONIS, Iur. Hist. edit. lat.

(112) GEBAURI Disf. Acad. Vol. II. pag. 25.

(113) SERVII GRATANA Prael. ad lib. I. Inst. pag. 223.

(114) Clariss. WARNKORNIG Inst. Iur. Rom. lib. I. cap. 1. tit. 1. edit. alt.

(115) SERV. GRATANA Praelect. pag. 225.

In capite libero: an hoc intelligendum sit de tutore, an de pupillo, controversum scimus, quamquam non dubitamus, quin de pupillo intelligi debeat, id est, de homine sui iuris, qui nec servus nec filius familias est. Sic enim ab AULO GELLIO diserte traditum est: *pupillum esse caput liberum fidei tutoris commissum* (116). Multorum sententiam, qui contrarium probare conantur, HUBERUS, cuius sententiam hic amplexi sumus, refert et refellit (117).

Ad tuendum: BYNKERSHOEKIO et HOODTIO, egregiae sane doctrinae viris, in his verbis Anaphoram, figuram grammaticam, haberi visum est. *Tueri duo significat*, inquit VARRO, *unum ab adpectu, ut dixi, unde est illud: tueor te senex, prohi Iupiter? alterum a curando ac tutela; ut dicimus, bellum tueri, tueri villam* (118). Ita etiam Graecis τὸ ἐνέχονα pro curo et pro video usurpatur, quia, quod maxime curamus, ab oculis demittere non solemus: ita verbo utitur HOMERUS, ubi in Odyssea Ulyssis reditum ad Penelopem describit. Curant autem tutores et tuentur etiam duo: personam pupilli, et rem, et inde appellati sunt (119).

Et si vero tueri idem fere sit ac defendere, voci tamen vellemus largiorem tribuere sensum, ut non simplex per eam defensio, sed officium prospiciendi pupillo pupillaeque, de rebus omnibus ad vitam culturamque necessariis, patrimonii pupillaris ratione habita, contineatur.

Propter aetatem: haec verba indicant, SERVIUM de feminarum tutela perpetua non dixisse; neque mirum, cum SERVII tempore dicis gratia tantum existeret (120); et hanc, magis nomine quam ex vero tutelam, forsan definitionem indignam credidit SERVIUS. Intelligenda sunt ergo haec verba de impubere; et recte *propter aetatem* ait SERVIUS, cum pupillus pupillaeque tantum propter teneram aetatem, qua inepti ad sua negotia gerenda atque se defendendos redduntur, indigeant tutore: qua aetate praeterlapsa, tutorem habere definiunt; quod secus erat in patria potestate, quae solis annis non finiebatur (121).

(116) AULUS GELLIIUS, Noct. Attic. lib. V, 19.

(117) HUBERUS, Digress. Inst. lib. III. cap. 2.

(118) VARRO, lib. IV. de lingua latina.

(119) GEBAUER, Vol. I. Progres. 25.

(120) CICERO, pro Murena cap. 12.

(121) SERPIUS GRATANA, Praelect. ad Inst. pag. 225.

Qui se defendere nequit: haec verba sunt illa, quae eam differentiam, quae speciem a specie distinguere dicitur, in clarissima luce collocant, licet illi, quibus ad interiora definitionum adire datum non est, *SERVIANAM* nostram hic quam maxime laborare contendant. Ita, inquiunt, tutela a cura nil differt, quae et ipsa est reperta ad tuendum eum, qui propter aetatem, nempe minorem, se defendere nequit, neque sua negotia tueri! — Diversissima sunt se tueri, et tueri sua negotia: non illud, neque adeo hoc; pupillo per aetatem licebat, et pendebant enim omnia pupilli iuris civilis negotia ab auctoritate tutoris: minores vero sunt hi, qui dicuntur adhuc eius esse aetatis, qua sua negotia tueri non possint (122), quibus autem se tueri permisum est, atque multa negotia peragere sine curatorum consensu (123).

Iure civili data: unde nova sententiarum divortia. *CURATIO* ex lege *XII* tabularum hoc interpretandum esse placuit: *NOOTIO* vero ex prudentum disputationibus: nos dicemus ex lege *XII* tabb. (124) partim directo, partim indirecto, id est, ex prudentum interpretatione, quam prisci ius civile vocabant, partim vero ex lege *Atilia*, non ex lege *Iulia* et *Titia*, ut dixerat doctissimus *Toullieu*, cum nondum lata esset eo tempore, quo, quid tutela esset, *SERVIVS* docebat (125).

Aut permisa: id est, dari permisa aut a magistratu, illi, qui neque legitimos neque testamentarios haberent tutores: aut a patre, cui liberis suis, in sua potestate constitutis, suo testamento tutorem constituere licebat: aut a marito, cui uxori suae, quae in manu erat, tutorem dare aut tutelae optionem permisum erat (126).

Cui autem fini, dicet aliquis, tot verba, tantaque, de *SERVIANA* definitione, disputata? Primum, ut, vel una nostri iuris particula defensa, nonnihil ad tuendam nostri iuris perfectionem conferremus: deinde, ut maximi nominis Iurisconsultum defenderemus, cuius vestigia legere eorum est omnium, qui ad veram *Themidis* artem iter affectant: quod si minus effecimus, saltem conati sumus.

(122) *Inst.* lib. I. tit. 23. principio.

(123) *GEBAUER*, *Disert.* Acad. Vol. II. *Progresf.* 25.

(124) *SEERPIUS GRATAMA*, *Prael.* ad *Inst.* pag. 225.

(125) *SEERP. GRATAMA*, *Prael.* pag. 226.

(126) *GANS*, *Schollen* zum *GAIUS* pag. 188.

§ 2.

Distinctio tutelae perpetuae feminarum et impuberum.

Romae non tantum pupilli pupillaeque tutelae suberant, sed et feminae puberes etiam, et hae quidem perpetuo (127). Cuius instituti rationem atque originem perferutari non alienum erit, cum apud iuris historiae scriptores hac de re nil reperiatur, et nobis in sequentibus aetatibus, cur tutelae sint mutatae, indicandum erit, quod fieri non potest, si originem et instituti rationem ignoremus.

Harum tutelarum usitata apud peritos vocabula nobis ex SABINO servavere AULUS GELLIUS et MACROBIUS (128) *pupillarique tutelae muliebris praehlata*, ita ut recte dicamus, tutelam esse, aut pupillarem, aut muliebrem: sub pupillari tutela impuberes erant utriusque sexus, et vocabantur pupilli pupillaeve; haec tutela finiebatur, cum pupilli pupillaeque ad pubertatem pervenisent. Ad feminas vero quod attinet, pupillaris tutela mutabatur in muliebrem (129), quae erat perpetua; et de cuius ratione et origine hic dispiendi locus est.

Huius tutelae perpetuae alii alias reddunt rationes; plerique, ut ULPRIANUS, CICERO, GAIUS et ARISTOTELIS, feminarum animi imbecillitatem inter earum tutelae causas referunt. ARISTOTELIS, *femina*, inquit, *habet quidem consultandi facultatem, sed irritam, et imbecilem* (130). Logices principi et parenti assentitur CATO, qui apud LIVIUM feminas quidem singulari admodum formula (quae vere stoica est) denotat: *impotens natura et indomitum animal* (131); alii, quos laudavi, etiam eodem fere sensu de feminarum imbecillitate loquuntur (132).

Et si ab hisce summis antiquitatis viris periculosum recedere ducimus, ta-

(127) GAIUS, Comm. 1, § 144.

(128) AULUS GELLIUS, Noct. Attic. V, 13. — MACROBIUS, in Somnio Scipionis cap. 6.

(129) HUGO, Iuris Hist. § 44.

(130) ARISTOTELIS lib. I. Polit. cap. ult.

(131) LIVIUS, lib. XXXIV. cap. 2.

(132) GAIUS, Comm. 1. § 144. — ULP. fragm. tit. II. § 1. — CICERO pro Murena cap. 12.

men cogit non levior experientiae auctoritas. Non enim suspicabatur CATO, parvo post tempore Cleopatrae infidiis et astutia cum Republica Romana de mundi imperio dimicari, neque ARISTOTELES suspicatus est, nostris saeculis quasdam feminas philosophorum scripta esse lecturas, et veritates, quas docuerant, amplexuras. Quid dicam de feminis poetis, quae egregie HOMERUM cecinere; de illis, quarum versus Gallorum poeseos sunt ornamentum? sane habent consultandi facultatem, sed non admodum irritam et imbecillam, ut placebat ARISTOTELI!

Ad saniora rediisse GAIUS videtur, dum, licet alias aliter locutus esset, ait: *feminas vero perfectae aetatis in tutela esse, fere nulla pretiosa ratio suasisse videtur: nam quas vulgo creditur, quia levitate animi plerumque decipiuntur, et aequum erat, eas tutorum auctoritate regi, magis speciosa videtur quam vera* (133); quibus assentimur libenter: sunt enim feminae, nisi omnia nos fallant, non minus callidae, quam loquaces, et, cum damno virorum, his ipsis saepe ingeniosiores.

Alii quid mirandum exclamant, si tutores deperditis ac luxuriosis praepositi sint! quod quis audiens, nisi locus obstitaret et res, non iam de tutela feminarum in universum, sed de cura dementium et prodigorum sermonem esse, iure existimaret. Haec, quamvis NERONIS aetati forte conveniant, LUCRETIAE aetati, de qua hic sermo est, non conveniunt: pristini enim mores Romanarum tali rationi adversantur, atque, si singularum delicta in opprobrium sexus converti debuerunt, ne mox nobis omnibus custodes et tutores apponantur, verendum erit.

Alii denique feminarum paupertatem ipsarum tutelae anslam dedisse contendunt (154). — At haec ratio minus etiam idonea est, nec eius defensores ad tutelae indolem respexerunt; namque, admissa etiam pristina feminarum paupertate, an ideo feminae tutores habere debuissent? Pro responso sint haec GAIJ de tutela: *earum omnia ipsorum causa constituta sunt, ut quia ad eos intestatarum mortuarum hereditates pertinent, neque per testamentum excludantur ab hereditate, neque alienatis pretiosioribus rebus susceptoque aere alieno minus locuples ad eos*

(133) GAIUS, Comm. 1. § 190.

(134) SZOERUS in Dissertatione de tutelis § 2.

hereditas perveniat (155): ubi autem ille timor, ne res pretiosiores alienentur, adeoque causa tutelae in paupertate feminarum?

Quod ad feminarum perpetuae tutelae originem spectat, non minus inter se discrepant docti. Multi a legibus regis ROMULI, et NUMAE POMPILII eam repetunt. SCHILTERUS ex moribus Graecorum ad Romanos eam esse translata pro certo habet (156). HOTTOMANNUS et MARCILIUS legem XII tabb. feminarum tutelae ansam dedisse suspicatur.

Sed in legum regiarum fragmentis huius tutelae nulla exstant vestigia, et in lege XII tabularum de perpetua feminarum tutela tantum non fuisse, IACOBUS COTHOFREUDUS in praefatione, huius legis restitutioni adiecta, monuerat, quod tamen, GAIUS reperto, falsum reperitur; sed etsi in hac de ea tantum fuit, non ibi tamen video feminarum tutelae originem: namque merito asseritur, ante hanc legem morem hunc Romae obtinuisse. Praeterea neque ex moribus Graecorum ad Romanos translata est; quod erudite probavit Clariss. OTTO (157) ex differentia indolis et modi constituendi tutelam apud hos populos.

Ergo omnes in ratione et origine assignanda muliebris perpetuae tutelae multum a vero absunt; nos an in his, quae de ea re dicturi sumus, feliciores fuerimus, docti iudicabunt.

Eam enim huius instituti rationem arbitramur, quod, cum apud Romanos feminae personae essent imperfectae, perpetua iuris incapacitate laborantes, quarumque adeo voluntas, ut effectum in iuris negotio haberet, semper per voluntatem alterius personae perfectae perfici deberet, ne ab omni plane civili communione excluderentur, necessario tutoris auctoritate, eaque perpetua muniendae essent: quibus addi possunt illa, quae in introductione diximus de perpetuitate bonorum in eadem familia, quae subsistere sine feminarum perpetua tutela non poterat. (158) Huius rationis origo, ut optime tradit clarissimus OTTO (159) a primis Romanorum moribus repetenda est, et hoc illa TRAN-

(155) GAIUS, Comm. 1. § 192. et L. 1 Dig. lib. XXVI. tit. 4.

(156) SCHILTERUS, Exercit. 37. ad Dig. § 227.

(157) OTTO, Disf. 4. de perp. feminarum tutela § 5.

(158) VON SAVIGNY, Zeitschrift für geschichtliche Rechtswissenschaft, tom. III. p. 334.

(159) OTTO, Disf. de perp. femin. tut. § 5.

QUILLI: *more maiorum* (140), et TACITI: *prisco instituto* (141), indicant: qui mores tamen atque instituta non facile indicantur; nisi ad ipsam societatis originem redeamus, quod facere hoc loco conabimur.

Homo barbarus, quibus vinculis aliis adhaereat, nescit, se solum in natura intuetur, et, nisi eum aliae res ex aliis, quibus ei ad tolerandam vitam opus est, continuo monerent, suam ipsius existentiam ignoraret. Quomodo intelligat ea, quae ad mentem pertinent, qui ne quidem, quae in materia, quae sensibus subiecta est, agantur, animadvertit? quomodo, quae fieri debent, cogitet, cum neque ea videat, quae sunt, et fiunt? in tali statu homo nullam obligationem, quae potestate materiali munita non sit, agnoscit, vis est ipsi iusti norma, vi autem facile abutitur (142), et, quam appetit praedam ex arboribus, brutis et hominibus arripit promissione: inde sexus debilior tyrannidi et vagae libidini sexus fortioris fit obnoxius, oriturque feminarum communio, quae forsan ex bonorum communione consecuta est (143). Caeterum ex hoc instituto, quo blandus quilibet affectus erga feminas exstinguitur, non potest non deterrima earum conditio fieri, eoque peior, quod tum crudeliora solent esse ingenia virorum (144). Nam aetate illa horrida et silvestri, si HORATIO credimus, viros

Venerem incertam rapientes, more ferarum

Viribus editior caedebat, ut in grege taurus (145).

Tandem, hominibus aggregatis, oriuntur bella, victor imponit victo legem, pacta servanda constituuntur, et mulierculis, quae non timentur, nil promittitur.

Denique rudi orta societate, ex occupationibus et possessionibus oriuntur dominia, et homini, rerum, quae ei sub potestatem, aut verius sub manum ca-

(140) SUTONIUS, in Tiberio cap. 35.

(141) TACITUS, Annal. lib. XIII. cap. 33.

(142) America philosophicis observationibus vastum aperuit campum. Quae, quo tempore illa detecta est, feminarum ibi esset conditio, egregie docet CHARLEVOIX, *histoire de la nouvelle France*, Vol. III. pag. 119, 309, 337. — PERON, *Voyage tom. I. pag. 468.* — DE LA POTHERIE, Vol. II. pag. 63. — MILLAR, cap. I. sect. 1.

(143) SELDENUS, de polygamia. — PLINIUS, *Hist. Nat. V. 8.*

(144) DE LA POTHERIE, Vol. II. pag. 65.

(145) HORATIUS, lib. I. satir. 3. vers. 109 seq.

dunt, proprietatem sibi addicere assueto, feminarum quoque proprietatem possessione et occupatione acquiri posse videri debet; ergo earum, quod libidini suae aut usui satis esse possit, arripit vindicatque. Hinc illa apud remotae antiquitatis populos feminarum venditiones, veluti apud Iudaeos, et mos eas pro officio aut labore impenso alteri tradendi, atque cum aliis feminis permu- tandi (146).

Ita et apud Germanos: *dotem non uxor, sed uxori maritus offert*, ait TACI- TUS (147), qui mos videtur ortus esse ex vulgaribus mulierum emptionibus.

Idem olim apud Anglos moris erat, ubi, cum maritus, templi foribus ad- fians, uxorem a patre aut a proximo quodam acciperet, rituali libro super- ponebat argentum et aurum, innuentia emptionis pretium (148); et nonne re- centiori etiam memoria in Anglia mulieres, adfricto circa collum fune, in fo- rum protractae ibique venditae fuerunt? Sed longius est, quod dico, recen- tiori memoria: nostro etiam, pro pudor! saeculo vidimus, quod tamen magis mirum non est, quam apud eam nationem visum esse, cui, quidquid hoc se- culum habet cognitionum poenae, soli debetur!

Apud Gallos quoque feminarum venditiones factas olim fuisse palam est: *Le futur epoux devoit offrir une somme aux parents de la fille* (149). Idem lex Burgundionum testatur: *praesenti lege placuit contineri, ut, si mulier, maritum habens sine filiis, hac luce transierit, maritus defunctae uxoris preti- um, quod pro illa datum fuerit, non requirat* (150); quod cum iuris principiis valde congruebat, namque res perit domino! Quot alia huius moris exempla afferre non possemus, quae praetermittere volumus, ne diutius lectores in re certa moremur.

Itaque aetate illa, de qua agimus, emebantur feminae; sed contractum illum civilibus cerimoniis consecrandum esse, ut in societatem abiret, legislatores intellexere, et religio, qua non minus homines, inter se quam auctori suo con-

(146) Genesis XXIV, 53. XXIX, 18, 20—30.

(147) TACITUS de morib. Germ. edit. Lips. apud Plant. 1627. pag. 442. Malui ex cod. Bam- berg., quem Lipsius laudat, abesse *marito*, utpote magis ex more TACITI.

(148) The Common Wealth of England III, 8.

(149) VÉLRY, Histoire de France, Vol. I. pag. 263.

(150) Leges Burgundionum III, 4.

iunguntur, sua potentia usa est, ut ex belluino convictu societas enasceretur firmiter et sanctor, mentes ceremoniis quibusdam adstringendo, uti corpora consuetudo connexura erat. Sed erant tamen haec vincula valde etiam imperfecta, cum utrimque aequalitas non esset, atque ita connexa duriori, pars mollior necessario contereretur. Hic servitus, ibi tyrannis, cuius eo minus deleri poterant vestigia, quo longiori consuetudine induruerant. Et cum tot tantaque ab educatione pendeant, quid de filia, a natalibus uxorum servituti mariumque tyrannidi assueta, fiet? an, mortua serva matre, et patre tyranno, se sub aliorum potestatem non revertere, persuadere sibi auderet? minime, mores atque educatio ipsa aeternam ipsius servitutem clamant; et hinc apud multos populos perpetua feminarum tutela facile admitti potuit, et in quamdam necessitatem abiit. At ne miremur, tales errores tum apud inexultos invaluisse; nonne ARISTOTELES, dialectices ille parens, crediderit, servitutem iuris naturalis esse, et servos ad entium classem, inferiorem caeteris hominibus, pertinere (151)?

Ast mirum videri posset, mores tales populis iam excultioribus diu etiam adhaesisse; non mirandum tamen, namque diceret homines stultos, aut omni pudore exutos, cum de suis commodis ipsi indicant; ad nostram hodie Europam oculos convertamus, et videbimus, apud populum, qui se libertatis et culturae facile putat principem, cuius tamen nomen hoc loco filebo, commercium illud inhumanum, quod sine horrore nominare non possum, hominum venditiones, et servitutem ipsam, (*traite des nègres*) inveniri, quorum omnes, in quibus quid modo hominis simile sit, nostro saltem seculo, pudere deberet (152)!

Romani, ut ad eos redeam, Romuli tempore, vixdum exuerant habitum illum silvestrem, de quo CICERO ait: *quis vestrum ignorat, ita naturam tulisse, ut quodam tempore homines, neque naturali neque civili iure descripto, fusi per agros ac dispersi vagarentur, tantumque haberent, quantum manu ac viribus per caedem ac vulnera eripere aut retinere potuissent* (153)?

(151) ARISTOTELES, Polit. I, 2.

(152) Egregie illos crudeles notat summus BENIAMIN CONSTANT in opere, Cours de politique const. coll. comp. des ouvrages 7 partie pag. 40-42.

(153) CICERO, pro Sextio.

Primos Latii incolas OVIDIUS describens eandem fere imaginem exhibet:

Vita ferae similis, nullos agitata per usus:

Artis adhuc experti et rude vulgus erant.

Pro domibus frondes norant, pro frugibus herbas:

Nectar erat palmis hausta duabus aqua (154).

Consentit VIRGILIUS, de Aboriginibus canens:

Gensque virum truncis et duro robore nata:

Quis neque mos neque cultus erat; nec iungere tauros,

Aut componere opes norant, aut parcere parto:

Sed rami atque asper sictu venatus alebat (155).

Hisce temporibus apud Romanos feminarum conditionem fuisse deterrimam, ex hisce elucet, quas de nascente societate diximus.

Romanorum populum a pastoribus esse ortum, quis non dicit: ait VARRO (156), enumeratque, quae in institutis Romanis vitae pastoralis surgant indicia; atque haec vita pastoralis, iam silvatica mitior, feminarum etiam conditionem mitiorem reddere debebat, nam, ut egregie monet MILLAR: les revolutions dans la condition des sexes paraissent être le fruit du progrès naturel d'un peuple dans les moyens de se procurer les jouissances ordinaires de la vie (157).

TIBULLUS Romanos moribus mitioribus et paulo cultiores exhibet:

Sed tunc pascebant herbosa Palatia vaccae,

Et stabant humiles in Iovis arce casae.

Lacte madens illic suberat Pan ilicis umbrae,

Et facta agresti lignea falce Pales;

Pendebatque vagi pastoris in arbore votum

Garrula silvestri fistula sacra Deo (158).

Sed non poterant, nisi vitae cultu sensim mitescere, existimare viri, feminas eiusdem secum esse debere conditionis; et eo magis hic rerum status Romanae vigere debuit, quod longa consuetudine erat consecratus, quodque Roma-

(154) OVIDIUS, Fast. II, vers. 291 seqq.

(155) VIRGILIUS, Aeneid. VIII, vers. 315 seqq.

(156) VARRO, de re rustica II, 1. adde hic LUCRET. V, vers. 936.

(157) MILLAR, observations sur les commencements de la société, traduct. esp. 1. sect. 1.

(158) TIBULLUS II, 5. vers. 25 seqq.

ni, mire moribus maiorum addicti, pro certo haberent, omnium, quae a maioribus constituta erant, rationem reddi non posse, neque, quae semel constituta sunt, subverti licere.

Porro imperium Romanum militare erat, Quirites omnia virtuti bellicae postponebant, multa iura patriae defensoribus addicebant (159), pauca vero iis, qui bello apti non essent, quod, qui in re praecipua prodesse Reipublicae non possent, a reliquis quoque removendos arbitrarentur (160).

Iterum, quod dixi in introductione, hio repeto, Reipublicae interfuisse, bona in eadem familia manere, quod fieri non potuisset, si feminae non sub tutela fuissent, cum a successionibus non arcerentur, et non mirum videbitur, si cum LIVIO dicamus: *maiores nullam, ne privatam quidem, rem agere feminas sine auctore, voluisse; in manu esse parentum, fratrum, virorum* (161).

Non loquimur autem de Virginibus Vestalibus, quas etiam veteres in honorem sacerdotii liberas esse voluerunt: ita lege XII Tab. cautum erat (162). A NUMA iam hoc privilegium Vestalibus fuisse concessum, PLUTARCHUS refert (163); et hoc verisimile est, quamvis HEINECCIUS et IUSTUS LIPSIUS (164) illud ab AUGUSTO demum factum esse dicant: quae sententia manifeste GAIJ auctoritati adversa est (165), atque adeo a vero recedit, ut mirari non desinam,

(159) MONTESQ. Décad. de l'Emp. Rom. cap. 2. — Egregie ait VON LOHR, operis laudati tom. III. pag. 411. „die ohnehin in kriegerischen Staaten nicht für voll betrachteten Weiber wurden ihren nächsten Erben untergeordnet.“

(160) *Quoniam cum feminis nulla comitorum communio est*; ait GELLIUS, Noct. Attic. lib. V. cap. 9.

(161) LIVIUS, lib. XXXIV cap. 2. „Offenbar sollte hier die dreifache Gewalt bezeichnet werden, unter welcher die Frauen lebten; die des Vaters, des Vormunds und des Ehemans: als Vormünder sind hier nur die Brüder genannt, d. i., die nächstmöglichen Agnaten, und diese können in der That recht gut als Repräsentanten aller übrigen Vormünder dienen, wenn die erste Stelle der tutela legitima, aber nicht, wenn sie, wie bey den Unmündigen, der testamentarischen Tutel geführt,“ ait VON SAVIGNY, Zeitschrift tom. III. p. 335. Vide etiam v. LOHR, Anzeige des Hugo'schen Lehrbuchs der Rechtsgeschichte in den Heidelberg. Jahrb. von 1811. N^o. 7. p. 99.

(162) GAIUS, Comm. 1, § 145.

(163) PLUTARCH. in Numa, pag. 66.

(164) HEINECC. Ant. Rom. syntagm. lib. I. tit. 13. § 20. IUSTUS LIPSIUS de Vesta et Vestalibus 12.

(165) GAIUS Comm. 1. § 145.

illustrissimos viros talia protulisse. Neque mirum est, Virgines Vestales fuisse liberas; agnati enim hisce non succedebant; quod nobis AULUS GELLIVS refert: *praeterea in commentariis Labeonis, quae ad duodecim tabulas composuit, ita scriptum est. „Virgo Vestalis neque haeres est cuiquam intestato, neque intestatae, quisquam: sed bona eius in publicum redigi aiunt (166).”* GELLIVS etiam fateatur, *illas ius testandi habuisse, simul ac captae erant, et in atrium Vestae deductae, atque pontificibus traditae.* Inutilis ergo fuisset harum virginum tutela ad successionem futuram tuendam, cum spe hereditatis virginum essent destituti gentiles et agnati; quae res sane maximum habet momentum ad sententiam confirmandam, qua docuimus, tutelam esse ius agnatorum gentiliumque, ad successionem futuram tuendam, quod ius ex hereditatis iure consequebatur.

§ 3.

De Modis constituendi tutelam in universum.

Initio lege tantum tutela constituebatur, eaque succedendi iuris erat consequentia (167). Testamentis autem Romae introductis, et tutelam testamento etiam constitui posse placuit (168).

(166) AULUS GELLIVS, Noct. Attic. I, 12.

(167) SCHWEPPE, Rechtsgesch. § 424. de legitima tutela tantum loquimur, non de testamentaria.

(168) Quaeritur, quot genera fuerint tutelarum? Ex GAIIVS intelligimus, apud veteres ipsos multum hac de re fuisse disputatum; ait enim: *si quaeramus, in quot genera hae species deducantur, longa erit disputatio: nam de ea re valde veteres dubitaverunt. Nos, qui diligentius hunc tractatum exsecuti sumus et in edicti interpretatione, et in his libris, quos ex QUINTO MUCIO fecimus, hoc solum tantisper sufficit admonuisse, quod quidam quinque genera esse dixerunt, ut QUINTUS MUCIVS; alii tria, ut SERVIUS SLPICIIVS; alii duo, ut LABEO: alii tot genera esse crediderunt, quot etiam species essent.* Fuit igitur apud ipsos veteres multa dissensio, multa sollicitudo, ut haberent aptam tutelarum distributionem. Ipsum GAIIVM de hisce rebus multum fuisse sollicitum in aliis locis, ex hoc loco discimus; sed nil ad nos venit eorum, quae alibi proposuit.

MUCIVM igitur (ab eo incipiam, qui caeteris est antiquior), *quinque* tutorum fecisse genera, memorat GAIIVS; verum, quam distribuendi rationem elegerit, non liquet. Cum WICHERSIO in *Disf. ad locum GAIIV de tutelis pag. 47.* suspicor, MUCIVM testamentarios, legitimos, fiduciarios, Praetorianos et Adilianos tutores distinxisse, et sic quinque genera fecisse.

Non diffitemur, multos, inter quos est Clariss. HEINECCIUS (169) testamentariam tutelam legitima antiquiorem docuisse: nimirum propter testamentarias tute-

Quot ipse GAIUS genera fecerit, nominatim non eloquitur, et ex contextu satis difficile statui posse videtur. Sed suspicari licet, GAIUM, duce MUCIO, etiam quatuor genera distinxisse, primum in libris ad Edictum, et in iis libris, quos ex MUCIO fecit, deinde vero hic, licet de suis generibus nominatim in hoc loco nihil adiecerit. Quare de MUCIO et deinde de GAIIO ita statuum, verbo dicendum est. Cum nempe *optivus* et *dativus* tutor, quorum apud GAIUM fit mentio, apud ipsum aperte non nisi species faciant de genere testamentariorum, et revera esse dicantur, cumque *cessio tutelae* non nisi adiectitia sit qualitas *legitimae* cuiusdam *tutelae*, plane non video, qua ratione MUCIUS et GAIUS ad quinque genera pervenire potuerint, nisi ad haec ipsa, quae nuncupavi, quaeque a GAIIO nuncupantur, pervenerint. Vid. WICHERS *Disf. laudatae* pag. 48.

SERVIUM SULPICIUM tria fecisse tutorum genera, etiam ex GAIIO vidimus; ita deinde fecit ULPIANUS: sed an hic eandem in distinguendo, quam SERVIUS erat secutus, iverit viam, merito dubitaveris. Etenim hosce duumviros non easdem fuisse secutos distribuendi rationes, ex sequentibus in clarissima luce collocatur.

ULPIANUS tria facit genera, aut enim *legibus*, unde *legitimi*, aut *Senatusconsultis*, aut *moribus* dabantur: per leges intelligit leg. XII Tab. atque legem Iuliam, Atiliam et Titiam, ceterasque. Sub legitima tutela apud ULPIANUM *testamentaria* continetur; at non ita SERVIUS: namque primum *Senatusconsulta* non videtur vidisse, quorum meminit ULPIANUS, et praeterea testamentariam tutelam SERVIUS a legitima videtur distraxisse; SERVIUS (quod ultima verba Servianae definitionis docere videntur) distinxisse videtur inter tutelam, quae *immediate a lege datur*, *legitimam* intellige, eamque, quae *lege* vel *moribus* dari permittitur, *testamentariam* intellige et *dativam*, quae deinde dici coepit: sive, intellige a Magistratu datum tutorem, a Praetore urbano dari primum solitum, ut sic, exarata subdivisione, more antiquis recepto, triplex genus apud SERVIUM nascatur tutelae.

Restat, ut de LABEONE dicam: duo fecit tutorum genera, sed qua ratione? Doctiss. GANS in scholiis pag. 181 existimat, LABEONEM sexus tutelam ab aetatis tutela distinxisse. Sed non placet ista sententia, et sane ita nemo veterum. An LABEO ad legem XII Tab. scribens, duo tantum tutelae genera distinxit, testamentariam et legitimam? Ita sane ad XII Tabulas potuit, aut etiam, his unis adhaerens, LABEO debuisse; sed de XII Tab. non dicit GAIUS, itaque in incerto vagamur.... Non absurde etiam dici posset, LABEONEM duos fontes distinxisse, *leges*, et *mores*; ULPIANUM deinde *Senatusconsulta* adiecissee, ut ULPIANUS non SERVIUM, sed LABEONEM videretur secutus. WICHERS in *Disf. laud.* pag. 52.

Nemo apud Iuriconsultos veteres, qui quatuor fecit genera, reperitur.

De disensione veterum sat multis mihi videor dixisse, nec possum addere, quibus dubia ab hoc loco removeantur: multa igitur hic manent incerta, ita ut nostro tempore cuius sit licitum, suam sibi viam eligere eamque sequi. Saltem videtur statuendum, summam tutelarum distributionem, quod plurima pars veterum fecisse videtur, ab origine esse petendam, ut appareat, unde haec tutelae veniat; deinde, admitta aliqua aetatis et sexus tutelae distinctione, etiam genera inferiora distinguenda sunt.

(169) HEINECC. Ant. Rom. Syntag. lib. I. tit. 13. § 1.

lae exemplum, a LIVIO relatum, (ait enim (170), ANGUM MARTIUM *filiis tutorem dedisse* TARQUINIUM PRISCUM) hanc testamentariam fuisse contendunt, adeoque testamentariam tutelam caeteris antiquiorem statuunt.

Huic sententiae assentiri nequimus: admisso etiam, tutelam, de qua LIVIUS loquitur, testamentariam fuisse, nondum sequitur, existimandam esse legitima antiquiorem; quid enim obstat, quominus legitima coexistiterit, imo praexistiterit testamentariae? Ut ille LIVII locus aliquid probet, prius probandum foret, ANCI MARTII tempore legitimam tutelam incognitam fuisse; quod a nemine factum reperio: itaque haeremus in dubio et solis conjectura locus est.

Dixi, ubi de tutelae indole locutus sum, maximam reperiri similitudinem inter successiones et tutelas, imo me probasse existimo, tutelam successionum causa fuisse introductam, et agnatorum ius atque gentilium a iure successionis profluere ad hanc tendam (171). Si haec tutelae sit indoles, introduci debuit illa, eo fere tempore, quo legitima successiones ortae sunt; itaque quaestio de tutelae legitima et testamentariae aetate in aliam transfertur, nempe quaenam sit antiquior, legitima an testamentaria tutela? cuius quaestionis solutio a rei natura, et primae societatis moribus est repetenda.

Ut nos opinamur, satis naturaliter conijci posset, apud omnes populos successiones ab intestato incepisse, simul ac proprietas certa fuit; alias enim, proprietario mortuo, patrimonium eius ad primum occupantem iure occupationis pertinuisset, et inde proprietas certa dici non posset, cum maiori cultu, imo, quod de populo infante dici non potest, prudentibus iam legibus opus sit, ut testamentis naturalis succedendi ordo evertatur. Quomodo enim rudes intelligerent, posse aliquem, etsi mortuum, quid de patrimonio fieri velit, imperare, quando nulla amplius terrae res in eius est potestate?

Ex historia discimus, apud multos populos testamenta fuisse incognita, licet successiones admitterent ab intestato; de Germanis enim refert TACITUS: *heredes tamen successoresque sui cuique liberi, et nullum testamentum* (172).

Ipsa testamentorum indoles, qualia initio Romae obtinebant, testari videtur,

(170) LIVIUS, lib. I. c. 46.

(171) Huius dis. esp. I. § 1.

(172) TACITUS, Germ. § XX.

illa legitimae successioni fuisse posteriora; etenim tantum abest, ut prisci Romani crediderint, successiones voluntate sola defuncti regi posse, ut potius lege opus esse, ut voluntas eius servaretur, censuerint. Et quidem non nisi in procinctu et comitiis fieri testamenta poterant; atque igitur ex populi voluntate, id est, ex lege (173).

Lege XII tab. lata, coniecturae cessant, quia tutelam legitimam et testamentariam hac lege consecratam fuisse palam est (174).

Sed tertium modum constituendi tutelam suspicatur egregiae doctrinae auctor, HUGO, antecessor Goettingensis. Ab illo recedere valde ducimus periculosum, et, quamquam eius non assentimur sententiae, onus ei contradicendi in nos suscipere non auderemus, nisi ambigue suam proposuisse sententiam visus esset.

Ait professor Goettingensis, hac aetate, et a magistratibus etiam tutores dari potuisse, propter hanc rationem, quod alias admittendum esset, Romae gentiles, qui tutores legitimi essent, numquam defuisse pupillis, vel, si defuissent, tutelam unicuique, eius cupido, fuisse traditam; quod admittendum doctissimo Professore non fuit visum (175).

Quod ad nos attinet, hac aetate numquam civibus defuisse gentiles, qui essent tutores, existimamus, et ita arbitratus est vir fammus VON SAVIGNY (176). Quisque enim Quiritium suam habebat gentem, hac vero aetate Romani quotidie augebantur, augebatur ergo et gens, et ubinam fuisset gentium extinctio, adeoque legitimorum tutorum defectus, qui doctissimi Professoris sententiae est fundamentum? Nostra aetate rarissime extinguuntur familiae; cum autem nostri mores liberorum procreationi magis adversentur, quam prisci Quiritium mores, a fortiori gentes Romanae, quae multo numerosiores erant, quam id, quod nos familiam vocamus, extinguere facile non poterant. Et si nec hoc placeret, doctissimi HUGONIS sententiae nondum assentirer, utpote quam admittere vetat principium

(173) Ait GAIUS, Comm. II. § 101. *testamentorum autem genera initio duo fuerunt: nam aut calatis comitiis faciebant, quae comitia bis in anno testamentis faciendis destinata erant, aut in procinctu, id est, cum belli causa ad pugnam ibant; procinctus est enim expeditus et armatus exercitus.*

(174) GAIUS, Comm. I. § 155. — ULP., Fragm. tit. XI. § 14.

(175) HUGO, Iur. Rom. Hist. § 48.

(176) VON SAVIGNY, Zeitschr. für Rechtsw., vol. III. pag. 333.

illud: *Tutelae datio neque imperii est neque iurisdictionis, sed ei soli competit, cui nominatim hoc dedit vel Lex, vel Senatusconsultum, vel Princeps* (177).

Tutelae datio Romae extraordinariae iurisdictionis erat negotium, id est eius, quae magistratibus, qua talibus, non competiit; neque mirum, cum tutela esset potestas in capite libero, id est in cive Romano, in quo magistratus nil sibi arrogare potuit, nisi nominatim hoc dedisset voluntas populi; quod hac aetate factum esse, doctissimus HUGO non probavit: itaque ipsius, et doctissimi GANS (178) opinionem, qui eandem fere defenderat, iure reuicimus, illaque, utpote iuris principii contraria, reicienda est, donec ita probetur, ut nullum restet dubium.

Sed obiciunt doctissimi viri, credendum non esse, impuberes in tali casu sibi fuisse relictos: quibus reponimus, id tutelae indoli consentaneum fuisse; namque (ut, quae alias diximus, hic repetamus) tutela erat ius agnatorum gentiliumque, ad hereditatem futuram tuendam; sed in nostro casu legitimi heredes adesse non poterant, inde vero nulla tutela. — Sed dicant forsan praefati professores, has leges imperfectas fuisse. — Concedo, et pupillis parum prospectum: sed meminerint quaesumus, humanarum rerum, adeoque legum nascentium, imperfectionem esse sortem.

§ 4.

De Legitimis tutelis in specie.

Legitima tutela in lege suum habet fundamentum, seu ex legislatoris voluntate; sed ita intelligi res debet, ut non semper directo ex lege haec fluat, sed quandoque etiam indirecto, id est, ex legis interpretatione, quam prisci Romani *ius civile* vocabant (179). In lege XII tab. de tutela legitima cautum erat, uti eam IAC. GOTHOFREDUS restituit: *si paterfamilias intestato mori-*

(177) L. 6. § 2. Dig. lib. XXVI. tit. 1 et GRATAMA, Prael. pag. 245.

(178) GANS, Scholien zum GAIUS, pag. 201. opinatur, Romae ante legem Atiliam extraordinarios tutores dari quandoque potuisse: quae assertio fundamentis carere mihi saltem videtur, nam de hisce tutoribus nil exstat apud veteres.

(179) WICHMERS, Diss. ad locum GAIUS de tut. pag. 76. — Legitima tutela suum nomen habet a lege XII tab.

tur, cui impubes suus heres fit, agnatus proximus tutelam nancitor (180). Directo ergo ex hac lege ad agnatos proximum pertinuit impuberum tutela. An vero prudenter, est disputatum (181). Nos ita prudenter obtinuisse arbitramur, quod etiam egregius ULPIANUS dixit (182), a quo recedere recentioribus periculosum ducimus; quod si sint, qui ab hoc recedant, vix dubitamus asserere, hos ignorasse, quid tutelam hac aetate fuerit (183): interrogandus fuit ULPIANUS, ut optime animadvertit Clariss. SERP. GRATAMA, Groninganus Professor, quid voluerit; certissime hoc non voluit, omnibus moribus, omnibus temporibus hoc convenire; ast pristinum Romanorum statum respiciebat (184), et de illo eius dicta laudo.

Sed hoc quoque disputatum scio, an vera sit restitutio? namque dixit clarissimus HUGO alique, eam veram non esse, quia in illa de tutela feminarum nil dicitur; quod verum videtur: nam certum est, in lege XII tab. de feminarum tutela cautum fuisse. Alii hanc restitutionem spuriam credidere, quia de gentilibus in ea non agitur; nam pro certo habebant, gentiles etiam ex lege XII tab. ad tutelam fuisse vocatos. Horum sententiae non assentior: quid enim Romanis agnati et gentiles? ut ego saltem existimo, uno generis nomine agnati ac gentiles dicuntur, specie vero distinguuntur, et, ut ait TULLIUS, *gentiles sunt, qui inter se eodem nomine sunt*; nonne vero sub genere et species continetur? Certissime: atque hinc nescio, cur dubitatum fuerit, an gentiles etiam ex verbis nostrae restitutionis ad tutelam fuerint vocati, et restitutionem capite defendo. — Dubitatum tamen fuit, et a multis quidem, inter quos est VON LOEHR, summi nominis Iurium Professor, qui gentilibus tutelam legitimam non addixit, difficultate motus, quae ex tot tutorum concursu evenire debuisset in auctoritate interponenda (185). Neque enim hic doctissimi viri opinioni assentiri possum, quamquam in ceteris sententiam plurimi facio viri clarissimi; namque

(180) IAC. GOTHOF., ad leg. XII tab. V, 4.

(181) HEINECC., Antiq. Rom. Syntagn. lib. I. tit. 13. § 4.

(182) L. 1. princ. Dig. lib. XXVI. tit. 4.

(183) Adde, quae in Introductione dixi in fine § 5.

(184) SERP. GRATAMA, Praelect. pag. 235.

(185) VON LOEHR, Mag. tom. III. p. 3, ubi ait: das Gentilen nicht zur Tutel berufen waren, steht wohl mit dem Grundsatz in Verbindung, das die Auctoritas aller Tutores legitim zur Ergänzung nothwendig sey.

cum doctissimis viris HUGO, SCHWEPPE et VON SAVIGNY, gentiles etiam ad legitimam tutelam fuisse vocatos, ex similitudine inter tutelam et curam, inter tutelam et successiones, concludimus (186). Succedebant enim gentiles ab intestato; quod in aperto est ex verbis ipsis legis XII tab.: *si paterfamilias intestato moritur, cui suus heres nec fit, agnatus proximus familiam habeto: si agnatus nec fit, gentilis familiam heres nancitor* (187). Ast, cum veteres, ubi successionem, ibi et tutelam esse voluisse constet, quid est cur dubitemus? *Quando tibi bona paterna avitaeque nequitia tua disperdis, liberosque tuos ad egestatem perducis: ob eam rem tibi ea re commercioque interdico* (188). *Si furiosus escit, agnatorum gentiliumque in eo pecuniaque eius potestas esto* (189). Et quaenam horum erat ratio? ne hereditates dilapidarentur, si legitimi heredes adessent: et, ut ait egregius ULPIANUS, *hoc summa providentia: ut, qui sperarent hanc successionem, iidem tuerentur bona, ne dilapidarentur* (190). Quis vero a simili gentilibus non addiceret tutelam, cum par adsit ratio, et nil obitare videatur? Sed id obitare contendunt, quod difficultas exstiteret maxima in auctoritate interponenda, si gentiles, qui numerosiores esse poterant, ad tutelas legitimas fassent vocati; nam, ut refert CICERO, *nil potest de tutela legitima diminui sine omnium tutorum auctoritate* (191). Verum nil obstat allata difficultas in interponenda auctoritate (192): quemque enim proximum gentilium tutorem legitimum fuisse existimamus, et inde tantus tutorum numerus non erat. Etsi vero hoc non placeret, nulla nec allatae difficultatis causa foret: nam gentiles futuri heredes erant, ipsorum ergo intererat, ut familiarum negotia bene gererentur, patrimonii, gentilibus fortasse obventuri, augendi causa; neque enim ignorare gentiles poterant, bene geren-

(186) HUGO, Iur. Rom. Hist. § 48. — SCHWEPPE, Römisch. Rechtsg. § 425. VON SAVIGNY, Zeitschr., tom. III. p. 33a.

(187) IAC. GOTHOF., tab. V.

(188) PAULUS, Sent. Recept. lib. III. tit. IVa. § 7.

(189) Auctor ad HERENNII, I, 13. — CICERO, de inventione II, 50.

(190) L. 1. Dig. lib. XXVI. tit. 4.

(191) CICERO pro Flacc. cap. 34.

(192) Vere enim monet acutissimus SCHWEPPIUS: „die Schwierigkeit, welche die Concurrenz so vieler Tutoren zu der Auctoritas gemacht hätte, ist wohl nicht so bedeutend, als das Erbrecht der Gentilen und die Curatel.“ Rechtsgefch. pag. 364.

dis suis negotiis feminas esse impares, propter difficultatem auctoritatis interponendae in tot tutorum concursu; itaque ipsorum gentilium commodum postulabat, ut tutela feminarum uni ex iis, cuius fidem experti erant, in iure cederetur; et hoc fieri poterat (193).

Quod vero ad impuberes attinet, scitu difficillimum est, an gentiles tutelam legitimam cedere in iure potuerint? quae res eo difficilior nobis erit, quod nullus iuris Romani scriptor, qui ad nostram saltem notitiam pervenit, hac de re disputaverit: eo, inquam, periculosior, quod fere in plateis eantetur, impuberum tutelam in iure cedi non potuisse: quae vulgaris sententia GAII dioto nititur: *pupillorum autem tutelam non est permisum cedere* (194). Quantum ego iudico, gentilium tutela legitima, quod etiam ad impuberes attinet, cedi potuit: nec vereor ab omnibus recedere, namque ratio, non levior quam omnium doctorum auctoritas, imperat; neque mea sententia nova videri posset, indeque periculosa, ULPIANO enim et GAIIO ipso nititur: quod his est probandum. — Egregius ULPIANUS pro regula generali ponit: *legitimi tutores alii tutelam in iure cedere possunt* (195). Huius regulae, secundum omnes interpretationis normas, standum est, donec ULPIANUS vel GAIUS huius regulae exceptionem faciant. Ait ULPIANUS postea: *quantum ad agnatos pertinet, hodie cessitia tutela non procedit: quoniam permisum erat in iure cedere tutelam feminarum tantum, non etiam masculorum* (196). Eodem fere sensu GAIUS hac de re loquitur: *agnatis, qui legitimi tutores sunt, item manumisoribus, permisum est, feminarum tutelam alii in iure cedere: pupillorum autem tutelam non est permisum cedere, quia non videtur onerosa, cum tempore pubertatis finiatur* (197). Ceterum nullus exstat locus in ULPIANO, neque in GAIIO, qui de tutela cessitia loquuntur; itaque videndum erit, an loci, quos hic in terminis laudavi, regulae generali, quam posuerat ULPIANUS, exceptionem faciant?

(193) VON LOHRER, Mag. tom. III. p. 411, recte monet: „die Cessio in iure der Tutel dürfte wohl entstanden seyn, um die erfordernte Auctoritas aller legitimi tutores häufiger möglich zu machen, als sie es sonst gewesen wäre.“

(194) GAIUS, Comm. I. § 168.

(195) ULPIANI, Fragm. tit. XI. § 6.

(196) ULP. Fragm. tit. XI. § 8.

(197) GAIUS, Comm. I. § 168.

Hic in locis sermo est de agnatis, et dicunt **ULPIANUS** et **GAIUS**, agnatorum tutelam legitimam, quod ad feminas attinet, cedi posse; quod vero ad impuberes, eam cedi non posse; sed neuter de tutela legitima gentilium dixerat, de quibus solis hic est sermo: cedi ergo eorum tutela potest, namque **ULPIANUS** de omnibus tutoribus erat locutus, dum hiis de rebus generale ponebat principium, cui standum est, donec demonstretur, **GAIUM** vel **ULPIANUM** huic exceptionem fecisse ratione gentilium. Et ubinam difficultas interponendi auctoritatem in gentilium legitima tutela? certe nullibi; unde fit, ut argumentum, ex hac difficultate desumptum, nullius sit momenti, utque verum maneat, gentiles ad legitimam tutelam fuisse vocatos.

Licet autem ad agnatos et gentiles legitima pertineret tutela, non simul tamen ad omnes pertinebat, sed gradu proximior remotiorem excludebat (198); ita tamen, ut, si plures simul essent gradu proximi, hi omnes simul essent tutores ex lege, et si ipsi aut sub tutela aut sub cura essent, aut furerent: *si legitimum tutorem pupillum habeat*, ait **ULPIANUS** (199).

Romanis agnatio aliquod iuris mere civilis institutum erat, ipsis proprium; namque, licet personae, quae a communi quadam origine proveniunt, omnes eodem titulo sibi sanguinis vinculo connectantur, nullo ad sexum respectu habito, nihilominus legumlatores Romani, a iure naturali recedentes, prout nationis suae poscebat ingenium, alia iura addixere illis, qui per mares, alia iis, qui per feminas sanguinis vinculo inter se essent coniuncti. Apud Quirites, ubi imperium militare vigeat, feminas minimi momenti fuisse habitas, probatione non eget; ideoque distinctio illa, ex ortu diverso desumpta, Romanorum moribus valde erat consentanea. Itaque, distinctione facta inter illos, qui per mares sanguinis vinculo coniuncti erant, quosque agnatos aut gentiles appellabant, atque illos, qui per feminas, quos cognatos vocabant, prioribus multa addixere iura, posterioribus vero perpauca, ita ut hi a tutelis omnino exularent, nec minus feminae, cum perpetua iuris incapacitate laborarent. — Ut **GAIUS** ait: *agnati sunt per virilis sexus personas cognitione iuncti*,

(198) **GAIUS**, Comm. I. § 164.

(199) **ULP.** Fragm. tit. XI. § 20.

quasi a patre cognati: veluti frater eodem patre natus, fratris filius, neptave ex eo; item patruus et patrum filius et nepos ex eo. At hi, qui per feminini sexus personas cognatione iunguntur, non sunt agnati sed alias naturali iure cognati (200). — Gentiles sunt eiusdem gentis, idem gentile nomen habentes; itaque uno generis nomine agnati ac gentiles dicuntur: sed specie distinguuntur, ut agnati in specie sint proximiores, gentiles remotiores (201).

§ 5.

De legitimarum tutelarum speciebus variis:

Tutelam legitimam suum fundamentum in lege habere diximus; ita autem res accipienda est; ut directo, de quo iam disseruimus, aut indirecto, id est per interpretationem Prudentum, introducta intelligatur: de qua re nunc sumus dicturi.

Lege XII tab. nil nominatim de tutela legitima patronorum erat monitum; quoniam vero eadem lex decemvralis eos eorumque liberos ad libertorum libertarumque intestatarum mortuarum hereditates vocasset, deficere hic legem credere Inreconfalti, eo quod, ubi sucessionis ius, ibi et ius tutelae, ad hanc tuendam, esse oportere, veteres voluissent.

Romanis vero Iureconsultorum interpretatio non, ut hodie, nullius fere momenti erat, sed sancta, atque iuris fons proprius: itaque haec facile admissa est Romae. Hi vero credere, legem, quae sucessionem libertorum libertarumque ad patronos ab intestato pertinere vellet, etiam voluisse, ut ad eos tutelae ius pertineret; nec locus haec tutela recepta est, ac si legis ipsius verbis esset introducta, legitimaque patronorum tutela fuit nominata (202). Cum vero pa-

(200) GAIUS, Comm. 1. § 156.

(201) SEERP. GRATAMA, Praelect. pag. 237. WICHERS, in Diss. ad locum GAI. pag. 79. suspicatur, olim iura gentilitia Patriciorum fuisse, sed dein lege Canuleia anno U. 309. cum Plebe communicata fuisse, LIVIUS IV. 1—6. X. 8.

(202) GAIUS, Comm. 1. § 165: „ex eadem lege XII tab. libertorum et libertarum tutela ad patronos liberosque eorum pertinet, quae et ipsa legitima tutela vocatur; non quia nominatim in ea lege de hac tutela caveatur, sed quia perinde accepta est per interpretationem, atque si verbi legis intro-

tronorum liberi in sui patris iura, illo mortuo, succederent, etiam illos ad tutelam libertorum libertarumque admittes fuisse plerum est (203). Haec, ut opinor, libertorum libertarumque conditioni valde erant consentanea: hi nullos agnatos habere poterant, praeterquam si in adoptionem essent dati, vel libertas in manu convenissent gentilium (204); nomen vero manumisoris habebant, ideoque patroni gentiles erant, atque inde patronus heres proximus; et ex hoc successione iure patronus tutelae ius consequabatur ad hanc tuendam, namque maiores voluerant, ut tutelae fas semper concomitaretur successione (205). Porro aequitatis ratio haec poscebat; liberti enim atque libertae patronorum humanitati et libertati suam libertatem debebant, et nonne grati erat animi, illos etiam spem saltem habere succedendi in bona libertorum libertarumque? Si vero liberti libertaeque in adoptionem essent dati, manumisoris excidebant gentilitate, aut potius huius gentiles non fiebant, atque eorum, quibus in adoptionem essent dati, aut in quorum manu convenissent, agnati fiebant, quibus tum horum successione addicabantur, remoto ab his manumisoris, qui nec gentilis adeoque nec agnatus erat. Horum consequens hoc erat, quod etiam tutelae ius patroni amitterent, quia nempe liberti libertaeque sub patris potestate vel in manu alterius erant; et quomodo manumisoris in tali casu harum personarum tutelae ius habere potuisset, cum omnino fieri non posset, ut quis sub plurium potestate simul esset?

Patronorum tutela legitima admissa, alia quoque ad huius exemplum admitti debuit;

ducta esset. Quærit ornatissimus WICHERS, in Disert. laud. pag. 75, num veteres, ita interpretando, recte res suas egerint? ad quam quaestionem sequentibus respondit: „dubitari tamen posset, an veteres, ita interpretando, recte res suas egerint, cum in patrono reddi posset ratio, quare lex voluerit in hunc omnis tutelae conferre, et idem prudens tacuerit: imo vero ipsi GAIUS videri posset dubitavisse, an veteres recte crediderint?” Sed recte crediderunt veteres, neque dubitavit GAIUS neque ornatiss. WICHERS dubitasset, si tutelam non opus, sed ius, esse observasset.

(203) GAI., Comm. 1. § 175. „Patroni autem liberti omnem tutelam adimplentur, quam et patrum habent.”

(204) GAI., in Schollis, pag. 193–194, vixit modo: „Was bey Ingenuis die Agnaten sind, das sind bey Freigelassenen, die keinen Agnaten haben können, (ausgenommen, wenn sie in adoptionem oder in manu gegeben worden), der Patron und seine Kinder, wie alle Agnaten das Nomen derselben Gens haben müssen, so auch der Patron und seine Freigelassenen. Deswegen nimmt er in der Intestat-erbschaft des libertinen dieselbe Stelle ein, wie der Agnat in der des Ingenuus.”

(205) GAI., Comm. 1. § 165; ubi dicitur: „Creditur veteres, voluisse legem etiam tutelae ad eos pertinere: cum et agnatos, quibus ad hereditatem vocantur, vellem et patronos esse ingenuos.”

aut enim dominus, servum aut servam manumittens, maiora iura habuisset, quam pater, qui filium aut filiam manumittebat? certo inter illa differentiam admittente nulla pretiosa ratio fuisset: nam pater, filium aut filiam suam manumittens, verus horum fidei patrenus (206), cui proinde ius successoriae adeoque tutelae competebat, quae parentum legitima tutela fuit vocata, ait enim GAIUS: „*patroni autem loco habemus etiam patrem, qui in . . . filii remanentem filiam nepotem aut proneptem manumissione legitimam tutelam nactus est*“ (207). Quod si nepos pater filium aut filiam in adoptionem dedisset, aut filiam aut nepotem manumississet, quae in manum convenerat, horum harumque tutelam apud patrem manumissionem manere non potuisse, ea, quae supra dixi, sit superque ostendunt.

Sed maioris difficultatis quaestio hic oritur, nimirum, an patris filii puberes, patre mortuo, in emancipato fratre tutelae ius habuerint, nec ne, si pater filium emancipata aetate impubere, mortuus esset? Perobscura res, quae ne coniecturis quidem locum fore praebet, quam tamen, etsi ei explicandas impares sumus, filitio praeterire non possumus. Fratres filii emancipati impuberes in filiis patris patrisque iure, illo mortuo, succedere debuissent, clarum videtur, si ad principia attendamus, rationes enim eadem adsunt, quae in liberti patrono. Statione patris, honor parentibus debitus et aequitas ipsa patronatus iura stricte servari suadebant, haec vero reverentiae et honoris ratio, respectu filiosum, patre mortuo, cessabat, et hi fratres non patroni, sed quasi patroni erant (208): hinc a Iureconsultis, ut opinor, qui semper acutis suis

(206) GAIUS, Scholien zum GAIVS, ubi dicit: „In so fern nun beim emancipirenden Vater eine vollkommene Manumission statt findet, wird er auch Patron des Emancipirten.“

(207) GAIUS, Comm. I. § 175.

(208) Hic describam locum ex Scholliis doctissimi GAIUS, in quo optime res exponitur. Ita ait: „Tunc dicitur gleich nach dem Ableben desselben“ (patris qui emancipavit) „in seine Rechte“, so bringt es doch das Verhältnis der Brüder unter einander mit sich, so wie der Umstand, dass hier weder Agnations- noch Respectus-Verhältnis existirt, dass die nicht emancipirten Brüder des aus der Gewalt entlassenen Haussohns keineswegs als Patrone, sondern nur als quasi Patrone angesehen werden dürfen; denn dass der Vater als wirklicher Patron galt, lag auch daran, dass es unbillig gewesen wäre, den manumittenden Vater schlechter als den manumittenden Herrn gestellt zu wissen. Wenn also auch die Brüder mit dem Ableben des Vaters, in dessen Gewalt sie zur Todeszeit noch waren, alle Patronats-rechte desselben, und also auch formell die Tutel erlangen; so liegt nicht zänder, wie bei dem Herrn des Mancipium, der Vertreter zu Grunde, dass sie faktisch von den Rechten, die die Tutel der Patrone mit

interpretationibus iuris severitatem mitigare conabantur, non legitima tutela hiisce fratribus data est, sed fiduciaria, id est tutela dieis gratia, ex eo ita nominata, quod fiduciae tutorum esset relictum nullum huius tutelae usum facere. Inde defendi posset; tutelam fiduciariam Romae fore tempore legis XII Tabularum existisse. Hanc tutelam ex pacto fiduciae, quod interveniebat, ita vocatam fuisse multi existimant, quam tamen sententiam veri similem non esse, superius demonstravit aontisimus THIBAUTUS, *Heidelbergensis iurinus Professor* (209).

Tutela legitima, de quibus differimus, in iure cedi poterant, excepta tamen impuberum agnatorum tutela (210); Gontilianam vero tutelam cedi etiam potuisse, ex eo patet, quod alibi diximus (211); an vero feminariam impuberum tutela cedi potuerit, res est difficilior. Hoc affirmat clariss. GAMS (212), cuique assentiamur, propterea quod nec GAIUS, neque ULPIANUS dixerit, eam cedi non posse; regulae itaque standum est: *Legitimi tutores alii tutelam in iure cedere possunt* (213).

Quod vero attinet ad fiduciariam tutelam, an haec cedi potuerit nec ne, suo saeculo controversum fuisse GAIUS ipse testatur (214); sed GAIUM, eam cedi posse, existimasse, ex eo colligi posset, quod, de hiisce differens, dicat, *quod et si placeat*; mihi etiam cum clariss. GAMS eam cedi potuisse verius videtur.

Is, cui tutela erat cessata, *cessicius tutor* appellabatur; ULPIANUS eum *cessi-*

sich führt, keinen Gebrauch machen werden; deswegen heißt, die Tutel aus denselben Gründen fiduciaria." Schollen pag. 198.

(209) THIBAUT, *Civilistische Abhandlung*, pag. 294-295.

(210) GAI. Comm. I. § 168. ubi dicit: *agnatis, qui legitimi tutores sunt, item manumissoribus, promissionem sive feminariam tutelam alii leguntur dari.* Quaeritur hic, quid ratio illud permittit? An hoc iuris licet ex XII Tabula aut alia lege? Non videtur. Ad id, quod ibi dicitur, licet, si hic est dicendum? Neque hoc placet. Potius a praetoribus videtur permittum, ut legitimi tutores apud se in iure tutelam cedent; quando scilicet aliquid dicitur esse permittum, magis est, ut intelligatur nominatim et ante facta promissio, sive legis, sive eius, qui iurisdictioni praestit. WICHERS in *Disf. ad locum GAII de tutel. pag. 81.*

(211) Huius *Disf. Cap. I. § 4.*

(212) GAMS, *Schollen*, pag. 192.

(213) ULP. *Fragm. tit. XI. § 6.*

(214) GAI. Comm. I. § 172.

cum vocat (215), quae locutio latinitati veterum adversari videtur; ipse haec tutela *cessicia* vocabatur (216).

Cum vero nemo plus iuris in aliam transferre possit, quam ipse habet, sponte sequitur taterem cessicium suam amittere tutelam, simul ac tutor legitimus, qui eam cesserat, ipse tunc amplius esse non posset; veluti, si capite esset minutus aut mortuus: nam cessicii tutoris ius tutelae pro fundamento habebat ius tutelae cedentis; hac itaque amissa, et illud amitti debuit, quae casu tutela reverterebatur ad eum, qui, post eum, qui cesserat, secundo gradu erat (217). Tutor cessicius erat legitimi loco, erat quasi ipsius mandatarius; et, iure dantis revocate, simul revocabatur ius accipientis: nam observandum est, hic agi de iure *legitimae tutelae*, quod, opinione veterum, personae tutoris adeo erat proprium, ut ab hac avelli non potuerit, neque ipse illud potuerit abdicare. Hoc igitur habet tutelae cessio, ut ipsum ius, quod cedens habebat, apud hunc maneat, utque eius exercitium potius in cessicium tutorem transferatur, quam ius ipsum (218).

§ 6.

De testamentaria tutela ex patria potestate aut manu mariti.

Olim testamenta Romae rarissima erant, quoniam essent, ut MONTESQUIEUUS ait, *un acte du pouvoir législatif*, adeoque iuris publici, et adversari viderentur bonorum aristocratiae sensu introductae, et agrorum divisioni, a ROMULO factae, et a SERVIO TULLIO renovatae (219). Nam si cuique, prout vellet, sua bona in aliam familiam transferre licuisset, bonorum aristocratia, quae, quod satis mirum, apud ignobiles omnes plus minuisse vixit, obtinere certa non potuisset. Hinc Romae successio ab intestato regula erat generalis, cui privatorum voluntate

(215) Fragm. tit. XI. § 7.

(216) GAL. Comm. I. § 171.

(217) GAIUS Comm. I. § 170.

(218) WICHERS Disf. laud. pag. 82.

(219) MONTESQUIEU, Esprit des loix, lib. XXVII, cap. unic. et NISQUOORT Rituum Rom. cap. 7. sect. 1, § 2.

dérégler non poterat: id nobiscum opinatur MONTESQUIEUUS: *L'ordre de succession ayant été établi en conséquence d'une loi politique, un citoyen ne devoit pas la troubler par une volonté particulière; c'est-à-dire que, dans les premiers temps de Rome, il ne devoit pas être permis de faire un testament* (220).

Cum autem in duobus casibus durum fuisset, civem ei, cui multa beneficia debebat, nil sup testamento, in animi grati testimonium, relinquere posse, invenerunt Romani modum, quo hoc fieri posset: nempe, civibus rogantibus, in comitiis populus debebat legem, quae statuebat id, quod cives voluerant, ut de sua successione ius esset, ut ait MONTESQUIEUUS: *On trouva un moyen de concilier à cet égard les lois avec la volonté des particuliers. Il fut permis de disposer de ses biens dans une assemblée du peuple, et chaque testament fut en quelque façon un acte de la puissance législative* (221). Eversa autem, ut refert CAIUS, *testamentorum genera initio duo fuerunt: nam aut calatis comitiis faciebant, quae comitia bis in anno testamentis faciendis destinata erant, aut in procinctu, id est, cum belli causa ad pugnam ibant; procinctus est enim expeditus et armatus exercitus. Alterum itaque in pace et in otio faciebant, alterum in proelium exituri* (222). Secundum haec CAII verba, testamenta Quiritium voluntas erant atque iussa: id autem, quod iusserant Quirites, lex erat: inde pro testamentum condere, apud Latinos, *legare*: inde omnia legata antiquitus legis modo fieri debebant, nec precativis verbis enunciabantur (223). Haec admodum confirmant illa, quae alibi diximus, successiones ab intestato generalem regulam esse, testamentariam vero esse exceptionem; ergo regula est generalis tutela legitima, et testamentaria exceptio (224).

Ex hisce elucet, testamenta Romae ante legem XII Tab. satis rara fuisse; quin

(220) MONTESQ. L. I. Egregie etiam exponit WICHENS in Disc. laud. pag. 59.

(221) MONTESQ. L. I.

(222) CAI. Comm. II. § 101.

(223) ULP. tit. XXIV, § 1.

(224) Uti apud CAIUM, ita apud IUSTINIANUM primum tutelarum genus est testamentaria tutela, quae apud eos praecedit legitimam, quia *vi laris* potior est; ab hoc ordine recedere necesse duxi, quia minime mihi tutelarum origo erat describenda, itaque merito primo loco posui legitimam tutelam.

dabite; ad tunc temporis totala testamento confidit placuit. Lege XII Tabularum, latissima facultas civibus Romanis concessa est; testamenta condendi, neque amplius necesse fuit; ut in praecinctu aut hemio condiderint; namque, ut egregius Ulpianus refert, *ut legasset super potestate patris, faceret, ita in eis esto* (225). Posunt ergo patres filios filiasque in potestate constitutis, suo testamento interem dare (226); cum vero nepotes neptisque etiam sub avi potestate essent, his etiam huius testamentorum dari potuisse clarum evadit; ita tamen domini, si post avi mortem in sui patris potestate per casum non sint. Itaque, si filius meus mortis meae tempore in potestate mea sit, nepotes, quod ex eo habeo, non possunt ex testamento meo habere integram, quatenus in potestate mea fuerint; scilicet quia, mortui me, in patris sui potestate futuri sunt (227). Cum tamen in compleribus causis postumi pro iactis habeantur, et in hac causa placuit, non omnino postumis, quam semetis, testamenta interem dari posse: si modo in ea causa sint, ut, si viris nobis nascantur, in potestate nostra fiant (228).

(225) Ulp. Fragm. tit. XI. § 14. Multi volunt, verbum *paterfamilias* praecedere debere, sed id verum non esse, egregie probavit ciur. xxi in xv. Civ. Magaz. tom. IV. pag. 462.

(226) Non possum orationis. WICHERSI verba hic notanda scribit, hic enim: „Hic rebus, quae actualiter ierant, molestae, forsitas et, quae comitata fuerant, patientia a potestioribus manenda; ea tempestate, qua fiebant XII Tabulae, fecisse videntur, ut cives voluerint ab hoc opere liberari, et est nominatim per XII Tabulas civibus permittum sua testamenta extra comitia, et quod vellent tempore, condere; quo factum est, ut haec pars Legislatoriae potestatis a populo ad singulos ferit, utque, si parens ex lege testamento esset locutus, ipsius palam facta voluntas, legibus non contraria, esset observanda, ac si ipse legislator esset locutus; hoc efficitur, ut si omni non potuerit subreptum, qui ita a parente tutor esset datus, utque impuberi aut mulieri, cui esset datus, esset parendum.”

Per legem igitur XII Tabularum sua, in populo, testamenti factio, et in tabulis tutoris denominatio parenti fuit permittum; notanda tamen vox est, qua GAIUS Comm. II, § 192 utitur; testamenti factioni, adeoque et tutoris dationi in comitis calatis, *accessisse* ait aliud testamenti genus, *per aes et libram* scilicet et est igitur, quare possit dubitare, an post XII Tabulas adhuc aliquando in comitiis tutor testamento fuerit datus? WICHERSI in Disf. ad GAIUM de tutell. pag. 59.

A legislatore populo ad parentem venit haec potestas, et est igitur particula *legitima* potestatis, quod iam supra fuit observatum; quae vero cum facta sit pars *patriae potestatis*, illadem quoque limitibus continetur, qua ipsa patria continetur potestas, ut ad omnes etiam pertinet potestas, huiusque essent in potestate patria.

(227) GAIUS Comm. I. § 146.

(228) GAIUS Comm. I, § 147, et WICHERSI Disf. laud. pag. 61. De formula dandi tutorem sub

Ex hisq. facile perspiciatur, testamentariis tutelam fundamentum esse patriam potestatem; cum vero uxor in manu apud maritum filiae sit loco, quaeritur, an huic a marito etiam inter suo testamento dari potuerit?

Ante GAIUM repertum, quaestio haec ardua erat, et adhuc inter Germanos iuris historiae scriptores valde controversata. Antequam GAIUS repertus esset, illustrissimus VON SAVIGNY, quod ad feminas pueros attinet, testamento mariti iis tutorem constitui non potuisse, existimaverat (229). Nunc autem clarissimi viri sententiam esse oppositam, nemo inficiare ibit; nam GAIUS, dicens, quomodo recte tutor dari debeat, ait: *liberis meis, vel uxori meae TITUS tutor esto* (230), et recte datus intelligitur. At alter summi neminis Iureconsultus VON LOHR arbitratu est, uxorem tutelam testamentariam non nisi tardius in usu fuisse, et iis demum temporibus, quibus feminatam tutelam ex usu iam recedebat. Id tutelae optio prebat, inquit viz. clarissimus, quas certe non nisi tardius admittenda fuit. Cui enim finis maritus uxori suae dedisset tutelae optionem? Certe, ut agnati eam non haberent, et vere si iam, antequam tutelae optio recipere, maritus testamento uxorem constituere potuisset, tutelae optio nonne fuisset inutilis, eiusque origo incomprehensibilis (231)? Idem sane credidit clariss. OTTO; ait enim, maritum uxori suae, quae in manu est, tutorem constituere, aut tutelae optionem dare potuisse, et hanc esse tutelam a Iureconsultis inventam, qua tutores

licitus fuit GAIUS; rectissime sic tutorem dari potuisse tradit: LUCIUM TITUM *liberis meis tutorem* de. GAI. Comm. 1. § 149.

(229) SAVIGNY, Zeitschrift für geschichtliche Rechtswissenschaft tom. III. p. 333.

(230) GAIUS Comm. 1, § 149.

(231) VON LOHR, Magaz. für Rechtswiss. pag. 418. cuius viri doctissimi sententiam hoc loco transcribere necesse duxi. Ita ait: „Dass in dieser Zeit“ (de tempore legis XII Tabularum loquitur) einem Weibe kein testamentarius Tutor gegeben werden konnte, darauf scheint nicht allein der innere Zusammenhang und eine Stelle des LIVIUS (ubi dicitur: „*matres vestri nullam, ne privatam quidem rem, agere foeminas sine auctore voluerunt: in manu esse parentum, fratrum, virorum.* LIVIUS XXXIV, 2.“) hinzuweisen; sondern noch vielmehr die sicher später entstandene tutoris optio.“ — Diese ist offenbar eine Unterart der testamentarischen Tutel. GAIUS Comm. 1. § 150, nur dass sie allein von dem Manne angeordnet werden kann, welcher eine strenge Ehe abgeschlossen hat, und dass sie nicht notwendig die Frau ihren gesetzlichen Vormündern ganz entzieht. GAIUS Comm. 1, § 151—153, ja nicht einmal die gesetzliche Vormundschaft ganz aufhebt; sondern nur der Frau das Recht gibt, sich von der Obrigkeit in einzelnen Fällen einen Tutor zu erbitten. Kann irgend aus dem Zusammenhange etwas geschlossen werden, so ist sie nur entstanden um es dem Manne möglich zu machen,

sub mulierum potestate esse dicuntur (232), et propter quam TULLIUS Iuriconsultos, veluti antiqui Iuris corruptores, exagitat (233).

Neque hoc verum, neque illud verius; atque paucis sufficere ad tales sententias overtendas: ipse enim clariss. OTTO, si nobiscum GAIUM legere posset, candide profiteretur, CICERONEM de tutela fiduciaria fuisse locutum.

Quod ad argumentum auctorissimi antecessoris VON LÖNNI attinet, fatemur, illud sane esse gravissimum, difficultate haud carens. Attamen illustrissimi professoris sententia GAIUS adversari videtur: hic enim, dum refert, quomodo testamento tutores dari debeant, ait: *et, quas in manu est, proinde ac filias; item nurui, quas in filii manu est, proinde ac nepti tutor dari potest*; postea autem haec adiecit: *in persona tamen uxoris, quas in manu est, recepta est etiam tutoris optio, id est, ut liceat ei permittere, quem vult ipsa, tutorem sibi optare* (234). Nonne vox illa *etiam* satis indicat, tutelae optionem tutelae testamentariae esse speciem, proindeque postea easdem debuisset porro quis intelligeret, tutelae optionem, quae pro fundamento habet ius testamentum tutorem dandi, hoc ipso esse antiquiorem? ita defendi posset, legati optionem legato ipso esse antiquiorem, quod absurdum videtur.

Ut tutor testamento constitui possit, hic testamenti functionem habere debet simul cum illo, qui tutorem dat; tutela enim est potestas in capite libero, id est in Quirite, quod ius servus aut peregrinus habere non poterat, cum ius sit proprium civium Romanorum,

seine Frau der unbefchränkten Herrschaft seiner feindselig gegen diese gestimmten Verwandten zu entziehen. Hätte zur Zeit der Entstehung dieser Tutel schon im allgemeinen den Weibern im Testamente ein Tutor gegeben werden können, so würde ihre Entstehung unbegreiflich seyn, und noch viel unbegreiflicher ihre Beschränkung auf die strenge Ehe; begreiflich wird dagegen alles, wenn man annimmt, das sie durch das Bedürfnis entstanden, und erst aus ihr, nach beinahe ganz verlichener Bedeutung der Geschlechtstutzel, die testamentaria tutela sich gebildet habe.

(232) OTTO Disf. 4. de perpetua feminarum tutela § 16.

(233) CICERO, pro Murena, cap. 15.

(234) GAIUS Comm. 1, § 148, 150.

§ 7.

De necessitate tutelam suscipiendi.

Lege aut testamento hac aetate tutelam constitui potuisse, diximus; hic vero locus est quaerendi, utrum tutores, qui a lege aut per testamentum ad tutelam vocati erant, illam inviti etiam suscipere debuerint, an excusationes existerint? dicendum vero, tutores etiam invitos tutelam suscipere debuisse, et excusationes existisse nullas, quum testamentarii aequae ac legitimi ipso iure tutores essent (235). Prisci enim iuris ratio atque rigor nullas, quas necessitas rerumque natura deinde genuit, causas liberationum admittit: cuius rei ratio haec videtur.

Quando tutelae legitimae locus erat, excusatio voluntaria ne cogitari quidem poterat, cum tutela, maxime in tutorum gratiam introducta, maiora iura atque commoda iis offerret, pauca vero onera, et tutor, quamvis suo commodo renunciare potuisset, non tamen aliorum agnatorum et gentilium, qui omnes ad pupillorum hereditatem vocari poterant, commodis renunciare posset. Hinc apud ULPIANUM: *nam et legitimus in iure cedere potest; abdicare se non potest* (236). Nec necessariae excusationes obtinere poterant: cur enim aliquis tutor a tutela arceretur, nisi quia gerendis negotiis aut interponendae auctoritati esset ineptus? Sed neque hoc, neque illud ob stare poterat: semper fere in tutela legitima plures simul erant tutores, et, si unus negotiis gerendis aptus non esset, alter gerere poterat; si ipsi tutores legitimi impuberes essent, tutores eorum gerere poterant. Neque illud, quod auctoritatem interponere non posset tutor, veluti si surdus aut mutus esset, erat impedimento; tutelae enim hi erant capaces, cum praecipuus tutelae finis esset futuram hereditatem tueri, ut bona in eadem familia manerent: haec autem salva erant propter ipsum illud, quod tutor auctoritatem interponere non posset, namque sine hac nec feminae neque impuberes obligari poterant, adeoque nec patrimonium alienare. Cum igitur scopo tutelae esset satisfactum, quis locus excusationibus esse poterat?

Ut demonstretur, cur in testamentaria etiam tutela idem obtinuerit, ad alia re-

(235) Cl. GRATAMA in Praelect. lib. I. tit. XXV. § 2. et SICO VAN TEYENS in Diss. de causis excusationum a tutelis (Gron. 1823) pag. 31.

(236) ULP. Fragm. tit. XI. § 17.

currendum est, cum ratio modo allata hic deficiat, et testamentaria tutela in tutoris gratiam nequaquam esset introducta. Veram huius rei rationem in pristina testamentorum indole atque natura esse quaerendam nos saltem arbitramur: etenim, cum testamenta antiquitus in comitiis aut in procinctu fierent, adeoque a populi voluntate penderent, atque ita leges essent, quibus erat parendum, cumque maxima similitudo reperiatur inter tutorem testamentarium, et magistratum, a populo ad munus vocatum (237), haud mirum videbitur, etiam in testamentaria tutela excusationibus non fuisse locum.

§ 8.

*De officio tutoris, de eius auctoritatis interpositione
et libera administratione.*

De officio tutoris acturo non abs re videtur pupillarem tutelam a muliebri distinguere; etenim, tutores mulierum negotia non gerunt: *mulieres, quae perfectae aetatis sunt, ipsae sibi negotia tractant* (238); et solum tutoris muliebris officium in auctoritate interponenda consistit: *mulierum autem tutores auctoritatem dumtaxat interponunt* (239).

Aliud obtinet in iis, qui ipsi propter aetatem se defendere non possunt: quomodo enim hi, qui fari nondum possunt, sua negotia gererent? ideo pupillares tutores eorum, qui tutelae subsunt, negotia tractant, quamdiu infantia egressi non sunt (240): quae tamen aetas hoc tempore nondum determinata fuisse videtur. Hac aetate tutores omnia fere domini loco, et suo nomine gerebant (241). Attamen et obligationes ipsis incumbabant, nempe curandi, ut omnia fierent, quae pupillorum patrimonio expedirent, ita ut, quatenus illud fieri posset, augmentum fieret pupillorum patrimonii (242). Suspiciari licet, illud semper observasse tutores, ex

(237) HUGO Iur. Rom. hist. § 48.

(238) GAI. Comm. I. § 190.

(239) ULP. Fragm. tit. XI. § 25.

(240) HEINECC. Ant. Rom. syntagm. lib. I. tit. XXI. § 1. ULP. Fragm. tit. XI. § 25.

(241) HEINECC. l. l. § 1, 2.

(242) THIBAUT System des Pandekten-Rechts § 517.

eo, quod tutor legitimus heres esset futurus, indeque ipsius interesset bene geri negotia patrimonii, cuius commodum post pupillorum pupillarumve mortem ad se esset redundaturum.

Quod ad testamentarios attinet tutores, idem obtinuisse dicendum est, cum pro certo sit sumendum, patres semper liberorum suorum tutelam tradidisse amicis, quorum fidem experti erant et diligentiam.

Porro si tutoris officium est, eum, qui propter aetatem sese defendere nequit, tueri, haec non tantum de pupillorum pupillarumque rebus intelligenda sunt, ast etiam extendenda ad pupillorum personas; quid enim de his fieret, si tutoribus non inculceretur victum et amictum pupillis praestandi officium (245)? Cum igitur haec sola ad corporis quidem cultum sufficiant, non vero ad animi culturam, tutorum etiam fuit curare, ut pupilli pupillaeque educarentur atque bonis artibus et moribus instruerentur, ratione habita illorum opum et facultatum (244).

Postquam vero pupilli pupillaeque infantia egressi sunt, ipsi sua negotia gerere possunt (246), et tutor auctoritatem suam interponit, ut iuris negotia, a pupillis contracta, in iure effectum habeant. Sed sciendum est, plures etiam simul tutores legitimos, simulque plures testamentarios esse potuisse; quam in rem cum ULPIANO dicimus: *si plures sunt tutores, omnes in omni re debent auctoritatem accomodare, praeter eos, qui testamento dati sunt: nam ex his vel unius auctoritas sufficit* (246), quae tam in muliebri tutela valent quam in pupillari: nihil ergo de tutela legitima potest diminui sine omnium tutorum auctoritate (247); quod probare videtur id, quod alibi diximus, legitimam tutelam maxime in tutorum commodum fuisse introductum.

(243) OTTO Disf. de perp. fem. tutela § 9. L. 1. Cod. lib. V. tit. 50.

(244) CL. GRATAMA, Prael. pag. 250. L. 2. Cod. lib. V. tit. 50.

(245) OTTO Disf. laud. § 9. ULP. Fragm. tit. XI. § 25. THIBAUT Syst. des Pandekten-Rechts § 519. HEINECC. Ant. Rom. lib. III. tit. XXI. § 2.

(246) Fragm. tit. XI. § 26. Notamus, haec ULPIANI verba egregie duo docere: primum, legitimam tutelam ius esse, namque si ita res se non haberet, cur unius tutoris auctoritas, uti in tutela testamentaria, non etiam in legitima sufficeret? deinde, testamentariam tutelam ius non esse, ut iam THIBAUTIUS observaverat, namque, si ius fuisset, ut legitima, obtinere debuisset, sicut in hac, ut unius tutoris auctoritate de iure aliorum nil potuisset diminui.

(247) CICERO pro Flacco cap. 34.

Quid sit auctoritas, diligenter explanavit ERNESTIUS (248). Introducta fuit ad exemplum auctoritatis Senatus: quemadmodum enim populus iubebat, Senatus auctor erat (249). Ita pupillus gerebat atque contrahebat iuris negotia, et tutor suam interponebat auctoritatem, de qua iam paucis est dicendum. Tutoris auctoritas iuris civilis negotium erat legitimum ac solemne, certa verborum formula (forte hac: *ego in hanc rem auctor fio*) expediendum, quo tutor negotium, quod gerebat pupillus aut femina, suum faciebat (250): qua auctoritate interposita, persona perfectae voluntatis, veluti tutor; imperfectam voluntatem personae, minus pleno iure utentis, integrare videbatur; et ita intelligendum est effatum illud: *tutor personae datur* (251).

Debebat auctoritas statim fieri in ipso negotio, et a praesente tutore (252). Haec solemnitatis ratio postulabat. Cum vero haec auctoritas actus esset solemnis, certa verborum formula expediendus, rite fieri debebat, adeoque conditionem non recipiebat, nec per epistolam fieri poterat. Hinc nec mutus, nec surdus auctoritatem interponere poterat, cum prior verba solemnia proferre, posterior ea audire non posset. Tutores ad auctoritatem interponendam cogi non potuisse, ex indole ipsa tutelarum clarum evadit, nam si ad eam interponendam cogi tutor potuisset, tutela ius esse desisset.

§ 9.

De modis, quibus tutelae finiuntur.

Tutela naturaliter finitur morte pupilli, pupillaeque, et mulieris, omnive capitis diminutione eorum interveniente (255). Quod ad legitimos tutores atti-

(248) In clave Ciceroniana v. *auctoritas*. Vid. etiam CICERO de Republica lib. I. cap. 7.

(249) LIVIUS I, 17. et HEINECC. Antiq. Rom. lib. I. tit. XXI. § 2.

(250) HUGO Iur. Rom. Historia § 47. Eam THIBAUTIUS Syst. des Pandekt.-Rechts § 519. germanice *Vollwort* vocat; egregie etiam LOEHRIUS dicit *Ergänzung*.

(251) WARNKOENIG Inst. Iur. Romani (edit. alt.) lib. IV. cap. 4. § 621. — VON LOHR Magaz. tom. III. p. 24.

(252) SEERP. GRATAMA Prael. pag. 253.

(253) SCHWEPPE Röm. Rechtsgech. § 497.

net, ius eorum quoque cessat, si moriantur, aut si capitis diminutionem patiuntur (254); namque ius tutelae, tutore mortuo, ad heredes eius non transibat, sed ad eos, qui secundo gradu erant (255); neque ius tutelae pertinere poterat ad peregrinum aut servum; cum tutela potestas esset in capite libero, ius proprium civium Romanorum. Huius iuris fundamentum erat agnatio, itaque, ipsa capitis diminutione interveniente, tutoris ius extinguere debuit.

Quod vero attinet ad tutorem testamentarium, huius munus non finiebatur omni capitis diminutione, sed maxima aut media tantum; quid enim in hac tutela refert, ad quam familiam spectet tutor, cum huius tutelae fundamentum non sit agnatio, sed potius fides tutoris, quam pater, aut maritus, qui tutorem constituerat, erat expertus.

Est autem capitis diminutio prioris capitis permutatio, eaque tribus modis accidit: nam aut maxima est capitis diminutio, aut minor, quam quidem mediam vocant, aut minima. *Maxima est capitis diminutio, cum aliquis simul et civitatem et libertatem amittit. — Minor capitis diminutio est, cum civitas quidem amittitur, libertas vero retinetur; quod accidit ei, cui aqua et igni interdictum fuerit. Minima capitis diminutio est, cum et civitas et libertas retinetur, sed status hominis commutatur; quod accidit in his, qui adoptantur: item in his, qui coemptionem faciunt: et in his, qui mancipio dantur, quique ex mancipatione manumittuntur; adeo quidem, ut quotiens quisque mancipetur, aut manumittatur, totiens capite diminuatur* (256). An emancipatio inter capitis diminutiones referenda esset, dubitabant recentiores ante GAIUM inventum (257); hodie vero huic dubio non amplius est locus.

In specie finiebatur tutela pupillaris, quando pupillus pupillave ad pubertatem pervenerant (258), tunc vero feminae tutela non liberabantur, quia, finita pupillari tutela, sub muliebrem perpetuam tutelam veniebant: ita ut dici posset feminarum

(254) SCHWEPPE Römisch. Rechtsg. § 427. ULP. Fragm. tit. XI. § 9.

(255) WARNEKORNIG Inst. Iur. Rom. lib. IV. cap. 3. tit. VIII.

(256) GAL. Comm. I. § 159—163. WICHERS Disf. ad GAL. de tutelis pag. 93—94. ULP. Fragm. tit. XI. § 10. SCHULTING ad eundem.

(257) HUBERUS Dig. Iustinian. III, 6.

(258) GAL. Comm. I. § 196.

pubertate pupillaris tutela in muliebrem perpetuam transire; atque hinc est, quod nec GAIUS neque ULPIANUS usquam dixerint, pubertate feminas a tutela liberari.

Hic quoque ingens illa optimorum scriptorum factura sentitur, quas tantas tenebras praestantissimis quibusque doctrinis offudit: ignoramus, quibus annis Romani puberes dicerentur: inde autem fere omnes iuris Romani scriptores docere, hac aetate pubertatem determinatam annis non fuisse. Quod ad hanc rem attinet et ad impudicas corporum inspectiones, quas etiam maxima scriptorum pars admittit, quamquam a multis recedere periculosum sit, nos ea reicimus: an recte, sequentia docebunt.

Apud Romanos, ab urbis primordiis, moris erat, in forum ducere adolescentes, toga pura, loco praetextae, qualem pueri gerebant, indutos. Ea dies, qua solemnitas deductio fiebat, tanquam festum domesticum celebrabatur. Huius moris TARQUINIUM PRISCUM auctorem fuisse in filio annos XIV nato, refert MACROBIUS (259); qui adeo sanctus permanfit, ut SUTONIUS tanquam insolitum referat, CLAUDIUM per contemptum togae virilis, circa mediam noctem, sine solenni officio, in capitolium esse illatum (260). Hanc aetatem fuisse determinatam classici etiam fere omnes testantur, veluti OVIDIUS, MACROBIUS, SUTONIUS, TACITUS (261), alique, quos enumerare hic est inutile, quoniam eorum, quos laudavi, testimonia sufficiunt. Nonne verisimile est, Romanos hisce annis, quibus adolescentes inter viros adscriberentur, eos etiam, quod ad tutelam attinet, puberes habuisse? At sit illud falsum, quod equidem non existimo, cui persuaderi poterit, Romanos fundamento caruisse, sine quo, (quod hodie optime cernitur) omnia incerta fiunt? quis non malit cum HUBERO dicere, necessario determinatam fuisse apud Romanos pubertatis aetatem?

Neque illud videtur verius, quod prisci Romani pubertatem impudicis inspectionibus explorarint. Nonne ridendus esset is, qui talia in usu fuisse crederet apud priscos illos Romanos, qui ipso in foro boario et in vico longo Pudicitiam Deam colebant, eique templa et aedes sacras dicaverant (262)?

(259) MACROBIUS Saturnal. I, 6.

(260) SUTONIUS in Claudio cap. 2.

(261) OVIDIUS Tristium lib. IV. elegia 10. vers. 27. MACROBIUS in somnio Scipionis I, 6. SUTONIUS in Claudio cap. 2—9. TACITUS Annal. lib. XII. cap. 41.

(262) LIVIUS lib. X. cap. 23. NIEUPOORT Rit. Roman. Sect. 4. § 34.

Non diffitemur, apud Graecos, et praesertim apud Athenienses, talia impudica obtinuisse (263). At quis antiquitatum peritus priscos Romanos, bonis moribus deditissimos, cum Atheniensibus, moribus maxime exutis, comparare auderet?

Impudica haec apud Romanos usitata fuisse, antiqui non referunt, neque ulla istiusmodi inhonestae inspectionis vestigia apud eos reperiuntur, nisi apud TRIBONIANUM (264), quem autem ineptire et antiquitatis prodere ignorantiam, non immerito existimant viri docti. Neque enim IUSTINIANUS, ut refert TRIBONIANUS, primos pubertatis annos determinavit, iamdudum in iure receptos: XII enim annorum puellas iam viripotentes esse, AUGUSTUM lege Papia Poppaea statuisse, refert DIO CASSIUS (265). Secundo p. C. N. saeculo pubertatem feminarum et masculorum determinatam fuisse, refert TERTULLIANUS, qui ait: *Ethnici tempus observarunt, ut, ex lege naturae, iura sua aetatibus reddant; nam feminas quidem a XII annis ad negotia mittunt, masculos a duobus amplius annis* (266). Sed cur feminae citius quam mares? Idem TERTULLIANUS docet: *quid quod melius, quam mares puberes, rem familiarem callent feminae: sunt tenaces, et ad rem attentae, unde biennio citius quam mares, a XII annis, rebus gerendis attemperantur.*

BYNKERSHOEKIUS et HUBERUS (267), viri clarissimi, IUSTINIANUM excusandum existimarunt, atque ipsis, quod ad pubertatem attinet pupillarem, hae inspectiones non obtinuisse visae fuerunt, idque doctissime probarunt: sed ratione matrimonii illas locum habuisse, pro certo habuerunt: quam sententiam nec laudamus, nec rationibus confirmatam ab illis credimus. Mirificus enim esset physiologus Praetor, qui inspectione nudi corporis cognosceret, an apti essent masculi ad prolem procreandam, feminae autem an essent viripotentes! res, quas impenetrabili velamine ipsa natura velavit, Praetor perspiceret, non iam Praetor, sed HIPPOCRATES aliquis! Et cui, quaeso, in mentem veniret credere,

(263) De hisce inspectionibus apud Graecos loquitur Schollaster et FLORENS CHRISTIANUS ad ARISTOPHAN. in Vesp. v. 528.

(264) L. 3. Cod. lib. V. tit. LX.

(265) DIO CASSIUS LVI.

(266) TERTULLIANUS de velandis virginibus XI — de anima XXXVIII.

(267) CORN. VAN BYNKERSHOEK Observ. III, 24. HUBERUS Digresf. Inst. III, 4. pag. 210.

Praetores peregris se ea, ex quibus constaret, utrum aliquis proli procreandas par esset an minus? et tandem, cui bono virtus mascula in tutela finienda? an prisca Romani iudicii maturitatem ex virtute mascula diiudicabant, et ita stultos prudentes existimabant?

Veterum Iurisconsultorum et Philosophorum hac de re disputationes (268) IUSTINIANUM in errorem induxisse videntur: volebant enim multi, ut ex habitu corporis pubertas aestimaretur, sed, ut opinor, id *de exteriori habitu et firmitate corporis*, tamquam probabiliori pubertatis indicio, intelligendum est. Probabile igitur est, IUSTINIANUM cum larvis pugnasse, impudicasque corporum inspectiones abolevisse, quae Romae numquam exstiterant.

§ 10.

Iudicium tutelae.

Hac de re acturi, distinguendam arbitramur, ut supra, muliebrem tutelam a pupillari; muliebris tutor, quemadmodum diximus, negotia non gerebat, quia feminae, quae perfectae aetatis erant, ipsae sibi negotia gerebant, et solum tutoris officium auctoritatis interpositio erat, ad quam interponendam cogi non poterat, et de qua nemini rationes reddere tenebatur; itaque, ratione huius tutelae, iudicio tutelae non tenebantur: *mulieres enim, quae sunt perfectae aetatis, ipsae sibi negotia tractant, unde cum tutore nullum ex tutela iudicium mulieri datur* (269).

Quod ad impuberes attinet tam feminas quam masculos, aliter res sese habebat. Pupillorum pupillarumque tutores et negotia gerebant, et auctoritatem interponebant, unde, finita tutela, tutelae iudicio tenebantur, ad suae gestionis rationes reddendas: *at ubi pupillorum pupillarumve negotia tutores tractant, etiam post pubertatem tutelae iudicio rationem reddunt* (270). At vero non tantum, tutela finita, cum tutore in iudicio agere licebat, sed quandoque etiam, tutela non finita, nempe suspecti postulatione, aut quod idem est, propter suspecti tutoris

(268) PLUTARCHUS Placit. Philosoph. V, 24.

(269) GAI. COMM. I. § 190, 191.

(270) GAI. COMM. I. § 191.

delictum. Erat illud fraudulenta tutelae gestio, id est, dolus malus, five fraus, quam tutor, qua talis, gerendo commiserat, unde in iudicium a quovis postulari poterat, et damnatus, ante finitam tutelam, ab ea removebatur cum infamia: *si tutor dolo malo gerat, vituperato* (272)! Ex hisce clarum est, tutelae gestionem adesse debere, ut suspecti postulatio adfit; itaque, si tutor pupillo damnum intulisset, non qua tali, suspecti postulationi locus non erat, veluti si ante inceptam tutelam in bona pupilli grassatus esset. Item ex verbis legis XII Tab. patet, actum gestionis, seu factum tutelam gerentis, requisitum fuisse, ut tutor suspectus postulari posset: unde suspectus removeri non poterat ille, qui non gerendo, id est ex gestionis cessatione, in tutela peccavisset: porro etiam dolus malus, five fraus, id est factum fraudulentum, quod a tutore volente ipso actu dirigitur in fraudem pupilli sui, requirebatur, unde propter culpam solam suspectus removeri non poterat. Et si suspecti crimen ex sua indole privatum esset, voluere tamen Romani, ut ex eo, ad exemplum *publici iudicii*, actio daretur cuivis e populo, quae propterea a IUSTINIANO merito actio *quasi publica* nuncupata fuit: quomodo enim tutor suspectus postulatus fuisset, pupillo adhuc infante, si actio haec *quasi publica* non fuisset? suspecti postulationem, finita tutela, locum habere non potuisse, et remotionem cum infamia coniunctam fuisse, actionis indoles iam satis superque demonstrat. Non hac tantum, sed pinguiori etiam actione in furti causa pupillis erat prospectum; nam, ut GOTHOFREDUS legem XII Tab. restituit: *quandoque finita tutela escit, furtum duplione luito* (273).

Legem XII Tab. pupillis etiam actione rationibus distrahendis prospectum fuisse amplissimus BYNKERSHOEKIUS existimat, cui haec actio illa est, quam habet pupillus contra tutorem, qui patrimonium pupillare dissipavit, interventione dolosa, quae in furtum non cadebat (274). Sed neque hoc, neque illud verum existimo: nam Praetores inceperunt pupillis actione rationibus distrahendis succurrere; neque id, quod BYNKERSHOEKIUS actionem rationibus distrahendis vocat, ita ego nominarem: namque actio rationibus distrahendis illa erat, quam habebant pupilli ad rationes male redditas rescindendas.

(272) IACOB. GOTHOF. ad Leg. XII Tab. Tab. VII, c. 8.

(273) Idem ibid.

(274) BYNKERSHOEK Observ. lib. VI. cap. 8.

A E T A S S E C U N D A.

§ 1.

De mutationibus, quae intervenerunt in moribus et in rebus politicis, quibus tutela mutari debuit, in universum.

Alteram iucundiores et vero ampliorem iuris Romani aetatem nobis offert historia, qua non tantum docemur, quatenam de tutelis hac aetate leges latae sint, verum etiam ansa datur philosopho docendi, tironi vero discendi, quatenam fuerit morum, politices atque humanioris cultus in immutanda legislatione vis et potestas.

Prusquam de mutationibus, quas maior cultus, politica et mores hac aetate in tutelae introducere, agamus, hoc unum volumus monitum, in iure mutationes alicuius momenti Romae non intra singulos annos, sed vix intra singula saecula accidisse: *Les lois n'avaient suivi qu'à regret les changements survenus dans la constitution et les mœurs* (275). Neque illa mirabimur, si ad ingenium attendamus populi, quo nullus umquam constantior, aut institutorum, quae a maioribus acceperat, amantior fuit (276). Et non tantum Quiritium ingenio haec erant consentanea, sed quaecumque, ut opinor, Romanos circumdabant, adstringere eos progressui lento in novis institutionibus amplectendis videbantur: „*A Rome, tout ce qui pouvoit introduire des nouveautés, charger le coeur ou l'esprit des citoyens, et en empêcher, si j'ose me servir de ce terme, la perpétuité, étoit réformé par les censeurs,*” ait MONTESQUIEU (277). Etenim politices et religionis cum iure arctissimus erat nexus, iique, qui religioni praeerant, semper novos mores reicere necessarium credentes, ius inter antiquos limites coercere cupiebant; quod non modo apud Roma-

(275) GIBBON cap. 44. § 50.

(276) MONTESQ. Grand. et décad. de l'empire Rom. cap. 4.

(277) MONTESQ. in opere laudato cap. 8.

nos reperimus, sed quae eadem esse indoles omnium religionum videtur, quarum fere omnium institutiones, si ad rem attendimus, nihil umquam fuere aliud quam reformatio priorum; et, ut ait GIBBONIUS: *le premier soin d'un réformateur est d'empêcher les réformes après lui* (278). Quare, ubicumque religionis cum iure arctus est nexus, ius reperitur iners.

Porro consideremus connexionem ius inter et politicam. Valde periculosa fuisset Reipublicae nimium properata in iure mutatio; inde Romae lentissimus iuris progressus, qui merito, ut nos quidem suspicamur, tam perfecti iuris, cuius reliquias et hodie miramur, causa praedicatur, quem lentissimum progressum non in iuris origine tantum reperimus, ast in eius interitu quoque; ius enim non subito, sed sensim sensimque defecit.

Mutationibus in iure universo, sed in tutelis praesertim, dedit occasionem Plebis victoria: *Il devoit, ait MONTESQUIEU, arriver de deux choses l'une; ou que Rome changeroit son gouvernement, ou qu'elle resteroit une petite et pauvre monarchie* (279); hac enim victoria Plebs paulatim ad libertatem exsurgere, et Patriciorum aristocratia extingui debebat.

Lege XII Tab. lata, quam nos legem *fundamentalem* appellaremus, quae cuiusque iura reddebat certiora, et maiorem libertatem aequalitatemque, quam antea, inter duos ordines sancibat, experti sunt Plebei, quam dulcis esset libertas, quam amara vero mortalibus servitus, et appetere firmam ac perfectam libertatem aequalitatemque; hinc vero pugna inter Plebeios et Patricios, tyrannidem retinere cupientes, perpetua, et victores tandem Plebs et libertas. Neque miremur, victos Patricios fuisse, cum non tantum cultus maior, reipublicae gubernandae ratio, religionis cum iure iam tenuior nexus, sed natura ipsa, pro sancta Plebeis libertate militare videretur: constat enim, stirpem masculinam prius extingui, quam femininam; at Romae, ubi aeterna erant bella, id citius adhuc accidere debebat; minuebantur ergo quotidie Patricii, dum Plebs, provinciis Latii domitis, et servorum frequentissimis tunc temporis manumissionibus, in dies augebatur.

Tandem lata est lex Canuleia (280), qua Patriciorum matrimonia cum Ple-

(278) GIBBON cap. 44. § 22.

(279) MONTESQUIEU Grandeur et décad. de l'emp. Rom. cap. 1.

(280) LIVIUS lib. IV. cap. 1—4.

beis permittebantur, unde talis commixtio inter duos ordines evenire debuit, ut superbi Patriciatus etiam vestigia deleerentur; et, ut optime docet MONTESQUIEVUS, *l'aristocratie devoit se changer peu à peu en un état populaire* (281). Extincta aristocratia, etiam census ex usu recedere debebat, unde reipublicae, an bona in eadem familia manerent, nec ne, nil intererat; inde agnatio minoris momenti, et paene oblitterata gentilitas, atque hisce, fundamento mutato, quo tutelae superstructae erant, tutela ipsa, quae antea ius fuerat, mutari debebat, et tandem in onus abire (282).

Aliorum populorum commercio et cultu progrediente, moribusque ita mutatis, non amplius Quiritibus conveniebat pars legis XII Tab. Et profecto, quomodo Reipublicae liberae in omnibus convenire potuisset lex, de qua ait GIBBONIUS: *Ces loix avaient été dictées par l'esprit sévère et jaloux d'une aristocratie qui avoit cédé avec répugnance aux justes réclamations du peuple. Mais le fond des douze tables fut calculé d'après la situation où se trouvoit alors la ville* (283). Moribus mutatis et ius mutandum esse intelligebant Romani; hinc Praetorum institutio, ad severitatem prisca iuris mitigandam: quod institutum non laudaverunt HEINECCIUS et THOMASIVS, certe quia, etsi docti, ignorabant huius instituti virtutem et rationem, quia nesciebant, Praetorum institutum causam fuisse tam perfectarum legum. *Mais un jurisconsulte de nos jours devait répandre la lumière sur l'esprit et le vrai caractère de cette institution. Mr. HUGO a parfaitement démontré que les édits des Préteurs fournissaient le salutaire moyen de faire toujours concorder la législation avec l'esprit du tems: les Préteurs étaient les vrais organes de l'opinion publique. Ce n'était pas d'après leurs caprices, qu'ils composaient leurs réglemens, mais bien d'après les mœurs et les opinions des jurisconsultes de leur tems*, ait Clariss. WARNKOENIG, Antecessor Leodienfis (284). Et ego toto pectore summi hisce viris assentior; omnino haec conveniebant reipublicae liberae, et MONTESQUIEVUS ipse opinatus est, nullam sine tali instituto liberam rempublicam subsistere posse: *Un gouvernement libre, c'est-à-dire tou-*

(281) In opere laudato cap. 4.

(282) VON LOEHR Magaz. III. 12 — 13.

(283) GIBBON cap. 44. § 3.

(284) Clariss. WARNKOENIG nota 33. ad GIBBONI cap. 44. p. 105.

jours agité, ne sauroit se maintenir, s'il n'est par ses propres loix capable de correction (285). Nonne et apud nos, quorum quotidie magis magisque mutantur mores, ius tamen semper fere idem stat atque immutabile, ac si ipsi cum moribus nil commune sit, talis institutio optanda foret? At ego leges cum mente publica populi semper eodem pasfu ambulare vellem. Nonne cives religiosius obsequerentur legibus, quae cum publicis moribus et mente publica concordarent ab iisque expressae essent, quam nunc ad iis obtemperandum vi et potestate coguntur? Utra certiora sunt minusque fallunt, voluntasne imperantium an vox populi, quae Dei vox dici meruit? Utinam legislatores ex iuris Romani historia discere possent, cur nos, quos tot cognitionum faces illustrant, ad ius Romanum recurrere, et populi, feri prope et barbari, ius sancto fere cultu colere debeamus! Utinam nobis darent instituta, quae immutando ea, quae cultior vita et mens publica damnarunt, ad leges nos ducerent nostro saeculo dignas! Si talibus frueremur, nos Belgae, cives liberi, non tam diu subiecti fuissetus criminali iuri, quod a tyrannide conditum est, mortem atque vincula continuo minitante, Indioique potestatem asferente arbitriam (*discretionnaire*), quam ipse, probus si sit, horrere debet!

Cacterum moribus poscentibus, haec aetate Romae ius gentium receptum fuerat, adeoque et ius naturae; multam vim in iure Praetorio haec habebant: nam, quo magis accedimus ad verum cultum, aequalitate et libertate progredientibus, eo magis leges et mens publica ad ius naturae accedunt. Quantam perfectionem illud attulit universo iuri Romano! Consequens fuit, ut Romae iure Praetorio reciperetur novus modus succedendi ab intestato, nimirum bonorum possessio (286), quae quidem legitimam haereditatem non dabat, sed tamen dominium naturale (287). Iuxta illum succedendi ordinem quandoque illi, qui secundum ius civile nil habuissent, succedebant (288), gentilium succedendi ius in bonorum possessione fere abrogatum erat (289), agnatio ipsa non amplius tanti erat, quam antea; inde autem fundamentum successionum adeoque tutelarum immutatum.

(285) MONTESQ. Grand. et déc. de l'empire Rom. csp. 4.

(286) SCHWEPPE Römisch. Rechtsgesch. § 462.

(287) GANS, Schollen zum GAIUS, pag. 316.

(288) WEBER ZU HÖFFNERS Comm. § 658. not. 2. (ed. 7ae).

(289) SCHWEPPE Römisch. Rechtsgesch. § 463.

Hac aetate suum imperium in Italiam extenderant Romani, multasque provincias civitate donaverant; ius, quod antea parvae civitati sufficiebat, extensum erat et Reipublicae magnae accommodatum; hisce enim ius Romanum mitigari debuit et aliam induere indolem. Etenim Romani debebant exultiores fieri, cum sub suam potestatem redegisent populos, quibus maior erat cultus; namque, Graecia a Romanis occupata, Graecorum philosophia maxime Romae viguit; Romanis Athenas proficiscentibus, ut fierent exultiores atque doctiores, prior illa iuris asperior facies valde mitigari debuit, quod tutelae maxime feminarum necessario etiam levavit: *L'expérience a prouvé que ce sont les sauvages qui tyrannisent les femmes, et que les progrès de la civilisation adoucissent d'ordinaire la condition de celles-ci* (290).

§ 2.

Mutationes in tutelae notione.

Mutationes illae, de quibus diximus, in iure Romano universo reperiuntur, non tantae vero in tutelae notione, quantae in aliis iuris Romani partibus.

Tutela legitima est quidem adhuc ius agnatorum, et tam in muliebri quam in pupillari tutela tutorum auctoritas adhuc requiritur (291); nondum etiam ad eam interponendam huius aetatis initio cogi tutores potuerunt; sed in fine tamen huius aetatis gentiles nullum ius amplius ad tutelae legitimas habuisse existimamus, quod conicere licet ex eo, quod hi iure Praetorio satis raro vocarentur ad successionem (292), unde ius tutelae ad futuram haereditatem tuendam gentilibus plane inutile esse coepit, eorumque tutelae ius paulatim ex usu recesit. Hoc ex eo etiam colligi potest, quod hac aetate tutores etiam a Magistratibus dari constitutum esset, nempe si pupillis aut feminis nec tutor testamentarius, nec legitimus esset; igitur haec tutoris datio ex defectu legitimorum tutorum oriri debuit; proinde verosimile est, gentiles non amplius ex lege ad tutelam legitimam fuisse vocatos, nam gentiles non facile extinguuntur, raro enim

(290) GIBBON cap. 44. § 28.

(291) ULP. tit. XI. § 27.

(292) SCHWEPPE Römische Rechtsgesch. § 463.

vel apud nos familiae extinguuntur: faisset itaque haec tutelae datio a Magistratu rarissima, quod eius origini atque necessitati difficile est conciliare.

Ceteram impuberum tutelae indoles, etsi non absolute mutata, temperata tamen dici debet: illud enim agnatorum ius pluribus officiis et obligationibus, quam antea, erat obnoxium; huius iuris severitas et rigor pristinus erant mitigati, et revera, moribus mitioribus factis et progrediente cultu, imbecilliorum conditio melior debebat evadere.

Quod ad feminarum tutelae attinet, maiores in ea mutationes videbimus, nam media fere hac aetate, ratione muliebris tutelae, restricta est tutorum auctoritas ad negotia maioris momenti. *Tutoris auctoritas necessaria est mulieribus quidem in his rebus, si lege, aut legitimo iudicio agant, si se obligant, si civilia negotia gerant, si libertas suas permittant in centubernio alieni servi morari, si rem mancipi alienent* (293). Tandem etiam coacti fuere tutores a Praetore ad auctoritatem interponendam (294), et circa finem huius aetatis fiduciaria tutela introducta est, et tutores dictis gratia auctoritatem interponebant, quae nunc erat nomen; et, ut ait CICERO, hac tutores magis sub feminarum potestate, quam feminae sub tutorum potestate erant (295).

Misum videri posset, tutelae pupillaris indolem non maiores accidisse mutationes, cum et causas, quas laudavimus, in aliis iuris partibus tantae accidissent; nec minus mirum, muliebris tutelae indolem ab alia parte ita mutatam esse, ut dictis gratia tantum existeret, cum pupillaris tutela fere eadem esset. Horum ratio in diversitate et indole personarum tutelae subiectarum quaerenda videtur: personae enim, quae tutelae erant subiectae, in republica magis *passivae* quam *activae* erant, harum voluntas nulla, cum ad publicam potestatem nihil facerent; inde autem earum iuris status magis iners, quam personarum voluntatis perfectae, quaeque ad publicam potestatem conferre aliquid possent. Quod ad feminarum tutelam attinet, ex mulierum ipsarum indole in ea maiores, quam in tutela impuberum, fieri mutationes necesse erat, cum morum etiam politicoeque abutatio, maiorem vim et potestatem haberent in muliebris tutelae in-

(293) ULP. fragm. tit. XI. § 27.

(294) GAI. Comm. § 190. sic enim: „dictis gratia tutor interponit auctoritatem suam; saepe etiam invitus auctor fieri a Praetore cogitur.“

(295) CICERO pro Murena cap. 12.

dole immutanda; namque feminas, et si non minus ex iure incapaces, et passivae personae in republica essent, quam impuberes, at facto tamen magis activas fuisse, quem latere posset? Quomodo factum esset, ut, quae in omnia negotia sese infinuare arte conarentur, non potuissent arte ad sua ipsarum iura uti? Nonne sexui tam illecebroso facile esse debebat viros inducere, ut eas tandem iuxta haberent atque se ipsos, adeoque a pristina eas servitute liberarent, praesertim cum mores mollirentur, et maiori in dies voluptatis sensu earum imperium augetur. Egrege hanc in rem dixit ROUSSEAU: *Voyez, comment le physique nous amène insensiblement au moral, et comment de la grossière union des sexes naissent peu-à-peu les plus douces loix de l'amour. L'empire des femmes n'est point à elles, parce que les hommes l'ont voulu, mais parce qu'ainsi le veut la nature; il étoit à elles avant qu'elles parussent l'avoir: ce même Hercule, qui crut faire violence aux cinquante filles de Thespius, fut pourtant contraint de filer près d'Omphale, et le fort Samson n'étoit pas si fort que Delila. Cet empire est aux femmes* (296). Quis nescit, remotioribus temporibus feminarum imperium eo fuisse provectum, ut ab eo politica penderet, postea autem illas imperio Europae maximo imperasse? Haec cum Galliae historia egregie probet, non multum dubii relinquitur, quin Romae, moribus excultioribus factis, subducere sese servituti facillime potuerint.

§ 5.

De tutela honoraria.

Hac aetate maiores in tutore constituendo, quam in ipsa tutelae notione, mutationes factae sunt; etenim obtinuit, ut a Magistratibus tutores dari potuerint. Illam tutelam, quae a Magistratu constituitur, vocamus honorariam, et sub ea duas species comprehendimus; nempe tutelam ex lege Atilia datam, et a Praetore: de quibus singulis speciebus hic est disferendum.

Anno 445, quo Tribunus occurrit L. ATILIUS REGULUS (297), legem Ati-

(296) ROUSSEAU Emile lib. V. pag. 202. tom. V. edit. Genév. an. 1762.

(297) LIVIUS lib. IX. cap. 30. — HEINECC. hist. iuris lib. I. § 88.

liam latam fuisse non pauci arbitrantur, alii affirmant, legem Atiliam Hortensia de plebiscitis esse iuniorum; pertinet autem Hortensia ad annum U. C. 465. Cum vero ab altera parte anno U. C. 566 apud LIVIUM occurrat HISPALA FRECNIA, a Praetore et Tribunis tutorem petens (298), legis Atiliae aetatem annum 465 inter et 566 statuunt (299). Clariss. SEGERUS rem accuratius determinat; existimat, legem dandam anno U. C. 525 et Tribuno A. ATILIO BULBO (300), quod et verum videtur. Non tamen ego facile crediderim cum clariss. GANS (301), Atiliam referendam esse ad ultima TULLII CICERONIS tempora, quae sententia fundamento carere mihi videtur. In incerto igitur vagamur in tot Iurisconsultorum placitis diversis; sed haec mittamus.

Quamquam, ut monuimus, de Atiliae aetate controversatur, in eo tamen omnes consentiunt, hac lege cautum fuisse, ut Praetores et maior pars Tribunorum, forsitan ne quis intercedendo tutoribus privaret pupillos, in urbe tutores darent pupillis atque feminis, qui nec testamentarios nec legitimos tutores haberent; ut enim ait ULPIANUS: *lex Atilia iubet mulieribus pupillisve, non habentibus, tutores dari a Praetore et maiore parte Tribunorum plebis, quos tutores Atilianos appellamus* (302). Hi sunt tutores, quos fortassis a Tribuni nomine Atilianos appellabant, quos tamen etiam dativos nominare receptum est; et recte: nam, uti, in legitima tutela, emissae legislatoris vox proximum agnatum tutorem facit, uti, in testamentaria, parentis voluntas, in ultimis tabulis iuste declarata, personam designando tutorem facit, ita, in honoraria tutela, Magistratus datio tutoris personam determinat; cui est parendum, ut ne appellatio quidem ab hac datione fuerit concessa (303).

Quaeri potest, quid proprie Atilia constituerit? utrum omnes casus, in quibus nunc constat ex lege Atilia datos fuisse tutores, ipsa lex nominatim expresse-rit? an vero potius dicenda sit generatim iussisse, ut mulieribus pupillisve, tutores non habentibus, tutores darentur a Praetore et maiore parte Tribuno-

(298) LIVIUS lib. XXXIX. cap. 9.

(299) WICHERS Disf. land. pag. 125 et 126.

(300) SEGERUS hist. iuris de tutellis et curat. § 7. Opusc. I. pag. 99.

(301) GANS Scholien zum GAIUS pag. 200, 203.

(302) ULP. Fragm. tit. XI. § 18.

(303) WICHERS Disf. land. pag. 107.

rum plebis? utque casus speciales, ad Atiliam pertinentes, qui nuncupantur, deinde per interpretationem ex ea sint elicti; casus innuo, qui GAIUS nuncupantur § 186 et 187. Et verius videtur, Atiliam generatim edixisse, ut itaque, quod in lege fuerit, paucis ab ULPIANO in loco, quem laudavimus, sit traditum; caetera esse interpretationis. Adde, GAIUM § 185 et verba, quae apud GAIUM sequuntur § 186, hanc sententiam videri confirmare; namque pergit: „*et ideo*”, quae verba argumentationem et consequentiae deductionem ex lege denotant.

Ex mente igitur legis Atiliae per interpretationem multa sunt constituta; ut nimirum, si quidem tutor datus sit ex testamento, sed sub conditione, aut ex die, conditione aut die nondum existentibus, alius tutor dari potuerit; ita etiam, ut, si pure datus quidem sit testamento, sed nemo heres adhuc existat, ex interpretatione interim tutor dari potuerit, quod etiam factum fuisse videtur, si tutor ab hoste captus esset.

Tutoris datio Romae erat actus extraordinariae iurisdictionis, neque, qui imperium aut iurisdictionem ordinariam habuit, tutorem dandi potestate fuit munitus. Nulli igitur Magistratui, qua tali, competiit haec potestas, cum nulla causa esset, propter quam Magistratus sibi ius tutorem dandi arrogaret: erat enim tutela ius cum onere coniunctam, et potestas in capite libero, id est, in cive Romano, in quo Magistratus nullum ius habere poterat, nisi nominatim populi hoc dedisset voluntas: *neque imperii est neque iurisdictionis, sed ei soli competit, cui nominatim hoc dedit vel Lex, vel Senatusconsultum vel Princeps* (304). Tanti momenti apud Romanos erat haec res, quam nos recentiores Magistratui etiam inferioris iurisdictionis tribuimus.

Vidimus supra de tempore, quo condita fuit lex Atilia. Quaeri potest, quo tempore ex ea tutores dari desierint? Et hic admonuisse sufficiat, quam maxime errare OTTONEM, qui putat, Atiliam tantum ad CLAUDIUM Imperatorem usque tenuisse (305): non enim animadverterat vir doctissimus, ULPIANUM de ea loqui, tanquam quae eo tempore fuerit in usu, quod et GAIUS confirmatur. Neque mihi hic dicere licebit, quousque tenuerit haec lex, hac de re alio loco commodius disferturo.

Sub nomine tutelae honorariae alia etiam tutelae species continetur; nempe tutoris Praetoriani, per quem intelligo omnem tutorem, qui a Praetore urbano

(304) L. 6. § 2. Dig. lib. XXVI. tit. I.

(305) OTTO ad § 3. Inst. de Atiliano tutore.

in urbe dabatur; five Praetor eum dandi ius moribus obtinuerit, five ex aliqua lege, aut Senatusconsulto acceperit: adeoque non eum unum intelligo, quem, ut refert GAIUS, veteres nominatim amant Praetorium tutorem dicere: et est in hoc genere procul dubio primus (306).

Ait ULPIANUS: *Moribus tutor datur mulieri, pupillove, qui cum tutore suo lege, aut legitimo iudicio, agere vult, ut auctore eo agat: (ipse enim tutor in rem suam auctor fieri non potest) qui Praetorianus tutor dicitur, quia a Praetore urbis dari consuevit* (307).

ULPIANO accedit GAIUS, cuius locum integritati restituere conatus est, et sat feliciter, doctiss. WICHERSIUS; ait enim GAIUS secundum WICHERSII restitutionem: „Olim, cum legis actiones in usu erant, etiam ex alia causa tutor dabatur, si inter tutorem et mulierem pupillumve legis actione agendum erat scilicet: quippe quia ipse in re sua auctor esse non poterat, alius dabatur, quo auctore adversus eum actio perageretur, qui dicebatur Praetorius tutor, quia a Praetore Urbano dabatur. Post sublatas legis actiones quidam putant, istam speciem exolevisse; sed tamen, ut mulieri pupillove tutor detur in usu est, si legitimo iudicio agatur (308).

Moribus igitur tribuitur haec tutoris datio; ut hunc tutorem Praetor iure Magistratus dederit, cum in caeteris tutoris datio extraordinariae iurisdictionis esse dicatur; quod sane rei antiquitatem liquide demonstraverit, cum iudiciorum ratio ac necessarius rerum exitus hanc tutoris dationem veluti sponte a Praetore exposulaverint, ut hic ius sine lege sit factum, quia lege opus esse non videretur, ut fieret.

De aetate, qua, ut sic tutor dari posset, receptum est, nil statnam, quum haec adhuc lateat in iuris historiae tenebris, sed hic tantum monebo, antiquitatem quoque apud GAIUM vocem *olim* denotare, namque hac voce non aetatem simpliciter indicat, quae suam praecessit, sed omne tempus denotare videtur, ex quo legis actiones fuerunt in usu.

Quaeri etiam posset, an tutor, legis actione, pro qua fuerat constitutus, perfecta, tutor esse desierit? et videtur desisse.

(306) WICHERS Disf. pag. 108.

(307) ULP. fragm. tit. XI. § 24.

(308) GAL. Comm. I. § 184. — WICHERS Disf. pag. 6.

§ 4.

De tutelae optione.

Non tantum novum tutores constituendi modum haec aetas vidit, ast etiam novam speciem tutelae; nempe tutelam optivam, quae nil nisi tutelae testamentariae species erat, et de cuius indole, ante GAIUM detectum, nihil fere ad nos pervenerat.

Clariss. VON SAVIGNY existimaverat, hanc tutelam a Iurisconsultis esse inventam, eamque nil aliud esse nisi tutelam ex lege Atilia, quam petere poterant mulieres a Praetoribus et Tribunis, qui petentibus tutores dabant, quos feminae optaverant, quod quidem tutorum genus mulierum potestate continebatur; et sic intelligendum esse locum satis notum hac de re CICERONIS PRO MURENA cap. 12 (309): quam sententiam hodie omnes reiicimus (310).

Optione tutelae, quae hac aetate, quamvis de anno non constat, recepta est, vir uxori, quae in manu erat, permittere poterat, ut, quem vellet, ipsa tutorem eligeret: *in persona uxoris, quae in manu est, recepta est etiam tutoris optio, id est, ut liceat ei permittere, quem velit ipsa, tutorem sibi optare* (311). Caeterum non una erat tutelae optio, quod ante GAIUM inventionem plane ignotum erat; plena enim dari poterat, aut angusta optio, quae plurimum inter se differunt: nam, quae plenam optionem habebat, bis et saepius optare poterat; quae vero angustam habebat optionem, si dumtaxat semel data esset optio, amplius quam semel optare non poterat, si tantum bis, amplius quam bis optandi facultatem non habebat (312), et tutores, qui ex optione sumebantur, optivi vocabantur (313).

De tempore, quo haec tutela coepit, inter viros doctos non constat; et, cum moribus introducta sit aut Iurisconsultorum interpretatione, satis accurate eius aetas definiri non potest: nos eam referimus ad tempora fere legis XII Tab. quae coniectura hoc nititur fundamento.

(309) VON SAVIGNY, Zeitsch. Vol. III. pag. 342.

(310) GAIUS, Scholien zum GAIUS, pag. 182.

(311) GAI. Comm. I. § 150.

(312) GAI. Comm. I. § 153.

(313) GAI. Comm. I. § 154.

Lege XII Tab. latissima facultas data est civibus Romanis testandi, et testamento tutores constituendi: *uti legasset super pecunia tutelave suae rei, ita ius esto* (314). Itaque poterat pater liberis testamento suo tutorem dare: cum vero uxor, quae in manu erat, apud virum filiae loco esset, facili negotio Iurisconsultorum interpretatione potestas tutores constituendi testamento a liberis transferri potuit ad uxorem, quae in manu erat. GAIUS enim testatur quidem, maritum potuisse uxori, quae in manu est, testamento tutorem dare (315), nulli vero ait, in lege XII Tab. de hac re fuisse cautum. Sed quem in finem maritus uxori, quae in manu erat, tutorem dabat? nisi fallimur, propter amorem uxoris, et beneficii loco: nempe, ut, ipso mortuo, uxor non amplius agnatorum tutelae, quandoque saeviori, subesset; ideoque uxori suae tutorem dabat amicum, cuius fidem expertus erat. Ast res nondum periculi erat experta: nam, amico tutore mortuo, uxor iterum agnatorum legitimae tutelae fuisse subiecta, ideoque, ut maritus hisce obvenire posset, excogitarunt Iurisconsulti tutelae optionem, quae tutela recepta fuit. *In persona uxoris, quae in manu est, recepta est etiam tutoris optio*, inquit GAIUS. Quid aliud significaret vox *recepta*? Quid autem verbo *etiam* voluit? Idem ac si dixisset, aliquid praecedere, quod receptum est, atque id, de quo hic sermo est, etiam esse receptum. Proinde tutoris datio, testamento facta a marito uxori suae, quae in manu erat, recepta est (namque hoc erat, quod praecedebat) et sic quoque tutelae optio, nimirum Iurisconsultorum interpretatione. Hac nostra coniectura admissa, omnia clara evadunt, neque tutelae optionis origo ulla difficultate laborat; ne illa quidem, quod tutoris optio restricta esset ad feminas, quae in manu erant: nam, quae in manu non erant, in familia agnatorum adhuc erant, atque in illis hi tutelae ius habebant, quoniam apud maritum filiae loco non erant, ideoque tali feminae maritus nec tutorem testamentarium, nec tutelae optionem dare poterat. Ex his elucet, rem non tanta difficultate laborare, quantam existimat LÖNNERUS (316). Neque obici potest, interpretationem, quam nos Iurisconsultis attribuimus, fuisse absurdam; vir enim, qui uxori suae, quae in manu erat, quinquaginta tutores, sub conditione aut die, dare pote-

(314) ULP. *fragm.* tit. XI. § 14.

(315) GAI. *Comm.* I. § 148.

(316) VON LÖNNER *Magaz.* tom. III. 418—421.

rat, cur non potuisset ei inter tres aut plures etiam optionem dare? Neque tales tutores sub mulierum potestate erant, ut clariss. OTTONI visum est (317); nam inter tutorem et uxorem nullus erat contractus, vi cuius tutor determinata ratione tutelam gerere debuisset. Hanc coniecturam nostram, etsi nulla Scriptorum auctoritate munitam, talem tamen fore speramus, ut, si minus laudem, saltem veniam, quum a tirone procedat, mereri possit.

§ 5.

De fiduciaria tutela.

Vix credendum est, quantis doctorum virorum coniecturis fiduciaria tutela ansam dederit; attamen eius indoles cognita nondum erat, nec IUSTINIANUM ULPIANO conciliare licuerat. In hac re desudaverant clariss. viri, SEGBRUS, OTTO, SCHULTING, VON SAVIGNY, sed res intellectu perdifficilis erat, cumque nullam lucem afferret historia, nemo ex laudatis viris, quae huius tutelae esset indoles, suspicari potuit. GAIUS tamen reperto, res clarior evasit, nondum tamen clarissima: quum vero nuperrime hanc materiam optime exposuerit doctiss. STAS, Academiae Leodienfis alumnus (318), hunc in ea exponenda maxime sequemur, quamquam in quibusdam locis ab illo dissentimus.

Primae difficultati locum dat ipsius tutelae fiduciariae nominis origo. Doctiss. STAS haec tutela nomen accepisse videtur a contractu fiduciae, quem semper intervenisse suspicatur, ut adesset fiducia (319). Ita clariss. HEINECCIUS, SCHULTINGIUS atque HUBERUS arbitrati sunt (320). Putant clariss. THIBAUT et GANS, pactum fiduciae non necessario, ut fiducia adesset, intervenisse (321), quod idem credidit CUIACIUS. Quod ad nos attinet, distingu-

(317) OTTO in Disf. de perp. feminarum tutela § 15. Idem defendit ornatiss. WICHERS in Disf. laud. pag. 134—149, qui eam refert tanquam speciem ad genus electitiae mulierum tutelae.

(318) STAS, Disf. de contractu fiduciae. Leodii 1824.

(319) STAS, Disf. laud. pag. 21.

(320) HEINECC. Antiq. Rom. lib. I. tit. XIII. § 10. SCHULTING ad ULP. tit. XI. § 5. HUBERUS Digressf. Inst. I, 1, 4.

(321) THIBAUT, civilistische Abhandl. pag. 291. GANS, Scholien pag. 199.

endum esse putamus, et pro diversa indole fiduciariae tutelae, fratrum vel feminarum, pactum fiduciae aliquando, ut fiducia adesset, necessarium fuisse, aliquando non fuisse. Huius sententiae, quae mediam quasi viam tenet inter utrasque partes, rationes infra dabimus, ubi de singulis fiduciariae tutelae speciebus dicetur.

Antiquior fiduciariae tutelae species nobis fuisse videtur tutela fiduciaria fratrum, qui alias ad huius exemplum esse compositas existimamus: quae sententia innixa est ipsarum personarum indole, quae huic tutelae suberant; quod ex sequentibus derivari posse videtur.

Si pater, tutelam legitimam exercens, impubere adhuc filio, decedebat, filii eius legitimi tutores fuissent, si Romani stricta iuris principia fuissent secuti: *Patroni autem loco habemus etiam parentem qui in sibi remanipatam filiam neptemve aut proneptem manumissione legitimam tutelam nactus est* (322). Pater enim cum patronatus iure gauderet, cur filii eius patroni filiis non aequipararentur (323), praesertim cum hi patris filii patri mortuo essent sui heredes? Ita initio res sese habuisse mihi saltem videtur; haec iuris principia postulabant, atque aequitas ipsa suadebat, ut patronatus iura, apud Romanos imprimis sacra, patronis conservarentur, et proinde his, qui patronis succedebant. Durum hoc quidem, sed ita lex scripta; neque hoc repugnat priminae potestatum severitati. Revera durum erat, fratrem in fratre emancipato tutelae ius habere; et maxime rupto agnationis vinculo, fini emancipationis et rerum naturae adversari videbatur, ingenui filium, qui non nisi per iuris civilis fictionem venditus fuerat, fratrum respectu liberti loco haberi (324). Hinc Iurisconsultis, qui semper in eo erant, ut interpretationibus, quod in iure durius esset, mitigarent, eorum iura infringenda visa sunt, dixeruntque, legem tutelam eis dedisse, ne patronatus iura delerentur, quae, ut a maioribus constituta, deleri non poterant, non vero, ut tutela hac uterentur. Haec tutela proinde fratrum fiduciae reliota erat, imo fiducia eius erat fundamentum, et dicis tantum gratia existeret, atque ita fiduciaria fratrum tutela fuit vocata (325). Non equidem video, quomodo pactum fiduciae hic intervenire potuisset, ut

(322) GAI. COMM. I. § 175.

(323) STAS IN DISC. LAUD. PAG. 24.

(324) STAS PAG. 24.

(325) GAI. COMM. I. § 175.

multis visum est; namque locum illud habere debuisset, aut inter patrem et filios, qui, patre mortuo, in fratre emancipato tutelae ius habere debebant, quod vero fieri non poterat propter personarum *unitatem*; aut inter fratres, et fratrem emancipatum; neque hoc potuisset fieri, cum versetur in casu, quo altera partium contrahentium est impubes, et proinde contrahendi incapax. — Haec tutela alteri fiduciariae occasionem dedit, nempe feminarum. Cum enim feminis agnatorum tutela legitima onus grave videretur, postquam cum divitiis morum creverat mollities, mitescente etiam vitae cultu, feminae maiorem appetiere libertatem. Cum vero Iurisconsulti ob oculos haberent fratrum fiduciariam tutelam, quae magis tutelae speciem quam veritatem prae se ferebat, feminasque agnatorum tutelae legitimae subtrahere cuperent, feminarum tutelae autem abrogare non auderent, utpote institutum, quod a maioribus acceperant, facili etiam negotio ad feminas tutelam fiduciariam applicarunt, atque ita maiorum instituta nomine tunc retinebant, et feminas etiam ab agnatorum tutela liberabant. Vocabatur haec fiduciaria feminarum tutela, ideo certe, quia eodem effectus habebat, atque illa, de qua supra diximus. De hac ait CICERO, Iureconsultos exagitans: *Mulieres omnes, propter infirmitatem consilii, maiores in tutorum potestate esse voluerunt: hi invenerunt genera tutorum, quae potestate mulierum continerentur* (326). Feminae, quae tutelam, sub qua erant, reponere cupiebant, ut, quem vellent, haberent tutorem, coemptionem faciebant, deinde, a coemptionatore remancipatae ei, cui ipsae volebant, et ab eo per vindictam manumissae, incipiebant eum tutorem habere, quem optaverant; qui fiduciarius tutor vocabatur; quam in rem GAIUS ait: *quae vero alterius rei causa facit coemptionem cum extraneo, velut tutelae evitandae causa, dicitur fiduciae causa fecisse coemptionem. Quod est tale: si qua velit quos habet tutores reponere, ut alium nanciscatur, coemptionem facit; deinde a coemptionatore remancipata ei, cui ipsa velit, ab eo vindicta manumissa incipit eum habere tutorem, quem vult: qui tutor fiduciarius dicitur* (327). In hac tutela pactum fiduciae intervenisse clarum est: femina enim coemptionem facere debebat; si vero pactum fiduciae non intervenisset, et coemptionator feminam re-

(326) CICERO pro Murena cap. 12.

(327) GAI. lib. I. § 114 et 115.

mancipare noluisse, in coemptionatoris manu fuisset, atque sine pacto fiducia coemptionatorem, ut eam remanciparet, femina cogere non potuisset; at feminae callidiores sunt, quam ut periculum subeant huiusmodi iniuriæ.

Alia etiam datur tutela fiduciaria, quam refert ULPIANUS: *qui liberum coemptum mancipatum sibi, vel a parente vel a coemptore manumissit, per similitudinem patroni tutor efficitur, qui fiduciarius tutor appellatur* (328).

Haec tutela fiduciaria locum habebat tam in masculis impuberibus quam in feminis. Non enim semper pater, filium suum extraneo mancipans, eum in finem mancipabat, ut ipsi remanciparetur; verum etiam interdum, ut manumittens eius consequeretur tutelam (329). Illum tutorem constituendi modum maxime in usu fuisse, ex ipsius rei indole suspicari licet; patri enim, filium suum agnatorum tutela eximere cupienti, nec tamen heredem instituire volenti, quid magis in promptu, quam amico, cuius fidei erat expertus, filium suum mancipare? et quot esse non poterant iustae causae, propter quas pater filium agnatorum tutelae detrachere optaret! praesertim cum, perditis moribus, divitiarum cupido ad crudelissima hortari scelera posset. In hac tutela fiduciam intervenisse censemus; si enim principia ipsarumque rerum naturam consulimus, clarum est, inter eum, qui e mancipio manumittitur, et manumittentem patronatus nasci vinculum, adeoque manumittenti legitimam tutelam competere (330). Fluvius autem nimis rigor fiduciae contractu temperari poterat, quo ille, qui mancipio accipiebat, ad manumittendum et simul ad quaedam legitimae tutelae iura remittenda se obligabat (331).

(328) ULP. Fragm. tit. XI. § 5.

(329) STAS Disl. laud. pag. 22.

(330) GAI. Comm. I. § 195.

(331) STAS Disl. pag. 23.

AETASTERTIA.

*De rerum politicarum et morum mutationibus, quibuscum finit
ius mutari debuit, in universum.*

Hac aetate rempublicam liberam in absolutum imperium videmus conversam, Romanosque, qui prioribus saeculis tantam fortitudinem exhibuerant in libertate acquirenda atque conservanda, quae ipsis in perpetuum confirmata videbatur, unius imperio, absoluto regi, cui **MARII**, **SYLLAE** et **CAESARIS** artes atque ambitio viam straverant. Nec mirum: respublica suo in sinu ipse mortem, si ita loqui liceat, libertatis fovebat, *corruptissima respublica*, ut ait **TACITUS** (332); quomodo enim libertas stare posset absque moribus et virtute (333)? Deinde imperium Romanum, corpus ingens, ex membris sibi dissimilibus, religione, moribus, institutis atque lingua diversis, conflatum, caput postulare videbatur validum, quod, in summo loco collocatum, omnes partes uno motu atque expedite regeret; nam, neque mens publica, neque concordia, neque solida imperii potestas, neque vis moralis aderat, eoque facilius **AUGUSTI** dominatio, et postea tyrannis, fundata est, quo minora dominatui tyrannidique invenerat obstacula.

Non obstante imperii absoluti forma, quae eo semper tendit, ut intereant cultus atque artes, semper illi formidandae, et arcesantur tenebrae, quia populus, si sit caecus, quo ducatur, non animadvertit, evexere suum ius Romani Iurisconsulti ad perfectionis gradum, ad quem descendere saepe, sed frustra tentavimus. Res sane miranda! Sub tyrannide aurea iuris aetas, et tyranni nasci vident iuris coryphaeos, quorum fragmenta et hodie miramur, a quibus accepimus iuris notiones simplices simul et sublimes, atque tam proxime

(332) **TACITUS** Annal. lib. III. 27.

(333) **MONTESQ.** Grand. et décad. de l'empire Rom. esp. 4.

ad perfectionis gradum accedentes, ut iuris classici nomine ab omnibus saluentur; atque apud omnes populos cultus iuris fuerint fundamentum (334); et futurae sint in aeternum: stat enim veritas immortalis.

Ipse libertatis amissio Romae videtur illud ingenii humani phaenomenon explicare. Iuriscensulti enim Romani, cum cernerent, irritam esse luctam contra tyrannidem, reipublicae imminentem, concurrere videntur ad protegendam libertatem privatam, adhuc superstitem, quae Themidis arte tantum poterat servari. Iure condendi leges et de hisce deliberandi exuti, solatio, quod supererat, acquiescebant Iuriscensulti, quaerentes, qua ratione civilium saltem legum tyrannidem debellarent. Praeterea eloquentia, in foro paene muta, non nisi in iudiciis privatis exaudiri poterat, quare tot Iuriscensultorū Romanos, miseris illis temporibus, unius legibus deditos videmus. Porre probi iuris causa existerant iam aetate praecedenti; et effectus hac tantum aetate orti sunt; quia mutationes semper lente Romae progrediebantur; ideoque subito corrumpere non poterat ius, cuius fundamenta tanta arte fuerant condita.

Denique religionis et politicae cum iure nexus non tam arctus erat, quam saeculis prioribus, unde ius mutationibus minus obnoxium. Liberae reipublicae gubernandae ratio (apud Gallos *administration* vocata) etiam fere eadem manserat, ideoque sensim tantum tyrannis ius evertere poterat; quod factum esse in sequenti aetate videbimus.

Diximus, prioribus aetatibus multos auctores existimasse, sacra privata et gentilitia multum contulisse ad introducendam tutelam; quae ius agnatorum gentiliamque esset: hoc autem si placeret, hac aetate, cum sacra maxime essent deperdita, idem illud conferre debuisse ad tutelam onus efficiendam, dici posset; nam hac aetate, moribus mutatis, ab antiqua virtute et religione Romani valde receserant, et sacrorum privatorum cultus ipsis onus non leve videbatur. Graecorum philosophia excultiores facti, toti in eo erant, ut maiorum stultitiis valedicerent; attamen, propter summam veterum institutorum reverentiam, sine legitimis et idoneis rationibus, et nisi hoc iuri consentaneum esset, a sacris recedere non audebant. Iuriscensulti autem, hisce temporibus facile ingeniosiores quam alii, invenerunt media, ad sacra effugienda

(334) SIMONIS VINNII de sapientia Romanorum Oratio, pag. 1.

aptissima; quod iis, velut antiquae religionis corruptoribus, TULLIUS exprobrans, ait: *Sacra interire maiores noluerunt: horum ingenio fenes ad caemp-tiones faciendas, interimendorum sacrorum causa, reperti sunt. In omni de-nique iure civili aequitatem reliquerunt, verba ipsa tenuerunt* (335). Ipsos Pontifices quidem hac de re accusat, et SCAEVOLAS alloquens, ait: *Itaque si vos tantummodo pontifices essetis, pontificalis maneret auctoritas: sed quod iidem iuris civilis estis peritissimi, hac scientia illam eluditis* (336). Quid Iurisconsulti agendum docerent, ut interirent sacra, hic referre nolumus, cum huius relationi pagellae nostrae non sufficerent, atque haec a summi nominis Iurisconsultis exposita sint, veluti a CLARIIS. GRONOVIO, ALCIATO, GRUPENIO, MANUTIO, D'ARNAUD, et VON SAVIGNY (337), qui ultimus, in hac re exponenda cum elegantia et doctrina egregia, facile princeps salutatur.

Quod ad sacra gentilitia attinet, et haec erant deperdita, cum hac aetate gentes, et gentiliū iura ipsa quoque deperdita ex usu recessissent.

Succesiones in dies mutabantur, et bonorum possessio, quae ante AUGUSTUM parum agnationem respiciebat, sub Imperatoribus sensim mutata, eo per-

(335) CICERO pro Murena cap. 19.

(336) CICERO de legibus II, 21. Ne credamus autem, TULLIUM hisce veterum stultitiis religiosis fuisse addictum: etenim vir vere egregius, de litteris, de patria, de humano genere, si quis unquam, bene meritis, hisce rebus credidisset! tantum aberat, ut potius MURENAE, cuius causam orabat, salutem quaereret. Sed MURENAE accusatores erant CATO et SERVIUS ille SULPICIUS, qui magna erat apud suos auctoritate, quam a iuris studio acceperat. Quid igitur? minuenda erant Iurisconsultorum, et hac ratione, ipsius SULPICII in rempublicam merita; in laudem erat eundem maiorem, qua nulla res gratior Quiritibus; ut mox cum ingenio et sale capita feriret Iurisconsultorum, qui scilicet omnia fere, quae a maioribus constituta erant, depravaverant, corruperant: haec TULLIO sedebant.

Ne quis dicat, me iuvenem adversus magnum virum sine teste et testimonio ita dixisse; namque adversus oratorem TULLIUM testem invocabo ipsum TULLIUM, sed TULLIUM philosophum et ab arte oratoria sedatum hominem. Quid vero hic ipse de se, imp vero de se, oratorem agente pro MURENA, ad CATONEM ait, eum ipsum, qui cum SULPICIO MURENAE accusator existerat, libro IV de finibus cap. 27? „Non ego tecum iam ita loquar, ut iisdem his de rebus, quum L. MURENAM, te accusante, defenderem. Apud imperitos tum illa dicta sunt; aliquid etiam coronae datum.”

(337) GRONOVIVS, de festis IV, 8. ALCIATI Parerg. XI, 2. GRUPEN, Uxor Romana, pag. 245. MANUTIUS ad CICERONIS Orat. pro MURENA, cap. 12. D'ARNAUD, variae coniecturae XI, 2. VON SAVIGNY, Zeitschrift für geschichtliche Rechtswiss. tom. III. pag. 387.

venerat, ut agnatio et cognatio in eodem fere succedendi gradu essent. Hisce ita agnatis non amplius solis ius futuras successiones tuendae competere poterat. His si addas, saecula iam prioribus aristocratiam subversam fuisse, cui tutelae fundamenta erant innixa, mirum non videbitur, in fine huius aetatis tutelam non iam ius agnatorum, verum onus esse factam.

§ 2.

Praeter legem XII Tabularum, nulla in toto iure Romano lex reperitur, quae maiores in iure mutationes effecit, quam lex IULIA et PAPIA POPPAEA; ideoque non defuerunt clarissimi viri, qui maximum laborem et vigilias impenderunt, ad eas leges restituendas. Inter illos, qui bonam operam navaverunt, merito laudantur IACOBUS GOTHOFREDUS, qui voluit, ut hae leges essent unus ex quatuor iuris fontibus, et HEINECCIUS, qui eas, (quod praestantius quam a IACOBO GOTHOFREDO factum) in 59 capitulis restituit.

Anno U. C. 737 AUGUSTUS legem IULIAM ferre tentaverat, sed successum non obtinuerat; verum anno 767, post C. N. 7^o, tandem lata est lex IULIA; et anno post C. N. 12 lex POPPAEA, quae legem IULIAM continebat, cum multis aliis capitulis (338). In hac lege igitur multa inveniuntur capita, ex quibus etiam quaedam ad tutelae nostras spectant, de quibus singulis hic dispiciendum.

Exstat in lege IULIA et POPPAEA caput *de maritandis ordinibus*. Hisce enim temporibus pravi mores totam rempublicam invaserant; *corruptissima respublica*, ait TACITUS; cumque pravi mores matrimonia reddant rariora, liberorum igitur procreationi maxime adversentur, ne tandem civibus respublica destitueretur, AUGUSTUS matrimoniis favere voluit, imo quasdam nubere iussit: quae cum ita essent, illis virginibus et mulieribus, quas ex hac lege nubere oportebat, permisit, ut, si forte legitimum tutorem pupillum haberent, a Praetore urbano, dotis constituendae gratia, tutorem peterent. De re non est dubium; namque testantur GAIUS et ULPIANUS, qui ultimus ait: *Ex lege IULIA de maritandis ordinibus tutor datur a Praetore Urbis ei mulieri virginive, quam ex hac ipsa lege nubere oportet, ad dotem*

(338) SCHWEPPE Römische Rechtsgeschichte und Rechtsalterthümer § 49.

dandam, dicendam, promittendamque, si legitimum tutorem pupillum habeat (339). Itaque nova tutelae honorariae species orta est, nimirum tutelae praetoriae. Notandum hic venit, legem IULIAM de pupillo agnato legitimo tutore tantum dixisse (340), eamque omisisse dicere *de pupillo patroni filio* legitimo tutore, quod patebit ex iis, quae de Senatusconsultis, ad legem IULIAM pertinentibus, posthac sumus dicturi.

Quid AUGUSTUM moverit, ut legis Atiliae sanctionem non attenderit, et ius tutores dandi non Praetori cum Tribunis, sed uni Praetori dederit, non immerito quaeritur: non autem difficilis videtur responsio, cum mutato tempore non amplius convenirent, quae Atilia, lex admodum popularis, de Tribunis sanxerat.

Exstat praeterea in lege IULIA et PAPIA aliud caput. Nimirum ex rationibus, quas supra retulimus, ab AUGUSTO etiam *poluxendiae* praemia data fuerunt; nam a tutelis liberatae sunt feminae *iure liberorum*. Rem testatur GAIUS: *tantum enim ex lege IULIA et PAPIA POPPAEA iure liberorum a tutela liberantur feminae* (341). Id autem non de omnibus feminis intelligendum est, quae semel aut bis pepererant, sed de iis matribus tantum, tam ingenuis quam libertinis, civibus Romanis, quae ter aut quater pepererant, dummodo vivam et pleni temporis prolem peperiscent (342). Quae uno partu tres ediderat filios, ius liberorum non consequabatur, nisi per intervalla peperisset, quo casu tres partus esse videbantur (343). Nec matri proderat, monstrum aliquid aut prodigiosum edidisse: non enim liberi sunt, qui contra formam humani generis, aberrante natura, procreantur; neque etiam abortus vel abactus venter partum efficiebat, *sed septimo mense natus matri prodest*, inquit PAULUS: *ratio enim Pythagorei numeri hoc videtur admittere, ut aut septimo pleno aut decimo mense partus maturior videatur* (344).

Vidimus ex PAULO, quatenus essent requisita, ut conferrentur liberi, tales, inquam, qui matribus liberorum ius, ut a tutelis liberarentur, afferre pos-

(339) ULP. Fragn. tit. XI. § 20.

(340) WICHERS, *Disc. ad GAIUM de tutelis* pag. 101.

(341) GAI. Comm. I. § 145.

(342) PAULUS Sent. recept. lib. IV. tit. IX. § 1.

(343) PAULUS eod. l. I. § 2.

(344) PAULUS eod. l. I. § 3—5.

sent: nunc vero videamus, quatenam matres ter, quatenam quater parere deberent, ut liberorum iure fruerentur.

Præcul dubio Romani ingenuis, magis quam libertinis, favebant feminis; haec sunt PAULI verba: *Ius liberorum mater habet, quae tres filios aut habet aut habuit; aut neque habet, neque habuit. Habet, cui supersunt: habuit, quae amisit: neque habet, neque habuit, quae beneficio Principis ius liberorum consecuta est* (345). Erant ergo matres ingenuae, cives Romanae, ab tutela liberae, si tres filias superstites haberent, et non minus, si horum filiorum aliquis esset mortuus; item si omnes mortui essent, ita ut ad numerum partum tantum respiceretur; ideoque, si mater ter peperisset, siue viveret proles, siue non, mater tamen a tutela liberabatur. Ita favebatur ingenuis, ut quandoque, etsi nunquam edidissent partum, Divorum suorum clementia, eis ius liberorum concederetur: et positiones haud defuisse, iura, credo, suspicamus. Latinam ingenuam, ius Quiritium consecutam, hisce equiparari debere, planum est. Ad hereditatem eam admitti, refert PAULUS, qui eam non esse manumissam, et proinde ingenuam esse dicendam, etiam docet. Itaque liberorum iure fruebantur illae, si ter peperissent, aut Principis clementiae particeps fuissent. Has autem praerogativas libertinae non habebant: nam Principis clementiae sola nunquam liberorum iure frui poterant, sed tuta demum a tutela liberabantur, si quater peperissent, et liberos tales edidissent, qui ea erant condicione, quam supra diximus (346).

§ 3.

De Senatusconsultis quibusdam, ad tutelam pertinentibus.

Paulo post legem IULIAM, de qua disserimus, varia Senatusconsulta facta occurrunt, quae, uno excepto, ad legem IULIAM pertinere dicenda sunt, quaeque de tutela statuant.

In limine monendum, apud ULPIANUM unum Senatusconsultum nuncupari, de quo nominatim GAIUS nihil dixit, quod est illud, quo, quod IULIA edixerat

(345) PAUL. eod. l. l. § 9.

(346) PAUL. eod. l. l. § 8..

de tutore dando a Praetore urbano, si agnatus, tutor forte pupillus esset; quo, inquam, hoc ius ad Praefides provinciarum fuit extensum. Ait etiam **ULPIANUS**: *Sed postea Senatus censuit, ut etiam in provincia quoque similiter a Praefidibus earum ex eadem causa* (in praecedentibus dixerat **ULPIANUS** de tutore dando virginibus ad dotem constituendam, si legitimum tutorem pupillum haberent) *tutores dentur* (347).

Tempore procul dubio primum fuit hoc Senatusconsultum; etenim, si alia tempore priora fuissent, horum sanctiones, ut vere monet **WICHERS** (348), illud Senatusconsultum simul extendisset ad Provincias.

Quod ad caetera Senatusconsulta, quae apud **GAIUM** et **ULPIANUM** inveniuntur, in his unum est; quod ad legem **IULIAM** non pertinere dicendum est, de quo deinde dicam.

Circa Senatusconsulta, quae certissime ad legem **IULIAM** pertinere videntur, plures institui possunt disquisitiones. Nimirum primum disputari potest de numero; namque dici potest de uno, eiusque tribus capitulis; dici potest de duobus, quorum unum duo capita habuerit; dici tandem potest de tribus Senatusconsultis.

ULPIANUS de duabus causis loquitur, ob quas Senatusconsulto constitutum est, ut tutores peti possent; ait enim: *item ex Senatusconsulto tutor datur mulieri ei, cuius tutor abest, praeterquam si patronus sit, qui abest: nam in locum patroni absentis alter peti non potest, nisi ad hereditatem adeundam et nuptias contrahendas. Idemque permittit in pupillo patroni filio* (349). Haec duo uno eodemque Senatusconsulto fuisse statuta, mihi planum videtur; namque una oratione de hisce dixit **ULPIANUS**, non interposita alius Senatusconsulti mentione. Nec obstat, illa, quae apud **ULPIANUM** coniuncta occurrunt, apud **GAIUM** disiuncta inveniri: namque inserta apud **GAIUM** § 174, 175, 176 excursionibus sunt de parente manumisso et de iuribus libertae, quae si omittantur; eandem apud **GAIUM** habemus copulam: „*praeterea Senatusconsulto mulieribus permixtum est, in absentia tutoris locum alium petere: quo petito prior definit: nec interest, quam longe aberit is tutor. — Idem Senatus censuit in persona pupilli patroni filii*” (350).

(347) **ULP.** fragm. tit. XI. § 20.

(348) **WICHERS** *Disf.* pag. 114.

(349) **ULP.** fragm. tit. XI. § 22.

(350) **GAIUS** *Comm.* I. § 173, 177.

Quaeri posset, an Senatusconsultum ad omnes tutores pertinuerit? Et puto, pertinuisse ad legitimam mulierum tutelam: nam dicunt GAIUS et ULPIANUS de *mulierum tutela*, quas apud eos semper idem significat, ac *perpetua familiarum tutela*; quibus si addas, hac aetate seminarum tutores coactos fuisse ad auctoritatem interponendam, quod vero fieri non potuisset, si tutor absens fuisset, nulli dubio erit locus, quia pupillorum pupillarumque tutores cogi ad auctoritatem interponendam non potuerunt. Notandum est etiam, tutore sic petito, priorem tutorem esse defuisse, quod, antequam GAIUS reperiretur, cognitum non erat (351): ex quibus facile est intellectu, hic Senatus rem fuisse cum hominibus, qui, quaesitis absentis, iustis mulierum deficiis quotidie impedimento esse consueverint: quorum igitur artibus nunc veluti iratus et uno ictu obicem posuit Senatus.

Alterum Senatusconsultum, quod etiam ad legem IULIAM pertinet, referunt GAIUS et ULPIANUS, „*praeterea etiam in locum muti, furiosive tutoris, alterum dandum esse tutorem ad dotem constituendam Senatus censuit*” (352). Quaeri potest, an, si alius tutor fuerit petitus in locum agnati muti furiosive, hic tutor esse defuerit? Quid de tutore absente fuerit, supra retulimus, ubi monebamus, illud de absentibus Senatusconsultum in agnatos *poenale* fuisse. Quid vero de agnato muto aut furioso dicendum, in quem nulla poena cadere videri posset? At ex GAIO clarum est, adeo parum agnatis Senatum pepercisse, ut in hoc fatali casu ipsis tutela non manserit salva: etenim hic illico subiungit GAIUS „*quibus casibus salvam manere tutelam patrono patronique filio, manifestum est*” (353).

Iam transire necesse est ad aliud Senatusconsultum, quod prioribus generalius, quodque senioris aevi videtur, neque ad legem IULIAM pertinere, quo tamen et dicatur nova species introducta tutoris Praetorii. Rem testatur GAIUS: „*praeterea Senatus censuit, ut, si tutor pupilli pupillaeve suspectus a tutela remotus sit, sive ex iusta causa fuerit excusatus, in locum eius alius tutor detur, quo dato prior tutor amittit tutelam*” (354).

(351) GAI. Comm. I. § 181.

(352) ULP. fragm. tit. XI. § 21.

(353) GAI. Comm. I. § 181.

(354) GAI. Comm. I. § 182.

Haec sunt Senatusconsulta, quas ad tutelas nostras pertinent, quorum duo, ut diximus, ad legem IULIAM et PAPIAM pertinent, ad quam vero unum non pertinere videtur. His igitur quatuor novae species tutorum Praetoriorum introductae sunt, quum ex iis unam duobus capitalis contineri dixerimus.

§ 4.

Tutor, ex lege IULIA et TITIA in provinciis datus.

Certum non est, an sub nomine legis IULIAE et TITIAE duae contineantur leges nec ne. Plurimi, THEOPHILI auctoritate ducti, inter quos clariss. MARCHE, duas fuisse leges contendunt (355). Alii autem, inter quos praecellit OTTO, unam tantum sub hisce nominibus legem contineri docent (356), et THEOPHILUM erroris aut mendacii arguunt. Verum, re accuratius perspecta, nulla est idonea dubitandi ratio: nam disertis verbis tradit THEOPHILUS, duas fuisse leges (357), nec rationes adesse video aptas; cur THEOPHILUM, virum rerum peritum, erroris arguerem; et eum mendacii arguere esset insipientis.

Neque magis de harum legum aetate inter Iurisperitos convenit. Clariss. MARCHE eas anno U. C. 488 esse latas suspicatur: at longe hic virum doctum a vero abesse, quem latere potest? et fatebimur, primo obtatu nos credidisse, virum de lege Atilia loqui, quam hisce fere annis latam suspicamur. Clariss. SCHWEPPE, satis idoneis rationibus ductus, eas sub AUGUSTO latas existimat (358). Nos eas anno 792 IULIO OCTAVIANO tertium et M. TITIO Cosf., latas fuisse opinamur. Quidquid tamen sit, certum est, hisce legibus statutum fuisse, ut Praefides darent in Provinciis tutores illis, qui nec testamentarios, nec legitimos haberent tutores; ita ut, quod in urbe statuerat lex Atilia, produceretur ad Provincias. Plurimi existimant, ante has leges in Provinciis obtinuisse, ut tutores extraordinarii darentur; quid ipsi hac de re opinemur, supra diximus.

(355) MARCHE Disf. de tutore ex lege IULIA et TITIA, § 2.

(356) OTTO in Comm. ad Inst. hoc tit.

(357) THEOPHILUS Paraphr. tit. de Atil. tut.

(358) SCHWEPPE Röm. Rechtsgesch. § 419.

Imperator CLAUDIUS postea etiam constituit Senatusconsulto, quod CLAUDIANUM dicitur, ut Consules extra ordinem darent tutores (359), cuius rei exemplum apud PLINIUM occurrit (360). Ratio huius tutoris dationis, ex Senatusconsulto CLAUDIANO Consulibus delatae, fuit, ut clariss. HEINECCIUS foribit (361), Praetorum et Tribunorum in tutoribus constituendis negligentia; cui opinioni libenter subscribimus: quae enim causa esset, cur CLAUDIUS tutores extra ordinem dari voluisset, si Tribuni et Praetores suo munere functi fuissent? Mox tamen et consulares tutelae disphouerunt, et MARCUS ANTONINUS constitui voluit Praetorem tutelarem, Magistratum singularem, ita dictum ab officio tutores dandi (362); de cuius Praetoris officio PAULUS et ULPIANUS dicuntur uterque peculiarem scripsisse librum.

§ 5.

Feminarum tutela, lege CLAUDIA sublata.

De feminarum tutela; lege CLAUDIA sublata, multum apud recentiores iuris Romani scriptores disputatum scimus. Doctissimis viris, SCHULTINGIO, HUBERO, MAURO, VON SAVIGNY, GUIACIO, HEINECCIO atque OTTONI, haec materies vastum coniecturarum campum obtulit, ideoque, quocumque adspicias, sententiarum vides divortia. Neque mirum id videri posset, cum unus tantum in toto iure reperiretur locus, et is quidem mutilus, qui hac de re tractaret, nempe in ULPIANI fragmentis: *feminarum autem legitimas tutelae lex CLAUDIA sustinet, excepta tutela patronorum* (363). De hoc ULPIANI loco duplex est Iurisconsultorum sententia, quorum alii hunc textum probant, alii reiiciunt. De utraque sententia suo ordine pauca dicemus.

Lectionem, quam dixi, probant HEINECCIUS, OTTO, SCHULTINGIUS, HOFFMAN, à COSTA et VOORDA. Sed, dum inter se consentiunt, legendum es-

(359) SURT in vita CLAUDII cap. 23.

(360) PLINIUS lib. IX. epist. 13.

(361) HEINECC. Antiq. Rom. lib. I. tit. XIII. § 12.

(362) CAPITOL. in vita MARCI cap. X.

(363) ULP. Fragm. tit. XI. § 8.

se *sustinet*, dissentiunt in huius vocis significatione, et abeunt in tres partes diversissimas. SCHULTINGIUS, HEINECCIUS et OTTO (364) contendunt, lege CLAUDIA feminarum tutelam nullatenus fuisse abrogatam, sed verbum *sustinere* hic idem esse ac *retinere*, *prorogare*, *continuare*, itaque tutelam coesitiam tantam hac lege abrogatam fuisse.

Alii, uti à COSTA et VOORDA (365), existimant, vocem *sustinet* idem esse ac *differt*, ita ut lex CLAUDIA distulerit feminarum tutelam usque ad pubertatem, hacque demum tempore eam incepisse, ante pubertatem vero illas sub agnatorum tutela legitima non fuisse vi huius legis.

Contrarium nuperrime adhuc opinatus est doctiss. HOFFMAN (366), dicens, ERNESTIUM, pro *sustinere*, vertere, *currentem* vel *praecepitantem retinere*, qui proinde contendit, legem CLAUDIAM feminarum tutelam in suo cursu retinere tempore determinato; nullum vero tempus probabile esse, nisi tempus pubertatis. Itaque (sic enim interpretamur) lex CLAUDIA feminas usque ad pubertatem sub agnatorum tutela esse voluit, puberes vero factas non subesse agnatorum tutelae.

Omnes sententias, quae nobis essent cognitae, exposuimus, eorum, inquam, qui volunt, ULPIANI textum integrum ad nos pervenisse; cum vero ex illis nullam possumus probare, dispiciendum erit, an hi, qui ULPIANI textum existimant mutilatum, suis rationibus id probabilius reddant, suntque HUBERUS, CUIACIUS, VON SAVIGNY, et GANS.

CUIACIUS primus fuit, qui suspicatus est, pro *SUSTINET* legendum esse *SUSTULIT*; quam lectionem plurimi probant, volentes alii, legem CLAUDIAM omnem feminarum tutelam sustulisse, alii, legitimam tantum, alii denique, feminarum puberum tantum tutelam hac lege sublatam fuisse. — CUIACIUS existimavit, lege CLAUDIA omnem feminarum tutelam sublatam esse (367): hic vero doctiss. virum errasse clarum est, nam de tutela legitima

(364) SCHULTING ad ULP. l. l. HEINECC. Ant. Rom. lib. I. tit. XIII. § 23. OTTO Disf. de perp. fem. tut. § 21.

(365) à COSTA, Prael. pag. 158, ibique VOORDA.

(366) HOFFMAN, über eine Stelle des CIC. Top. cap. 4. in SAVIGNY Zeitschrift für geschichtliche Rechtswissenschaft tom. III. p. 350.

(367) CUIACIUS Observ. XXVII, 7. et ad ULP. tit. XI. § 8.

tantum ULPIANUS dixerat; et unde CUIACIO constaret, testamentariam et dativam tutelam etiam lege CLAUDIA esse sublatam?

Clariss. VON SAVIGNY aliam viam ingreditur, existimans, lege CLAUDIA feminarum puberum tantum legitimam tutelam sublatam esse, ita ut tutela legitima, ratione feminarum impuberum, sublata non esset, neque testamentaria neque dativa (368).

Aliam denique sententiam Clariss. GANS profitetur. Ait, legem CLAUDIAM tam puberum quam impuberum feminarum legitimas tutelas sustulisse, GAIUM generaliter dixisse, feminarum tutelas lege CLAUDIA fuisse sublatas, nullam vero satis idoneam rationem inveniri, cur inter tutelam puberum feminarum et impuberum distingueretur, itaque dicendum esse, generaliter GAIUM fuisse locutum; omnem igitur feminarum tutelam, quod ad agnatos attinet, sublatam esse (369). Verum, ut CLAUDIANI verba huc deflectam,

„*Abstulit hunc tandem GAII nova vita tumultum,*”

et iam clarum evadit, ULPIANI locum fuisse corruptum, et pro *sustinet* legendum esse *sustulit*, neque minus clarum existimo; GAIUM mirifice clariss. VON SAVIGNY sententiam confirmare, quidquid hac de re clariss. GANS contendat: namque, dum GAIUS ait: *Sed olim quidem, quantum ad legem XII tabularum attinet, etiam feminas agnatos habebant tutores. Set postea lex CLAUDIA lata est, quae, quod ad feminas attinet, agnatorum tutelas sustulit. Itaque masculus quidem impubes fratrem puberem, aut patruum habet tutorem; FEMINAE VERO TALEM HABERE TUTOREM NON POSSUNT* (370), de tutela feminarum perpetua loquitur, non vero de tutela impuberum. Hunc loquendi usum cum more GAII quam maxime convenire mihi persuadeo, quum passim in eius commentariis verba *feminarum tutela* pro muliebri tutela perpetua usurpata reperiantur, et feminarum impuberum tutela sub nomine *impuberum tutela* semper comprehendatur. Constet etiam apud viros doctos, artis vocabula meam de GAII interpretatione opinionem comprobare; ut enim iam alibi dixi, apud antiquos classicos reperiuntur verba *muliebris tutela*, pro perpetua feminarum tutela usurpata. Et quid est quod

(368) VON SAVIGNY, *Zeitsch. für geschichtliche Rechtswiss.* tom. III. p. 345.

(369) GANS, *Schollen zum GAIUS* p. 191.

(370) *GAI. Comm.* I. § 157.

dubitemus, *GAIUM* etiam verbum *feminarum tutelae* hoc sensu accepisse, praesertim cum nullibi ad *feminarum tutelam* indicandam verbum *perpetuae* adiiciat? Haec sunt quae me movent, ut, reiecta *claris*, *GANSII* falsa, ut videtur, interpretatione, sententiam amplectar clarissimi viri *VON SAVIGNY*.

§ 6.

Iurisconsultorum disputationes de pubertate.

Iam alio loco proposuimus coniecturam, ab urbis fere primordiis annos pubertatis fuisse determinatos: non ignoramus tamen inter Iurisconsultos hac de re multum disputatum fuisse. Rem testatur *ULPIANUS*: *puberem autem Caspiani quidem eum esse dicunt, qui habitu corporis pubes apparet, id est, qui generare potest: Proculiani autem, eum, qui quatuordecim annos explevit. Verum Priscus eum puberem esse, in quem utrumque concurrit, et habitus corporis, et numerus annorum* (371). De feminis *ULPIANUS* non loquitur, nisi placeret, voluisse *Proculianos*, ut etiam in feminis *XIV^m* annus pubertatis esset limes. Ita tamen *ULPIANUS* intelligendus non est, cum *GAIUS* disertis verbis testetur, pubertatis initium in masculis et feminis idem non esse ratione testamenti factionis (372). Supra iam diximus, vulgari opinioni de corporum inspectionibus non esse credendum. Certum enim est ex *GAIO*, hac aetate annum *XIV^m* pro masculis, *XII^m* pro feminis, quod ad testamenti factionem attinet, pubertatis fuisse principium (373). Hac ergo aetate Romani existimabant iuvenes ad illam iudicii maturitatem pervenisse, qua civilis iuris negotiis peragendis essent idonei: quid obstat, quo minus statuamus, hanc aetatem etiam pubertatem tutelarem determinasse? Ab hac aetate incepisse pubertatis initium, ex eo clarum est, quod nemo testamentum facere potuerit nisi pubes: cum vero *GAIUS* doceat, feminas a *XII^o*, masculos vero a *XIV^o* aetatis anno, testamenti faciendi ius habuisse, ergo et hisce annis puberes dicebantur. Neque inter *Proculianos* et *Cas-*

(371) *ULP.* tit. XI. § 28.

(372) *GAI.* Comm. II. § 113.

(373) *GAI.* l. I.

ianos obstant controversiae: etenim, nonne hodie quoque Iurisconsulti saepe de aliqua sententia digladiantur, cum tamen in iudiciis et usu de hac ipsa re confiet, ita quidem, ut nullus controversiae ibi sit locus? Idem Romae obtinuisse, ego saltem opinor; et mirum sane esset, leges, nulla habita ratione controversiarum, pubertatis annos non determinasse, sine quo fundamento, in omni iure necessario, omnia in incerto vagarentur.

§ 7.

De curatoribus.

Ad tempora pervenimus, quibus minores acceperunt curatores. In prisca Romanorum disciplina morum et paupertate haec necessaria haud erant; postremo, ut magis magisque labi mores et ire praecipites coeperunt, et abundantes divitiae et voluptates (utōr LIVII verbis) desiderium per luxum atque libidinem pereundi, perdendique omnia invexerunt, et ad disciplinam, et ad utilitatem publicam pertinere visum est, omnibus adolescentibus, causis non redditis, curatores constitui. Rem CAPITOLINUS testatur in vita MARCI Imperatoris, philosophi dicti: *Praetorem tutelarem primus fecit, cum ante tutores a Consulibus ponerentur, ut diligentius de tutoribus tractaretur. De curatoribus vero, cum ante non, nisi ex lege Laetoria, vel propter lasciviam, vel propter dementiam, darentur, ita statuit, ut omnes adulti curatorem acciperent, non redditis causis* (374). Illam minorum curam dativam appellant, de qua nobis praecipue est disferendum. Cum vero ante curam, a MARCO institutam, Romae iam quaedam curarum species essent receptae, non possumus rem a principio non repetere, neque silentio transire, quid remotioribus temporibus circa curationes Romae obtinuerit. Itaque paululum in hac parte exspatiari nobis liceat.

Curae aetas ab urbis primordiis est repetenda: nam ius naturae docet, imbecilliores aliorum praesidio carere non posse (375). Eam autem ante legem

(374) Vid. cap. XI.

(375) HETZER Disf. ad legem Laetoriam § 1. introd.

XII Tab. lege aliqua fuisse stabilitam, nullibi reperimus; ita ut huius rei origo in iuris historiae tenebris lateat: dubitari tamen potest, an non ante legem XII Tabularum moribus iam introducta fuerit (376).

Enimvero iam a remotioribus temporibus reipublicae indoles, bonorum quippe aristocratia per censum introducta, exigebat, ut furiosi et prodigi sub cura agnatorum essent, ut nempe bona in eadem familia manerent; idque observandum quam maxime necesse duxi, ut hac ex re curae nosceretur indoles, de cuius necessitate, ex vinoulis domesticis atque indole incapacitatis personarum, curae subiectarum, derivanda, in introductione iam disserui.

Legem XII Tab. lata, coniecturae cessant, et certi evadimus, prodigorum et furiosorum curam ad agnatos et gentiles pertinuisse. Ut enim IAC. GOTHOFREDUS legem XII Tabularum ex TULLIO (377) restituit: *Si furiosus aut prodigus existat, aut ei custos nec escit, agnatorum gentiliumque in eo pecuniarum eius potestas esto* (378). Prodigii non ipso iure sub agnatorum gentiliumque cura erant, sed tum demum, si interdictio a Praetore pronunciata esset (379). Formulam, qua bonis interdicebat Praetor, nobis servavit PAULUS: *quando tua bona paterna avitaeque nequitia tua disperdis, liberosque tuos ad egestatem perducis: ob eam rem tibi ea re commercioque interdico* (380). Verum, quod ad furiosos attinet, hi ipso iure agnatorum gentiliumque curae suberant (381). Furiosorum et prodigorum cura, ad similitudinem successorum ab intestato, ad agnatos et gentiles pertinuit, eamque horum fuisse ius, ad successionem futuram tuendam, ex iis in aperto est, quae dixi, ubi de tutelae et curae necessitate apud Romanos locutus sum. Cura haec suum in lege habuit fundamentum, ideoque legitima fuit vocata.

Ut ex lege ipsa XII Tabularum patet, non omnes furiosi, neque omnes prodigi; curatores habebant; non enim omnes furiosi habebant agnatos. Exemplum est in libertinis: servilis enim agnatio non datur. Praeterea ii tantum prodigi huic curae

(376) HEINECC. Antiq. Rom. lib. I. tit. XXIII. § 2.

(377) CICERO de invent. II, 59. Tusc. Quaest. III, 2.

(378) GOTHOFREDUS ad leg. XII Tab. t. V.

(379) VINNIUS ad § 3. Inst. de curatoribus.

(380) PAUL. Sent. Recept. lib. III. tit. IV. A. § 7.

(381) HEINECC. Antiq. Rom. lib. I. tit. XXIII. § 3.

suberant, qui ab intestato suis parentibus successerant (382). Rem testatur ULPIANUS, distinctione facta inter legitimos et honorarios curatores: *a Praetore constituitur curator, quem ipse Praetor voluerit, libertinis prodigis, itemque ingenuis, qui ex testamento parentis heredes facti, male dissipant bona: his enim ex lege curator dari non poterat* (383). Exulabat proinde a cura decemvirali duplex hominum genus supra relatum, cui Praetores dabant curatores, ut expresse refert ULPIANUS.

Verum etiam ab honoraria cura exulabant dementes et lascivi iuvenes, quibus etiam curatoribus valde opus erat: his, nisi me fallant omnia, ex lege PLATORIA prospectum est, uti expresse testatur CAPITOLINUS: *de curatoribus vero, cum ante non, nisi ex lege PLATORIA, propter lasciviam vel propter mentem darentur* (384).

Lex XII Tab. de lascivis non edixerat, neque de dementibus, nam sub furiosis dementes comprehensos non esse clarum est, quia leges nostrae dementes et furiosos a se invicem semper distinguunt (385); neque hi a Praetoribus curatores accipiebant, namque ubi illos, qui a Praetore curatores accipiebant, ULPIANUS enumerat, nullam facit mentionem, nisi libertinorum et ingenuorum, qui ex testamento parentum heredes facti erant. Hae sunt rationes, quibus moti, ex lege PLATORIA dementibus et lascivis prospectum esse, suspicati sumus.

Plurimi viri docti, inter quos clariss. HETZER, suspicantur, iam ante legem PLATORIAM dementibus et lascivis, ex interpretatione prudentum, curatores datos fuisse (386), qua in re equidem clariss. viro assentior: mirum enim fuisset, Iurisconsultos, qui semper in eo erant, ut interpretationibus suis utilibus legum defectus supplerent, hic defuturos fuisse. Neque id tamen nostrae sententiae obstat: existimamus enim, hanc curatorum dationem tempore legis PLATORIAE neglectam fuisse, et hanc legem ius diligentius determinasse, ut dementibus et lascivis etiam diligentius curatores darentur.

(382) SCHWEPPE, Römische Rechtsgesch. § 432. — Cl. GRATAMA, Praelection. pag. 261.

(383) ULP. Fragm. tit. XII. § 3.

(384) IULIUS CAPITOLINUS in vita MARCI, cap. XI.

(385) FERDINAND MACKELDEY, Lehrbuch der Institutionen § 115.

(386) HETZER, Diss. ad legem Laetoriam § 8.

Legem **PLAETORIA** septem capitibus constare clariſſ. **HETZER**, statuere placuit, qui eam etiam reſtituere conatus est, ita quidem, ut, ſecundum hanc reſtitutionem, omnes minores volentes tantum acciperent curatores (387), quod ſane **CAPITOLINI** verbis adverſatur, neque adeo probabile est.

Non est, quod de his reſtitutionibus, a multis tentatis, hoc loco diſputemus; nobis hic animadvertere ſufficiat, a reſtitutoribus ipsis quaeri, an lex, quam reſtituere conantur, **PLAETORIA** an **LAETORIA** nominari debeat (388): verum, ſi haec incerta ſint, quomodo illa, quae lege contineri exiſtiant, certa erunt? Attamen videtur haec lex maiores aetate a minoribus diſtinxiſſe, et ideo haec lex **PLAUTO** *quind-vicenaria* dicitur (389). De hoc legis **PLAETORIAE** capite viri docti ſatis convenire videntur; et, hoc admiſſo, probabile est, laſcivos adolescentes, minores tantum, curatores accipiſſe, et hanc adeo curam finitam fuiſſe annis **XXV** (390).

Iam, ut ad curam minorum redeamus, quae ſub tutelarum hiſtoria comprehenditur, non abs re exiſtimamus, pauca de ipsius origine praemittere.

MARCUS AURELIUS ANTONINUS, Imperator philoſophus, anno post C. N. 161 a Senatu ad imperium vocatus, primus curam minorum inſtituit, quam dativam appellamus, quia ab iisdem Magiſtratibus, a quibus tutores dabantur, dari conſueverat. Verum difficultas est in **CAPITOLINI** loco, iam laudato, de cura minorum; et omnium doctorum hac de re non una est ſententia. Noſtra opinio haec est.

Ait **CAPITOLINUS**, de **MARCO** dicens: *ita ſtatuit, ut omnes adulti curatorem acciperent, non redditis cauſis* (391), id est, (namque ſic interpretamur **MARCUM** voluiſſe) ut omnes minores curatorem acciperent, nec tutor ante cauſas redderet (392): atqui, ſi tutor ſuum pupillum puberem factum non moneret, ut a Magiſtratibus ſibi curatorem peteret, tutelae iudicio tenebatur; ait enim

(387) **HETZER** in Diſc. laudata § 7.

(388) **HETZER** in Diſc. laudata § 8. **SCHWEPPE** Römische Rechtsgesch. § 297. A. 311. **MAZŒCHII** Comm. in tab. Heracl. pag. 92.

(389) **PLAUT.** in Pſeudolo, Actu I. ſc. 3. v. 69, ad quem locum vide **LIPSIUM**.

(390) **CL. GRATAMA**, Prael. pag. 262.

(391) **CAPITOLINUS** in **MARCO**, cap. XI.

(392) **CL. GRATAMA**, Praelect. pag. 264. **SCHWEPPE** Römische Rechtsgesch. § 432. et **CONRADUS** in Diſc. ad conſtitutionem **MARCI**, cap. 2 et 9.

egregius ULPIANUS: *Si tutor pupillum suum puberem factum non admonuerit, ut sibi curatores peteret (sacris enim Constitutionibus hoc facere iubetur, qui tutelam administravit): an tutelae iudicio teneatur? Et magis puto, sufficere tutelae iudicium, quasi connexum sit hoc tutelae officio, quamvis post pubertatem admittatur (393).*

Plurimi viri docti putant, ex MARCI constitutione minores non habuisse curatores, nisi volentes, hanc legem permissivam fuisse contententes, idque probare conantur ex eo, quod in legibus huius temporis minores, qui curatores nullos habent, reperiantur (394). At haec sunt nugae, refutatione plane indignae: namque sic argumentando etiam dici posset, impuberes non necessario tutores accepisse, quia in legibus etiam inveniuntur pupilli, qui tutores non habent.

Neque nostrae opinioni obstat principium illud, quod obitare multi contendunt: *inviti adolescentes curatorem non accipiunt (395)*; nam, ut obstaret, prius probandum foret, hanc iuris regulam etiam tempore MARCI existisse, nec, si probaretur, obstaret, nam eam regulam, ut eum superioribus conveniat, ita exponimus: post MARCI constitutionem omnibus quidem adultis administrandi patrimonii gratia curatores fuisse datos, verum non aliter quam petentibus ipsis, et cupientibus, id est, datos fuisse, non quos Praetor volebat, aut quos alius dari postularet, sed quos minores ipsi petissent atque nominassent (396); id etiam MODESTINUS testatur: *Curatores minores sibi ipsis petent, si quidem adfuérint, per se ipsos: si autem abfuerit aliquis eorum, petet per procuratorem. An autem alius petere curatorem possit minori, quaesitum est? et ULPIANUS egregius ita scribit: non licere alium ei petere, sed ipsum sibi ipsi (397).*

Cura est *vis et potestas, publice a Magistratu data, tuendi negotia eius, qui, pubes factus, annum aetatis XXV nondum explevit (398)*. Ex hac definitione curae indoles satis clare liquet: attamen perspicuitatis causa non alienum erit verbum addere.

(393) L. 5. § 5. Dig. lib. XXVI. tit. VII.

(394) SEGERUS hist. de tutel. et curat. § 12.

(395) Inst. lib. I. tit. XXIII. § 2.

(396) CONRADI CRUSII Diss. ad MARCI const. cap. 9. Cl. GRATAMA, Prael. pag. 265.

(397) L. 2. Dig. § 4 et 5. lib. XXVI. tit. VI.

(398) Cl. GRATAMA, Praelect. pag. 263.

Est *vis et potestas*; id est, vi iuris armata potestas. Multis in haec exspatiari mihi non licebit, nam, ubi de tutelae definitione agebam, iam de his dixi.

Publice a Magistratu data. Hoc est, quo cura distinguitur a tutela, quae non tantum a Magistratu dari potuit, sed etiam testamento, aut lege ipsa constituebatur, quod in cura non obtinuit, quae omnis est dativa. Neque obstat, quod curator, testamento aut codicillis a parentibus datus, a Magistratu confirmaretur: nam hoc casu non testamentum neque codicilli curam constituiebant, sed Magistratus confirmatio; cura igitur omnis dativa merito dicitur.

Tuendi negotia eius. Haec verba iterum tutelae a curis distinguunt; nam tutores tuentur negotia et personam pupilli, curatores negotia tantum minorum, minores enim personam suam ipsi tueri possunt.

Qui pubes factus. His verbis distinguitur cura minorum ab alia cura, etiam minorum, sed eorum, quibus a Magistratu curator constituebatur, si tutorem haberent absentem, aut minus idoneum, aut alias impeditum; his igitur minoribus etiam dabatur curator, ast in nostra definitione puberibus tantum.

Annum XXV nondum explevit. Hinc elucet, nulli ultra hos annos curatorem datum fuisse, eos adeo, qui curatorem haberent, his annis impletis, a cura liberatos fuisse.

Cura est species tutelae, cuius veluti continuationem aut successionem eam dixit clariss. GRATAIA (399). Fatebimur ingenui primo obtutu, nos ita rem non intellexisse, et contrarium eramus defensuri, cum, re accuratius perspecta, experti fuimus, revera curam esse tutelae extensionem ad puberes, quibusdam mutatis, quae in tutelis obtinebant, quae vero in curis, aut non necessario obtinebant, aut obtinere non poterant. Hoc egregie probant actiones tutelae directae et contrariae, quae extensae sunt ad curam minorum, utilitatis mentione facta. Sed non desunt Iurisconsulti, egregiae eruditionis viri, qui contrarium contendunt.

Quamquam statuimus, curam esse tutelae extensionem, putamus tamen, inter tutelam et curam maximam reperiri differentiam; de qua re VON LOEHR et SCHWEPPE doctissime disputarunt (400). Quum vero pagellae nostrae summorum

(399) In Prael. pag. 263.

(400) VON LOEHR, Magaz. für Rechtswiss. und Gesetzgebung tom. III. p. 433—477. et SCHWEPPE Juristisches Magaz. I. 3. et Römisch. Privatrecht ed. 2^{te} § 744.

virorum ea de re scripta capere non possent; paucis tantum, quid de re censeamus, hic exponemus.

Inter tutelam et minorum curam differentia in personarum indole quaerenda est. Minores enim personae incapaces non sunt (401), sed quibus sua iura exercere permisum non est, quia periculosum foret iuvenibus, quibus deest experientia, sui patrimonii liberam administrationem permittere, quod secus est in iis, qui tutelae subsunt: hi enim, ut in introductione memoravimus (402), iuris incapacitate laborant, personae igitur recte dicuntur imperfectae. Quibus bene perpensis, clarum est, pro diversitate personarum etiam diversum tutoris et curatoris occurrere officium, quae diversitas maxime consistit in auctoritate tutoris et consensu curatoris. Revera multum differunt haec inter se negotia, et sunt *character*, si ita loqui fas est, quo tutela a cura distinguitur; quae cum ita sint, de his quaedam moneam necesse est.

Uti iam diximus, impuberes sunt personae incapaces, quae, si etiam habeant voluntatem, adeo imperfectam tamen habent, ut ad iuris negotium peragendum non sufficiat. Perficitur haec imperfecta voluntas per auctoritatem tutoris, quae ideo sub conditione, aut sub die interponi non potuit, neque adeo a tutore absente per litteras aut mandatum (403); quia, ut iuris negotia sint valida, voluntatum concursus accedere debet contrahentium, quod non fieret, si tutor non in ipso negotio imperfectam pupilli voluntatem sua auctoritate integraret: inde effatum illud: *tutor datur personis*, id est, ad integrandam personae voluntatem (404); quod tamen a pluribus male fuit intellectum.

Quod ad minores attinet, sunt personae perfectae, voluntati eorum nil deest, itaque perfici non potest, et nulla igitur auctoritas necessaria est. Sed curatoris consensus, ut celeberrimus NOODTIVS iam dudum observavit, multum differt a tutoris auctoritate; quippe quo non integratur minoris voluntas, sed qui multo magis conditio dici debet, sine qua, in pluribus casibus, minores se obligare non possunt, ideo nempe, ut res minorum salvae essent. Et sic intelligendum est illud: *curator datur rebus*, id est, ad res conservandas, verum non ad

(401) VON LOEHR Magaz. tom. III. pag. 35.

(402) Huius Diss. introd. § 4.

(403) CL. GRATAMA, Praelect. pag. 253.

(404) VON LOEHR l. l.

personarum voluntatem integrandam: ideoque consensus dari potuit sub conditione, die, atque etiam postquam iuris negotium a minore iam esset peractum. Et haec est maxima inter tutelam et curam differentia, imo, ut vir acutissimus VON LOEHR contendit, *character*, quo utriusque indoles dignoscitur (405).

Ceterum curatoris officium non tantum in consensus interpositione consistit, verum in bonorum administratione quoque, si minor ipse negotia non gerat (406); de quibus tamen, uti etiam de actione, quam habent minores adversus curatorem, mihi multum dicendum non erit, cum ea omnia fere, quae ad tutelam spectant, etiam ad curam sint extensa. Igitur ad alia pergendum.

§ 8.

De excusationibus tutori et curatori communibus.

Antequam ab illustrissimo ANGELO MAIO fragmenta Vaticana iuris Romani detegerentur, iuris Romani historiae scriptores de excusationibus tutorum et curatorum, veteri iure Romano obtinentibus, propter historici luminis defectum non tractabant; nunc autem excusationes illae pars tutelarum historiae maxime insignis factae sunt, cuius vero argumenti tractatio nobis eo magis arduum est opus, quod nemo, de quo quidem audiverimus, excusationum materiam secundum fragmenta Vaticana sit interpretatus (407).

Excusationes tutorum curatorumve, si admittantur, necessario nituntur indole tutorum curatorumque, aut privilegiis, quae leges propter rationes utilita-

(405) VON LOEHR Magaz. tom. III. p. 455.

(406) L. 20. Dig. lib. XXIII. tit. II.

(407) Ingenue fateor, me dissertationem *de causis excusationum a tutoribus* etc. a doctissimo SACONEVANTEYENS conscriptam Groningae anno 1813, plane ignorasse. Quae cum monuissent, dum meam commentationem defenderem, Professores nobilissimae Facultatis Iuridicae in Academia Groningana, viri egregii, cumque humaniter dissertationem illam suppeditare mihi voluerint, viros clarissimos rogavi, ut illam in meum usum convertere, et ex ea quaedam in mea commentatione emendare mihi liceret; quo benigne concesso, necesse duxi iam in tertia aetate de excusationibus tutorum et curatorum disserere, qui antea aliam viam eram secutus.

tie publicae aut aequitatis eis concedunt, aut commodo pupillorum minorum-
 ve. Cum autem haec semper fere sint eadem, sequitur, singularum legislatio-
 num excusationes magnam habere debere inter se similitudinem. Quae
 cum ita sint, opus certe nobis multo facilis reddidit **SEBASTIUS GRATA-**
MA, vir clarissimus, in Academia Groningana Iuridicae Facultatis Antecessor,
 qui de excusationibus, ex novo iure Romano obtinentibus, egregie ac latissime
 disputavit (408): quareobrem de his excusationibus multo minora proferemus,
 quam proferre debuissimus. Neque enim nos fugit, Facultati Iuridicae Gro-
 ninganae in mente non fuisse, plurima de re postulare, quam tam egregie
 illustravit vir acutissimus; quid enim viri operi adderet tirunculus?

Hic de excusationibus dicere aggredior, incertus, quo tempore excusationes
 fuisse receptas statuam. Sed, antequam haec inquiram, prius quaedam alia
 praefari mihi liceat.

Antiquitus apud Romanos duplex exstabat tutela, legitima et testamentaria:
 in utraque autem excusationes non exstiterunt. Etiam tutela legitima Quiritibus
 iuris civilis erat commentum singulare; nam Romani, a iure naturali recedentes,
 tutelam civitate denaverant, quae, sacris et politicis rationibus innixa, in tuto-
 rum favorem et gratiam maxime erat recepta: itaque excusatio in ea ne cogitari
 quidem poterat.

Quod ad testamentariam tutelam attinet, neque in ea obtinebant excusationes;
 cuius instituti ratio in prisca testamentorum indole quaerenda videtur: antiquitus
 enim, uti iam memoravimus, legibus erat parendum, praesertim apud Roma-
 nos, qui mirum in modum legibus adhaerebant: neque quaesitum fuisse mul-
 tum videtur de liberatione ab onere, quod vix onus esse putabatur in prisca
 morum simplicitate. Postea tamen quaedam liberatio videtur admisa, scilicet
 abdicatio, quam in excusationem abesse suspicantur (409).

Neque nos fugit, postea accessisse tutoris dationem ex lege Atilia, a Magi-
 stratibus factam: neque tamen in hac tutela excusationibus locus fuit, Ma-
 gistratui enim erat parendum, et, si quaedam liberatio in ea obtinuisset, eam
 facti fuisse suspicarer.

(408) In Prael. ad lib. I. Inst. hoc citio.

(409) **SACRO VAN TAYENS** in *Disput. laud.* pag. 31 seq.

Sed moribus mutatis, et postquam tutela, loco iuris, onus esset facta; illerum status manere non potuit. Suspiciantur quidam, in perpetua mulierum tutela primum de onere quaeri coeptum esse, et admissam tandem fuisse quandam levationem per cessionem in iure, provocantes ad locum GAII comment. I. § 168 (410).

His praemis, ex quibus elucet, quare antiquitus excusationibus locus non fuerit, sed eae, moribus mutatis, tantum introductae fuerint, iam expeditum esset statuere tempus, quo admitti coeperunt: sed antea verbum addere liceat de difficultate quaedam, quam recentioribus fecisse videtur locus de excusationibus, et de huius difficultatis causa.

In iure Iustiniano promiscue fere, nulloque discrimine facto, de causis a tutela curave arcendi dicitur, et de causis liberandi. Hic illic praeterea adicitur, utrum liberatio in perpetuum valeat, an vero in tempus tantum proficiat? item, an a delata tutela curave liberet, num a suscepta etiam? verum hisce omnibus aliud accedit, quod etiam attentione dignum est. Scilicet Quirites ipsi nominatim non distinguunt duo excusationum genera, quae tamen sua indole distinguenda videntur, quia diversis iurie principiis nituntur, diversissimaeque Magistratum producant munera; quas diversitates, cum in principiis, tum in effectibus, ipsi sequuntur, quoties in eo sunt, ut species sint diiudicandae: ut enim vere monet clarissimus GRATANA, Romanis, politiori loquendi formula, a tutela excusari dicuntur, qui ab ea arcantur, aut excusantur. Hic igitur velut in arcano iacet ars Romanorum, ut recentioribus fuerit relictum eam palam divinare, deinde perspicere, tandemque palam proponere; in eo etiam fuimus occupati; an vero punctum tulerimus, viri docti iudicabunt.

Dicitur, et esse solet, necessitas legum mater: conicimus tamen, non a necessitate proprie sic dictas excusationes tutorum curatorumve incepisse, sed a privilegio. Etenim per legem IULIAM PAPIAM POPPAEAM introductum fuit privilegium, quod parens, certum habens numerum liberorum, ex legitimis nuptiis procreatorum, vacationem haberet ab educatione liberorum, ab aliis genitorum, id est a tutela (411); quod privilegium ad exemplum videtur introductum immunitatum a muneribus civilibus, quae iam tunc nonnullis indultae fuerant (412).

(410) VAN TEYENS in Disf. laud. pag. 31 et 32.

(411) VAN TEYENS, Disf. laud. pag. 34. et SCHWEPPE Römische Rechtsg. § 439.

(412) Verum cavendum est, ne Romanorum a muneribus civilibus immunitas cum immunitate

Cuique notae sunt rationes, ob quas lex IULIA et PAPIA POPPAEA tot privilegia indulserunt; pravi enim mores ubicumque caput extulerant, matrimonia quotidie erant rariora, populus igitur etiam quotidie minuebatur, quibus ut eveniret, in multis casibus privilegia concessit lex PAPIA POPPAEA: et nonne merito inde suspicamur, ut faveretur iustis nuptiis, concessam fuisse etiam liberationem a tutelis propter numerum liberorum legitime quaesitorum? Quidquid sit de hac coniectura, certum est, in ea lege iam de excusationis specie mentionem fuisse, nempe potioris nominationis, quod expresse dicitur in fragmentis Vaticanis. „*Si censueritis, ut collegae patris sui vel pupilli in decuria vel corpore, item cognati vel affines utriusque necessitudinis, qui lege IULIA et PAPIA excepti sunt, potiozem non nominent; ceteri cognati vel adfines amicum atque municipes, eos tantummodo nominent, quos cura complexus sum*” (415).

Haec igitur vacatio a tutelis, quae *πολυταυδίας* privilegium fuit, ex lege PAPIA POPPAEA originem trahens, per speciales concessiones extensa videtur ad eos, qui munerum civilium vel publicorum immunitate gauderent; sed specialis requisita fuit concessio, ut munerum immunitas coniunctam haberet tutelae vacationem. Huc referendum, quod TRAIANUS rescripsit, dominos navium non habere inter privilegia, *ut a tutelis vacent*, uti refert CALLISTRATUS (414).

In summa tandem huc res redierit, tempore HADRIANI et ANTONINI PII tutelae excusationem iuris nomen fuisse factam, ubi alia olim verba adhibebantur, si qua forte essent adhibenda, vel hoc ipsum etiam, sed sine illa speciali significatione, quae huic loco una propria facta est. Postea tutelae et curae excusatio, MARCI demum constitutione, videtur facta legum opus, suis numeris plenum et absolutum: quo tutelae et curae excusatio late patuit, et ad omnes tutores pertinuit, qualitercumque fuerint dati, sive immediate per

a tutela confendatur: nimirum tutela civile munus non erat, quippe ex qua non directo utilitas ad civitatem veniebat, sed ad privatos. Dubitare vetat MODESTINUS in L. 15. § 12. Dig. lib. XXVII. tit. I. „*qui accipit vel habet immunitatem civilium vel publicorum munerum, hic a tutela vel cura non excusabitur.*”

(413) Fragm. Vaticana de excusatione pag. 49. lin. 6—12; editione utror Parisiensis, quam typis mandaverunt Ephemeridum, quae *Thémis* nomine publicantur, editores, Parisiis 1823.

(414) Lex. 17. § 6. Dig. lib. XXVII. tit. I.

legem, sive per intercedentem patrisfamilias aut Magistratus personam; quo omnia haec res formam accepit et modum, quo omnes audiendi fuerint, qui se iustam habere excusationis causam opinabantur, quo tandem omnibus, reiecta causa excusationis, concessa fuit appellatio (415).

Discrepanti de tutorum et curatorum excusationibus, ad normam Romanorum, ante omnia delibare quaedam mihi liceat de vi et origine verbi.

Verbum *excusare*, verbi terminationem relinquere si velis, compositum videtur a particula *ex* et *cusa*, sive *cura*, ut itaque denotet liberationem a sollicitudine sive cura tutelae aut curationis: et ita quidem ab origine ac sponte duplicem significationem in hoc loco habuisse vocabulum videri possit, prouti fuerit relatum, vel ad tutorem, qui se liberatum voluerit, vel ad Magistratum, qui tutoremve curatorem liberaverit, etiam non petentem (416).

Posset etiam *excusare* esse quasi *excausare*, et denotare *causam allegare*, ob quam quis ad tutelam aut curam suscipiendam obligatus non sit: ita terminum multi usurpant. Haec tamen sententia minus quam prior mihi placet, quia tunc sub verbo *excusare* necessaria excusatio non comprehenditur. Pluribus in philologicam huius vocabuli significationem exspatiari mihi non licebit, verum potius quaedam de iuridica eius significatione dicam.

De *excusationis* vocabuli iuridica significatione non una iuris Romani scriptorum est sententia. Plurimi, inter quos praecellit ARNOLDVS VINNIUS, Institutionum egregius interpres, *excusare* nil aliud esse contendunt, quam a tutela aut cura propter privilegium, id est iustam excusationis causam, Magistratui allegatam, immunem fieri. Quod ad nos attinet, cum aliis huic verbo latiore tribuere sensum mallems, ita ut, sub *excusationis* verbi ambitu, non tantum a tutela curave propter privilegium immunitas, sed etiam, ut recte monet clarissimus GRATAMA, *politiori loquendi formula*, non admissio comprehendatur. Itaque, apud nos, *excusari* a tutela curave esset, propter iustam causam, Magistratui allegatam, *liberari*; vel, causa cognita, ab ea *arceri* (417).

(415) SACOVANTEYENS, *Disf.* pag. 37.

(416) Idem in *Disf.* pag. 25.

(417) Cl. GRATAMA, *Prælect.* pag. 281.

Ex hac definitione planum evadit, sententiam, qua dicitur verbum *excusare* compositum esse e partibus *ex* et *cusa*, merito eligendam esse, quia nimirum sub hac voce duo illa excusationum genera, de quibus dicam, facile intelligi videntur.

Ex supra dictis patet, primam et naturalem excusationum divisionem esse illam, qua dicuntur vel necessariae vel voluntariae, ut neolatini loquuntur; aut, quod veterum latinitati magis convenit, qui excusantur; liberantur; aut excuscentur. De utraque quaedam exponam necesse est.

Excusatio necessaria non in tutorum vel curatorum, sed in pupillorum minorumque gratiam introducta erat, ideoque a tutoribus et curatoribus non pendebat, utrum excusarentur an minus; sed ab iis, qui dandis tutoribus et curatoribus praeerant, id est a Magistratu, qui tutores et curatores quoque; etiam si tutelam aut curam iam suscepissent, ab illis arcere, causa cognita, poterat.

Excusationes autem voluntariae in tutorum atque curatorum gratiam erant constitutae. Tale privilegium ipsis concessum fuerat communis utilitatis causa, aut propter aequitatem, aut merum favorem, quem legislator quibusdam personis tribuerat; ideoque quasi exceptionis loco erant, nec proderant nisi allegatae et probatae intra tempus legitimum; quod si factum non esset, merito praesumebantur suo iuri renunciasse, etiam si excusationis iustam causam haberent. Idem obtinebat, si tutor aut curator se administrationi immiscuisset, quo casu tutelam praebere debebant; ut dicitur in fragmentis Vaticanis, *quia desideraverant* (418). Eodem iure utebantur Romani circa illos; qui potiores nominaverant: hi enim ad excusationem non amplius admittebantur, quia nempe confessi erant, se nullam iustam excusationis causam habere, neque audiri poterant, etiam si dicerent, se sine praedicio potiores nominasse (419).

Tempus, ad excusationes allegandas et probandas, legibus etiam definitum reperimus. Nimirum, qui Romae dati essent, aut saltem intra centesimum lapidem, in diebus proximis quinquaginta excusationis causas allegare de-

(418) Fragm. Vatic. l. l. pag. 41. lin. 1—5.

(419) Fragm. Vatic. l. l. pag. 51. lin. 8, 9.

bebant (420). Cauto etiam haec valere placuit: nam, si in infinitum captiosi silentii tempus, per quod res interfrigeret, concessum fuisset, persaepe insidiis pravorum, aut negligentia aliorum, pupillorum minorumque patrimonia in periculum fuissent adducta: atque ideo Consules amplissimi decreverunt, illos, qui intra tempus, quod memoravimus, excusationis causam non allegassent, et administrationem non capessivissent, suo periculo cessare, id est, ad id, quod interest, teneri, ac si tutores essent (421).

Iam vero quaeri posset, a quo inde tempore quinquaginta illi dies intelligerentur? Nec de hac re dubium esse potest; respondet enim ad hanc quaestionem auctor fragmentorum Vaticanorum his verbis: „*Hodie in usu ita celebrari animadvertimus, ut ex eo die incipiant quinquaginta dies enumerari, ex quo scierat, se esse tutorem vel curatorem; scilicet ex eo, ex quo in notitiam eius decretum prolatum fit testato: vel si testamento datus fit, ex quo id quoque scierit. Itaque ubi sciit, ne praescriptione L dierum excludatur, si sint sessiones, vel pro tribunali, vel de plano, adversario, id est ei, qui eum petit, denuntiare debet, et adire Praetorem, et titulum excusationis suae apud eum expromere. Si feriae sint, libellos det contestatorios*” (422).

His dictis, expositisque iis, quae mihi praemittenda videbantur, iam expeditum est, ut, secundum meam excusationum divisionem, hic exponam primum necessarias excusationes, postea de voluntariis dicturus.

A. Arcebantur a tutelis et euris:

1°. Maritus a cura uxoris: nam, sicuti Senatus censuit, ne quis eam ducat, cuius tutor vel curator fuit, ita uxoris suae non debere curam administrare, DIVUS SEVERUS FLAVIO SEVERIANO rescripsit (423).

2°. Sponsus a cura et tutela sponsae, ne impediatur nuptiae. Sed hoc non est perpetuum; nam, ut exstat in fragmentis Vaticanis: *Si cui fuerit pu-*

(420) Fragm. Vatic. l. l. pag. 41. lin. 10—15. Ignoratur, quodnam ius in Provinciis aut Italia in usu fuerit, de qua re silent fragmenta Vaticana, dum de quinquaginta diebus in urbe concessis dicunt p. 41.

(421) Fragm. Vatic. l. l. pag. 41. lin. 13—15.

(422) Fragm. Vatican. l. l. pag. 41. lin. 16—27.

(423) Fragm. Vat. l. l. pag. 49. lin. 23—26.

pilla a patre desponsa, non debet ei tutor dari, ne nuptiae impediuntur, et datus excusabitur: et si sponsae suae curator fuerit datus, debet excusari, nisi forte a patre tutor vel curator fuerit destinatus. Aut enim ipse eam pater despondit, et utrumque perficiet; aut post mortem patris desponsa est, et magis est, ut voluntati patris obtemperetur in honore, quam ipsius in matrimonio: quare nuptiae impediuntur (424). Suspiciari licet, hoc ius venire ex lege IULIA PAPIA, cum hac lege multa civitate donata essent, ut matrimoniis faveretur, adeoque ea etiam removeri deberent, quibus impedirentur matrimonia.

5°. Libertini a tutela et cura ingenuorum.

Plures a tutelis et curis arcendi causas invenire non potui, et per coniecturas quidquam addere alienum duxi; at multas arcendi causas nondum hac aetate existisse, ex eo facile explicari posset, quod hac aetate tantum tutela onus esset facta, et ita in pupillorum minorumque commodum esset, adeoque sensim tantum arcendi causae fuerint admisae.

B. Antequam de excusationibus voluntariis dicam, primum monenda veniunt quaedam generalia, quae ad earum originem, divisionem, et indolem spectant.

Excusationes voluntariae facile in duas classes dividi possunt: habent enim suum fundamentum aut in eo, quod non possint esse tutores aut curatores, aut in favore, quem legislator quibusdam personis tribuit. Priores *naturales* excusationes appellamus, et reduci possunt ad formulam: *nolo esse tutor aut curator, quia non possum*. Posteriores *legitimae* sunt dicendae, quae sua indole singulares sunt, et pertinent ad formulam: *nolo tutor esse aut curator, quia is sum, cui lex nominatim permittit, ut me ab onere possim liberare* (425). Quod ad aetatem utriusque pertinet, legitimae excusationes tempore priores existimo. At forte quis mirabitur, naturales causas legitimis a nobis dici tempore recentiores, cum illas ipsa natura et veritas fecerint, et in quavis civitate urgens tandem postulet necessitas; ut naturales probabilius primum videantur enatae, et in iurisprudentiam admisae, et deinde demum ad exemplum naturalium introductae legiti-

(424) Fragin. Vatic. l. i. pag. 49. lin. 27. — pag. 50 lin. 6.

(425) Cl. GRATANA, Praelect. pag. 290, 291.

mae. Verum; uti iam antea dixi, serior ista naturalium causarum apud Romanos admissio derivari potest et debet ab eo, quod non necessitas, quae legum mater esse solet, excusationibus dederit originem, sed privilegium.

Quamvis autem Romani naturales causas serius agnoverint, et haec sint natura plane diversae a legitimis, quando Romana contemplantur, fatendum tamen est, eos, postquam naturales agnoscere et admittere inceperunt excusationum causas, earum omnem indolem perspexisse, et genuina diiudicationum praecepta, in iure de his condendo, fuisse secutos. Videbant illi, Principem civi posse imponere onus tutelae; Principi autem non esse integrum, civem onere opprimere: videbant, quemlibet civem ad tutelam vocatum, utut omnes universi sint obligati ad tutelam suscipiendam, in facto esse audiendum, si quam opinaretur habere excusationis causam: videbant, iustam adesse causam, quoties quis se oneri docuerit imparem; ita quidem, ut, si reiecta forte fuerit a Magistratu excusationis causa, appellationi locus fuerit (426). Sed dicat quis, Romanum ius ista generalia praecepta, de quibus dicimus, nusquam eloqui; Romanum ius nusquam ea mutua Principem inter et cives iura ita definire; Romanum ius nusquam dicere, quid hic Princeps possit, quid nequeat; nusquam, ad quae cives, tutores vocati, obligati sint, ad quae non sint; Romanum ius nusquam ita determinare, ubi ius esse definat, vis fieri incipiat, uti illa omnia a nobis sunt descripta et definita.

Fatemur; verum cum ornatis. SAGONE VAN TREYENS (427) observandum censemus, Romanos, uti in pluribus locis, ita et hic per exempla loqui et de his philosophari: neque hoc quoque mirum; species enim fuerunt propositae, ad quae, sive a Principibus rescriptum, sive a prudentibus responsum fuit: quae responsa tamen, aut rescripta, ita fuerunt ad propositas species data, ut ea, si rem attente examinemus, non aliunde repeti possint, quam ex illis ipsis generalioribus praeceptis, de quibus diximus.

His generalioribus, quae ad excusationes legitimas et naturales spectant, praemonitis, expeditum est, ut primum excusationes legitimas, quippe quae antiquiores sunt, exponam, ita ut pateat, quanam earum fuerint causae, deinde de naturalibus etiam dicturus.

(426) VAN TREYENS in *Disf. laudata* pag. 52.

(427) *Disf. laudatae* pag. 52 et 53.

1º. Prima excusationis causa, quae mihi, in mentem venit, ea est, quae, ut iam alio loco memoravi, ex lege IULIA PAPIA oriri videtur (428), qua lege cautum fuit, ut ille, qui certum numerum liberorum haberet, ab educatione liberorum, ab aliis genitorum, liber esset: nempe cives Romani, si tres liberos haberent; ii, qui in municipiis Italicis degunt, si quatuor, illi autem, qui inhabitant provincias, si quinque liberos haberent (429). Iusti autem, an intèsti sint liberi, non requiritur: multo minus in potestate nec ne sint, nam PAPINIANUS scribit lib. V Quaestionum: „*Iudicandi honore iniustos filios relevare*” (430). Neque mirum est, iniustos filios etiam prodesse: nam tempore legis IULIAE et PAPIAE Romae cives deficiebant, atque ita augendus erat numerus civium quocumque etiam modo.

Profunt etiam ad liberationem nepotes ex filio (431), non vero ex filia, nisi veteranorum Praetorianorum ex oratione Divi MARCI, quam in castris Praetoris recitavit, cuius orationis verba haec sunt: *et quo facilius veterum nostri soceros reperiant, illos quoque novo privilegio sollicitabimus; ut avus nepotum ex veterano Praetoriano natorum iisdem commodis nomine eorum fruatur, quibus frueretur, si eos haberet ex filio* (432). Adoptivos filios excusationem non praebere palam est, quoniam soli naturales excusationem tribuant (433). Profunt autem in acie amissi, uti lege IULIA de fascibus sumendis et de maritandis ordinibus cavetur (434); etenim hi apud bellicosum populum per gloriam vivere fingeantur. Non prodesse apud hostes captos, mihi statuendum videtur ex ingenio et rationibus Quiritium, quippe quos iisdem de causis mortuos fingeant. Sedrum etiam tempore belli amissus profit? De hac re non consentiant inter se Iureconsulti. Existimat ARISTO, illum non prodesse; at illum prodesse, putat Auctor fragmentorum Vaticanorum, qui hanc controversiam memorat, nempe, ne pu-

(428) SCHWEPPE Römische Rechtsg. § 245. et 429.

(429) Fragm. Vatic. l. l. pag. 47. lin. 20. — pag. 48, lin. 2.

(430) Fragm. Vatic. l. l. pag. 48. lin. 5—8.

(431) Fragm. Vatic. l. l. pag. 49. lin. 8—13.

(432) Fragm. Vatic. pag. l. l. 48. lin. 9—21.

(433) Fragm. Vat. l. l. pag. 48. lin. 22—24.

(434) Fragm. Vatic. l. l. pag. 48. lin. ult. — pag. 49. lin. 7.

blica strages patri noceat (455): quae sententia magis aequitati convenit, itaque in dubio amplectenda videtur.

2°. Legitimis excusationibus etiam adscribenda videtur quaedam excusationis species, quae *potioris nominatio* fuit dicta; et de qua, uti certum est ex fragmentis Vaticanis, lege IULIA PAPIA cantum fuit. Non pigebit locum describere, namque ex eo lucem capiet Romana antiquitas: „*Promiscua facultas potioris nominandi, nisi intra certos fines cohibeatur, ipso tractu temporis pupillos fortunis suis privabit: cui rei obviam ibitur, P. C., si censueritis, ut collegae patris sui vel pupilli in decuria vel corpore, item cognati vel affines utriusque necessitudinis, qui lege IULIA et PAPIA excepti sunt, potiozem non nominent; ceteri cognati vel adfines amicum atque municipales, eos tantummodo nominent, quos cura complexus sum*” (436). Haec verba sunt pars orationis Imperatoris SEVERI, quae clare probant, lege IULIA et PAPIA de potioris nominatione, de excusationibus igitur tutorum, cantum fuisse.

Est potioris nominatio privilegium liberationis a tutela aut cura, tutori aut curatori, ad tutelam aut curam vocato, concessum, si alter potior necessitudine, et idoneus re fideque, vel absens reprehendatur (437). Hinc patet, eum, qui prius datus est, ut a tutela curave hac de causa liberetur, Praetori potiozem denuntiare debere; at, uti facultas, cum fructu excusationis causam allegandi, ad certum temporis spatium restricta est, ita et merito facultas potiozem nominandi: namque, ne pupillorum minorumve patrimonium in incerta administratione vagarentur, post L dies, a die, quo tutoribus curatoribusque innotuerit, ipsis tutelam esse delatam vel curam, eos facultatem potiores nominandi amittere, placuit (438). Sciendum est etiam, non sufficere, ut excusentur tutores aut curatores, eos dicere ali-

(435) Fragm. Vatic. l. l. pag. 49. lin. 14—17. Ne fraus legi fieret, cantum fuisse a MARCO Imperatore, refert IULIUS CAPITOLINUS in vita MARC. ANTON. cap. IX, ut professio liberorum intra diem tricesimum fieret apud Praefectum aerarii, alterumque exemplum domi, alterum apud aerarium servaretur. Idem Imperator etiam in provinciis fieri iussit; sed iam antea clarorum virorum ortus in acta publica transferebantur, uti ex SÜETONIO in vita TIBER. V. et CALIG. VIII. patet. Fortassis ab omnibus id fieri iussit ANTONINUS.

(436) Fragm. Vatic. l. l. pag. 42. lin. 3—13.

(437) Fragm. Vatic. l. l. pag. 41. lin. penult. et ult. ← pag. 42. lin. 2.

(438) Fragm. Vatic. l. l. pag. 43. lin. 11—13.

quem potio-rem; sed dicere debent; quo ius potio-rem nominent, id est; gra-
 dum necessitudinis vel cognationis eius, quem potio-rem nominant, aperte de-
 signare, ius cognationis et nomen collegii dignitatisve addere; quod si forte in
 horum aliquo deliquerint, emendandi iis facultas intra tempus, quo potio-
 rem nominare possunt, conceditur; postea non (439). Neque ita potio-
 res nominare, ut hisce de causis excusationi sit locus; sufficit: etenim tu-
 tor aut curator, cui tutela aut cura est delata, si potio-rem nominent, exce-
 ptionem proponunt, reus autem excipiendo fit actor, et secundum iuris prin-
 cipia actori probandum est; illi igitur, qui potio-rem nominat, incumbit
 probare, eum, quem nominavit, revera esse necessitudine potio-rem, re fide-
 que etiam idoneum. Quod si factum non esset, post L. dies ad probandum non
 amplius admittebatur; sed intra hoc tempus legitimum, si potiores nominas-
 set, verum non probasset, iterum alios atque alios potiores nominare pote-
 rat (440).

Quod ad hanc rem attinet, etiam modus procedendi, qui dicitur, observari solet.
 Nempe is, qui potio-rem nominavit, ex ipso die, quo nominavit, omnibus sessio-
 nibus adversus eum, quem nominavit, adesse tenetur, usque ad causae finem; adeo
 ut, si una sessione pendente non adfuisset, ab eo, quem nominavit, praescriptione
 excludi posset (441), nisi litterae essent impetratae: nam ex eo die, quo hae impe-
 tratae sunt, in eum diem, quo reddi Praetori rescriptae debent, etsi hoc me-
 dio spatio sessio fuerit, praescriptione submoveri non poterit, etiam si sessio-
 nibus non adfuisset (442). Ceterum observandum censemus, illud, quod diximus
 de sessionibus, nempe aliquem propter absentiam praescriptione submoveri
 posse, intelligendum esse de sessionibus iuridicis, verum non de illis, quae
 etiam de plano celebrari solent, quae publicae non sunt, adeoque inter veras
 sessiones recenseri non possunt, propter quarum igitur omissionem nemo sub-
 moveri poterit (443).

(439) *Fragm. Vatic.* pag. 51. lin. 18—30.

(440) *Fragm. Vatic.* pag. 43. lin. 11—13.

(441) *Fragm. Vatic.* pag. 42. lin. 21—27.

(442) *Fragm. Vatic.* pag. 43. lin. 14—21.

(443) *Fragm. Vatic.* pag. 42. lin. 25—27.

Porro is, qui potiozem nominavit, si litteras petierit, ut compellat eum, quem potiozem nominavit, ad Magistratum venire, et libellos dederit, alio die litteras accipere debet, et Magistratui reddere per dinumerationem vicenorum millium passuum (444); atque illud etiam curare debet, ut intra diem decimum, ex quo litteras reddidit Magistratui, rescripta deponat; et, ubi eas acceperit, per dinumerationem simili modo reverti debebit, et, si sessionem invenerit, pro tribunali reddere Praetori, ut subnotet sua manu, quod volet (445).

Ceterum in fragmentis Vaticanis etiam formula occurrit, qua Quirites utebantur, ad libellos formandos, quam hoc loco transferbere non pigebit, et verbum addere, ut rite intelligi possit. Formula haec est: *Cum proxime decreto tutorem me dandum existimaveris illi*, (hic addendum erat nomen eius, cui quis tutor datus esset) *quod mihi in notitiam pertulit illa die* (hic adscribendus erat dies, quo ad notitiam eius, cui tutela delata esset, pervenerat, se tutorem esse nominatum) *nomino potiozem*, (hic addendum erat nomen potioris nominati, et, si eques Romanus esset, hoc quoque adscribendum erat) *morantem eo loco* (hic domicilium addebatur potioris nominati) *habentem in substantia plus minusve tantum* (hic adici debebat census potioris nominati, ut inde Praetor cognosceret, an esset re idoneus nec ne). Deinde in fine addenda erat clausula: *rogo, Praetor! propter praescriptiones, tempora, libellos accipere digneris* (446).

Quod ad personas attinet, quibus potiozem nominare permisum erat, illud ius etiam, exemplo civium Romanorum, ad Latinos Iunianos extensum est (447). Verum promiscua quoque facultas potioris nominandi, quae, nisi intra certos fines cohibita esset, tractu temporis pupillos fortunis suis privasset, restricta est oratione Imperatoris SEVERI, cuius verba supra dedi (448). Item libertis potiozem nominare non erat permisum (449), neque illis tutoribus aut cu-

(444) Fragm. Vatic. pag. 42. lin. ult. — pag. 43. lin. 4.

(445) Fragm. Vatic. pag. 43. lin. 5—10.

(446) Fragm. Vatic. pag. 43. lin. 22 seqq. — pag. 44. lin. 2.

(447) Fragm. Vatic. pag. 48. lin. 3, 4.

(448) Vide p. 112.

(449) Fragm. Vatic. pag. 42. lin. 19.

ratoribus, qui confirmati erant decreto Praetoris, quia non iure, testamento aut codicillis dati fuerant (450); etenim iudicium patris, licet iure deficeret, servari voluerant Romani.

5°. Milites necessario a tutelis et curis excusatos fuisse, primo obtutu videri posset: sed, si Romanorum proprium, ut ita dicam, indolem paulo accuratius inspicias, facile videbis, apud populum, qui virtuti bellicae omnia postponerebat, tantum abfuisse, ut incapacitate milites laborarent, ut potius militibus omnis generis privilegia addicenda consuerint Romani, inter quae et liberatio a tutelis et curis reperitur. Dubitare vetant fragmenta Vaticana: „*Officium quoque militare excusat. Nam, cum munus emeritum prodest, multo magis, cum frequentatur, prodesse debet. Sed, si ad tempus rei publicae causa abest, non in perpetuum, sed ad tempus excusabitur. Denique cum ex facto sub DIVO HADRIANO, quidam cum legatus esset legionis, testamentum recitatum esset; quo tutor erat datus; non in perpetuum, sed ad tempus, quo legatus legionis erat, meruit excusationem*” (451). Militibus igitur non in perpetuum excusationes concessae erant, sed pro eo tempore tantum, quo adhuc sub vexillis militaribus reperiuntur; quo tempore elapso, uti alii cives, communem normam sequebantur; exceptis tamen veteranis, quibus, ob egregia, quae reipublicae praestiterant, officia, in perpetuum concessum erat a tutela et cura liberationis privilegium, post emerita stipendia, honesta missione impetrata (452). Hoc tamen secus erat in iis, qui inter vigiles militabant, qui, quamvis post emerita stipendia legitima missi essent, non in perpetuum vacabant a tutelis et curis, sed intra annum tantum, postquam missi erant, non ultra (453).

4°. Sub libera republica redditus omnes influebant in aerarium. At sub Imperatoribus separatae erant rationes fisci atque aerarii, quorum hoc ad populum, ille ad Principem pertinebat. Hinc saepe cum in iure, tum apud auctores classicos, iunguntur *iura fisci et populi* (454). Hanc differentiam primus AU-

(450) Fragm. Vatic. pag. 49. lin. 14 — 18.

(451) Fragm. Vatic. pag. 53. No. 21. ad fin.

(452) Fragm. Vatic. pag. 39. lin. 5, 6.

(453) Fragm. Vatic. pag. 39. lin. 14 — 17.

(454) PAUL. Sent. Receptae lib. V. tit. XII. LAMPRIDIUS in ALEX. SEV. C. 19.

GUSTUS, vel certe TIBERIUS reperit. Sane sub TIBERIO diversum a fisco fuisse aerarium, refert TACITUS (455), et postea iterum distinctae a fisco factae sunt *rationes CAESARIS*, id est, privatum Principis patrimonium (456).

Aerario initio praeerant Quaestores, postea vero aerarii administratio, iubente CAESARE, a Quaestoribus ad Aediles fuit translata (457). AUGUSTUS, ubi aerarium militare instituerat, eius curam demandavit viris Praetoriis, quos, primum a Senatu lectos, deinde sorte duotos, ac demum ab ipso Imperatore nominatos fuisse constat. Influebant in aerarium omnes redditus provinciarum populi seu Senatus (458). Ita res stetit usque ad CLAUDIUM, qui Quaestoribus curam aerarii reddidit. Facile suspicari licet, etsi in iure non expresse constitutum inveniamur, illos omnes, qui aerario praeerant, a tutelis excusationem habuisse; nec mirum accidat, in iure de his nil inveniri, quia sub NERONE et CARACALLA reddituum maxima pars ad fiscum erat translata (459), ita ut aerarium minoris esset momenti. Omnibus fere redditibus in fiscum tandem influentibus, multos fisco praefuisse facile elucet, inter quos nominantur procuratores, advocati, patroni fisci. Immo creare NERVA coepit Praetorem fiscales, qui de rebus fiscalibus ius diceret (460). Illos omnes Imperator MARCUS a tutelis et curis excusavit, quod ipse IUSTINIANUS testatur, dum ait: *QUIUS MARCUS in semestribus rescripsit, eum, qui res fisci administrat, a tutela vel cura, quamdiu administrat, excusari posse* (461).

Sed quid illud *posse* apud Imperatorem, an facultas num vero officium? Equidem hoc ultimum verum censeo, quamquam de re disputatur; ita ut Magistratus volentes excusari debuerint (462). Res Principis administrabant Procuratores Caesarum, Comes rerum privatarum, Magister officiorum, Praepositus sacri cubiculi, castrensis palatii, et alii, quos enumerant clariss. SCHWEPPE (463)

(455) TACIT. Annal. VI. 2.

(456) HEINECC. Antiq. Rom. lib. I. tit. XXV. § 10. ibique laud.

(457) DIO CASSIUS XLIII. pag. 269.

(458) SCHWEPPE Röm. Rechtsg. § 220.

(459) HEINECC. Antiq. Rom. lib. I. tit. XXV. not. f. SCHWEPPE l. l.

(460) HEINECC. Antiq. Rom. lib. I. tit. XXV. § 12, ibique laud.

(461) Inst. lib. I. tit. XXV. § 1.

(462) CL. GRATAMA Praelect. pag. 324. seq.

(463) SCHWEPPE Römische Rechtsg. § 192.

et GUNDLINGIUS (464); quibus omnibus excusatio a tutelis et curis fuit concessa (465).

Omnes igitur, quos memoravimus, excusari poterant, non propterea quod bona eorum fisco, aerario, aut Imperatori obligata fuerint, ut plerisque videtur, sed quod privilegio se possent defendere.

5°. Qui reipublicae causa aberant, a tutela et cura etiam excusabantur, etsi eas iam suscepissent (466); reversi tamen eas suscipere debebant, nisi aliam iustam excusationis causam haberent. Verum sciendum est, reipublicae causa absentes non illos dictos fuisse, qui sui commodi causa aberant, aut qui a Senatu liberam legationem, quam ornamenti causa datam dicimus, impetraverant; sed eos potius, qui revera reipublicae gratia aberant, veluti Praefides, Proconsules, Legati (467).

Reipublicae causa absentes intelligebantur, simul atque absentes ab urbe Roma (468); at illos, qui ultra tempus a constitutionibus concessum in sua provincia manebant, reipublicae causa abesse non potuisse intelligi, clarum est (469).

6°. Artium aut studiorum liberalium Professores etiam solebant a tutelis et curis habere vacationem; cum vero sub iis multi comprehendi possint, de singulis ad rei illustrationem dispiciamus.

Medicina Romae sero coli, et aliquo pretio haberi coepit. Servos solos ac liberos HIPPOCRATIS artem fecisse negat quidem CAROLUS SPONIUS (470); verum artis suae amore eum falli, satis patet ex SUTTONIO (471), et QUINCTILIANO (472). Imo et servas et libertas fecisse medicinam, apparet ex marmoribus apud GRUTERUM, ubi occurrit: IULIA, Q. L. SABINA, MEDICA, MINUCIA Q. L. ATE MEDICA, SENTIA ELIS, MEDICA (473).

(464) GUNDLINGIUS, *Disf. de principe herede* cap. IV.

(465) HEINECC. *Antiq. Rom. lib. I. tit. XXV. § 12.*

(466) *Fragm. Vatic. l. l. pag. 38. lin. 21, 22.*

(467) Cl. GRATANA *Prael. pag. 328.*

(468) L. 35. § 3. *Dig. lib. IV. tit. VI.*

(469) L. 37. *Dig. lib. IV. tit. VI.*

(470) *Recherches d'antiquité Disf. 27.*

(471) *In vita CALIG. c. 8.*

(472) *Inst. Orat. VII. 2.*

(473) GRUTERUS *Inscr. p. DCXXXVI.*

Primus medicos civitate donavit IULIUS CAESAR. AUGUSTUS vero ANTONII MUSAE, liberti, opera e gravi et periculoso morbo restitutus, MUSAE ius aureorum annulorum, universo medicorum ordini immunitatem dedit (474). Hinc multis VESPASIANI, HADRIANI et aliorum rescriptis confirmatum fuit privilegium, quo medici ab onere tutelae sese possent liberare (475). Verum postea, quum nimis multi, medicinam professi, immunitate fruerentur, certum definiri numerum placuit: „*quod ad medicos uniuscuiusque civitatis pertinet, intra numerum quinque esse debere, sacras constitutiones docent*” (476).

Quod ad rhetores et philosophos attinet, multo serius, imo difficilius, hi recepti sunt, quippe quos saepius censorio edicto urbe esse expulsos, primum sub CATONE, tum etiam sub DOMITIANO, constat. Interea tamen semper privatim floruit philosophiae et rhetorices studium. Primus philosophis stipendia et honores concessit ANTONINUS PIUS (477); at QUINCTILIANUS iam etiam Romae publice docuit, salariumque e fisco accepit. Sub DOMITIANO et quidem sub VESPASIANO etiam Latinis Graecisque rhetoribus annua centena e fisco fuisse constituta, memorat SUTTONIUS (478). Quae cum ita sint, mirum non est, illos etiam vacationem a tutelis et curis accepisse, *tam Divorum Principum rescriptis, quam Imperatoris nostri*, ut refert auctor fragmentorum Vaticanorum (479).

Grammaticorum fata Romae eadem paene fuerunt. Grammaticam olim Romae ne in usu quidem, nedum in honore fuisse, rudi scilicet ac bellicosa tum civitate, docet SUTTONIUS (480). Primus hoc studium in urbem intulerat CRATES MALLEOTES, qui missus ad Senatum ab ATTALO Rege, inter secundum et tertium bellum Punicum, quum fracto crure decumberet, assidue disserendo, Romana ingenia exitavit. Sequebantur eum alii, praecipue post Q. METRELLI tempora, post quae adeo sensim crevit grammatices honor, ut

(474) DIO CASSIUS LIII. pag. 592.

(475) Fragm. Vatic. l. I. pag. 40. lin. 7—11.

(476) Fragm. Vatic. pag. 40. lin. 11—31.

(477) IUL. CAPITOLINUS in vita ANTON. c. XI.

(478) SUTTON. in vita VESP. c. XVIII.

(479) L. I. pag. 40. lin. 7—11.

(480) De Illustr. Gramm. I.

ne clarissimi quidem viri ab ea se abstinere, et aliquando super viginti celebres scholae in urbe florerent (481). Sed plerique docebant privatim, aut certe magno virorum illustrum aere conducti. Primus centena in annum sestertia accepit VERRIUS FLACCUS sub TIBERIO (482). Postea sensim invaluit, ut et grammatici, publicis stipendiis et privilegiis invitati, publice docerent (483). Tandem etiam iis a tutelis et curis vacationes concessae fuerunt (484).

Hac aetate tamen neque geometrae, neque ii, qui ius civile docebant, vacationem habebant a tutelis (485). At ego non facile huius rei rationem dari posse existimo, nullam saltem idoneam invenire potui.

7°. Publica potestas etiam vacationem a tutelis et curis praebere solebat. IUSTINIANUS ipse testatur, MARCUM ita rescripsisse: *Qui potestatem aliquam habent, se excusare possunt, ut DIVUS MARCUS rescripsit: sed susceptam tutelam deferere non possunt* (486).

Quaestio non levis est, quid Imperator voluerit per eos, qui potestatem habent? Nos arbitramur cum clariss. GRATIANA, id de omnibus Magistratibus intelligendum esse tum maioribus, tum minoribus (487); id probant verba *potestatem aliquam*. Neque inter Magistratus distinguunt fragmenta Vaticana: „*qui Romae Magistratu funguntur, quamdiu hoc funguntur, dari tutores non possunt* (488). Neque igitur sufficiens adest ratio, cur diceremus cum doctiss. VAN TEYENS, privilegium illud concessum fuisse primum Magistratibus maioribus, deinde et aliis (489).

8°. Adsumptio in consilium Principis etiam a tutelis et curis praestabat excusationem; ait enim PAPINIANUS: *Iuris peritos, qui tutelam gerere coeperunt, in Consilium Principum adsumptos, Optimi Maximique Principes Nostri constituerunt excusandos: quoniam circa latus eorum agerent, et honos dela-*

(481) SUTTON. de Illustr. Gramm. III.

(482) Idem ibid. XVII.

(483) AEL. SPARTIAN. in vita HADR. XVII.

(484) Fragm. Vatic. pag. 40. lin. 8 seqq.

(485) Fragm. Vatic. pag. 40. lin. 14, 15.

(486) Inst. lib. I. tit. XXV. § 3.

(487) Praelect. pag. 321 seqq.

(488) Fragm. Vatic. pag. 30. lin. 21 et 22.

(489) In Disf. laud. pag. 48.

tus finem certi temporis ac loci non haberet (490). In consilium Principis adsumpti vocabantur *Aesesores, Comites, Confiliarii* (491).

9°. Concessum fuit etiam excusationis privilegium a tutelis et curis iis, qui in portu pro salute Imperatoris sacra faciebant ex vaticinatione ARCHIGALLI (492), qui, ut refert TERTULLIANUS, *pro salute MARCI AURELII Imperatoris sacrificabat* (493), atque sacerdotibus RHEAE praeerat, qui festum, *Megalesia* dictum, mense Aprili celebrabantes ludis praecipue scaenicis, se ipsos castrabant (494), et in furorem acti vaticinabantur (495).

10°. Domicilium, in materia tutelae et curae, maximi esse momenti, palam est ex iis, quae diximus de absentia reipublicae causa, ideoque Imperator MARCUS, difficultate motus, qua laboraret, qui tutelam administrare deberet in provincia, in qua domicilium non haberet, significavit, eum, qui delectus Romae esset ad munus, vel in provincia ea, ubi domicilium non habet, excusari a tutela curave debere (496).

Inde facile eluoet, eos, qui ad tempus in exilium missi erant, etiam ad tempus a tutela curave excusatos fuisse: quo casu curator in tutoris locum nominabatur, sed tum demum, si contutor non adesset (497). Sed difficilior res est statuere (namque fragmenta Vaticana ibi mutilata inveniuntur), an, qui studiorum causa Romae essent, a tutelis et curis fuerint excusati? At ex loci mutilati conspectu, eos a tutela curave, quae Romae aut extra urbem daretur, excusatos fuisse, censemus (498).

11°. Minores a tutela et cura etiam aliquando excusatione fruebuntur (499). At miror, illos *aliquando* tantum vacationem habere, non omnino arceri. Verum quaeri posset, quibus casibus non admittantur ad excusationem? Et respondemus, si adfini tutores aut curatores sint dati, et aliquem usum habeant

(490) L. 30. Dig. lib. XXVII. tit. I.

(491) SCHWEPPE Röm. Rechtsg. § 199.

(492) Fragm. Vatic. pag. 40. lin. 4—7.

(493) TERTULLIANUS Apolog. XXV.

(494) IUVENAL. Satir. VI. v. 513.

(495) NIEUPOORT Rit. Rom. sect. IV. cap. I. § 16.

(496) Fragm. Vatic. pag. 50. lin. 7—11.

(497) Cl. ORATAMA Praelect. pag. 342.

(498) Vid. Fragm. Vatic. pag. 50. lin. 12—15.

(499) Fragm. Vatic. pag. 40. lin. 16—20.

rerum hereditariarum, quod ius ex epistola DIVI HADRIANI venit. *Haec constitutio*, inquit auctor fragmentorum Vaticanorum, *videtur de his loqui, qui a Praetore DATI sunt. Ego idem esse accipiendum, si testamento DATUS sit* (500).

12°. Triplex onus tutelae vel curae, item curae kalendarii, si non essent affectatae, a quarta tutela aut cura suscipienda excusationem tribuebat, quod triplex onus sic accipiendum est, ut non numerus pupillorum plures tutelas faciat, sed patrimoniorum separatio (501). Ceteram affectatam tutelam aut curam sic accipimus, si vel appetita videatur, vel, cum posset quis se excusare, ab ea se non excusavit, cum posset declinare, non recusavit (502). Ut autem tutelae aut curae haberentur numero earum, quae excusationem praebent, sufficiebat triplex onus in domo esse, ita ut, si pater et in eiusdem potestate constitutus filius tria onera sustinerent, quae ad periculum patris pertinebant, quoniam filius voluntate patris administrabat, omnibus excusatio competeret (503). An vero ei, qui inter tres tutelas emancipati filii sui tutelam administrabat, haec in numero cesserit, dubitatum est; auctor tamen fragmentorum Vaticanorum rescriptum esse affirmat, emancipatae filiae tutelam inter tutelas, quae excusationem praebent, numerari oportere (504). Sed deinde haec res iterum coepit limitari: namque Praetor instituit tutelas et curas ponderare, ut non semper sufficerit tria onera docuisse, sed et aliae cautiones fuerint adhibitae; ut haec excusationis species fere *legitima* esse defierit, et ad *naturalem* causam redierit (505).

13°. Non omnibus societatibus Romae personam habere licuit, sed iis tantum, quibus, lege iubente, id concessum erat (506); quae tum vocabantur collegia, universitates, corpora. His Imperatores varia concessere privilegia, inter quae et immunitas a tutelis et curis reperitur. Habebant illud privilegium, qui ex collegio sex primorum erant, non autem simpliciter, sed post unam tute-

(500) Fragm. Vatic. pag. 54. lin. 3—11.

(501) Fragm. Vatic. pag. 46. lin. 23—26.

(502) Fragm. Vatic. pag. 47. lin. 2—5.

(503) Fragm. Vatic. pag. 47. lin. 14—19.

(504) Fragm. Vatic. pag. 47. lin. 9—13.

(505) VAN TEYENS Diss. pag. 49.

(506) Cl. GRATANA Praelect. pag. 338.

iam aut curam (507). Item, qui in centuria censorum velatorum erant (508), Arcari Caesariani, in foro TRAIANI stationes habentes (509), et illi, qui in collegio pistorum erant, si per semet ipsos pistrinum exercerent; sed non alios putat excusandos auctor fragmentorum Vaticanorum, quam qui, intra numerum constituti centenarium, pistrinum, secundum litteras DIVI TRAIANI ad SULPICIUM SIMILEM, exercebant: quae omnia litteris Praefecti annonae erant significanda (510). Item excusabantur, qui in foro suario negotiabantur, si duabus partibus bonorum annonam iuvarent (511), atque etiam mensores frumentarii, ex rescripto Divorum MARCI et COMMODI, ut PAULUS testatur (512). Item qui in collegio fabrorum erant (513), qui tamen, ut et pistores, si divites essent facti, ut ad cetera munera publica subeunda etiam compellerentur, tutelae et curae vacatione exuebantur (514). Denique primipilaribus et decurialibus etiam vacationem a tutelis et curis dedit DIVUS HADRIANUS, verum non filiis eorum (515).

Ceterum observandum censemus, nullos collegas, ex quocumque essent collegio, a tutela aut cura filiorum collegae habuisse vacationem; et neminem eorum a tutela aut cura iam suscepta excusatum fuisse, exceptis tamen pistoribus urbicis, qui non tantum a tutela suscepta excusari potuerunt, sed etiam a tutela et cura filiorum collegae, quod significavit HADRIANUS Cl. IULIANO, Praefecto annonae (516).

14°. Erat haec quoque excusatio, si quis se diceret tutelam alicuius administrasse, et ad curam eius vocaretur: nam invitum non esse compellendum suscipere, Imperator noster, secundum auctorem fragmentorum Vaticanorum, cum patre POLO TERENTIANO rescripsit (517).

(507) Fragm. Vatic. pag. 37. lin. 3 — 6.

(508) Fragm. Vatic. pag. 38. lin. ult. et pag. 39. lin. 1.

(509) Fragm. Vatic. pag. 38. lin. 18 seqq.

(510) Fragm. Vatic. pag. 56. lin. 23—29.

(511) Fragm. Vatic. pag. 57. lin. 17 seqq.

(512) L. 26. Dig. lib. XXVII. tit. I.

(513) L. 17. § 2 eod.

(514) Cl. GRATIANA Praelect. pag. 340.

(515) Fragm. Vatic. pag. 39. lin. 7—13.

(516) Fragm. Vatic. pag. 57. lin. 4 seqq.

(517) Fragm. Vatic. pag. 49. lin. 18—22.

Expositis *privilegiis*, quibus quis a tutela et cura excusari dicebatur, superest, ut iam ad excusationes *naturales* pergam, quae commodius ad quinque species reduci possunt, et quorum fundamentum in ea non posse consistit. Excipiebantur enim:

- 1°. Animi vitio laborantes.
- 2°. Corporis vitio laborantes.
- 3°. Qui tutelae suscipiendae impares erant propter defectum ingenii cultus.
- 4°. Paupertate laborantes.
- 5°. Qui domesticis litibus laborabant.

Tres species priores *directae* dici possent, quia ipsa persona tutoris aut curatoris *directo* erat impedimento, quominus tutelae aut curae posset superesse, cum, quae quartae speciei sunt, aliunde venirent et *indirecto* essent impedimento. Sed hinc in transitu: nunc videamus, quid Romanis singulis illis speciebus statuerint.

1°. Animi vitio laborantes dicuntur furiosi (518), dementes, et prodigi, qui cum furiosis coniungi solebant (519).

2°. Corporis vitio laborantes dicuntur muti, surdi, coeci et illi, qui morbo laborant (520), veluti si quis arthriticus, fonticus, vel epilepticus sit; qui omnes excusationem habebant, si tales essent, ut ostenderent, se ne propriis quidem rebus administrandis idoneos esse. Ceterum animadvertendum censuimus, si huiusmodi valetudo affirmaretur, inspectionem Praetoris necessariam fuisse (521).

3°. Sub illis, qui defectu ingenii cultus ad tutelam atque curam suscipiendam inepti sunt, comprehenduntur, qui ingenii mediocritate aut rusticitate laborabant; qui excusabantur ex epistola Divorum HADRIANI et ANTONINI ad Praetorem tutelarem CABBELLIUM PRISCUM (522).

4°. Paupertate laborantes illos intelligimus, qui in ea conditione rerum externarum erant positi, quae faceret, ut tutelae aut curae invigilare non possent, nisi cum perniciem sui, rerum suarum, et pupillaris patrimonii; quos, cum oneri essent impares, ab eo excusavit Divorum Fratrum rescriptum (523).

(518) *Fragm. Vatic.* pag. 58. lin. 5.

(519) *Cl. GRATANA*, *Praelect.* pag. 316, ibique laud. *L. 1. pr. Dig. lib. XXVII. tit. X.*

(520) *Fragm. Vatic.* pag. 37. lin. ult.

(521) *Fragm. Vatic.* pag. 38. lin. 1—6.

(522) *Fragm. Vatic.* pag. 59. lin. 1—4.

(523) *L. 7. Dig. lib. XXVII. tit. 1.*

5°. His etiam, qui litibus domesticis laborabant, interdum excusatio a tutelis et curis concessa fuit ex rescripto Divorum HADRIANI et ANTONINI (524). *Interdum*, ait auctor fragmentorum Vaticanorum, nil de qualitate aut numero litium dicens; quare merito suspicari licet, Praetorem lites ponderasse, et tum demum excusationem iustam fuisse pronuntiatam, si docerent in litibus versantes, se oneri esse impares.

His dictis, superest, ut addam, etiam quandoque excusationi a tutela aut cura locum fuisse, si nulla earum, quas memoravimus, causarum adesset. Nempe, qui plura allegabant, quae singula non erant firma, interdum excusari solebant; quod iam venit ex rescripto Divorum Fratrum, qui, ut testatur auctor fragmentorum Vaticanorum, *SENTIO POTITO ita rescripserunt: Quamvis singula, quae litteris tuis complexus es, non praestent sibi iustas causas excusationis, tamen, quia multa simul congruerunt, movere nos possunt, ut excusatio tua a tutela recipi possit* (525).

Ex iis, quae de Romanis protulimus, ni fallor, iam elucet, eos tandem ad genuina in hoc loco legislationis praecepta pervenisse, licet a spuris, quas dicere nobis liceat, causis incoeperint; neque enim privilegia in hoc loco genuini dici possunt iurium fontes; quamvis evenire aliquando possit in republica, ut hic etiam aliquid utiliter fiat per privilegium; quae forte res fuerit Romae in causa PAPIAE POPPAEAE.

Praeter privilegia igitur, quae Principes his illis concesserant, Romani viderunt, legem legum esse in hoc de excusationibus loco; hanc scilicet, nemini civium licere, se tutelae delatas oneri subtrahere, nisi iustam habeat excusationis causam: iustam autem causam habere, qui possit probare, se oneri esse imparem; imparem esse variis de causis, sive quod animi vires, sive quod corporis vires non sufficiant tutelae aut curae, sive quod ingenium non satis sit cultum; quique ideo tutelae aut curae minus sit idoneus, aut in ea conditione sit positus, ut tutelae nequeat esse super, nisi cum sui, suorumve perniciie, aut rerum suarum; quae etiam res cum ipso pupillorum minorumve bono pugnaverit (526). Neque vero silentio praetereundum videtur vitium illud in le-

(524) Fragm. Vatic. pag. 59. lin. 1—4.

(525) Fragm. Vatic. pag. 59 lin. 7—11.

(526) VAN TEYENS, Disf. pag. 57.

gislazione huius temporis, quod cives, qui omnino tutelae aut curae gerendae essent incapaces, Romani potius excusari voluerint in tutorum et curatorum gratiam, quam eos arceri in pupillorum minorumve commodum et favorem. Ast ne mirum illud accidat: namque nascens apud Romanos excusationum legislatio non pendere non potuit ab institutis, quae praecesserant: atqui in iure antiquo Romano tutela iuris civilis fuerat commentum, in tutorum commodum receptum, et haec opinio per secula stare debuit, neque nisi temporis lapsu evanescere potuit; quare etiam hac aetate huius rei vestigia adhuc reperire licet.

§ 9.

De satisfactionibus, tutoribus et curatoribus communibus, et de aliis quibusdam remediis, quibus iure Praetorio cautum est pupillis et minoribus.

Priscis temporibus pupillis non multum erat prospectum; neque enimurgens ratio adesse videbatur in tanta Quiritium paupertate et morum disciplina. Nec tutelae indoles poscebat satisfactiones, cum tutela legitima ius esset tutoris ad futuram haereditatem tuendam; quod si vero tutela testamento esset delata, satisfactioni iterum non erat locus, propterea quod a testatore, aut a Magistratu, si, Magistratu iubente, tutela esset delata, tutores tantum idonei eligerentur.

Moribus autem corruptis (527), divitiarum cupidine in omnibus rebus orta, tutela in onus mutata, tutoribus legitimis antiqui iuris, id est agnatis, non amplius exclusive ad pupillorum pupillarumque mortuarum hereditates vocatis, inceperunt, qui pupillis, minoribus etiam, praecerant, in eorum patrimonia grassari. Ne tamen pupillorum pupillarumque et minorum negotia negligenter et patrimonia consumerentur, Praetores, quorum sapientiae tot et tanta egregia in iure Romano instituta debentur, hic etiam non defuerunt, et curare coeperunt, ut tutores et curatores eo nomine satisfacerent (528). Verba Edicti

(527) IUVENAL. Satir. VI. vers. 62.

(528) GAI. Comm. I. § 199.

circumferuntur; WESTENBERGIUS, illustrissimus ille vir, qui Edicto restituendo tam egregiam navavit operam, haec fuisse Edicti verba merito suspiciatur: „*Rem pupilli vel adolescentis salvam fore, tutorem vel curatorem satisfacere iubebo* (529).

Verum id non fuit perpetuum; nam tutores, testamento, vel a Consule, vel a Praetore, vel a Praefide provinciarum dati, satisfacere non cogebantur, quia fides et diligentia eorum a Magistratu aut ab ipso testatore probata erat, et satis idonei quoque electi erant; quod ius postea etiam extensum est ad curatores (530). Secus vero obtinebat, si tutores aut curatores a minoribus Magistratibus essent constituti, quippe qui satisfacere cogebantur. Utique adeo tandem pupillis et minoribus fuit prospectum, ut ex Senatusconsulto, facto aetate TRAIANI, contra hos Magistratus, veluti dumvires, darentur actiones subsidariae, si non exegissent a tutoribus curatoribusque cautiones; aut, si non idoneis fideiussores admisissent (531).

Iam diximus, quinam satisfacere cogebantur; itaque, quid sit satisfactio, videamus. Est autem satisfactio stipulatio Praetoria, quae fit, datis fideiusforibus (532), his verbis: *fideiubes? fideiubeo* (533). Nec Praetor datis pignori-bus contentus fuit: nam Praetoriae satisfactioes personas, id est fideiussores, desiderant (534); et merito: namque pignorum custodia difficilis, iactura vero facilis, cum fideiussores eorumque heredes obligati manerent, et fideiussores in solidum tenerentur (535), ita quidem, ut beneficio divisionis non esset locus (536).

Tutoribus et curatoribus tam stricte satisfaciendi obligatio erat imposita, ut, quidquid ante satisfactionem gererent, ipso iure esset nullum: etenim Imperatores DIOCLETIANUS et MAXIMIANUS rescripserunt: *Si igitur tutor, qui*

(529) WESTENBERGIUS Princip. iuris secundum ordinem Digestorum lib. XLVI. tit. VI. § 2.

(530) GAI. COMM. I. § 200.

(531) Lex. 5. Cod. lib. V. tit. LXXV.

(532) CL. GRATAMA Prael. pag. 275.

(533) GAI. COMM. III. § 92.

(534) L. 7. Dig. lib. XLVI. tit. V.

(535) GAI. COMM. III. § 121.

(536) L. 12. Dig. lib. XLVI. tit. VI.

pro tutelari officio non caverat, iudicio expertus est: adversus eum lata sententia iuri tuo officere non potuit: nec ea, quae ab eo gesta sunt, ullam firmitatem obtinent. Frustra igitur in integrum restitutionis auxilium desideras, quando ea, quae ab eo gesta sunt, ipso iure irrita sunt (537).

Quod si tutor aut curator satisfacere non vellent, tum demum pignora capiebantur (538); at, si satisfactio omnino deficeret, cum tutor aut curator fideiussores invenire non possent, aut nihil haberent, et si in his casibus nulla fraus esset, simpliciter removeri a tutelae curaeve officio debebant; si vero ex fraude, ut tutelam aut curam a se averterent, pignoris capionis causam removissent, aut fideiussores non haberent, removendi erant cum infamia (539).

Adversus tutores, curatores, eorumque fideiussores ex satisfactione nascebatur actio *ex stipulatu*, quae eodem fere passu ambulat cum tutelae actione, ita ut, hac cessante, actio ex stipulatu itidem non fuerit data, neque data fuerit, quod ad tutores attinet, nisi finita tutela (540); quod tamen in curatoribus, et iis, qui pro tutore negotia gesserunt, non obtinebat; nam contra hos, simul ac quaeque res non salva esse coepisset, actio ex stipulatu dabatur (541).

Non his tantum remediis Praetores minoribus et pupillis cautum esse voluerunt, verum etiam restitutionibus in integrum. Nimirum Praetor, naturalem aequitatem secutus, Edictum proposuit, quo tutelam minorum suscepit: nam, cum inter omnes constet, fragile esse et infirmum huius aetatis consilium, et multis captionibus suppositum, multorum insidiis expositum, auxilium iis Praetor Edicto pollicitus est, et adversus captiones opitulationem. Sic edixisse Praetorem refert clarissimus WESTENBERGIUS: *quod cum minore quam viginti quinque annis natu gestum esse dicetur, uti quaeque res erit, animadvertam; et, si iusta causa esse videbitur, intra annum, quo primum experiundi potestas erit, postquam is maior factus esse dicetur, in integrum restituam (542).*

(537) L. 3. Cod. lib. V. tit. XL.

(538) Inst. lib. I. tit. XXIV. § 3.

(539) Cl. GRATANA Praelect. pag. 276.

(540) L. 4. § 4. Dig. XLVI. tit. VI.

(541) WESTENBERGIUS, lib. XLVI. tit. VI. § 6.

(542) WESTENBERGIUS lib. IV. tit. IV. § 2 et 11.

Est autem in integrum restitutio, repositio vel reductio in pristinum statum; qua Praetor ita rem restituit, ac si nihil actum esset; qua minoribus, five puberes sint five impuberes, five nati five nascituri, five patresfamilias five filiifamilias, lapsis et circumventis succurrit; qua eos restituit contra omnia iuris negotia, etiam contra ipsam rem iudicatam (543), immo licet tutoris auctoritas, aut Magistratus decretum, intervenerit (544).

Etiam iure Praetorio *actio rationibus distrahendis* pupillis et minoribus prospectum erat; non iure civili, id est lege XII Tabularum, ut contendunt CUIACIUS (545), BYNKERSHOEKIUS (546), et WESTENBERGIUS (547); hoc enim conveniens non erat ingenio Quiritium illius temporis, qui in tutelis respiciebant ad favorem tutorum, pupillorum autem commoda minime respiciebant. Neque magis hisce viris clarissimis assentior, dum contendunt, actionem rationibus distrahendis, aut *de rationibus distrahendis*, ut recte vult BYNKERSHOEKIUS, eam esse, quam habebat pupillus contra tutorem, qui pupillare patrimonium dissipasset, turbatis rationibus, five alio quocunque modo; quae si esset, magis furti actio esse videretur, quam de rationibus distrahendis. At nos, cum Cl. THIBAUTIO (548) et GRATAMA (549), actionem de rationibus distrahendis eam esse censemus, quam habebat pupillus contra tutorem ad rationes male redditas rescindendas.

(543) L. 5. Cod. lib. II. tit. XXVII.

(544) L. 2. eod.

(545) Ad PAULI Sent. Recept. lib. II. tit. XXX.

(546) Obf. VI. lib. IV. cap. 8.

(547) Princ. iur. lib. XXVII. tit. III. § 25.

(548) THIBAUT, System des Pandekten-Rechts, § 540. „Ist arglistig," inquit, „falsche Rechnung abgelegt, so kann der Pupill durch die *actio rationibus distrahendis*, oder *de rationibus distrahendis*, eine neue Prüfung der Rechnungen verlangen."

(549) Cl. GRATAMA Praelect. pag. 274.

AETAS QUARTA.

§ 1.

De mutationibus in rebus politicis huius aetatis.

Evanescere videtur aenea aetas clasici iuris, et ferreum spectrum, quo Romanum imperium regebant tyranni et barbari, etiam iuri ferream aetatem affert.

Huius aetatis initio Iurisconfulti satis habent, praecelara docere iuris praeccepta, quae sibi ab iis, qui aetate praecesserant, tradita erant. Silent fere iuris oracula, scientiaeque antea studiose culta, iam neglecta iacet. Adeo tyrannis ignorantiae mater est! at quomodo servus studiosus esse possit scientiae liberae? Quomodo discat id, quod in aeternum iustum est, cum sub tyrannide iusti norma alia non sit, quam tyranni libido, iustum atque iniustum permiscantis? Nonne servo in addiscenda scientia, quae unumquemque iuris sui admonet et officiorum, ingemiscendum est magis quam gaudendum, cum tunc demum vere miser futurus sit, ubi, quam felix deberet esse, sua ipsum scientia docuerit?

Hac aetate crebrae seditiones militares, Praetorianorum praesertim, pretio imperium addicentium; iusti et aequi notio fere omnis abierat; vis erat legis loco, et tyranni terrorem sui, et, si Diis placet, reverentiam etiam iniicere velle videbantur, subiectos opprimendo et caedendo; hi vero salutem quaerebant in tyranni caede. His malis imperium Romanum elanguerat, ab initio huius aetatis usque ad DIOCLETIANUM, cuius felicius regnum populo Romano aliquem splendorem reddere videbatur; atque hinc facile intelligitur, in tali imperii conditione, nihil, aut saltem parum, iuri fuisse provisum, quomobrem et nullas horum temporum leges cognoscimus.

Eodem tempore in locis Romani orbis fere ignotis orta est religio, quae, sua liberalitate et ministrorum magnanimitate sublimibusque praeceptis mire propagata, mox sibi Imperatores ipsos devinxit: atque haec ethnico iuri exitium attulisset, nisi moralia eius praecepta valde consensissent cum philoso-

phia Stoica, quae iuris Romani fuerat fundamentum; nam ex ea aetate controversiae innumerae, et ardor ille, quo primi Christiani ecclesia appetebant, et, quae huius mundi erant, fugiebant, animos ab artibus avocabant, quae iam non pulchrae vocabantur, sed ethnicae.

Haec igitur aetas politicis mutationibus foecundissima fuit. Imperium, Constantinopolim translatum, brevi post, sub THEODOSII filiis, in Occidentale et Orientale divisum, undique Barbarorum aggressionibus patuit, quorum praeda iam paene erat certa; nam, qui invictissimi salutabantur Imperatores, pacem ope thesaurorum suorum a Barbaris redimebant; et tandem, in magna gentium migratione, Barbari magnam partem orbis Romani occuparunt, HUNNI quippe, GOTHI, BURGUNDIONES, OSTROGOTHI, VANDALI, VISIGOTHI, sedes suas ibi collocantes, atque Imperatores Occidentis ad mera simulacra redigentes. Haec Quiritium et Barbarorum commixtio linguam immutavit, ita quidem, ut Romani non amplius sublimia antiquae Romae monumenta intelligerent, eaque, quodammodo oblivioni tradita, posterioribus saeculis futura fuissent incognita, si Barbarorum cupiditatem allicere potuissent, et nisi IUSTINIANUS, nobili ardore incensus, favente quodam lumine, quod felici fato supererat, Iurisconsultorum reliquias collegisset, et pulcherrimam posteris hereditatem legasset.

§ 2.

Constitutio THEODOSII de praediis rusticis et urbanis non alienandis.

Prioribus aetatibus tutores liberam administrationem pupillorum pupillarumque patrimonii habuisse, et fere dominorum instar alienare potuisse, vidimus; pupillos autem non raro damnum sensitse ex tutorum dolo, quia non intelligit? Sed prioribus Romae saeculis boni mores invaluerant, quibus itaque multa relinquere poterant; nec tutorum cupiditas tanta erat, ut legum latoribus necessarium videretur leges ferre, quae pupillorum pupillarumque patrimonia alienari prohiberent; eo minus, quo magis hisce temporibus tutorum intereset, saluum manere patrimonium pupillare, siquidem erant heredes futuri. Moribus autem lapsis, alia erat rerum facies; cumque tutores agnati per bonorum possessionem saepe a pupillorum successione arcerentur, quandoque dolo ma-

lo patrimonii pupillorum alienabant; et sua nequitia vel imperitia disperdebant, atque ita pupillorum pupillarumque conditionem valde periculosam reddébant. His obviam ivit DIVUS SEVERUS, in oratione, quae in Senatu recitata est, TERTYLLO et CLEMENTE Consulibus, anno U. C. 944, idibus Iuniis. Hac oratione caveri videmus, ne tutores aut curatores pupillorum minorumve praedia rustica vel suburbana distrahant sine Praetoris decreto, his verbis: *Praeterea, Patres Conscripti! interdico tutoribus et curatoribus, ne praedia rustica et suburbana distrahant: nisi, ut id fieret, parentes testamento vel codicillis caverint. Quod si forte res alienum tantum erit, ut ex rebus ceteris non possit exsolvi: tunc Praetor Urbanus Vir Clarissimus adseat, qui pro sua religione aestimet, quae possint alienari obligarive debeant: manente pupillo actione, si postea potuerit probari, obreptum esse Praetori. Si communis res erit, et socius ad divisionem provocet; aut si creditor, qui pignori agrum a parente pupilli acceperit, ius exequetur: nihil novandum censeo* (550).

Neque mirum, hac aetate tutoribus et curatoribus tantam facultatem, qua vendere poterant sine decreto, esse ablatam; cum tutela iam non, ut prioribus seculis, esset ius tutorum, cum paucis obligationibus coniunctum, sed munus publicum, in pupillorum pupillarumque atque minorum commodam constitutum: itaque quotidie magis cavendum erat, ut res pupillorum et minorum salvae forent.

Quamvis verba huius orationis satis clara videri possint, attamen, maioris perspicuitatis causa, verbum addere non alienum duximus.

In oratione Imperator verbo *distrahere* utitur; nulla difficultate laborat huius vocis significatio, neque etiam sensus, si ad legis mentem et contextum rite attendamus. Cum tueri vellet SEVERUS res pupillorum et minorum, harum alienationes prohibere necessarium duxit, ideoque verbum *distrahere* latissimo sensu usurpavit (551). Neque legislatoris mens tantum, sed et legis contextus talem interpretationem suadet: ait enim Imperator paulo inferius: *quae possint alienari obligarive debeant*. Latissimo ergo sensu omnis alienatio prohibetur; iure autem Romano venditio non tantum vo-

(550) L. 1. § 2. Dig. lib. XXVII. tit. IX.

(551) THIBAUT Syst. des Pandecten-Rechts § 532.

vocatur alienatio, verum etiam omnis constitutio iuris in re, ita ut, secundum auctoritatem, tutoribus et curatoribus non liceat praedium rusticum aut suburbanum pupillorum minorumve vendere, in eo hypothecam aut servitutem constituere, illudve pignori dare, sine Praetoris decreto. Quod si tale negotium esset actum, ipso iure irritum erat (552), cum generatim omnia, quae contra leges aut earum mentem sunt, ipso iure sint irrita.

Non autem omnium rerum alienationem sine decreto fieri prohibuit SEVERUS, sed praediorum rusticorum et suburbanorum tantum, ita ut urbanorum praediorum, itaque rerum mobilium, quae ex iure Pandectarum distrahi debebant, alienatio sine decreto non facit interdicta: urbana enim praedia multis casibus, veluti ruinae, incendii, et quae sunt huius generis plura, sunt obnoxia (553), et, si rerum mobilium alienationem sine decreto fieri faceret prohibitum, quantus esse debuisset numerus Praetorum!

Prudens in hac oratione SEVERUS decreti dationem non reliquit Praetorum arbitrio, sed tum demum decreti datio Praetori erat permissa, si aes alienum exsolvi non posset pretio aliarum rerum, i. e. rerum mobilium et praediorum urbanorum; prudens, inquam, cum patrimoniis magis convenire praefumenda sit mobilium et praediorum urbanorum alienatio, quam praediorum rusticorum et suburbanorum. Itaque, causa utilitatis evidentis allegata, Praetor decretum interponere non potuit, quod si potuisset, nihil effecisset oratio: numquam enim tutores defuissent, evidentissimam allegantes utilitatem (554).

At SEVERUS ipse hanc etiam fecit exceptionem, nempe si parentes pupillorum aut minorum testamento aut codicillis cavissent, ut alienationes fieri possent (555). Haec etiam quam maxime rationi consentanea sunt: nam SEVERUS alienationes sine Praetoris decreto fieri vetuerat, ne pupillorum vel minorum patrimonia detrimentum caperent; parentibus vero magis cognitum est, quid liberorum suorum patrimoniis conveniat, quam Praetoribus. Prudens itaque erat parentum iudicio stare, et in tali casu alienationem sine decreto Praetoris permittere.

Praeterea ita egregie SEVERI constitutione pupillis atque minoribus prospectum est, ut, si tutor allegasset aes alienum, vel causam, quae a parte

(552) WESTENBERGIUS Princ. iur. lib. XXVII. tit. IX. § 21.

(553) L. II. § 5 in fine Dig. lib. IV. tit. IV.

(554) THIBAUT Syst. des Pand. Rechts § 523.

(555) WESTENBERGIUS Princ. iur. lib. XXVII. tit. IX. § 9.

rei non fabeslet, et ita ad decretum obtinendum Praetorem decipisset, non minus pupillo aut minori actio in rem competeret (556).

Denique, quod ad decreti interponendi necessitatem attinet, distinguendum esse existimamus inter alienationem voluntariam et necessariam. De necessaria alienatione, eo sensu, ut ab arbitrio pupillorum vel minorum non pendeat, an fiat alienatio, num vero non fiat, veluti si parentes hypothecam constituisent, SEVERI oratio intelligenda non est, sed de ea, quae nobis volentibus fit, et a nostro pendet arbitrio (557). Itaque, si pupillus aut minor cum alio fundum possideret pro indiviso, actione *de communi dividundo* ipsi pupilli aut minores non potuerunt experiri sine decreto, cum hoc casu revera fieret alienatio: aliud obtineret, si adversus minores aut pupillos ipsos actio institueretur, quo casu alienatio voluntaria dici non posset, cum nemo rem indivisam cum alio habere teneatur, et proinde hoc casu sine decreto alienatio fieri posset.

Quamquam plura de hac re dici possint, tamen, cum verba SEVERI orationis satis clara sint, lectorem his non amplius morabimur.

§ 3.

Mutationes circa tutelas et curas sub CONSTANTINO, CONSTANTIO et IULIANO.

Prima mutatio, quam sub CONSTANTINO factam reperimus, seminarum tutelam spectat: a CONSTANTINO enim lex CLAUDIA sublata est, ita ut feminae sub agnatorum tutelam redierint (558), sicut ante legem CLAUDIAM obtinebat.

In universis litibus etiam placuit, minorem, si curatorem non haberet, non prius habere personam, nisi interposito decreto, aut administrandi patrimonii gratia, aut nisi ad litem curator fuisset datus (559). Veniam aetatis minores impetrare poterant, impleto, si masculi essent, anno aetatis XX^o, si feminae, XVIII^o; ita tamen, ut, post impetratam aetatis veniam, iidem ipsi, Principis beneficium allegantes, non solum praescriptorum annorum numerum deberent probare,

(556) THIBAUT Syst. des Pand. Rechts § 525.

(557) WESTENBERGIUS Princ. iur. lib. XXVII. tit. IX. § 17.

(558) L. 2. Cod. THEOD. lib. III. tit. XVII.

(559) L. 11. Cod. IUST. lib. V. tit. XXXIV et L. 1. Cod. THEOD. lib. III. tit. XVII.

verum etiam, advocatis testibus, qui aut aequali, aut potiori dignitate essent praediti, morum suorum instituta, probitatemque animi, et testimonium vitae honestioris edocere (560): quae omnia feminis concessum erat probare, misso procuratore, propter pudorem et verecundiam, ne in coetu publico demonstrare se testibus cogerentur, uti masculi, quibus hoc incumbebat. Iam vero, qui veniam aetatis impetraverant, iura acquirebant maiorum, et feminae per illam tale ius in omnibus contractibus accipiebant, quale mares (561); quod mirum videtur, cum palam sit, haec ipsa aetate feminas adhuc sub tutela perpetua fuisse: quamobrem equidem haec intelligenda esse existimo de feminis, quae liberorum iure fruebantur.

Qui veniam aetatis acceperant, etsi omnibus negotiis gerendis essent idonei, praedia tamen sine decreto alienare non poterant, atque in omnibus iuris negotiis addere debebant, se veniam aetatis accepisse (562). Feminae tamen nuptae, aetate minori, sine decreto alienare licebat, modo maritus consentiret et contractui subscriberet, fideiubens, se damnum, si quod esset, esse restitutum; quod tamen ius ab Imperatore IULIANO abrogatum est (563).

CONSTANTINUS adeo pupillis et minoribus prospicere studuit, ut quarumcunque rerum, mobilium etiam, alienationem tutoribus et curatoribus interdixerit, nisi interposito decreto; exceptis tamen vestibus et animalibus, quibus minores et pupilli non indigerent, omnibusque rebus, quae servando servari non poterant (564). Quod si decretum esset interponendum, hoc a Praetore fieri debere etiam iussit CONSTANTINUS (565).

Si per tutorum aut curatorum culpam donationis conditio esset neglecta, hi rei amissae periculum praestare debebant (566); item, si donationem, minoribus aut pupillis oblatam, acceptare impedivissent (567). Eodem etiam modo

(560) L. 2. Cod. IUST. lib. II. tit. XLV. KARSTNER Disf. de venia aetatis cap. 1, 2.

(561) L. 1. Cod. THEOD. lib. II. tit. XVII.

(562) L. 1. Cod. THEOD. lib. et tit. laud.

(563) L. 3. Cod. THEOD. lib. III. tit. 1.

(564) L. 22. Cod. IUST. lib. V. tit. XXXVII. et WESTENBERGIUS Princ. iur. lib. XXVII. tit. IX. § 19.

(565) L. 18. Cod. IUST. lib. V. tit. LXXI.

(566) L. 2. Cod. THEOD. lib. III. tit. XIX.

(567) L. 1. Cod. THEOD. lib. VIII. tit. XII.

praestabant rei amissionis periculum, si, propter non solum canonem, tutorum aut curatorum culpâ pupilli aut minores emphyteusim amitterent (568).

Restitutio in integrum minoribus adversus commentitias venditiones et tutorum insidias legum praefidio cautum fuisse vidimus: ac, si quid forte ab his de re suo alienatum probaretur in fraudem tutelae aut curae, fraudatorio interdicto prospectum esse pupillis et minoribus CONSTANTINUS voluit (569), atque, his non contentus, iussit, ut, si tutor aut curator, per negligentiam administrationis suae, debitor pupilli aut minoris comprehenderetur, minori et pupillo, pro officio administrationis, tutoris vel curatoris bona, tanquam pignoris titulo, essent obligata (570), utque in tutelae iudicio semper interveniret Magistratus (571).

Denique a CONSTANTIO et IULIANO constitutum est, ut avi aviaeque ad tutorem postulandum tenerentur, si nepotibus pupillaris aetatis testamentaria vel legitima tutela defuisset: nam, si ab his forte tutor petitus non fuisset, secundum ea, quae praeiis legibus erant statuta, emolumentum successionis amittebant ii, ad quos poterat pervenire hereditas (572).

§ 4.

Mutationes sub THEODOSIO I et VALENTINIANO II.

His imperantibus, matribus liberorum suorum tutela fuit permissa; quod si, amissis viris, tutelam administrandorum negotiorum in liberos postulerent, priusquam officium iure confirmaretur, ipsis iureiurando actis erat profutendum, *ad alias se nuptias non venire. Sane* (sunt verba Imperatorum) *in optione huiusmodi nulla cogitur, sed libera, in conditiones, quas praestituimus, voluntate descendat: nam, si malunt alia optare matrimonia, tutelas filiorum*

(568) L. 3. Cod. THEOD. lib. III. tit. XIX. L. 23. Cod. IUST. lib. V. tit. XXXVII.

(569) L. 1. Cod. THEOD. lib. II. tit. XVI.

(570) L. 1. Cod. THEOD. lib. III. tit. XIX. et CHRIST. LUDOV. RÜNDE, *Comm. de historia, indole, ac vi remedium securitatis, quibus iure Romano prospectum est creditoribus debitoris obsecrati, per privilegia personalia, hypothecae tacitas et privilegia hypothecarum* (Göttingae 1795) § 48. et GLÜCK, *ausführliche Erläuterung der Pandecten*, tom. XIX. pag. 189.

(571) L. 1. Cod. THEOD. lib. IV. tit. V.

(572) L. 1. Cod. THEOD. lib. III. tit. XVIII.

administrare non debent. Sed ne sit facilis in eas, post tutelam iure susceptam, irruptio, bonis eius primitus, qui tutelam gerentis affectaverit nuptias, in obligationem venire; et teneri abnoxia rationibus parvulorum praecepimus, ne quid incuria, neque fraude depereat (575).

Ast, ut mater filiorum filiarumque suarum petere posset tutelam, requirebatur, ut ipsa esset aetate maior, nullique legitimi nec testamentarii essent tutores, aut saltem, si adessent, essent excusati, aut ut suspecti remoti: alias enim inutiliter mater peteret tutelam (574).

Verum non tantum in his, sed etiam in modo constituendi tutelam, intervenire mutationes. Nimirum, si nec legitimi nec testamentarii adessent tutores, placuit, ut illustris urbis Praefectus, adhibitis decemviris e numero Senatus amplissimi, et clarissimo Praetore, qui tutelaribus cognitionibus praesidebat, tutores ex quolibet ordine idoneos nominaret. Ita nominare licebat plures tutores et curatores, quorum ille, ad quem pertineret administratio, sententiam praefecturae obtinebat (575), qui tum tutor gerens dicebatur, dum alii, ad quos administratio non pertineret, honorarii appellabantur tutores.

§ 5.

Mutationes sub ARCADIO et HONORIO.

Ab his Imperatoribus constitutum est, ut tutores, simul atque essent ordinati, adirent Cognitores, ut, praesentibus Primatibus, Defensore, Officiis etiam publicis, inventario solenniter facto, omne aurum argentumque, et quidquid vetustate temporis non mutatur, si in pupilli substantia reperiretur, Iudicum et Senatorum, Officiorum etiam publicorum inustum signaculis, in tutissima custodia collocaretur, non prius qualibet occasione mutilandum, quam adultus, legitimam ingressus aetatem, non tam litibus vacare inciperet, quam integro mox gauderet se patrimonio restitutum (576). Hinc elucet (ut hoc quasi in transitu dicam),

(573) L. 4. Cod. THEOD. lib. III. tit. XVII. Pignus ergo hae constitutione in bonis vtriusque pupillis et minoribus erat concessum, sed pro futura administratione tantum. RUDOLPH Disf. laud. pag. 59.

(574) L. 4. Cod. THEOD. lib. III. tit. XVII.

(575) L. 3. Cod. THEOD. lib. III. tit. XVII.

(576) L. 4. Cod. THEOD. lib. III. tit. XIX.

eo tendere inventarium, (quod erat descriptio, solemniter confecta, bonorum omnium, quae tutores aut curatores in patrimoniis pupillorum pupillarumque inveniebant) ut non laterent bona pupillorum minorumve; qua inventarii confectione omissa, tutores et curatores cum infamia, quasi suspecti, removebantur, nisi tamen testatores specialiter inventarium confici prohibuissent. Inventarium, ita confectum, vim habebat probandi, ita quidem, ut, casu quodam deperditis debitorum chirographis, debita ex eo potuerint exigi (577).

Ast, quoniam etiam mediocris fortuna erat pensanda, insuper constituerunt Imperatores, ut, si cui forte in hereditate mobilia tantum relinquerentur, neque aliqui fundorum redditus supputarentur, ex quibus, vel familia pupilli, vel pupillus sustentari posset, aut praedia idonea compararentur, aut, si forte, ut asolet, idonea non possent inveniri, iuxta antiqui iuris formam, usurarum crescere deberet accessio, ut et hic, ubi fundorum redditus non sperabantur, ex incrementis rei mobilis minoris necessitas adiuvaretur (578).

§ 6.

Mutationes, sub THEODOSIO II et VALENTINIANO III factae.

His imperatoribus regnantibus; constitutum est, ut ii, qui, praeceptione Principis vel Praefecti Praetorio, locum Rectorum provinciarum tuerentur, auctoritatem haberent, tutores vel curatores petentibus dandi, atque etiam decretum interponendi ad pupillorum minorumque bona alienanda (579).

Constitutionem, quae matres, pupillis vel minoribus defensionem legitimam non petentes, vel relictarum rerum inventarium non facientes, mori iusserat intestatas, utpote amaram, ac matres immoderata poena plectentem, antiquari voluit Imperator THEODOSIUS (580). Sed, ne impunitas delinquentibus promitti videretur, iussit, ut omnibus, qui, sive ab intestato, sive iure substitutionis,

(577) L. 13. Cod. lib. V. tit. LI. L. 57. pr. Dig. lib. XXVI. tit. VII. Conf. HUBERUS Praelect. iur. civ. ad Pand. lib. XXII. tit. IV. num. 31. et lib. XXVI. tit. VII. num. 4.

(578) L. 4. Cod. THEOD. lib. III. tit. XIX.

(579) L. 2. Cod. IUST. lib. I. tit. L.

(580) Novell. THEOD. lib. I. tit. V. in Cod. Theod. GOTHOFREDI tom. VI. part. alt. Novellarum Constit. Imperat. IUSTINIANO anteriorum p. 17.

ad successionem pupilli mortui vocarentur, si, defuncto eius patre, tutorem ei secundum leges non petivissent intra annum, omnis successio eius, si impubes decederet, denegaretur (581).

Matri quoque, quae filii sui tutelam haberet sub conditione, se ad secundas nuptias non transituram, si transisset, filii, impuberis mortui, successionem denegari placuit, nisi ante matrimonium filio suo alium tutorem dandum curasset, atque huic, quod ex rationibus tutelae gestae debebat, persolveret (582). Quod si contra harum legum praecepta fecisset mater, mariti quoque eius praeteritae tutelae gestae rationibus bona iure pignoris tenebantur obnoxia (583).

§ 7.

Mutationes sub ZENONE.

Ut matres naturalibus etiam filiis, ad exemplum eorum, qui ex legitimis nuptiis sunt procreati, tutores petere tenerentur, constituit ZENO; quod si neglexissent, ab eorum successione arcebantur adeo, ut ne ignorantia quidem iuris eam excusare posset (584).

A E T A S Q U I N T A.

§ 1.

Tutela et Cura in Iure IUSTINIANO.

Incumbere reipublicae officium, personis, quae, parentum morte sibi ipsis derelictae, suis rebus personisve, aut plane non, aut saltem male, praeesse possent;

(581) Novell. THEOD. laud. L. 10. Cod. IUST. lib. VI. tit. LVIII.

(582) L. 6. Cod. IUST. lib. VI. tit. LVI.

(583) Nov. THEOD. laud. L. 6. Cod. IUST. lib. VIII. tit. XV. RUND. Comm. laud. pag. 59.

(584) L. 11. Cod. IUST. lib. V. tit. XXXI.

propter aetatem teneram aut experientiae defectum, alias personas praepo-
nendi, quibus earum educatio aut patrimonium committeretur, uti iam supra memo-
ravimus, ab urbis primordiis Romae fuerat receptum, et servatum reperitur
in iure IUSTINIANO (585). Personae enim, quae sub patria potestate non
erant, usque ad annum XIV^{um}, si mares, usque ad XII^{um}, si feminae essent,
iure IUSTINIANO sub tutela erant, et vocabantur pupilli aut pupillae;
quod si hanc aetatem attigissent, curatores accipiebant, usque ad annum
XXV^{um}, et vocabantur minores. Feminae non iam, uti antiquitus, sub per-
petua tutela erant, sed in omnibus causis maribus aequiparabantur.

His generaliter praemisissis, de indole tutelae dicamus necesse est. Dicitur
tutela *vis ac potestas in capite libero, ad tuendum eum, qui propter aetatem
se defendere nequit, iure civili data ac permessa* (586). De hac definitione
cum plura iam monuerimus, hic memorasse sufficiat, eam famosissimam illam
esse definitionem Servianam; ex quibus videri posset, eam etiam iuri IUSTINI-
ANO non convenire, cum eo tempore, quo SERVIVS docebat, quid esset
tutela, tutela agnatorum gentiliumque esset ius, in horum favorem maxime in-
troducendum, dum in iure IUSTINIANO tutela reperitur onus, quod conco-
mitatur successiones ab intestato, nam, ut IUSTINIANUS ipse ait: „ubi tute-
lae onus, ibi et successionis emolumentum.”

Quod ad curam attinet, est illa *vis ac potestas, publice a Magistratu data,
tuendi negotia eius, qui, pubes factus, annum aetatis XXV^{um} nondum imple-
vit* (587). Ex quibus elucet, curae eandem indolem reperiri, in iure IUSTI-
NIANO, quae erat aetate superiori; quare nihil de ea monendum duco.

§ 2.

De modis tutelam et curam constituendi.

In iure IUSTINIANO triplici modo tutelam potuisse constitui, ex iure supe-
riori servatum est; nempe lege, testamento, et a Magistratu: unde venit illa tute-

(585) MACKELDEY Lehrbuch der Institutionen § 265. edit. 5^{ta} Giesfen 1893.

(586) § 1. Inst. lib. I. tit. XIII.

(587) Cl. GRATAMA Praelect. pag. 263.

lae Romanae divisio in legitimam, testamentariam et dativam. Multi etiam pactitiam tutelam admittunt, quam nos a iure Romano exulare censemus (588).

Testamento tutorem dare potuerunt parentes liberis suis impuberibus, in patria potestate constitutis, etiam posthumis, sed tum demum, si post parentum mortem in nullius potestatem essent recasuri (589): atque etiam codicillis, testamento confirmatis, tutelam constitui posse placuit. Ast ii tantum tutores testamento aut codicillis constitui potuerunt, qui cum testatore testamenti factionem habebant (590). Ceterum tutores sub conditione, vel ex die, vel ad diem constitui potuerunt. Quod si tutor etiam non legitime testamento esset datus, aut ab aliquo datus esset, qui patriam potestatem non haberet, et pupillus huic heres existeret, huiusmodi tutor saepe iure novissimo a Magistratu confirmabatur (591).

Postquam cognati in iure IUSTINIANO agnatis erant aequiparati, atque patronatus et gentilium iura ex usu recesserant, tutelarum legitimarum, quae olim existerant, diversae species etiam ex usu recessere. Attamen servata est tutela fiduciaria, quae tamen, si absolute non sit tutela legitima, omnes eius effectus habebat, ita ut appareat, Imperatorem, veterum nomine retento, rem ipsam mutasse, et tutelam appellasse fiduciarium, in qua ne vestigium quidem antiquae fiduciae occurrit.

Deferebatur tutela legitima, iure novissimo, secundum ordinem successio- nis ab intestato, Novella CXVIII introductum; i. e. proximis heredibus, si cognati essent, si agnati, qui, si in eodem essent gradu, omnes ad tutelam vocabantur (592). Horum alii *honorarii* appellabantur, alii *gerentes*, aut *administrantes*, prouti administrabant aut non administrabant pupillare patrimoni-

(588) THIBAUT Syst. des Pand. Rechts § 507.

(589) Inst. lib. I. tit. XIII. § 3. et tit. XIV. § 5. Cl. GRATAMA Prael. pag. 228 seq.

(590) THIBAUT Syst. des Pand. Rechts § 505.

(591) WESTENBERGIUS Princ. iur. lib. XXVI. tit. III. Haec tutela vocatur testamentaria impropria apud auctores. Confirmabantur hi tutores, praevia facta inquisitione, si a matre aut extraneo essent dati, et pupillus haeres esset institutus; at, si a patre, sed non iure, dati essent, confirmabantur sine ulla inquisitione, nisi iusta causa intercederet, quae confirmationem disuaderet.

(592) WESTENBERGIUS Princ. iur. lib. XXVI. tit. IV. § 17.

um; namque iure novissimo, etiam si simul plures essent tutores legitimi, qui satisfacere non cogebantur, illi eorum, qui satisfacbat, aut qui saltem maiorem securitatem offerebat, principaliter administratio tutelae concedebatur (593).

Ceterum observandum censemus, matri et aviae volentibus tum demum tutelam fuisse delatam, si renunciarent SCto Velleiano et secundis nuptiis (594); ita quidem, ut non tantum omnibus a latere cognatis praeferrentur, sed et mater avo paterno, secundum veriore sententiam, praelata videatur (595).

Non amplius, uti antiquitus, pauci tantum Magistratus tutorem dandi habebant potestatem: etenim, omni libertatis notione amisso, principium illud veterum Quiritium, secundum quod nemo sub potestate alterius constitui, neque civis onere gravari poterat, nisi lege volente, hac aetate minoris fuisse momenti planum est; ideoque novissimo iure constitutum reperitur, ut maiores et minores Magistratus omnes haberent potestatem tutores constituendi, adeo quidem, ut Magistratibus municipalibus id quoque liceret, etiam non expectata inessione Praesidium, dummodo facultates pupilli non excederent quingentos solidos, et adhiberetur Episcopus loci (596).

Quod ad personas attinet, quae pupillis a Magistratu tutores petere poterant, hoc omnes potuerunt creditores aut amici pupillorum; debuerunt autem omnes, qui pupillis ab intestato succedebant, si ipsi tutelam non susciperent, adeo, ut, si hoc per annum negligerent, a pupillorum pupillarumque successione arcerentur (597), nisi in quibusdam casibus exceptis, quae in legibus inveniuntur.

Testamentaria tutela omnibus aliis praeferebatur, ita quidem, ut, quamdiu testamentaria tutela sperabatur, legitimae aut dativae tutelae locus esse non posset (598); immo, adeo testatoris voluntatem servari placuit, ut tutores, non iure testamento dati, in multis casibus a Magistratu confirmarentur.

Si autem plane deficeret tutela testamentaria, legitimi tutores tutelam

(593) THIBAUT Syst. des Pand. Rechts § 515.

(594) Novell. CXVIII. c. 5.

(595) WESTENBERGIUS lib. XXVI. tit. IV. § 19.

(596) L. 30. Cod. lib. I. tit. IV.

(597) L. 10. Cod. lib. VI. tit. LVIII.

(598) MACKELDEY Lehrbuch der Institutionen § 277.

accipiebant; denique, si neque tutor legitimus esset, aut si esset, qui a tutela arcebatur, a Magistratu constituebatur tutor (599).

Quod ad curam attinet minorum, uno tantum constituebatur modo, scilicet a Magistratu. Omnis igitur minorum cura recte dicitur dativa (600), quamquam curator, testamento datus, quandoque a Magistratu confirmabatur (601): namque hoc casu cura constituebatur, non patris voluntate, sed Magistratus confirmatione.

§ 5.

De officio tutorum et curatorum et de auctoritatis interpositione.

Tutores et curatores, simul ac tutela aut cura ipsis esset delata, tutelam aut curam tenebantur suscipere, aut excusationes, quas habere contenderent, proferre (602), et, si administrationem non caperent intra legitimum tempus, suo periculo cessabant, et damnum, sua cessatione illatum, refarcire tenebantur (603). Tempus, quo tutela delata dicitur, diversum est, pro diversa indole tutelae: nempe, si tutela testamento esset constituta, tempus delationis erat dies, quo ad notitiam tutoris pervenisset, eum ad tutelam esse vocatum; si tutela curae a Magistratu esset data, dies, quo decretum ad tutorem aut curatorem notum factum fuerit, quam significationem legitime fieri debere, per se patet; denique, si tutela ex lege veniret, dies delatae tutelae, quo igitur capienda erat administratio, is erat, quo tutori innotuisset, patrem pupilli esse mortuum (604).

Ceterum, antequam tutores aut curatores administrationem caperent, inventarium conficere tenebantur adeo (605), ut omnia, quae a tutoribus et cura-

(599) WESTENBERGIUS Princip. iur. lib. XXVI. tit. V. § 1.

(600) CL. GRATAMA Prael. pag. 265.

(601) L. 7. § 5. Cod. lib. V. tit. LXX.

(602) THIBAUT Syst. des Pand. Recht. § 511.

(603) L. 1. § 1. Dig. lib. XXVI. tit. VII. Ad tutelam debitam suscipiendam cogi poterant tutores extra ordinem: nempe remediis Praetoriis, id est, mulctae dictione, et pignoris capione.

(604) THIBAUT Syst. des Pand. Recht. § 511. § 16. Inst. lib. I. tit. XXV. L. 13. § 9. L. 21. § 1. L. penult. Dig. lib. XXVII. tit. I. L. 6. Cod. lib. V. tit. LXII.

(605) L. 24. Cod. lib. V. tit. XXXVII.

toribus antea gesta essent, ipso iure essent nulla, nisi confectio inventarii a parentibus fuisset remissa. Neque adeo ipsi matri haec obligatio fuit remissa, ut putat HELLFELD (606).

Quod ad satisfactiones tutorum curatorumve attinet, haec IUSTINIANO iure obtinebant, idque eodem modo, quo aetate praecedenti: nempe tutores legitimi et a minoribus Magistratibus dati satisfacere cogebantur (607), adeo quidem, ut, si satisfacere neglexissent, a tutelis et curis removerentur; satisfacere autem non cogebantur illi, qui a maioribus Magistratibus; praevia inquisitione facta, aut testamento dati erant: horum enim fides et diligentia comprobatae erant.

Haec omnia iam aetate praecedenti obtinebant, at IUSTINIANUS etiam per nova remedia pupillis et minoribus cautum esse voluit, atque adeo constituit, ut tutores et curatores iusiurandum praestare deberent, de tutela et cura fideliter administranda (608).

Tutelis et curis igitur legitime susceptis, alia tutorum et curatorum incipiunt officia, quae ad personam pupilli aut minoris spectant, aut ad eorum patrimonium. Et quidem, quantum ad personam pupilli spectat, tutoris erat alimenta praestare pupillo, et curare, ut bonis moribus instrueretur, atque idoneis praeceptoribus traderetur; in his omnibus tamen patrimonii pupillaris habita ratione (609). Verum nulli magis quam matri educationem pupilli committere debebat tutor, nisi illa ad secundas nuptias transisset, aut pupillis vitricum induxisset. At, si pater constituisset, ubi pupillus morari et educari deberet, hoc erat servandum; si autem nihil de his dixisset, ex Magistratus consilio tutorem agere debere placuit (610).

Haec de impuberibus dicta sunt; verum, quod ad minores attinet, sunt hi personae, quae eius dicuntur aetatis, ut suam personam ipsi defendere possint; unde facile intelligitur, nullum fere officium, quod ad personas minorum, curatori incubuisse.

Quod attinet ad pupillorum aut minorum patrimonium, duplici modo tutor aut cu-

(606) Iurispr. for. § 1331.

(607) LAUTERBACH Coll. lib. XXVI. tit. VII. § 2.

(608) KONOPAK Inst. § 170. et arg. Novell. LXII. c. 8.

(609) CL. GRATAMA Prael. pag. 250.

(610) Novell. XXII. c. 38. L. 1. Cod. lib. V. tit. XXXVII.

rator munere fungebatur. Nimirum hi dominorum fore instar negotia tractabant, veluti, si pupillus nondum fari posset; aut pupilli minoresve ipsi sua negotia tractabant, et tutor interponebat auctoritatem, vel curator dabat consensum, ut negotia effectum in iure haberent. Primo casu tutor patrimonium pupilli aut minoris administrare debebat, ut bonus paterfamilias, et non tantum curare, ut integrum servaretur, verum etiam ut augmentum caperet, ideoque res, quae servando servari non poterant, debebat alienare, pupilli credita exigere, debita solvere; atque in hac gestione culpam gravem et levem (611) praestabat. Verum altero casu solum officium tutoris consistebat in interponenda auctoritate, curatoris in consensu dando. Nimirum tutor interponebat auctoritatem, si pupillus, qui annum VII^{um} impleverat, ipse iuris negotia perageret: aut curator dabat consensum minori, qui ageret, iis in casibus, quibus illud lege requirebatur. Ast hoc non erat perpetuum: namque pupillos et minores suam conditionem, absque tutorum auctoritate curatorumve consensu, meliorem facere posse, recte fuit constitutum (612). Denique negotia, quae iuris civilis non erant, peragere sine consensu aut auctoritate iis erat permisum.

Tutoris auctoritas erat solemnitas et legitima negotii, quod a pupillo agebatur, approbatio, qua pupilli imperfecta voluntas integrabatur; cumque legitimum et solemne esset negotium, requirebatur, ut rite esset factum, statim in negotio ipso, non sub conditione, neque etiam per mandatum (613). Ad hanc auctoritatem interponendam tutor antiquo iure nunquam cogi, neque ob huius omissionem conveniri potuit; at iure novissimo, si tutor sine firmis rationibus auctoritatem denegasset, eum a Iudice condemnari potuisse ad id, quod intererat, negotium peractum non esse, constitutum est (614).

Curatoris consensum ab auctoritate tutoris multum differre, quamvis haec negotia non semper auctores a se invicem distinxerint, iam alibi memoravimus; at hic tantum addimus, curatoris consensum solemnitatibus munitum non fuisse (615), ideoque per mandatum, sub conditione, immo post negotium,

(611) THIBAUT Syst. des Pand. Rechts § 518.

(612) Cl. GRATAMA Prael. pag. 250 et 251.

(613) Cl. GRATAMA Prael. pag. 253.

(614) THIBAUT Syst. des Pand. Recht. § 519.

(615) Cl. GRATAMA Prael. pag. 254.

cui necessarium erat, peractum, dari potuisse; denique, sine auctoritatis interpositione negotium ipso iure nullum fuisse, at sine consensu rescindendum (616).

§ 4.

De rebus eorum, qui sub tutela aut cura sunt, sine decreto non alienandis.

Antiquitus tutores et curatores plenam alienandi facultatem habuisse, SEPTIMIUM SEVERUM, prohibuisse alienationem praediorum rusticorum, et suburbanorum sine decreto, idque postea a CONSTANTINO extensum fuisse ad aliarum rerum alienationem, exceptis tamen rebus, quae servando servari non poterant, iam in praecedentibus notatis diximus. At IUSTINIANUS, hoc ius confirmando, interdixit tutoribus et curatoribus omnium rerum alienationem sine decreto, quod sensu latissimo accipiendum est; excepit tamen fructus, veluti vinum, oleum, frumentum, vel cuiuscumque speciei essent (617). Quod si nihilominus tutores aut curatores sine decreto, aut decreto Magistratui obrepto, res pupillorum aut minorum alienassent, his compete-
bat actio in rem, quae tamen extinguebatur, si per quinque continuos annos post maiorem aetatem impletam nil conquesti essent super tali alienatione, vel suppositione (618). Multa, ad hanc rem pertinentia, quae a IUSTINIANO servata sunt, alio loco iam memoravimus; quamobrem silentio haec transibimus, ne lectores diutius, quam par est, moremur.

§ 5.

De fine tutelarum curarumque.

Tutelae et curae finis duplex erat; namque hanc finem provocabat, aut

(616) HENR. Antiq. Rom. lib. I. tit. XXL § 4.

(617) L. ult. § 5. Cod. lib. V. tit. XXXVII.

(618) L. 3. Cod. lib. V. tit. LXXIV.

Magistratus decretum, aut lex ipsa. Finiebatur itaque tutela et cura ipso iure, aut Magistratus interventione.

Ipsa iure finiebatur tutela pubertate, cura maiori aetate; puberes autem dicebantur masculi, qui annum XIV^{um}, feminae, quae annum XII^{um} implevisissent (619); maiores dicebantur, qui annum aetatis XXV^{um} complevisissent (620).

Finiebatur etiam tutela ante pubertatem, itemque cura ante maiorem aetatem, utraque ipso iure morte pupillarum, minorum, aut ipsorum tutorum aut curatorum (621); item omni capitis diminutione pupilli pupillaeve aut minoris, sed capitis diminutione maxima et media tantum tutorum et curatorum, non minima, nam ius agnationis ex usu recesserat (622). Finiebatur etiam tutela testamentaria, si sub conditione aut ad tempus esset data, conditione vel die veniente (623). Denique, si mater aut avia ad secundas nuptias transissent, earum tutela in filiis quoque cessabat (624).

Magistratu interveniente, tutelae et curae imponebatur finis, si tutor aut curator talem excusationem haberet, qua a suscepta etiam cura aut tutela liberaretur (625); aut si necessaria interveniret excusatio, vi cuius a tutela aut cura arceretur (626); item suspecti et quasi suspecti remotione (627). Denique finiebatur cura, si minores veniam aetatis accepissent.

§ 6.

De excusationibus tutorum et curatorum.

Excusari dicuntur iure IUSTINIANO non tantum ii, qui, sive ob natu-

(619) Inst. princ. lib. I. tit. XXII.

(620) Inst. princ. lib. I. tit. XXIII.

(621) § 3. Inst. lib. I. tit. XXII.

(622) § 1, 4. Inst. lib. I. tit. XXII. Conf. Cl. GRATANA Praelect. pag. 254 seq.

(623) Inst. § 2 et 5. lib. I. tit. XXII.

(624) Novell. XCIV. cap. 2.

(625) MACKELDEY Lehrbuch der Inst. § 282.

(626) ZACHARIAE Institutionen p. 306.

(627) Cl. GRATANA Prael. pag. 374.

rales, five ob legitimas, i. e. lege privilegii in modum concessas, causas, ab onere tutelae et curae liberantur, verum etiam ii, qui arcentur (628). De his primo loco, deinde de illis dicam.

I. Arcentur:

- 1°. Peregrini et servi (629).
- 2°. Feminae, excepta matre et avia (630).
- 3°. Minores (631).
- 4°. Milites, qui sub vexillis versantur (632).
- 5°. Episcopi et monachi (633).
- 6°. Pupillorum minorumve debitores et creditores (634).
- 7°. Inimici capitales pupillorum minorumve, aut parentum eorum, si reconciliatio non intervenerit (635).
- 8°. Qui pupillis aut minoribus status, aut maioris partis patrimonii movent controversiam (636).
- 9°. A parentibus vetiti (637).
- 10°. Qui se fraudulenter ingerunt (638).
- 11°. Maritus a cura uxoris (639).
- 12°. Sponsus a cura sponsae (640).

(628) Conf. quae dixi supra Aet. III. § 8. p. 102 seq. et 106 seq.

(629) L. 7. Cod. lib. V. tit. XXXIV. Conf. Cl. GRATAMA Prael. p. 296.

(630) Nov. CXVII. c. 5. PUFENDORF tom. II. obs. II.

(631) § 13. Inst. h. t. L. ult. Cod. lib. V. tit. 30.

(632) § 14. Inst. h. t.

(633) L. 52. Cod. lib. I. tit. III. Nov. CXXIII. c. 5.

(634) Nov. LXXII. c. 1, 3, 4.

(635) § 9, 11. Inst. h. t. L. 3. § 12. Dig. lib. XXVI. tit. X. L. 6. § 17. Dig. lib. XXVII. tit. I.

(636) Vide Cl. GRATAMA Prael. p. 307—310 ibique laudata iuris loca.

(637) L. 8. pr. Dig. lib. XXVI. tit. II. L. 21. § 2. Dig. lib. XXVI. tit. V. L. un. Cod. lib. V. tit. XLVII.

(638) L. 21. § ult. Dig. lib. XXVI. tit. V.

(639) § 19. Inst. h. t. L. 14. Dig. lib. XXVII. tit. X. L. 2. Cod. lib. V. tit. XXXIV. Ad locum Inst. laud. conf. Cl. GRATAMA Prael. p. 313 seq.

(640) L. 1. § 5. Dig. lib. XXVII. tit. I.

15°. Denique arcentur, quiconque, quavis de causa, tutelae aut curae non sufficiunt; quo referendi sunt:

- a. Animi vitio laborantes, sub quibus intelligimus mente captos, furiosos, prodigos, et generatim omnes, mentis valetudine adversa laborantes (641).
- b. Corporis vitio laborantes, nempe: surdi, muti, caeci, senio laborantes aut alia corporis adversa valetudine, qua incapaces redduntur ad tutelam aut curam administrandam (642).
- c. Illi, qui ingenii cultu carent, veluti, qui rusticitate et mediocritate aut litterarum imperitia ita laborant, ut tutelae gerendae impares sint (643).
- d. Pauperes, si tales sint, ut nullam pignoris aut minoribus securitatem praestare possint (644). Huo etiam pertinent ii, qui satisfactionem dare non possunt (645).

II. Qui a tutela curave liberantur ob causas, lege privilegii in modum concessas, commode in duas classes distinguuntur: namque aliae sunt causae, quae a tutela aut cura suscipienda tantum excusationem tribuunt, aliae, quae non tantum a suscipiendo, verum etiam a suscepto onere liberant.

A. A tutela aut cura suscipienda liberantur:

- 1°. Qui publica potestate muniti sunt (646).
- 2°. Senatores, ad certum modum (647).
- 5°. Qui res Fisci aut Principis administrant (648).

(641) § 2. Inst. lib. I. tit. XIV. § 13. Inst. h. t. L. 11. Dig. lib. XXVI. tit. I. L. 10. § 3. Dig. lib. XXVI. tit. II.

(642) § 7. Inst. lib. I. tit. XXV. L. 17. Dig. lib. XXVI. tit. I. L. 40. pr. L. 45. § 4. Dig. lib. XXVII. tit. I.

(643) L. 6. § 19. Dig. lib. XXVII. tit. I.

(644) § 6. Inst. h. t. L. 7. L. 40. § 1. Dig. lib. XXVII. tit. I.

(645) L. 2. Cod. lib. V. tit. XLII.

(646) § 3. Inst. h. t.

(647) L. 15. § 2, 3. L. 21. § 3. Dig. lib. XXVII. tit. I.

(648) § 1. Inst. h. t. L. 10. Cod. lib. V. tit. LXII.

- 4°. Praefecti vigilarum et annonae (649).
- 5°. Mensores frumentarii (650).
- 6°. Qui profitentur artes liberales, quas profiteri intelliguntur iure novissimo Grammatici, Rhetores, Medici, Sophistae, Philosophi, et legum Doctores, Romae docentes (651).
- 7°. Athletae, qui in sacris certaminibus victores coronati sunt (652).
- 8°. Ingenui, ratione libertinorum, quibus dati sunt tutores aut curatores (653).
- 9°. Qui Romae tres, in Italia quatuor, in Provinciis quinque, liberos superstites habent, inter quos etiam numerantur, qui in acie ceciderunt (654).
- 10°. Qui onus triplex tutelae non adfectatae vel curae habent, ab ulteriore tutelarum aut curarum onere liberantur (655). Item, qui unam habent tutelam, tam diffusam et negotii plenam, ut pro pluribus cedat (656).
- 11°. Maiores septuaginta annis (657).
- 12°. Collegiorum privilegiorum loci; qui tamen a tutela aut curis filiorum collegarum non sunt immunes (658).
- 13°. Qui tutelam alicuius gessit, a cura eiusdem excusare se potest (659).
- 14°. Qui domicilium non habent in ea provincia, ubi tutela aut cura delata est (660).

(649) Conf. Cl. GRATANA Prael. p. 330 seq. et loca ibidem laudata.

(650) L. 26. Dig. lib. XXVII. tit. I.

(651) De his vid. WESTENBERGIUS, Princ. iur. lib. XXVII. tit. I. § 23—25, et loca ab eodem laudata.

(652) L. 6. § 13. Dig. lib. XXVII. tit. I. L. un. Cod. lib. X. tit. LIII.

(653) L. 44. pr. Dig. L. 1. § 4. Dig. lib. XXVII. tit. I.

(654) Inst. pr. lib. I. tit. XXV.

(655) § 5. Inst. h. t. L. 4. L. 5. L. 6. pr. Dig. lib. XXVII. tit. I.

(656) L. 31. § 4. Dig. lib. XXVII. tit. I.

(657) § 13. Inst. h. t. L. un. Cod. lib. V. tit. LXVIII.

(658) L. 17. § 2, 3. L. 41. § 3. L. ult. pr. et § 1. Dig. lib. XXVII. tit. I. L. penult. Cod. lib. V. tit. LXII.

(659) § 18. Inst. h. t. L. 20. Cod. lib. V. tit. LXII.

(660) L. ult. § 2. Dig. lib. XXVII. tit. I.

15°. Qui propter inimicitias dati sunt tutores (661):

16°. Milites, qui, completo militiae tempore, honestam missionem consecuti sunt (662).

17°. In exilium perpetuum missi (663).

B. A tutela et cura, etiam suscepta, liberantur

1°. Qui domicilium in aliam provinciam transtulerunt, ex rescripto Imperatoris, scientis, tutorem aut curatorem esse eum, et tamen hanc translationem expresse per literas concedentis (664).

2°. Reipublicae causa absentes (665).

3°. Qui in Consilium Principis assumpti sunt (666).

§ 7.

De actionibus, quibus locus est, finita tutela aut cura.

Finita tutela aut cura, variae dantur actiones. Primo loco hic in censum veniat *actio tutelae directa*, quae est *actio personalis, civilis, bonae fidei; quae datur pupillo, eiusque heredi, finita tutela; adversus tutorem, eiusque heredem; ad rationes reddendas, et reliqua praestanda, nec non dolum et levem culpam* (667). Ad exemplum autem huius actionis introducta est *actio tutelae directa utilis*, curationis causa; quae datur minori contra curatorem, similiter ad rationes reddendas, et reliqua praestanda: quaeque ad protutores extensa est (668).

(661) § 9. Inst. h. t. L. 6. § 17. Dig. lib. XXVII. tit. I. L. 14. Cod. lib. V. tit. LXII.

(662) L. 8. pr. § 2, 3. Dig. lib. XXVII. tit. I. L. 1. Cod. lib. V. tit. LXV. L. 3. Cod. lib. X. tit. LIV.

(663) L. 29. pr. D. lib. XXVII. tit. I.

(664) L. 12. § 1. Dig. lib. XXVII. tit. I.

(665) § 2. Inst. h. t. L. 10. pr. et § 2. Dig. lib. XXVII. tit. I. L. 11. § 2. Dig. lib. IV. tit. IV.

(666) L. 30. pr. Dig. lib. XXVII. tit. I.

(667) WRESTERBERG Princ. iur. lib. XXVII. tit. III. § 3.

(668) THIBAUT Syst. des Pand. Rechts § 541. — L. 16. § 1. Dig. lib. XXVII. tit. III. et L. 1. pr. L. 4. Dig. lib. XXVII. tit. V.

Quemadmodum vero pupillus adversus tutorem habet *actionem tutelae directam*, sic tutor adversus pupillum habet *actionem tutelae contrariam*, quae est *actio personalis, civilis, bonae fidei; quae datur tutori, eiusque heredi, finita tutela; contra pupillum, eiusque heredem; ut indemnus servetur, seu ad omne id, quod ipsi ratione tutelae abest, vel abfuturum est* (669); quae etiam ad curatores et protutores extensa fuit, utilitatis iterum facta mentione.

Iam superest, ut moneamus, *actionem hypothecariam*, quae iam olim pupillis et minoribus fuerat concessa, ad tutorum et curatorum bona pignoris iure vindicanda, si debitores existerent, iure IUSTINIANO etiam fuisse servatam. Quod ad *suspecti postulationem*, et alia iuris remedia, quae ad hunc locum pertinent, nil monendum censemus: quid enim illis, quae his de rebus varia et accurata ratione dixit clarissimus GRATANA (670), ego tirunculus adderem? Vela igitur demitto, sperans fore, ut conatus mei felicem habeant eventum. At si plura a re aliena dixerim, alia minus accurate tractaverim, mihi tamen solatio erit Horatianum illud: *Ridentur, qui mala componunt carmina, verum gaudent scribentes*.

Symbolum. *Nec ideo contemnas legum istarum antiquitates, quod plerisque ipsis populus Romanus uti defuerit.* AULUS GELLIUS
Noct. Att. lib. XX. cap. I.

(669) WESTENBERG Princ. iur. lib. XXVII. tit. IV. § 3.

(670) Prael. p. 270—281.

GULIELMI FRANCISCI DE MEY,

CLEVENSI,

**MEDICINAE CANDIDATI IN ACADEMIA GRONINGANA,
NUNC MEDICINAE DOCTORIS**

R E S P O N S I O

A D

Q U A E S T I O N E M

AB ORDINE MEDICO

ACADEMIAE GRONINGANAE

PROPOSITAM

Anno MDCCCXXIV.

*Quum mors suspensorum ab auctoribus Medicis vario modo explicetur
et quaestionibus haud paucis in Medicina Forensi ansam dederit,
quaeritur: quanam sententia maxime probabilis sit habenda, et
quomodo secundum hanc ad illas quaestiones sit respondendum.*

QUAE PRAEMIUM REPORTAVIT

a. d. 13 Oct. MDCCCXXV.

LE TRAVAIL FRANÇAIS DE MIEUX

LE TRAVAIL

LE TRAVAIL FRANÇAIS DE MIEUX

LE TRAVAIL FRANÇAIS DE MIEUX

LE TRAVAIL FRANÇAIS DE MIEUX

LE TRAVAIL FRANÇAIS DE MIEUX

*Le travail veut un but; au bout de la carrière on s'anime à sa vue,
et surtout on espère.*

JACQUES DE LILLE.

Quis est medicorum, qui tam agresti duroque vivit animo, quem non moveat summa medicinae forensis utilitas, pulcherrima enim illa medicinae pars, quae veri amorem complectitur, scientiarum atque humanitatis commodis amplificandis infervit, iure merito ab omnibus bonis laudatur et aestimatur tamquam magni momenti studium, quo haud raro veritas luce meridiana clarius apparet, et praecavetur, ne innocentes homines forsan immeritis subeant poenas, si rite tantum adhibeatur, quemnam auctorem habeat, vel quam ratione promoveatur, grato semper animo revereri debet. Quicumque igitur primoribus modo labiis hanc disciplinam gustarunt, summisque eruditissimorum virorum vestigiis, qui labores suos hanc in rem instituere non desinunt, e longinquo tantum insistere potuerunt, satis superque cognitum habebunt, magni ingenii tantum laborem esse, aliquam huius disciplinae partem a viris, scientia, cultura, atque ingenio paribus excultam, debita ratione pertractare velle. Ab altera tamen parte, utilisima haec disciplina saepe negligitur, vel saltem nimia levitate pertractatur, unde damna haud reparanda, nisi se ab audaci volatu retrahant iu-

lices et ingenio praecisis alis plumbum addant, oboriuntur. Cavendum itaque omnino in re adeo momentosa pertractanda, ne nimia praecipitatione, neglecta debita circumstantiarum signorumque animadversione, sensuum falacia praecupataque iudicandi ratione decipiamur, atque ex falsa conclusione erroneum iudicium pronuntiemus. Haec cum ita sint, multaeque lites circa suspenforum mortem inter medicinae forensis auctores agitatae sint, forsitan animum dedere quaestioni a nobilissima Facultate Medica, quae Groningae est, academiarum civibus propositae, qua „quum mors suspenforum ab auctoribus medicis vario modo explicetur et quaestionibus haud paucis in medicina forense animum dederit, quaeritur, quaenam sententia maxime probabilis sit habenda, et quomodo secundum hanc ad illas sit respondendum.” Quamvis tenuitatis meae probe sim conscius, et verear, ne impares oneri ferendo sint humeri, haec quaestio tamen me commovit, ut vires qualescunque, data occasione, periclitare vellem, pro juvenilibus itaque viribus, Viri celeberrimi! medicinae Antistites! benevolentiae vestrae haecce pauca rudi adhuc calamo elaborata etiam atque etiam commendo.

CAPUT PRIMUM.

Num quis vivus an post mortem suspensus fuerit.

§ 1.

Suspendium illud mortis genus exhibet, ad quod saepe voluntarii miseri desperabundi, ob taedium vitae, aliasve causas tamquam ultimum solatium recurrunt. Hicce autem modus vitae terminum imponendi, saepe usurpatur, et facile perpetratur, non solum quia mortis apparatus haud magna indiget cura, et nihil animo terribile in se continet, sed etiam quoniam hoc in statu nullum amplius dolorem percipere credunt, quod insuper confirmatur eorum testimoniis, qui post suspendium in vitam revocati sunt: porro supplicii fistit genus, quod ab antiquis inde temporibus, et iam adhuc proh dolor! multis in regionibus in usum vocatur, denique hand raro scelesti homines, vitae aliorum infidias struentes, hoc auxilio utuntur, ut sua horrenda conamina et nefanda scelera fuscis tenebris obvolvere queant: sic nonnunquam, homicidii celandi causa, miserum quem trucidaverunt funi alligant, eum in finem, ut trucidatus sibi ipsi violentas intulisse videatur manus, et tali ratione poenam debitam aufugere et iudicem decipere queant.

Summum itaque medici forensis est officium, veros criminis indagare fontes, omniaque simul perpendere signa, ut inde elucescat, num medicinae luce adiuvente, lustrari possint facta, ab homicidiis praetervisa, humanitatis emolu-

mento patefacta et in sceleratum caput redundatura, ut iudices tali ratione magnos errores, quorum recordatio apud bonum quemque lacrimas et gemitus opprobrio humanitatis excitare debet, vitare possint. Annales enim iuridicae, proh dolor! oculis offerunt historiam homicidiorum iuridicorum, quae minime firmo nituntur fulcro, et iudicum nonnullorum, si non ignorantiam, summam tamen levitatem, qua hanc materiam adeo momentosam pertractarunt, ab omni parte patefaciunt; unum tantum exemplum e multis allegasse sufficiat. Respicimus modo ad fatum innocui senis CALASSII, quis enim tam durus, tam ferreus est, ut morte venerabilis senis non illacrymetur! IOANNES nempe CALASSIUS tale iudicium iniustum, religionis fervore et odio praecipue productum, anno 1762 Tolosae passus est: probus venerandusque ille senex, ad rotae crudelissimum supplicium condemnatus fuit, filio quippe eius MARCO ANTONIO CALASSIO iuveni melancholico, ob religionem reformatam, cui cum familia erat addictus, minime aliquod publicum occupare licebat munus: hanc ob causam ad tempus terendum, vitae disolutae tandem se dedit, et sibi ipsi crudeles infligere decrevit manus, quod consilium vesperi exitum habuit, quando alea multum pecuniae amiserat. Inveniunt ipsum pater IOHANNES CALASSIUS senex 68 aetatis annuum duceus, mater, ipsius amicus, et ancilla Catholicae religioni addicta suspensum, solo indusio vestitum, ita ut vestes iuxta eum iacerent, nihil in corpore delegebatur, si excipias maculam lividam in pectore obviam, qualis saepius in suspensis detegitur; mox publico excitato tumultu, accurrit plebs et, monachis seducta, scelus illud a familia perpetratum esse, alta voce clamat! absque ulla certitudine, vel ipsius rei confessione, contra omnem probabilitatem, imprudentes iudices familiam huius facinoris ream declarant, patrem ad rotae supplicium condemnant, reliquisque exilii poenam inponunt. Illud iniquum iudicium ad Regis perducitur aures, plures causarum patroni celebres aequam huius infelicitis familiae defendunt causam, et tandem ipsi iudices iniqui luunt poenas meritas, et iudicium ipsum annihilatur, dum ipsius optimi et probi senis memoria ab omni liberatur labe, (1).

Saepe illud accidit, ut index circa hominem loco quocunque suspensum, medici

(1) Vide VOLTAIRE, *mélanges de Philosophie de Morale et de Politique*, T. 7. et *Traité sur la Tolérance histoire abrégée de la mort de JEAN CALAS*, page 30.

forensis iudicium efflagitet, nempe at causas quodlibet huius mortis rite explicet, et tunc vulgo requiritur, ut ad duplicem respondeat quaestionem.

I^o. An hicce suspensus durante vita suspendium passus sit, ita ut suspensio pro mortis causa proxima habenda sit, an vero antea quacumque ratione trucidatus, dein mortuus suspensus fuerit.

Illud quippe non raro obtinet, quod scelerosi nefariiue homines, ut homicidium celent, alia ratione peremptum hominem suffocatione sc., veneficio, vulneribus occultis, vel strangulatione, dein suspendant, eo nempe consilio, ut iudices credant huncce defunctum sibi propria manu mortem conciliasse.

II^o. Iure merito quaeri potest, num homo sibiimet ipsi crudeles admoverit manus, se ipsum suspenderit, num vero illud ab alio homine perpetratum sit.

Quamvis primori uti aiunt fronte, facilis haecce videatur quaestio, atque indicia satis ad evidentiam perducta esse videantur, in plerisque tamen casibus, indicium multis laborare difficultatibus, in multis vero nullam certitudinem fieri videbimus. Infelix enim suicida ob anxietatem et animum desperabundum, durante ultima vitae periodo, proprio corpori vulnera infligere et dein fatali laqueo collum constringere potest, vel ab altera parte, solertes malefici tanta astutia et nefandi sceleris tegendi sagacitate possunt, ut saepe ex cadaverum inspectione, nullam probabilitatem, et ex causarum accuratissima perquisitione, vix certitudinem acquirere queamus: tandem cadaver hominis, qui placide vitam cum morte commutavit, aut morbo quodam succubuit, suspendi potest, ut homicidii suspicio cadat in eos, qui familiaritate defuncti utebantur, vel sanguine proxime ei erant coniuncti, vel denique ut eius inimici, quamvis innocentes, poenas subeant.

In hacce autem diradicanda quaestione semper magna uti oportet medicum prudentia: res enim adeo momentosa et tam difficilis, in qua haud raro de securitate, honore, et vita hominum aliquando innocentiam agitur, maximam requirit circumspectionem, ne ab una parte innocens forte accusetur criminis, et ab altera ne rei crimine absolvantur.

Ut autem utramque illam quaestionem rite enucleari possimus, oportet, ut eruamus signa generalia a multis celeberrimis auctoribus observata, ex quibus patet, suspensum revera hacce ratione esse emortuum.

I^o. Itaque breviter ea, quae ex cadaveris sectione notata sunt enarrabimus.

II°. Varias theorias circa suspendii naturam traditas in medium proferemus.

III°. Videbimus, quantum valoris signis tamquam characteristicis a medicinae forensis auctoribus recensitis, tribui possit.

IV°. Indicabimus signa, quae suum ab homicidio distinguunt.

V°. Tandem nonnulla horum miserorum restitutionem in vitam spectantia trademus.

§ 2.

Signa durante suspendii processu vulgo obvia.

Simulac fatali laqueo miserorum stringuntur fances, anxiae respirationis symptomata in conspectum prodeunt, stertor oritur in pectore, respiratio primo summis cum angustiis perficitur, dein plenarie impeditur. Vox aufertur, accidunt motus convulsi, spuma crassa nonnunquam cruore tincta, per os et nares exitum quaerit, oculi sunt semiaperti vel prominentes fiunt, aliquando lacrymas fundunt. Facies praecipue varias subit mutationes, primo quippe rubet, tumet, dein livescit, imo nonnunquam ad nigrum accedit colorem, oculi albuginea in aliquibus nullum ruborem ostendit, in aliis vero tota inflammata deprehenditur, lingua plerumque tumida, livida, dentibus compressa, aliquando incisa et pro parte extra oris cavitatem propendit, labia saepe tument ac livent, raro sanguis ex ore vel naribus, rarius adhuc ex auribus effluit, abdominis integumenta in aliquibus sunt intropressa, in aliis vero elevata, digiti manus et pedum sunt contracti ac lividi, sub unguibus aliquando livor deprehenditur; humeri, brachia et crura saepissime plagas purpureas exhibent, vel tota rubore livido suffusa deteguntur, aliquando omnis corporis superficies colorem rubicundum ad lividum accedentem exhibet, nonnunquam corpus quoad habitum externum sanis corporibus simile animadvertitur, interea horrendi oboriuntur spasmi, unde risus, musculorum oris contractio, extremorum tremor et convulsiones; penis saepe in statu erectionis versatur, scrotum ecchymosi, videtur affectum, in feminis partus depletio alvi et vesicae, cessat brevi pulsus momentum, non amplius sentiri potest, convellitur miser, omnis perditur motus, et tandem subita sequitur mors. Quod ad eos qui temporis, debito allato auxilio, in vitam sunt revocati, quando in hacce conditione versantur, vix

ullum percipiunt doloris sensum, generalis vero sensationem rigiditatis, statim plenariae conscientiae deperditione infectam (1).

Narrarunt nonnulli, se vidisse speciem flammae, vel immensum et splendendum fabar, perfecta obscuritate ipso momento infectam (2). Quia ob impeditam respirationem, venae capitis, sanguine repletae et turgidae, totum cerebrum partesque nervosas feriunt et comprimunt: qui ex Erebi littoris ad vitam revocati sunt, per aliquod spatium temporis, extremorum rigorem atque stuporem experti sunt, imo nonnumquam per totam vitam convulsionibus et epilepsia laborarunt (3).

§ 3.

De iis quae anatomica disquisitio circa suspensorum cadavera docuit.

Capitis Cavitates.

Accumulationem sanguinis in capite plurimi observarunt. Anatomici vasa sanguinea in superficie cerebri valde sanguine nigro infarcta visa sunt (4): puncta rubra in cerebri substantia occurrebant; ita ut remota dura meninge magna sanguinis quantitas effluxerit (5): vasa derae matris valde sanguine referta vidit LITTE (6); piae matris et tunicae arachnoideae vasa multo sanguine scatentia, cerebrum omniaque eius vasa sanguine praeter modum turgida observavit Dt. HINZE (7); membranam vasculosam cerebri inter gyros eleganti spectaculo sanguine refertam viderunt STOLTE et DE HAEN (8); substantia ce-

(1) *Dictionnaire des sciences medicales*, Tome 2, pag. 377. CESALPINUS, quaest. med. legal. libro 2, Q. 15. MORGAGNIUS, de sed. et causis morborum, libro 2, Epist. 19, Art. 36.

(2) Vide diss. de submersis doct. IAC. M'DONNEL, sect. 2, § 61 recepta in thesauro medico disputationum Edinb. Tomo 4, Edinburg 1785.

(3) V. *Diction. des sciences med.*, Tome 53, pag. 527.

(4) *Orfila leçons de medecine legale*, Tome 1, pag. 566.

(5) WEPFERUS, exerc. de locis affect. in apoplexia, p. 93.

(6) *Histoire de l'Academie Royale des sciences* anno 1704, obs. 2.

(7) HENKE. *Zeitschrift für die Staats-ärzneykunde*. 1822, heft 2, pag. 340.

(8) Diss. de morte suspensorum Groningae, anno 1766, pag. 5. DE HAEN, ratio med. Tomo 4, Cap. XI, Sect. 3. et 5: L. B. 1675.

robri corticulis et medullis saepe manifeste rubra atque valde turgida detecta est (10): remoto corpore tellosa ventriculos cerebri anteriores et posteriores rore seposito oblitatas viderunt STOLTE et HINZE; venae plexus choroidei omniaque eius vasa sanguine turgida erant, basis cerebri dimidium circiter feri sanguinolenti coagula continet.

Ab altera tamen parte plures dantur auctores fide dignissimi imo ipsi anatomici citati, qui nullam sanguinis accumulationem maiorem in universo cerebro, quam in cadaveribus naturali morte extinctis invenerunt, ita ut nullam certitudinem habeamus, num aliquis suspensus hac morte revera paratus sit. Hancce sanguinis accumulationem, in cerebro suspenforum obviam, itidemque nullam praeternaturalem huius liquidi quantitatem nemo medicorum, uti vidimus, negat, licet de huius phaenomeni causa haud convenient, et forsan etiam adhuc non ad evidentiam perducta sit.

Necesse tamen est ut respiciamus ad varias et diversas mutationes, quas cadavera post fatum subire possunt. Unde propria experientia in suspenforum cadaveribus edoctus est Cl. FLEISCHMANN, sequentia monens: „Wird, nämlich der Körper horizontal, oder Vagellend, wie gewöhnlich beim transport, mit dem kopfe tiefer gelegt, so senkt sich das, besonders beim erstickungstode, flussig bleibende blut allmähig, in die klappenlosen venen des gehirns, und auch zum theil selbst in die des gestichts und des ganzen kopfes zurück, und verursacht anfüllung und blaue röthe, und ist nicht immer, in dem augenblick schon vorhanden, wo der erhängte noch hangend gefunden wird“ (11).

§ 4.

Pectoris Cavitas.

Videamus quid cadaverum sectio circa phaenomena in pectoris organis obvia, utpote summi momenti, ab Anatomicis habita docuit.

(10) HINZE in HENKES *Zeitschr.*, l. c. 1824, Heft 3, pag. 124. STOLTE l. c. pag. 6. HINZE l. c. 1822, pag. 341.

(11) HENKES *Zeitschrift*, zweiter jahrgang 1822, zweiter viertel jahresheft, pag. 324.

Ab antiquis inde iam temporibus magnae et multae agitatae sunt controversiae circa absentiam vel praesentiam spumae sanguinolentae in pulmonibus; breviter igitur ea, quae memoria prodiderunt celeberrimi Anatomici, enarrare constitui. Iuxta ALBERTI (12) in pulmonibus praecipue deprehenduntur suspensionis signa: pulmones plurimum distentos et infarctos sanguine vidit. HAEVARIUS (13): BARTHOLINUS (14) eos spongiosos, flaccidos, maculis livescensibus obsesos, et marmoris in morem variegatos observavit; alii in casu adeo sanguine terant spumoso obsesi, ut venae tumidae in membrana essent conspicuae; WEBER aliique (15) pulmonales lobos maxime inflatos, maculis litidis obductos, sanguine fluido atro repletos esse notant; MORGAGNIUS (16) pulmones, quando sum spectant, levi phlogosi correptos vidit; ORFILA (17) illos prope magna vasa venosa dissecuit, dexter pulmō parvam, sinister vero sat ingentem sanguinis copiam fundebat, ambo etiam incisione erant crepitantes; LITTANI (18) eos acce adeo turgidos vidit, ut totum thoracis cavum replerent; BARTHOLINUS et DE HAEN (19) fistulam pulmonum spuma copiosa impletam esse animadvertunt; tres tamen refert, historias suspensionum ultimas auctores, in quibus pulmones plenarie spuma erant destituti.

WEBERUS et ALBERTI (20) cordis ventriculum anteriorem sanguine repletum invenerunt, posteriorem vero vasum, BARTHOLINUS (21) utrumque cordis ventriculum sanguine abundare notat; Id. KLEIN (22) casus quatuor refert, in quibus cor dextrum atque sinistrum sanguine omnino erat va-

(12) Iuris pr. med. syst. et theor. pag. 234.

(13) Exercit. anat. de motu cordis et circuli pag. 248.

(14) Historia anat. rar. Cent. I. Hist. 32.

(15) l. c. pag. 6. STOLTE l. c.

(16) l. c. art. 3. Epist. 10.

(17) *Lectus de med. legalis*, pag. 565.

(18) l. c. ...

(19) l. c. cent. 4, hist. 6.

(20) *Ratio Med.*, Tomo 4, Caput 9, Sect. 5, § 6.

(21) l. c. ALBERTI Praxis extemp. casu 8, § 7.

(22) l. c. Cent. 4, Hist. 6.

(23) In HUFLANDII diario anni 1816, Tomo 43, Pars. 5, pag. 28. EsQUIAON vide ORFILA l. c. pag. 562. DE HAEN l. l. § 4 et 5. MORGAGNI l. l. lib. 2, epist. 19.

cum, idem notat LITTE (24), qui ventriculū cordis anticum aere cum impetu foras erumpente et sanguine spumante repletum observavit, HARVÆUS (25) auriculam cordis dextram ad maximi hominis pugni magnitudinem turgentem adeo, ut disruptam iri putares, vidit, vasa coronaria præter modum magna, coerulea et sanguine repleta notat HENSE (26); arteriam pulmonalem, præsertim eius ramos minores, sanguine scatentem, venas e contra pulmonales vix sanguinis guttam fundentes vidit Dt. STOLTE (27).

Monendum tamen in examine forenfi, summi esse momenti, ut temporis post mortem elapsi ratio habeatur, quod, præcunte ESQUIROLLO, ex casu summi HARVÆI de cordis auricula valde tumente, cuius mox mentionem fecimus, satis superque patet; cadaveris sectionem intra bihorium a suspendio instituit, sequenti verò die, refrigerato planarie corpore, et per alias vias cruore dilapso, illa moles detumescens disparuerat. Itidem omnem sanguinis congestionem in pulmonibus non semper a violenta derivandam esse morte, sed aliquando tamquam sequelam eorum, quæ post fatum in pulmonibus obtinent, considerari debere, monet Cl. DRELLA sequentia dicens: „Si l'agonie n'a pas été longue, la portion des poudons, qui étoit la plus declive au moment du refroidissement du cadavre, sera engorgée; si, comme il arrive le plus ordinairement, l'individu est couché, sur le dos au moment de la mort, et que le cadavre n'ait pas été retourné, la congestion sanguine se trouvera dans la portion dorsale des poudons; elle occupera au contraire leur partie antérieure ou leur partie inférieure, si au moment de la mort l'individu étoit couché sur le ventre, ou dans une situation verticale, comme dans la suspension, et que l'on n'ait point changé l'attitude du cadavre pendant le refroidissement. Si on retourne le cadavre immédiatement après la mort, les poudons présenteront à peine quelques traces d'engorgement dans la partie qui étoit la plus declive, quand l'individu a cessé de vivre, tout le sang s'accumulera dans les portions les plus declives au moment du refroidissement. Si l'agonie a été longue ou que le malade ait succombé à une affection du thorax avec gêne considérable

(24) l. c. Observ. anat. 2.

(25) l. l. pag. 148.

(26) vide HENSE l. l. pag. 343.

(27) l. l. pag. 12.

„de la respiration; la congestion sanguine occu-
 „plus déclive au moment de la mort; on a beau retourner sur le ventre le
 „corps d'un pareil individu, qui vient d'expirer étant couché sur le dos, l'engor-
 „gement sanguin se trouve dans la portion dorsale de la partie thoracique des
 „poumons, celle qui est la plus déclive au moment du refroidissement offre à
 „peine quelques traces de congestion. Il suit de ce qui précède, que l'on se
 „tromperait, en voulant juger d'après la lividité de telle ou de telle autre partie
 „des poumons, la situation de l'individu au moment de la mort ou du refroi-
 „dissement du cadavre, puisqu'il est évident, que l'on doit tenir compte aussi
 „de la durée de l'agonie" (28).

§ 5.

Intestinorum Cavitas.

HINZENIUS (29) in magna et parva ventriculi curvatura vasa sanguinea val-
 de inflammata conspexit. STOLTE et CAMPERUS (30) ventriculorum quam plu-
 rimis in locis ruberrimum, hinc inde lividum vel nigrum esse notant; hepar
 ingentis magnitudinis coloris rubicundi invenit BARTHOLINUS (31) multo ve-
 ro sanguine infarctum STOLTE (32), lienem cruore turgidum observavit idem
 auctor ut et HINZENIUS (33), ORFILA (34) vero hepar et lienem ab omni
 parte sanum vidit, BARTHOLINUS (35) in intestinis nil singulare observavit, ni-
 si quod flatu potius quam alio humore turgent, HALLERUS et CAMPERUS (36)
 intestina ruberrima esse notant; tenuia vero purpurea, diversoque gradu in-
 flammationis indicia exhibentia viderunt. DE HAEN (37) jejunum maxime in-

(28) l. l. pag. 515.

(29) HENKE 1822, *zweites Vierteljahrheft*, pag. 343.(30) l. c. pag. 12. CAMPER, *demonstr. anat. pathol.*, lib. 2, cap. 3, § 7.

(31) l. c. Cent. 4, hist. 6.

(32) l. l.

(33) l. l.

(34) l. l. pag. 566.

(35) l. l.

(36) *Opuscula pathol. Hist.* 7, Obf. 33, pag. 74. CAMPER l. l.(37) *Ratio Medendi*. Tomo 4, Cap. 9, Sect. 5, p. 2.

inflammatum, conspexit, HINZLUS (38) vixit illud ab eandem parte: Anquam observa-
vit, CAMPERUS intestina hinc inde nigra, ac si fibrata fuissent, phlegmes etiam
e pelve, suffum tracta. se invenisse, testatur. ROEMERUS (39) in intestinis
venas sanguine adeo saturatas vidit, ut quip systema venosum de industria re-
pletum fuisse dixisset, arteries tamen trunci erant victi, mesenterii, pancrea-
tis et duodeni inflammationem observavit, ROEGNERUS (40) fidem venas
cavae descendentes truncum sanguine valde distentum et renes cruore turgentes
refert, penis aliquando erectio spermatisque evacuatio fuit observata, multum ta-
men abest, quin haec genitalium affectio tanquam characteristicum signum
consideranda sit, notante KLEINIO, qui numquam illud vidit, dum HINZLUS
et praecipue REMERUS illam affectionem plus semel observarunt.

(38) l. l. pag. 344.

(39) Opuscula Medica, pag. 291.

(40) l. l. Epistola 19, Art. 17.

CAPUT SECUNDUM.

§ 6.

De natura mortis suspensorum.

Si veterum medicorum monumenta attenta mente pervolvamus, videbimus, iam plures (41) statuisse, genus mortis suspensorum ex impedita respiratione propter tracheæ constitutionem, vel viarum aeriferarum plenariam occlusionem, a fatali laqueo productam, esse derivandam: nec desunt exempla, quas nos abunde docent, recentiores quam plurimos huic opinioni favere (42), ad hanc sententiam corroborandam sequentia retulerunt;

1°. Corpuscula casu laryngem opplentia eodem ac suspensio exserere effectus, eandem sententiam amplectitur GL. RICHERAND (43) quamvis simul asserat, mortem aspe pendere a dislocatione primæ colli vertebrae;

2°. Miseros, simulac e laqueo pendent, irritos et vanos instituire conatus ad respirationem perficiendam;

3°. Laesionem et occlusionem organorum respirationi dicatorum. Dantur auctores, qui credunt fructuram laryngis compressionem hand admittere, neque

(41) KAAU BOERHAVEN impet. fac. in HIPPOCR. aphor. pag. 473. LANCISIUS de subtilis. mortibus p. 33. GALENUS comm. in HIPPOCR. sphor. 43, comm. 2, p. 18 et comm. 4, p. 31. DE HAEN *abhandl. über die art des Todes ertrunkenen*, pag. 104. MORGAGNIUS l. c. artic. 38. BORRELIUS de motu animalium, Vol. 2, cap. 8, prop. 119. *The works of P. SAÇON, Baron of Verulam*. Vol. 2, artic. 15. STOLTE l. c. VAN GEUNS, *disf. inaug. de morte corporum*, § 5, p. 16.

(42) SAVARY, *Dict. des sciences med. Tome 2, page 377*. DE HAEN, *ratio med. condn. Tomo 1, part 2, sect. 4, p. 144 ed. Leyd.* REYDELST, *Dict. des scienc. med. Tom. 40, pag. 168*.

(43) RICHERAND, *nouveaux élémens de physiol. Tom. 1, pag. 391*.

hoc organon vinculo satis comprimi posse, ut omnis aeris aditus arceatur, nisi laryngis cartilagine a carnifice diffringerentur. Fateor plures tales observaciones quidem in collateribus suspensis et necatis factas esse; ita MALLERUS (44) vidit funestum laqueum inter cartilaginem scutiformem et os hyoidis in pharyngis caveam irreplisse, cricoideam cartilaginem a broncho separatam ruptamque scutiformem, atque alii celeberrimi viri similes notarunt casus; quamvis haec experimenta vera sint uti sunt, verisissima, tamen exinde non patet, asperam arteriam et laryngem non posse comprimi, experimenta enim quamplurima a doctissimo STOLTE (45) instituta in canibus, ad plenariam usque evidentiam demonstrant, tracheam laqueo infra laryngem confixito, ad corpora vertebrarum ita comprimi, ut integer canalus ocludatur, illamque, vinculo soluto, continuo in pristinam restitui formam, opinio enim, ac si cartilagine tracheae compressioni obstitarent, exinde originem duxisse videtur, quod Anatomici non inciderint cadavera, nisi vinculo iam soluto, quo tempore trachea ob elasticitatem suam absque ullo praegressae compressionis indicio, pristinam suam iterum adepta est formam: experimenta insuper demonstrant in cadavere humano, ut comprimatur aspera arteria infra laryngem, dimidium totius corporis pondus haud quaquam requiri, illamque dempta compressione, in hominibus, aequae ac in animalibus, resilire (46). Patet itaque laqueam, durante suspensio, ubi integrum corporis pondus in eum agit, confringere posse tracheam. Cl. MONRO (47) ulterius experimenta doct. STOLTE confirmavit, nempe cani suspensio infra laqueum aperuit tracheam, quo facto animal absque ullo incommodo $\frac{1}{2}$ horae partes adhuc vixit. Itidem Cl. KIRK (48) canis collum integrum, excepta trachea, laqueo compressit tribus viris fortiter attrahi iussit, quo tamen animal duas adhuc horas vixit, et sola constrictione potius quam alia causa mortuum fuisse videbatur: simile fere experimentum instituit Cl. GREGORY (49), collum canis arcte constrinxit, postquam infra illum locum

(44) *Elements physiologie*, Tome 3, pag. 271.

(45) l. l. pag. 20 seq.

(46) COLEMAN's *diss. on suspended respiration* p. 150.

(47) RICHESAND l. c.

(48) *Essays and observations into the submersion of animals, etc.* London, 1795, pag. 127.

(49) I. B. DE LA FAILLE, *disc. physiol. med. inang. de asphyxia*, p. 185.

tracheae aperturam infisterat, per quam aperturam aer libere intrabat et exibat, et animal vivere pergebat, donec infra vulnus collum comprimebatur.

Sic Cl. RICHBRAND narrat chyruugum virum omni fide dignum, militem a poena mortis liberasse, laryngotomiam illi misero instituendo, aliquot horas antequam ad supplicium duceretur. Sic BOMPTUS aliique (50) notarunt, quod capite damnatos suspendio, aliove modo, laqueo iugulare non potuerint carnifices, propter asperam arteriam osileam, quae aerem semper admittebat, quia eam comprimere non potuerant.

Hisce adde symptomata suffocationis alia quacunque ratione peractae cum iis, quae in suspendio vulgo obtinent, maximam habere analogiam.

Ab altera parte etiam dantur auctores plures gravissimi celeberrimique, statuentes, apoplexiam mortis suspensorum causam sistere; inter quos nominandi BOERHAVIUS, BRUCHIIRIUS, LOUISIUS, ROEDERUS, WEPFERUS (51) qui omnes apoplexias fontem derivant ex compressis venis iugularibus, indeque in cerebro producta sanguinis accumulatione.

Sequentibus autem argumentis summorum virorum innititur doctrina;

1^o. Quod simulac laequea confringitur, faciei color fit lividus, oculi rubent, prominent, linguae labiorumque oritur tumor,

2^o. Quod mox summa lux fulguris instar, tenebrae dein suspensis apparent, ac postea sensu soporis ac conscientiae amissione plectantur,

3^o. Quia saepissime sanguinis effusio supra cerebri superficiem occurrit;

4^o. Quoniam organa, respirationi dicata, a laqueo vix satis comprimi posse videntur.

Hanc doctrinam praeter supra memoratos auctores etiam amplectitur SWITENIUS (52) dicens; compressis venis iugularibus, mox tumescit et rubescit tota facies, licet momento ante mortis metu fuerint pallidissimi, dein lives-

(50) Sepulchr. libro 4, sect. 18, obs. 11, p. 553. HALLERUS l. c. p. 271. CARDANUS lib. 2, tract. 2, com. 7.

(51) Praelectiones acad. in prop. inst. med. § 231. *Dis. sur l'incertitude des signes de la mort*, p. 194. *Mémoire pour distinguer dans un corps pendu les signes du suicide d'avec ceux de l'assassinat*, p. 16. Opuscula med. p. 290. Exercit. de locis affectis in apopl. p. 179.

(52) Commentaria in BOERHAVII sphor. de cognosc. et cur. morbis, Tom. 3, p. 273.

cit, imo nigrescit fere, a sanguine venoso aggesto in venis tumentibus, labia tumidissima sunt, lingua foedo spectacula extra os premittit livida.

HALLERUS (53) sequentia ait: homines strangulatos facile crediderim ex apoplexia potius, quam ex intercepto spiritu perire, stupent certe, colores vident, primo vividos, inde tenebras meras. Minus ergo mirum est, adeo frequenter convalescere reflecto fune, vena incisa; subiungit vir summus: non tamen admittunt experimenta mea, laqueum organis respirationis non nocere, et nonnullas harum partium laesiones commemorat.

Eandem fovet sententiam LOUISIUS, credit tamen laqueum praesertim in iis, qui semet ipsos suspendunt, viarum aeriferarum compressionem minime producere.

Adhuc plures affi dantur auctores apoplexiae opinioni faventes, verum cum hi iisdem usi fuerint argumentis, supervacuum iudico illos adducere. Quod ad diversas sententias auctorum ab utraque parte fide dignissimorum, qui omnes observationes suas non tantum ex ipso suspensorum cadaverum scrutinio, verum etiam ex quamplurimis in corpore animalium institutis experimentis depromerunt, notamus, quod in formanda conclusione ex phaenomenis cadaverum ad ipsam mortis naturam, rerum temporumque momenta, sub quibus sectio instituitur, bene esse perpendenda, quam facile etiam ex mutationibus a sectione productis, vel a rebus accidentibus ortis, ad mortis naturam concludimus; praeterea ex symptomatibus in uno cadavere obvis deducere, ea in omnibus obvia esse debere, prudentis minime est medici.

„ Dans les observations d'anatomie pathologique (ait Doct. DEUBLA) com-
 „ me dans toutes sortes d'observations, on doit s'attacher à varier et à mul-
 „ tiplier les faits autant que possible; on doit surtout confirmer ses propres
 „ observations par les observations analogues d'autres observateurs dignes de
 „ foi; car, l'expérience ne le prouve que trop, on se trompe souvent dans
 „ ses propres observations, de la même manière qu'on est trompé par les ob-
 „ servations d'autrui; et le moyen le plus sur d'éviter l'erreur, ou de la rec-
 „ tifier, consiste sans doute à éclaircir les observations les unes par les au-
 „ tres” (54).

(53) l. c. Tom. 3, p. 270 et 271.

(54) Semeyologie generale, Tom. 1, p. 72 seq. Rat. med. cont. part. 1, p. 192.

Similiter inquit DE HAN: ut, quidem singuli vera suo modo, singuli autem id quod invenerunt, et semper, et ubique, et ab omnibus, inveniri oportere, arbitrati, turpiter profecto errant; impugnantque lectoribus, etc.

Cum autem suspensii processus varia ratione differant, cumque illud a variis dependeat causis, etiam facile rationem explicare possumus, quare non in omni individuo observentur eadem signa; licet utraque auctorum sententia veritati esse possit consentanea.

Variae quippe suspensoriae mortis species, singularumque signa in cadaveribus obvia, a varia laquei applicandi ratione et maiori minorive vi, qua illud peragitur, mihi derivanda esse videntur. Absque dubio praecipue considerandum est, quænam organa colli præ cæteris laqueoprehenduntur? Quomodo, et per quodnam temporis spatium illam pressuram patientur? Si pressura venarum sanguiferarum prius, dein arteriarum, praecipue colli, magis profunde fitarum obtineat, tunc sanguinis accumulatio in capite et circulationis magis minusve cito cohibitio locum habebit.

Si pressura vias aeriferas magis occupet, tunc respiratio magis minusve cito sistitur, prout trachea simul plenarie vel gradatim ad perfectam occlusionem usque confricta fuerit; videmus itaque suspensorum mortis causam posse esse variam.

Cl. FLEISCHMANNUS (55) experimenta in proprio corpore instituit, laqueum nempe collo circumposuit, inter os hyoides et mentum, atque hunc laqueum a latere vel parte posteriori colli valde firmiter constrinxit, absque ut respirationis notabiliter functio turbaretur, inspiratio et expiratio sæpe diu absque incommodo perficiebantur, quod per se intelligitur, nulla enim tracheae pars comprimī poterat, facies tamen rubebat, oculi prominebant, auctus calor, et pressionis sensus in intimis capitis partibus simul cum incipiente delirio, anxietate et subito aurium tinnitu percipiebantur; eadem phaenomena citius tamen observare ei contigit, applicando laqueum infra caput laryngis, respiratio tunc magis impediabatur, minus diu experimentum sustinere potuit, ubi laqueus os hyoides inter et laryngis caput ponebatur, omnium autem difficillime, si ipso constrictionis tempore expirationem instituire tentabat.

(55) *Zeitschrift für die Staatsarzneikunde von A. HENKE, zweiter jahrgang, heft 2, pag. 330.*

Triplicem mortis causam ille assumit auctor, quam etiam a varia laquei applicandi ratione derivat, prima species est apoplectica, secunda suffocativa, tertia ex his duabus speciebus componitur; singula autem mortis species, uti facile intelligitur, symptomata sibi priva ostendit.

I^a. Apoplexia obtinere potest, si laqueus ita applicatur collo, ut pressura sua magna colli vasa stringat, sanguinis reditum e collo et capitis parte supra locum strangulatum impediat, salvis a laesione respirationis organis; signa quibus haecce species distinguitur, sunt sequentia. Simulac calvaria dissecetur, sanguis plus minusve e ruptis et haud raro turgidis durae matris vasis cum impetu fluit; omnia cerebri et cerebelli vasa sanguine abundant, plexus choroideus sanguine coeruleo rubro turget, cerebri ventriculi aquam sanguineam saepe continent; substantia cerebri corticalis et medullaris manifeste rubet et saepe valde tumet, aorta et cor posterior sanguine scatent, anterius vero est flaccidum et sanguine orbatum, vasa magnam ventriculi curvaturam cingentia sanguine turgent, ventriculi tunicae saepe inflammatae deprehenduntur, atque exinde non raro veneficii suspicio oritur; (prudens itaque sit medicus forensis, ne e rubore et inflammatione cuiuscunque ventriculi texturae partis, ad veneficium concludat commissum, nisi ratio sufficiens adsit, verbi causa, praesentia veneni alicuius, quod chemicis reagentibus ulterius examinari debet): bilis effusio, qua duodenum coloratur summusque rubor intestinorum tenuium, quorum vasa saepe iniecta deprehenduntur, probabiliter e sympatico cerebri consensu ventriculum inter et hepar explicari possunt, hepar et lien sanguine scatent etc.

II^a. Mors suffocatione accidere potest: suffocationis indicia in pulmonibus sat manifeste occurrunt ob denegatam respirationem, sanguis ex ventriculo cordis dextro non potest transire ad pulmones, et exin ad sinum et auriculam posteriorem cordis, unde pulmones, qui sanguinem exonerare nequeunt, hoc lactice infarcti lividi, crocei et turgidi reperiuntur; eam ob causam quoque sanguis saepe transit ad vias aeriferas, et cum sanguine spumante aer in trachea saepe commistus observatur, dein ex sanguine subito stagnante in corde et pulmonibus, momento citius sublata circulatione, vasa se exonerare nequeunt, et in minoribus sanguis etiam manet accumulatus.

Differentiam tamen facit ipsius suspendii actus, nempe utrum laqueus infra aut supra laryngis caput contrahatur; in priori casu pulmones elevantur, at-

que spatium adeo angustum redditur, ut lobi superiores minime expandi queant. Si vero funis supra laryngis caput applicatur, tunc linguae radix adeo reprimitur, ut epiglottis supra glottidis rimam figatur, et sic introitus atque exitus aeris plenarie inhibeat.

Huic mortis suffocativae, ex impedita respiratione oriundae, probe respondent phaenomena in cadaveribus vulgo obvia sequentia: Palpebrae tumidae, oculi prominentes, spuma oris, dentes magis minusve constricti, lingua tumida subcoerulea, faciei livor, contractiones spasmodicae manuum ac digitorum, sanguis fluidus in corde maioribusque vasis, pulmones, profundius vel levius colorati, sanguine ac spuma sanguinolenta repleti, bronchorum rubor, utraque vena cava, auricula et ventriculus cordis dexter sanguine abundant, arteriae pulmonales parva sanguinis scatent copia, auricula, ventriculus sinistri cordis, uti et arteria aorta sanguine vacua, arteria vero coronaria sanguine distentaprehenduntur.

III^a. Apoplexia una cum suffocatione concurrens tamquam illius mortis causa est consideranda, quando funis in capitis laryngis regione, praecipue vero infra illud organon ponitur, strangulatio tunc quasi aequabilis obtinet, ita ut vasa aerifera non maiorem pressuram patiantur, quam vasa sanguifera.

IV^a. Paralyfis cerebri et pulmonum.

Quasi negativa mortis suspensoriae species a Cl. HINZIO et REMERO observata, metus, terror, vitae taedium, certum determinatumque moriendi consilium similiaque, quae gradatim ad suicidium ducunt, quantum coniectare licet, sponte sua cerebri et pulmonum paralyfin, viriumque repentinum silentium producunt; ter hanc affectionem bene notatam vidit Cl. HINZE, vix praeterlapso suicidium inter et factum detectum duarum minutarum primarum spatio; porro hanc mortis speciem non ab apoplexia praegressa oborta esse derivandam, exinde patet, quod in cadaveribus, vix ac ne vix quidem apoplexiae vel suffocationis apparebat vestigium. Facies erat pallida, oculi placide clausi, habitus corporis quietus, brachia ad corpus laxae pendentiae, manus apertae, aures et labia pallida, impressio colli vix conspicua, accedit quod corporis positio erat in genubus, vita momento citius soluta, forsan ratione psychica sive dynamica, dein physica accidit.

V^a. Nuperius aliam et quidem novam mundo erudito tradidit theoriam Dt.

EGGERT (56), qui duplicem ponit causam mortis suspensorum, unam suffocationem a compressione funis productam, et alteram ab extensione vasorum colli, qua immediate fistitur cerebri functio et producit apoplexia nervosa sive asthenica, in qua itaque deficiebant quaecvis indicia repletionis cerebri et pulmonum.

Ad hanc theoriam stabiliendam Dt. EGGERT suspensum omni ratione a strangulatione diversum habet, et credit, strangulationem necare compressionem, suspensum vero extensionem, durante suspensione nempe, totius corporis pondus necessario extensionem colli producere, constrictionis autem sequelas tantummodo secundarias esse autumat.

Praeterea haecce extensio turbas partium collo contentarum, et capitis cavum haud implentium producit, omni vero ratione impedit functionem partium caput intrantium, uti venarum iugularium et arteriarum carotidum, itemque cerebri et medullae spinalis actio plenarie fistitur, atque totalis functionum suppressio locum habet. Cum autem illa extensio longitudinalem servet decursum, venarum arteriarumque structura organica noxas patitur. Arteria enim carotis ob sat longum et haud interruptum decursum ab origine ex trunco communi usque ad foramen caroticum summopere huic laesioni subiicitur; tunica intima lubrica et membrana muscularis huius arteriae non solum quoad structuram, sed etiam quoad formam, extensione noxas patiuntur, et officio haud amplius fungi possunt, quo cessante, simul sanguinis stagnatio oboriri debet; adde his, quod arteria carotis, antequam foramen suum intret, describat curvaturam: hoc igitur loco ob fortem, quam patitur arteria, extensionem, luminis producit decrementum, hinc plenarie occluditur apertura externa carotici canalis ubi arteria ipsa curvaturam rectangularem describit.

Eodem modo, quamvis minori gradu (specus enim vertebralis huic extensioni non plenarie favet, sed eam parumper cohibet) extenduntur vertebrarum arteriae, liberumque sanguinis cohibent transitum: suppresso sanguinis transitu ad

(56) *Zeitschrift für die Staatsarzneikunde* von A. HENKE, viertl. Jahrg., zweites vierteljahrsk., p. 255—310.

cerebrum, maxime in medullari substantia, quae arteriosum recipit sanguinem, collapsus indicia adveniunt, quibus brevi insequuntur immobilitas et animi deliquia.

Tunicae venarum ob exiliorem partium fabricam, molestius adhuc extenduntur, interior enim membrana commode directione transversali expansionem admittit, fibris longitudinalibus parallelem decursum servantibus obtegitur, quae fibrae vi adhibita externa elongantur et impediunt, quo minus lumen venae cerebialis in latitudine ampliatur. Hanc tamen agendi rationem venae quam maxime esse necessariam ex eo intelligitur, quod sanguis maiori cum efficacia propellatur ex cerebro, quam ex alio organo quocunque, ob maiorem vim expansivam, atque calorigi quantitatem qua scatet, iam in sinibus accumulari deberet, nisi prius cerebri actuositas et vitalitas ob sanguinis arteriosi cohibitum decursum decreverit, aut plenarie iam substituerit, absque qua nullus sanguinis circuitus in cerebri vasis locum habere potest.

Illa nunc cohibita cerebri activitas momento citius vim suam communicat systemati musculari, quod voluntati est subiectum, musculi caput moventes eiusque cohaerentiae cum collo magnopere faventes, agendi facultatem plenarie amittunt, unde, ligamenti extensis, vertebrarum colli distensionem et medullae spinalis laesioni ansa praebetur, unde generalis paralyfis ut et pulmonum symptomata insequuntur. Ex hac itaque causa explicat auctor tam raro aliquem, licet per breve admodum temporis intervallum suspensum, in pristinam vitam revocari posse: haecce causa insuper una cum animi facultatibus citissime deperditis rationem exhibet, cur miseri suicidae, quamvis in ea conditione versantes, ut laquei solvendi potestas iis adhuc competeret, siquando miseri fati illos poeniteret, tamen vita destituti deprehenfi sunt.

Huius theoriae ab omni parte suffragari nequimus, laquei enim pressura, qualis saepe duce experientia observata fuit in iis suspensis, qui aut sedebant aut genibus terram tangebant, minime totius corporis pondere collum extendere et vasorum extensionem producere potuit, sed potius comprimendo egisse videtur; saepe etiam variae corporis partes extenduntur abque pravis sequelis, v. c. in variis affectionibus morbofis, ut et in luxatione ossium extremitatum a lapsu aliave saepe violenta causa derivanda.

Nonnulli auctores (57) credunt primam asphyxiae suspenforum causam pendere a compressione medullae spinalis, haec vero tantum locum habere potest, quando vertebrarum colli fractura aut dislocatio adest, et in primis tantummodo in illis, qui capite plectuntur, uti infra visuri sumus.

(57) DE HAEN, *abhandl. über die art des Todes ertrunkenen*, p. 91. *Petit traité des maladies des os*, chapitre 2, p. 67.

CAPUT TERTIUM.

Num quis vivus an post mortem suspensus fuerit.

§ 7.

Perpendamus nunc, num adsint signa pathognomica eaque omni dubio maiora, e quibus quaestio enucleari queat, num quis vivus an post obitum suspensus fuerit, id est, utrum suspensum tamquam vera mortis causa considerari poterit, an vero quis antea qualicunque ratione occisus dein mortuus laqueo alligatus fuerit. Quamvis primori fronte facilis videatur haec decisio, multis tamen difficultatibus obnoxia est, multae quippe in cadaveribus occurrere possunt causae a suspensio admodum difficulter distinguendae, quae iudicium omnino anceps et difficile reddunt: cuiuslibet enim suffocationis indicia dubia sunt, nec facile discerni poterit, num haec a causa interna originem ducat, an vero ab alio perpetrata sit; praeterea cadavera saepe mortis phaenomena exhibere solent, quae summam postulant curam, et quibus sagacissimus nonnumquam medicus in errorem potest duci, saepe enim laesiones vel vulnera adeo callide infliguntur, et tanta cum solertia reconduntur, ut oculatissimi medici attentionem effugiant. Longe aliter autem res sese habet, si vulnera talem prae se ferunt naturam, ut a suspensio aliena sint et per se mortem producere valeant, uti vulnera absolute lethalia, tunc ad aliam refugere non opus est causam, sed illa per se sufficit ad mortis genus determinandum, in casu autem contrario, uti saepius obtinet, decisio multis obruitur difficultatibus.

Nunquam igitur nimia cum circumspeditione cadaveris scrutinium institui poterit, huius asseriti veritas e sequenti patebit casu.

Femina anno 1683 in horreo trabe suspensa inveniebatur, facies erat naturalis, nulla oris vel narium detegebatur spuma, lingua neque tumescebat neque nigrescebat, collum nullum ruborem vel suffusionis indicium referebat, neque ullam notam impreserat laqueus collo: cum igitur tot negativa deprehendebantur suspensionis signa, cadaver accuratiori examini subiiciebatur, tunc parvum detegebatur vulnus in parte anteriore et laterali pectoris sub mamma dextra delitescens, penetrabat illud pectus inter 5 et 6 costam veram, et, aperto thoracis cavo, patebat illud vulnusculum ope instrumenti longi et tennis inflictum penetrasse per cor, et magnam sanguinis effusionem produxisse, e quibus iure concludebant, illud vulnus veram et unicam mortis praebuisse causam, eamque cadaveris suspensionem praecessisse (58).

§ 8.

Videamus igitur, an talia dentur signa eaque omni dubio maiora, e quibus certam conclusionem deducere licet: ut huic scopo satisfiat, singula indicia ponderanda erunt, et videndum, quamnam certitudinem exhibere possint.

Momentosum suspensionis signum ab auctoribus habetur, quod indicia adfint quaevis sanguinis accumulati in cerebro reliquisque capitis partibus, ita ut lingua sit tumida, livida, dentibus compressa et extra oris cavum prominens, oculi tumidi et semiaperti, collum et facies turgeant.

Vidimus iam supra, cerebri membranas atque sinus ipsamque eius substantiam diversas imo mirificas ostendere varietates, ita ut exin nil certi concludi queat; accidit, quod in iis, qui ab alia causa periere, vel alia ratione suffocati sint, eadem appareant signa. Sic v. c. si quis inter duo pulvinaria suffocatus fuerit et dein suspensus, idem accidit ac si durante vita locum haberit suspendium. In infantibus saepe nobis observare licet, quod a propria matre vel nutrice suffocati sint in lecto, absque ullis internae laesionis signis, si excipias faciei tumorem.

Quod ad linguae conditionem attinet, in nonnullis cadaveribus prominet, in aliis retracta deprehenditur, aliquando dentibus intropressa est vel non, Cf.

(58) *Rapports en chirurgie par DE VESLUX*, pag. 519.

FLEISCHMANN (59) linguam prominentem, dentibus compressam vel incisam, pro effectu lentae et anxiae mortis praecipue ultimam, post expirationem obortae habet, retractionem vero linguae tamquam citae mortis signum considerat, quae praecipue post ultimam expirationem adhuc sese resistere tentantem mortem tamen impeditam oboritur, singula enim inspiratione maxime parumper forti, lingua paululum retrahitur, durante expiratione plus minusve forti prominet. Dt. ZELLES (60) tamen, consentiente etiam Dt. ZACHERLLO (61), melius linguae conditionem in suspensis definivit, si funis compressio, inquit, supra cartilagineam thyroideam instituitur, lingua, extra os non prominet, quoniam compressione ossis hyoëdis retroprimatur, si funis e contrario sub cartilagine cricoidea ponitur, tunc lingua plus minusve prominet, tunc, et colorem rubrum vel violaceum exhibet.

Concedimus in suspensis saepius observari oculorum prominentiam et faciei tumorem, sic Cl. BERGMAN (62) casum refert cadaveris, quod diu fuerat suspensum et oculos prolabentes exhibebat. Verum alij auctores recte movent, illud signum non adeo perpetuum esse in suspensis, quin etiam contrarium locum habeat, observarunt iam MORGAGNI et DE HAEN (63) faciem non semper tumidam, nec vasa cerebri sanguine esse repleta, neque semper in cadaveribus observari primae suspensionis effectus, dum in his sanguis diu fluiditatem conservet, non adeo cito concreseat, et hanc ob causam ad extremitates vaforum propellatur, dein ad maiores vaforum redeat truncos, unde rubor et tumor plenarie evanescent, et cadaver pallidum evadit: vide Cl. BARNARDS (64).

§ 9.

Inter momentosissima signa absque dubio recenseri merentur ea, quae immediate a laqueo producuntur: laqueus nempe vel funis arcte colli regioni circumpositus, ibi impressionem talem facit, ut exhibeat sulcum profundum,

(59) Vide HENKE, l. c. 1822, p. 355.

(60) *Cours de Médecine légale*.

(61) *Archives générales de Médecine*, 1823.

(62) MAHON, *Médecine légale*, Tome 3, pag. 39.

(63) De sedibus et causis morborum, epist. 19, art. 3 et 5. Ratio medendi, Tomo 15.

(64) FORMEYS, *Med. Ephemerid.*, Tomo 1, pars 2, num. 4, pag. 124 seq.

rubrum, griseum vel lividum, ab extravasato derivandum sanguine, dum cutis ipsa circumiacens rugosa, dura, imo aliquando excoriata deprehendatur. Multi auctores, qui optime de medicina forensi meruerunt, huic signo magnum non dubitarunt assignare pretium, imo, omnibus aliis reiectis signis, hoc unum servare tamquam omnium maxime characteristicum, inprimis respecta habito ad numerum et magis minusve insignem circulorum profunditatem fategerunt; et quidem non absque ratione, nam ex directione circuli saepe determinare possumus, num suspensio an vero strangulatio obtinuerit, in strangulatis quippe ordinario circuli directio est horizontalis, in suspensis vero perpendiculariter ab antica colli regione pone aures ad occiput adscendit. Monendum tamen, quod haec impressio differat quoad profunditatem pro diverso corporis pondere, suspensionis duratione, varia ratione et instrumento, quo suspensio peracta sit. Licet enim livor partium vicinarum idem sit, sive fune, sive sudario, sive linteo facta fuerit, sulcus tamen in ultimo casu latior et minus profundus erit: quod si haec impressio chordae vel laquei sit manifesta et talis, qualem hanc descripsimus, laqueo simul praesente, probabile saltem erit hominem hac ratione esse extinctum. Verum illud non semper obtinet, nec impressio semper adeo est evidens, ut distincte observari queat, e. c. quando suspensio sudarii ope facta videtur: sequens observatio huius rei veritatem sufficienter comprobabit.

Femina annosa mortua et humi prostrata in cubiculo suo inveniebatur, caput leviter contusum et sudarium arcte collo erat constrictum, ita ut impressio rubra circularis in colli regione appareret. In cadavere detegebatur sugillatio cum laesione cutis in latere sinistro colli sub maxilla, similis directe supra laryngem atque in eiusdem latere dextro, tamen non penetrans per cutem, nulla ceterum violentiae externae apparebant vestigia, vasa colli, pulmonum ut et capitis ac intestinorum sanguine valde turgebant, ita ut satis esset evidens, hic suffocationem obtinuisse, omnia itaque indicabant, feminam hanc violentam subiisse mortem. Iudicabant tamen Medici, suffocationem ab interna originem duxisse causa, et colli impressionem productam fuisse a timore, qui in omni observatur suffocatione, praesertim quoniam haec femina sudarium, tali ratione nodo fixatum, semper circa collum gerere solebat (65).

(65) FORMEYS, Med. Ephemerid., Tomo I, pag. 195.

Itidem vestigiorum a fune productorum numerus non respondet semper quaestioni, num quis prius strangulatus, dein vero suspensus fuerit, quoniam strangulationis indicia circa collum plenarie deficere possunt: patebit huius rei momentum ex duplici (66), observatione. Cl. METZGER refert, militem occidisse insigniferum (*fahnjunker*) comprimendo digitis ab utraque parte tracheam. In cadavere nihil reperiebatur, praeter maculam in laryngis latere obviam, cui pollicem applicaverat homicida, illa macula homicidii perpetrati movebat suspicionem, quae opinio ipsius rei confessione extra omne dubium ponebatur. Similem casum, longe tamen dispari eventu, notatum habet BERNARDS, obductionem instituit feminae 30 annorum, quas in lecto mortua inveniebatur, cadaver nil praeternaturale offerebat, si excipias maculam lividam, pollicis magnitudinem aequantem in laryngis latere obviam, et in latere opposito exiguas macularum notas, sugillationes quidem deprehendebantur, sed tales quales in omni observari solent cadavere. Pulmones sanguine erant distenti. Haec femina antea sana fuerat, sed post lautiorē coenam, de magna anxietate conquesta erat, Cl. BERNARDS ex his maculis concludebat, feminam externa vi a marito fuisse suffocatam. Collegium autem Medicum Berolinense ex huius mortis circumstantiis recte mihi iudicium tulisse videtur, hanc mulierem a causa interna, et quidem nimia stomachi repletionē, diem obiisse supremum, nullamque laesionis externae vel homicidii a marito perpetrati esse suspicionem (67).

Videmus itaque, indicia, circa collum funis ope oborta, valde esse diversa, insuper praecepimus ad diversum laquei situm et directionem bene esse attendendum, ut sic diversum moriendi genus definiri queat, hinc Medicus, si sulcus laquei sit praesens, hanc impressionem in toto decursu exacte et summa cum circumspectione examinare debet, funis eodem in sulco est reponenda, atque punctum ubi nodus adfixus fuit probe est investigandum, ut exinde si possit veritas elucescat.

(66) Syst., pag. 167.

(67) FORMEYS, Med. Ephemerid., vol. 1, pars 1, pag. 157 seq.

Sugillatio non minus tamquam summi valoris signum a pluribus medicinae forensis scriptoribus habetur. Per sugillationem proprie intelligimus margines illos rubicundos, violaceos sive livescentes, extra circulum a fene vel laqueo productam, sub striarum forma eminentes, ut et maculas eodem colore distinctas vulgo circa collum, faciem, pectus, dorsum, brachia aliasque corporis partes maxime declives obvias, quatenus ab externa violentia laquei, nempe constrictione et inde producta sanguinis effusione vel stasi in vasculis sub cute obviis derivandae sunt; hae maculae, ab externa vi oriundae, probe discernendae sunt ab iis, quae post febres malignas, putridas, petechiales, scorbutum aliosque morbos, vulgo ob humorum statum disolutum in cadaveribus apparent. Recentiores maxime Germani summa cura hasce sugillationes examinant, atque plures, notatu perdignas observationes nobis tradiderunt.

Cl. HENKE (68) qui 102 suspensis suicidis intra biennium obductionem dedit, memorat, quod in 89 casibus sugillatio adfuit, in 9 vero aliis plenarie defuit; ratione sugillationis praesentiae observat, in decem cadaveribus suspensorum semel tantum observari sugillationis defectum, ratio igitur est quemadmodum 1=10: ex hisce itaque concludit rationem adesse sufficientem, ut statuamus, sugillationis praesentiam exhibere magni momenti signum, et regulam sistere, quae indicat, mortem a laqueo esse derivandam, monet tamen simul, Medicos forenses sugillationis absentiam non certo certius ad oppositam ducere concludendi rationem; sugillationem oriri credit, quoniam fortis impressio cutis vitalitate praeditae inflammationem extravasationemque producit, imo vidit, illam illis sub conditionibus adfuisse, ubi presura externa admodum erat exigua a laqueo vel muccinio, uti in hominibus suspensis qui posituram stantem servabant, aut genibus flexis terram tangebant. Ut autem sugillatio producat, sufficiens mortem ipsam inter et laquei constrictionem cuti opus est tempus ad morbosam hanc affectionem exhibendam.

Huic etiam sententiae optime experimenta Cl. FLEISCHMANNI (69) respondent, statuit nempe ille auctor, sugillationis formationem a celeriori lentiorive

(68) HENKE, *Zeitschrift*, zweit. jahrgang, 1822, erstes vierteljahrsheft, p. 44 seq.

(69) *Zeitschrift für die Staatsarzneikunde*, 1822, heft 2, pag. 329.

mortis ingressu esse derivandam, hinc etiam sugillatio observatur in illis, qui morte apoplectica e laqueo perierunt, dum e contrario in suffocativa morte, qua vita citius adimitur, nulla obinet sugillatio, quas tantum durante vita minime vero post mortem formari potest, et licet concedat, argumenta a **ESQUIROLLO** magnam sibi auctoritatem vindicare, credit tamen, non semper et ubique suspensionis phaenomena e maiora sugillationis numero esse diiudicanda, quoniam semper sunt individua, et hanc ob causam non tanquam characteristicum signum assumere debet.

Licet ab omni parte horum auctorum opinioni circa sugillationis originem assentiant, plures tamen addunt et quidem inmomentas rationes, quas volunt, quo minus sugillationem tanquam pathognomicum signum considerare possumus, et quidem:

I. Quoniam plures fide dignissimi auctores sugillationes detexerunt in hominibus, nullam violentiam externam passis, et nulla plene ratione suspensio processu evectis.

II. E contrario in hominibus revera hoc ultimo mortis genere extinctis, ne vestigium quidem sugillationis detectum fuit.

Quod primum spectat argumentum.

In omnibus casibus subitaneae mortis in suffocatis, apoplecticis, epilepticis, sugillatio in collo vel pectore observata fuit, lapsus, laesio quacunque in homine plethorico, allicit cursum sanguinis ad hunc illumve locum, ita ut sugillatio longe maior deprehendatur, quam a simplici contusione vasorum in hac parte expectaremus, vomitus pertinaces, vel et graves animi adfectus qui ad cutim humeros pellunt, tales sugillationes saepe excitant, plures tales observationes passim apud multos occurrunt auctores, sic **CL. CHAUSSIER** vidit homines, optima gaudentes sanitate, post somnum maculam rubram sub conjunctiva exhibere, rubram vel sublividam viderunt alii post vomitum.

Quod ad secundum argumentum.

Sugillationem plane defecisse in suspensionum cadaveribus, docent observationes quamplurimae **ESQUIROLLE**, **PLEISCHMANN**, **ORFÈRE**, **HERN** ut et **KLEIN**, quas enarrare scopo nostro non incongruum fore arbitramur.

Casus **Cl. ESQUIROLLE** (70) sunt sequentes.

1. Mulier alienata se suspendit ponendo horizontaliter pone collam funem, cuius extrema sub mento decussata et rursus pone corpora et caput reducta talo adfigebat, qui plano inclinato inhaerebat, super quod se cadentem, dedit laqueo statim post obitum descisso, sequentia observabantur. Facies naturalis, cutis nec mutata nec ecchymoses exhibens, laqueus collo duas impresserat notas, unam horizontalem, alteram obliquam, cutis subiacens eandem exhibet colorem, nulla fugillatio supra nec infra fulcum adest, aliquot post horas cadaver omnia adhuc vitae indicia manifestabat, livor faciei, color pedum violaceus, ut et membrorum rigiditas septem tantum horas post mortem detegebantur, cadaveris sectio, 25 horas post obitum instituta, exhibet faciei lineamenta parumper mutata, oculos apertos splendidos, duplex laquei impressio minime erat profunda, cutis subiacens brunnea quasi adusta, non vero fugillata, textus cellularis subcutaneus huius loco respondens erat contractus, circulum album et splendidum lineam a latum exhibens.

2. In cadavere alius feminae hora 5 vel 6 post mortem invento, fune minime soluto, sequentia deprehendebantur signa, facies violacea ut et labia spuma sanguinolenta referta, oculi splendentes et semiserti, reliquum cadaver frigore marmoreo obtectum, fulcus a fune relictus profundus, cutis subiacens brunnea quasi cremata absque ecchymosi, cadaveris sectio 29 horas post fatum instituta, fere eadem exhibebat signa, quae in praecedente casu commemoravimus, nulla detegebatur ecchymosis nec supra nec infra chordae impressionem.

3. Vir quidam se ipsum suspenderat muccinio, (monchoir à l'Espagnolette) quod cubituli fenestras adligaverat; brevi post solvebatur, et vitae restitutio incassum tentabatur, facies non erat mutata, neque spuma in ore prodibat, collum nullam referebat fugillationem.

§ 11.

Observationes Cl. FLEISCHMANNI (71).

Femina 36 annorum se ipsam suspenderat ope chordae strictae superiori lecti parti alligatae, caput nec tumescebat nec profunde rubebat, vasa capitis

(71) l. l. pag. 314.

minime sanguine turgebant, in parte colli anteriore os hyoides inter et laryngem laqueus fulcum lat profundum reliquerat oblique sursum tendentem, infra maxillae inferioris angulum, et pone processum mastoideum ossis temporum versus occiput, cutis fulcum tegens ad latera et postrosum colorem album, et antrosum luride flavum prae se ferebat, ita tamen ut hic illic punctula caerulea ex profundo provenientia in conspectum prodirent, impressio plane erat similis illi, quae statim post mortem oboritur, quoniam vix ac ne vix quidem sugillationem exhibet.

2. Femina 45 annorum circiter se suspendit, postquam cultro adiuvante puncturam non periculosam sibi infligere tentaverat, laqueus laryngem inter et os hyoideum positus ad utraque latera sub angulo maxillae inferioris vergebat, tangens mucronem processus mastoidei oblique sursum et deorsum versus collum, sulcus impressionem profundam, quae corneam duritiem ostendebat, et colorem squallide flavum hic illic parumper caeruleum exhibebat, reliquerat, facies et collum pallidam prae se ferebant naturam, nullibi sugillationis vel vasorum turgescitiae aderat indicium, oculorum albuginea erat alba atque lingua naturalem servabat positionem: demptis integumentis externis prope impressionem, nullibi extravasationis signum detegebatur, corporis cavitates non nimis sanguine adimpletae erant, truncus tantum venae cavae utriusque et cor dextrum multo sanguine scatebant, pulmones minime sanguine erant distenti.

KLEINIUS (72) etiam duodecim adfert casus, e quibus patet, quam prudenter Medicus versari debet in diiudicanda quaestione, an revera quis suspensione, num vero alio mortis genere peremptus dein suspensus fuerit; in hisce quippe hominibus suspensio enecatjs invenit faciem pallidam, minime tumidam vel lividam, nullum linguae tumorem, albuginea non erat iniecta, nullus aurium neque labiorum livor deprehendebatur, laqueus fulcum reliquerat absque ullo sugillationis indicio cutis vel musculorum, ventriculi et atria cordis sanguinis parvam continebant quantitatem; ceterum cadavera eadem fere indicia prae se ferebant ac illa naturali morte defunctorum. Propria tamen sua experientia confirmat, signa in genere ab auctoribus tradita veritati esse con-

(72) JOHAN HEINRICH KOPP, *Jahrbuch der Staatsarzneikunde, für das Jahr 1818*, pag. 362—363. HUFELANDS *Journ.* 1816, *Novembr.*, Tomo 43,

sentanea, quamvis, uti ex hisce casibus et pluribus aliis Cl. ORFILAE infra memorandis patet, ea non omni exceptione esse maiora.

Cl. HINZE (73) fere similia signa in suspensorum cadaveribus detexit, quae omnino KLEINII observatis respondent, excepto corde, quod maiori sanguinis copia turgebat: ceterum nulla sugillationis invenit vestigia, nullaque aderant signa mortem violentam ordinario concomitantia, sed facies illorum miserorum potius indicabat placidam mortem vitae termino finem inpetuisse.

Ultimo observationes Cl. ORFILAE (74) addere lubet, quae extra omnem dubitationis aleam mihi ponere videntur, sugillationem nulla ratione positivum exhibere signum, quo diiudicari potest, suspendium durante vita obtinuisse.

1. Vir 35 aetatis annum ducens et carcere detentus se ipsum suspendit, ope laquei e tunica contorti et trabi ferreae fenestras adfixi, per sex horarum spatium in hac conditione versatus fuit, et sumis eo tempore (hora 36), nempe post mortem quo cadaveris scrutinium lotum habuit, solvebatur. Facies et labia nullam mutationem subierant, oculi conjunctiva non erat iniecta, lingua ore contenta et dentibus compressa. In colli regione detegebatur sulcus latitudinis 5 vel 6 linearum, profunditatis lineae $1\frac{2}{3}$ ab antica laryngis parte oblique sursum tendens versus dextrum latus sub apophysi mastoidea, cui funis nodus appositus erat, cutis sulcum tegens, colorem instar corii praeparati referebat, profundius colorata deprehendebatur in partibus compressis, atque chartae pergamenaceae instar sicca et valdequam attenuata, in musculis subiacentibus nullum aderat sugillationis indicium, textus cellularis intermedius erat fuscus, albidus, filamentosus et nulla ratione sugillatus.

2. In cadavere feminae 40 annorum eadem fere phaenomena se palam fecerunt, laqueus; diametrum 4 linearum referens, 7^a. post mortem hora solvebatur, et post 27 horas cadaveris apertura instituebatur, textus cellulosus et musculi sulco respondentes aequè minus ac in praecedenti casu sugillationem referebant.

Plures analogas observationes hominum suspensorum memorat auctor, quas ut ad omnem evidentiam perduceret, experimenta in cadaveribus duodecim hominum acutis chronicisque morbis defunctorum cepit, quae cadavera e chorda

(73) HUFELANDS *Journ.* Februarij 1819, Tomo 48.

(74) *Leçons de Médecine légale.* Paris 1823, Tome 1, p 564-569.

diametri 3 vel 5 linearum per 24 horas suspensa sunt, laqueo soluto, facies erat pallida non turgida, oculorum iniectio vel linguae propensio non detegebatur, sulcus fune productus eiusque cutis et textus cellulofus eadem offerebat signa ac in vivisuspensis supra memoratis observavimus: similiter in canibus e chordis diversae diametri suspensis nullam sugillationem animadvertere potuit; ut autem determinaret, num forsan praesentia pilorum circa collum impediret, quo mirus cutis circumiacens mutationem subiret, ante suspensum collum exacte abrasum fuit, eadem tamen phaenomena detexit.

Unum adhuc liceat enarrare casum, quem mihi ipsi videre contigit.

Suicida quinquagenarius, qui iam ter vario modo frustra vitam sibi adimere tentaverat, per septem horarum spatium suspensus mansit, quo tempore chorda diametri digiti circiter minimi solvebatur, facies non tumescebat, sed omnino erat pallida, nulla detegebatur mutatio in auribus, labiis vel lingua, oculi erant semiclausi splendidi, chorda sulcum minime profundum produxerat, cutis color naturali erat similis, circa sulcum in cute vel sub illa vel in musculis subiacentibus ne sugillationis vestigium percipiebatur, cadaveris inquisitioni internae non interesse potui.

Ex hisce observatis in summam coniectis et aequa lance ponderatis, satis superque cuius patebit, sugillationem in vivisuspensis revera deficere posse: ab altera tamen parte quam maxime iniustum foret, viris veritatis amantissimis, qui hoc signum saepe observarunt, debitam denegare fidem; inquirendum igitur erit, num ratio adsit sufficiens, e qua huius phaenomeni causa explicari queat, an forsan suspicari licet? hanc sugillationem ab instrumento strangulante eiusque absentiam a mollitie laquei v. c. si muccinium adhibitum fuerit, esse derivandam, citat quoque casum REMERUS, in quo sugillatio plane deerat, et suspensio sudarii ope peracta fuerat; falsitas tamen huius asserti patebit, si consideremus, muccinium vel instrumentum quodcumque molle, si strangulando agat, tali ratione applicari et ita saepe contorqueri, ut omnem mollitiem amittat; experientia quoque abunde constat, sugillationem adfuisse, licet sudarium fuerit adhibitum, dum ab altera parte, eodem instrumento in usum vocato, etiam contrarium locum habuit.

Ad hanc derimendam quaestionem, forsan utiliter et scopo nostro adaptata adhiberi poterit opinio Dt. HINZII (75), statuit nempe ille auctor, sugillati-

(75) HUFELANDS *Journal der praktischen Heilkunde*, Febr. 1819, Tomo 48.

onis absentiam offendi in illis hominibus, qui ante suicidium peractum, durante temporis spatio maiori minorive, haud dubia melancholiae, metus, tristitiae et vitae taedii praeberunt signa, certum itaque determinatumque vitae calamitatibus finem imponendi consilium, quod iamdiu in intimis corporis penetralibus haesit, causam fistit, quare vinculum animum et corpus inter citius solvatur, et sic miseri compedibus terra cito soluti sint, vel ut propria auctoris verba repetam: „das solche menschen von gemüthe aus, augenblick-„lick sterben.“

Seria itaque vitae resignatio, atque certa determinataque illa voluntas, simul ac summum attingat fastigium, valde exiguum exigit causam accedentem sive vim externam, ut debilis vitae flammula sub cineribus quasi latens exstinguatur. Cogitemus modo de stupenda ut ita dicam, vi atque efficacia animi pathematum in cor et reliquum systema sanguiferum, quae per se sola, nulla accedente violentia externa, tales turbas oeconomiae animali inferre solent, ut de vita extemplo actum sit. Sic insperatus filiorum e proelio Trafimeno reverforum, dum quidem occisi putabantur, adspectus duas necavit feminas. SOPHOCLES inter maximum plausum moribundus cecidit. FOQUETO captivo cum libertas donata iam pronuntiaretur, mortem obiit (76). LEIBNITII haeres auri acervum inveniens moriebatur (77). Homo quidam, cui capitis iudicium pronuntiaretur, mortuus est, sicuti quoque alius quidam, cui in sanitatem restituto morbi superati nomen pronuntiaretur; DIODORUS logicus, cum in gymnasii concione quaestionem quamdam prolatam solvere nequisset, pudore suffusus mortuus cecidisse traditur. Pes in sepulchro retentus statim in causa mortis cuiusdam hominis erat: Sic similia reperiuntur exempla v. g. de hominibus, quorum alius se iugulatum iri putabat, alius tendines dissecari sibi intueri videbatur, qui quoque mortem obibant, aequae ac ille pater, qui filium in pugna occisum agnosceret (78).

Aequo igitur iure statuere possumus, in illis hominibus miseris, iam diu vehementibus animi adfectibus cruciatis et exhaustis, vitam, ut ita dicam, psychicam vel dynamicam iam esse extinctam, et parvam tantummodo postulari

(76) FACHLIN, *libro 3, obs. 27.*

(77) *In Biogr. aux essais de Theodice adiuncta.*

(78) HALLER, *physiolog.*, Tomo 5, pag. 584. *Encyclop. ou Dictionnaire raisonn.*, Tomo 10, pag. 722.

vim externam, ad operationem artificiosissimae debilis tamen machinae cohibendam.

Longe autem aliter res sese habet, licet externa mortis causa sit eadem, in suspensis hominibus aliena manu sub vehementibus moliminibus enecatis. Medicus exercitatus aliquando primori fronte hanc mortis speciem distinguere potest, atque illud etiam sat manifestum est in organis respirationi et circulationi dicatis, hic enim omnibus intentis viribus miseri mortem evitare conantur, dum in casu contrario, ubi mors tamquam verus amicus et ultimum solatium consideratur, eius etiam adventus absque ulla resistantia, sed potius magna cum voluptate expectatur.

Tandem, quod bene notandum, omnes observationes deficientis sugillationis quas attulimus, in suicidiis factae sunt, concedimus itaque hanc explicationem de causa deficientis sugillationis, deque absentia signorum mortem vehementem concomitantium, nisi clarior affulgeat lux, veritati esse consentaneam. Satis superque etiam probavimus sugillationem in vivisuspensis deficere posse. Caveant itaque Medici forenses ne ex hoc signo deficiente ad suspendium post obitum perpetratum concludant.

Ex his itaque concludimus, sugillationem haud quaquam sufficere ad quaestionem nostram dirimendam.

§ 12.

Inter signa suspensionis etiam referre debemus notas, quas laqueus vel funis inprimit partibus musculosis cuti subiacentibus. In multis casibus ab auctoribus variis memoratis musculus laqueo subiecti vel diffracti, vel aliquando sugillati deprehensi sunt.

RODERUS (79) in cadaveribus laqueo extincorum musculum cleidomastoidem nec ruptum nec laceratum vidit, solum ut plurimum in suspensis platysmammyoidem laesum et vitiatum observavit. MORCAENIUS (80) uno in casu non vidit musculos disruptos, in alio vero, musculos, qui os hyoides cum larynge, proximisque partibus coniungunt, carnificis laqueus diruperat. Ita-

(79) Opuscula Medica, pag. 295.

(80) l. c. Epist. 19, Art. 15.

dem (81) calum habet WEIS, in quo suspensus laesos habuit musculos sternothyroideos, et sternomastoideos. Dt. STOLTE (82) autem in cadavere mulieris suspensionis nullam detexit laquei notam in musculis, licet in orbe circulus ruber valde esset conspicuus. In alio cadavere suicidae, musculos colli intensius rubentes animadvertit (83). In femina itidem suicidae in jugulo supra musculos clydomastoideos intra eorum fibras carneas atque sub iisdem musculis conspiciebatur nigricantis sanguinis effusio, praesertim in latere dextro, ubi illa se extendebat a clavicula ad laquei vestigium usque, quo loco contactus quasi erat musculus, aderat praeterea extravasatio quaedam intra fibras carneas laesas musculi utriusque hyothyroidei (84).

Quod si igitur talis musculorum laesio deprehendatur, illa quidem sit positivum vivae suspensionis praebet signum; quod si vero desit, inde minime concludere possumus, hominem suspensum non fuisse.

§ 15.

Quoad signa, quae ex ipsa laesione laryngis capitis et asperae arteriae depromuntur, in genere notamus, quod hic raro laesio percipiatur, dum hicce tubus elasticus atque cartilagineus compressionem admittat a laqueo notabilem, quin disrumpatur vel laedatur, et, ablato laqueo, in pristinam refiliat formam atque locum, illud multorum dissectionibus summorum anatomicorum, inter quos MORGAGNIUM et DE HAEN nominasse sufficiat comprobatum est. Illud tamen non adeo generaliter assumi debet, quin etiam nonnunquam contrarium locum habeat. Dt. STOLTE eo in casu, in quo laqueus os hyoidis inter et laryngem collum contrinxerat, vidit ligamentum valde distractum atque inflammatum, ut et ipsam asperam arteriam, MORGAGNIUS vidit disruptam cartilagineum annularem (85). HALLERUS vidit, funem inter cartilagineum scutiformem et os hyoideum in pharyngis caveam irrupisse, cartilagineum crycoideam a bronchio separatam fuisse, scutiformem ruptam, ut superior pars

(81) Progr. Anni 1745, pag. 14.

(82) l. c. pag. 8.

(83) Idem, pag. 15.

(84) pag. 19.

(85) l. c. art. 13.

fursum, inferior deorsum distraheretur (86). Cl. WEIS (87) cricoideam cartilagineam in multa frustula diffractam observavit: celeb. LOUIS vidit superiorem partem tracheae laceratam. RABRUS et BOHNIVS (88) in quibusdam laceratam, attritam et conquisitam. ALBERTI rarius etiam cartilagineas glottidis et epiglottidis depressoas, distortas, laceratas et contritas observavit. Tandem KOLBIN vidit in suspensio cartilagineam cricoideam ab anteriore parte intropressam et a latere fractam (89).

§ 14.

Magis autem adhuc dubia sunt signa suspensionis, quas e læsione thecae osseae desumuntur. Cl. LOUIS et RICHÉRAND asserunt in iis, qui a carnifice suspenduntur, plerumque observari primae vertebrae luxationem. Eandem fove sententiam Cl. PETIT (90) credit nempe in omnibus fere suspensionis primae vertebrae a secunda plenariam adeoque separationem et probabiliter proximam et praecipuam eorum mortis causam inde esse deducendam: DUVERNEY (91) vero huic non favet opinioni, contendit nempe, luxationem inter tertiam et quartam vertebrae locum habere.

Si enim celeb. PETIT sententia vera foret, tunc mors suspensorum semper inevitabile post se trahere deberet fatum, illud quod experientia refutatur: prostant enim exempla hominum, qui in vitam redierunt, licet per aliquod temporis spatium suspensi fuissent: accedit, quod a primae vertebrae luxatione necessario medullae spinalis laesio et compressio produci debeat; haec autem laesio existere nequit, nisi absoluta insequatur mors, omnia enim vulnera, contusiones et commotiones medullae spinalis, eo citius et certius, fatales evadunt, quo propior pars medullae vulneratae sit cerebro, hanc sententiam quoque amplectitur BOHNIVS (92) monens, quod longe magis sit periculosa

(86) *Element. physiol.*, Tomo 3, p. 271.

(87) l. c. pag. 16.

(88) *Opera omnia*, pag. 655. l. c. pag. 389.

(89) *PYL*, *ausz.*, Tomo 3, obs. 14.

(90) *Traité sur les maladies des os*, chap. 2, pag. 67.

(91) *Traité des maladies des os*, Tomo 2, pag. 133.

(92) De renuntiatione vulnerum, pag. 205.

et citius lethalis luxatio unius vertebrae, quam plurium, cum tunc medulla spinalis longe magis acutum formet angulum, et fortius a luxata vertebra comprimatur, quam si plures vertebrae luxatae sint, cum tunc angulus fit magis obtusus: saepius praeterea demonstravit inspectio anatomica cadaverum, in quamplurimis, a carnifice suspensis, nullam vertebrarum colli luxationem adfuisse. Sic MAUCHARD (93) in multis suspensis, cultro anatomico subiectis, ne speciem quidem luxationis observavit, licet carnifices caput suspensi violentissime et diu ad anteriora protruderent, adeoque et ipsi et omnes spectatores sibi persuaderent, omnibus tali modo suspensis cervicem esse luxatam; idem testantur MORGAGNI et Dt. FAURE (94).

Licet hisce observatis ab omni parte fidem tribuamus, Cl. RICHERAND et LOUISIUS tamen detexerunt carnificem Lionensem capite damnatos per colli luxationem, Parisiensem vero per asphyxiam necare: porro in Gallia carnifices singularem collo suspensi iniicere solent laqueum, cuius extremum descendit per dorsum et inter suspensi pedes antrorsum deducitur, atque reflectitur ad superiora usque ad collum, ubi laqueus qui collum circumdat, implicatur et nodo obfirmatur. In anslam huius laquei inter pedes suspensi dependentem carnifex inmittit suum pedem, et sic non minus laqueum pede fortiter deprimit, quam manu caput suspensi. Si nunc perpendamus suspendendi methodum saepe valde differre, necesse est ut concedamus, luxationem vertebrarum in hominibus aliqua cum vi a carnifice suspensis obtinere posse ob ligamentorum distensionem et recessum articulationum, unde facillior redditur rotatio, illudque etiam pluribus experimentis in canibus comprobavit Dt. RICHOND DU PUY (95).

Altera adhuc superest quaestio, num vertebrarum luxatio accidere queat in iis, qui semet ipsos suspendunt. Dt. STOLTE, COLUMBUS, FRANCKIUS et LOUISIUS (96) credunt, luxationem in hisce hominibus non locum habere. Ab altera tamen parte dantur auctores flatuentes, eam revera obtinuisse, ci-

(93) *Dissertatio chirurgica de luxatione nuchae*, § 6.

(94) l. c. *Epist.* 19, art. 14. LOUIS, l. c. pag. 29 et 30.

(95) *Dissertation inaugurale*. Paris 1822.

(96) l. c. De re anatomica, cap. 2. *System. einer vollständigen medicinischen Polizei*, Tomo 14, p. 265. l. c.

tant quoque casum viri cuiusdam calces ligneas compingentis, trabi ita suspensi, ut funis ansam formaret, quae una extremitate trabem circumdabat, altera vero sub mento posita pene ahres et occiput terminabatur, atque Dt. PFERUS luxationem primae vertebrae detexit. Cl. CHAUSSIER etiam talem observationem commemorat.

Quamvis hae observationes sint raras, uti sunt rarissimae, credimus tamen aliquando luxationem eo in casu obtinere posse, si corpus nempe valde sit ponderosum, et homo se ex alto aliqua cum vi proiciat; porro omnino animadvertendum, quod ligamenta nonnunquam valde laxaprehendantur, atque eam ob causam luxatio a lapsu accidere queat. Tandem concludimus, quod absentia fracturae vel dislocationis vertebrarum non sit signum, suspensionem non obtinuisse, sed ubi adfit, reliquis faventibus, satis evidenter constare videtur, suspensionem mortis sistere causam.

§ 15.

Ex his autem omnibus aequa ratione ponderatis elucescit, parum concludi posse ex unico tantummodo signo, quoniam nullum datur, sat characteristicum atque per se quaestioni propositae solvendae aptum, iudicium itaque multis obruitur difficultatibus; hinc praesertim ad evitandos errores expedit medico forensi, si quando sententiam suam efflagitet iudex, ut ad sequentia bene respiciat. Caveat, ne e defectu unius alteriusve signi, nimis festinanter ad modum quo mors locum habuerit concludat, tali in casu igitur praestat dubitare, quam nimis cito decidere. Summopere vero ad plurima signa simul concurrentia, e quibus veritas aliquando non adeo difficulter elucescit, respiciendum est: quam maxime vigilet Medicus, ut rerum temporumque momenta probe perpendat, atque ad relationem, quae locum obtinet signa externa inter et interna, attendat; quo magis itaque signa ex apertura cadaverum depromta respondeant symptomatibus morti ex asphyxia derivandae propriis, eo certius maioriq[ue] iure pronuntiare possumus, talem hominem durante vita fuisse suspensum. Si obductio legalis, soluto iam laqueo, peragi debet, maioris minorisve sulci profunditatis et directionis, quam occupavit funis, accurate ratio habeatur. Denique, monentibus omnino ESQUIROLLO et ORFILA, ad constitutionem defuncti, tempus post laqueum sublatum elapsam, atque positionem, quam cadaver occupavit, animum vertat Medicus.

CAPUT QUARTUM.

§ 16.

De signis, quae suicidium ab homicidio distinguunt.

Haec quaestio, utrum quis suspensus sibi ipsi violentas intulerit manus, an *AYTOXEIPLA* sit exstinctus, an vero ab alio suspensus sit, certe inter difficillimas non tantum recenseri meretur, sed quoque adeo momentosa saepe deprehenditur ut Medici forensis perversum iudicium circa hanc rem aliquando causam sistere queat, quare insons poena capitali plecti possit.

Tales historiae in Medicinae annalibus, praeter casum miseri senis *CALASSIA* iam supra memoratum, plures prostant. Sic Cl. *MAHON* historiam refert iuvenis suspensi, cuius cadaver cartilaginee vertebrarum ruptas et separatas ostendebat, et hanc ob causam huius iuvenis parentes parricidii accusabantur, Cl. tamen *PETIT* (97) hos innocentes declaravit, quoniam hanc fracturam explicare poterat e vi, qua ab alto deciderat corpus, etiam refert nonnulla exempla infantum, qui elevatione, prehenso ab utraque parte capite manibus; solo corporis pondere, distractis ligamentis et luxatis vertebris, mortui conciderunt.

Perpendamus nunc, an cadavera satis manifesta exhibeant indicia, e quibus certo certius conclusionem deducere licet, num aliquis sibimet ipsi suspendio mortem adsciverit, num vero ab alio suspensus fuerit.

Cl. *LOUISIUS* in ea versatur opinione, hanc quaestionem non adeo difficilem solutu esse, et sequentia commemorat signa.

(97) l. c. pag. 50.

Primum signum, e quo concludit, aliquem se ipsum suspendisse esse censet, quod laqueus non operatur in tracheam in suicidis, sed format impressionem circularem, quae oblique ducta ab utraque parte sub auribus transit, in cervicem definit, atque hinc mentum ad pectus inclinatur; dum si ab aliis suspendium instituitur, et nodus sub mento occurrat, circulus sit multo brevior et impressio profundior.

Secundum signum esse autumat, quod nunquam in suicidis inveniantur musculorum colli laesiones, neque laryngis vel vertebrarum disruptio, quae semper indicant magnam vim extus illatam et tantum observantur in iis, qui ab aliis laqueo ingulantur.

Tertium signum illudque certum desumit ex impressione laquei, credit sc., quod vix fieri possit aliquem vivum suspendere, et eam ob causam necessario strangulationem praecedere debere suspendium, datur itaque in collo duplex circulus, primus circularis supra humeros in parte inferiori colli lividus, dum secundus sit obliquus supra priorem non ruber vel lividus e suspendio post strangulationem productus. Illud duplici observatione etiam confirmat LOUISIUS.

Quartum, confirmatur illud modo memoratum signum, si ullibi in corpore simul cum indiciis strangulationis, vis illatae indicia adsint. BARTOLINUS FOURIER rusticus 52 annorum filium habebat sanum robustum et fortem aetatis flore annum sc. decimum octavum agentem; hic juvenis suspensus in campo arbori inveniebatur. Chirurgus referebat circulum lividum funis non in superiori parte colli, sed inferiori adfuisse supra scapulas, et simul os sanguinolentum ac dentes anteriores intropressas fuisse. Inde iudicabant magistratus, patrem, qui odio hunc filium fuerat persecutus, et saepius strangulatione minitaverat, primo pede ori imposito, filium strangulasse, et dein, ut celaret facinus, ex arbore suspendisse.

Anno 1574 Bohmae rusticus, qui melancholiae se dederat, postquam illi ingens pecuniae summa a furibus, ut suspicabantur, erat ablata, ex arbore suspensus inveniebatur. Carnifex, cui cadaveris sepultura mandabatur, invenit laqueum sanguinolentum, ex hoc solo signo detegebatur, vim externam hic obtinuisse, et ex aliis circumstantiis demum palam fiebat, proprios filios furtum commisisse, et dein patrem strangulasse, atque, ut huius facinoris suspicionem effugerent, cadaver suspendisse.

Quinto monet tamen LOUISIUS, quod in re adeo gravi nunquam fere satis prudenter versari possit Medicus, et hanc ob causam in iudicio formando omnes rei circumstantias exacte et summa cum circumspectione esse perpendendas; Medicum itaque inquirere oportet, an praecesserint melancholiae vel alicuius morbi mentalis indicia, num iam antea suididium fuerit tentatum vel rationes sufficientes adsint, quae suspensum ad autocheiriam potuerint excitare, et dein ad suspendii modum, an illud ipse exsequi potuerit — an v. c. ianua ita fuerit clausa, ut illud indicet, alium e cubiculo aufugere non potuisse.

Quod si nunc haec proposita signa attente ponderemus, et cuilibet debitum tribuere velimus valorem, patebit quod omnia haec, omni dubio atque exceptione non sint maiora, et e multis certa non deduci queat conclusio.

Quod ad primum signum.

Si aliquis ab alio homine homicida se. suspendatur, illeque magna cum vi laqueum constringat, tunc quidem concedimus Cl. LOUISIO, circulum multo breviorum, atque impressionem profundiorum fore, sed longe abest, quin res semper ita sese habeat. Si v. c. homicida simpliciter miserum suspendat, et dein fuga salutem quaerat, impressio eadem remanebit, ac si quis se ipsum suspendarit, porro, quod bene notandum, gravitas corporis et maior minorve violentia, qua ab alto proiciatur corpus, etiam sulcum vel impressionem necessario magis minusve profundam reddere valent, iam si autocheir ponderosus se ex alto proiciat, tunc laquei impressio et effectus fere idem erit, ac si ab alio enecatus fuerit (98).

Quod ad secundum signum.

In quamplurimis, uti supra iam vidimus, a carnifice suspendio enecatis, neque vertebrarum colli luxationes neque laryngis laesiones adfuere, hinc iure monet Dt. STOLTE (99), hoc a Cl. LOUISIO propositum signum non sufficere ad quaestionem nostram plane enucleandam, cum haud probabile sit, homicidas multum tempus, aut tot molimina, quibus carnifices in Gallia suspensos necant, adhibere, ut gulam vel cervicem frangerent eorum, quos suspendio occidunt, aut semper momentosas harum partium laesiones accidisse in iis, qui ante mortem servantur, licet etiam ab aliis suspensi fuerint. Praeterea, quam-

(98) BELLOC, *cours de Médecine légale*, pag. 302. MAHON, pag. 51.

(99) l. c.

vis primæ vertebrae luxationis indicia defint, hæc tamen non hominem sibi ipsi mortem intulisse probant. Accedit quod Cl. CAMPERUS (100) in suicida vertebrarum colli separationem, itidem Cl. VAN DOEVEREN (101) os hyoidis a larynge distractum, musculos hyothyreoides dilaceratos atque cornua superiora cartilaginis thyreoidæ diffracta conspexit; videmus itaque, sententiam Cl. auctoris non omni exceptione esse maiorem, quoniam in suicidis aliquando, licet raro hæc læsiones occurrunt.

Quod ad tertium signum.

Hic inre merito concludit auctor, quod in omni casu resistantia aliqua debeat supponi, illud quoque revera statuere possumus, imo vix credimus, homicidam suspendere posse hominem expectatum absque moliminibus et signis violentiæ adhibitæ superstitibus. Attamen res non semper ita procedit, possunt enim dari casus, in quibus homines debiles et timidi a pluribus homicidis unitis viribus simul adgrediantur, et videntes, quod nulla ratione vitam celestis manibus subducere queant, nullaque spes salutis affulgeat, se absque resistantia truculentissimæ submittant morti.

Porro ubi circularis impressio obtinet, debemus supponere, quod quasi torculari enecatus sit et dein suspensus, sed an non leviter tantum potest comprimi nodus, et dein postrosum elevari, ita ut eadem fiat impressio, quæ a suspensione oritur?

Quod ad quartum signum.

Si duplex adsit impressio laquei, tunc satis evidens videtur, hic homicidium esse perpetratum, cum admodum difficulter ille qui se ipsum suspendit, ita laqueum dirigere potest, ut supra scapulas impressionem faciat et dein sursum moveatur. Quamvis hocce signum inre merito inter omnium certissima recenseri mereatur, omni tamen exceptione non est minus, vidimus enim in prima observatione Cl. ESQUIROLLII supra memorata, de suffocatione nempe agentes, cadaver feminae suicidæ duplicem a fune productam exhibuisse impressionem, alteram circularem, alteram obliquam.

(100) Demonstratio anat. patholog., libro 2, cap. 1, § 7.

(101) In disertat. Dr. STOLTE, pag. 18.

§ 17.

Ut autem suicidium ab homicidio distinguerent, aliud adhuc signum attulerunt Medici forenses, quam maxime respexerant nempe ad faciem eiusque lineamenta, si haec composita atque quieta apparerent, suicidium, in contrario autem casu, nempe si distorta trucia et ferocia essent, potius homicidium perpetratum fuisse concludebant, et quidem non absque ratione, terror enim, ira, certamen cum homicida, reliquique animi adfectus, quibus, durante ultima vitae periodo, miseri ad mortem aufugiendam plectuntur, nonnunquam post mortem in facie satis manifesta indicia relinquunt; inde tamen ad homicidium concludere velle minime prudentis esset medici, cita enim obrepens desperatio infelici suicidae citissimam conciliare valet mortem, atque faciei lineamenta torpida hunc animi vehementem adfectum exprimere possunt, in angone etiam musculorum faciei motus convulsivus faciem horride extorqueri potest; homicidae aliquem durante somno vel etiam aliquando adeo cito trucidare possunt, ut terrore percuti nequeat, terror cerebri paralyfin producit, quae vultus intentionem delet, videmus itaque, hocce signum etiam non sufficere quaestioni propositae solvendae.

§ 18.

Quod ad signa violentiae externae, haec quidem indigitare videntur homicidium obtinuisse, attamen non semper et ubivis certum exhibent indicium, dari etenim possunt casus, in quibus suicidae ob anxietatem et animum desperandum, quo durante ultimo vitae stadio aliquando illi miseri plectuntur, sibi met ipsis laesiones vel vulnera infligunt, vel ab altera parte fieri potest, ut suicida primo alia ratione mortem sibi conciliare velit, sed non succedens se ipsum suspendat, qualem casum citant Cl. A. DE HAEN et REMERUS (102).

Prudenter omnino Medicus quaevis circumstantias debet examinare et ponderare. Ianua intus clausa non semper certo indicat suicidium, videre oportet an quis per fenestram fugam capere potuerit; praeterea monendum, quod, quamvis homicidae saepe facinus perpetratum celare student, ita etiam dari

(102) IN METZGER system. edit. 5^a, § 240, nota c.

suicidas, qui illud facere conantur, et sic aliis persuadere volunt, se ab alio necatos fuisse, Cl. BEHRENDs (103) narrat se vidisse suspensum, cujus manus et pedes erant ligati, an hic non ab alio interfectus esset? attamen sedula investigatione apparuit, hunc hominem fuisse suicidam, pedes primò ligaverat, dein laqueum collo circumiectum firmaverat, ac postea manus proprias colligaverat.

Praeterea hic in censum veniunt causas morales, ad quas probe est attendendum, sub his comprehendimus vestium conditionem, suppellectilis ordinem, naturam loci, ubi scena locum habuit, strepitum ab aliis perceptum vel non, temperamentum, vitae rationem, consuetudinem, conditionem moralem individui, an proclivis in ideas melancholicas et tristes fuerit, simul respiciendum est ad causas, quae eum ducere potuerunt ad vitae terminum imponendum.

Si crimen in loco remoto solitario acciderit investigatu molestius est, quam si illud in loco incolis frequenti locum habuerit, ubi a vicinis queri potest, an strepitum perceperint nec ne? Porro videndum, num locus aditu facilis, portae et fenestrae clausae vel apertae inventae fuerint, si hae intus accurate clausae deprehendantur et tabulatorum atque murorum conditio talis sit, ut homicida nec intrare nec fugam capere potuerit, iure concludimus, hominem sibi ipsi ob vitae taedium mortem adscivisse, praecipue si auxilia, quibus miser usus fuit, simul deteguntur. Quod ad vestimenta, si individuum sanum et robustum ab aliis interemptum fuerit, concludere licet, ea aequè ac capillitiam valde inordinatam esse, e contrario si bene composita appareant atque vitae ratio, consuetudo, character, fortunae deperditio, alienatio mentalis, taedium atque desperatio huic homini propria fuerint, magis suicidium quam quidem homicidium augurari licet, tamen, quod bene notandum, certam conclusionem formare non licet, cum semper dubii et haesitabundi in re adeo gravi esse debeamus; ab altera parte non raro homicidae omnia obstacula adeo callide recondunt et remonent, ut suicidium potius quam homicidium obtinuisse videatur. Sic mercator Silesiensis suspensus reperiabatur, nullis violentiae alicuius praesentibus signis, obductione concludebatur, suicidium obtinuisse, postea tamen accuratiore magistratus inquisitione patuit, viduam defuncti

(103) l. c. pag. 153.

alieno amore captam, adiuvante amico, maritum strangulasse et dein suspendisse (104).

Sic Cl. SCHLEGEL (105) casum refert hominis suspendi, in quo quidem aderant indicia suffocationis, sed determinari non poterat, num suicidium an vero homicidium peractum fuerat. Similiter historiam, memorat qua probabilis redditur opinio, aliquem potius a fratre suo in insultu asphyctico fuisse suspendum, quam sibi metipsum mortem conciliavisse (106).

Ex omnibus itaque his concludimus, quod omnino difficulter aliquid certi hac de re pronuntiari possit, hinc non nisi summa prudentia et accuratissima investigatione rem adeo momentosam enucleare poterimus, quoniam omnes circumstantiae hic aliquando tantum meras fistant coniecturas.

(104) *National zeitung der Deutschen vom jahre 1821, num. 4, pag. 74.*

(105) *Mater. für die Staatsarzneikunde et pract. Med., Tomo 1, Med. zeitung, Tomo 3, pag. 184.*

(106) *Neue Material für die Staatsarzneikunde und Heilkunde, Tomo 1, num. 2.*

CAPUT QUINTUM.

§ 19.

De suspenforum restitutione in vitam.

Humanitas, pietas et sancta lex, qua omnes homines tenentur, et adstringuntur, iubet ab omni parte, ut hominibus miseris, qui ob vitae taedium aliasve causas, violentas manus sibi intulerunt, vel ab aliis improbis hominibus vivi suspensi fuerunt, si minima vitae servandae spes affulgeat, opem feramus. Hoc enim moriendi genus non semper inevitabile post se trahit fatum. Plurima enim hominum prostant exempla, qui in vitam redierunt, postquam per dimidium horae vel quod excurrit spatium fuissent suspensi. Plures tales casus restitutionis in vitam hominum suspenforum, debito allato auxilio, Cl. FRANCK memorat (107). FOTHERGILL narrat, sartorem in Irelandia ob furtum commissum per 29 minutarum primarum spatium suspensum, quo tempore laqueus solvebatur, et carnifex nullum amplius vitae signum percipiens cadaver derelinquebat, post quatuor horas, omnibus ad vitam redintegrandam institutis conatibus, inter alios laryngotomia feliciter servatum fuisse (108). Sic Cl. WILLIS *Elisabetham Green* infanticidam, quae $\frac{1}{2}$ horam pependerit, et in theatro anatomico vitam recuperaverat, servavit (109). BRUHIERIUS (110) refert, furem quendam, qui pridie suspen-

(107) l. c. Tomo 14, pag. 268.

(108) *Winke über die rettungsmittel bey plötzlich gehemmter lebenskraft*, pag. 66—69 et 75.(109) *Etwas Neues vom Tode*. Nürnberg 1655.(110) Disertatio citata, pars 2^a, pag. 253.

fus fuerat, molitoris cuiusdam auxilio a patibulo fuisse liberatum, atque in vitam rediisse, nonnulla adhuc alia citat exempla. **FORRESTUS** (111) duos fuicidas, descisso laqueo, vitam recuperasse adnotat. Illustris cancellarius **BACCO** (112) casum narrat fuicidae, per dimidiam horam suspensi, morti tamen erepti. **PECHLINUS** (113) animadvertit, mulierem laqueo prehensam, deficiente pulsu, atque respiratione, restitutam fuisse. Multa adhuc talia exempla plures commemorant auctores (114).

Sanctissimum itaque hominum officium exigit, ut illi miseri, truculentissima morte correpti, auxilio non destituantur, nihil enim terribilius animo et cogitatione fingere possumus, quam miseros tales certissimae neci relinquere.

Si Medico igitur contingat fortuna, miserum talem ex orci faucibus ad vitam revocare, stabile nobis praebebit iudicium, quoniam ex ipsius suspensi ore veritatem eruere valemus et indagare possumus, quatenus tanti fati fuerit causa; praeterea vitam hominis non una forsitan ratione cognatis patriaeque utilem feriat, et nonnunquam tali pacto curat, ne insons forte criminis reus evadat, poenaeque iniusta plectatur.

Simul ac aliquis suspensus reperiatur, statim laqueus vel funis abscindi debet, et cavendum omnino, ne miser humo procumbat et hac ratione vulneretur (115). Caput parumper est elevandum, vestes arcte corpus comprimentes quam citissime relaxandae sunt, ventilatio est instituenda et facies aqua frigida conspergenda, simul aërem per nares tubi elastici ope inflare oportet; interea adiutor quidam simul pectus atque abdomen lenibus frictionibus de industria cum flanela vel lana institutis, lente sursum deorsumque in actum ducere debet.

Si corpus frigescere incipiat, utiliter adhiberi potest balneum leniter cali-

(111) *Observ. Medicæ et chirurgicae*, libro 15, obs. 25.

(112) *l. c.* volum. 2, pag. 178.

(113) *De aer. et alim. defect.*, cap. 7.

(114) **HALLER**, *elementa physiol.*, Tomo 3, l. 8, sect. 4, pag. 270. **SWITANIUS**, *comm. in aplorim.* **BOERHAVII**, Tomo 2, pag. 198. *Syll. memor. medic. et mirab. natur. arcan.*, Cent. 7, pag. 39—40. **WEPFERUS**, *l. c.* pag. 182 seq. **SCHENCKII**, *observ. medicæ*, Tomo 1, libro 2.

(115) **GOTTLÖB BERNSTEIN**, *practisch handbuch*. pag. 192. *Dict. des sciences med.* Tomo 53, pag. 44.

dum (116). Si vero hoc praesto non fit, calor sani hominis secum in lecto degentis usui venit (117). WEPFERUS casum feminae a carnifice suspensae, quae sanata fuit decubitu cum femina aliisque remediis, habet, vel vesica aqua calida repleta, regioni ventriculi applicata, vel fots calidi aromatici ventri appofiti conducunt.

Calore corporis restituto, absque interruptione aëris inflatio in pulmonibus tentari debet, illud autem remedium, uti saepius fieri solet, ab his laudatur, culpatur vero ab illis (118).

Optimum vero effectum praestat aer expiratus, si caveat tantummodo Medicus, ne infletur nimia carbonici quantitate onustus, quod optime praecavetur, si bis vel ter citissime ante inflationem respiret, ille autem aer expiratus non solum quia statim praesto est, sed etiam quando adhuc liberam caloricam quantitatem possidet, in quamplurimis suspensis prodest, qui ex aere suscepto caloricum nondum liberare possunt. Accedit, quod ardens vitae revocandae desiderium halitus fluido magnetico animali imbuunt, nulli autem methodo applicandi magnetismum ille halitus efficacissimus aequiparari potest.

Dein frictiones in latus sinistrum lenes et gradatim auctae usui venire possunt, si respiratio vel cordis motus post inflationem nondum apparet, aqua vel vinum frigidum ex altitudine quadam guttatim in cordis scrobiculum defluere debet, vel clysmata e fumo tabaci applicanda sunt, haec fumi introductio apparatu eius deficiente, fieri potest cultri vagina utrimque aperta, dum fumifactorium tabaco plenum per illam transferat fumum in intestino recto, in quo est introducta, os a muco vel spuma depurari debet. Si vero facies rubra livida vel nigrescens deprehendatur, vertigo et stupor remaneant, venae sectio generalis vel topica saepe prodest, respectu tamen ad aegri constitutionem et statum, in quo versatur, habito (119). Sic v. c. si in dubia adhuc vitae observentur signa, et insignis ad caput adsit congestio, si suspensio vel strangulatio mox locum habuit, venae sectio primum exhibet remedium.

(116) VAN MARUM, *beantwoording der aanmerk. van den Heere TER SIER etc.* 1813 pag. 54 seq.

(117) Exercitationes de locis affectis in apoplexia, pag. 182 seq.

(118) *Journal de Médecine* 1779. Tomo 51, pag. 574 Comment. de scient. nat. et med. Tomo 25, pars 2, pag. 263.

(119) HILDEBRANDS, *beobachtungen in HUYELANDS Journal.* Tomo 5, pars 1^a, pag. 364.

LOUISIUS omnium instar laudat sectionem venae iugularis; Cl. GARDANE (120) huic opinioni valde favet, et summo opere suadet sectiones venae iugularis et pedis imo liberaliores instituire. Cl. SAVARY (121) tamen citat casus ubi valida venae sectio valde nocuerat; simul durante, sanguinis effluxu, fomenta frigida SMUCKERI capiti imponenda et sensim renovanda sunt, donec facies naturalem acquisiverit colorem.

Simul ac aeger deglutire potest, Dt. STOLTZ (122) commendat vinum calidum cum saccharo et aromatibus, ut interne corpus excaleseat et roberetur, atque si respiratio laboriosa est cum sibilo, propter stagnantem in bronchiis materiam spumofam, potus quibus oxymel scilliticum aliaque expectorationem promoventia addita sunt. Suadet itidem egregius vir ab initio inde eorum colla multo oleo calido inungere, et si adhuc respirent, venae sectionem in cubito, imo in iis, qui signa vitae non amplius manifestare solent, porro sternutatoria commendat, etiam rubefacientia pectori, ac vesicantia nuchae applicanda monet, porro balnea calida, irritationem faucium plumulae ope, sectionem venae raninae vel iugularis similiaque inter efficacissima remedia requiset; Dt. HENSLEB hic adiungit ad spasmus removendum et circulationem liberiores reddendam, cataplasmata fl. chamomilli, sambuci, vel feminum lini contritorum in aqua cum lacte coctorum, porro Cl. VAN ENGELB suadet tabaci fumum ab aegro deglutiendum anoque etiam introducendum, quod medicamentum, optimo cum successu, loco Emetici adhibuit, quod ob spasmodicam faucium constrictionem raro ad ventriculum ducitur (123).

(120) SELLE, med. clinic., vol. 2.

(121) *Dict. des sciences med.* Tomo 2, pag. 378.

(122) l.c. pag. 60 et 61.

(123) GARDANE, l. c. pag. 284-291.

T A N T U M.

GOSUINI ACKER STRATINGH,

ADORPO-GRONINGANI,

**MEDICINAE IN ACADEMIA, QUAE GRONINGAE
EST, CANDIDATI,**

DISPUTATIO

DE AQUAE VAPORE IN ATMOSPHAERA CONTENTO,

A D

QUAESTIONEM PHYSICAM,

**A NOBILISSIMO DISCIPLINARUM MATHEMATICARUM
AC PHYSICARUM ORDINE**

I N

ACADEMIA GRONINGANA

ANNO MDCCCXXIV PROPOSITAM:

„An experimenta DALTONI, quae ad aquae evaporationem spectant, nullam admittere possint combinationem chemicam aquam inter et aërem; si illa combinatio locum non habeat, qua ratione atmosphaerae siccitas et humiditas et in universum meteora aquosa ex DALTONI theoria possint explicari?“

QUAE PRAEMIUM REPORTAVIT.

*„Si una causa sufficiat, ad phaenomenon explicandum, non plures sunt
„ponendae aut fingendae.”*

INTRODUCTIO.

Ab omni iam tempore quaestio fuit agitata, quomodo aqua adscenderet in aërem, qualis eius esset in atmosphaera constitutio? Haec enim quaestione soluta, Meteorologiae minus densae obductae forent tenebrae; sed ad nullam fere in disciplina physica quaestionem tam diversa fuit ac varia responsio: tot enim fere, quot fuerunt Physici, viguerunt opiniones. Breviter videamus, quae ad tempora DALTONIS variae variorum Virorum de hac re fuerunt sententiae, ut tali conspectu nunc adaequatas habeamus notiones propositae quaestionis.

Haec opinionum diversitas ad duo potissimum referri potest capita, prouti vel *chemicam* vel *mechanicam* aquae cum aëre statuebant coniunctionem, licet de utriusque conditionis modis denuo quisque fere Auctor suam foveret opinionem. Priorem qui amplectebantur opinionem, erant praecipue MUSSCHENBROEK (1), LE ROY (2), DE SAUSSURE (3), MONGE (4), HUBE (5), etc.

(1) *Essais de Physique*, § 1469. Admirari debemus sanam et integram, quam iam fovebat MUSSCHENBROEK, de Evaporatione opinionem, cum complures postea omnino de illa veritatis via deflexerint.

(2) In *Histoir. de l'Académie R. des sciences*, 1751, p. 481.

(3) *Essais sur l'Hygrometrie*.

(4) In *Annales de Chimie*, T. V.

(5) *Ueber die ausdünstung und ihre wirkung in der Atmosphäre* etc. 1790. — *Vollständiger unterricht in der Naturlehre*, 1793, Tom. II.

DE LUC, qui tamen postea opinionem cum altera maxime diversa commutavit, mechanicum prorsus aquae in aëre statum adesse dixit, temperatura moderatum (6). Secundum LEROY, MONGE et HUBB aqua directe ab ipso aëre solvitur; DE SAUSSURE, ut iam prius MUSSCHENBROEK, caloricæ ope hoc fieri autumavit.

Cum interea LAVOISIER imprimis auctore, chemica disciplina universam Physicam novis amplificaverat inventis, quae atmosphaerae et aquae naturam spectabant, novis etiam de hacce re ansa data est theoriis. Sic LIBBS (7), hisce novis fretus principiis, explicare tentabat aquae in atmosphaera conditionem; non constabat tamen sibi, num vapor solummodo caloricæ ope oriretur, num aëris vi, vel ope istius caloricæ in aëre revera disolveretur; prae aliis tamen videtur sibi placuisse opinio illa, adscensum aquae in aërem simplicem modo esse evaporationem, at aliis etiam modis aquam in atmosphaera componi et deponi posse, prius nempe solis calore, posterius fulgure. Tandem conatus est PARROT varias illas theorias, praecipue a DE LUC, HUBB et MONGE traditas, in unum coniungere, cum opinatur, aquam evaporatam partim ab aëre chemice solvi, partim vero, ut vaporem, mechanice per illum dispergi: statuebat itaque evaporationem chemicam et mechanicam simul adesse; at, quod huius theoriae caput est, non aëri atmosphaerico, sed oxygenio tantum vim dissolvendi competere docebat, ac ita, demto oxygenio, vapores pro parte praecipitari, uti hoc cum mechanice in aëre praesentibus vaporibus, detractio caloricæ, locum habet (8).

Sequentia principia illo temporis vestigio de evaporationis doctrina fuerunt cognita ac satis demonstrata.

1°. Evaporatio consistit in mutatione corporis liquidi, aquae, in conditionem gassiformem, adiuvante caloricæ.

2°. In omni temperatura et pressura evaporatio locum habere videtur; nul-

(6) In ipsius opere, *Recherches sur les modifications de l'atmosphère*, ut et aliis.

(7) In *Journal der Physik*, 1790, S. 410.

(8) *Grundzüge zu einer neuen theorie der Ausdünstung* etc. in VOIGT, *Magazin für die Naturkunde*, B. III, St. I.

Itaque videtur esse differentia inter vaporem ex aqua ebulliente, et illum temperaturam vulgari ex aqua adscendentem.

3°. Inter temperaturam et evaporationem certa est relatio, diversa tamen secundum circumstantias externas evaporationem moderantes, uti pressuram, aëris motum, cum illa ipsam retardet, hinc promoveat.

4°. Evaporationis quantitas, caeteris paribus, directe superficiei, qua aër aquam attingit, respondet.

5°. Eo est insignior, quo minor est aëris humiditas.

6°. Vapor aquae est fluidum elasticum, perfecte flocus et pellucidus; ipsis proprietatibus ab aliis fluidis elasticis non essentialiter differre videtur.

7°. Iste vapor pollet vi expansiva praecipue per temperaturam moderata.

8°. Vapor aquae in liquidum convertitur, quum pressura vim eius expansivam superat, i. e., si pressura ad eandem temperaturam fortior, aut temperatura ad eandem pressuram minor fiat, quam ea pressura et temperatura, sub quibus formabatur.

9°. Vapor aquae est levior aëre atmosphaerico, quem, cum sit fluidum elasticum, non humectat nec turbat.

10°. Vapores, detracta his calorigi certa quantitate, condensantur variis nunc conspicui sub formis, nebularum, nubium etc., qui tandem in aquam trans-eunt (9).

Licet, ut ex hisce patet, generalia evaporationis et vaporum phaenomenorum principia satis clare iam essent perspecta, multa tamen desiderabantur, cum quisque suo systemati haec applicaret (10). Multis adhuc vaporis ipsius

(9) Vid. I. D. O. ZYLIUS, *Abhandlung über den gegenwärtigen Zustand unsrer Naturkenntnis von den wässerichten Lufterscheidungen*, in *Verhandlungen van TEYLER'S tweede Genootschap*, D. XIII, p. 158 seqq.

(10) Cogitemus modo, quas ipsa vocabula *evaporationis* et *vaporis* vagas et ambiguas praebant notiones. Voces *Ausdünstung*, *Dunst*, *Verdämpfung* et *Dämpfe* tot diversas fere, quot leguntur, habebant significationes; sic voce *Dampf* modo visibilem modo invisibilem, siccam vel humidam, elasticam vel liquidam et tenuissimam substantiam indicabant, vel et corpus, quod omnes hasce proprietates coniunctas praebet, prouti theoria hoc postulabat. Doct. ZYLIUS sic varia vocabula interpretatur; per *aus* — vel *verdünstung* generalem evaporationem, at per *Verdämpfung* et *Dampf* magis specialem ipsius aquae in aëre significat (vid. ZYLIUS Comment. cit. p. 6). Conveniunt cum hisce

aquae et in genere omnium vaporum cognitio erat obesa tenebris; imo, quod ad ipsa explicanda pertinet Meteora, illud non debita fieri poterat ratione, cum ipsa vaporis in atmosphaera constitutio minime firmo niteretur fundamento; chemica enim aquae cum aëre combinatio, quamvis generaliter accepta et ut demonstrata fere a plurimis habita, mera tamen adhuc erat hypothesis.

Rem ita constitutam tandem examini submitit DALTON, vestigia DE SAUSSURE et DE LUC secutus, quod optime eum fecisse fatendum est; si in ulla enim re experientia quid valeat, de hacce re illud erit dicendum. Cum DALTONI certo nova Meteorologiae instaurata est periodus. Physici plurimi primariam hucusque dissolutionis theoriam prorsus mittebant et totam DALTONIS amplectebantur opinionem: multi veteri theoriae addicti remanebant, sive illam praestantior putantes, sive vitiis variis, quae in illa DALTONIS agnoscebant, deteriti. Hinc examen iteratum istius doctrinae institutum est. Ipse etiam DALTONIS theoriam inquirens, statim fateor multam in illa invenisse probabilitatem, quam ulterius examinare incitabat quaestio a Facultate Disciplinaryum Mathematicarum et Physicarum in Academia Groningana proposita:

„An experimenta DALTONI, quae ad aquae evaporationem spectant, nullam admittere possint combinationem chemicam aquam inter et aërem; si illa combinatio locum non habeat, qua ratione atmosphaerae flocitas et humiditas et in universum meteora aquosa ex DALTONI theoria possint explicari?”

Quaestionis vero accuratius examen instituens, mox concipiebam, quanta, si in respondendo meas periclitari vellem vires, opera, quanta prudentia esset adhibenda: duae enim hic patebant viae, utram tuto sequi possem et deberem, nec quaestio suadebat, nec ipsa res ita aperte indicabat. Cum tandem ad illam materiam elaborandam animum adverterem et omnia ab omni parte perspi-

BERTHOLETI aliorumque, qui eum secuti sunt, denominationes *vaporisation* et *evaporation*. In vernacula etiam lingua Physici minime omnes eundem tribuunt sensum variis vocabulis *Uitsdamping*, *Verdamping*, *Damp* et *Wasein*. Cl. VOSMAER vocat *Damp* aquam elastica sub forma et *Wasein* subtilissimè divisam, phaenomenon ipsum *Verdamping* (*Apothekers woordenboek*, D. I. bl. 536, 550); cum Cl. MULDER, quod ad vaporem, omnino contrarium ponit et evaporationem voce *Uitsdamping* denotat (*Handleiding tot de Scheikunde*, D. II. St. I. bl. 24). Simpliciter hic adhibebo vocem *evaporationem* pro omni aquae in fluidum elasticum mutatione et productum *vaporem* sive *vaporem elasticum*, sive *gas aquae* nominabo.

cerem, mechanicam seu physicam rei explicationem, nisi veram, duntaxat eam esse opinabar, quae optime experientia ipsa probari et phaenomenis applicari posset. Non enim mihi persuadere poteram, revera talem chemicam actionem locum habere nec illam ad experimenta et phaenomena explicanda necessariam esse percipiebam; quod si verum esset, nulla nisi mechanica adesse poterat constitutio et res nunc in eo vertebatur, ut secundum hanc theoriam experimenta et phaenomena bene explanarentur.

Ita autem quaestioni optime satisfieri putabam, ut, quae a variis Physicis ab utraque parte et a DALTONI ipso de eius experimentis et theoria sunt prolata ac sparsum prostant, colligerem, compararem et ad conclusionem formandam aptarem: ubi res flagitaret, quantum possem, recentiorum adhiberem observationes, ad difficultates hic et illic obvias solvendas; nam, licet summatim DALTONI assentiens, nonnulla tamen dantur, praesertim eius hypotheses, quae examen prudentius omnino postulant. Semper quidem secundum quaestionem ad DALTONIS experimenta attendi, at probe sentiens, si theoria quaedam assumatur, non solum cum certis experimentis et phaenomenis istam congruere, sed etiam ad omnes doctrinae partes applicari posse debere, ideo praeter illas obiectiones directas contra DALTONEM, alia in genere argumenta, quae vel mechanicam theoriam disuadent vel probant, attuli et investigavi; tali generali materiae tractatione, probabilitatem opinionis, quam amplexus sum, optime prodituram esse, cogitavi. Quae cum ita sint, commentationem in tres dividi partes, quarum prima continet experimenta DALTONIS: secunda horum et mechanicae DALTONIS theoriae diiudicationem: tertia meteororum aquosorum praecipuorum secundum theoriam hanc explicationem, quibus, ut facilius per omnem satis latum, qui hic datur, campum esset conspectus, totius materiae divisionem adiunxi et summas rerum in quaque § contentarum indicavi.

Haec praemonenda esse cogitabam et nunc ad ipsam transirem materiem, nisi prius me vobis, VIRI CLARISSIMI excusare deberem propter propriae experientiae inopiam. Affirmandum certe, omnem theoriam experientia suffultam non melius posse diiudicari, quam experientia ipsa: at vero non facile talis negligentia vitio verti potest; ista enim DALTONIS experimenta iam a tam multis iisque celeberrimis examinata sunt et diiudicata viris, ut meus in hisce labor omni quidem careret utilitate tum et auctoritate: cui accedunt ipsa experimentorum subtilis indoles et temporis angustiae. Spero itaque fore

ut haecce tentamina eam duntaxat habeant utilitatem, ut concinnum variarum rerum, quae in Hygrologiae studio sunt prolatae, offerant conspectum: cum quo si vestrum conveniat indicium, satis gaudebo me, licet imperfectum, tamen non inutile praebuisse opus (11).

(11) Cum satis infigne temporis intervallum inter huius Disputationis scripionem et editionem tranfierit, nova, quae interea de hacce materie prodierunt, suo loco annotavi. In genere dicendum, ista theoriā hic propositā utique confirmare.

P A R S I.

EXPERIMENTORUM DALTONIS EXPOSITIO.

C A P U T I.

De vaporibus in vacuo.

§ 1.

De expansione fluidorum elasticorum ope caloris.

JOHN DALTON experimenta sua varia theoriamque suam exposuit in *Memoirs of the Literary and Philosophical Society of Manchester*, Vol. V, Part. 2, 1802; exinde in varia sunt translata diaria, ut in *Biblioth. Britann.*, Tom. XX et XXI; in *NICHOLSON Journal*, et *GILBERT Annalen der Physik*, Tom. XII et XV etc., tum in nonnullis operibus conscripta, praesertim a Cl. BIOT in peregreto libro *Traité de Physique* etc. T. I. Cum primis commentationibus mihi frui non contigerit, id scopo satisfacere putavi, si secundum Cl. BIOT enarrationem experimentorum instituerem, semper respiciens ad ipsas DALTONIS commentationes a GILBERT in diario laudato traditas.

Inter prima ipsius experimenta occurrunt illa de dilatatione fluidorum elasticorum ope caloris, quae, licet quidem non ita directe ad nostram spectent materiem, tamen breviter adducenda sunt, cum generalem indicant legem, qua varia in posterum notanda nitantur.

Experimenta sunt facta cum aëre atmosphaerico, gase hydrogenio, oxygenio, nitroso et carbonico. Iterata vice invenit, 100 partes aëris atmosphaerici sub pressione aëris vulgari in manometro a 55° ad 212° F. calefactas ad volumen 321 partium expandi, cui si adduntur 4 partes pro dilatatione vitri, dilatationem ipsius aëris = 325 ad 187° habemus, itaque pro 180° , si expansio aequabilis fit, = 373, dilatationem scilicet a puncto congelationis ad illud ebullitionis. Biot dilatationem inter 0° ad 100° C. = 0,372 partibus voluminis primitivi ad 0° ponit, eadem manente pressura (12), cum DALTON ipse postea pro hacce quantitate assumpsit 0,376 (13). Praeter exiguam differentiam alia iam citata fluida elastica eundem dederunt eventum, unde concludit DALTON, *omnia fluida elastica sub eadem pressura calore aequabiliter expandi et cuique expansioni mercurii in thermometro relativam aëris dilatationem aequilibrem esse, solum quodammodo diminuentem eo magis, quo elevationes sint temperaturae* (14).

§ 2.

De vi elastica vaporis aquae.

Ut DALTON vaporum in vacuo effectus examinaret, sequenti usus est simplici methodo (15). Sumit tubum barometricum (cuius longitudo in aequales divisa partes, quae e. g. pollices et lineae indicant), mercurio implevit, parvo relicto spatio, quod liquidum, cuius vapores indagandi sunt, supplere debet; quo facto, tubum digiti ope clausum, dein inversum, iterata vice sursum deorsumque movit, ut aër tubi parietibus adhaerens detraheretur; nunc denno invertit tubum, ita ut apertura superiora spectaret ac, digito amoto, partem liquidi, quae tubi parietibus se non affixit, una cum bullulis aëreis supra mercurio-

(12) Vid. BIOT, *Traité de Physique expérimentale et mathématique*, T. I, p. 188.

(13) DALTON, *Neues System des chemischen Theiles der Naturwissenschaft, u. d. Engl. von F. WOLF*, Berl. 1812, T. I, p. 25.

(14) Vid. GILB. *Annal.* B. XII, S. 314. seqq.

(15) Haecce experimenta inveniuntur in GILB. *Annal.* XV, 1. seqq.; plurimum tamen Biot secutus sum.

rium collectam, separavit, cuius in locum immisit mercurium, ita ut totus impleatur tubus, qui tandem, ut in barometris construendis, revertebatur in vasculum mercurio itidem repletum:

His ita constitutis, brevi post mercurium depressiorem, quam in barometro vulgari, assumere statum vidit, cuius causa certe non alia esse poterat, quam liquidum, quod parietibus adhaerens, aut partim ad superficiem mercurii adscensum, dato vacuo, in vapores transit, quorum elasticitate mercurii columna deprimitur. Differentia nunc, quae intercedit inter huius tubi columnae ac eius barometri vulgaris altitudinem, indicabat vaporis *vim elasticam* sive *tensionem* (16).

Ut determinaret DALTON vaporum vim elasticam diversis temperaturis, eundem adhibuit tubum vitreum alio latiore circumdatum, quem ab inferiore parte accurate obturavit ligneo epistomio, quod primus tubus pervadit; sic liquore inter hos tubos contento identidem calefaciendo, eius temperatura communicari poterat cum vapore, cuius nunc *vis* elastica ita cognosci potest, ut notetur altitudo mercurii in tubo supra libellam atque haec ad temperaturam atmosphaerae reducta ab illa abstrahatur, quae eodem tempore in barometro ab omni aëre puro observatur: quae restat, tensionem praebet (17).

(16) Vid. BIOT, *Traité* etc. T. I, p. 265, seq. — *Vis elastica* plerumque dicitur de vapore, *tensio* de liquido; tunc sub *tensione* intelligitur *vis*, qua liquida aëiformem assumere statum conantur, cui *vis* aequalis est ipsa *vis elastica* vaporis iam exorti: eodem itaque credit utraque denominatio.

(17) BIOT, *Traité* etc. T. I, p. 267. seq. BIOT hic nos attentos reddit ad quoddam in apparatus DALTONIS vitium, scilicet, ad inconstantem aquae calidae in tubo latiori temperaturam, illo nitens principio, temperaturam massae cuiusdam liquidae non in omnibus locis aequalem existere posse, cum molecule frigidiores ob ponderis excessum inferora petunt. Huic medelam afferri vult varis thermometris liquori immisissis, quorum omnium indicationes ad unam mediam poscent reduci temperaturam.

Ne vero in errorem ducamur et sermo ambiguus reddatur, non ineprum duco, hic praecipuos annotare characteres, quibus vapores et sic dicta gasa distinguuntur. Tensio gasis spatio, quo continetur, diminuto augetur, vaporis non ita, cum dato spatio non nisi determinata quantitate adesse possit, si spatium omnem illam contineat quantitatem, quae exurgit ad illam temperaturam, in qua experimentum sumitur. Alius character et praecedentis sequela est, calore non eodem modo ac gas, spatio nempe repleto, vim elasticam incitari; spatio inquam repleto, id est, si liquidum adsit, quod novorum vaporum ortui fontem praebere potest, secus enim eorum dilatio et vis elastica (ut videbimus) eodem modo procedunt, ac gasa permanentia. Magna itaque adest differentia in determinan-

In illo apparatu vaporis vis elastica non maior observari poterat quam ea, quae atmosphaerae pressuram non superat, nam punctum, quo mercurius sistit, non observari posset, si vapor mercurium infra libellam deprimat. Ut igitur maiores etiam inquirere posset elasticitatis gradus, DALTON usus est tubo siphoniformi pro parte mercurio purissimo impleto, in cuius partem breviorē liquidum immittit evaporandum: huius temperaturam incitavit ope aquae inter duo concentrica contentae involucra metallica, quorum interius tubum liquido praeditum cingebat. Metiendo nunc elevationem mercurii in tubo longiore (adscendit enim, cum vaporis vis elastica calore admoto augetur), illam duplicando et addendo differentiam primitivam libellae (quare ante admotum calorem in tubo longiore adnotanda altitudo mercurii in tubo breviori), cognoscitur tota columnae mercurii altitudo in longiore tubo supra ipsius libellam in breviori elevatae; addatur iam ista altitudo illi in barometro indicatae, summa harum totam ostendit pressuram, quam vapor talis temperaturae sustinebit, sive ipsam vis elasticae mensuram (18).

Hisce methodis usus est DALTON, ut investigaret elasticitatem vaporis aquae inter temperaturas a 0° ad 100° C. Ad comprobanda huiusmodi inventa ulterius sumit antliam pneumaticam, ita ut liquidum evaporandum diversis aëris pressuris et quidem minoribus vulgari exponeret. Barometrum adiunctum elevatur, si aër educatur et rarior fiat in recipiente ac differentia eius altitudinis ad illam barometri vulgaris indicat pressuram aëris in recipiente contenti. Si liquidum nunc sub recipiente positum et calefactum sub illa pressura ebulliret, cognoscere potuit, eius tensionem aëris contenti pressurae esse aequalem atque posse indicari altitudine mercurii in barometro addito; omnia itaque eo redeunt, ut thermometrum aquae examinandae immittatur, et temperaturae gradus, quod ebullit, notetur. Haec methodus (quae tali principio nititur, ut liquidi sub

da dilatatione aut tensione vaporum: cum fluidis elasticis gasosis haec eadem est, nam dilatationi vis elastica est inverse proportionalis. Gasum itaque elasticitates a temperatura 100° ad 0° C. sunt, : : 1,372 : 1 sub eodem volumine, aut (ut melius videbimus) : : 1,375 : 1 : vaporis aquae, ut ex DALTONIS experimentis patebit : : 150 : 1. Ex hisce patet, quanta in utroque casu cura sit habenda, ita ut, si dilatationem examinare velimus alicuius vaporis, omni liquido remanente expers habeatur, si vero tensionem, semper tantae adfic liquidum quantitas, quae continuam vaporis emissionem producere potest; dilatatio magis de solo vapore, tensio et de liquido evaporante et de vapore valet.

(18) Vld. BIOT, *Traité* etc. T. I, p. 270.

certa atmosphaerae pressura ebullientis tenio sit aequalis pressurae, quam aer in ipsius superficiem exercet) DALTONI praebuit eventa rite cum illis observationibus, quas in tubis fecit aëre vacuis, congruentia (19).

§ 3.

Summa experimentorum: Tabula et lex vis elasticae vaporis aquae.

Tali modo nunc DALTON vires elasticas vaporis aquae determinavit pro temperaturis a puncto congelationis ad illud ebullitionis aquae, quorum inventorum summam tabula adiecta exhibet; secundum temperaturae differentiam aequalem $11^{\circ}\frac{1}{4}$ F. vel $6^{\circ}\frac{1}{4}$ C. computata (20).

Temper.		Vis elast. vap. poll. Angl.	Relativa numer. duor. subseq. quant. seu expo- nentes duar. subseq. temp.
F.	C.		
32°	0°,00	0,200	
43,25	6,25	0,297	1,485
54,5	12,50	0,435	1,465
65,75	18,75	0,630	1,450
77	25,00	0,910	1,440
88,25	31,25	1,290	1,43
99,5	37,50	1,820	1,41
110,75	43,75	2,540	1,40
122	50,00	3,500	1,38
133,25	56,25	4,760	1,36
144,5	62,50	6,450	1,35
155,75	68,75	8,550	1,33
167	75,00	11,250	1,32
178,25	81,25	14,600	1,30
189,5	87,50	18,800	1,29
200,75	93,75	24,000	1,27
212	100,00	30,000	1,25

(19) Vid. BIOT, *Traité etc.* T. I, p. 271. - DULONG simili methodo cum aliqua mutatione ac emendatione usus est. Vid. BIOT, *Lehrbuch der Experimental-Physik* übersetzt von G. TH. FECHNER, Leipzig 1824, B. I, S. 257.

(20) Vid. BIOT, *Traité etc.* T. I, p. 272. Cf. GILB. *Annal.* XV, 11. seq.

Hancce tabulam, quae directis proflus experimentis nititur, DALTON ita extendit (calculo et aliis mox indicandis experimentis in usum ductis), ut vires elasticas vaporis aquae ostendat a -40° ad 325° F. (21).

Tertia huius tabulae columna continet factores, per quos singula vis elastica debet multiplicari, ut sequens in tabula inveniatur. Si illi nunc semper essent iidem, ordo virium observatarum progressionem geometricam accrescentem a 0° ad 100° C. formaret, at inconstans est, ita ut factores identidem diminuantur, regulari quadam ratione secundum temperaturae elevationem. Quae cum ita sint, DALTON contendit vires elasticas supra 0° C. pro temperaturae variationibus aequalibus ratione geometrica procedere, hanc autem rationem non esse constantem, sed decrescere ratione arithmetica, quod decrementum pro $6^{\circ}, 25$ C. ponit $= 0,015$, quali computatione tabulam ulterius extendit; hic numerus $0,015$ invenitur, si singulus numerus, hac columna contentus, a proxime antecedente subtrahatur et omnium differentiarum media sumatur, dictum numerum designans (22).

§ 4.

Virium elasticarum aliorum vaporum comparatio.

Auctor noster eodem modo definire tentavit vires elasticas vaporum, quos varia liquida praebent et experimentis hisce cum aethere sulphurico, alcohole, ammonia, solutione hydrochloratis calcis, acido sulphurico et mercurio factis, hanc generalem detexisse legem opinatus est: *Variatio virium elasticarum iisdem temperaturae variationibus producta pro omnibus liquidis eadem est.*

Si enim ponamus (sic autem invenit DALTON), aquam et aetherem utrumque liquidum eidem pressurae $0,^m 76$ expositum, aqua ebulliet ad 100° C., aether, ad 39° ; ad hasce itaque temperaturas vires utriusque vaporis inter se sunt aequales, pressuram enim aequalem $0,^m 76$ ferunt: quod si nunc singula temperatura 10° diminuatur, unde illa aquae restat $= 90^{\circ}$, aetheris $= 29^{\circ}$, re-

(21) Cf. GILB. *Annal.* XV, 8, ubi haec tabula occurrit.

(22) Hocce principium difficultatem in se continere in posterum patebit.

perimus utriusque vaporis vires elasticas adhuc aequales et diminutas $0,^m 25472$, scilicet, quod non maiorem nunc sustineant pressuram quam $0,^m 52528$ (23).

DALTON itidem legem dictam tentavit pro diversis aliis temperaturis tam infra quam supra ebullitionis punctum et accuratam se semper eam invenisse perhibet, uti cum aethere; quae tentamina etiam occasionem praebuerunt vaporis aquae de vi elastica legem comprobandi ad temperaturas tam elevatas, ad quas directis experimentis illud non fieri potuerit (24).

Quod ad acidum sulphuricum, mercurium similiaque liquida attinet, eorum elasticitatem, cum tam exigua sit in vulgari temperatura, insensibilem fere invenit, quod ex praecedentibus iam facile intelligitur, cum talia liquida, quorum ebullitionis puncta ad temperaturas tam elevatas inveniuntur, vapores dare debeant parva admodum tensione praeditos.

(23) Vid. BIOT, *Traité* etc. T. I, p. 280, ubi et aliud exemplum occurrit.

(24) Vid. BIOT, *Traité* etc. T. I, p. 300. seq.

C A P U T II.


*De vaporibus in aëre.*1. *De miscela vaporum et gasum.*

§ 5.

*De miscela vaporis aquae et aëris tum aliorum vaporum et gasum:**Lex generalis de hac miscela.*

DALTON porro aggressus est examen vaporum cum aëre aut gase permixtorum, ut ex phaenomenis talis coniunctionis erui posset, an mechanica num chemica adfit combinatio. Primo hic adferam, quae de simplicior vaporum cum aëre aut gasibus ficcis miscela, imprimis, quod ad eorum attinet vim elasticam, instituit experimenta, cum ea, quae de evaporatione tentavit, non solum serius sunt instituta, sed etiam magis specialem de ipsa aquae evaporatione eiusque phaenomenis doctrinam continent, hic vero nunc tradenda magis generalem fluidorum elasticorum inter se actionem praebent.

Apparatus DALTONIS constabat ex tubo vitreo ab una parte clauso diametri internae circiter 2^{mm} inque partes diviso aequales. Tubo bene ficcato aliquas



H

liquoris evaporandi e. c. aquae guttas immisit, calorem admovit ad omnem tubi partem, excepta infima, ut nulla liquidi pars parietibus adhaereret; quo facto, mercurium valde ficcum introduxit, qui ob diametri internae exilitatem superiorem occupavit locum: nunc aërem aut aliud gas bene ficcum addidit, relicta in tubo parva mercurii columna.

Tubus sic comparatus, apertura superiora spectante, aquae identidem varios assumentis temperaturae gradus immittitur: calor applicatus aërem dilatat, liquorem in vapores cogit eorumque vim adauget elasticam. Spatium nunc ab hisce ad quamque temperaturam occupatum observans, tum et presuram totam in gas et vaporem, quae aequalis est columnae mercurii

H et pressuræ atmosphaeræ P, una sumtis itaque $= P + H$, DALTON hæc summam semper invenit æqualem summæ virium elasticarum utriusque tubo immisæ substantiæ, i. e., æqualem vi elasticæ vaporis, qualis in vacuo, et vi gæfis dilatati una sumtis (25).

Hisce experimentis iam in temperaturis a 32° — 212° F. factis, ad illam pervenit legem generalem, quam sic enunciavit; ponamus, gas quoddam, ut aërem atmosphaericum, cum quo præcipue experimenta fecit, ab omni aqua liberum et notæ temperaturæ, pressuram totam sustinere $= P$ pollicibus (*) volumenque in hisce conditionibus assumamus $= 1$, porro fit tensio vaporis cuiusdam liquidi, ut aquæ, ad eandem temperaturam in vacuo $= F$ poll.; si illud gas nunc et hocce liquidum sibi invicem addantur, statim expansio magis minueve celeris voluminis, quod aër occupabat, insequitur et quidem ad tale vo-

lumen, quod est æquale $\frac{P}{P-F}$ (26).

Sumamus e. g. $P = 50$ poll., quum vapor et aër sibi offendunt ad temperaturam 180° , ad quam F est $= 15$ poll., spatium occupabunt $= \frac{50}{50-15} = 2$ poll.,

itaque duplo maius eo, quod aër focus solus in hacce temperatura implevisset. Eodem modo præbet vapor cum aëre mixtus sub pressura 60 poll. ad tem-

peraturam 212° , ad quam $F =$ est 30 poll., vaporem, qui (cum $\frac{60}{60-30} = 2$ fit) aëris volumen duplicat. Non secus cum vapore æthereo, pro quo $F = 15$ poll. ad 70° , qui cum aëre pressuram 30 poll. sustinente commixtus

(25) Vid. BIOT, *Traité* etc. T. I, p. 308 seq.

(*) Scilicet Anglicis, quales hic ubique intelligendi sunt et indicabuntur per poll. et P; idem adnotandum de granis, de quibus in posterum sermo erit, quæ itidem designabuntur per gran. et g.

(26) Sit volumen sub pressura tota P et temperatura constante initiali $= N$ et tensio vaporis eadem temperatura $= F$, sibi additis vapore et gæfe, fit sub pressione P volumen $= N'$, vis elastica ipsius gæfis in volumine N' est $= P \frac{PN}{N'}$ eritque $F + \frac{PN}{N'} = P$, hinc


$$N' = \left(\frac{P}{P-F} \right) N \text{ et posito } N=1, \text{ fit } N' = \frac{P}{P-F}.$$

istius volumen duplo maius reddebat. — Acidum sulphuricum aërem ad temperaturam aquae ebullientis non sensibilibiter expandit ob causas iam adductas (§ 4.) (27).

Hanc legem utique generalem esse nec tantum cum solo aëre ac vapore aquae sic se habere, inde concludit DALTON, cum expertus sit, praeter aërem atmosphaericum etiam gas oxygenium, azoton, hydrogenium et carbonicum ab aquae vaporibus ad omnes temperaturas eodem modo expandi. Cum ultimo hoc gas non ita succederent experimenta, quod difficultati adscribitur, hoc gas ab omni depurandi aqua: extendit itaque hanc legem ad omnia gasa omnesque vapores, quae nullam chemicam inter se exercent actionem (28).

§ 6.

GAY-LUSSAC de ea re experimenta.



Talia etiam experimenta instituit CL. GAY-LUSSAC et eodem cum eventu; apparatu vero usus est magis in temperatura vulgari conveniente. Cum ipsius operandi modus insigniter rem illustret, non ineptum certe erit, si statim post illa DALTONIS haecce experimenta, duce BIOT, proponam. Sequenti modo tali apparatu accommodatissimo usus est.

Sit AB tubus cylindricus vitreus in aequales partes divisus, R et R' epistomia, quibus clauditur vel aperitur, T T' tubus vitreus incurvatus, qui ad parvam distantiam supra R dispositus cum magno cylindro in T communicationem alit et minorem, quam iste, diametrum habere debet; hoc apparatu exsiccato, ope epistomii R' mercurius purissimus infundatur in cylindrum AB, ut totum repleat, igitur etiam in tubo T T' adeandem altitudinem elevetur. Est praeterea V globus vitreus, qui sioco gas examinando plenus tubo AB

(27) Vid. GILB. *Annal.* XV, 22.

(28) Vid. E. G. FISCHER, *Darstellung und Kritik der Verdunstungslehre nach den neuesten besonders den Daltonischen Versuchen*, Berlin, 1810, S. 15.

ope cochleae affigitur. Si iam aperiuntur globi et cylindri epistomia r et R' , communicatio adest cylindrum AB inter et globum V ; sed gas in hocce praesens (si eius elasticitas aëris pressionem non superet) mercurium deprimere nequit in cylindro contentum, itaque aperiatur epistomium R , quo mercurius effluat et gas cylindrum AB intret, quod si debita quantitate in cylindro adfit, claudantur epistomia R et R' . Hoc autem gas dilatatum est, eius vis igitur elastica aëris pressu minor, unde mercurii columna in cylindro AB longior esse debet, quam in tubo TT' ; infundatur ideo mercurius in tubum TT' , donec utraque mercurii columna eiusdem fit altitudinis, tunc enim vis elastica gasis aequalis erit pressurae atmosphaerae, quae vis elastica iam facile cognoscitur observando barometrum; cum ipsius volumen designetur numero divisionum, quas occupat in cylindro AB : fit harum divisionum numerus $= N$. Iam liquidum introducatur. Hunc in finem aliud epistomium R'' vasculum metallicum gerens epistomio R' imponatur, in quo vasculo continetur liquidum, cuius vapores investigandi sunt. Si igitur aperiatur epistomium R'' , pars liquidi in spatium $R'R''$ infunditur, quo facto, claudatur R'' et aperiatur R' , ut illa pars in cylindrum AB deferatur. Ut autem illud liquidum guttatim in cylindrum immitti posset, epistomio R'' usus est GAY-LUSSAC a vulgari epistomiorum structura diverso; non totum perforatum est, datur tantummodo excavatio quaedam haemisphaerica, quae unam liquidi guttulam continere potest; qua structura iam facile liquidum guttatim in cylindrum effunditur.

Postquam guttula liquidi introducta est, vis elastica miscelae augetur et elevatur mercurius in tubo TT' , qualis effectus sat cito observatur, verum non tam prompte, quam si liquidum in spatium introducat vacuum. Cum introductione liquidi pergendum, donec illa vis elastica non amplius augeatur, ita ut aliqua liquoris pars superfit, qua etiam opus est, aucto spatio, ut mox videbimus (39).

E differentia nunc mercurii altitudinis et libellae in utroque tubo AB et TT' facile cognoscitur vis elasticae augmentum a vaporibus productum. Sit H ista differentia, erit miscelae vis elastica $= P + H$, notante P pressuram atmosphaerae, quam durante experimento non mutatam ponimus; fit numerus divisio-

(39) Vid. BIOT, *Traité* etc. T. I, p. 303.

num, quas occupat miscela, $= N'$; occupabat autem gas ficcum ante liquidum introductum N divisiones et erat hoc spatium eius vis elastica $= P$, quae nunc igitur

erit $= \frac{PN}{N'}$, ratione inversa voluminum; si iam ponamus elasticitatem, quam

miscela vaporibus debet, $= t$, habebitur,

$$PN = P + H \\ t + \frac{PN}{N'}$$

$$t = H + \frac{P(N' - N)}{N'}$$

Hac autem in aequatione ratio non habetur pressurae a liquido non evaporato productae et omnino tali modo experimentum instituere possumus, ut illa pressura nulla sit habenda, licet etiam illius facile ratio haberi possit (30); at absque calculo faciliorem ipsa apparatus structura nobis praebet viam. Possumus enim aperiendo epistomio R' , quo mercurius ex cylindro AB effluat, istius altitudinem in utroque tubo ad libellam reducere (antea enim liquidum tali excessu fuit additum, ut novi vapores, qui requiruntur ob spatium auctum, oriri queant); quo facto, erit miscelae elasticitas aequalis pressurae atmosphaericae P , aequalis igitur vi elasticae, qua initio experimenti pollebat gas ficcum; pressura scilicet non mutata ponitur, miscela vero nunc maius spatium obtinet, quod indicetur numero divisionum $= N'$; gasis ficci igitur vis elastica diminuta est et quidem erit ratione inversa voluminum, occupavit

antea N divisiones, eius ergo vis elastica nunc erit $= \frac{PN}{N'}$. Si iam, uti su-

pra, vocemus F vim elasticam, quam vapor habet ad temperaturam, qua opera-

mur, erit vis elastica tota miscelae $= F + \frac{PN}{N'}$ et habebimus hanc aequationem,

$$F + \frac{PN}{N'} = P, \text{ unde } F = P \left(\frac{N' - N}{N'} \right).$$

(30) Vld. BIOT, *Traité* etc. T. I, p. 305. — Cf. G. SIMONS, *Respons. ad Quaest.*..... „*Aquae, quae vaporis forma in Atmosphaera continetur, exponatur et constitutio et probabilis theoria,*” in *Annal. Acad. Rheno-Traiect.* 1822—1823, p. 56 seq.

Tali modo invenit Cl. GAY-LUSSAC, valorem F hoc in casu eundem esse ac est vaporis vis elastica in vacuo, eadem scilicet temperatura, itaque istum vaporem commixtum cum gaso vim elasticam retinere sibi propriam, ita ut hac ratione confirmaverit illam legem a DALTONI inventam, in simplici scilicet miscela gasum cum vaporibus singulam miscelae partem genuinam suam conservare vim elasticam, volumini occupato convenientem.

Quo modo a priori inveniri possit numerus N' divisionum, quas miscela occupare debet sub pressura P atmosphaerae, sub qua nunc etiam gas fixum antea tenuit numerum N divisionum, iam patet ex formula pag. 17 not. (26) adducta (31).

In omnibus hisce experimentis hoc praecipitur, ut illa liquidi quantitas introducatur, quae debitam vaporum quantitatem producere potest; verum, ut iam monuimus de vaporibus in vacuo agentes (pag. 11 not. (17)), si spatium datum non omnino implere possint vapores, aequae ac gasa, dilatantur, quod etiam in miscela cum gasibus obtinere, testatur experientia. Adhibeamus hic altera vice apparatus descriptum et introducamus solummodo unam liquoris guttulam in gas cylindro contentum.

Ponamus itidem numerum divisionum N' , postquam aperiendo epistomio R mercurius in utroque tubo eandem praebet altitudinem; quo nempe facto, erit miscelae vis elastica $= P$ pressioni atmosphaerae. Aperiaturo denuo epistomium R , ut nova mercurii effluere possit quantitas; statuamus, miscelam in cylindro AB occupare N'' divisiones post illum effluxum mercurii, quo nunc etiam mercurius in tubo TT' depressior erit, quam in tubo AB ; sit haec differentia $= H$: miscelae igitur vis elastica erit $= P - H$. Tali modo si instituaturo experimentum; inveni-

$$\frac{N''}{N'} = \frac{P}{P-H},$$
 uti pro gaso fixo, quia volamina iam sunt ratione inversa virium elasticarum (32).

Eadem est ratio, qua vis elastica vaporis se habet; vires enim elasticae vaporum eodem modo, quo gasum, hoc in casu volumine variant: simili hoc dilucidabituro exemplo.

(31) Vid. BIOT, *Traité* etc. T. I, p. 304.

(32) Vid. BIOT, *Traité* etc. T. I, l. l.

Sumamus F' vim elasticam vaporis post dilatationem suam in volumine miscelae N'' , cum F sit primitiva tensio, quum volumen miscelae adhuc erat N' . Hoc in statu aër vel gas in miscela contentum sustinebat solum pressuram $P - F$, itaque, cum nunc impleat spatium N'' , eius elastica fit $= (P - F) \frac{N'}{N''}$. Si nunc addamus vim elasticam incognitam F' vaporis, summa debet esse $= P - H$, igitur aequatio erit,

$$F' + (P - F) \frac{N'}{N''} = P - H;$$

per experimentum acquisivimus $\frac{N''}{N'} = \frac{P}{P - H}$, itaque $P - H = P \frac{N'}{N''}$,

quem valorem si pro $P - H$ ponamus, invenimus,

$$F' + (P - F) \frac{N'}{N''} = P \frac{N'}{N''} \text{ vel } F' = F \frac{N'}{N''},$$

quod indicat, vires elasticas F et F' vaporis variasse ratione inversa voluminum, non secus ac cum gas (33).

Aliter res sese habet, uti iam adduximus, si debita liquidi adfit quantitas, qua tanta copia oriuntur vapores, quam cum spatio et temperatura conveniunt, quo enim in casu vis elastica tantum a temperatura pendet, cum, aucto spatio, novi oriantur vapores, diminuto vero, pars vaporum praecipitetur, ita ut, si temperatura non variet, vis elastica F huius vaporis constans semper maneat, quodnam etiam sit spatium ab illo impletum (34).

II. De evaporatione.

§ 7.

De evaporatione aquae ad temperaturas elevatas.

Sub evaporationis phaenomeno a Physicis tam varie confiderato et definito

(33) Vid. BIOT, *Traité* etc. T. I, p. 306.

(34) Vid. BIOT, *Traité* etc. T. I, p. 307 seq.

DALTON intelligit aquae et in genere cuiuscunque liquidi; aëri libero exposti; vaporis seu fluidi elastici sub forma dissipationem; quae facilis quidem et simplex definitio rem tamen denotat admodum implicatam et ab omnibus lustrandam partibus, quia hac, ut fundamento, tota nititur doctrina hygrologica, et istius infirmitati vacillans inconstansque pristinis temporibus theoriae meteororum aquosorum sine dubio est adtribuenda conditio. Quid DALTON nunc in his praestiterit, sequentia docent experimenta, quibus accuratius examinare sibi proponebat:

I. Quos temperaturae variatio in evaporationis aquae quantitatem habeat effectus.

II. An regula inveniri queat, secundum quam quantitas humiditatis in aëre praesentis examinari eiusque effectus in istam evaporationem determinari possit.

III. Quae sit evaporationis relatio inter diversa liquida (35).

Hisce conductus primo aquae evaporationis celeritatem investigavit ad temperaturam aquae ebullientis in atmosphaera non agitata. Hunc in finem sumit vas cylindricum ex stanno confectum, cuius altitudo aequalis est 3,25 et diameter 2,5 poll., quae dimensiones debent cognosci, quia liquidi evaporati quantitas istis respondere debet. Hoc vas aqua replevit et igni exposuit, ut aqua ebulliret; quo facto, vas aqua repletum exacte ponderavit (ope enim trium filorum vas bilanci suspendi poterat) ac, ebullitionis temperatura interea servata, temporis punctum, quo ponderabat, notavit; postquam nunc ebullitionem per aliquod temporis spatium, ut 10' vel diutius, continnaverat, denuo vas pondus examinavit, quo modo tandem determinavit aquae evaporatae quantitatem pro 1', dividendo scilicet differentiam ponderum per numerum minutorum, quibus ebullitio locum habuit.

Ut rite talia experimenta inter se possint comparari et ipsa res exacte examinetur, atmosphaera semper eundem humiditatis gradum notet, vel saltem in conclusionibus faciendis eius ratio habeatur. Cum vero vaporis in atmosphaera praesentis quantitas semper minima ideoque eius vis elastica debilissima sit, comparatione instituta cum illa aquae ebullientis, sequitur, in hisce experimentis (cum aqua ebulliente institutis) nullum fere effectum hanc humidam aëris conditionem in ipsa habere eventa, qui ergo negligi po-

(35) Vid. GILB. *Annal.* XV, 121. seqq.

test; verum in experimentis postea adferendis utique necessarium est, ut vaporis atmosphaerici vis elastica cognoscatur, quem in finem DALTON methodum peculiarem adhibuit. Magis in hisce respiciendum est ad ipsam agitationem aëris, quoniam illa multum faciat ad evaporationis celeritatem, quare maxime favet aequabili tentaminum succedui, ut illa in aëre non agitato sumantur. Aër enim (secundum DALTONEM) impedimentum sistit mechanicum, quo minus vapor statim per totum atmosphaerae spatium dissipari possit, quemadmodum hoc in vacuo locum haberet, ita ut in aëre quieto dispersio illa pedetentim procedat de strato ad stratum; strata aërea, liquido evaporanti proxima, humida iam cum sint, impediunt ulteriorem vaporis formationem, quoniam hic non nisi determinata quantitate pro data temperatura in strato adesse possit, vel, quod eodem redit, quoniam in liquidum premat, nisi strata superiora stratorum inferiorum vaporem pro parte assumerint. Quodsi vero atmosphaera commoveatur, auferuntur strata humidiora liquido propiora et hisce alia succedunt non ita impraegnata, quibus iam vapor facilius accipi potest. Observata nunc DALTONIS revera probant, evaporationem sub iisdem conditionibus lentius vel celerius procedere, prouti aër magis quietus sit vel commotus. Minima sic evaporatio ad 100° C. locum habebat, quum furnus aut lampas, quae liquido calorem praebebant, in medio erant posita conclavi, ianuis fenestrisque clausis aëreque immoto, erat scilicet aequalis 50 gran. per minutum primum; crescebat ad 55 gran., cum vas calefieret sub camino, ianuis atque fenestris itidem clausis. Quia nunc aëris motus in camino maxime pendet ab igne magis minusve intenso, evaporatio ad 40 gran. augebatur igne paululum incitato; fenestris apertis et vento flante valido, adaugebatur aëris fluxus in camino, ita ut evaporatio adscenderet ad 40 et 45 grana.

DALTON porro quantitatem evaporationis determinavit ad temperaturas inferiores usque ad 138° F., quorum experimentorum eventa sequens tradit tabula, ubi et simul vires elasticae vaporis pro iisdem temperaturis sunt additae.

Temp. F.	Aquae	
	Tensio.	Evapor. per 1'.
212°	30P.	308.
180	15,50	15
164	10,41	10
152	7,81	8,5
144	6,57	6
138	5,44	5

Hoc modo invenit DALTON, quantitatem aquae evaporatae in quacunque temperatura perfecte respondere ipsius tensioni: „quod profecto, inquit, non aliter „etiam fieri potest, quum omnis effectus in causae proportionem esse debet (36).”

§ 8.

Methodus determinandi aquae vaporis in atmosphaera vim elasticam.

Si vulgari nunc temperatura talia experimenta instituire velimus, omnino, ut iam monitum est, aquae vaporis in aëre praesentis ratio haberi debet. Experimentum etenim si instituat cum aqua ad temperaturam 59°, qua tensio admodum parva est, circiter $\frac{1}{12}$ illius, quae convenit cum 212°, non concludendum, per 1' $\frac{1}{12}$ istius aquae quantitatis, quae ad temperaturam 212°, ex aqua scilicet ebulliente, evaporatur, exhalari; imo si forte eveniret, quemadmodum hoc saepe in aestate locum habet, ut iam atmosphaerae humidae vapor eadem vi elastica praeditus esset, nulla locum habebit evaporatio, aut si atmosphaerae vapor minoris esset vis elasticae e. g. $\frac{1}{2}$ eius vis, quae convenit cum 39°, vaporis producti quantitas tantum erit $\frac{1}{12}$ quantitatis per 1' ad 212° observatae.

(36) Vid. GILB. *Annal.* XV, 127. — Cf. BIOT, *Traité* etc. T. I, p. 32 seqq.

Ut illum effectum vaporis atmosphaerici cognosceret, sumfit DALTON vas vitreum cylindricum, quod, si temperatura non infra 59° , qualis per maiorem anni partem observatur, aqua replevit frigida, vel temperatura depressiori, ut hyeme, glacie aut miscelis refrigerantibus; quoniam vasis temperatura minor esse debeat quam illa aëris. In parietes huius vasis externos praecipitantur aquae vapores ex atmosphaera; quo facto, aquam ex vase effudit et parumper calefecit, vasis parietes interea abstergens linteo; dein aquam calefactam denuo vasi immisit et ita procescit, donec non amplius vapores in vasis parietes praecipitentur; quod cum locum habet, observata aquae temperatura, sumatur ex tabula conveniens vaporis vis elastica, quae (secundum BIOT) reducenda est ad ipsam atmosphaerae temperaturam lege vulgari dilatationis gasum, ut tali modo accuratum acquiramus tensionis valorem va-

poris tunc temporis in aëre praesentis, scilicet $F' = \frac{\varphi(1+t'.0,00375)}{(1+t.0,00375)}$,

notante t' temperaturam, ad quam vaporis praecipitatio cessat, cuique respondet ipsius vis elastica φ , pro qua vapor ut gas dilatari debet, ut acquiramus veram tensionem F' , qua pollet vapor in aëre ad temperaturam t (37). Animadvertendum porro, experimentum institui debere sub dio, quoniam humiditas aëris in aedificiis fere semper alia sit. Testatur tandem DALTON, hanc methodum exactam omnino esse, cum vapor iam in vasis parietes praecipitetur, si horum temperatura $0^{\circ},5$ C. minor sit, quam temperatura in atmosphaera (58).

(37) Vid. BIOT, *Traité* etc. T. I, p. 322. Si aër eiusdem temperaturae esset ac aqua adhibita, vaporum in atmosphaera contentorum vis elastica aequalis esset isti, quam hac temperatura in vacuo habent quamque tabula praebet; sin vero aëris temperatura maior sit, atmosphaera non omnem continet vaporis quantitatem, quam hac temperatura continere potest, dilatatus igitur est iste vapor eodem modo, quo gas permanens, unde et eius vim elasticam diminutam esse sequitur.

(38) Vid. BIOT, *Traité* etc. T. I, l. I. GILB. *Annal.* XV, 129 seq.

§ 9.

*De evaporatione aquae ad temperaturas vulgares:**Lex et tabula evaporationis.*

Cognita nunc methodo aquae vaporis vim elasticam determinandi, investigavit evaporationis quantitatem per 1' ad temperaturam vulgarem, quam rem eodem modo peregit ac ad temperaturas elevatas; vas vero sumit maioris superficiei, cuius altitudo erat 0,5 et diameter 6 poll., ut eo facilius in quantitatem evaporationis inquirere posset.

Tali modo invenit, quantitatem evaporationis iisdem in casibus, vel in aëre quieto, vel in agitato, constanter in proportionem esse quantitatis $F - F'$, si F sit vaporis vis elastica pro ea temperatura, qua instituitur experimentum, et F' tensio vaporis in atmosphaera, hoc est, ut BIOT explicat, si vaporis vis elastica ad 100° C. fit = F et pondus aquae hac temperatura per 1' evaporatae = M milligr. pro unitate superficiei, poterit omni alia temperatu-

ra, caeteris vero paribus, ista quantitas exprimi per $M \left(\frac{F - F'}{F''} \right)$, notante F''

tensionem vaporis pro temperatura aquae, cum qua experimentum instituitur. Invenit nunc DALTON pro vase diametri 6 poll. evaporationis quantitatem per 1' ad temperaturam 100° C. = 120 gran., vel, si mensurae et pondera sumantur metrica, haecce quantitas pro vase diametri 0^m,1524 est 78,7688 (39); huius

valis igitur superficiei erit = $\frac{355}{115} \left(\frac{0^m,1524}{4} \right)^2 = 0^m,0184 \square$ vel 1^{dm},84 \square .

Si nunc decimetrum \square pro unitate superficiei sumamus, erit $M = \frac{7,7688}{1,84}$

= 42,2686, respondet enim quantitas evaporationis superficiei, cum superficies infinite parva sit habenda, ratione habita totius atmosphaerae. Praeterea invenimus $F = 50$ poll. = 0^m,76199 aut 0^m,762 proxime, erit

(39) Ita habet BIOT; si autem tabulam viri CL. (Oper. f. T. I, p. 530) inspiciamus, invenimus 120 gran. Angl. = 78,70096.

igitur, si E quantitatem designet aquae per 1' evaporatae, pro decimetro \square superficiei et in aëre quieto quavis temperaturâ

$$E = \frac{48,2686 (F - F')}{0^m, 762},$$

qua formula pro vase DALTONIS ipso, si retineamus mensuras Anglicas $F = 30$ poll. et $M = 120$ gran., evaderet $E = 48, (F - F')$. Eadem formula possumus invenire F' , ita ut hoc in casu sit,

$$F' = \frac{F 48,2686 - E, 0^m, 762}{48,2686}$$

$$F' = F - \frac{E}{58,6018} \text{ fere (40).}$$

Ipsè nunc DALTON, quantum poterat, secundum memorata experimenta, partim vero theoriâ suâ secutus, tabulam construxit, in qua relativa evaporationis quantitas pro omnibus atmosphaerae temperaturis indicatur.

Aquae				
Temp. F.	Tensio.	Evapor. per 1' ex circulari superficie diam. 6 poll., atmosphaera posita a vaporibus libera, cum evapor. ad 212° per 1' sit,		
		120 gran. Evapor. minima.	154 gran. Evapor. media.	189 gran. Evapor. maxima.
20°	0 ^p ,129	0 ^s ,52	0 ^s ,67	0 ^s ,82
21	0,134	0,54	0,69	0,85
22	0,139	0,56	0,71	0,88
23	0,144	0,58	0,73	0,91
24	0,150	0,60	0,76	0,94
25	0,156	0,62	0,79	0,97
26	0,162	0,65	0,82	1,02
27	0,168	0,67	0,86	1,05
28	0,174	0,70	0,90	1,10

(40) Vid. BIOT, *Traité* etc. T. I, p. 323 seq. — Cf. G. SIMONS, *Reponse* etc. l. c. p. 67 seq.

29	0,180	0,72	0,93	1,13
30	0,186	0,74	0,95	1,17
31	0,193	0,77	0,99	1,21
32	0,200	0,80	1,03	1,26
33	0,207	0,83	1,07	1,30
34	0,214	0,86	1,11	1,35
35	0,221	0,90	1,14	1,39
36	0,229	0,92	1,18	1,45
37	0,237	0,95	1,22	1,49
38	0,245	0,98	1,26	1,54
39	0,254	1,02	1,31	1,60
40	0,263	1,05	1,35	1,65
41	0,275	1,09	1,40	1,71
42	0,283	1,13	1,45	1,78
43	0,294	1,18	1,51	1,85
44	0,305	1,22	1,57	1,92
45	0,316	1,26	1,62	1,99
46	0,328	1,31	1,68	2,06
47	0,339	1,36	1,75	2,13
48	0,351	1,40	1,80	2,20
49	0,363	1,45	1,86	2,28
50	0,375	1,50	1,92	2,36
51	0,388	1,55	1,99	2,44
52	0,401	1,60	2,06	2,51
53	0,415	1,66	2,13	2,61
54	0,429	1,71	2,20	2,69
55	0,443	1,77	2,28	2,78
56	0,458	1,83	2,35	2,88
57	0,474	1,90	2,43	2,98
58	0,490	1,96	2,52	3,08
59	0,507	2,03	2,61	3,19
60	0,524	2,10	2,70	3,30
61	0,542	2,17	2,79	3,41
62	0,560	2,24	2,88	3,52
63	0,578	2,31	2,97	3,63
64	0,597	2,39	3,07	3,76
65	0,616	2,46	3,16	3,87
66	0,635	2,54	3,27	3,99
67	0,655	2,62	3,37	4,12
68	0,676	2,70	3,43	4,24
69	0,698	2,79	3,59	4,38
70	0,721	2,88	3,70	4,53
71	0,745	2,98	3,83	4,68
72	0,770	3,08	3,96	4,84
73	0,796	3,18	4,09	5,00
74	0,823	3,29	4,23	5,17

75	0,851	3,40	4,37	5,54
76	0,880	3,52	4,52	5,65
77	0,910	3,65	4,68	5,72
78	0,940	3,76	4,83	5,91
79	0,971	3,88	4,99	6,10
80	1,00	4,00	5,14	6,29
81	1,04	4,16	5,35	6,54
82	1,07	4,28	5,50	6,73
83	1,10	4,40	5,66	6,91
84	1,14	4,56	5,86	7,17
85	1,17	4,68	6,07	7,46

Temperaturae in prima columna iisque respondentes vires elasticae in secunda ex DALTONIS tabula, vaporis aquae vires elasticas continente, sunt desumptae; reliquae columnae indicant quantitatem granorum aquae, quae hiace temperaturis ex aquae superficie circulum diametri 6 poll. habente evaporantur, si ponamus, atmosphaeram nullum continere vaporem; harum columnarum numeri computati sunt secundum evaporationis quantitatem ex vase cylindrico diametri $3\frac{1}{2}$ poll. temperaturâ 212° F. quovis 1' iam antea observatam, ratione praeterea habita circumstantiarum, quae evaporationem maiorem minoremve reddere solent.

Sequentia problemata huius tabulae in hygrologia utilitatem et usum indicant.

1°. Utraque temperatura tum vaporis atmosphaerici praecipitationis, cum aëris data, quaeritur, quanam quantitas aquae evaporetur ex vase cylindrico diametri 6 poll. quovis 1'?

Solutio: Ea granorum aquae quantitas, quae secundum tabulam primae respondet temperaturae ab ea quantitate, quae ad temperaturam atmosphaerae pertinet, abstrahatur ac secundum aëris statum magis minusve quietum in prima, secunda vel tertia columna quaeratur granorum evaporatorum quantitas; quod enim restat, quantitatem aquae hisce sub conditionibus evaporantis fere praebet. Praecipitationis e. g. punctum fit ad 52° F., aëris temperatura 65° ac tempestas satis ventosa; in tertia columna ad 52° respondet $2^{\circ},06$, ad 65° $5^{\circ},08$, differentia $1^{\circ},02$ evaporationem per 1' exhibet.

2°. Cognoscitur experimento evaporationis quantitas per 1' ut et aëris temperatura, invenienda vis elastica et punctum praecipitationis vaporis atmosphaerici?

Solutio: A quantitate granorum aquae, quae cum aëris temperatur conve-

nit, quantitas evaporationis abstrahatur et quaeratur eadem in columna evaporationis quantitas, quae residuae proxime congruit. In columna nunc secunda iuxta illam quantitatem vis elastica vaporis atmosphaerici et in columna prima temperatura eius praecipitationis invenitur. Ad temperaturam e. g. 62° et ventum fortem ex vase cylindrico diametri 6 poll. per 1' evaporantur 15,7 aquae; in quinta columna pro maxima evaporatione ad 62° indicantur 38,52, atmosphaera scilicet sicca; ab ea quantitate si subtrahatur evaporationis quantitas observata 15,7, restat 15,82, quae secundum tabulam habent vim elasticam $= 0^{\circ}, 294$ et temperaturam $= 43^{\circ}$. Prima aequalis est vaporis atmosphaerici pressurae, altera ipsius punctum praecipitationis indicat (41); haec autem temperatura, ut illa habeatur, ad quam revera praecipitatio vaporis obtinet, reducenda est per formulam pag. 26 obviam; hic nempe cognita est F vis elastica vaporis in vacuo et ex ea inveniri poterit F' vaporum vis elastica in atmosphaera.

§ 10.

Evaporationis aliorum liquidorum comparatio.

CL. DALTON simili ratione aliorum liquidorum indagavit evaporationem, ut alcoholis, aetheris etc. Si vapores horum liquidorum omni sint privati aquae et cum aquae vapore nullam alant affinitatem, quantitas aquae atmosphaericae nullum in talium liquidorum evaporationem praestat effectum, quae observatio certe apprime convenit cum iis, quae attulimus de miscela fluidorum elasticorum; haec enim docuerunt, quodvis fluidum elasticum in tali miscela suam propriam conservare vim elasticam; eadem nunc hic obtinet lex, unde concludit DALTON quantitatem evaporationis diversorum liquidorum in proportionem esse virium elasticarum intensitatis, qua talia liquida et horum pollent vapores, ita ut formulae iam adhibitae pro aliis etiam valeant liquidis, si tantummodo loco F , F' et F'' substituantur valores cum viribus elasticis hisce liquoribus propriis convenientes. Ut res dilucidetur, sumamus hoc exemplum; alcohol, quod liquidum ebullit ad 180° , DALTON evaporationi subiecit, dum aer externus erat ad temperaturam

(41) Vid. OILB. *Annal.* XV, 131 seqq.

53° et fere omnino aquosus. Invenit pro vase cylindrico diametri 6 poll. istius evaporationis quantitatem = 121 gran. in 25' pro termino ebullitionis, quod dat circiter 4 gran. per 1'. Ut comparatur talis quantitas cum illa, quam formula pro evaporatione aquae praebet, computandum est a temperaturis 180° et 212°, ad quas tensiones aquae et alcoholis conveniunt. Si nunc ab utraque temperatura abstrahamus 127°, videmus, tensionem alcoholis ad 53° adaequare illi aquae ad 85°; illa vero valet $1^P,17$, cum quo convenit valor pro F , ita ut formula sic se habeat: $E = 4^g, (F - F^v)$; hic $F^v = 0$, cum atmosphaera nullum vaporem contineat alcoholicum et hoc in casu evaporatio analogica est illi aquae in atmosphaera fixa. Hisce constitutis, invenimus $E = 4^g, (1^P,17) = 4^g,68$ aut fere 5 granis, quae ipsa observatio dedit. In isto itaque experimento videmus vaporem aëreum nullum manifestum habere influxum in alcoholis evaporationem ad 53°; quaeritur an etiam in temperaturis magis elevatis hoc locum habeat.

Experimenta cum liquidis, quae ebulliunt ad temperaturas valde elevatas, ut cum mercurio et acido sulphurico, in temperaturis inferioribus instituta, harum substantiarum tensiones admodum exiguas demonstrabant, quod lege exposita a priori posset confirmari.

Tandem DALTON sua tentamina glaciei evaporationi applicavit et invenit, illam utique usque ad plures gradus infra punctum congelationis continuare; imo reperit, eandem hio esse tensionem glaciei ac illa aquae ad eandem temperaturam foret, qua observatione iterum lex proposita egregie corroboratur.

P A R S II.

EXPERIMENTORUM ET THEORIAE
DALTONIS DIUDICATIO.

C A P U T I.

De vaporibus in vacuo.

§ 11.

De expansione fluidorum elasticorum ope caloris.

Iam diu ante DALTONIS tempora multi Physici veram dilatationis legem aëris atmosphaerici, tum etiam aliorum gasum et vaporum, a congelationis puncto ad illud ebullitionis, determinare tentaverunt. In genere eorum inventa valde inter se et ab allatis DALTONIS inventis differunt. Antiquiores, ut AMONTONS, CRUCQUIUS, POLEMI, BONNE, BOY, DE LUC, dilatationem nimiam dederunt; DE SAUSSURE (42) in contrarium incidit vitium. Interea LAMBERT (45), KRAMP (44), MAYER (45), LUZ (46), SCHMIDT (47) aliique ma-

(42) *Essais sur l'Hygrometrie*, p. 108.(43) *Pyrometrie*, Berl. 1779, § 47.(44) *Geschichte der Aerostatik*, Th. I, S. 112.(45) *Physik - Mathem. Abhandlung über das Ausmessen der Wärme in Rücksicht und Anwendung auf das Höhenmessen vermittelst des Barometers*, Frankf. 1786, S. 75. — Cf. GILB. *Annal.* XXV, 398 (nota).(46) *Vollständige und auf Erfahrung gegründete Beschreibung aller Barometer*, Neurenb. u. Leipz. 1784, S. 416.(47) Vid. GREN, *Neues Journal*, IV 336. — Cf. GILB. *Annal.* XII, 283 (nota). — Quod

gis inter se conveniunt et satis aequiparant DALTONIS et eorum, qui secuti sunt, eventa; legem vero de dilatatione generalem constituere nondum ausi sunt.

Primaria certe ratio, quā adeo differunt, in ea re est ponenda, plerumque illorum apparatus aqua aut humiditate non omnino fuisse expertes, quod sine dubio, si ad proprietates vaporis mechanicas attendamus, gravibus ansam dare debuit erroribus (§ 2 not.), praecipue in experimentis huiusmodi subtilioribus. Eorum comparatio itaque cum iis DALTONIS non iuste potest institui; at magis iuvabit cum his conferre illa, quae GAY-LUSSAC fere eodem tempore, sed, ut videtur, paulo post DALTONEM, maxima cum diligentia instituit. Ex iis patuit, aërem atmosphaericum, gas oxygenium, hydrogenium, azoton, nitrosum, ammoniacum, hydrochloricum, sulphureum et carbonicum eodem temperaturae gradu eandem relativam pati expansionem et ita, ut horum gasum densitatis differentia sub aequali pressione et temperatura, diversus solubilitatis gradus in aqua, et in genere varia peculiaris indoles, nullum in ipsorum dilatationem ope caloris effectum haberent; quapropter conclusit, *in genere omnia gasa eodem temperaturae gradu sub iisdem conditionibus prorsus aequabiliter dilatari*; quin examinando vapores eosdem acquisivit effectus, ita ut e. g. aër humidus, aequè ac ficcus, se dilataverit, scilicet, quamdiu non aliqua ex causa vapor in liquidum condensaretur; idem porro dicendum de aethere, unde, aequè ac DALTON (48), legem generalem pro omnibus fluidis elasticis stabilivit, nempe, expansionem communem a temperatura 0° ad 100° C. determinavit aequalem

1

$$\text{qualem } 0,375 = \frac{1}{266,76} \text{ pro singulo gradu, posito volumine ad punctum congelationis} = 1 \text{ (49).}$$

ad vaporum dilatationem attinet, imprimis vaporis aquae, specialiter hic operam dederunt Cel. VOLTA (in GREN, *Neues Journal*, III, 479), ZIEGLER et BÉTANCOURT (*Mémoire sur la force expansive de la vapeur de l'eau et de l'esprit de vin*, Paris 1790. Vid. etiam GILB. *Neue Annal.* I, 171 et IV, 215. Cf. porro de hisce experimentis GAY-LUSSAC in GILB. *Annal.* XII, 259), imprimis vero propter accuratiorem operam laudandi SCHMIDT (GILB. *Annal.* IV, 320) et Physici nostrates BICKER et ROUPPE (*De dilatatione vaporis aquae* in GILB. *Annal.* X, 257).

(48) Nimis certe temere paucis solummodo inductus experimentis (de vaporibus enim vix directa tentamina instituit) DALTON adeo sua inventa extendit, quod tamen explicare possumus ex generali hypothesi, quam assumebat, de fluidorum elasticorum natura, cum ulterius indirectis magis experimentis suam de vaporibus opinionem extra omne posuit dubium.

(49) Vid. BIOT, *Traité* etc. T. I, p. 189. GILB. *Annal.* XII, 288 seq. et XXV, 395, 401.

Non valde notabile certe est discrimen inter utrumque Auctorem de lege adducta et facile explicandum, si ad diversam methodum, qua experimenta sunt facta, attendamus. Verum cum illa a GAY-LUSSAC accuratior sit instituta diligentia ut et congruant magis cum iis, quae pridem erant tentata, ut cum inventis LAMBERTI, SCHMIDT, MAYERI (qui iam etiam illam quantitatem relativam 0,375 determinaverat (50)), ac cum posterioris temporis investigationibus, scilicet a FLAUGERGUES (51), DULONG et PETIT (52) atque MÜNCKE (53) peractis, Physici illum vulgo sequuntur. Ceterum autem haec lex ut sancita iam a plurimis omnino assumitur (54).

Licet nunc quidem in re primaria, nempe in ista lege determinanda (quam probatam assumimus) DALTON et GAY-LUSSAC conveniant, tamen non eodem modo se explicant. Ille enim opinatur, dilatationem voluminis fluidorum elasticorum, pro quaque variatione aequali temperaturae, sistere partem constantem voluminis temperaturae praecedentis, ita ut dilatio fluidorum expansibilium efficeret progressionem geometricam, cum liquida, ut mercurius, a puncto maximae condensationis quantitate expanderentur, proportionali cum quadratis temperaturarum; hic vero autumat, dilatationem gasum pro quovis gradu thermometri esse fracturam constantem voluminis ad temperaturam quamdam determinatam. Istam autem DALTONIS opinionem DULONG et PETIT erroneam invenerunt; nam ex ipsorum experimentis de relatione gasum dilatationem inter et thermometri gressum, liquet, inter — 36° ad 100° C. expansionem mercurii omnino cum illa gasum convenire, cum vero ex hy-

Cf. cum hisce correctio a GILBERT data pro dilatatione vitri (*Annal.* XII, 396) et alia a SOLDNER proposita (*Annal.* XXV, 414), quas tamen, secundum recentiora experimenta a DULONG et PETIT instituta (*Annal. de Chimie et de Physique*, 1816, T. II, p. 263), nimias posuisse videntur; viri enim hi expertissimi invenerunt dilatationem mercurii fere totam producere vitri dilatationis compensationem.

(50) Vid. BIOT, *Traité* etc. T. I, p. 188.

(51) Vid. *Journal de Physique*, LXXVII, 273.

(52) Vid. *Annal. de Chimie* etc. T. II, p. 244. Supra 100° C. experimenta instituerunt.

(53) Vid. SCHWEIGG. *Journ.* XXII, 7 seq. MÜNCKE invenit, valorem a GAY-LUSSAC pro dilatatione aëris sicci a 0° ad 100° C. datum, scilicet 0,375, maximum esse, quem assumere possumus.

(54) Hanc legem etiam constare pro gasum variis densitatum gradibus Cel. DAVY expertus est. Vid. *Polytechn. Journ.* 1824, XIV, 278.

pothesi DALTONIS sequeretur, dilatationem mercurii celeriter accrescere cum maiori temperaturae augmento (55).

Secundum eadem experimenta omnino diiudicare et, ni fallor, probare possumus DALTONIS principia, de generali fluidorum elasticorum indole et charactere ex lege allata derivatis. „Insigne, inquit, hoc momentum, „omnia nempe fluida expansibilia ceteris paribus calore aequabili ratione dilatari, aperte demonstrat, eorum expansionem a sola materie caloris originem „et vim habere, cum in dilatatione corporum solidorum et liquidorum duae sibi „oppositae caloris et affinitatis vires actionem exerant, quarum una ad eandem „temperaturam constans, altera inconstans secundum materiae naturam temperata fit, unde talium corporum expansionis diversitas provenit. Generales „itaque de absoluta caloris quantitate eiusque natura leges multo melius ex materialium expansibili — fluidarum, quam aliorum corporum, phaenomenis derivare nobis licebit (56).” Profecto valde quam probabile videtur, ut DULONG et PETIT assentiunt, dilatationem et augmentum vis elasticae alicuius materiae gaseiformis constanter temperaturis ipsis respondere, itaque caloricum solum talis materiae dilatationem moderari, aliasque, quae ipsam variare possint, vires, combinationis nempe et cohaesionis, plane filere a prima ab omni parte devictas; qualem haec consideratio habeat in nostra re determinanda valorem, vel suo loco patebit (57).

(55) Vid. *Annal. de Chimie* etc. T. II, p. 258.

(56) Vid. GILB. *Annal.* XXII, 315 seq. Quod si assumatur principium, sequitur secundum eadem Virorum iam laudatorum experimenta, indicationes thermometri mercurialis semper temperaturas veras superare, quo magis augeatur ipsa temperatura; talis dilatationis lex porro etiam pertinere videtur ad alia metalla, ut Auctores iidem viderunt, unde etiam sequeretur, pyrometra metallica temperaturas indicare nimis insignes. Vid. *Annal. de Chimie* etc. T. II, p. 252. Cf. I. I. BERZELIUS, *Lehrbuch der Chemie*, 1823, T. I, 34 seq.

(57) Egregie etiam cum hac re congruunt recentissima experimenta a viris DE LA RIVE et MARCET facta, quibus invenerunt, sub eadem pressione et aequalibus ac constantibus voluminibus, omnia gasea eundem continere calorem specificum. Vid. *Recherches sur la chaleur spécifique des Gases* par MM. A. DE LA RIVE et F. MARCET in *Annal. de Chimie* etc. XXXV, 1 seqq.

§ 12.

De vi elastica vaporis aquae.

Indefessa iam fuit ante DALTONEM Physicorum expertissimorum industria in examinandis et inveniendis vaporum et imprimis vaporis aquae expansionis et vis elasticae legibus. Quammaxime tamen et fere solum iis temporibus hanc cognitionem machinis atmiciis applicare studuerunt, unde in vaporis aquae elasticitatem ad auctas potissimum inquisiverunt temperaturas. Cl. SCHMIDT inter primos recensendus est, qui ad alias Physicae partes suas hac de re inquisitiones extendere coepit; DALTON tamen iure princeps dici potest, qui praecepta cognita ad studium ipsum Meteorologicum vertit, quibus fundamentis solidioribus usus disciplinam illam firmitus denovo exstruere valebat; quem autem in finem necesse erat, ut vaporis vis elastica non ita ad altiores temperaturae gradus, sed imprimis ad depressiores, examinaretur. In experimentis nunc, quae de vi expansiva vaporis aquae in vacuo instituit DALTON, accurate agendi modo et successu omnes Antecessores vincere videtur. Ut praecipuorum (nam omnia referre limites nostros excederet et suam non haberet utilitatem, quare hic modo in nota breviter Auctores hac de re meritos attingam (58)) laborum comparatio et diiudicatio cum isto DALTONIS institui possit, infra tabulam

(58) Primus, qui huicce rei operam dedit, videtur H. ZIEGLER (*Specimen Physico-Chemicum de digestore PAPINII, eius structura et usu, primitias experimentorum novorum circa fluidorum a calore rarefactorum et vaporum elasticitatem exhibens*, Basillae 1769, p. 40); Ill. WATT postea, cum machinis atmiciis, de quibus tantopere meritus est, emendandis operam daret, analogia experimenta instituit allata in ROBISON *Mechanical Philosophy*, Edinb. 1822, Vol. II, p. 30. Porro sequitur BÉTANCOURT (in comment. iam citata *Mémoire sur la force expansive* etc.), cuius observata in tabula inveniuntur una cum iis Cl. SCHMIDT, qui praesertim hanc materiam accuratius indagavit (*Versuche über die Expansivkraft* etc. Leipz. 1798. GRÜN, *N. Journ.* IV, 251—319). Porro laudandus labor, quem huic rei impenderunt etiam BICKER et ROUPPE, primum exhibitus in *Nieuwe verhandel. van het Batavisch Genootschap der proefondervindel. Wijsbeg. te Rotterdam*, Amst. 1800, D. I; exinde in OILB. *Annal.* IX, 257—281. BICKER iam tres annos ante BÉTANCOURT et laboris a ZIEGLER exhibitu inficiis apparatus curaverat, quo cum vaporibus experimenta instituere poterat; sed aliis distentis rebus, cum et lecta commentatione ipsius BÉTANCOURT interea in lucem edita non ulterius propositum adit, postea autem Societate Roterodam. invitante simul cum Doct. ROUPPE Chemiae Lectore Roterodamensi operam denovo suscepit; apparatus citatus delineatus invenitur in

exhibebo, simul et DALTONIS et recentiorum inventa praebentem. — De his, qui DALTONEM secuti sunt, nunc videndum.

Fere eodem tempore, quo noster Auctor (1797—1798), SOUTHERN una cum CRIGHTON experimenta instituit de vi elastica vaporis aquae, quorum summam SOUTHERN in opusculo *Letter to Mr. WATT*, 26 Mart 1814, communicavit (59); postea MAYER (60), imprimis vero ANDREW URE (61) insigni cum diligentia et fide hanc materiam pertractavit, cum recentissima tentamina a ROBISON (62), ARZBERGER (63) et CHRISTIAN (64) sint facta.

Cl. FARROT (65) primus dubia movit contra DALTONIS methodum experiendi, quae postea probavit MAYER (66), at imprimis Doct. URE, cuius experimenta de industria instituta, ut DALTONIS inventa et principia examinaret, hic prae aliis adducenda sunt. Ipse usus est DALTONIS apparatu ob simplicitatem aptissimo, at incommoda quaedam in illo obvia emendare tentavit. DALTON nempe tubum supra memoratum totum liquido calefaciente implebat, unde illa exoritur difficultas (quam, duce Biot, iam monui § 2 not.), cum magna aquae massa difficulter aequabili ab omni parte polleat temperatura, tubum per omnem longitudinem non eidem esse expositum temperaturae. Aliud vitium in DALTONIS methodo esse notat inaequalem columnae mercurii

GILB. *Annal.* X, Tab. 4. Vid. de hisce et sequentibus L. F. KÄMTZ, *Ueber die Expansivkraft der Wasserdämpfe* in SCHWEIGG. *Journ.* 1824, XII, 385.

(59) Vid. ROBISON, *Mechanical Philosophy*, Vol. II, p. 160—173.

(60) Vid. *Comment. Soc. Reg. scient. Goetting.* 1808—1811. *Comm. de lege vis elastice vaporum.*

(61) *New Experimental researches on some of the leading doctrines of caloric, particularly on the relation between the elasticity, temperature and latent heat of different vapours and on the thermometers admeasurement and capacity communicated to W. H. WOLLASTON*, script. Jul. 1817, lect. in R. S. Londin. 30 April. 1818, typo impres. in *Philosoph. Transact.* 1818, p. 338—394, unde pro parte in SCHWEIGG. *Journ.* 1820, XXVIII, 329 seq. Vid. etiam URE, *Dict. de Chemie*, T. II, p. 274.


(62) Op. Cit. Vol. II, § 25. *Onsteam.*

(63) Vid. *Jahrbuche der K. K. Polytechnischen Institute herausgegeben von J. J. FRECHTL.* Wien 1819.

(64) *Traité de Mécanique industrielle* etc. T. II, p. 209—247. Controversia de hisce rebus eum experientiam consulere commovit. Eius experimenta omni cum diligentia instituta demonstrant etiam, vires elasticas DALTONIS pro temperaturis supra 130° C. nimis esse parvas, ita ut ad 160° differentia sit duplicis atmosphaerae pressionis mediae; secundum haecce tentamina tabulas confecit, quae aperte ostendunt, vires elasticas geometricam fere rationem sequi, cum temperaturae arithmetice teneant; a 100 ad 170° C. pro serie geometrica exponentem invenit 1,032.


(65) Vid. GILB. *Annal.* XVII, 82 seq. (66) Vid. *Comment. Cit.* p. 27.

Nº. 1.



calefactionem, quae reductione non facile emendari potest. BROT quidem ad illas amovendas molestias emendationem proposuit (67), (quam postea DALTON etiam observavit), verum, cum semper tamen iste apparatus multis maneret obnoxius difficultatibus, ideo URB non placuit, sed sequenti modo scopum melius attigit. Sumit, ut figurae additae demonstrant, barometrum siphoniformem L, apertum in D, clausum in N, ita ut in parvo spatio supra mercurium I liquidum adesset evaporandum; haec pars per fundum cylindri vitrei A, aqua aliove liquido calefaciente impleti, transibat, in quo cylindro etiam disponebatur thermometer. In experiundo toti apparatusi determinatam praebuit temperaturam ac in tubi partem apertam tantam mercurii quantitatem immisit, ut spatium vapore occupatum exiguum evaderet. Finem columnae mercurii in tubi parte clausa filo platinae tubum circumdante notavit ac determinavit longitudinem columnae mercurii in tubo aperto supra libellam in parte clausa, comparavit hanc longitudinem cum barometri indicatione et sic vaporis ad illam temperaturam vim elasticam obtinuit. Figura secunda et tertia denotant apparatusum pro temperaturis magis auctis.

Nº. 2.




§ 13.

*Tabulae de vi elastica aquae vaporis aliorum Auctorum:
Harum comparatio imprimis tabulae Doct. URB
cum ea DALTONIS ut et examen ipsius legis
de progressionis vis elasticas.*

Vires nunc elasticas vaporis aquae ab URB sic inventas tabula sequens tradit a Cl. KÄRMZ ad duplicem scalam et

(67) Vid. BROT, *Traité* etc. T. I, p. 268.

Nº. 3.



menfuram. constructa. Sequitur et altera conspectum
præbens variorum Physicorum hac de re inventorum ab
eodem Auctore pro differentia 5º R. et ad mensuram
lin. Paris. conformata.

Tabula Doct. URE.

Temper.		Vires elasticæ vaporis aquæ.	
F.	R.	Poll. Angl.	Lin. Paris.
24º	-3º,561	08,170	11,904
32	0,100	0,200	2,252
40	3,561	0,250	2,815
50	8,012	0,360	4,053
55	10,237	0,416	4,684
60	12,463	0,516	5,810
65	14,689	0,630	7,093
70	16,914	0,726	8,174
75	19,140	0,860	9,174
80	21,365	1,010	11,372
85	23,591	1,170	15,173
90	25,816	1,360	15,312
95	28,042	1,640	18,465
100	30,267	1,860	20,942
105	32,493	2,100	23,644
110	34,719	2,456	27,652
115	36,944	2,820	31,638
120	39,170	3,300	37,155

125	41,395	3,380	43,122
130	43,621	4,366	49,157
135	45,846	5,070	57,083
140	48,072	5,770	64,969
145	50,298	6,600	74,309
150	52,523	7,530	84,780
155	54,749	8,500	95,702
160	56,974	9,600	108,086
165	59,200	10,800	121,597
170	61,425	12,050	135,671
175	63,651	13,550	152,671
180	65,876	15,160	170,686
185	68,102	16,900	200,277
190	70,327	19,000	213,921
195	72,553	21,100	237,565
200	74,779	23,600	265,712
205	77,004	25,900	291,608
210	79,230	28,880	325,160
212	80,120	30,000	337,770
216	82,167	33,40	376,051
220	83,681	35,54	400,145
221,6	84,393	56,70	413,205
225	85,906	39,11	440,339
226,3	86,485	40,10	451,486
230	88,152	43,10	485,263
230,5	88,354	43,50	489,767
234,5	90,135	46,80	526,921
235	90,358	47,22	531,650
238	91,915	50,30	566,328
240	92,583	51,70	582,090
242	93,473	53,60	603,482
245	94,809	56,34	634,332
248,5	96,566	60,40	680,044
250	97,034	61,90	696,932
255	99,261	67,25	757,168
260	101,485	72,30	814,126
265	103,711	78,04	878,652
270	105,936	86,30	971,952
275	108,162	493,48	1052,941
280	110,388	101,90	1147,292
285	112,702	112,20	1263,260
290	114,838	120,15	1352,769
295	117,064	129,00	1452,411
300	119,290	139,70	1572,882
305	121,515	150,560	1695,155
310	123,741	161,300	1816,477
312	124,631	167,000	1871,803

*Tabula virium elasticarum vaporis aquae secundum
varios Auctores.*

Temp.	Vires elasticæ lin. Paris.						
R.	BÉTANCOURT.	ROBISON.	SCHMIDT.	ARZBERGER.	DALTON.	URE.	SOUTHERN.
0°	01,000	01,000	01,000	1 ¹ ,775	2 ¹ ,252	21,252	1 ¹ ,801
5	0,240	1,430	1,132	2,531	3,339	3,209	2,724
10	1,180	2,936	3,360	4,085	4,904	4,594	4,371
15	4,20	5,127	6,600	6,509	7,085	7,219	6,625
20	7,80	8,195	10,80	9,890	10,223	10,528	9,676
25	12,60	12,490	15,60	14,910	14,487	14,411	14,072
30	18,24	17,657	23,16	21,121	20,536	20,190	20,314
35	25,80	25,797	32,16	29,899	28,981	28,070	28,729
40	35,04	35,851	43,68	40,437	39,286	58,262	40,146
45	47,40	48,216	61,68	55,289	53,400	54,297	54,525
50	64,20	65,314	76,80	74,354	72,320	73,029	73,055
55	87,84	87,076	102,60	98,669	95,846	97,043	96,893
60	119,40	110,914	131,76	129,031	126,114	126,298	126,711
65	158,4	150,853	168,84	166,532	163,591	163,468	164,579
70	202,8	197,435	215,04	213,452	210,612	210,466	212,530
75	261,0	267,746	267,84	268,775	268,239	467,975	268,778
80	336,0	336,000	336,000	336,065	336,000	336,000	336,000
ROUPPE.							
85	457,4	430,70	424,68		426,58	423,83	
90	556,8	551,93	525,24		532,05	525,08	
95	693,6	688,71	650,16		651,16	638,25	
100	861,6	852,58	804,00		799,85	776,17	
105	1041,6	1028,7	970,40		961,56	931,60	
110	1176,0	1181,9	1208,6			1129,5	
115						1358,0	
120						1612,1	

Si nunc primam Doct. URE tabulam cum illa DALTONIS conferamus, miramur numerorum inter 52° ad 212° F. magnam congruentiam, licet apparatus et modus agendi adeo differant, imo DALTONIS methodus minime exacta sit habenda; at supra illud punctum, a quo DALTON tabulam suam computatione extendit, ista harmonia cessat. In tabula URE multo magis crescunt vires elasticæ, et ex

ipsa hac congruentia pro temperaturis inferioribus concludere licet, DALTONIS numeros computatos nimis esse parvos, quod confirmant aliorum Auctorum data in genere maiores ad hasce temperaturas praebentia vires elasticas, ut etiam CHRISTIAN obtinuit, quamvis illius experimenta apparatu maxime diverso fuerint instituta. Formula etiam a BIOT exhibita (68) ad tabulam DALTONIS interpolandam, vires elasticas supra punctum ebullitionis minores, quam par est, inveniuntur. Ipse DALTON hoc recenter confessus est (69) et tabulas theoreticas in opere suo *New System of Chemical Philosophy* etc. aliisque locis allatas erroneas dixit, quatenus nempe vires elasticas in hisce nimis parvae inter 212° et 500° indicantur, novis scilicet inductus experimentis, in quibus emendationem a BIOT laudatam in usum vocavit. Affirmat vero, vires elasticas infra 212° nullis indigere emendationibus; praecipue accuratam laudat inferiorum numerorum indicationem, imprimis tensionem aquae ad 32° , cuius determinationem insigni cum cura iteratis vicibus stabilivit; et maximi sane valoris est iusta illius puncti definitio, nam si inspiciamus tabulam variorum Auctorum, praeter differentiam satis insignem priores inter numeros, statim in oculos incurrit vitium illud commune a BÉTANCOURT, ROBISON et SCHMIDT commissum, vim elasticam ad temperaturam 0° C. nullam ponentibus. ROBISON (70) tamen mentionem vis elasticas ad hanc temperaturam facit; affirmans, ex experimentis (suis) momentosum ducendum esse confectarium, nullam temperaturam peculiarem requiri, ut aqua formam vaporis elastici assumat et valde probabile esse ad 0° C. vaporem iam formari, at ob elasticitatem exiguam observatu illum esse difficilem, quod WILSONIS observatione de glacie evaporante probat; hic enim invenit, frustum metallicum politum, quod parvis glaciei aciculis erat obductum, vento expositum omnino exficari. — Omnino non solum observationes satis evidentes hoc demonstrant, ut vulgare phaenomenon, hyemali tempore diminuere glaciem et nivem; praesertim, si coelum sit siccum ac frigus vigeat intensum ventis aductum, quam diminutionem secundum allata experimenta verae tribuimus evaporationi, sed etiam DALTONIS

(68) Vid. BIOT, *Traité* etc. T. I, p. 272.

(69) Vid. SCHWEIGG, *Journ.* 1820, XXVIII, 365.

(70) Op. Cit. Vol. II, § 25. p. 37.

et URE, at praecipue GAY-LUSSAC inventa huius rei veritatem extra omnem ponunt dubitationis aleam... Hic enim, cui tanta debemus, vaporis vim elasticam ad temperaturas valde depressas examinavit, ita ut infra 0° usque ad $-19^{\circ},59$ suas observationes extenderit, quo gradu vim elasticam adhuc aequalem invenit $1^{\text{mm}},353$ (71). Per formulam a BIOT datam si haec experimenta calculo subiiciantur, ut vires elasticae ad temperaturas inferiores eruantur, cum illis DALTONIS miram testantur harmoniam, unde concludit BIOT, DALTONIS numeros sub congelationis puncto itidem valere (72).

An vero etiam lex DALTONIS suis experimentis producta valeat, vires elasticas scilicet geometrica crescere ratione, cum huius geometricae progressionis ratio arithmetice decreseat? Contra hanc DALTONIS hypothesin movit Doct. SOLDNER (73) et imprimis Cl. FISSCHER (74) dubia gravissima, quae certe istam hypothesin sanis Physicae principiis omnino repugnare demonstrant. Non diutius itaque in hisce morabimur, cum huius legis determinatio non adeo nostra in re desideretur; magis autem nobis interest aequabilis et verus virium elasticarum gressus in temperaturis inferioribus, in quibus profecto profitendum, illum gressum satis accurate accedere ad geometricam progressionem, ut ex tabula Doct. URE liquet. Interea semper difficile erit et fere absurdum de tali fixo vis elasticae et temperaturae progressu ali-

(71) Vid. BIOT, *Traité* etc. T. I, p. 286. DE SAUSSURE etiam glaciei evaporationem observavit, eiusque effectum in hygrometrum et manometrum examinavit, ex quibus experimentis, ut ipse affirmat, patet glaciem veram subire evaporationem, imo in elasticum converti vaporem elasticitatem aëris augentem. (*Versuche über die Hygrometrie*, S. 150). Doct. ZYLIVS etiam de hac re in vacuo et in aëre experimenta fecit; in illo apertam evaporationem vidit, in hoc non ita (Comment. Cit. S. 113, nota (g)); quantum contineat vim pro mechanica theoria hoc experimentum, ulterius videbimus.

(72) De variis formulis a variis pro vi elastica vaporis aquae constructis non agendum puto, cum haec materies nimis a via et scopo deduceret. De his consulantur iam pluries citata commentatio Cl. KÄMTZ et illa Cl. MÜNCKE in GEHLER'S *Physikalisches Wörterbuch, neu bearbeitet* etc. B. II, S. 350 seqq. Qui Auctor formulam MAYERI ut aptissimam laudat et adhibuit ad tabulam virium elasticarum conficiendam, quam a -50° , quo ita vis elastica fit aequalis 0, ad 640° R, quo aequalis invenitur 148,680 poll. Par., tradit.

(73) Vid. GILB. *Annal.* XVII, 44 et cf. XXV.

(74) Vid. E. G. FISSCHER, *Darstellung und Kritik der Verdunstungslehre* etc. S. 24 seq.

quid definire, cum inter tam arctos limites nostra de caloris principio cognitio contineatur, et nobis non nisi de temperatura his limitibus contenta disserere liceat. Opinio, quam DALTON ut et FISCHER amplectuntur, thermometri indicationes perversas hic causam sistere, quare lex non probatur, itidem reiicienda, cum satis pateat ex experimentis antea adductis Auctorum DULONG et PETIT et recentioribus Doct. URB (75), inter 0° ad 100° C. pari passu procedere thermometrum mercuriale et aëreum.

§ 14.

Comparatio tensionum aliorum liquorum.

Consideranda nunc est lex, quam DALTON de relatione inter vires elasticas vaporis aquae et aliorum corporum liquidorum pronuntiavit. Istam confirmarunt BIOT et AMÉDÉ BERTHOLET experimentis directis quam plurimis pro valde diversis liquidis (76). Recentiora tamen experimenta pluries laudati Doct. URB (77) et DESPRETZ (78) arguere videntur, non pro omnibus talem constantem existere normam. Primus hoc de oleo therebinthinae et petroleo expertus est, alter de vaporibus liquidi gasis carbureti (*Liqueur du gaz carburé*), aethere et essentia therebinthinae — Quicquid de hisce sit, multa prostant, quae hanc legem probant, alia, quae negant. Iure enim quis rogabit, quomodo fieri possit, liquores tam diversae indolis tantam effectuum praebere posse convenientiam? Caloricum hic quidem primum, nisi unicum, principium agens videtur, at in phaenomena insignem habere effectum naturam et mixtionem corporum, non minus evictum est. Ab altera parte etiam adnotandum est, exceptionem illam pro non nullis liquidis inventam causis fortuitis posse oriri, qualis est impuritas liquorum adhibitorum vel difficultas ipsa experimentorum aliaeque non raro hic obviae. Satis enim ex horum virorum experimentis patet, quantum faciat

(75) Vid. SCHWEIGG. *Journ.* XXVIII, 351.

(76) Vid. BIOT, *Traité* etc. l. l.

(77) Vid. SCHWEIGG. *Journ.* XXVIII, 340 seq. *De viribus elasticis variorum liquidorum, ut aetheris, alcoholis et oleorum.* Pro aethere legem DALTONIS confirmatam vidit. . . .

(78) Vid. *Annal. de Chimie* etc. 1822, T. XXI, p. 154 seq. *Sur la densité des vapeurs.*

integritas liquorum adhibitorum, ut aetheris, alcoholis etc. Si ulteriorem confu-
lamus experientiam, qua tantam litem dirimi posse credo, liquet DALTO-
NEM novis suis experimentis itidem erroneam pro parte invenisse hanc legem
neque mutationes virium elasticarum vaporis aetheris et aquae easdem esse ad
aequalia temperaturae intervalla⁷ in alia scalae parte invenienda. Certior red-
ditus est, ista intervalla, licet quidem aequalibus mercurii expansionibus expri-
merentur, tamen non vera intervalla temperaturae constituere, at vero potius
geometricam formare progresionem. Invenit ita per longam modo seriem
temperaturarum vaporis aquae et aetheris vires elasticas constanti relatione con-
venientes et quidem vaporis aquae relationem $= 1,321$ pro 10° C., cum illa
aetheris sit $1,2278$. His itaque suffultus simul et experimentis Doct. URSE de
alcoholis vi elastica (79) legem generalem sic expresit: *vires elasticae vapo-
rum liquorum homogeneorum sequuntur progresionem geometricam pro ae-
qualibus temperaturae intervallis et quidem iisdem*. Ipsa DALTONIS expe-
rimenta, unde argumentum petitum, tabula adiecta exponit, in qua vires
elasticae vaporis aquae, alcoholis et aetheris pro aequalibus temperaturae
intervallis secundum geometricam augentur progresionem, saltem inter spatium
 200° F. (80). — Omnia haec tamen necessaria indigere videntur corro-
boratione et hucusque modo assumenda puto, donec clarior lux affulserit novis
expectanda experimentis.

Tabula DALTONIS.

Temp. F.	Vir. elast. poll. Angl. vapor.		
	Aq. Expon. 2,6.	Alcoh. Expon. 2,7.	Aeth. Expon. 2.
36°	0,29 ^p	0 ^p ,56	7 ^p ,5
64	0,76	1,51	15,0
96	1,95	4,07	30,0
132	5,07	11,00	60,0
173	13,18	29,70	120,0
220	34,20	80,20	240,0
272	88,90		
340	251,000		

(79) Vid. SCHWEIGG. Journ. XXVIII, S. 341.

(80) Vid. SCHWEIGG. Journ. XXVIII, 382 seq.

§ 15.

*Capitis conclusio: Quaedam de actione variorum corporum
in liquorum tensionem.*

Si allata itaque breviter contrahamus, haec erit, ni fallor, summa. Inventa nimirum de expansione gasum et vaporum aut potius fluidorum elasticorum in genere, ut et de vi elastica vaporis aquae aliorumque liquidorum satis bene vaporis aquae imo omnium fluidorum elasticorum naturam demonstrant; abunde e harum rerum cognitione patet, illam doctrinam expansionis et elasticitatis omnibus eatenus esse communem, quatenus, ut verosimillimum est habendum, illa expansio et elasticitas uni eidemque principio, calórico, primariam debeat impulsam; atque ita ex notionibus de vaporis aquae natura aliorum vaporum indolem etiam posse explicari ac vicissim illam ex hac palam fieri, uno verbo, doctrinam evaporationis omnibus esse eandem et generalem. Fatendum quidem, nonnulla adhuc desiderari, imprimis, quod attinet ad accuratam cognitionem de vis elasticae vaporis aquae progressionem cum temperatura, ad veram relationem hac in re varia inter liquida, attamen, quatenus ad studium meteorologicum inservire debeant, hasce res satis superque esse enucleatas et probatas, ita ut tabula virium elasticarum debita polleat aptitudine ad varia problemata de quantitate, densitate et expansione vaporis aquae imo aliorum liquidorum solvenda. Imo concludere licet ex iis, quae vidimus de relatione tensionis varia inter liquida, haec, quin etiam solida, quae non nisi ad temperaturas admodum elevatas in ebullitionem transeunt, exigua omnino et sub vulgari temperatura insensibili pollere tensione. Hinc autem intelligitur, ut hoc addam, quare mercurii tensio fere non percipi possit; non alia est res cum aliis metallis, ut stanno, plumbo et cupro, quae odores exhalant sensibiles, ut notum est; camphora itidem odore penetranti dignoscenda in temperatura vulgari nullam designat tensionem in vacuo barometrico, at, si calorem applicemus tubo, eius evaporatio revera sensibilis evadit, ita ut mercurius deprimatur, per parva quamvis, ut facile intelligitur, vi; amoto calore, statim denuo adscendit mercurius et camphorae vapores praecipitantur sub forma pulvisculi

subtilissimi albi (81). Haec omnia insuper pulchre probant ea, quae de glaciei evaporatione attulimus.

Rogari autem potest, an ex talibus corporibus solidis verus oriatur vapor? Odores, quos multa, ut metalla, spargunt, certe non nisi horum subtilissimis dissipatis particulis attribui possunt; talibus volatilibus, licet invisibilibus, particulis etiam certo certius sanitati nocent, ut de illis hominibus quotidie comperimus, qui metallis fabricandis operam dant cuiusque rei insignis exemplum attulit HERMSTÄDT (82). Pleraque metalla ignis vi volatilia facta visibilem praebent fumum, ad nebulae indolem magis accedentem, qualem etiam varia corpora sublimatione praebent. An nunc talis fumus eodem modo ac vapor aquae se expandat, utrum hic potius particularum minimarum dispersio locum habeat, difficile discerni potest. Aliquo modo tamen, ratione habita diversae naturae et constitutionis horum corporum, unde diversus phaenomeni habitus et alia molecularum evaporatarum forma, hic idem fieri, ac in evaporatione vulgari, ex analogia concludendum, cum calorigi ope eadem ratione molecule a corpore avellantur et dissipentur similique vi elastica donentur, ita ut inter evaporationem et sublimationem modo talis differentia existat, quae ex corporum ultimarum molecularum varia dispositione redundare debeat. Odores seu halitus, quos corpora solida ex regno animali et vegetabili, ut substantiae odoriferae variae, flores etc. spargunt, forsan ob eorum originem organicum aliam adfiscunt indolem et veris vaporibus non sunt adscribendi. Si porro rogetur, an omnia corpora in omni temperatura tensione polleant et ideo etiam evaporentur, utrum vero hic limites dentur? Quod si ita sit, quomodo determinari queant? Ad haec responderem, revera tales esse et posse poni ad illud punctum, ubi, cum molecule corporum frigore sensim sensimque ad se invicem accedant, simul cum decrescente distantia attractio molecularis adeo increvit, vis contra repulsiva calorigi adeo decrevit, ut sit habenda aequalis o. Haecce theoria nititur corporum varii status consideratione, in posterum tradenda et experientia ipsa. Talem enim normam corpora etiam in genere revera sequi videmus, cum in vulgari temperatura nulla fere cor-

(81) Vid. BIOT, *Traité* etc T. I, p. 284.

(82) Vid. *Abhandl. der Königl. Acad. der Wissenschaften zu Berlin*, 1814, S. 55 et HUFELAND *Journ.* LI, 1.

pora solida vapores emittant. Sic etiam metalla nullum spargunt odorem, nisi fricentur; si calor admoveatur, cum corporis conditione mutata etiam phaenomena mutantur necesse est, ita ut nunc vel vera liquiditate vel alia molecularum dispositione apta reddantur ad vapores emittendos. Ab altera parte liquida fere omnia pollent tensione et subeunt evaporationem, quae frigore saepe non ita agnoscuntur (83).

(83) Quamvis in genere eandem fovens opinionem, huic tamen ultimae opinioni non ita assentit CLAR. FARADAY, cum putet, non solum pro solidis, ac etiam pro liquidis, limites dari, extra quos evaporation non ulterius locum habet. Sequentibus experimentis et argumentis nititur illud. Observaverat FARADAY, foliolum aureum epistomio lagenae, aliquas mercurii guttulas continentis, affixum post aliquot menses albescere, ita ut vapor mercurialis ab auro absorberetur: temperatura interea variaverat inter $15^{\circ},5$ et $26^{\circ},7$ C. Cum experimentum hyeme anni 1824—1825 repeteret, foliolum non afficiebatur, quamvis ad minimam distantiam supra mercurii superficiem dispositum. Hinc conclusit, in hyeme mercurium prorsus nullam evaporationem subire. Vapor acidi sulphurici concentrati vi elastica praeditus est aequali $0^{\text{m}},76$ ad temperaturam 300° C., quae vis celerrime cum temperatura diminuitur, ita ut ad temperaturas aëris vulgares Mediolani nulla vaporis vestigia supra hoc acidum observentur; Imo BELLANI expertus erat, foliolum zinci in lagena clausa, acidum sulphuricum concentratum continente, suspensum post duos annos omnino intactum mansisse omnemque nitorem conservasse. In tractatu Cel. H. DAVY de phaenomenis electricis, quae conspiciuntur in gasibus admodum rarefactis (*Annal. de Chimie et de Phys.* XX, 168 seqq.), experimenta adducuntur, ut demonstretur, ad quod usque punctum temperaturae diminutio in vacuo Torricelliano diminuat, sive facultatem lucendi, quae hoc vacuum admota electricitate pollet, sive electrico flumini transitum concedendi. Simulac nunc temperatura attingisset gradum aequalem $-7^{\circ},3$ C., omnis diminutio cessabat et ad $-28^{\circ},9$ phaenomena exacte eadem erant et similia illis, quae vacuum supra stannum formatum praebebat. FARADAY hic etiam novum pro sua hypothesi agnoscit argumentum; ad $-7^{\circ},3$ nempe omnis mercurii vapor se praecipitaverat; idem locum habere ad maiorem temperaturae diminutionem, non alienum putat, cum nulla sit causa, quare phaenomena mutarentur cum maiore thermometri depressione. Auctor porro citat omnia metalla cognita, terras, carbonem, multa oxyda metallica et pleraque eorum composita, ut corpora, quae nullos praebent vapores ad temperaturas vulgares. Considerationes theoreticae, quibus ulterius opinionem suam stabilire adnititur, sequentibus continentur. Moleculae elementares fluidorum aëriiformium subiectae sunt viribus repulsivis, quae illas separare nituntur, unde pressionis origo, quam haec fluida in omnes vasum, quibus continentur, exercent parietes. Vis repulsiva celeriter diminuitur cum gasum densitate, ita ut, cum omnes moleculae etiam in spatio dato obtemperare debeant actioni constanti gravitatis, revera, si causa qualicunque gas dilateretur, punctum adveniet, quo vires hae sibi oppositae illud gas moderantes in aequilibrio vere mathematico erunt positae. Hocce momento gas totum vas implere potest,

Paucis antea locutus sum de variis circumstantiis, quae ipsam tensionem variare possunt, quod ut affirmetur, hic, priusquam huic capiti finis imponatur, quaedam asserere liceat de singulari actione, quam varia corpora in illam tensionem exercent et simul addere explicationem ingeniosam, quam huius rei Cl. BIOT proposuit (84). Si enim in spatium supra mercurium in barometro, ubi vapor continetur aquae, corpus quoddam salinum, ut sodam, immittamus, vim elasticam diminui videmus et temperari a liquore iam oborto, solutionem sodae continente, licet interim nullus atomus sodae in vaporibus ipsis inveniatur neque alio modo, nisi in vicina vaporum strata, agere possit. Cognitum praeterea est, solutionum salinarum punctum ebullitionis multo elevatius esse, quam aquae purae, licet etiam nulla salis particula a vaporibus assumatur. Considerat nunc BIOT vapores in strata diversa distinctos, quae sibi invicem elasticitatis ope incumbunt, cum infimum proxime liquido innitatur, quod autem stratum vim elasticam habere debet aequalem illi, cuius ope liquidum ipsum vapores emittit. Sumamus e. g. aquam puram et vapores inde ortos determinatae vis elasticae; addito nunc corpore, quo natura liquidi mutatur, tensio diminuitur oportet; vaporum stratum liquido proximum ita magis comprimi debet a stratis superioribus, quam sustineri potest a liquidi tensione ipsa; praecipitantur ergo in liquorem et ita procedit illa condensatio, donec elasticitas vapo-


quamvis nullam exerceret pressuram in parietem superiorem. Re ita constituta, iam ope antliae pneumaticae dimidia gasis in vase contenti pars dematur; quo facto, dimidia pars residua non amplius totum implebit spatium, sed dimidiam inferiorem vasis partem, sub forma strati eiusdem densitatis ac habebat ante antliae applicationem, occupabit; hoc enim in statu vires elasticitatis et gravitatis mutuo compensantur et in aequilibrio tenentur. — Quod ad experimenta allata attinet, salva etiam accurata observatione, semper tamen dubium restabit, an revera hic nullus vapor sit formatus, cum non adeo mirum sit, ut ille existere possit, quamvis illius praesentiam modis, qui nobis praesto sunt, non detegere liceat; quod ad theoriam, licet haec pro atmosphaerae constitutione, ut deluceps etiam patebit, valere possit, difficulter tamen applicatur voluminibus gasum determinatis, ut et fluidorum elasticorum proprietatibus est contraria, imprimis illud nisi se aequabiliter per spatium datum expandendi. Si talis gasis conditio, quam FARADAY affert, in vase locum haberet, ut scilicet modo dimidium spatium inferius occuparet, quomodo, quaeso, omne fere gas antliae pneumaticae ex vase educi posset? Haec consideratio praeterea etiam non omnem excludit liquidorum dictorum evaporationem, at solummodo limites supponit, ad quos evaporatio vicens insistit et tali sensu cum veritate constare potest. Vid. *Annal. de Chimie et de Phys.* XXXV, 188.

(84) BIOT, *Traité* etc., p. 285 seq.

ris rarefacti liquoris tensioni respondeat. Eodem modo possumus explicare solidorum corporum et salium actionem in vapores non solum heterogeneos, sed etiam homogeneos, si cum illis in contactu veniant; actione enim attractiva combinationis et aggregationis vis elastica vaporum diminuitur, ita ut vapores persistere non amplius possint et partim condensentur, vel etiam novi oriantur, de quibus denuo idem observatur, donec aequilibrium restitutum vel omnis materies evaporata sit. Uberrimam huius rei applicationem variis operationibus physicis et chemicis posse institui, vel ulterius patebit (85).

(85) Ad huiusmodi phaenomena pertinet sequens a FARADAY pro sua theoria etiam adductum. Introducantur quaedam frustula camphorae in tubo vitreo admodum puro, diametri circiter $\frac{1}{2}$ pollicis; tubus dein post omnem aëris educationem ad lampadem fusoriam elaudatur et camphora omnis ad unam tubi extremitatem colligatur; quo facto, extremitas altera charta bibula obvolvatur, quae humida servatur, ope filii coronei vasi, aqua impleto, immergi, unde haec tubi pars ob evaporationem semper aliquot gradibus frigidior erit, quam illa, in qua camphora continetur. Aliquot diebus praeterlapsis, crystalli nonnullae camphorae ad partem frigidiorē suā depositae; raro plures, quam tres vel quatuor, conspiciuntur, quae identidem maiores fiunt, quamdiu apparatus in eodem maneat statu, at nunquam novae formantur, nisi temperatura in utriusque tubi extremitate valde differat. Secundum FARADAY nunc crystalli in parte tubi frigidiorē primum exortae facultatem habent tensionem camphorae vaporis circumdantis diminuendi, cum tensio eadem maneret, temperatura posita constante, nisi crystalli indefinenter vaporem condensarent. Affirmat porro, experimentum eodem modo succedere cum iodino et pluribus aliis substantiis, unde tandem concludit, insigni temperaturae diminutione tensionem vaporis, quo corpus solidum vel liquidum circumdantur, adeo debilitari, ut illud corpus vi sua attractiva aggregationis omnem vaporem arripiat et condensationem perfectam efficiat. Vid. *Annal. de Chimie et de Phys.* XXXV, 191.

C A P U T II.

De vaporibus in aëre.*1. De miscela vaporum et gasum.*

§ 16.

*Experimenta variorum Auctorum de miscela vaporis aquae et aëris,
tum aliorum vaporum et gasum: Probatur lex generalis
a DALTONE de hac miscela prolata.*

Aggredimur nunc maximi momenti caput de miscela vaporum cum gasibus, ut et de evaporatione. Licet quidem utraque huius capituli pars saepenumero iisdem nitatur fundamentis ac ad eundem ducat finem, hanc ob causam tamen eas diiungendas ac seorsum diiudicandas esse cogitavi, cum prima pars magis generalia vaporum et gasum, quatenus determinatum impleant spatium, phaenomena contineat; altera vero specialem magis aquae evaporationem exhibeat. Quanti sit momenti haec materies, vel inde intelligitur, quod in illa omnis theoriae DALTONIS cardo vertitur; nec omnis deerit, ut vereor, difficultas, ad omnes hic proferendas quaestiones rite respondisse et veritatem, quantum fieri posset, eruisse. Ostendam itaque primo loco, quomodo alii Phyfici DALTONIS experimenta et eventa probaverint.

Omnino iam Cl. DE SAUSSURE talia expertus est. Sub recipiente barometro, thermometro et hygrometro instructo aquam evaporavit; barometrum, cuius altitudo antea erat 27 poll., ascendit ad 27^p,5,749¹ lin., cum thermometrum 15° R. notaret, unde concludit, partem aquae elastica sub forma aëri accessisse eiusque

elasticitatem sua adauxisse (86). Differentia enim altitudinis barometri = 5,7491 lin., quae propria erat vaporibus in aëre praesenti, indicabat etiam vim elasticam vaporis in vacuo, quod revera DE LUC tum suis cum allatis DE SAUSSURE experimentis nifus demonstravit ac inde omnem etiam pro sua theoria deduxit vim, cum quantitatem vaporis in vacuo formati eandem ac in aëre esse testatus sit, ita ut unicum principium agens in evaporatione, unicum principium dissolvens vaporum esset caloricum, minime vero aër (87). Hanc Viri summi sententiam ulterius comprobaverunt Cell. VOLTA (88) et PICTET (89). Non minus hic conducunt tentamina a Cl. SCHMIDT instituta de dilatatione et viribus elasticis aëris humidi (90), quae etiam propterea instituit, ut fundamenta doctrinae a DE LUC prolatae examinaret; in hisce nunc, si rationem habeamus ipsius experiendi modi et vitia abstrahamus, quibus iste ansam dabat, perfectam inter illum et DALTONEM invenimus harmoniam (91). Quibus omnibus si denique addamus GAY-LUSSAC inventa memorata, nihil sane periclitamur, si phaenomenon illud, vim elasticam miscelae aquae vaporis cum aëre atmosphaerico aequalem esse summae virium elasticarum singuli fluidi, hinc in utroque casu quantitatem vaporis esse eandem, omni refutatione maius fiatuamus, quare etiam ab omnibus, ni fallor, Physicis, non exceptis DALTONIS theoriae adversariis, assumatur, inter quos nominare liceat BERTHOLLET (92) aliosque.

Praeterea revera non solum vaporem aquae ita cum aëre, at etiam, ut DALTON statuit, cum aliis gasibus ac ab altera parte vapores varii generis cum quolibet gasce misceri, imo in genere omnia inter fluida elastica (nisi chemicam ine-

(86) Vid. DE SAUSSURE, *Hygrometrie*, § 126, 127.

(87) Vid. *Philosoph. Transact.* 1792, p. 404 seqq. *Journ. de Physiq.* XXXVI, 204. *Idées sur la Météorologie*, T. I. § 14. GILB. *Annal.* XLI, 168.

(88) Vid. GREN, *N. Journ.* III, 479.

(89) Vid. *Essais de Physique*, Gen. 1790, T. I, p. 145 et 155. — Cf. de his Virorum citatorum DE LUC, VOLTA et PICTET inventis G. CH. LICHTENBERG's *Vertheidigung des Hygrometers und der de Lufschon Theorie von Regen*. Herausg. von S. CH. LICHTENBERG und FR. KRIES. Göt. 1800, S. 44 (nota), 61, 66 aliisque locis.

(90) Vid. GREN, *N. Journ.* IV, heft 3.

(91) Vid. GILBERT in ipsius *Annal.* XV, 44 seqq.

(92) Vid. *Essai de Statique Chimique*, T. I, p. 481.

ant combinationem) tale quid locum habere, satis probatum tenemus; nam DE SAUSSURE iam invenit, gas hydrogenium, carbonicum et atmosphaericum ceteris paribus eodem modo in hygrometrum agere (93), dum PRIESTLEY iam ostendit, omnia gasa eandem quantitatem vaporis aetherei assumere (94). Praeterea praestantissimi Physici Gallici CLEMENT et DESORMES observarunt, aequalia volumina plurimorum gasum, ut aëris atmosphaerici, oxygenii, hydrogenii, azoti, carbonici, aequales aquae deponere quantitates, porro, dicta gasa sub iisdem conditionibus, ut temperaturae, pressurae etc., evaporationi aliarum substantiarum magis volatilium, ut aetheris, alcoholis et carbureti sulphuris liquidi, eodem modo favere et, in iisdem voluminibus gasum diverforum, sub iisdem circumstantiis, semper eandem aetheris copiam forma elastica constare eandemque producere expansionem (95), quod DE SAUSSURE iunior de vapore aethereo itidem comprobavit (96). Denique Cl. MÜNCKE aetheris et aquae vaporis densitatem aequalem, ut et elasticitatis constantiam in vacuo et aëre expertus est (97).

§ 17.

*Phaenomeni ulterior indagatio: DALTONIS conclusio mechanicam
statuentis mixtionem vaporum et gasum.*

In omnibus hisce experimentis videmus, vaporem in genere determinatam conservare vim elasticam ipsi temperaturae respondentem et solum ab ea pen-

(93) Vid. DE SAUSSURE, L. C. Chapitre 9.

(94) Vid. BERTHOLLET, L. C. T. I, p. 297. BERTHOLLET cum GAY-LUSSAC hoc experimentum pro gaso oxygenio, azoto, hydrogenio, atmosphaerico et acido carbonico cum vapore aethereo mixtis repetit et eandem omnium invenit dilatationem, excepta illa gasis acidi carbonici, quae paululum minor erat ob condensationem huius gasis per aetherem.

(95) Vid. GILB. *Annal.* XIII, 141. Veritatem horum experimentorum non nisi a BERTHOLLETO opugnata invenit, qui praeter illam aquam hygrometricam adhuc chemicam assumpsit, ut deinde videbimus.

(96) Vid. OEHLER, *Neues Journ.* IV, 91.

(97) Vid. G. W. MÜNCKE, *Physikal. Abhandl.* S. 361, etiam in SCHWEIGG. *Journ.* 1818, XXVIII, 10. *Ueber die Elasticität und Dichtigkeit der Dämpfe.*

dentem; aër seu gas expanditur aut condensatur tantum, quantum debet, ut cum pressura aequilibrium adfit. Ponamus enim, aëris et vaporis miscelam implere spatium N' , aërem autem eadem temperatura implere spatium N , sit

pressio atmosphaerae $= P$ et aquae tensio $= F$; erit $N' = \frac{P}{(P-F)} N$, ut supra

(pag. 17 (26)) vidimus, formula experientiae congrua. Hinc $N' : N = P : P - F$ et ratio voluminum est ratio inversa pressionum in gas, ergo ratio elasticitatum, i. e., aër sub pressione et temperatura constante habebat minorem elasticitatem, si vapor addatur, quam sine eo (98).

Admodum singularis est reactio vaporis in pressuram, sub qua oritur et cui renititur. Si miscelam aëris et vaporis dilatemus aut comprimamus, temperatura scilicet manente eadem, vis elastica gasis variat secundum legem MARIOTTI, inversa ratione voluminis occupati, at illa vaporis manet constans in quovis volumine, quantumvis diminuto vel aucto, si modo hoc in casu sufficiens aquae quantitas pro vaporum formatione adfit, semper nempe manet eadem ac in vacuo. Si spatium vaporibus non impleatur, vis elastica vaporis, ut vidimus, augetur, aequae ac gas, cum ipsa pressione, donec vapor ita condensetur, ut partim in liquidum abeat. In omnibus hisce casibus vires elasticae vaporis et gasis invicem coniunguntur, ita ut vim elasticam totam miscelae efficiant; seorsum enim sumtus vapor illam pressuram minime sustinere posset. Haec itaque regula phaenomena, pro omnibus fluidis elasticis non chemice in se invicem operantibus, comprehendere possumus: *Diversa fluida gasosa, quorum singula volumina N sustinent pressiones $P P' P'' \dots$, si misceantur et ad idem volumen N redigantur, sustinebunt pressionem $P + P' + P'' \dots$, temperatura posita constante.* Duplex et reciproca quasi in hisce phaenomenis notanda actio, cum ab una parte vapor gasi nisi se extendendi, ut ita dicam, auxilium afferat, ab altera parte gas vaporis moleculas inter se dispersas nunc a pressura externa conservet et impediat, quo minus in liquidum convertantur,

(98) Non. prorsus ita se habet opinio Cel. DE LUC ut et Cl. SCHMIDT statuentium, aërem a vapore expendi, aequae ac a nova aëris quantitate, nam tunc essent volumina sic comparata, ut $N' : N$ esset $: : P : P + F$. Vid. DALTON in OILB. *Annal.* XV, 23 seq.; SCHMIDT in GRÄN, N. *Journ.* IV, 277 et 351. Cf. de hisce OILB. in ipsius *Annal.* XV, 39 seq.

ut sane fieret, si separatim eidem pressuræ subiicerentur. BIOT affert exemplum, quo illud phaenomenon illustratur, quod singularem hanc molecularum ultimarum vaporis et gasis actionem monstrat et crebrae, ut mox videbimus, disensioni causam praebuit.

Tensio vaporis aquae in vacuo est ad temperaturam $18^{\circ},75\text{ C.} = 14^{\text{mm}}$, tanta quantitate itaque mercurius deprimetur in tubo barometrico, si aquam ad hanc temperaturam introducamus. Ponamus, huncce tubum pedetentim in vas, mercurio impletum, immergi, sic columna mercurii elevata supra libellam externam sensim adscendet et spatium a vapore occupatum diminuet; cum vero pressio externa pressionem internam adeo superet, ut illa hanc maiore excedat vi, quam 14^{mm} , quod locum habebit, cum mercurius summum tubi attigerit, omnis vapor in aquam transibit, unde patet, illum ad istam temperaturam non maiorem, quam 14^{mm} , posse sustinere in vacuo pressuram, nisi in liquidum transeat. Consideremus iam eundem illum vaporem in spatio aëre pleno dispersum, omnibus pressuris licet nunc exponatur haec miscela, non perdet protinus statum gasosum; pars vaporis tantummodo in liquidum abit et pars cum aëre coniuncta remanet, quae pars semper erit eadem, ac adeset ad temperaturam datam in volumine, quod impletet solus aër siccus sub data pressione. Interea singula huius vaporis molecula in hac conditione omnem fert pressuram, quae in miscelam gravitat, cum pressura constans sit et aequabilis ad omnia puncta fluidi cuiusdam elastici, cuius temperatura per omne spatium etiam eadem est (99).

Ex his phaenomenis et observationibus DALTON nunc concludit ad mechanicam seu physicam vaporum et gasum inter se actionem et coniunctionem, quae positio, si ad sequentia confectaria ex praecedentibus derivata, attendamus, magnam prae se fert probabilitatem.

1°. Vidimus, omnia facta allata explicari viribus ipsis mechanicis, quae spectant vaporum vim elasticam, aëris pressionem etc. Nulla itaque adest ratio, quae chemicam operationem in his phaenomenis suaderet (100).

(99) Cf. BIOT, *Traité* etc. T. I, p. 311 seq.

(100) Extra omne dubium duntaxat ex his positum videtur, reversa liquidum quoddam sub forma vaporis elastici cum gaso commisceri et sic sibi proprias adhuc exferere actiones, nulla mutatione oborta, nisi tali, quae ex mutata conditione sequitur. Partim iam ex suis experimentis hoc concludere non dubitavit DE SAUSSURE, affirmans, aquam sub forma elastica in aërem diffundi et sua elasticitate

2°. Hoc non solum locum habet cum vapore aquae et aëre, sed etiam cum aliis gasibus, imo cum plurimis vaporibus ac gasibus invicem mistis, ita ut exinde ad legem generalem ducamur, qua non solum quaestio nititur de coniunctione aquae vaporis et aëris, sed et omnis vaporis cum omni gasi idem phaenomenon praebentis, inter quae corpora sine dubio adsunt, quorum affinitas satis anceps est habenda.

3°. Haec lex nequiquam cum ulla affinitatis lege congruere potest, ut recte monuit DALTON (101). „Cogitare quidem,” inquit, „possumus, omnia „gasa aequalem colere affinitatem cum aqua (102); at haecce assertio talis „est, quae repugnat omni analogiae cum aliis chemicarum affinitatis legibus et „minime admitti potest.” Recte sane monitum, nam varii illius coniunctionis gradus et proportionis diversitas tot signa et characteres constituunt affinitatis vis et coniunctionis chemicarum.

4°. Haec phaenomena, ut saepius iam monui, ad peculiarem constringi debent classem vaporum et gasum; nam profecto multa dantur corpora gasosa, de quibus ob veram chemicam, quae obtinet, coniunctionem lex DALTONIS non valet, quod ergo nos ducit ad accuratam inter utriusque generis vires differentiam ponendam, eoque magis, quia nullam inter utramque classem dari intermediam, perspicuum est; adsunt nempe supra allata phaenomena nullaue locum habet contractio vel dilatatio, nisi a vi elastica derivanda; aut, ut cum vapore aquae et gasi hydrochlorico, ammoniaco etc. videmus, utriusque materiei tensio ac cum ea elasticitas destruitur et liquidum haec fluida assumunt statum (103). Talis evidens effectuum diversitas diversas etiam agnoscit causas et inde quoque denominationem postulat diversam; nonne omni iure itaque hancce actionem, ut chemicam, et illam, ut mechanicam, salutare licet?

presurae reniti, cum tamen veram deinde chemicam locum habere coniunctionem opinetur. At quare, ut ipse etiam rogavit DALTON, vapor iam exortus non ulterius per se persistere posset? Quae esset ratio, quare tandem illa affinitas, antea non conspicua, ageret inter utrumque fluidum? Videmus ex hisce, DE SAUSSURE admodum incongrue, ut et omnia eius scripta demonstrant, chemicam illam coniunctionem assumisse, cum et experimenta, quae fecit, et opiniones, aliis in locis allatae, contrarium omnino denotent.

(101) Vid. DALTON in GILB. *Annal.* XV, 24.

(102) Ut assumunt BERTHOLLET, FISCHER etc.

(103) Vid. BIOT, *Traité* etc. T. I, p. 310.

Hisce argumentis plura posset adiungi, verum occasio non deerit, in unum alterumve, quod huc pertinet, paulo uberiori inquirendi; audiamus nunc alteram partem et argumenta, chemicam in hisce phaenomenis actionem suadentia. Primum afferam negativas, i. e., DALTONIS positionem oppugnantes obiectiones, tum positivas, quae revera istam chemicam affirmare nituntur actionem; quibus omnibus recensitis et diiudicatis progrediendum est ad conclusionem formandam et opinionem maxime probabilem proponendam.

§ 18.

Obiectio ex persistente vapore in miscela, non obstante pressura ambiente, desumpta: DALTONIS hypothesis de miscela fluidorum elasticorum: Theoria hac de re Cl. LA PLACE; tum et illa Cohæfionis.

I. Illa mechanica (sic Chemici) coniunctio vaporis et gasis minime congruere potest cum compressione uniformi, quam atmosphaera, gas, aliudve corpus in liquidum et vaporem exercent (104).

Obiectio certe momentosa, et quidem, quod notatu dignum, contra illud phaenomenon, quod primum DALTONI praebeat argumentum, vaporem scilicet eadem pollere vi et qualitate, sive in vacuo, sive in aëre. Ante DALTONEM iam Physici DE LUC eodem modo oppugnarunt, eadem ex suis experimentis conclusione maxime suam theoriam vindicantem.

Quomodo, rogant, potest vapor constans manere in spatio, quod subiectum est pressurae, ipsius vi elastica maiori? Satis probatus vaporum peculiaris character est, statum illum gasosum destrui, si pressio vaporis elasticitate maior sit; mechanica itaque non potest esse miscela, chemicæ vires tantum hoc efficere queunt; sine tali affinitatis vi vapor non existere posset, sed huius ope vapor iam per omnes gasis partes aequabiliter dispersus ab ipsis aëris moleculis ulterius ita dissolvitur, ut naturam assumat fluidi elastici permanentis, usque ad saturationis aëris terminum; ceterae horum fluidorum coniunctio-

(104) Plurimi hanc fecerunt obiectionem, ut BERTHOLLET, O. C. T. II, p. 287. R. J. HAUY, *Grundlehre der Physik*, 1804, T. I, S. 316. FARROT in GILB. *Annal.* XVII, 94 seq.

rum qualitates ab omni parte integras remanent, nam elasticitatem genuinam omnino conservant. Talem favent opinionem BERTHOLLET (105), HAUY (106) alique.

Ut haec difficultas tolleretur, DALTON hypothesin finxit omnino singularem, at variis phaenomenis explicandis aptissimam. Hypothesis ista primum occurrit in ipsius tractatu, *de miscela gasum*, aut in genere, *fluidorum elasticorum*, ita, ut eodem modo ad vapores cum gasibus iunctos illam applicet. Summa huius hypotheseos, primum theoriae characterem constituentis, sequentibus continetur: *Ita fluida elastica misceri, ac si tantummodo particulæ premerentur particulis eiusdem naturae, non vero fluidi alterius* (107).

Secundum hanc opinionem particulae vaporis modo inter se repelluntur, itidem particulae aëris solum inter se; vaporis itaque molecule et aëris nullam in se invicem actionem exercent, non se invicem repellunt nec attrahunt, conantur modo inter se aequabiliter diffundi, ea repulsionis vi, qua singulum fluidum seorsum expanditur. Si aërem demamus, vis vaporis eadem manet; si sumamus vas, aëre impletum, si vacuum, nulla offertur differentia pro vi utriusque fluidi elastica; ita nec vis expansionis nec densitas aëris per vaporem pro minima parte mutatur; eodem redit, an aëri vaporis intersint partes, nec ne; solum hac in re vaporis status quodammodo mutatur, quia eius vis elastica succurrit aëris elasticitati et utrumque corpus coniunctis contra obstacula nititur viribus, vapor nempe, quamdiu liquidum evaporandum et eadem temperatura adfit, constanti vi, aër vero tali vi, quae densitati respondet; hinc vis vaporis solum a temperatura dependet, nec pressura determinatur, cui subiectus est (108).

Haec theoria admodum ingeniosa ita non solum rem, de qua disputatur, sed plurima phaenomena accommodatissime explicat, quare prima fronte multum sese commendat (109). Principium tamen quo constituitur, magnopere a

(105) Vid. O. C. T. I. p. 292.

(106) Vid. O. C. T. I, S. 316.

(107) Vid. DALTON in GILB. *Annal.* XII, 385 et XIII, 438.

(108) Vid. DALTON in GILB. *Annal.* XV, 50 et XII, 393.

(109) Omnino sic explicatur existentia vaporis sub quaque barometri pressura: explicatur quoque

generalibus corporum viribus, five dynamice, five atomistice rem consideremus, aberrare videtur, unde in alias nos facile implicat difficultates; imò cum sana ratione et phaenomenis variis congruere non potest. Cum verear, ne nimis longus evaderem, si numerosas illas disputationes inter tam plurimos Physicos et ipsum DALTONEM, de huius hypotheseos valore, adducere et investigare vellem, sufficiat, ut primarias obiectiones, imprimis a Doct. THOMSON allatas, proponam; qui plura velit, infra citatos adeat Auctores (110):

1°. Nonnullae coniunctiones chemicae facile perturbantur, si unum corpo-

eius quantitas eadem in vacuo et aëre. Breviter hic notabo opinionem, quam DALTON de atmosphaerae constitutione fovet, hoc principium assumendo.

Illam considerat, tamquam ex quatuor praecipuis constantem atmosphaeris, dum quodque gas vel fluidum elasticum, quod attinet ad eius densitatem et elasticitatem, sua modo actione determinatur. Hinc etiam singula suo specifico pondere in tellurem premit, unde ponit presuram:

Atmosphaerae azoticae = 28P,36.

———— oxygenicae = 6,18

———— aquosae = 6,44

———— carbonicae = 0,02

————
30P,00.

Ex hisce punc concludit ad quantitatis et voluminis relationem, quam gasa varia inter se habent, in diversis supra tellurem altitudinibus, nec dubitat, quin revera oxygenii volumen cum altitudine diminuat; cum enim singulae atmosphaerae a se invicem omnino discretae sint, non aliter potest, quin illarum densitas in illis altitudinibus secundum gasum gravitatem specificam variet, ita ut, ratione habita gasis azoti quantitatis, ea oxygenii et acidi carbonici in altitudine minor, vaporis aquae vero maior fiat, quod vero non, nisi pro insignibus altitudinum differentiis, observari posse, facile intelligitur etc. Vid. DALTON in GILB. *Annal.* XXVII, 369. Cf. XII, 385 et XIII, 438.

(110) Sequentes imprimis Physici DALTONEM hac in re oppugnaverunt. BERTHOLLET, O. C. T. I, p. 487 seq. THOMSON, *Système de Chimie*, edit. 3, T. III, p. 270 et edit. 6, T. III, p. 38. TRALLÉS in GILB. *Annal.* XXVII, 431 seq. GOUGH in NICHOLS. *Journ.* VIII, 243 et IX, 52; exin in GILB. *Annal.* XXI, 401, 405 et XXXX, 403. MURRAY, *system of chemistry*, 1806—1807. Vol. IV. FISCHER, *Darstellung und Kritik der Verdünnungslehre* etc. S. 65 seq. — Horum argumenta pro magna parte refutavit suamque simul theoriam magis illustrare et amplificare tenuit DALTON in ipsius opere, iam citato, *Noues system* etc. B. I, S. 180 seq.; plurima ex hisce sumta et diiudicata a Cl. ERMAN inveniuntur in GILB. *Annal.* XXXX, 393 seqq.

rum constituentium statum elasticum recuperare incipiat, unde concludere licet, fluida elastica se invicem repellere (111).

2°. Si fluida gasosa ratione aliorum non essent elastica, nulla prorsus potest esse causa, quominus coniunctio inter illa fieret intima. Quid, nonne e. g. gas oxygenium et hydrogenium, quae certis sub circumstantiis affinitatem inter se colunt, si misceantur, coniunctionem inire deberent chemicam? Nulla viget enim vis repulsiva inter eorum moleculas heterogeneas. Idem dicendum de azoto et hydrogenio, de azoto et oxygenio, quare non formarent ammoniam et deutoxydum azoti, sive gas nitrosum? Imo, si talis inter haecce gasa locum habeat constitutio, revera ponere licet, unum alterumve gas, aut utrumque, suam demittere elasticitatem. Meliori igitur nititur fundamento opinio, illam elasticitatem esse causam, quare haec coniunctio non fiat; unde sequitur, diversa gasa inter se alere elasticitatem (112).

3°. Phaenomenon illud, quasdam gasum chemicas coniunctiones tam facile locum habere, cum alterutrum corpus constituens statum elasticum iam iam assumat (*gaz naisfant*), similiter cum hypothese non congruere videtur.

4°. Praeterea difficillimum est intellectu, quomodo particulae fluidorum elasticorum tantummodo ratione particularum homogenearum, non vero ratione heterogenearum, elasticae essent; huius enim rei nulla est cognita causa; imo non minor adest difficultas, si inter mechanicum illud impedimentum, quo varia gasa sese offendunt, et elasticitatem ipsam distinctionem satis claram concipere velimus. Si volumen datum cuiusdam gasis in contactu cum volumine alterius ponatur, haec fluida aliquo tempore indigent, antequam permisceantur, cum superficies contactus unius obstaculum praebeat expansioni alterius; at huius superficiei nisus oritur ab elasticitate totius gasis; non prius itaque, quam hocce amoto obstaculo, gasa inter se miscentur. Ipse vero ille effectus nonne clare et aperte indicat, gasa diversa se invicem repellere vi elastica (113)?

5°. Praeterea, si aqua evaporetur in vase, collo angusto praedito, revera videmus, partem aëris extricari; si aqua ebulliat, omnem aërem expelli; quod

(111) Cf. GILB. *Annal. N. R.* VII, 405.

(112) Vld. THOMSON, O. C. edit. 6, T. III, p. 41.

(113) Vld. THOMSON, O. C. T. III, p. 41 seq.

phaenomenon, ni fallor, dilucide demonstrat, vaporem revera sua elasticitate in aërem agere.

6°. Huc referendum experimentum a MÜNCKE factum (114), e quo patet, diversos vapores (aetheris e. c. et aquae) in uno volumine aëreo, maximae densitatis puncto, non una persistere posse, at partem unius alteriusve vaporis, minus elastici, praecipitari, ob elasticitatem maiorem vicinorum vaporum heterogeneorum. Infra redeundum ad idem illud experimentum.

7°. Deinde communem omnibus iisque diversis fluidis gasosis elasticitatis esse vim, exinde sequi mihi videtur, quoniam vis repulsiva, unde elasticitas originem trahit, in omnibus fluidis elasticis ab eodem principio, calorico scilicet, ortum ducat, quod praeterea principium in hisce, ut vidimus, eodem modo agit.

Ex hisce itaque concludimus, quidquid etiam DALTON postea et recentius, hypothesein suam mutando, ad illius probabilitatem stabiliendam fecerit, eam neutiquam firmo niti fundamento, neque sufficere ad obiectionem supra allatam amovendam; illi enim conatus hypothesein minime clariorem reddunt, imo rem magis implicatam efficiunt, quoniam pro magna parte nitantur nimis subtilibus et moleste a nobis percipiendis ultimarum corporum molecularum proprietatibus, ut forma et vi; quam ob causam haec sicco pede transeo (115).

Antequam pergam, non possum non attingere DE LUC haec de re opinionem. Verbo iam notavimus, illam non valde ab ea DALTONIS differre, imo sane hiece Auctor, cum suam theoriam exstrueret, illius opinionem ante oculos habuisse videtur. Postquam DE LUC demonstraverit, vapo-

(114) Vid. SWEIGG. *Journ.* XXVIII, 10.

(115) Applicationem huius hypotheseos ad ipsum aërem atmosphaericum etiam superfluum esse et sine illa constitutionem atmosphaerae a DALTONE indicatam locum habere posse utique mihi videtur. CL. TRALLÉS movuit (in GILB. *Annal.* XXVII, 400), cum opinione DALTONIS non convenire ipsa experimenta eudiometrica nec alia iam cognita inventa. Sic theoria mensuram altitudinum barometro determinandi, quod nititur principio, aërem massam praebere homogeneam, huic opinioni repugnaret; GAY-LUSSAC, ut notum, in eius itinere aërostatico ad altitudinem 6600 metrorum fere eandem, ac in superficie, invenit oxygenii quantitatem, quod etiam confirmatur HUMBOLDTII summi sententia, cum, si DALTONIS hypothesis vera esset, oxygenii ad eam altitudinem adesse deberet quaedam diminutio.

rem in aëre aequalem ostendere presuram, quam in vacuo, cum modo in primo casu eius presura aëris presurae addatur et ambo una in presuram externam renitantur (loquitur scilicet de experimento, e quo patet, vaporem ad temperaturam 60° F., tam in vacuo, quam in aëre, barometri presuram sustinere aequalem $0^p,5$), affirmare pergit: „Eodem itaque redire, quod attinet ad vaporum existentiam et eorum phaenomena, an hi in vacuo, utrum inter aëris particulas se dispergant. Parietes, inter quos spatium vacuum continetur, vapores non melius ab atmosphaerae presura vindicare, quam aër ipse, cum quo miscelam formant, cum ille aër iam solus isti resistat presurae (116).” Hoc Physici non poterant concedere, cum comprehendere non possent vel nollent, aërem non in vaporem contentum omni sua elasticitate premere; inter alios ita ratiocinatus est Doct. ZYLIVS: „Aber wie ist das möglich (117), da beide als elastische Flüssigkeiten in einem Raume unter einander vermengt sind? Musf nicht die Luft mit eben der Kraft, womit sie auf die Queckfilberfäule drückt, auch den Dampf zusammen drücken, der in denselben Raume befindlich ist? Ist nicht ihre Expansivkraft überall und in allen Punkten dieselbe? Und muss nun nicht der Dampf mit derselbe Kraft entgegendrücken? Musfen nicht Druck und Gegendruck einander gleich seyn? Nun drückt aber auf das in dieser Campanē befindliche Volum eine Queckfilberfäule von 27,5 Zoll., musf nun nicht der in diesen Raume enthaltene Dampf diesen Druck eben so gut empfinden als die darin befindliche Luft? Kann ein Theil der unter dieser Campanē befindlichen Flüssigkeiten mehr oder weniger gedrückt werden, als der andere? Wird nicht ein Theil so gut wie der andere die ganze Last der Queckfilberfäule von 27,5 Zoll. zu tragen haben? Daselbe gilt in freyer Luft von den Drucke der Atmosphaere . . .; folglich kan ein Dampf, der in die Luft durch gewöhnliche Ausdunstung hervorgebracht wird; keinesweges von derselben Natur seyn, als der, welche sich im luftleeren Raum bildet.” Quae de LUC ulterius, ut et eius asseclae, inter quos imprimis LICHTENBERG, ad quaestionem illustrandam et stabiliendam attulerunt, nondum prorsus difficultates sustulerunt; et in his rationem quaerere possumus, quare eius opinio de me-

(116) Vid. DE LUC à DE LA MÉTHÉRIE Lett. 2. § 24.

(117) Vid. Comment. cit. S. 74.

chanica vaporum in aëre constitutione, validis certe fundamentis nitens et ceteroquin cum experientia congrua, non meliorem habuerit sortem (118). —

Quae omnia itaque evincunt, DALTONIS hypothesin non posse stare, at potius sequentem cum universalibus materiae principiis magis convenientem et simplicem esse opinionem: *Fluidum scilicet elasticum alio mixtum ab hoc eandem pati repulsionem, ac subiret ceteris paribus a nova quantitate fluidi eiusdem naturae, eiusdem nempe densitatis et vis elasticae, ac vicissim.*

Verum hac opinione assumpta, nonne ita omnis antecedentis obiectionis superfit vis et efficacia? — Certe haec obiectio, utpote ultimarum molecularum fluidorum elasticorum inter se actionem spectans, non ita directe experimentis refelli potest, at illud tantum tentabo, ut res satis apte explicetur iuxta theoriam, quam in his sequar, summi LA PLACE (119); quod si fieri queat, satis, ni fallor, haec quaestio solvitur, dum alioquin experimenta omnino mechanicam suadent coniunctionem et hic modo explicatione indigent idonea.

(118) Quanto valore pollebat iam tunc temporis illud argumentum contra dissolutionis theoriam, sequentia docent Cel. LICHTENBERG, viri acutissimi et huius theoriae adversarii fervidissimi, verba. „Die Haupterfahrung,” inquit, „die erste unter allen, auf die sich *Alles* stützt, was Hr. DE LUC wider die Auflösungstheorie inbringt . . ., ist der große *Erfahrungssatz*, daß Dämpfe in „*luftleeren Raum wie in luftvollen gleichen Druck* ausüben, also sich mit der Luft verbunden eben „so verhalten als ohne Luft. Ein Satz der auch die neuesten Erfahrungen bestätigt haben” (G. CH. LICHTENBERG's *Vertheidigung* etc. Vorber. S. 14). Ultimis hisce verbis indicare videtur notata experimenta (pag. 53) VOLTAE et PICTET. Alio loco (S. 66 seq.) habet. „Wenn also z. B. „eine Dampfart, die bey einer gewissen Temperatur, unvermischt mit Luft, eine Quecksilbersäule „von 6'' tragen könnte, mit einer Luft, die bey gleicher Temperatur eine eben so hohe Säule, „hielte, in denselben Raum gebracht, nun zusammen eine Säule von 12'' trügen: was würde man „in aller Welt noch für einen Grund haben können, zu glauben, die Luft habe den Dampf aufgelöst, sich auf irgend eine Weise chemisch mit ihm verbunden? Der Erfolg ist ja einerley mit „dem, da man zwey Portionen derselben Luft mit einander vermischt hätte, von denen doch wohl „niemand eine chemische Verbindung nach der Mischung wird behaupten wollen. Woraus schließt „man denn die chemische Verbindung, da offenbar keine Veränderung vorgegangen ist, und die gemischten Substanzen gerade so wirken, wie sie einzeln wirkten, nur hier mechanisch, nicht chemisch summiert etc.”

(119) Vid. *Annal. de Chimie*, XVIII, 275 et XXI, 22. LA PLACE, *Mécanique Céleste*, Tom. V, Lib. XII, Cap. I, p. 87, 9a.

Haec theoria principio illo nititur, quamque corporis moleculam his tribus obtemperare viribus: 1°. attractioni molecularum vicinarum, 2°. attractioni calorigi earundem molecularum et 3°. repulsioni calorigi per caloricum harum molecularum.

Priorēs ambae vires moleculas coniungere student, posterior eas dirimere tendit, ita ut corporis conditio triplex, solida, liquida et gasosa, ab harum virium relativa pendeat intensitate. In statu solido prima vis maxima est; tunc forma molecularum praecipue phaenomena moderat; calorigi incrementum hanc vim diminuit, dilatando corporis moleculas, adeo ut, hocce incremento ita aucto, ut forma moleculae parum aut nihil efficiat, secunda vis exsuperet et corpus statum assumat liquidum. Moleculae internae in hoc statu mobiles inter se sunt; tamen ita, ut attractio calorigi molecularum vicinarum illas coniunctas teneat, si excipiantur moleculae superficiales, quas caloricum sub forma vaporum solvit, donec horum vaporum pressura istum effectum sistat. Denique, calorigo tantopere aucto, ut tertia vis reliquas superet, omnes liquidi moleculae, tum internae, cum externae, a se invicem disiunguntur, liquidum subito volumen adipiscitur ingens, assumendo statum gasosum, qua sub forma, iisdem sub conditionibus, legibus temperatur a MARIOTTE, DALTON et GAY-LUSSAC propositis, uti vidimus. In tali statu priores vires prorsus fere evanescent et moleculae non nisi vi repulsiva affectae ita sunt dispositae, ut fluidum elasticum in vase ab omni parte aequabiliter diffundatur seu eiusdem sit densitatis.

Haec omnia probantur experimentis et observationibus supra allatis et explanatis, ex quibus praeterea patet, talem theoriam valere pro omnibus fluidis elasticis, tam gasibus, quam vaporibus. DALTONIS etiam opinio non est absumilis, cum ipse differentiam, quae gasa inter et vapores observatur, modo calorigi principii diversae relationi attribuendam esse censeat. Hoc ulterius recentioribus experimentis, praesertim a FARADAY institutis, comprobatur, e quibus utique apparet, varia sic dicta fluida gasosa permanentia conditionibus faventibus, veluti pressura et refrigeratione insigni, in liquidum posse cogi statum (120); cum ab altera parte varia corpora fluida imo solida, uti metalla, in gasosum verti posse statum satis demonstratum sit. Differentia itaque

(120) Vid. *Annal. de Chimie et de Phys.* XXII, 323 seqq. XXIV, 396 seqq.

vapores inter et gasa, quam ex utriusque fluidi characteribus antea allatis cognoscimus, ex eo oritur, quod vapores non tantam, quam gasa, possunt pati compressionem nec tantam refrigerationem, quin in statum abeant liquidum, utpote quibus non maiorem, quam ipsis propriam, habere licet densitatem, vi elastica determinatam (121); quamdiu itaque hae vires non valde mutantur et praeponderant, tamdiu tale quid non observatur. Aperte ex DALTONIS experimentis patet, vim elasticam in aëre et in vacuo eandem constantemque manere, quod si verum sit, nulla ratio existere posset, quare condensaretur vapor (122).

(121) Ad temperaturas et pressuras saltem non valde auctas. Quomodo his sub conditionibus natura vaporis mutetur et eo magis eam gasis adfiscat, docent pulchra experimenta a CAIGNIARD DE LA TOUR facta. Vid. *Exposé de quelques résultats obtenus par l'action combinée de la chaleur et de la compression sur certains liquides, tels que l'eau, l'alcool, l'éther sulfurique et l'essence de pétrole rectifiée*, in *Annal. de Chimie et de Phys.* XXI, 123 seq. Cf. THÉNARD, L. L. T. I, p. 87.

(122) Insignem etiam hic lucem spargunt et optima pro hac theoria argumenta continent tentamina de vaporum calórico latente instituta primum a SOUTHERN una cum CHREIGHTON (ROBISON, *Mechan. Philos.* T. II, p. 60 seqq.), ex quibus iam sequitur, caloricum vaporis aquae latens ad omnes temperaturas esse idem. Eandem legem confirmant experimenta recentiora a SCHARPE instituta, nempe, eadem calefactione, pro liisdem temporis intervallis, eadem temperaturae augmenta cum data aquae quantitate communicari, quaecunque sit calorici punctum, a quo computemus, ita ut aquae calefactio a 40° ad 50° F. eodem temporis lapsu locum habeat, ac illa a 260° ad 270°; porro, aequalia vaporis pondera cuiusvis temperaturae aequalem aquae quantitatem pro aequalibus temperaturae gradibus calefacere. Vid. THOMSON, *Annal. of Philos.* N. Ser. III, 302, ex *Manchester Mem.* 1813. Ita etiam, perscrutando effectus, quos pressura maior minorve in caloricum vaporum latens produceret, nuper invenerunt DESORMES et CLEMENT ut et DESPRETZ, caloricum condensatione vaporis in aquam extricatum, quantitatem praebere constantem pro pondere vaporis dato, quaecunque ipsius sit temperatura vel tensio et istam calorici quantitatem aequalem esse illi, quae eandem aquae quantitatem ad 650° elevarer, dum iam pridem Viri illi certiores erant facti, vaporem aquae in aëre eandem calorici constituentis quantitatem continere, tam ad temperaturas depressas, quam ad illam ebullitionis. Hinc concludunt, istam caloris quantitatem esse constantem pro omnibus temperaturis, imo pro illis sub congelationis puncto; quo principio constituto, ex analogia ad legem sequentem generalem statuendam procedunt: *Quantitas vaporis determinata, quae spatium aliquod repleat, continet eandem calorici quantitatem; quaecunque sit temperatura et vis elastica*, scilicet pro variis conditionibus eiusdem vaporis. Varias inde derivant consequentias: nempe quod vapor sit coniunctio principii caloris et materiae ad proportionem determinatas, cuius compositi tensio et temperatura sunt ratione inversa spatii, quod occupat; quaecunque etiam sit volumen, quod ille vapor replet, quatenam sit temperaturae diminutio, quae sequitur, statum conservat elasticum, sine ulla caloris additione,

In miscela diversorum fluidorum elasticorum, ut vaporis et gasis, horum molecule ita inter se diffunduntur, ut in minima miscelae parte singula fluida eadem proportionem fiat obvia ac in miscela tota; cum quavis fluidorum molecula in spatio maneat suspensa actione repulsiva calorigi molecularum vicinarum in ipsas calorigem, quae actio, si ab omni parte sit aequalis, aequilibrium stabile sistet. Miscela ita eodem modo se habet et considerari potest ac fluidum simplex, cuius singula molecula esset congeries admodum parva molecularum diversorum fluidorum, eadem ratione mixtarum, ac in miscela tota. Singula itaque molecula vaporis, ope molecularum gasis, a vicinis separata tenetur, ita ut fortissima etiam pressura, dummodo ipsum gas resistat, non coeant molecule vaporis in volumine quovis dato ipsius gasis; tantam vaporis quantitatem in liquidum converti debere, quanta gasis voluminis est diminutio, facile intelligitur, quia spatium diminuitur et vapor semper uniformem tenet densitatem, temperatura posita constante. Experimentis illud modo pro simplici, triplici vel ad summum pro quadruplici atmosphaerae pressura valere demonstravit, nisi pro argumento adducere velimus compressionem aeris communis, aquae vapore praediti, in qua compressione, quanta etiam sit, nunquam praecipitatio vaporis observata est; verumtamen eam aequae parum, ac legem MARIOTTI, in infinitum posse valere, ex rei natura profuit, quin imo secundum analogiam ex experimentis, quibus gasa ipsa pressura insigni in liquida transeunt, concludendum est. Ita etiam, licet revera in dato gasis volumine 1 ad 5 volumina diversorum vaporum contineri possint, hoc tamen limites certos non excedere debere videtur, cum secus reversa pars vaporis additi in liquidum transeat, eius nempe moleculis adeo appropinqua-

imo si comprimeretur in vase calorigo impervio, ita ut nullam posset perdere calorigem quandocumque, ad statum non rediret liquidum, maxima non obstante pressura, cum, salva quantitate propria calorigis, eius temperatura accresceret et quidem, ratione voluminis diminutionis, quantum opus esset, ut denuo conditionem assumeret elasticam permanentem. Ex eodem porro sequitur principium, eodem redire, pro calorigis quantitate adhibita, an destillatio fiat in vacuo vel sub pressura atmosphaerae, vel an aqua evaporetur ad temperaturam inferiorem in aere. — Haec inventa, quae confirmant SOUTHERN et DESPRETZ (THÉNARD, L. L. T. I, p. 81 seqq.), egregie etiam conveniunt cum illis, quae de determinatio gasum calore specifico supra attulit (pag. 36 not. 37).

tis, ut attractio vicinarum molecularum denuo vigere possit. Revera tales limites existere, inter quos diverſi vapores iuxta ſe in volumine dato aëris conſtare poſſunt, non ſolum theoria ſuadet, at etiam probatur experimento Cl. MÜNCKE, de quo iam ſermo fuit (123). In globo ſcilicet vitreo vacuo vapor aderat aethereus, qui ad $15^{\circ},5$ R. omnino expandebatur; quum vero aër humidus, eadem manente temperatura, admittebatur, praecipitatio primum locum habebat et expansio perfecta utriusque vaporis deſum ad $16^{\circ},5$ ſuccesſit. Attuli ſupra hoc experimentum, ut argumentum continens contra DALTONIS hypotheſin, at credo revera hic altera vice pro noſtra poſſe inſervire ſententia; Obiectio etenim propoſita illo debilitatur, quia docet, revera vaporis condensationem ſub conditionibus faventibus locum habere poſſe. Interea etiam ex hiſce ſequitur, legem ſupra allatam, quamvis veram, quandam ſubire debere determinationem, illam puto legem: Diverſorum fluidorum elasticorum volumina aequalia, ſub preſſione $P, P', P'' \dots$, ſibi addita et ad unum primitivum volumen redacta poſſunt ferre preſſiones $P + P' + P'' \dots$; cum, ſi varii adſint vapores, preſſio tam inſignis eſſe poſſit, ut revera una alterave pars in liquidum cogatur. Quot nunc vapores una exiſtere queant, priuſquam condensatio talis fiat, forſan ab ipſa varia dependet vaporum ſpecie; interea novum hic requiritur examen, antequam de hac re aliquid determinare valeamus. Caeterum, hoc condensationis phaenomenon prorfus non locum habebit, ſi gas ſi extenſioni ſpatium praebeatur, quemadmodum in atmophaera, quo praeterea in caſu tantum de aquae vapore ratio habetur (124).

(123) Vid. SCHWEIGG. *Journ.* XXVIII, 10. MÜNCKE *Physical. Abhand.* S. 363.

(124) Revera hanc theoriam omnia praebere, quae ad atmophaerae partium mechanicam conſtitutionem explicandam poſtulantur, remotis etiam illis, quas hypotheſis DALTONIS continet, difficultatibus, paucis videre eſt. Secundum iſtam enim, gasum, ut azoti et oxygenii, conſtitutio in atmophaera ita conſideratur, ut quidem duas heterogeneas efficiant partes conſtituentes, at ita inter ſe mixtas, ut, cum vis repulſiva quaquaeverſus aequabiliter agat, ubique eadem ratione mixta adſit. Quod ſi aliud adveniat fluidum elasticum, ut vapor aquae, ille ſua vi elastica, tum in particulas utriusque gasis, cum in ſuas agens, elasticitatem mixtae adaugere, unde haec pro iſtis vis augmento ſe diſtendere poteſt; vapor interea eandem pro hac extenſione aequabilem per volumen gasoſum patitur diſſipationem, ita ut, aequilibrio tandem inter omnes partes conſtituto, tota mixta ſingulorum fluidorum conjunctis gravitatis et repulſionis viribus in tellurem premit. Secundum

Non discrepat sententia, quam fovet de hac re CL. BIOT. „Ainsi,” inquit, „les particules de gaz sec disséminées entre les particules des vapeurs paraissent avoir cet effet sur elles, qu’elles les tiennent pour ainsi dire en arrêt, et que par leur interposition elles les empêchent de se réunir, comme elles le feraient, si elles se trouvaient seules aussi comprimées et aussi rapprochées qu’elles le sont. Quoique nous ne connaissions pas la manière, dont s’exerce le principe répulsif, qui écarte les unes des autres les particules des substances aëriiformes, il est bien clair, qu’il agit à distance, puisqu’il les maintient ainsi écartées. Il n’est pas moins évident, que ce principe est indépendant de l’affinité où du moins n’est pas soumis aux mêmes lois pour la distance. Il est donc très possible, qu’il s’exerce aussi entre une particule de vapeur et une particule de gaz sec, comme il s’exerceroit entre deux particules de gaz et qu’il les tienne assez écartées l’une de l’autre, pour que leur affinité réciproque affaiblie par la distance ne produise aucun effet sensible; tandis qu’à cette même distance l’affinité plus forte de la vapeur pour la vapeur la convertirait en eau, si les molécules pouvaient se réjoindre. Alors on conçoit, comment ces vapeurs, lorsqu’elles sont mêlées avec l’air, peuvent supporter des pressions qu’elles ne soutiendraient pas isolement; et quant au peu d’affinité, que ces considérations supposent entre les molécules des gaz secs et des vapeurs, cela n’est pas plus étonnant, que de voir l’eau et l’alcool liquides s’attacher aux surfaces des corps vitreux, tandis que le mercure ne s’y attache pas” (125).

Ultima haec verba attentionem dirigunt ad nonnullorum opinionem, gafa scilicet et vapores *vi adhaesiva* coniungi. Antiquiores Physici, ut LICH-

DALTONEM vero, cum unum fluidum elasticum ab altero prorsus sit separatum, singulum secundum propriam densitatem et elasticitatem diminui debet; assumit quidem, primo aquae vaporem atmosphaeram sua vi elastica distendere, at putat illum dein rursus primitivam suam adipisci densitatem, cum atmosphaera aquosa etiam suum attigerit aequilibrium. Ex tali consideratione etiam sequitur, revera atmosphaerae limites esse neque illam in infinitum posse extendi, quam constitutionem egregie confirmant argumenta et ratiocinia aliunde petita, qualia proposuit WOLLASTON. Vid. *Annal. de Chimie et de Phys.* XX, p. 199.

(125) Vid. BIOT, *Traité* etc. T. I, p. 312.

TENBERG (126), FICTET (127), LAMPADIUS (128) (an forsan etiam OREN et GÄHLER) opinati sunt, aërem, veluti substantiam hygroscopicam, adhaesione physica humectari; Cl. PARROT etiam talem adhaesionis vim in usum vocabat, cum et DALTONIS hypothesein et chemicam actionem assumere dubitaret (129). Sermo scilicet est de tali mutuo inter corpora solida et liquida et haec inter et gasiformia adhaesionis modo, quae, licet varia pro variis materiis sibi cohaerentibus, revera ex una eademque vi originem doceret, ad quam itaque materialium gasiformium miscelae etiam pertinerent (130). Quid quid sit, haec de ista theoria sufficient, de qua idem dicendum est, ac de aliis analogis, quae phaenomenorum expositionem praebent, non vero explicationem. Dico posset, talem hypothesein, quatenus conducere possit ad phaenomena distinguenda, non ita reiiciendam esse; cavendum vero, ne talis assumatur, quae nobis de phaenomeno notiones suppeditat perversas, quas hic revera subesse putarem. Nam si haec sententia assumatur, neque ipsius gasis aut aëris augmentum neque specifici ponderis diminutionem explicare liceret. Contra fluidorum elasticorum proprietates demonstratas, contra theoriam delineatam, pugnare videtur, moleculas corporum elasticorum, tam homogeneorum, quam heterogeneorum, vi adhaesiva inter se coniungi, i. e., sibi adhaerere, ut massam efficiant uniformem; vires aliae illi contrarias potius hic agunt, nec miscelae fluidorum elasticorum determinata praebent volumina, nisi externa vi, ut vase, coacta, aut gravitate, ut in atmosphaera locum habet, temperata; licet in genere enim ut veritatem agnoscere possimus, quamque flui-

(126) Vid. ERXLEBEN, *Naturlehre* ed. 5, § 434.

(127) Vid. *Essais de Physique*, T. I, p. 155.

(128) Vid. *Darstellungen der neuesten Theorien vom Feuer* etc. § 81.

(129) Vid. GILB. *Annal.* XVII, 94.

(130) Vid. de hisce C. G. BISCHOF, *Lehrbuch der reinen Chemie*, 1824, B. I, S. 17. Cf. MULDER, *Handleiding tot de Scheikunde*, 1ste Ged. § 17, § 61. Secundum hanc theoriam inter cohaesionem et adhaesionem distinguunt, licet, quemadmodum de omnibus viribus hoc adeo difficile procedit, limites determinatos inter utrumque modum non statuere possint. Sic cohaesio inter massas seuunctas corporum homogeneorum et eorum homogeneas minores partes unius corporis locum haberet et constitueret vim ex generali vi attractionis redundantem et tres diversas cohaesionis formas producentem; cum adhaesio sit attractio inter corpora heterogenea se attingentia.

di elastici massam quodlibet etiam spatium aequabiliter impleturam esse, tamen non cogitandum, illud nullos habere limites et spatium infinite extensum a gas quodam expleri posse. At transeamus ad aliam objectionem.

§ 19.

Obiectio altera e differentia gravitatis specificae vaporum et gasum, ut miscelae obstaculo, et harum intima commixtione (homogenitate), ut coniunctionis chemicae indicio, desumpta: Refellitur experimentis, imprimis DALTONIS, de gasum diversae gravitatis specificae mutua diffusionem et talis intimae miscelae, a vera coniunctione chemica alienae, consideratione.

II. Obiectionem aliam contra mechanicam vaporis aquae et aëris aut in genere fluidorum elasticorum miscelam in horum differente gravitate specifica posuerunt; nam prout inter gasa talis differentia mechanicam impediret coniunctionem, ita etiam vaporem inter et gas. Hinc contra *aequalis* haec *diffusio* (homogenitas) pro vera chemica pugnaret coniunctione (131).

Quod ad hanc objectionem attinet, illa non solum a priori per nostram theoriam refutari potest, sed etiam ab omni parte experimentis a variis Auctoribus, imprimis ab ipso DALTONIS, institutis refellitur, utpote quae probant, omnibus fluidis elasticis, vel diversissima praeditis gravitate specifica, illud competere phaenomenon, ut aequabiliter inter sese diffundantur; breviter haec exponam.

Doct. PRIESTLEY (152) iam pridem talia debemus experimenta taliaque inventa. Inmisit in idem vas cylindricum aërem atmosphaericum cum gas carbonico, hydrogenium cum deutoxydo azoti, ultimum hoc gas cum gas carbonico, gas oxygenium cum hydrogenio et tandem gas acidum sulphureum cum gas

(131) Obiectio aberrime est prolata, praecipue quod ad atmosphaeram, sensu, quo hic sumitur, a BERTHOLLET, O. C. T. I, p. 287.

(132) Vid. PRIESTLEY, *On Air* T. II, p. 441.

fluorico; quibus gasibus nunc per diem quiete sepositis, dein magna prudentia parte aliqua miscelae, tum ex superiore, cum inferiore vasis parte, sumpta, in omnibus, variis sub conditionibus, fere eandem partium invenit rationem. DALTON haec ulterius extendit et veritatem huius phaenomeni confirmavit, eo etiam in casu, cum simplex adsit attactus inter gas superius levius et inferius gravius, nulla iuvante agitatione. Lagenis hunc in finem usus est tubis variis coniunctis, in quarum inferiorem gas acidum carbonicum, in superiorem aërem atmosphaericum, aut gas hydrogenium, azoton, vel deutoxydi azoti introduxit. Horum omnium experimentorum idem erat eventus; hora praeterlapsa, non multum adhuc gas carbonici in superiorem adscenderat lagenam, at post tres horas haec magnam iam quantitatem continebat, cum alia gasa post unam alteramve diem aequabiliter per utrumque vas essent dispersa (135). Haec experimenta tandem BERTHOLLET magna cum cura repetiit atque probavit (134).

Phaenomenon hoc aequabilis fluidorum elasticorum diffusionis singulorum fluidorum mixtorum viribus sibi oppositis determinatur, atque densitas maior minorve singulorum fluidorum maius minusve obstaculum praebet mutuae dispersioni. Dantur vero variae causae, quae illud promovere, vel retardare, forsan etiam impedire valent. Ita certe levissima temperaturae mutatio, adducendo motum miscelae, dissipationi favet, ab altera parte revera nimia densitatis aut ponderis specifici fluidorum differentia illi obstat, praesertim, si alia accedant momenta, ut tuborum, quos permeare debent, angustia etc. In ipsa autem atmosphaera talia obstacula locum fere non habere possunt, imo potius hic ab omni parte promovetur talis dispersio et si accumulatio unius alteriusve fluidi, ut gasis acidi carbonici, vel vaporis aquae, in inferioribus accidat stratis, illud potius continuae productioni vel evaporationi et condensationi horum fluidorum attribui debet. In genere hoc phaenomenon certo certius locum habere videmus (135).

(133) Vid. DALTON in GILB. *Annal.* XXVII, 388.

(134) Vid. haecce experimenta in THOMSON, O. C. T. III, p. 37.

(135) Huius diffusionis gasum frequens in laboratorio chemico est observatio. Si, vesica e. g. hydrogenio, aut alio gasi impleta per aliquod temporis spatium aëri exponatur, paullo post fere omnis huius gasis qualitas mutatur; gas hydrogenium scilicet explodendi acquirit facultatem, aequae ac miscela huius gasis cum oxygenio. Non facile itaque quis credet, firmiter niti fundamento

Haec omnia, ni fallor, satis tollebant difficultatem adnotam contra illam aequabilem distributionem vaporis et gasis; explicatio ulterior si adhuc desideraretur, ex ipsa fluidorum elasticorum consideratione sponte redundat, ita ut ab hac parte nullum argumentum pro affinitate chemica deduci queat.

At, dicunt, ille effectus, qui tandem oberitur in fluidis elasticis sibi additis, illa aequabilis ab omni parte molecularum heterogenearum dispositio, qua, quam parvum etiam sumatur volumen, semper proportio eadem manet, verbo, ista *homogenitas*, ut vocant, an non revera ex chemiis derivanda est viribus? Quo enim alio modo haec oriri, imo intelligi posset? Cuique statim planum est, hic omnem rem consistere in definiendo, quid per homogenitatem et aequabilem diffusionem, quid per chemicam coniunctionem et mechanicam mixtionem intelligendum sit, quaeque intersit differentia; quod perdifficile esse, satis liquet ex varia ratione, qua Viri etiam acutissimi haec omnia interpretati sunt. Cl. FISCHER (156) inter alios satis ampla sed obscura ratiocinatione ambiguum illam utriusque actionis notionem ideo solvere conatus est, ut fluidorum elasticorum demonstraret chemicam coniunctionem. Nimis ardua tamen res esset, neque magni momenti, omnia, quae de hac re

assertionem Cel. IACQUIN cum veram separationem gasum atmosphaericorum locum habere affirmet et pro mechanica horum coniunctione afferat; cum vero nimis probet, nihil revera probat. „Duo”, inquit, „illa gas (gas oxygenium et azoton), quae principes partes atmosphaerae constituunt, oculis quidem a se invicem distingui non possunt, at vero, cum doceat experientia, sola quiete illa et sponte in duas series secedere, quae in ratione gravitatis suae specificae sibi mutuo incumbunt, concludimus inde, in atmosphaera haud esse illa vere copulata, sed solummodo mechanice commixta”, *Elementa Chemiae*, Vol. I, p. 63.

BERTHOLLET ipse non reiecit opinionem, inferiora atmosphaerae strata maiorem oxygenii copiam, quam superiora, continere debere, quia gas oxygenium specificè gravius est et exigua modo affinitatis vi azoto ligatur (*Annal. de Chimie*, XXXIV, 85); quem diversae gravitatis specificae effectum in partium aëris constitutionem etiam VAN DER BOON MESCH affert (in eius *Comment. ad Quaestionem*: „Qua ratione servat natura proportionem inter principia proxima atmosphaerae.” *Annal. Acad. Lugd. Batav.* 1817 — 1818, p. 66); licet uterque Auctor antea, ut argumentum pro chemica coniunctione, illam homogeneam aequabilem gasum dispersionem attulerit, ita ut haec non locum habere posset, si mechanica modo esset miscela. At, quae so, quomodo comprehendi posset, duo gasa chemice iuncta, ita ut omnino loco duorum unum habeamus corpus, gravitate sua specifica diversa a se invicem posse secedere?

(136) *Darstellung und kritik der Verdunstungslehre* etc. 132 seq. et 67 seq.

attulit, examini submittere. Parum enim iuvat in Phycis talis abscondita ratiocinandi ratio. Difficile non est negotium, si semel quis sibi nimis indulserit, systema conficere satis firmis, ut videtur, nitens principiis, simulac vero sine opinione praeiudicata id accuratius contempletur, mox patet, illud, quod primum saepe adeo placuit, imaginationis potius quam experientiae esse sobolem. An nobis ideam comparare possumus illius *mutuae* partium *penetrationis*, quam in coniunctione chemica locum habere affirmat? Nonne omni iure concludendum, si vera locum habeat *penetratio* vel *mutatio materialis* (quod ut character assumit chemicae coniunctionis), in miscela gasis et vaporis, hic in volumine aut pondere specifico et in calorigi principii modificatione quasdam oriri debuisse mutationes? Quid, quo modo poterit vocari chemica penetratio, cum proprietates miscelae perfecte respondeant quantitati vel proportioni particularum iuxta se invicem positarum? Nonne hic, quemadmodum in chemica coniunctione locum habet, determinata partium constituentium proportio desideratur? Nullam mechanicam vim hic separationem partium efficere posse, ut obiciunt, ex eadem fluidorum elasticorum natura, cum tam minutissime sint divisa et expansa, derivare licet.

Pelluciditas praeterea non turbata ex miscelae perfecta homogenitate, quam ex theoria adducta etiam absque chemica coniunctione adesse statuimus, facile interpretatur, cum radii lucis singuli eodem modo refringuntur.

Quod denique FISCHER affert de conditione fluidorum elasticorum admodum favente coniunctioni chemicae, ita ut levisima vis hanc perficeret, mihi omnino falsa rei consideratione niti videtur et omnibus, hucusque demonstratis, repugnat; imo potius statuendum puto, vim expansionis in fluidis elasticis, aequae ac vis cohaesionis in solidis, infigne chemicae actioni impedimentum sistere; cohaesione enim multa si unius corporis molecularae polleant, attractio molecularum alterius corporis non tam operatur, quam si illa esset minor, si autem cohaesio sit valde exigua, praeponderante vi repellente, chemica operatio plerumque impeditur, quia molecularae sibi non sufficienter accedere possent, ut coniunctio illa locum habeat. Ita, ut hoc verbo explicem, si caloricum totam repleat materiem tantaque cum vi imperium exerceat, ut particulae nifum se dilatandi solum sequantur, nimia adest mobilitas ultimarum particularum ac non prius in genere succedit coniunctio chemica, quam

tenfio illa supprimatur (137). Exemplo illud nobis est: Metalla videmus in aëre caloris ope oxydari, ita ut oxygenium aëris caloricæ ope elasticitatem suam amittat; ab altera vero parte, si calor magis fortis applicetur, illud oxygenium denuo abigi, ut notissimum est eum oxydo mercurii. In priori casu coniunctio efficitur calórico augendo, in posteriore autem nimia applicatione tollitur hæc affinitas et repulsiva vis praevalet (138). Praeterea invenit GAY-LUSSAC, revera solutiones quasdam, evaporatione hanc coniunctionem amittere, ut de alcohole, cum aqua mixto constat; istorum liquidorum vapores coniuncti idem volumen praebebant ac si seorsum fuman- tur; hoc etiam cum alcohole et æthere et probabiliter cum omnibus coniuncti- onibus debilibus locum habet (139).

Plura hic addi possent, quae FISCHERI opinionem dubiam redderent, ve- rum hæc sufficiant. Illud interea magis invabit, ut effectibus accuratius in- dagatis ad rem propositam enodandam progrediar. Revera discrimen esse inter mechanicam appositionem et chemicam coniunctionem, non est, de quo dubitetur; dantur tamen casus, ubi limites vix ac ne vix quidem designa- ri possunt et revera dubium adest, ad quam classem phaenomenon pertinet;

(137) Ipse BERTHOLLET habet O. C. T. I, p. 18. „Les fluides élastiques ont une grande désavantage relativement aux autres substances dans l'action, qu'ils exercent sur elles, car ils ne peuvent porter dans la sphère d'activité, qu'une très petite masse."

(138) Cl. MULDER, cuius tamen in genere opinio cum allata multum convenit, eam vim re- pulsivam, ut causam aequabilis Physicae diffusionis gasum tum et inter illa et vapores, sic confide- rat, ut praebeat *praedispositionem*, affinitatis vi faventem „(eene schikking (praedispositie) ten voordeele eener verwantschaps-uitoefening). „Men kan", pergit Vir Cl., „in dit laatste ge- val twee tijdperken als het ware aannemen: 1.) de vereenigbare gaszen doordringen elkander me- chanisch gelijkmatig, en dit is bevorderlijk aan de oplossing, vooral indien die gaszen bijeen ge- mengd zijn in dezelfde verhouding, waarin zij de nieuwe verbindtenis moeten uitmaken: 2.) el- kander physisch doordrongen hebbende, is de nog voortdurende afstootende kracht hinderlijk „aan de vereeniging en zoude dezelve volkomen beletten, indien er geen *adhaesie* bestond of be- vorderd werd. Van daar dat de koude of verkoeling bevorderlijk is aan de verwantschaps-uitoe- fening tusschen gassoorten en dampvormige lichamen." *Handleid. tot de Scheikunde*, D. I, bl. 70 et 71.

(139) Vid. BLOT, *Traité* etc. T. I, p. 293. URE, *Dict. Chimique*, T. II, p. 279.

quo in casu analogice ex convenientia phaenomenorum cum una alterave classe concludendum est. Nam quid impellit, ut cum *FISCHER* utraque haec vis et actio, ut res omnino diversae limitibus accuratis distinctae confiderentur? Nonne gradus obtinere possunt, quod sane maxime probabile videtur? Nonne tertia, quarta vis, quod ipse demonstrare conatur, accedere potest? Profecto, si quaestio instituat de existentia probabili eius vis, quam affinitatem vocamus, illam omnino sublatam puto, quum de illa probabilitate nulla dubia moveri possunt, imo affirmandum est, in omnibus, quae materiem constituunt, partibus, talem nifum vigere, qui nifus autem, tum varia materia, cum varia vi temperari, nunc diminui, nunc omnino supprimi, aut denuo excitari potest; positiva quasi et negativa aut potius activa et passiva in variis casibus nominari potest haec affinitatis vis. In examinandis phaenomenis ad solas positivas ducimur proprietates; de negativis enim nullum potest formari iudicium, quia revera non existunt.

§ 20.

Obiectiones varii argumenti ab ipso DALTON *refutatae:*

Adnotanda.

Sequuntur hic variae obiectiones a *BERTHOLLET* et *MURRAY* prolatae, ad quas ipse *DALTON* respondit.

III. „Illa vis, quae sub certis conditionibus gas hydrogenium et oxygenium „in aquam, gas azoton et oxygenium in acidum nitricum convertit, non pri- „mum eo momento oritur, quo actio fit; iam pridem existebat et sensim sen- „simque accrevit, donec praevaleret.” Sic denuo *BERTHOLLET* (140).

Contra haec *DALTON*: „Revera in natura vires attractivae et repulsivae „plurimum, nisi semper, simul agunt; phaenomenorum tamen charac- „ter secundum unam alteramve vim praevalentem se habet, ita ut in gasibus, „quamdiu non chemice coniunguntur, vis repulsiva tantopere praevaleat, et „attractiva perexigua et tanquam evanescens haberi debeat, donec novis viri-

(140) Vid. O. C. T. II, p. 487.

„bus accedentibus haec rursus praeponderet; quod vero si locum habeat, „simul status cohaesionis (aggregationis) mutatur.”

IV. Eodem fere redeunt, quae Doct. MURRAY in opere, cui titulus *System of Chemistry* etc. attulit. „Inter gasa” inquit, „quae sub *certis conditionibus* coniunguntur, iam in commixtione, qualicunque in casu, attractio „locum habere debet.” — Concedit illud DALTON; pergit MURRAY: „In commixtione gasum heterogeneorum revera propter mutuam molecularum distentionem a calorico oriundam chemica coniunctio impediri posset, attamen „attractio tanta fieri potest, ut ulteriori particularum diffusioni obicem ponat, hoc est, gasa commixta sibi invicem adhaerent simili vi, qua tam multa alia corpora sub mutuo materiae contactu.”

DALTON: „Hoc certo certius etiam ad moleculas gasum simplicium extendatur necesse est, praesertim ad vaporem, cuius particulae datis sub conditionibus coeunt; an vero ideo dicere liceret, moleculas vaporis attractiva „quadam vi contineri? Phaenomena profecto eadem sunt, ac pro aequali molecularum gasis oxygenii numero. Licet igitur etiam in genere particulae „cuiuscunque materiae sese invicem attrahant, interea talis certis sub circumstantiis rei conditio adduci potest, in qua repulsio absolute praevalet, „quod utique locum habet pro fluidis expansibilibus.”

V. Secundum illa argumenta nunc MURRAY cum BERTHOLLET (141), quos postea secuti sunt MEISSNER alique, hanc vim, quae inter fluida elastica obtinet, vocant debilem affinitatis actionem, quae non omne suum absolvit opus, propter vim expansivam praevalentem. — Contra illam vim potius pervalidam esse debere, autumat DALTON, si diffusioni fluidorum elasticorum obstaculum obicere posset, imo sic vaporis aquae ad 212° F. molecularum vis attractiva inter se, cum repulsioni resisteret, esse deberet aequalis ponderi columnae aquae altitudinis 4896 pedum Angl.; tanti enim alio loco DALTON aestimat aquae vaporis talis temperaturae repulsionem praevalentem, dum se-

quenti modo concludit: Densitas vaporis est $\frac{1}{1728}$ pars aquae, itaque habet

(141) Vid. O. C. T. I, p. 276 seq.

quaeque vaporis particula diametrum duodecies maiorem, quam particula aquae, pressionem igitur suam in 144 particulas superficiei aquae exeroet; in singulam haec pressura aequalis est columnae aquae 54 pedum altitudinis; ergo praevalens vis elastica aequalis est $54 \times 144 = 4896$ pedibus. DALTON praeterea notat, quam sit absurdum in dissolutionis theoria, ut gasa sub certis conditionibus chemice coniungenda, e. g., gas oxygenium et azoton, et alia tali non pollentia facultate, ut gas hydrogenium et acidum carbonicum, se eadem facilitate dissolverent, cum revera tunc ista hydrogenii vis, qua gas acidum carbonicum vicesies gravius ex infimis ad supremas vasis partes traheret et diffusum teneret, efficacior dicenda esset.

Non interrompenda putavi horum Virorum verba, cum argumenta adeo sibi sint affinia et quisque pro suo more rem tam acute exponat; hisce nunc pauca tantum addam, quia DALTON iam satis accurate suam defendit theoriā, ita ut in genere ipsius verba mea facere non dubitem; misis illis, quae nimis hypothefi suae favent, cuius tamen vestigia fere nulla in allatis argumentis apparent.

Illa opinio, quam BERTHOLLET et etiam MURRAY aliique sequi videntur de praevia, ut ita dicam, vi affinitatis in gasibus, praeterquam quod semper hypothetica sit, mechanicae explicationi etiam nequiquam contraria esse potest, quia, ut iam monui, hic non quaeritur, an illa affinitatis vis corporibus inest nec ne, verum an talis tantaque sit, ut rite et evidenter agere possit; revera autem in gasibus ipsius actionem impediri, iam satis superque explicatur ex allata fluidorum elasticorum theoria. Videmus porro ex obiectione IV, quam vacillans sit Doct. MURRAY opinio, cum hic tandem refugiat ad ipsam adhaesionis theoriā. Iam indicavi illam theoriā et opinionem de ista prolatam DALTONIS verbis, quibus MURRAY refutat, confirmatam cenfeo. — Quod ad obiectionem V attinet, talis denominatio affinitatis debilis nullum argumentum pro chemica coniunctione continet. Nulla affinitas potest dici debilis, nisi ratione aliarum affinitatum, quas corpus aliquod cum aliis habet; ita alcalina cum gaso acido carbonico debilem omnino affinitatem habent, si comparatur cum acidi sulphurici affinitate; attamen si seorsim considerentur alcalina et gas acidum carbonicum, horum affinitas non exigua haberi potest, cum satis efficax sit, ad utramque materiem rite coniungendam; imo, quam debilis etiam vigeat affinitas inter duo corpora, tamen semper ipsi

coniunctioni perficiendae sufficiet; quare itaque inter fluida elastica nulla vera chemica oriretur coniunctio, si affinitas hic ageret? Praeterea absque illa DALTONIS computatione facile intelligitur, talem vim affinitatis non parvam esse posse, si modo conspiciamus theoriam, qua BERTHOLLET vapores in gasibus adesse et permanere posse demonstravit. Secundum illum enim actio affinitatis in eo consistit, ut gasa detineant vapores in statu elastico, ita ut hoc modo talis vaporum status fiat fixus (142). Difficile vero est intellectu, qua ratione quidem talis actio fiat; requiritur enim, ut affinitas fere sola in vaporem agat, non simul in gas et vaporem. Prius erit admittendum, quoniam satis apparet, elastico statu vaporem adesse in gas, quod non fieri posset, si posterius assumamus; tunc enim locum haberet penetratio vel coalitus utriusque substantiae intimus et totius status mutatio. Denique, quomodo talis affinitas dici posset debilis, quae contra omnem praesuram (quam BERTHOLLET alique Chemici obiciunt) vaporem defendere valeret, ne in statum transeat liquidum?

§ 21.

*Phaenomenorum nonnullorum, quae chemicam coniunctionem
suadere videntur, consideratio.*

Hic considerandum phaenomenon peculiare, quod Chemici pro sua theoria saepe adducunt, scilicet, absorptionem maiorem minoremve alicuius fluidi elastici ex tali, de qua sermo est, miscela. Sequentibus huius phaenomeni observationibus BERTHOLLET evincere nititur gasum mutuum dissolutionem. Secundum CAVENDISH (145) duabus partibus aëris et una parte gasis acidi carbonici cum volumine aequali aquae destillatae agitatae, aqua modo dimidiam gasis acidi carbonici partem assumserat; experimento repetito, denuo dimidiam residui gasis acidi carbonici partem absorbit, ut ulteriore tractatione cum aqua calcis patuit. BERTHOLLET ipse observavit (144), residuum combusti

(142) Vid. O. C. T. I, p. 292.

(143) Vid. *Experim. on Air* in *Philos. Transact.* 1784.

(144) Vid. *Mémoires de l'Institut*, Tom. IV.

gas hydrogenii carbonati retinere fere decimam gas acidum carbonicum partem; licet cum magna aquae quantitate ageretur. „C'est par cette action,” inquit BERTHOLLET, „que l'air exerce sur l'acide carbonique, qu'il peut priver „l'eau de celui, qu'elle tient en dissolution” (145). Plura analogia addi possent phaenomena, ut gas oxygenii et vaporis affinitatis, vi ex aëre absorptio, quae fere semper *pro parte* modo fit et sensim lentius procedit. — Si paulisper tamen haec accuratius intueamur, facile elucescit, aliam explicationem hic multo melius adhiberi posse. Non aliam etenim causam agnoscendam esse credo, quare saepe tam difficulter omne gas acidum carbonicum vel omnis vapor aquae ex volumine dato aëris extrahatur, quam insignem expansionem, quam adipiscuntur fluida elastica, si in spatio quodam eorum copia diminuat, ita ut semivacuum quasi oriatur; aequae enim ac ultimae aëris partes sub recipiente ope anthiae pneumaticae tam difficulter educuntur, sic etiam hoc locum habet cum singulo fluido elastico ex miscela quacunque extrahendo.

Eandem etiam causam subesse autumo in educatione unius fluidi elastici ex aqua, ope alterius, quod singulare phaenomenon, nostra attentione omnino dignum, analogum videtur fluidorum elasticorum ex corporibus solidis extricationi atque viam indicavit ad examen aquae gasum hygrometricae, ut dicitur, instituendum. Sic aqua gaso acido carbonico saturata sub dio brevi omne perdit gas; in destillationis vero apparatu, ut omne hoc gas extricetur, ebullitione opus est. Porro, ceteris paribus, facilius est gas acidum carbonicum ex aqua emissio, si gas hydrogenium vel oxygenium ad superficiem admittatur; huc praeterea pertinet phaenomenon illud, carbonatem calcis suum gas acidum carbonicum, non obstante calore multo, difficulter dimittere, praecipue, cum fiat experimentum in vase clauso; contra multo facilius, si vapor aquae ad calcis superficiem adsit; ita WITHERING (146) et PRIESTLEY (147) iam ostenderunt, carbonatem barytae nativum, in quo nulla reperitur aqua, quae in re a carbonate artificiali differt, in tubo immisum dimittere gas acidum carbonicum, si cum vapore aquae communicetur, quod non locum habet, si

(145) Vid. O. C. T. I, p. 275 seq.

(146) Vid. *Philos. Transact.* 1788.

(147) Vid. *Journal de Physique*, 1788, p. 107.

foles calor applicetur aut acida maxime concentrata addantur, neque cum carbonate artificiali. — Imprimis postremis hisce exemplis BERTHOLLET theoriam suam corroborare tentavit (148). Ille vir enim acutissimus DALTONIS experimentis inductus illum vaporem, qui eadem copia omnia gase comitatur et allata phaenomena exhibet, chemica quidem vi coniunctum suspicatur, at quodammodo hygrometrica, ut ait, ratione, ita ut, praeter illam hygrometricam, aliam adhuc assumat veram chemicam coniunctionem; i. e., vaporem insuper chemice gase esse ligatum, qualis vapor praecipue in gase acido carbonico et oxygenio reperitur, cum effectus hygrometrici solummodo a primo vaporis flatu sint repetendi. In genere etiam iam talis fuit ante BERTHOLLET tempora hac de re opinio.

Interim alia postea prodierunt experimenta, quibus dubitare licet, an rite se habeat talis rei consideratio. Cognita sunt insignium virorum CLEMENT et DESORMES tentamina, quae caeteris paribus pro variis gasibus semper eandem aquae quantitatem gasosam praebuerunt. A BERTHOLLETI tamen supra allatis argumentis concitati ulterius rem perscrutati sunt et invenerunt, gas acidum carbonicum vapore aquae ex carbonate barytae nativo eductum perexiguam continere huius aquae copiam, imo eodem modo succedere experimentum, si loco vaporis aquae aer atmosphaericus vel gas hydrogenium adhibeatur; licet BERTHOLLET (O. C. T. II) propria experientia suffultus hoc neget (149). CLEMENT et DESORMES experimenta etiam extenderunt ad oxygenium quin et gas hydrochloricum (quod sane alias tam avide aquam absorbet, vel potius ea absorbetur), eodem eventu, ita ut chemicam illam vaporis coniunctionem non existere et gase dicta omnino sine aquae vapore adesse posse concludant; quod similiter valet pro aliis compositis solidis, e. g., carbonate magnesia alisque, quae non, nisi aquae auxilio, secundum BERTHOLLET, locum habere possent; qua in re aquam crystallisationis cum aqua gase confundere videtur. Contra hoc assertum praeterea carbonatis barytae nativi compositio absque aqua et gase acidi carbonici ex adamante extricatio pugnat. Quae circa haec adhuc supersint obscura,

(148) Vid. O. C. T. I, p. 193.

(149) Cf. GILB. *Annal.* XIII, 147 seq.

deinceps illustrare conabor. Maxime hinc attendendam esse crede, ad illam qualitatem fluidorum elasticorum, sese aequabiliter per omne spatium, quod proprio fluido non est impletum, dissipandi. Sic gas acidum carbonicum, cum ex aqua non emittatur, si lagena iam tali gas est impletum, nullum obstaculum invenit, si lagena aërem vel alius naturae gas contineat; sic gas acidum carbonicum tam facile suam relinquit chemicam coniunctionem, si spatium liberum ipsi detur, in quo tensio gasis propriam eiusdem gasis non offendit tensionem; quo magis itaque continue gas productum amovetur, per afflatum five vaporis aquae five aëris, eo magis talis productio promovetur, quae omnia mox ex ipsa evaporationis doctrina clariorem acquirant lucem. Nonne hic etiam in censum venit illa proprietas fluidorum elasticorum, qua sibi addita tensionem constituunt aequalem summae tensionum singulorum gasum? Nonne sic interpretanda observatio STROMAYERI, mercurium, cuius punctum ebullitionis est ad 360° C., ope vaporis aquae iam a 60° ad 80° notabili quantitate in vaporem transisse, ita ut utriusque vaporis vi elastica unita pressura aëris sustineatur (150)? Chemicam hic adesce solutionem nemo quidem putabit, cum notum omnino sit, mercurium in aqua non chemice mutari.

Alia huius tensionis modificatae indicia habemus in iis corporibus volatilibus, quae liquido statu veram chemicam solutionem ineunt. Destillatione autem et evaporatione talis solutio, e. g., alcoholis et aquae dirigitur, ita ut fluidum, quod volatilius est, semper partem minus volatilis secum rapiat. Si nempe ebulliat liquor, alcohol omnem suam attingit tensionem, aqua tantummodo pro parte, ita ut, si sola esset in retorta, nondum transiret, nisi vapore continue remoto vel novo aëre accedente; ea itaque pollet vapor alcoholicus qualitate, ut vices gerat ipsius aëris, cum identidem spatium praebeat liberum, quod aqua intrare potest (151). Eandem ob causam hydrochloras stanni et stibii calore non facile a se invicem disiunguntur, licet non eundem volatilitatis habeant gradum. Videtur etiam in multis casibus, in quibus decompositio alicuius materiae salinae efficitur, aquae praesentia hunc in finem requiri,

(150) BERZELIUS *Lehrbuch der Chemie*, T. II, Abtheil. I, S. 341. — Cf. plura similia quae fecit experimenta cum calce usta, alcali caustico, hydrochlorate sodae etc., HERMSTADT in *Abhandl. der Königl. Academie der Wissenschaften von Berlin*, 1814—1815 et HUFELAND, *Journ.* II, 1.

(151) Vid. GAY-LUSSAC in *GILB. Annal.* XXVII, 154.

ut haec aqua menstruum sit, quo corpus, ut gas extrahendum, solvi possit, e. g., in praeparatione ammoniae, quae operatio non succedit nisi hydrochloratū ammoniae, calce viva decomponendo, aqua admisceatur. Causa etenim, quare ammonia non destillatione sicca acquiratur, in eo quaerenda est, quod gas non in statum liquidum transire possit; retorta et excipulo semel tali gas repletis, impeditur, quominus identidem alia gasa quantitas oriatur, eodem modo ac gasis acidi carbonici extricatio ex creta lagena clausa subsistit. Illud nunc etiam pro parte cum gas acide carbonico in casibus antea allatis locum habet, ubi illud gas, ab aqua avidè absorbitum, condensatur.

Ex hisce videmus, nequiquam ad taliam phaenomenorum explicationem, aut ipsam chemicam affinitatem, aut hypothèsin DALTONIS desiderari, licet haec utique phaenomenorum explicationi maxime sit accommodata; nam si gasa homogenea solummodo inter se sint elastica, non ita heterogenea, sponte perspicitur, evaporationem alicuius corporis tantum eodem in statu gasoso, obvio corpore non vero alio posse impediri, quin hoc ultimo revera debere promoveri, Quod si veram chemicam hic assumere velimus actionem, ex omnibus hijs argumentis conclusio tandem illa erit, omnia huiusmodi fluida elastica cum vaporibus eandem colere affinitatem, eandem inique conjunctionem chemicam, quod quidem contra omnem chemicam actionis experientiam acquiritam repugneret cognitionem. Saepè tam difficile esse, ut gasa varia, imprimis oxygenium et acidum carbonicum, omni vapore aquae orbata constituamus, ab eadem mihi causa pendere videtur, quare tam difficile corpus quodcumque adeo, siccum exhibeatur, ut ne minimam aquae contineat quantitatem. Quamquam enim aër per omnia loca omniaque corpora diffusè invenitur, ita etiam res se habet cum aqua, dum ingens istius liquidi copia elasticitatem ac volatilitatem insignis huc egregie faciunt. Si nobis fingamus alcohol vel alium liquorem satis volatilem eadem copia adesse, qua nunc ubique terrarum aqua invenitur, eodem modo alcohol per omnia dispersum adhaeret. Sponte intelligitur, hic inter talem aquam, vaporem forma per spatium aëreum diffusam, aut magis liquido state per solida comprehensam, et talem aquam, ut chemicum elementum, corpora varia, ut salia, ingreditur, differentiam esse ponendam ac de prima hic solummodo sermonem esse. Aqua enim crystallisationis, seu aqua hydratica, omnino mechanice dispersa aqua diversa est et

Stoichiometricis quidem videtur legibus corporibus esse iuncta; videmus autem tali in statu aquam peculiarem subire mutationem chemicis legibus modo explicandam.

§ 22.

*Consideratio fluidorum elasticorum chemicam
ineuntium coniunctionem.*

Confideremus insuper iam fluidorum elasticorum oppositam actionem chemicam, ut limites indicando utraque conditio luculentius appareat. Attamen nequiquam illud dictum volo, tales revera inveniri limites distinctos inter utramque conditionem, quibus ea continuo dignosci possit; licet quidem hic, uti in plerisque physicis phaenomenis locum habet, extrema satis facile distinguantur, in limitibus tamen accurate determinandis multa difficultas offenditur et phaenomena saepe utramque prae se ferunt actionem, tam mechanicam quam chemicam. Quam parum vero hoc contra allatam pugnet opinionem ex antea dictis (pag. 75.) iam intelligitur; nam, cum in genere determinata harum virium et actionum desideretur distinctio, haec difficultas in fluidorum elasticorum phaenomenis haudquaquam mirum videri potest.

CL. THOMSON, qui egregie et acute hanc rem tractavit, variis tum conjunctionis chemicae, cum miscelae phaenomenis conductus, varias utriusque actionis divisiones dedit. Dantur nempe fluida elastica; quae sibi addita simplicem efficiunt miscelam, quo pertinent imprimis miscelae gasis oxygenii hydrogenii, et azoti cum variis gasibus: dantur porro talia, quae peculiari methodo chemicae conjunctioni accommodari possunt, et deinde alia, quae hanc coniunctionem ineunt simplici miscela, ut ammonia cum vapore aquae, et variis acidis etc. (159). Inter illa nunc, quae revera chemice coniunguntur, plurima condensationem notabilem patiuntur aut ex statu gasoso permanente in vapores et liquida transeunt; nonnulla idem volumen post coniunctionem retinent, ut hydrogenium et chlorinum, iodinum et cyanogeneum.

(152) Vid. THOMSON, L. L. T. III, p. 22 seq.

Licet hic quidem primaria coniunctionis chemicae proprietas, condensatio scilicet, non conspiciatur, tamen ex aliis proprietatibus peculiaribus eorum vera chemica coalitio satis dilucide patet, cum non nisi sub circumstantiis certis talis coniunctio procedat. Character certissimus hic in eo est ponendus, quod coniunctio gasum chemica semper determinata ratione voluminum locum habeat et quidem iuxta leges simplicissimas, ut primum a Cel. GAY-LUSSAC compertum habemus. Sic oxygenii unum volumen cum duobus hydrogenii format aquam; si huius illiusve gasis volumen maius, quam quod pro tali formatione requiritur, sumatur, pars superflua manet. Quomodo, quae-so, si nunc illa aqua exorta in vapores redigatur, illud residuum gas se habeat? Nonne talis vaporis cum hydrogenio aut oxygenio coniunctio miscela vocari debet?

Memoranda tandem hic etiam est peculiaris illa actio vaporis in quaedam gasa, quae si isti commisceantur, condensantur, ut cum ammonia, gas hydrochlorico aliisque locum habet; quo in casu saepe luctationem, ut ita dicam, inter tensionis et affinitatis vim conspiciamus. Ponamus guttulam aquae in lagena, gas ammoniaco impleta, immisam; duplex nunc phaenomenon observatur, nempe gas aqua liquida absorbetur et simul ipsa aqua evaporatur; vapor exortus iam identidem condensatur, cum affinitate mixti gasis tensio infringatur et iam gas ammoniacum absorbeatur et ammoniam formet liquidam; quod si iam liquidum omne gas ammoniaco sit saturatum, reliqua huius pars gasis etiam suam aquae vaporis assumit partem. Hic videmus satis conspiciue talem mechanicae ad chemicam coniunctionem transitum, ex quo phaenomeno insuper explicari potest, quare DALTON in dilatationibus gasum a vapore aquae exceptionem quandam invenerit pro gas se acido carbonico, quod, ut notum est, satis avide ab aqua absorbetur.

II. De Evaporatione.

§ 25.

Phaenomeni consideratio secundum DALTONEM: FISCHERI obiectio ex atmosphaerae pressura sumta: DALTONIS hypothesis hic etiam oppugnatur, et resistitur.

Phaenomenon illud, aquam, ut et alia liquida atmosphaerae exposita identidem per illam dissipari a primis meteorologiae incrementis inquisitione sedula semper dignum fuit habitum ac variis admodum explicationibus fuit illustratum. Minime omnia illa proponam, quae de hac re somniarunt Physici, quaeque iam diu sunt explosa; cogitemus modo de opinione AERROY, MONGE, HUBB proposita aërem ipsum solvere aquam nec caloris ope in fluidum illam mutari elasticum, imo sub pressura atmosphaerae et temperatura vulgari nullum posse oriri vaporem, ita ut revera differret vapor ex aqua ebulliente et ex aqua infra illam temperaturam sub aëris pressura oriendus; ille enim non chemice cum aëre se coniungeret. At DE LUC, DE SAUSSURE, LICHTENBERG, PICTET aliique satis probarunt in omni evaporatione fluidum oriri elasticum, five in temperatura inferiore, five altiore locum habeat. Cognitum satis iis erat phaenomenon moderari per aquae temperaturam, maiorem minoremve superficiem, aëris siccitatem aut humiditatem, temperaturam, motum etc. (153); at minime ex aequo diiudicabant aëris agendi rationem, quam vel chemicam, vel mechanicam esse opinabantur: speciatim itaque ad hanc quaestionem respondendum est.

Omnia DALTONIS de evaporatione experimenta citata omnino cum iis, quae prius fuere instituta, conveniunt, et nobis hoc phaenomenon sic considerandum esse indicant, ut ipsam *liquoris temperaturam* et ab ea plane dependentem *liquidi tensionem*, *vaporum atmosphaerae vim elasticam* et dein *mechanicam aëris resistantiam*, aut si utrumque illud tensionem vaporis atmosphaerici, et resistantiam aëris, quae fortuitae modo possunt dici, abstrahamus, *calorem* uti *solam* et *unicam causam* phaenomeni salutemus; quod confecta-

(153) Vid. DE SAUSSURE O. C. S. 280. — De hisce introductio ipsa consulatur.

rium, quantum scio, a nomine oppugnatum, multi sic intelligunt, ut ulteriori non egeat demonstratione, in hoc phaenomeno nihil aëris affinitati debere (154).

„Aber,“ inquit FISCHER, „wie folgt denn hieraus, daß die Vereinigung „des Dunstes mit der Luft keine Auflösung in der Luft genannt werden könne? Entstehung des Dunstes und seine Mischung mit der Luft sind ja nicht „eine und dieselbe Sache. Daraus daß jene einzig eine Wirkung der Wärme ist, folgtlechterdings nicht, daß bei der letztere keine andere Kraft „wirksam sey“ (155). Ipso alio loco FISCHER demonstrare conatur solo affinitatis auxilio aërem vaporem adsumere posse, licet quidem affinitas in vaporis orta non prodeat. Argumentum, quo utitur, est ex aëris pressurae actione in evaporationis et coctionis phaenomenon desumptum. Eius verba hic tradam: „Nach DALTON'S Untersuchungen, bringt die Wärme im Wasser „unter jeder temperatur eine Spannung von gewisser Grösse hervor „Man stelle sich ein gefaß etwa ein cylindrisches, oben offnes, vor. Ein „Theil desselben sey mit Wasser gefüllt, auf dessen Oberfläche entweder ein „Wasserdichter Stempel, oder auch eine überstehende tropfbare flüssigkeit „einen bestimmten druck ausübt. Wir wollen annehmen; er sey dem mittle- „ren Luftdrucke, also einer Quecksilberfäule von 30 Englischen zollen gleich. „Man erwärme dieses Wasser, und ich frage, Was geschehen werde? So „lange die Temperatur noch unter 80° ist, kan offenbar gar kein Dunst „entstehen, weil der Druck größer ist, als das bestreben des Wassers ihn zu „bilden. Selbst bei 80° kann noch kein Dunst entstehen: denn die Kräfte ste- „hen erst im gleichgewicht. Sobald aber die Temperatur, nur um die geringste „Kleinigkeit über 80° steigt, so ist die Kraft, welche den Dunst hervorbringt

(154) Vid. FISCHER, *Kritik* etc. S. 59. iam ante DALTONEM cognitio de evaporatione, praecipue suffulta DE SAUSSURI et DE LUCI experimentis eo se extenderat, ut caloricum primaria, non aër, evaporationis haberetur causa. Sic ZYLIUS (*Comment. cit.* S. 96.) „Der Satz, daß nicht „die Luft, sondern allein der Wärmestoff die erste Ursache der Verdunstung sei“ — nicht mehr als eine hypothese sondern als eine durch Erfahrung bewiesene Thatfache zu betrachten“ etc.

Ex hiis videmus, quomodo in hac re, uti in pluribus aliis, denuo ad antiquiorem veram recurramus opinionem. ARISTOTELIS (*Meteorologicor. Lib. 1, cap. 9.*) enim iam vaporum in formatione non nisi caloricæ agnoscebat actionem.

(155) Vid. FISCHER, L. L. L. 60, 61.

„stärker als der Gegendruck. Sie wird also den Widerstand heben, und das Sieden wird beginnen.

„Jetzt setze man an die Stelle der drückenden festen oder tropfbaren Masse, den wirklichen Druck der Luft, und ich frage, Was nun geschehen werde? Da DALTON nicht bestreiten kann, daß die Luft auf das tropfbare Wasser gerade so drücke, wie die zuerst angenommene feste oder tropfbare Masse, so würde er auch gezwungen seyn einzuräumen, daß der Erfolg vollkommen der nämliche seyn müßte“ etc. (156). Si attenta mente verba FISCHERI perpendamus, notandum primo est, illa repugnare iis, quae antea dixit; vaporis scilicet ortum admodum differre a dein procedente dissolutione per aërem; in priore nullam affinitatem agere videri, in posteriore phaenomeno affinitatem necessario esse assumendam; ex verbis citatis autem videmus, ipsum vaporis ortum non posse locum habere, nisi adveniat ipsa affinitas. Hoc argumentum, tanquam theoriae DALTONIS, ut videtur, contrarium examinabo et aequae ac FISCHER proposuit, evaporationem ab ulteriore mixtione cum aëre, quantum licet, seperabo et seorsum considerabo.

Ex iis, quae ex DALTONIS theoria de dissipatione fluidorum elasticorum inter se, vidimus, iam conspicuum est, quaenam hic eius foret explicatio; ex sequentibus tamen de eius opinione certiores reddimur. „Videtur enim,” inquit, *de evaporatione* agens (157), „atmosphæra vaporis dissipationi obstaculum offerre, quum alioquin hoc in casu vapor aequae celeriter ac in vacuo disseminaretur, quod obstaculum a vaporum tensione vincitur. Illud tamen non ab atmosphærae *gravitate* pendere potest, ut hucusque acceperimus; quod si ita esset, non aliter posset, quin hoc modo omnis vaporis adscensus ad temperaturas infra 212° F. arceri deberet; imo magis consistit in *vi inertiae* particularum aëris et simile est impedimento, quod patitur aqua, cum inter lapides perfluat.” — Attamen ex iudicio, quod iam de illa theoria lo-

(156) Vid. FISCHER L. L. S. 78.

(157) Vid. GILB. *Annal.* XV, 197. Secundum haec DALTONIS verba molecule vaporum nec repellendo nec attrahendo in molecule aëris agunt, sed eodem modo ac duo corpora solida; non adaequata itaque nonnullorum physicorum interpretatio haberi potest, qui DALTONEM unam materiem ratione alterius plane spatium esse vacuum ponere volunt.

quens protuli, abunde liquet, illam explicationem non ab omni parte posse amplecti et esse ingenuam, veram nimis temerariam (158). Varia, etiam quae deinceps admovit argumenta ad hypothesein suam stabilendam et obiectiones solvendas, istam rem nequaquam videntur illustrare, ita ut potius simplicitatem, qua primum proponebatur, omnino amiserit. DALTON autem, ut ex allata comparatione vaporis inter aëris moleculas se dissipantis cum aqua inter lapides ruente patet, singulas aëris particulas, ad aliquam distantiam a se invicem remotas, poros habere, statuit; regat ideo Doct. COUCH, quomodo vapor, qui vi elastica pollet aequali $0^{\circ},5$, aëris poros, qui pressuram sustinet aequalem 30° , dilatare possit (159)? His hoc modo respondet DALTON: „Principium,“ inquit, „in Dynamicae disciplina illud occurrit, ut, si systema quoddam corporum in se invicem agentium in aequilibrio sit, positum, minima vis in unum alterumve horum agens aequilibrium destruat. Sic aqua et atmosphaera licet quidem maiori vi a tellure attrahantur, multo minore lunae attractione ab aequilibrio disturbantur. Aër in lagena contentus, congeries sistit particularum, quae ad easdem distantias a se invicem remotae se mutuo repellunt et ope pressurae atmosphaerae in aequilibrio tenentur. Minima itaque vi addita hoc aequilibrium destruitur; nunc vero, ex mea hypothese aër vaporem ad nullam notabilem distantiam repellit, sed solummodo in adtactu; poterit ergo hic vapor formari; simulac vero formatus sit, nullum elasticum patitur impedimentum sive repulsionem, nisi tantum a particulis homogeneis; hinc continuo superiora versus ruit et

(158) Nam, quamvis DALTON aëris pressuram haud directe neget, valdequam tamen eo tendit opinio, quam fovet de actione vaporis et aëris, et alio loco omnem elasticitatem aëri ratione vaporis denegat; unde tandem sequeretur, pondus aut pressuram atmosphaerae non suam exercere actionem, quod vero assertum absurdum foret. Nonne etiam ista *vis inertiae*, quo nomine DALTON distinguit obstaculum, quod aër vaporis ortui aut potius dissipationi praebet, ab omni parte convenit cum ipsa pressura aëris? Haec enim vis inertiae provenit ex pressura omnium molecularum elasticarum aëris, quae liquoris superficiem tangunt, et eodem redit posuisse, vaporem in atmosphaerae moleculas impelli vel ab iis premi, quia actio et reactio sibi semper sunt aequales.

(159) JOHN COUCH multa movit dubia contra varia a DALTONÈ prolata argumenta. Inveniuntur in NICHOLSON'S *Journ.* Vol. IX, 1804. Collegit una cum DALTONIS responsis GILBERT in suo diario, T. XXI, 1805; 427.

„quidem ad ea loca, ubi particulae sui generis minore pollent densitate: In
 „illas, quas offendit, particulas aëreas tantam, quantam possit, vim ex-
 „serit; pars quaedam aëris sic parumper vaporis directionem sequitur et
 „reliqua huius portio eum adsumere debet statum, quem aequilibrii nifus pe-
 „tit; quam ob rem spatia inter moleculas aëris pedetentim dilatantur et qui-
 „dem ratione virium, quas exercet vapor. Hinc vapor minimae tensionis
 „talibus sub conditionibus atmosphaerae poros extendere potest.”

Omnis tamen haec ratiocinatio, quantum mihi videtur, tantopere valere non
 potest, ut primariam difficultatem, gravitatem scilicet aëris, tollat. Quanam
 autem polleat vi adfirmatio, vaporem posse oriri, quoniam aër vaporem modo
 in contactu repellat, elucescit ex iis, quae iam supra de illa vi inertiae dis-
 putavi. Caeterum magis hic explicare nititur DALTON ulteriorem vaporis cum
 aëre dispersum et miscelam, ad cuius rei intelligentiam tali hypothese non
 opus est, neque clarior adfertur lux. — Porro ex perversè intellecta DALTO-
 NIS opinione originem ducere videtur aliud, quod GOUCH profert, assertum:
 „Non posse atmosphaeram quodam in loco aquam premere, nisi simul aqua
 „in istius poros urgeatur.” At quamnam etiam nobis ideam de his poris fa-
 cimus, de quorum existentia minime dubitandum, certe minutissimi habendi
 sunt, nec ordine eo locati, ut vacuum continuum tuborum in modum for-
 ment, in quos columnae aquae adscendere possent. Ceteroquin non tantam,
 quam quidem DALTONI videtur, difficultatem in huius Viri verbis contine-
 ri puto, imo potius illam atmosphaerae premendi rationem inconstantem et
 dispositionem molecularum, ut statim videbimus, omnino aptam esse ad aquam
 in vaporem convertendam, non dubito (160).

Iam pridem, cum DE LUC similem theoriam protulisset, similia dubia mo-
 verunt Physici. Vapor, secundum illum, evaporatione solita ortus eius-
 dem est indolis ac ille aquae ebullientis et ratione pressurae, quam patitur,
 in eadem versatur conditione, ac si in recipiente aëre vacuo evaporaretur. Hoc
 in casu, in quo atmosphaerae pressura abest, oritur resistentia, quam habet, a
 propriis suis particulis, unde propriae etiam vi (tensionis) respondet; in aëre

(160) Vid. GILB. *Annal.* XXI, 407 seq.

est pressura in vaporem, ad totam atmosphaerae pressuram, ut vaporis vis elastica ad totam aëris massam, cum reliqua pressura ab aëre ipso feratur, ut convenit cum legibus fluidorum elasticorum; imo ad quamque temperaturam vapor oriri potest, dum se cum aëre commiscet et ab eo nullam patitur resistantiam, nisi talem, quam semper superare possit (161). — Physici, ut satis notum, semper in illa theoria maximam inveniunt difficultatem, quam DE LUC variis, attamen non satis validis, conatus est tollere argumentis; quorum praecipuum nititur experimento, a Col. WATT instituto, unde patere perhibet, in evaporatione aquae ordinaria plus caloricum absorberi, quam in evaporatione per ebullitionem producta, atque DE LUC concludit, vaporem evaporatione solita ortum revera maiorem caloricum quantitatem continere; hinc maiore specifica pollere tensione, qua aëris pressuram superare posset, quod quidem experientia confirmatur (162). Quid de hisce sit, iam patet ex praecedentibus (pag. 66. not. (122)).

Si itaque hucusque adducta non sufficiant, ut apte explicetur mechanica aëris in evaporationem actio, nonne refugiendum est ad chemicam vim et Cl. FISCHERO aliisque adfertiendum, non alio modo hoc phaenomenon posse explicari? Ad haec sequenti § respondebo.

§ 24.

*Aër non affinitatis ope in evaporantem agit aquam: FISCHERI
argumenti refutatio et Evaporationis
ulterior consideratio.*

Aërem revera non affinitatis ope in evaporantem agere aquam, sequentibus demonstrare conabor argumentis.

1°. Ex experimentis DALTONIS concludendum, nullam chemicam aëris vim hic conspicuam esse, imo omnino probari, vaporem et aërem constituere duo fluida elastica diversa, quorum singulum propriis pollet qua-

(161) Vid. *Philos. Transact.* 1792, T. II, p. 400 seq.

(162) Vid. *Annal. de Chimie*, VIII, 79.

litatibus, quas omnes, si coniungantur, conservant, ita ut miscelam formant, in qua vaporis et aëris proprietates singulae remanent.

3^o. Chemica illa actio plane hypothefi nititur arbitraria, experientia ipsa nondum directe confirmata est, imo cum phaenomenis evaporationis minime convenit.

3^o. Ostendere tentabo, omnino quidem phaenomena in evaporatione obvia posse explicari absque ulla ascedente aut adiuvante vi, et obiectionem FIACCHERII omnem suam vim repetere ex perversa aëris prementis opinione.

Ad primum demonstrandum multis non opus est verbis, quoniam huius veritas ex praecedentibus satis sit cognita. Quod ad secundum: chemicam actionem raveram pro hypothefi esse habendam, quis non facile negabit, cum a Physicis ipsis, hanc opinionem amplectentibus, non aliter etiam considerata sit. Nititur autem analogia valde incerta et adsumitur vulgo, quoniam alioquin phaenomena inter aërem et aquam obvia non rite posse explicari visum sit. (163). An vero illius ope quidem evaporationis phaenomenon tam facile sit explicatu? Non ita credo; exponam modo experimenta a FONTANA instituta, quae hanc ob rem memoratu sunt digna, quoniam his DE SAUSSURE chemicam aëris in vaporem actionem demonstrare tentaverit et simul DALTONIS opinionem de aëre nullam in vaporem exercente pressuram falsam esse ostenderit. Ope tubi vitrei hermetice vas recipiens retortae aquam con-

(163) Analogice plerumque concluditur ex solutione falsum in aqua, ut fecerunt LE ROY, DE SAUSSURE et BERTHOLLET. Ad temperaturam datam, ita loquuntur, determinata talis quantitas solvi potest; idem fit cum aqua in aëris volumine dato evaporata; si aquae quantitas diminuat, falsi convenientis copia extricatur et cohaesionis vis suum praestat effectum: in dissolutione liquidi per gas, caloricum eisdem exserit effectus etc. At venia Virorum Cell. ista comparatio valdequam est lubrica nec etiam multum elucet rem; rei enim natura valdequam differt: in solutione falsi in aqua scilicet est de corpore solido et liquido; in solutione vaporis in aëre de elasticis materiis; magna ideo difficultas adest ex liquidorum et solidorum phaenomena ad ea gasum concludendi. Quam parum etiam sufficiat illa analogia, ut ideam nobis formemus claram de tali chemica fluidorum elasticorum coniunctione, planum est, si paulo accuratius intueantur utriusque commixtionis singula phaenomena, misis externis generalibus solutionum proprietatibus. Ita vaporis et gasis miscela quum comprimatur, a se invicem distunguntur partes constituentes; vapor in statum redit liquidum; quod phaenomenon, ut chemicæ etiam coniunctioni omnino contrarium, nequidquam analogi habet cum solutione falsum.

tinenti coniunxit; licet nunc destillationi admodum faveret, aquam per longum temporis spatium ebullitioni subiiciendi et recipiens refrigeratum tenendi, ne guttula aquae quidem transierit. Itidem cum aethere eodem modo temperaturae supra 60° C. in retorta exposito et recipiente glacie circumdato, destillatio nequaquam succedit. Evidenter itaque patet aëris praesentiam hoc phaenomenon retardare; nam certe si apparatus aëre orbatus fuisset, destillatio facillime locum habuisset; revera autem huius aëris in vase inclusi elasticitas calore adacta non solum retardare, at etiam impedire destillationem videtur.

Huius phaenomeni DE SAUSSURE secundum suam theoriam explicationem dedit, et quidem ita, ut adfirmaret thesin suam, solutionem aquae in aëre non nisi quodam motu fieri posse. „Mihi,” inquit, „omnino perspicuum videtur, aërem his in vasis in superiora vaporum strata, in retorta contentorum, premere, et quidem eo fortius, quo magis calore elasticitas augetur; haec pressura impedit formationem vel productionem vaporis elastici, cum contra in vase non clauso vapor, partem aëris extricando, denuo formari possit, in recipiens intret et frigore condensetur” (164). Haec talis est explicatio, quae omnino mechanicam aëris in aquam demonstrat vim; at quare, si tanta adsit affinitas inter aquam et aërem, aqua non ope illius vis in vaporem converteretur et solveretur? Absens hic aëris motus non causa esse posse videtur, nam, ut in omni solutione liquidorum videmus, pars proxima saturata vicinis partem materiae solutae tradit, ita ut tandem per omnem solutionem aequabiliter dispersa sit, ac facilius hoc locum habere deberet cum fluidis elasticis, quorum mobilitas adeo est insignis. — Talia praevидit DE SAUSSURE ac quaedam adiunxit, ut errorem inde oriundum averteret et suam opinionem illustraret. Illa scilicet motus aëris pro vaporis solutione necessitas minime impediret, quominus talis solutio tanquam vera chemica consideranda esset; demonstraret tantum cohaesionem particularum singuli corporis et aëris vaporis, quam affinitas inter aëris et vaporis moleculas non multum superaret (165). Quam parum tamen haec iuvant, cuique sta-

(164) Vid. DE SAUSSURE, L. C. S. 227.

(165) Vid. DE SAUSSURE, L. C. S. 228.

tim apertum est; quod si vis affinitatis non multum superet vim cohaesivam, non temeraria esse potest assertio, illam affinitatem, ut nullam, esse considerandam, nam status profecto corporum, quo illorum molecule minima cohaesionis vi inter se coalitas tenentur, vocandus est gasiformis. — Plura adducere possem exempla, in quibus simile phaenomenon, ac in FONTANAE experimentis, conspicitur, at transibo potius ad tertiam positionem et inquiram in alia phaenomena peculiaria, chemicam prae se ferentia actionem; itaque primo opinionem FISCHERI, de aëris presura, examinato.

Aërem, ut corpus elasticum et grave in omnia, quae telluris superficiem occupant, determinato pondere premere, nullum adest dubium; an vero talis presura, aequalis $0^m,76$, equiparanda, quoad premendi modum, cum corpore solido aut liquore eiusdem gravitatis? Credo, in his vulgo nimis utramque actionem confundi, imo maxime diversam pro circumstantiis debere adsumi. Semper fere attendere debemus in determinanda aëris presura ad eius maximam mobilitatem et raritatem, pro omnibus fluidis aëriiformibus sane proprietates essentielles. Si talis non esset aër et ita omnia non semper cingeret, quantum exinde nobis oriretur incommodum, quanto gravaret pondere! Nonne, si aër nos eodem modo premeret ac columna hydrargyri, aequalis $0^m,76$, aut alius liquoris, in quiete ac magis in motu prorsus aliam ponderis sensationem graviolem et resistentiam fortiolem experiremur? Imo hanc ob rem etiam magna intercedit differentia inter actionem talis fluidi elastici, quod libere se movere potest, ut atmosphaerae, ac illius, quod limitibus circumscriptum tali mobilitati non obnoxium est. Sequenti autem modo evaporationis negotium in atmosphaera confidero.

Vaporem revera posse oriri ad quamque temperaturam et sub presura atmosphaerae ipsa aëris raritas et mobilitas adiuvere videntur. Per hanc raritatem (sub qua intelligo atmosphaerae molecularum talem dispositionem, ut interstitia inter se relinquant, satis notabilia, ita ut in liquorem premens massa quaedam aërea revera puncta relinquat, ubi liber aquae vaporis aditus non denegatur) revera aqua, cum caloricum eius particulas secum auferre nitatur, in aërem diffunditur, licet presura in superficiem liquoris tanta sit, ut vis expansiva aquae suam vim exserere posse non videatur. Magnam porro hic opem adfert, imprimis ulteriori vaporum dispersui; mo-

bilitas aëris, i. e.; destructio aequilibrîi pressuræ a levissima causa; sine hac enim mobilitate evaporatio locum quidem habere posset, at admodum tarde procederet, ita ut in aëre vel maxime quieto prima formatio vaporis adesse queat, ulterior vero adiuvante ista mobilitate atmosphaeræ (ut et vaporis) procedere debeat, qua aër vapore onustus dimoveri et spatium novi vaporis ortui praeberi possit. Sequentibus exemplis hanc sententiam demonstrare et ad experimenta antea allata applicare operae practicum duco:

Si corpus quoddam liquidum ita se habeat, ut aëris vis ab omni parte in eius superficiem dirigatur, liquidum aequaliter premitur eiusque effluxus aut evaporatio impeditur vel retardatur: Quare enim aqua non elabitur e vase inverso charta solummodo tecto? Facilis est responsio; ob aëris pressuram. Quare vero hoc locum habet, charta amota, cum pressura tamen eadem maneat? Cadit ob aequilibrium perturbatum; aqua gravitatis vi elabi, aër elasticitate se expandere nititur et hoc ipso nisu aquam sustentam tenet in vase, quam diu eius pressura in totam superficiem sit aequalis, quod efficitur hac charta. Nonne eadem conditio hic obtinet ac in exemplo columnae mercurii 0^m,76 in aquam prementis, a FIECHERO proposita? Quemadmodum enim aquam elabi non sinit aëris pressura aequabilis et fixa, ope chartae, in aquam, sic fortiori modo columnae mercurii pressura evaporationem impedit: molecule autem adeo continuas sunt et se attingunt in liquido illo densissimo, ut debita interstitia non adsint, quae vapor intrare possit. Loco columnae illius mercurii charta tenuissima aquae in vase non inverso contentae imponatur neque ita evaporatio oritur, cum et charta vaporem orientem transire non permittat, non secus ac in vase inverso aquae effluxum. Accedit aliud exemplum atmosphaeræ pressuræ mutatae imo auctae in aliquem liquorem intercedente corpore solido. Saepe in fabricis saponariis superficies liquidi calefacti tegitur strato magis minueve denso saponis fusi. Hoc stratum impedit, quominus ebulliat liquor, licet usque ad 112° vel 113° C. calefiat; si nunc in liquorem inmittatur siphonis crus longius ad fundum usque vase, liquidum non adscendet in vulgari temperatura, adscendit vero in temperatura data. Proxima causa est diversa tensio vaporis, qui ex liquore, data temperatura, assurgere tendit, et premit maiore vi in ipsum liquorem, quam

pressio atmosphaerae, hinc liquor per siphonem adscendere necessario debet (166).

Ex his itaque satis mihi patere videtur **FISCHER**i opinionem de atmosphaerae pressura non rite procedere, saltem minime mechanicum vaporum ortum sub vulgari pressura et temperatura excludere, quia proposita sententia sufficit ad phaenomena intelligenda, et chemica actio difficultates continet multo minus amovendas. Revera videtur causa, quare in experimentis **FONTANA**e destillatio non procederet, quaeri debere in aëris coacta et compressa conditione in retortae collo et tubo angusto, ita ut, quum iam spatium aëreum omnem sibi propriam vaporis quantitatem assumsisset (crederem enim aërem in vasis contentum ab humiditate non immunem fuisse), ulterior formatio interciperetur; nullus enim fluxus aërens locum habere poterat.

§ 25.

De aëris motus effectu mechanico in ipsam evaporationem: Applicatio huius rei ad varios procesus et confirmatio ulterior mechanicae theoriae.

Breviter secundum principia tradita quaedam proponam de tali fluxus aëris effectu in ulteriorem vaporum ortum, de qua re denuo **GAY-LUSSAC** egregia instituit experimenta. Revera aëris motum evaporationem promoveri satis superque mihi demonstrare videntur **DALTON**i experimenta tam infra quam supra coctionis punctum instituta (167). **DALTON** hoc ex

(166) Vid. **BIOT**, *Traité* etc. T. I, p. 290.

(167) Hanc ob rem illud phaenomenon hic ulterius memorandum cenfeo, licet a Physicis iam ante **DALTON**em satis videatur probatum, ut inter alios a **DE SAUSSURE** (O. C. § 195), quoniam recentissime a **CL. HOWITZ** experimentis inducto fuerit negatum, quod ad evaporationem attinet aquae ebullientis. Chemicae autem theoriae est addictus et differentiam ponit inter evaporationem vulgarem et aquae ebullientis: primam affinitate aëris, alteram elasticitate vaporis solum fieri arbitratur. Experimenta tamen si examinemus, ex illis consequenti illa tam certa, quam quidem perhibet, postea deduci non videtur. Nisi illa tam composita essent, hic brevem darem expla-

sua theoria facile explicare potuit, cum vapor exortus, homogeneas modo particulas repellens, in aëre placido ulteriorem ortum impediret, at in aëre commoto, ab aquae superficie identidem remoto, tale impedimentum non adesse posset, quia aër repulsione non agit in ipsum liquidum aut vaporem; imo hanc ob rem, evaporatio eadem celeritate locum habebit in aëre, quantum possit, renovato, ac in vacuo.

Verum si vaporis naturam consideremus, facile patebit, in his, nec ad chemicam quamdam aëris actionem, nec ad DALTONIS hypothesein refugendum esse. De prima opinionis DALTONIS parte, vapores se invicem repellere, nullum adest dubium et illa plane potest admitti, sed non adeo patet, quare se repellant, ita ut in lagena vel retorta aut etiam in aëre ulteriorem evaporationem impediant aut retardent. Certe est illa communis omnium vaporum proprietas, in dato spatio non maiorem quam determinatam adesse posse quantitatem; quocunque ergo modo phaenomenon constitutatur, pendet evidenter a densitate vaporum determinata. Si lagena omnem, quem capere possit, vaporem adsumserit, evaporatio subsistit, nisi vaporis remotio quaedam accedat; idem locum habet in atmosphaera non commota; proxima aëris strata vapore impraegnata non prius aliam adsumunt quantitatem, nisi vapor ex iis sit dimotus, aut per aërem diffusus, aut denno condensatus. Ad haec si attendam, omnino explicationem Cl. BIOR, de aëris motus vi in evaporationem non tantum ad inferiores temperaturas, sed etiam ad illam ebullitionis, meam facere possum. „En effet,” inquit, on „conçoit par la théorie, que, si l'air est calme, les vapeurs exhalées s'y repandront progressivement de couche en couche d'une manière régulière „et dépendente de la résistance que l'air oppose à l'extension des vapeurs. „Mais si pendant que cette propagation s'opère les couches d'air les plus „voisines du liquide et par conséquent les plus humectées sont enlevées tout „à coup et remplacées par des couches plus sèches, les vapeurs se propa- „geront dans ces dernières beaucoup plus vite qu'elles n'auraient fait, si

nationem; quod ad evaporationis opinionem pertinet, licet iam pridem illa differentia inter evaporationem et vaporisationem, ut BERTHOLLET nominat, eandem fovens opinionem, fere sit explosa, tamen verbo indicabo. Vid. F. C. HOWITZ, *Über-den Einfluss der Luftzuges auf das Kochen und Destilliren des Wassers* in SCHWEIGG. Journ. 1824, XXI, 293 seqq.

„elles étaient restées à leur ancienne place, à une distance plus grande du liquide. Par là on conçoit, que les circonstances étant d'ailleurs égales, l'évaporation doit être la plus lente possible dans un air parfaitement calme, et la plus rapide dans un air très agité, où de nouvelles couches viennent sans cesse se mettre en contact avec le liquide, qui s'évapore (168)\".

Uberrimus huius veritatis est usus in multis phaenomenis explicandis; quod enim de evaporatione et destillatione aquae dixi, eodem modo ad aliorum liquidorum operationes transferri potest. Notissima autem est observatio, in ebullitione aquae nullum fere extricari vaporem, si operatio fiat in vase fere clauso, copiosum vero oriri, si contrarium locum habeat, praesertim ante ipsam ebullitionem. Nam illa si locum habeat, vapores magnopere elastici maiore copia et vi per loca, quae hic et illic dantur, aperta, expelluntur; vulgo hoc est signum ebullitionis. Porro saepe videmus decompositionem aliquius corporis in vasis clausis ad temperaturam vulgarem non succedere, cum vero, saltem pro parte, procedat, si aer libere illud corpus aliat. GAY-LUSSAC, qui de hac materie quoque tam egregie egit, varia huiusmodi exempla attulit. Sic nitras potassae, absque calore aucto, acido sulphurico potest decomponi, ita ut copiosi oriantur vapores acidi nitrici; et satis diu hoc procedit in atmosphaera, at, si aer ad superficiem miscelae non renovari possit, decompositioni mox finis imponitur. Hydrochloras potassae per horas fufum retineri potest, absque notabili ponderis amissione, cum aer massae fufae proximus non identidem amoveri possit: hoc vero si obtineat, revera perditur gas hydrogenium. Frustra tentatur zincum sublimare in vase clauso, nisi ad eam temperaturam, qua ebullitio oboritur, ita ut in praeparando oxydo zinci quidem valdequam conducat, ut aer libere ad metalli superficiem venire possit. Plumbum, stibium, bismuthum satis copiosos emittunt vapores, cum in apertis fundantur patinis, nulla vero sublimatio locum habet in patinis clausis (169).

Hanc utique ob rem talia exempla, quibus plura posset addi, adduco, quoniam evidentissimum praebeant indicium, aërem minime chemice agere in

(168) Vid. BIOT, *Traité* etc. T. I, p. 319—320.

(169) Vid. GAY-LUSSAC, *de corporum evaporatione* in GILB. *Annal.* XXVII, 147 seq.

hanc evaporationem et illam chemicam aquae evaporationem, quam BATHOL-
LET alique posuerant, non locum habere. Videmus enim in omnibus alla-
tis exemplis eundem processum, eadem phaenomena; tuto itaque concludendum
ad omnium horum effectuum unam eandemque causam. Nam absurdum
foret statuere, vapores non posse oriri in citatis operationibus, cum aëri
aditus sit denegatus, quoniam sic aëris actio chemica impediretur in vapo-
res salinos, metallicos, neque dissolvere posset vapores plumbi, stibii, bis-
muthi. Omnia huc redeunt: Vapor in quovis spatio dato tandem totam
temperaturae congruam acquireret tensionem ac densitatem et iam novus in
illo non formabitur vapor, nisi aër purus in locum aëris vapore impraegnati
denno veniat.

Quid autem, quaeso, censendum de iis materiis, quibus non facile quis
affinitatem cum aëre adtribuet, quae tamen aequae ac vapor aquae sub pressura
aëris et temperatura non aucta in atmosphaeram dissipantur? Cogitemus
modo de variis, quae dantur, effluviis et vaporibus, ut gas acido hydrochlorico
in atmosphaera obvio (170). Perpendamus DALTONIS experimenta de evapo-
ratione variorum fluidorum ut et glaciis, e quibus patuit, haec corpora iisdem
esse subiecta legibus; porro evaporationem aliorum corporum solidorum antea
memoratorum, ut camphorae taliumque odorem spargentium; metallorum,
ut mercurii, qui semper atmosphaeram mercurialem in ambitu suo habet, et
calcis, secundum observata allata Cel. HERMESTADT etc.

Ex his etiam videmus, non tantam, quantum quidem antea physici fecerunt,
aëris pressurae esse attribuendum. Cel. LAVOISIER suo tempore docebat,
atmosphaeram omnia ista comprehendere fluida gasosa, quae in temperatu-
ra et pressura vulgari statum elasticum retinere possent (171). Si illud
ita esset, nec vapor aquae, nec alii vapores, nedum effluvia corporum fixio-
rum adesse possent in atmosphaera. Nec ea opinio admitti potest, nullum
liquidum demta pressura aëris existere posse, cum caloricis vi in infini-
tum expanderetur. Revera enim cum DALTONIS hic adsumendum esse cre-
do, talem expansionem suos habere limites, nam illa evaporatio tantopere pro-

(170) Vid. DRIESSEN, de acidi muriatici praesentia in atmosphaera, in *Journal für Chemie und Physik*, VI, 139. VOGEL et HERMESTADT eadem invenerunt.

(171) Vid. LAVOISIER, *Traité élémentaire de Chimie*, T. I, p. 28.

cedet, donec spatium, quod prostat, adimpletum sit vapore talis densitatis, quae cum sua tensione convenit; ita si vapor adscendat, cuius tensio = 30. poll., talis non potest persistere in temperatura vulgari; mox ideo magna pars condensabitur et pars remanens tensione cum data temperatura conveniente, e. g. = 0^p,5, ulteriorem evaporationem impediet; imo demta tota pressura vel atmosphaera nostra, denuo prostraret atmosphaera aquosa propriae tensionis et gravitatis vi moderata ac limitibus circumscripta (172).

§ 26.

*Ebullitionis consideratio: Evaporatio
et Vaporificatio non differunt.*

Ebullitio certe nihil aliud est, quam commotio in liquido exorta ab adscendente fluido elastico in liquidi interiore parte formato, quae sub dio ad determinatam locum habet temperaturam, qua tensio liquidi sic exaltatur, ut pressuram atmosphaerae inpitentem aequare, quin superare possit. Hinc ebullitionis temperatura secundum maiorem minoremve pressuram, columna atmosphaerae et liquidi moderatam, variat; si itaque, v. c., aquae temperatura sub solita aëris pressura sit infra 100° C., nulla adhuc fluidi elastici formatio locum habebit nisi in superficie; imo, si inferiora liquidi strata praeter aërem etiam liquidi columnam altiore sustineant, paullo altior adhuc postulatur temperatura, ut ebullitio incipiat, quo facto, bullae elasticae adscendunt et adscendendo maiores fiunt et mobiliiores, quum identidem minor vincenda est pressura. Tali modo se habet ebullitio in initio, donec, tota liquidi massa tandem aequabiliter calefacta, etiam per omnes liquidi partes vapor oriatur. — Habemus ita explicationem satis simplicem, iuxta quam ebullitionem effectum pressurae et temperaturae esse intelligitur, nam hic non in censum venire debent causae fortuitae, quae tensionem alicuius liquidi infringere aut adiuvare possunt. Ad peculiare tamen phaenomenon hic attendendum, quod GAY-LUSSAC observavit, ebullitionem nempe facilius procedere, cum in liquidum corpo-

(172) Cf. DALTON in GILB. *Annal.* XXXX, 400.

ra solida inaequalis superficiei immittantur; sic si limatura ferri, vitrum in pulverem redactum taliave corpora cum aqua misceantur, punctum illud ebullitionis citius intrat. Nonne praeter alias causas forsan etiam hic agnoscenda venit aequilibrii columnae aquae prementis destructio, unde tensio melius suam vim exferere potest?

Plurimi chemicam amplectentes theoriam Auctores ponunt aërem hic affinitate suâ nullo modo agere, operationem itaque omnino differentem esse a vulgari evaporatione et productum etiam quodammodo differre statuunt. DE SAUSSURE vaporem in genere vocat fluidum elasticum evaporatione in aëre se extollens et nullam inter vaporem ex aëolipila aut in ebullitione aut ad minorem caloris gradum productum, differentiam esse existimat, nisi quod vapor ex aëolipila valde tenuis et fere purus sit, cum illé evaporatione insensibili ortus densior et maiore aëris copia sit commixtus (173). BERTHOLLET, ut iam notavi, vaporis formationem duplicem posuit, *Evaporationem* ope aëris affinitatis et *Vaporisationem* ope elasticitatis sive tensionis moderatam; opinatur itaque in ebullitione aërem non magis attactu suo agere posse et effectum omnem *vaporisationi* tribuendum esse (174).

Sane non inficiandum, hanc sententiam aliquid offerre, quo se commendat; paulo accuratiore itaque examine non indigna erit, imprimis, cum Viri doctrinae copia insignes hanc suam etiam fecerint opinionem, inter quos Cl. HAUY (175), VAN SWINDEREN (176) etc. Non omnino tamen cum BERTHOLLETO convenire Cl. VAN SWINDEREN videtur: *Vaporisationem* enim eam vocat caloricæ actionem, quae particulas aquae revera solvit adeoque

(173) Vid. DE SAUSSURE, O. C. S. 223. BERTHOLLET in aliis plerumque cum DE SAUSSURE conveniens in eo tamen differt, quod non adfentiat, aërem non aquam solvere, nisi prius in vaporem elasticum transferit (§ 190). „L'action de l'air,” inquit BERTHOLLET, „et celle du calorique sont simultanées, mais c'est la première, qui détermine la seconde, la compression de l'atmosphère s'oppose à la formation de la vapeur, de tout l'excès qu'elle a sur la tension du liquide” etc. Vid. O. C. T. I, p. 171. Difficillime tamen hanc simultaneam actionem comprehendere possumus.

(174) Vid. BERTHOLLET, O. C. T. I, p. 495.

(175) Vid. eius *Grundlehre der Physik*, T. I, § 301. *Vaporisationem* nominat *Verdampfung* et *Evaporationem* *Ausdunstung*.

(176) Vid. eius *Disputatio Chémico-physica de atmosphæra eiusque in calorem actione*, Gron. 1805.

corpus format suis proprietatibus et a calórico et ab aqua distinctum; *evaporationem* vero eam aëris atmosphaerici actionem, quas particulas aquae revera chemice dissolvit, adeoque corpus format suis proprietatibus et ab aëre et ab aqua diversum. „Uti vero,” pergit Vir Cl., „vaporisationem maiori temperatura augeri videmus, ita evaporatio maiori aëris atmosphaerici densitate adinvenitur. Id enim observationibus constat, ut, quo maior, caeteris paribus, sit mercurii in tubo barometrico altitudo, adeoque quo maior, sit aëris atmosphaerici pressura, eo etiam maiorem esse aquae in aëre dissolutae quantitatem, ita quidem, ut pressura diminuta, aëris affinitas ad aquam etiam diminuatur et praecipitatio locum habeat (177).

Si vero hoc argumentum extra omne positum esset dubium, illud DALTONIS sententiam omnino everteret; at, mi fallor, recentiora observata nos longe aliud quid docuerunt. Illa theoria primam suam originem ducere videtur a Cl. MONGE peculiari experimento, e quo redundaret, aërem rarefactum minorem aquae quantitatem dissolvere (178). Si enim aër aqua impletus antliae pneumaticae ope rarefiat, videmus, nebulam quamdam oriri et per campanam diffundi et lente dein delabi, quo facto, nova producitur et sic identidem quaedam praecipitatio locum habet. NOLLET tale phaenomenon primus observavit atque concludit, ex aëre rariore vaporem praecipitari (179). DE SAUSSURE vero de hoc experimento loquens iam dilucide demonstravit, nebulam oriri ex corporibus humidis antliae [qua humiditate fere nunquam expers est interna antliae compages, licet etiam campana sicca agglutinetur et ipsa antlia calefacta sit], quorum liquidum, pressura diminuta, multo citius evaporatur, ita ut proxima strata aëris vapore imbuantur; vapores cum abundant, ve-

(177) Vid. O. C. p. 57 seq. Cl. HAUY (O. C. T. I, p. 301) eadem fere habet: „Licet,” inquit, „itaque maior atmosphaerae pressura . . . vaporisationem impediat, ab altera parte evaporationem quamaxime augeat, quoniam maiori atmosphaerae pressura locum habente, maior etiam est aëris ad aquam affinitas adeoque maior evaporatio.”

(178) Vid. *Annal. de Chimie*, V, 11. — DE LUC in diiudicatione MONGE theoriae ad hoc adfertum iam etiam respondit, in eodem diario, p. 8. MUSSCHENBROEK iam talem doctrinam propter idem NOLLETI experimentum professus est et similiter ad aërem hybernium applicavit (*Elementa Phys.* Part. II, p. 642); porro HUBE, *Vollständ. Unterricht* etc. B. II, 169.

(179) Vid. eius *Leçons de Physique expériment.* T. III, p. 364.

ficularum sub forma praecipitantur, postea denuo solvantur a stratis vicinis. Non abfimilis est causa et effectus, quando aër primo condensatus dein dilatetur; imo si ex apparatu sicco aër extrahatur, etiam ad siccitatis punctum hygrometrum vergere DE SAUSSURE adfirmat (180). — DE SAUSSURI sane interpretatio, maxima pro parte vera, sequenti modo solum moderanda videtur. In apparatu liquidum invenitur, quod, aëre demto, citissime evaporatur, ratione temperaturae apparatus; singulo ergo temporis puncto omnis vapor in recipiente adest, qui pro data temperatura adesse potest; ubi aër iam denuo dilatatur, oritur caloris diminutio in recipiente eodemque momento vaporis, sub forma nebulae, condensatio, quae nebulae autem denuo in vapores abit invisibiles, si, calorico ex corporibus proximis attracto, temperatura in recipiente aequaverit temperaturam apparatus; ex nova dilatatione nova nubecula et sic porro. Mirum videri debet, quemodo DE SAUSSURE alio loco (§ 220) statuere posset, aërem rarefactum minorem aquae quantitatem dissolvere posse, licet experimentum adductum non in suae sententiae auxilium vocaverit. Evaporationem equidem in vacuo celeriores esse dicit, sed tantum, quoniam continuo praecipitetur vapor; imo adfert phaenomenon cum suo hygrometro sub campana observatum, cuius aër antlia pneumatica extrahatur. Illud instrumentum in aëre rarefacto non ad siccitatis vergebat punctum, quod (sic ratiocinatur) locum habere debuisset, quia, aëris dimidia parte extracta, etiam dimidia vaporis quantitas educatur necesse est. Secundum sententiam suam de hygrometrica affinitate hoc explicat; aër ita rarior particulas vaporis minori vi attrahere debet, quam densior, quare hic, ubi aër rarefit, hygrometri affinitas pro aqua relative augetur, maiorem hinc vaporum quantitatem attrahere et maiorem notare debet humiditatem, quam caeteris paribus, in aëre densiore (181). Ingeniosa certe est haec DE SAUSSURI theoriae suae ad hoc phaenomenon applicatio, at non iusta rei explicatio. Primo dubitandum, quin quaedam adhuc lateret humiditas in ipsa antlia; talis si adfuerit, facilis esset explicatio, at, si fidem omnem in his habeamus, quis non statim perspicit, ubi causa latet. Nonne in ipso hy-

(180) Vid. O. C. § 322.

(181) Vid. O. C. p. 166.

grometro, quod aquam inter sua interstitia satis fortiter retinet, quamvis vapor per aërem diffusus cum aëre facile extrorsum educatur? Acconlanda itaque videtur illa hygrometri, proprietates, qua illud semel imbutum non facile perdit omnem humorem, quod experimento confirmatur DE SAUSSURI, in quo non ad maiorem, quam ad 25° siccitatem reduci potuit; ne praeterea loquar de directis argumentis, quibus satis evictum est et in aëre et in vacuo eadem quantitate, densitate aut elasticitate pollere vaporem, solummodo gasum volumina adimplere, non habita ratione ipsorum densitatis, eodem modo se diffundere per aërem rarefactum et densiorem, in priore casu modo celerius, in posteriore tardius etc., quae omnia totidem sunt confectionaria, quae ex DALTONIS experimentis, de miscela fluidorum elasticorum, sponte profluunt; quid, ut hoc addam, si rarefactione aëris praecipitatio vaporis locum haberet, quomodo in condensatione hoc itidem evenire posset? Si in campanam aërem rarefactum continentem denuo aëri externo liberum praebeamus ingressum, humiditas praecipitatur, quia nempe aër intrans suum vaporem vaporis, in recipiente contento et iam ad maximam densitatem redacto, addit, unde condensatio locum habeat necesse est.

Hisce itaque illustratis, satis patebit sententiam indicatis experimentis corroboratam admodum vacillare. At nonne alia prostant, nonne phaenomena dantur, quae tamen flagitant tale quid statuere? Cl. enim DRIESSEN videtur et quidem experimentis conductus illam opinionem de maiore aëris densioris vi solvente amplecti. Ista autem experimenta omnino probant, revera exortum fuisse vaporem aquae in temperatura aquae congelantis, aërem se extendisse et postea, ut guttulae illae in retortae collo probant, condensatum fuisse, verbo, distillationem quamdam locum habuisse (182). At illud phaenomenon ad aquae in aëre solutionem probandam non sufficit, cum potius demonstret, ut postea DALTONIS septamina tam luculenter demonstrarunt, etiam sub congelationis temperatura aquam adhuc determinata pollere tensione; Clar. DRIESSEN porro haec applicat ad statum aëris hyberni, utpote qui, ob densitatem insignem, tam aptus esset, licet temperatura minor sit, ut sat magnam vaporis copiam forti-

(182) Summisit autem Vir Cl. retortam determinata aquae quantitate impletam et refrigerationi expolitam cumque apparatu pneumático coniunctam, ut sic fluidi elastici extricationem aut extensionem observare posset.

ore vinculo liget (183). — Similia vero experimenta a DALTONE et GAY-LUSSAC. facta aequae facile explicant vaporis hybernó tempore; licet gelu dominetur severum, praesentiam, cum ad -40° C. evaporationem adhuc locum habere doceant; attamen vaporis huius in hyeme quantitas revera parva est et minime congruit cum aëris densitate, ratione habita quantitatis in aestate obviae. Si porro aquae in aëre diffusio revera esset solutio, illa eo insignior esset, quo maior sit aëris densitas. Praeter DALTONIS iam memorata inventa ex ipsa atmosphaera argumentum huic contrarium peti potest. DE SAUSSURE enim aquam ceteris paribus multo promptius in regionibus atmosphaerae altioribus evaporari probavit (184); ita ut talis diminuta aëris densitas evaporationem revera praemoveat. Nonne vero in absurdum duceret statuere, vim solventem augeri menstruo aliquo diluto, imo detracto, ut in vacuo locum habet (185)? Doct. ZYLIUS citat experimentum, quod ipse instituit cum glaciei evaporatione in aëre et in vacuo barometrico; in vacuo subibat glacies evaporationem, in aëre evaporatio non erat manifesta (186). Causa est in promptu; pressura insigniter illa retardatur; cuius vero pressurae nulla ratio haberi posset, si chemicam adsumamus affinitatem inter aërem et glaciem aut vaporem; imo evidentior evaporatio locum habere debuisset in aëre, si talis vigeat affinitas. — His nunc examinatis, non credo aliis opus esse argumentis, ut illam inter evaporationem et ebullitionem vel vaporisationem differentiam reiiciamus et statuamus eam ex diversa temperatura et pressione ortum ducere; imo ex omnibus iam allatis conclusionem satis probabilem in mechanicae theoriae gratiam posse formari, quisque ni fallor, lubens agnoscet. Priusquam vero huic inquisitioni finem imponam, adhuc quaedam phaenomena et observationes directae pro utraque theoria argumenta continentia breviter perfringenda sunt,

(183) Vid. *Algemeene Konst- en Letterbode*, 1799, Novemb. N°. 22 et 1803, N°. 14. VAN SWINDEREN *Disputatio* etc. p. 67.

(184) Vid. DE SAUSSURE, *Voyages dans les Alpes*, T. IV, p. 263.

(185) Cf. THOMSON, I. L. T. III, p. 218.

(186) Vid. ZYLIUS, *Comment. Cl. S.* 113.

III. Ulterior consideratio argumentorum, quae spectant aquae vaporis statum in atmosphaera. Concluditur, aërem atmosphaericum cum aquae vapore simplicem constituere mixtionem vel mechanicam inter se diffusionem.

§ 27.

Variorum argumentorum pro chemica atmosphaerae principiorum coniunctione pugnantium consideratio et refutatio.

Primo videamus talia, quae in genere totam spectant atmosphaeram; si enim aëris atmosphaerici demonstrata sit mechanica constitutio, conclusio de aquae vaporis in atmosphaera statu eo facilius certiorque erit.

Doct. THOMSON varia adtulit argumenta pro chemica principiorum atmosphaerae coniunctione, ad quam refutandam DALTON brevem conscripsit tractatum (187). THOMSON quidem postea illam theoriam valedixit, tamen illa argumenta adducenda puto, quia ab aliis adhuc tamquam valida considerantur et caeteroquin huiusmodi indagatio suam semper habet utilitatem.

1°. THOMSON: „Constans proportio inter azoton et oxygenium atmosphaerae chemica indicat unionem.”

DALTON: „Hypothesis mea aequae apta est ad hoc phaenomenon explicandum, ac adtractio chemica; itaque eodem redeunt, cum utraque sit hypothesis. Si quodam in loco atmosphaera oxygenio privetur, possumus attractionem in auxilium vocare, qua ex vicinis nova quantitas adtrahitur, at aequae facile cogitare possumus oxygenium ad ea ruere loca, in quibus minor offenditur pressura etc. Praeterea diffusio illa in omnibus gasibus fere eodem fit modo, et aequae celeriter.” — Mox quaedam de illo aequilibrio et proportionis constantia sine assumpta DALTONIS hypothesi.

2°. THOMSON: „Nonne experimenta Comitum VON MOROZZO et HUM-

(187) Vjd. THOMSON, *Elements of Chemistry*, edit. 2^a, T. III, p. 316. GILB. *Annal.* XXI, 383.

„BOLDTII demonstrarunt, mixtam atmosphaeram alias quam naturalem habere qualitates” (188)?

DALTON: „Hisce experimentis nulla fides. HUMBOLDT aëris atmosphaerici proportionem ratione oxygenii variare invenit a 25—50; dum alii accuratiore indagatione eam semper 21 esse demonstrarunt. Quid mirum itaque miscelam ex 28 partibus gasis oxygenii cum 72 partibus azoti relative maiorem gasis nitrofi quantitatem, quam aërem atmosphaericum, absorbere, diutius flammam alere ac respirationi inservire.”

5°. THOMSON: „Diversa corpora combustibilia in dato volumine aëris, diversas oxygenii partes absorbent, e. g., phosphorus 0,22, sulphur 0,08” etc.

DALTON: „Solummodo ex hisce concludi potest phosphorum in aëre atmosphaerico cuilibet densitatis comburi, sulphur vero modo in aëre, cuius densitas non minor est, quam $\frac{1}{2}$ pars densitatis vulgaris. Diversa combustio in aëre atmosphaerico et gas oxygenio non inde derivanda, quod in primo oxygenium gasi azoto chemice fit unitum, at solummodo a minore densitate gasis oxygenii, quae modo $\frac{1}{2}$ constituit partem istius densitatis, quae atmosphaera pura gasis oxygenii pollet. Non dubito, quin (secundum quaedam experimenta) in aëre commixto ad $\frac{1}{2}$ partem compresso fila ferrea eodem splendore ac in simplici atmosphaera puri gasis oxygenii comburantur; nota praeterea est in aëre densiore combustio vividior, dum certum mihi habeo, illud phaenomenon et in gas oxygenio ad $\frac{1}{2}$ partem rarefacto et in aëre vulgari unum idemque esse.” Haec probantur experimentis a GROTTIUSZ institutis (189).

4°. THOMSON: „In praeparando acido nitrico saepenumero gas produci, tur perfecte aëri atmosphaerico analogum; praeterea DAVY protoxydum azoti per tubum candescentem ducens in acidum nitricum et gas aëri atmosphaerico analogum decomposuit. Si aër solummodo esset mixtio, difficile fo-

(188) Conf. KLAPROTH und WOLFF, *Chemisch Wörterb.* Th. I, S. 212, 214—216.

(189) Vid. *Journ. für Chemie und Physik*, III, 129 seqq. DAVY vero saepe contrarium GROTTIUSZII experimentis invenit. Vid. *Philos. Transact.* 1817, p. 45, et WOLFF *Lehrb. der Chemie*, B. I, S. 290 seqq.

„ret intellectu, quomodo in his utrumque gas semper in illa determinata, „qualis in aëre invenitur, proportionē misceretur.”

DALTON: „Recte,” inquit; „at omnis huius argumenti vis *accurata* nititur *proportionis aequalitate* illius gasis cum aëre atmosphaerico ratione gasis oxygenii et azoti; PRIESTLEY vero accuratiore examine huic fluido maiorem, quam aëri atmosphaerico, inesse oxygenii copiam invenit, dum DAVY semper minorem oxygenii quantitatem reperit.”

Alia dubia movit Doct. GOUGH, quorum vero plurima de aëre atmosphaerico exigua pollent vi, sed multa obscuritate laborant et magis DALTONIS hypothesein spectant. Praeter *pelluciditatis* argumentum, quod cum aliis mox adducendis auctoribus commune habet, sequentia magis ipsi propria sunt (190). Notatu digna videtur obiectio, quam de soni per aërem transmissione affert, eo magis, quoniam GOUGH organo visus orbatus esset.

5°. GOUGH: „Cum pro eadem elasticitate gas oxygenium densius est gas azoto, sonus in gas oxygenio tardius, quam in azoto dispergi deberet. Si itaque nostra atmosphaera ex duabus seiunctis horum gasum quantitativis, per se modo diffusis, constaret, quemque sonum ad distantiam, ab aure satis remotam, his audiremus, tum per azoticum, cum per oxygenium medium. Iste duplex sonus non locum habet; itaque aër pro soni transmissione corpus est homogeneum.” — DALTON suam theoriam cum ipsa soni theoria pari ambulare passu ac sonum diversa celeritate per singula fluida elastica atmosphaerae propagari confirmare conatus est (191); qua in re

(190) Inveniuntur hae obiectiones cum DALTONIS refutationibus variis in tractatibus a GILBERT collectis in suo diario XXI, 380 seqq. N°. 3, 4, 5, 6, 7. Ad obiectionem hic exhibitam DALTON non statim respondit, et postea in opere suo iam laudato *Newes System* etc.

(191) Eius ratiocinatio huc redit. Si sonus per atmosphaeram azoticam celeritate 1000 pedum in 1'', feratur, celeritates pro reliquis atmosphaeris essent sequentes:

Pro atmosphaera azotica	100 ped.
— — — — — oxygenica	930 —
— — — — — acidi carbonici	840 —
— — — — — vaporis aquae	1174 —

Ex his sequitur, sonum satis vehementem in distantia 13 milliarum Angl. ortum primum post 59'', debili impetu aurem adficere per atmosphaeram vaporis aquae, cum omnium fortissime

nonnulli eum secuti sunt. Argumenta tamen, quibus haec opinio oppugnatur, imprimis a Cl. OLBERS, experientiam non ita cum hac theoria convenire probare videntur; sequentia praecipua sunt.

1) Quum in medio mari nulla corpora vicina sunt, quae sonum reflectere aut turbare valent (quamvis certe raro adsit talis conditio), in eo saltem corpus aliquod ter resonare deberet.

2) Intervallum temporis elapsi ab initio ad finem soni, qui e remoto loco adfertur, nunquam tantum est, quantum foret, si oriretur ex differentia celeritatum soni in vapore aquae et gase oxygenio.

3) Quum vaporis aquae minima tantum copia in atmosphaera adsit, sonus, per solum vaporem propagatus, adeo debilis foret, ut ad magnam distantiam audiri non posset.

Quidquid sit, credo equidem, haec argumenta, licet etiam singulam illam per singulum fluidum soni propagationem refutare videantur, non ita contra mechanicam, qualem illam proposui, sed magis contra solam DALTONIS agere hypothesin, cum qua certe illa diversa soni propagatio congruere deberet; nam si singulum fluidum elasticum nullum cum heterogeneo fluido vicino aliat commercium, sonus in aliquo fluido exortus prorsus suam conservaret indolem, neque ab alio fluido mutari posset. In theoria vero mechanica

per atmosphaeram azoticam post 681'', porro per atmosphaeram oxygenicam post 74'' et denique omnium debillissime per atmosphaeram acidi carbonici post 85''. DERHAMO nunc teste, explosio tormento bellico producta in distantia 13 mill. nunquam simplicem praebere sonum, ac iteratis vicibus resonaret, ita ut primi soni tertio fortiores sint, ultimus omnium fortissimus; simile est phaenomenon, quod in tonitru locum habet.

His DALTONIS argumentis adiungi potest observatio a GAY-LUSSAC facta, qui cum Cel. HASSENFRATZ de soni per corpora solida transmissione experimenta instituens distincte duos diversos sonos audivisse testatus est (GILB. *Annal.* XXI, 445). BENZENBERG primo hanc hypothesin satis idoneam censuit ad theoriā soni illustrandam (GILB. *Annal.* XXI, 403); postea vero, auditis argumentis Cl. OLBERS ab hac opinione recessit (GILB. *Annal.* IV. Folge XIX, 154). Vid. omnino de hisce R. VAN REES *Disf. Physico-Mathematica, de celeritate soni per fluida elastica propagati* 1819. Traiect. ad Rhen. et huius dissertationis recensio in *Allgem. Konst- en Letterbode*, 1820, N^o. 27, 28; ubi auctor hanc per atmosphaeras singulas soni dispersionem a Doct. VAN REES etiam reiectam, non ita explosam arbitratur, cum varia possint adesse obstacula, quae integram singuli soni transmissionem prohibent.

non de alicuius fluidi elastici densitate, elasticitate, aut motu, imo de eius aequilibrio aliquid statui potest, nisi simul permixtorum fluidorum habeamus rationem. Admixtus vapor in aëre elasticitate sua specifica a gaso azoto quidem differt, tamen utrumque fluidum simul particeps est motus, quo sonus propagatur, ita ut in propagatione soni per miscelam variorum fluidorum elasticorum singulorum elasticitates specificae non in censum veniant, sed elasticitas specifica totius mixtionis; hinc soni non singuli sunt considerandi, quales prodirent ex propagatione in diversis fluidis, sed sonus tantum unus propagatur redundans ex omnium fluidorum mixtorum unita elasticitate, hinc cum horum fluidorum elasticitate media congruens.

§ 28.

*Uterior obiectionum, quae atmosphaeram spectant,
enarratio et oppugnatio.*

Variae obiectiones etiam adducuntur a Doct. VAN DER BOON MESCH in Commentatione iam citata, quarum praecipuas breviter hic adducam, cum abunde iam ab aliis sint refutatae, praecipue a quodam Auctore anonymo (192).

6°. Si mechanica est unio mechanicis, si chemica chemicis viribus disiungi deberet atmosphaera. Nulla tamen mechanica vi gas azoton a gaso oxygenio, gas acidum carbonicum ab hoc utroque et aquae vapor ab his singulis separari potest; contra hoc saepe fit chemica ratione et quidem ita, ut affinitas qualiscunque corporis se cum oxygenio iungentis maior sit, quam affinitas inter oxygenium et azoton (193).

Auctor anonymus citatus iam satis falsam hanc consequentiam esse demonstravit. Prouti enim in mixtura qualicunque subtiliore mechanicae non sufficient vires ad materias heterogeneas separandas, eo minus adhuc cum aëre, cum

(192) In tractatu, cui titulus: *Aanmerkingen omtrent den staat en de evenredigheid der bestanddeelen van den dampkringslucht, en onderzoek van hetgeen daaromtrent gesfeld is, in zekere verhandeling van den Heer H. C. VAN DER BOON MESCH, etc.* 1820

(193) Vid. Comment. Cit. p. 59 seq.

fluidis elasticis, quorum molecule minutissimae habendae sunt, hoc procederet. Arridet mihi opinio huius Auctoris, aequè probabiliter, ac caloris ope coniunctiones possunt destrui, si una partium statum adsumat elasticum, oxygenium ab azoto posse separari tanto adducto frigore (et pressura), quo unum alteramve gas condensaretur; iam vapor aquae satis hoc probat, frigore enim in statum abit liquidum. Argumentum, varia corpora oxygenium non absorbere posse, ut sulphur, ob maiorem affinitatem oxygenii cum azoto, nullam prorsus habere vim, demonstrat idem phaenomenon in puro oxygenio; quin potius a-tensione ipsa et elasticitate derivandum, quod nulla fiat coniunctio chemica neque locum haberet, si vel singula prostarent in atmosphaera gasa, ut perversè VAN DER BOON MESCH hoc opinatur (194).

7°. „Egregiis sagacissimi BERTHOLLETI experimentis est evictum, quo minor inter duo corpora alterius copia cum altero coniungatur, eo difficilius hanc minorem ab altero separari.” — Nonnullis hoc illustratur exemplis, ut gasis carbonici ope aquae calcis, vaporis aquae ope potassae causticae, oxygenii ope sulphuretorum alcalinorum etc. difficili separatione absoluta.

Haec omnia satis iam refutavi § 21, ubi BERTHOLLETI adtuli opinionem; Auctor etiam anonymus hic tensionem pro causa agente habet, qua omnia similia explicari debent phaenomena (195).

8°. Ad quaestiones praeterea a VAN DER BOON MESCH propositas, quae, ut opinatur, tot mechanicae atmosphaerae constitutioni obstacula forent, non adeo difficilis est responsio.

„Quaenam vis,” inquit, „acidum carbonicum suspensum teneat cacumine montium altissimorum, ut montis Sabaudiae albi (Montblanc), eadem fere proportione, qua invenitur in inferioribus stratis, ad quae largiter advehitur, ab animalium respiratione, combustione, fermentatione?” [*Vis elastica seu expansiva* omnibus gasibus est propria, qua aequabiliter se diffundere nituntur; attamen observandum, proportionem istam gasis acidi carbonici admodum variam neque ubique eandem posse esse, ob rationes antea (pag. 72) iam adductas] „Qui fiat, ut tam exigua aquae portio aëri inest, cum ab omni parte

(194) Vid. *Aanmerkingen* etc. bl. 53 seqq.

(195) Vid. *Aanmerkingen* etc. bl. 56 seq.

„ex tot et tantis fontibus, quot maria, flumina, atque omnis continentis superficie offerunt, ingens aquae copia evaporetur atque Atmosphaeram intraret? Quid impediat, quominus aër in mare aquenum convertatur?” [Evaporatio semper temperaturae respondet, itaque tensioni, unde non nisi determinata quantitate in spatio dato vapor adesse potest; quantitatem vero vaporis in atmosphaera fere semper minorem, quam cum vero eius tensionis gradu convenit, reperiri, derivare licet ex causis variis, partim iam (§ 19) expositis, ut difficili vaporis dispersione per aërem, magno atmosphaerae volumine, ratione aquae superficiei, etc. etc.] „Quomodo intelligendum sit, quod heterogenea rarissime adeo Atmosphaerae insint aut exigua copia? Possunt enim, haec per aërem misceri, suspensa teneri. Nam ventorum eadem vis, quae adeo accurate azotum, oxygenium, acidum carbonicum et aquam miscere censetur, potest quoque miscere quaevis gaz ex putredine aut quibusvis decompositionibus oriunda. Apparet, quid de naturae oeconomia fiat, si mechanice mixta esse aëris principia assumpseris; verum cum utilissima ac necessaria sit limitata atmosphaerae proportio, ut hanc servet, summa ope nititur Natura; itaque non fato incerto quasi potest tradere atmosphaeram. Quodnam autem medium aptius potuit excogitare, ad hanc proportionem servandam, quam affinitatis Chemicae vim, semper sibi similem, nullis causis deturbandam, ubique in perpetuum efficacissimam; sane si tantum ab hac parte naturam observo eiusque vires perscrutor, memoratam vim Chemicae affinitatis Atmosphaerae rectricem agnosco lubenter.” [Imo heterogenea revera insunt, ut iam indicavi, mercurii et gasis acidi hydrochlorici exemplis; nonne praeterea in locis paludosis similibusque hydrogenium sulphuratum, phosphoratum, carbonatum invenitur? Quis negabit alias adhuc circumvolitare materias, puto animales, vegetabiles etc. endiometris nostris hucusque non detectas vel potius non detegendas, cum etiam fere semper solummodo de relativa aëris principiorum proportionem, imprimis oxygenii, quae semper eadem manet, non de absoluta examen instituat; causae, quare talia principia non tanta quantitate adsint, probabiliter illae sunt, quod fontes sint minus insignes et minore longe plurima corpora polleant tensione. Apparet, quid eveniret de oeconomia naturae, si chemica esset horum principiorum coniunctio; illa enim materiarum disiunctio, quae, ut facilis fiat, tantopere requiritur, difficillime procederet. An respiratio, an combustio tunc tam facili fieret.

ret ratione? Sane illa mechanica aëris partium diffusio admodum accommodata est continuæ illi et celerrimæ assumptioni et dimissioni, quas partes subire debent].

Quae praeterea adducit VAN DER BOON MESCH de illa coniunctione variarum materiarum in *statu* sic dicto *nascente*, cuius unicam causam ponit statum gasiformem, rupta vi aggregationis, et applicatione ad atmosphaeram; ubi talis unio cum quodam gasi non fit propter maiorem affinitatem inter ipsa gasa atmosphaerae, quam cum tali adducto gasi, ut inter azoton et hydrogenium, omnem suam perdiderunt vim refutatione Auctoris landati, qui recte mihi sequentia monere videtur: „De reden” inquit „van deze verbinding in den „wordenden staat zoekt de Schrijver ten onregten in de fijnere verdeeling der „deeltjes in den wordenden staat, waardoor de onderlinge aantrekking der „deeltjes in dezelfde zelfstandigheid [affinitas aggregationis] verminderd „wordt. Dezelve moet vooral gezocht worden in het nog niet aangenomen „hebben van den gasformigen staat, in welken de affinitas aggregationis nog „minder is dan in den wordenden staat en dus in het aanraken van het door „affiniteit werkende ligchaam op het oogenblik, dat geene kracht ook zelfs de „veerkracht niet tegen de verbindende kracht inwerkt” (196).

Plura similiaque adduci possunt, quae primo adspectu quidem quamdam contra theoriam defensam controversiam movere videntur, examine instituto, tamen eam potius confirmant. Hand illud volo, omnes prorsus difficultates ex mechanica theoria explicari, sed eam duntaxat cum praecipuis phaenomenis congruere et horum fere omnium satis aptam explicationem praebere; tales autem difficultates, si quae sint, ex theoria chemica melius explicari valdequam dubito; imo si hic in animo haberem chemicae theoriae obicere quaestiones, plures paginae his impleri possent (197).

(196) Vid. *Aanmerkingen* etc. bl. 58 seq.

(197) Quomodo autem explicandum aequilibrium illud constans inter principia atmosphaerae, azoton scilicet et oxygenium? Fontes varii sunt cogniti, e quibus producuntur; eos ponamus sufficere ad quantitatem necessariam emittendam; an vero talis affinitas quidem sufficere posset tali aequabili principiorum dictorum distributioni? VAN DER BOON MESCH quidem affirmat: „Eam ipsam conditionem, sub qua variae materies in Atmosphaeram emittuntur, magnum esse adminiculum aëris aequilibrio conservando; sic, dum memorata ratione evolvuntur ex indicatis fontibus; gaz oxygenium

9°. Sunt, qui aërem atmosphaericum, ut oxydum azoti, considerant, hanc ob rationem, quia fere semper et ubique ex 4 voluminibus azoti et 1 oxygenii constat, atque vocant sic oxydulum azoti aut suboxydum azoti (198). Plura tamen hoc vetant, nam:

1) Aër atmosphaericus componitur ex 0,21 oxygenii et 0,79 azoti, ergo ratio non est, uti 1: 4, imo omni ratione possunt misceri haec ambo gase, quae omnia hic omnem cum chemicae legibus coniunctionis excludunt congruentiam, quae nempe iuxta experimenta DALTONIS, GAY-LUSSAC, BERNER-

et gas azotum, intelligimus inde aëris aequilibrium promoveri; est enim certe affinitas inter aëris partes; itaque si evolvantur gas azotum et oxygenium, habent eam modificationem, eam facultatem, qua facile et promte hanc affinitatem intrent: praeterea exin intelligimus, quomodo quaevis heterogenea in aërem immixta haud tarde queant decomponi; quam rem ulterius probare, aut exemplis illustrare huius loci non est." At quomodo, quaeso, talis affinitas est intelligenda, quae gas oxygenium vel gas acidum carbonicum a terrae superficie ad tantas attraheret altitudines; ponamus stratum aëreum infimum saturatum gase acido carbonico vel ipsorum principiorum gasis azoti et oxygenii mutuum saturationem; licet scaturigo unius alteriusve horum principiorum continua adsit, aequilibrium tamen semper inter azotum et oxygenium servatur; quamnam ergo ratione nunc illa pars ab altioribus attrahitur stratis? Ubinam huius vis ullam invenimus analogiam? Nonne revera necesse est, ut ipsa chemica theoria illum fluidorum elasticorum nifum se ubivis aequabiliter expandendi agnoscat? Si haec ita sint, quid obstat, quominus adsumamus, si gas quoddam sic propria vi incitatum se diffundere possit, etiam ulterius per se existare posse. Notandum, me posuisse, fontes existare et principia ex illis fontibus iam producta per aërem se dissipare; num illi fontes sufficiant, huius non loci est, ut examinetur, verum equidem scio ipsam chemicam theoriam non maiorem per haec afferre lucem, quam mechanicam. Révera enim talis attractio atmosphaerae est *Deus ex machina*; quodammodo quidem explicare ex illa licet, qua ratione strata aërea terrae vicina necessaria arripiant principia, non, quomodo illa conjunctio aequabilis fiat, quomodo in altissimis locis eadem inveniatur proportio? Secundum mechanicam theoriam tale aequilibrium certo certius locum habere debet, nisi gas nimis diversis ad terram urgeantur viribus, nisi gravitas eorum specifica nimis differat. Cum gase oxygenio et azoto hoc partim locum habet; eorum enim gravitates specificae inter se sunt, ut 1,15 ad 1, quae tamen differentia tam parum valet, quin proportionis dissimilitudo, inde derivanda, inter ista gasa, in superficie telluris, et in summa, qua examinare licet atmosphaeram, altitudine, nostram eudiometricam omnino fugiat explorationem, ita ut haec duo gasa ubivis in eadem adsint ratione necesse sit. Haec constantia ratione gasis carbonici non ita locum habere potest; gravitate enim specifica satis differt a reliquis, ita ut ad eam oxygenii sit ut 1,51 ad 1; praeterea quantitas huius gasa tam exigua est et varia, ut omnes hae causae satis illam proportionis differentiam producere queant. Omnino hoc etiam ad vaporem aquae debere applicari, cuique satis patebit." Cf. *Aanmerkingen* etc. bl. 21.

(198) I. R. REYFENS *Commentatio de gasibus* in *Annal. Academ. Lovan.* 1820—1821. pag. 58. — MEISSNER, *Handb. der Chemie* B. II. S. 347, Wien 1820.

LII aliorumque, omnino fixa inter principia coniungenda pollent proportione (199).

2) Oxydum azoti, ut adfert BERZELIUS (200), in aëris detrimentum in acidum commutatur nitrosum; ita oxydum altioris gradus et maiore oxygenii copia saturatum minorem oxydationis gradum eiusdem baseos sine aliquis corporis auxilio reducere posset, cuius rei nullum profiat exemplum.

§ 29.

*Observationum, magis directe ipsum vaporis in aëre flatum
chemicum respicientium, diiudicatio.*

1°. Inter argumenta praeterea, pro chemica vaporis in aëre constitutione, affertur a variis (201) ipsius pelluciditas; quod vero antea in genere de ea dixi (pag. 74), hic etiam applicari potest. Idem dicendum de sequente obiectione § 19 iam refutata: quod mechanica si esset compositio, secundum pondus specificum partes se separare deberent (202). Facile autem concepitur, si tale quid in miscela quadam, vasi inclusa, non obtineat, multo minus in atmosphaera, massa semper agitata, locum habere posse.

2°. Vaporum sublatio calórico, subitaneus ortus et condensatio frigore (203). Calore enim affinitatem incitari, frigore infringi, aërem calidum itaque maiorem vaporis quantitatem, quam frigidum, solvere posse affirmant. At (quod ZYLIUS iam ipse (204) contra DE SAUSSURIUM adduxit) hic confunduntur

(199) Vid. *Anmerkungen* etc. bl. 17.

(200) Vid. O. C. B. I. S. 256. Cf. MULDER O. C. Ged. II, bl. 7.

(201) Vid. DE SAUSSURE O. C. § 191. LE ROY, MONGE, HUBE, DRIESSEN *Konst. en Letterbode* 1803.

(202) Hanc obiectionem moverunt, quod ad aërem MONGE, HUBE, DE SAUSSURE (O. C. § 191.) et ZYLIUS (Comm. cit. S. 103). Priorum tamen adfertio hic nihil valet, cum aquam ipso statu liquido ab atmosphaera solvi velint, quod omni caret probabilitate, hinc vero est adsumitur, aquam propter maius suum pondus specificum debere praecipitari. Alii (DE SAUSSURE et ZYLIUS) magis levitatem vaporis aquae agnoscetes, illi superiora adducunt loca, quod cum experientia non convenit.

(203) Vid. DE SAUSSURE O. C. § 191.

(204) Vid. Comment. cit. S. 98.

vapores condensati et elastici. Omnino vapores condensati calórico evanescent, i. e. expanduntur, invisibiles fiunt; eadem enim phaenomena videmus in semivacuo. Idem dicendum, vice versa, de refrigerationis vi in vapores elasticos: affinitas hic incongrue, ut tertia vis, adducitur. Phaenomeni comparisonem cum salium solutione non procedere, iam antea notavi (not., 163). Assertio praeterea, calorem solutioni aquae in aëre admodum favere, contra multa phaenomena et contra ipsam aëriiformium pugnat corporum naturam. Frigore enim talia corpora condensata cum aliis coniunguntur; at calore elasticitas magis augetur, ita ut adtractiva vis quaecunque vincatur et perdatur: calore fere omnes decompositiones facilius progrediuntur. In regionibus calidioribus evaporatio non ideo uberior est, quia isto maiore calore atmosphaerae vis dissolvens augetur, at quia revera maior aquae copia ita in statum elasticum expandi potest. Sic etiam in vacuo evaporatio, non solum pro impedimento sublato, quod atmosphaera praebat, sed praesertim pro ratione temperaturae procedit; ita ut per temperaturam quantitas vaporis, per vacuum celeritas, qua phaenomenon obtinet, determinetur; ergo non aliud hoc demonstrat, nisi quod caloricum sit menstruum solvens (205).

3°. Siccitas aëris hygrometrica paulo ante ortum nubium et pluviae (206). — Observatio haec imprimis probata est a DE SAUSSURE et DE LUC (207). DE SAUSSURE enim in plaga quadam coeli, cum in monte esset, hic et illic nubes oriri et denuo evanescere vidit, dum hygrometer non convenientem aëris humidam conditionem denotabat. Inter huiusmodi phaenomena, quae DE LUC affert, praecipue illud memorandum, quod observavit in descensu montis BURT, in quo, ad temperaturam $+ 6^{\circ}$ R. et hygrometri indicationem 66,5, nubes densissimae circa eum oriebantur et eum descendere cogeant; paulo post etiam per totum montem et horizontem accumulabantur, ita ut tempestas vehemens exurgeret et pluviae continuae per omnem noctem et ad meridiem sequentis diei adessent. Hygrometrum tempore a pluviis

(205) Vid. MULDER O. C. D. II. bl. 26.

(206) Vid. ZYLIVS Comment. Clt. S. 103.

(207) Vid. DE SAUSSURE O. C. § 218. DE LUC *Idem über Meteorologie* S. 8 et 23, et *Recherches sur les Modifications de l'Atmosphère*, T. II, p. 194; etiam BURT, *über die Verdunst.* S. 264.

libero, observatum pristinum notabat siccitatis gradum. Interea pluvia et nubes eum concomitabantur in descensu usque ad montis pedem, ubi denuo hygrometro inspecto patuit, illud (licet calor nunc 24° R. (10° depressior, quam ante duas dies) terraeque ab omni parte aqua imbuta esset) modo $1^{\circ},7$ maiorem humiditatem notare, quam antea, post coelum serenum et ad temperaturam 24° R. — DE SAUSSURE tale phaenomenon, ut praecipitationem aquae ex aëre, secundum theoriam chemicam considerat; DE LUC vero contra ipsam hanc dissolutionis theoriam adduxit, imo tanti habuit momenti et adeo singulare hoc phaenomenon; ut illo conductus theoriam novam dein extruxerit, aquam scilicet evaporatam in ipsum mutari aërem et vice versa aërem in aquam transire; in auxilium praeterea vocans fluidum quoddam subtilissimum aethereum ad phaenomena ulterius explicanda. Haec theoria, ut notum, a veritate omnino aliena videtur; reverto itaque ad opinionem ZYLII, qui observationes allatas tantopere pro chemica theoria pugnare, imo nullo alio modo explicari posse affirmat. De hac re tamen dubitare perquam licet; hygrometrorum enim indicationi totum nititur ipsius argumentum, quod quam debile sit, cuivis satis patebit, si consideret, plurima hygrometra, saltem illa, quibus DE SAUSSURE et DE LUC uti sunt, solum fere ab ipsa aqua, in atmosphaera minutissime divisa, neque ita a vapore aquae elastico affici, ut infra ostendam; ad quod si attendatur, non adeo singularis haberi potest magna apparens siccitas atmosphaerae, licet insignis copia vaporis elastici in illa adsit, nec explicatu multis in casibus adeo difficile sit, quomodo ex tali aëre inopinato, refrigeratione aliave ratione, nubes pluviaeque possint oriri; quae restant obscura in huiusmodi naturae operationibus insignibus, nostrae cognitioni his minime adaequatae et limitatae observandi rationi tribui debent; nec ullum hic adminiculum affert chemica vaporis in aëre solutio et decompositio, frustra enim quaeremus chemicas tales causas et vires, quae postulatur ad unionem talem efficiendam aut diffringendam, unde dicta producuntur phaenomena.

*Accedunt quaedam argumenta pro mechanica pugnantis
constitutione aëris et vaporis.*

Pugnant adhuc denique sequentia argumenta pro mechanica partium atmosphaerae constitutione.

1°. Atmosphaera ostendit proprietates medias singularium partium contentarum, ut in omni mechanica miscela locum habet; praeterea in harum commixtione nulla calorigi vel frigoris adparent signa.

2°. Monet DALTON (208): difficile imo vix comprehendi posse, quomodo duae particulae elementares, duo atomi, qui identidem sese repellunt, tamen cohaesione vel chemica affinitate secum unitae manere possint.

3°. In coniunctione chemica gasis oxygenii cum aliis corporibus ipsius caloris producti copia solummodo in ratione est huius gasis, nequaquam azoti; unde etiam caloris ita ex puro oxygenio producti quantitas eadem est, ac ex isto gaso cum azoto commixto.

4°. Quomodo se habet vapor aquae ebullitione productus, qui, ut chemici volunt, cum aëre non chemice se coniungit, post refrigerationem in ipso aëre? An tunc solvitur? Quare vero non ille vapor unionem init, cum ab alio vapore modo calorigi portione maiore differat et aëris solubilitas cum temperatura accrescere affirmetur? Praeterea ipse ille vapor chemicus ad 100° C. calefactus an ex aëre praecipitatur, cum iam purus et phycus fiat vapor?

5°. Si ipse aër est miscela, ut summa cum probabilitate statuendum, quomodo, quaeso, talis vaporum cum eius principis coniunctio chemica locum habere possit; an cum alterutro, an cum singulari talem ineat unionem? Clar. FARROR quidem opinatus est vaporem aquae modo ab oxygenio solvi; satis tamen haec hypothesis est refutata, quin hic ulterius nos moretur.

(208) Vid. GILB. *Annal.* XXI, 383.

P A R S III.

METEORORUM AQUOSORUM SECUNDUM THEORIAM
MECHANICAM CONSIDERATIO.

C A P U T I.

De aquae vaporis in atmosphaera adscensu et statu.

§ 31.

De aëre sicco.

Quae in praecedentibus tractavi, praesertim vaporem seu gas aquae evaporatione formatum et per aërem se diffundentem spectabant; prosequar nunc vaporis aquosi phaenomena, latiori sensu in magno atmosphaerae laboratorio praeceuntia. Evaporatio continuo procedit; novimus enim quamque temperaturam, five aestatis, five hyemis, eam promoveri; nec mirum, cum etiam aqua ad congelationis punctum et infra illud polleat nisu se expandendi; imo omnis temperatura, quantumvis infra 0° , quam arte producere possemus, multo superior videtur ea, in qua omnis calorigi defectus adeslet. Ad hoc si attendamus, facile perspicitur, ingentem esse horum vaporum quantitatem per spatium aëreum emissam, cum tot sint fontes, qui horum dispersioni uberrimam praebent occasionem, unde ad illam opinionem facile duceremur, atmosphaeram semper tot imo pluribus vaporibus impleri, quot et quam sub data temperatura continere queat ideoque fere semper et ubique aërem humidum offendi debere; at contrarium saepius observatur. Si autem accuratus de atmosphaerae statu siccis et humi-

do notiones habere velimus, ad varias attendamus res necesse est; ante omnia habenda est ratio ipsius aquae vaporis, tum respiciendum ad varias circumstantias, quae illum moderantur et sic aërem nunc siccum nunc humidum reddere valent.

Vapor ea tensione praeditus, quae temperaturae respondet, gase omnino similis est similesque itaque proprietates prae se fert, ita ut non humidam offerat qualitatem et permaneat, nisi variae accedant conditiones, quae in genere vel condensando vel refrigerando in eum agere possunt. Quanta iam esse possit quantitas aquae, sic evaporatae in temperatura constanti, antequam ullas humiditatis praebeat notas, facile est conceptu, si immensum spectemus spatium, quod occupare possit. Hinc aestatis diebus ut et hyemis, quando per lat longum tempus ipsa temperatura constans manet, neque aliae conditiones obstant, aërem admodum serenum et siccum, uti dicitur, invenimus, licet saepe magna quantitas vaporum in eo assumpta sit. Certiores hac de re evadimus, quando levissima tunc saepe causa, temperaturae diminutione exigua etc. pluviae aliaeque meteora aquosa oriuntur.

Cum vero ipsa temperatura tantam in vaporum conditionem exerceat vim, non mirum, etiam tantam in illis observari inconstantiam; unum alterumve consideremus. Ponamus temperaturam calidissimam, qualem aestus aestivalis nobis praebet, cum nulli venti spirant, imo in omni atmosphaera omnique natura, quies et languor insignis observatur. Evaporationis processus quidem magna vi procedit et indefinenter ingens vaporum copia emittitur; ob quietem tamen atmosphaera non tanta, quam quidem censeremus, vaporum copia oneratur, quia horum diffusio lente procedit et magis in imis atmosphaerae locis aggregatio fit; quare, ut experientia affirmat, non eam offendimus aëris siccitatem et ariditatem, quam eo tempore, quando venti satis fortes spirant: tunc nempe identidem vapores iam formati exsurgunt et ad altiores vel minus impletas aëris plagas pelluntur; tunc ista locum habet omnium corporum insignis exsiccatio, ita ut aqua quasi vi ex iis extrudi videatur et aestus ipse sic increseat, quoniam, evaporationis actione tandem sufflaminata, ob aquae penuriam, refrigeratio inde oriunda quoque cessare debeat.

Ponamus hyemem gelu acerbis notatam; tunc valde siccum invenimus aërem, cum, quia revera minorem vaporum continet quantitatem, tum id eo, quia vapores aborti in constanti temperatura, licet inferiori, tamen fix-

am retinent conditionem et evaporatio in genere admodum est lenta. Omnis enim aqua, qua corpora sunt imbuta, solidam accipit formam; quo facto vapor per omne aëreum se dispergit spatium, cui saepe venti suam ferunt opem, et ille tandem uboritur effectus, ut aër revera absolute parvam vaporum conservet copiam. Iam, etiam ipsa glaciei tensio, cum illa vaporum in atmosphaera adeo sit debilis, agere potest, ita ut glacies omnino in vapores dispergatur; in genere enim vidimus, vapores tunc demum formari, si tensio in corpore, ex quo formantur, maior sit tensione vaporum in aëre praesentium, sive propter temperaturae differentiam, sive propter spatium vaporibus non saturatum; quam ob causam potissimum durante multo calore et frigore atmosphaeraeque commotione aër admodum siccus evadere, et simul magna vaporum copia exfargere potest, cum diffusi ipsa per omnem atmosphaeram adeo facilis sit et huius ambitus ratione liquidi evaporandi omnino amplius dici debeat. Siccus vulgo ille aër dicitur, in quo vapores aquae omnem suam elasticitatem conservant, licet etiam tota atmosphaera iis fere sit impleta, id est, si ea quantitate adsint, quae illorum tensioni et spatio occupando respondeat.

§ 32.

De aëre humido.

Casus tamen, quos addaxi, certe inter rariores ponendi sunt. In eo enim vivimus climate tot tantisque temperaturae et atmosphaerae vicissitudinibus obnoxio, ut vix ille status quietis adesse possit, quam in artificiali et spatio determinata evaporatione, v. g. sub campana, producere licet. Quam utilis sit talis continua permutatio, quisque potest persentire, quum gravans aestus tempore aestivali nos premat, et nullus fere ventorum status inertem commoveat atmosphaeram. Hinc praesertim morbi varii suam trahunt originem, cum omnium rerum effluvia in aëris sinu abscondantur ibique frequenter germina fiant morborum, imprimis epidemicorum, perniciofa, quae non nisi motu aëris corriguntur.

Vaporum itaque ad quandam altitudinem adscenforum ulteriori dispersio- ni obicem ponit intensius, quod in superioribus atmosphaerae plagis observatur, frigus; favet tamen minor aëris densitas. In genere dicere licet, vapo-

rem elasticum non amplius persistere posse, cum ratione tensionis nimia copia addit, sive ipsius tensionis diminutione; absolute vero quantitatis vaporum augmento; illa e temperatura atmosphaerae suam originem trahit et fere semper locum habet, hocce vero rarius. Hinc admodum diversa in diversis altitudinibus vaporis in dato spatio quantitas observatur. Inter causas, quas porro ipsam temperaturam tam variam reddere possunt, praesertim nominari debent variae atmosphaerae commotiones aut venti, quae imprimis etiam pertinent continuus stratorum calidiorum adscensus et frigidiorum descensus. Hinc observator in superficie telluris non nisi aëri telluri propinqui statum aquosum determinare valet, dum indicium de regionibus altioribus semper anceps erit. Neque haec determinatio alia quam media haberi potest, cum media loci temperatura congruens. Sic *Gel. von Humboldt* medium atmosphaerae sub aequatore humiditatis gradum maiorem, quam in nostris regionibus borealibus, invenit; de qua humiditatis determinatione mox plura.

Quod si igitur qualemcumque ob causam vaporum tensio diminuatur et spatium maiorem, quam capere potest, accipiat vaporum copiam, ex elastico in liquidum sensim transeunt statum. Tale phaenomenon si in quadam aëris plaga locum habeat, verus humor aut aqua manifeste producitur et tum dicitur aër esse humidus. Saepe tamen tunc non maior vaporum quantitas adest in spatio dato, quam si talis humidus status non ita observatur; illa enim humiditas semper manet relativa, secundum temperaturam moderata, ita ut semper ad huius conditionem attendi debeat, ut iuste concludamus ad maiorem vaporis in aëre copiam. Sponte patet, condensationem eo facilius procedere temperaturae diminutione, quo magis vapore imbutus sit aër, cum, hoc non locum habente, quaedam temperaturae variatio adduci queat sine insequente vaporis praecipitatione. Considerari potest talis vaporum viscositas tanquam destillationi analogat aqua in superficie telluris evaporata transit per diversa aëria strata, donec tandem in uno alterove condensatio locum habeat et denique in terram variis sub formis aqua descendat; de novo nunc vaporum in terra ortui ansa datur, verba vapor continue per atmosphaeram destillat.

De adfensu vaporum et loco condensationis.

Quaeritur, ad quae loca adfendant vapores ac ubi condensatio imprimis accidat? Observationes in genere probare videntur atmosphaerae conditionem humidam, nulla etiam temperaturae ratione habita, decrescere incremente ipsius altitudines. Illic enim probant observationes, quas DE LUC fecit in montium adfensu (209), DE LAUVES AC IN AÉROSTATICO ITINERE SECUNDO (210), ET IMPRIMIS ILLAE, quae per 15 menses cum hygrometro *Genevae* sitas et in hospitio monast. *St. Bernhardi* ad altitudinis differentiam 5075¹ institutae sunt; ex quibus patuit absolutam et relativam humiditatem in locis altioribus minorem fieri; illam humiditatis differentiam maiorem esse mane quam meridie, ut et maiorem hyeme quam aestate; illud tamen non adeo esse determinatum, quia aliquoties varietur ordo phaenomenorum, facile comprehenditur (211). Accedit haec effectus frigidioris temperiei in altioribus plagis, ita ut satis tuto statueri possimus quantitatem vaporum imprimis supra plagam, quae refrigeratione coeli insigni in genere condensatio vaporum locum habet, diminui debere. DE LAUVES AC etiam expertus est, supra illud praecipue punctum varias organicas substantias insigni illa siccitatis gradu pluti ignis vi torridas fieri, indicio certe evaporationem magnam cum intensitate ibi locum habere. At quomodo (forsan quis rogabit) illa humiditas in locis superioribus diminui potest, nonne potius concludendum est, quod et evaporatione insigni in illis locis observata fundere videtur, vapores ob faciliorem diffusionem ad illas altissimas deveniri debere plagas et per immensum spatium dispergi? Ad hanc quaestionem certe non vilipendendam, ut respondeam, in auxilium vocanda est theoria assumpta aequilibrii fluidorum elasticorum, a LA PLACE exposita et ad atmosphaeram applicata, unde sequitur, miscelam fluidorum elasticorum libere demissilem, ut atmosphaeram, talem assumpturam esse extensionem, tale volumen, quale huius miscelae vis expansivae specificae cum attrac-

(209) Vid. DE LUC *Recherches* etc. T. IV, p. 118.(210) Vid. *Annal. Chim.* XX. 18.(211) Vid. *Biblioth. Univ.* X, 264.

tione alius corporis, ut telluris, aequilibrio responderet, quam normam itaque etiam ipse vapor, ut miscelae pars, sequi deberet et magna cum probabilitate sequitur; ita ut pro vi repulsiva inter se ipsum et alia gela commixta se cum illis in aequilibrio teneat et densitate aut copia diminuat. Si ita rem consideremus, nulla adest ratio, quare vapores, ut DE SAUSSURE inspicatur, per immensum spatium se diffunderent, imo pro parte nostram derelinquerent tellurem, nisi frigus superiorum regionum atmosphaerae aquam denuo ad tellurem cogeret et teneret (212). Talis aëris illis in locis temperie frigida tamen insigniter iuvat ad colligendas magnas eas aquae quantitates, quibus tellus nostra identidem irrigetur necesse est, quasque alioquin per mains spatium se dispergerent. Ita ratio reddi potest, quare supra illud condensationis punctum aër sicciior quam in stratis inferioribus invenitur, quare aqua ex corporibus tam avide arripiatur; ratione enim spatii, quod impleri debet, aquae copia exigua et diffusio vaporum; propter aërem rariorem facilior est. Ex observatis sequentibus quodammodo certiores reddi possumus de altitudine, ubi vapores condensantur, ac ubi aër humidissimus est censendus. Secundum BIOT et GAY-LUSSAC infimi nubium fines in Europa, imo sub Aequatore, in aestate, ad altitudinem 1200 metrorum inveniuntur; hanc altitudinem vero in opere assumunt inter 1500—2500 metra. Humiditatem manifestam praeterea aëris augeri invenerant ad altitudinem circiter 3000 metrorum sensimque tunc et satis insigniter decrescere. Ubi nunc nubes incipiunt, punctum vaporum condensationis temperaturae aëris aequale ponendam est, ita ut maxima humiditas inter 2000—3000 metrorum latitudinem in hiecc locis veniret, supra quam sensim sensimque decrescit (213). VON HUMBOLDT sub aequatore infimos nubium fines ad 1169 metrorum altitudinem observavit,

(212) Vid. DE SAUSSURE O. C. § 273.

(213) Cf. SÖLDNER in GILB. *Annal.* XXXII, 210. Sequuntur hic quaedam theses observationibus per longam annorum seriem confirmatas, cumque theoria probe apprimè congruentes.

1°. Evaporatio eo fortior, quo maior temperatura.

2°. Maior est, quum venti spirant ex regionibus borealibus, quam ex meridionalibus.

3°. Copiosior tempore sicco et frigido, quam calido et humido.

4°. Maximus ab hygrometro indicatus siccitatis gradus locum habet mense Aprilis. Vid. L. CORTI *Allgemeine Resultate meiner eigenen dreiszig jährigen und fremder Beobachtungen aus der Meteorologie*, in GREN'S *N. Journ.* III, 419.

cum fines supremi ad 3500 metra adscendere computet. Nubeculae illae parvae, quae in aestate saepius conspiciuntur, altiores adhuc sunt, ita ut hanc altitudinem supra tellurem ad 7000 metra se extenderet. Certe sponte patet, loca, ubi nubes oriuntur et degant, nec in eadem regione posse esse fixa, sed variare secundum temperaturarum variationem, imprimis anni tempora; altior est in aestate, quam in hyeme nubium sedes etc.

§ 54.

De Hygrometria, imprimis de methodo DALTONIS vaporis atmosphaerici tensionem determinandi ut et de hygrometro a DANIELL constructo.

Hisce spectatis iam aptius et tutius iudicium ferre licet de varia ratione, qua aëris sicca et humida conditio determinatur, de sic dicta *Hygrometria* variis modis instituenda. Verum cum huius commentationis limites nimis extenderentur, si omnia diversa hygrometra eorumque agendi modum describerem et illustrarem, qui labor praeterea infructuosus esset, cum plurimis in operibus physicis et chemicis aliisque scriptis haec doctrina explanata habetur, breviter modo notabo, quid de praecipuis secundum nostram theoriam sit dicendum, et ulterius methodum DALTONIS et hygrometrum a DANIELL constructum considerabo.

Vulgo dividuntur talia corpora, quibus vaporis atmosphaerici praesentiam et quantitatem detegere licet, in corpora *Hygroskopica* et proprie sic dicta *Hygrometra*. Ad primam classem pertinent praecipue varia corpora salina, ut acidum sulphuricum, alcalina, hydrochloras et nitras calcis aut generatim omnia salia deliquescentia, quae, pondere aucto, aquae ex atmosphaera absorptae praesentiam et quantitatem indicant. Haec corpora vere chemica agere videntur. Alius generis sunt varia instrumenta, praecipue ex organicis substantiis parata, ut e capillis (secundum DE SAUSSURE), ex osse piscium, ebore (secundum DE LUC), e vesicula muris (WILSON); quibus competit qualitas, facillime et avidè humiditatem accipiendi et etiam dimittendi. Magna semper fuit lis inter Physicos, qualis horum corporum esset agendi modus; an chemica hic attractio et coniunctio locum haberet, utrum modo physica seu

mechanica aquae inter fibras organicas absorbtio, tuborum capillarum phaenomenis analoga? Imprimis de celebri hygrometro a DE SAUSSURE invento haec hic test agitata. Varias opiniones hic proferre et diiudicare nimis a via abduceret, quare solum secundum ea, quae huc usque de natura vaporis et ipsius constitutione in aere fuerunt exposita, explicationem probabilem proponam. — Vapor elasticus, ut gasosus et siccas, nullam hamorem cum corporibus communicare valet, nisi illa actionem talem, veluti chemicam, in vaporem exercent, qua vapor statum illum relinquere cogitur, qualis vero vis, saltem conspicua, corporibus, quae DE SAUSSURE aut DE LUC pro hygrometris construendis adhibuerunt, non tribui potest; concludi itaque potest primariam actionem in eo consistere, ut aquam iam vere liquidam tuborum capillarum in modum inter fibrarum interstitia assument illiusque ita praesentiam et copiam indicare valeant, a vapore vero plastico intacta maneat, nisi simul in censum venire debeat ea facultas, exigui attamen effectus, qua talia corpora vaporis tensionem infringere et ita ipsum vaporem in liquidum convertere valeant. De simili variorum corporum actione in tensionem iam ante locutus sum (§ 15); huius phaenomeni theoriā illic expositam simili modo ad hygrometrorum actionem applicari posset. Statuo nempe in hygrometrico phaenomeno duplicem esse distinguendam actionem, scilicet, ab una parte corpus ipsam vaporis tensionem (dubium an attractione chemica, utrum physica) et aquam ita exortam retinere nititur: ab altera vis repulsiva calorigi liquidum in iis contentum dissipare tentat, ita ut continua inter has potentias adsit oscillatio, cuius tandem effectus post utriusque vis compensationem est *aequilibrium* sic dictum *hygrometricum*. Si spatium quoddam, quo corpus hygrometricum adest, nullos vel paucos pro hoc spatio contineat vapores, tensio maxime est intensa vel exsuperat ipsam corporis actionem in vaporem, quo fit ut pars aquae corpori adhaerentis statum assumat elasticum, quod tandiu procedit, donec tensio sensim decrescens actione corporis denuo incrementi aequilibris fit, sive utriusque actionis aequilibrium producat. Hoc in statu vis tertia, ut temperaturae mutatio illud aequilibrium turbare potest, si illa enim maior fiat, tensio rursus prevalet et nova aquae ex corpore evaporatio observatur, sin vero minor evadat, affinitas corporis solidi exsuperat et denuo quaedam vaporis pars condensatur et absorbetur. Per *aequilibrium* itaque tale *mobile* inter affinitatem

corporum pro aqua et vim expansivam caloricam in ipsam aquam pro parte hygrometricis moderatur effectus (214). Hanc vero actionem hygrometricam hic proposui, quatenus magis spatium aëreum spectat determinatum, in ipsa atmosphaera non adeo valere potest, cum effectum hic vix manifestum praebet; imo quam ambigua et incerta praeterea in genere horum instrumentorum indicatio esse debeat, iam statim patet, si attendatur ad varias circumstantias fortuitas hic obvias. Semper enim ratio habenda est corporum hygroscopicorum, quanam scilicet pollent, cum in usum trahantur, humiditate et temperatura. Nam quum ipsa tensio aquae his adhaerentis semper aequilibrium efficere nititur cum ipsa tensione vaporis, qui exponuntur, sequi debet, ut, aequae ac ab his aqua ex aëre attrahitur, etiam illa, quam continent, in vapores dispergi possit et sic ob causam omnino contrariam, siccitatis nota adderetur; temperaturam multum effigere non docet vaporum proprietas, qua, si corporum temperatura inferior est illa medii ambientis, revere condensantur et praecipitantur. Sin vero illae difficultates etiam dimoveri possent, utique tamen sequentibus laborant vitiis:

1°. Semper modo relativum ac non absolutum aëris hygrometricum indicant statum; nam temperaturae semper ratio est habenda. De SAUSSURE iam hunc in finem insigni cum diligentia talem relationem inter temperaturam et hygrometri sui indicationes pro quovis gradu determinare tentavit, quo labore certe multum istud instrumentum acquisivit valoris; propter experimentorum tamen nimiam subtilitatem et eo tempore nondum tam perfectam vaporis aquae proprietatum cognitionem, hae computationes non admodum accurate esse potuerunt. GAY-LUSSAC egregium attulit auxilium tabula, construenda, in qua gradus hygrometri DE SAUSSURE cum convenientibus aquae vaporis tensionibus indicantur (215).

2°. Quaeritur, an quidem dilatationes et contractiones talium corporum organicorum cum temperaturae gradibus uniformem servant rationem?

(214) Vid. R. G. FISCHER, *Physique Mécanique*, 1823, ed. 4. p. 144 seqq.


(215) Haec tabula occurrit in Biot. *Traité etc.* T. I. p. 532. Ex his patet utilitas insignis, quam accurata tensionum tabula nobis praebere potest; haec enim exhibet vinculum inter omnes observationes et quaestiones, et auxilium, quo omnia fere problema in hygrometria et gaseometria solvi possunt.

3°. Aliud vitium et fere omnium dictorum hygrometrorum est, ea esse naturae organicae, quare quidem sensibilia sunt, at cum quodcunque corpus organicum, eius vi vitali destructa, facile chemiae mutetur, quando humiditati et aëri exponitur, haec corpora ita etiam in tempus suas proprietates amittant materiales, ut vim attractivam etc. necesse est.

Videamus iam methodum DALTONIS, antea expositam (§ 8.), ad aquae quantitatem in aëre obviam inveniendam et hoc fundamento nitentem, ut, elasticitate vaporis cognita, etiam quantitas determinari possit, pro data temperatura (216). Certe, si illa cum facilitate et fiducia posset institui, nobis accuratam absolutae aquae aëreae copiae mensuram praeberet et verae hygrometrie nomen sibi competeret. Ex experimentis vero postea institutis a Cl. **BERNARD** ad hanc methodum probandam, non illa, quam ipse sibi constituerat, patuit utilitas, ita ut ob peculiaris fere non invenienda obiacula, huius methodi praxis difficulter in usum trahi posset. Invenit enim, pro temperatura constante, tam aëris quam aquae, et loco eodem, pluribus institutis observationibus, quantitatem aquae evaporatae satis evidenter variare, cum alio tempore satis bene conveniret, cuius unicam causam agnoscebat aëris mobilitatem, de cuius aëris adeo varie agitati effecta nulla computatio institui et difficulter huic vitio medelam afferre posset (217). Nescio an recentius de hac re experimenta sint instituta, sed nuper DALTONIS vestigia secutus et eius experimentis nifus Cl. DANIELL hygrometrum construxit, cuius ope vis elastica hinc et pondus vaporis et intensitas evaporationis indagari possunt. Figura adiecta instrumentum, quo usus est, denotat: ex duobus globis vitreis B et C $1\frac{1}{2}$ pollicis diametri, tubo E connectis, praesertim constat; globus B et tubus E continent una thermometer; iste globus B ad $\frac{2}{3}$ partes aethere impletus est, qui in ebullitionem redigitur: quo facto, vapor

(216) Eadem fere ratione iam suo tempore **LE ROY** vapores atmosphaericos demonstravit; nominavit autem illum caloris gradum, quo vapores condensantur *gradum saturationis* (Vid. eius Comment. in *Mémoir. de l'Académie des Sciences* 1751. p. 490 seq.). Videtur DALTONIS operandi modus ex hac et illa de SAUSSURE constare; ut **LE ROY** enim ex condensationis puncto, sic de SAUSSURE ex evaporationis quantitate ad aëris statum humidum concludebat; ponderabat enim pannum madefactum, ut ex amisso pondere evaporationis vim cognosceret.

(217) Vid. *Phil. Anal.* XXXX, 411.



exortus per aperturam F in globo C exit; aëre sic omnino expulso, globus hermetice clauditur in F. Praeterea designant GH fulcrum, K L aliud thermometer. Tali modo adhibetur: postquam manus calore omnis aether ex globo C fit propulsus, quaedam guttulae aetheris in globum C, gossypio vel panno tectum, inspergantur. Evaporatione insequente frigus oritur, quo condensatio cita vaporis aetheris et nova evaporatione in globo B efficitur, unde iterum frigus, ther-

mometro notandum, producitur; quae omnia simul fere locum habent. Hoc frigore vapor atmosphaericus condensatur in globum B et gradus, quo illud fit, exacte notatur. — Si nunc solummodo inquiratur in differentiam, quae obtinet inter *temperaturam constituentem* vaporis, ut Auctor nominat punctum, quo vapor condensatur, et illam aëris, tensio habetur vaporis in aëre, quae nempe est inversa ratione huius differentiae. Auctor porro tabulam construxit, quae tensionem vaporis secundum DALTONEM, pondus pedis cubici vaporis et gradum expansionis indicat pro his differentiis et temperatura aëris, ut sit vaporum vis elastica et pondus, imo evaporationis vis et quantitas, si in tabula DALTONIS evaporationis intensitas tensioni respondens quaeratur, inveniri possit (218).

Methodus illa dexteritate necessaria instituta certe applicationem perutilem praebere potest et iam revera hic et illic cum fructu in usum vocatur. Recen-

(218) Vid. *Biblioth. Univers.* T. XIII. p. 161.

tius hoc instrumentum Cl. MOLL et VAN BEEK adhibuerunt pro experimentis de soni celeritate (219).

Secundum experimenta DE SAUSSURII decimetrum cubicum aëris, aqua ad temperaturam 19° C impletum, non nisi 19 millegrammata huius liquidi contineret, quod cum experimentis DALTONIS satis bene congruit, quatenus supponi possit, aërem ante hoc experimentum non omni orbatum fuisse humore; ad quod si attendamus, magis cum DALTONIS computatione congruam præbebit quantitatem (220). Quantitas vero vaporis, ut facile intelligitur, in atmosphaera admodum variat. In zona torrida aequalis esset, DALTONI teste, 15—25^{mm} mercurii, in Anglia raro adscenderet ad 15^{mm} et in aestate saepe cum 12^{mm},5 conveniret, dum in hyeme infra 2^{mm},5 descenderet. Si, quod probabile, densitas et elasticitas vaporum eadem sequatur leges ac gase, concludere possumus, ipsam vaporis absolutam quantitatem variare secundum eundem Auctorem, a 0,0166 ad 0,0033 partem atmosphaerae, vel accuratius quantitatem mediam omnis vaporis aquae in nostris regionibus 0,0142 partem circiter voluminis atmosphaerae aequare (221).

§ 35.

De nebulis et nubibus.

Nebulae et nubes in genere eandem originem ducunt, a similibus causis, vapores elasticos condensantibus. Ita, si in loco quodam atmosphaerae

(219) Vid. *Verh. van het Koninklijk Instituut* etc. I. Kl. VII, bl. 293.

(220) Cl. BIOT in tractatu, obvio in *Bulletin des Sciences de la Société Philomatique*, ventose A^o. 11, p. 189, secundum inventa et theoriā DALTONIS computationem fecit pro experimento DE SAUSSURII, quae dabat 99,3 pro pede cub. aëris ad 15° R, dum DE SAUSSURE 10—11 gran. adsensu statuebat. Ea vero computatio nititur determinatione tensionis vaporis a DE SAUSSURE allatae, scilicet circiter 6 lin. ad temperaturam 15° R., cum secundum tabulam tensionum DALTONIS vapor ad 15° R vi elastica polleat aequali 71,116, unde summa maior fiat et ad 125,28 adscendat. Cf. GILB. *Annal.* XV, 51 (nota).

(221) Vid. *Phil. Magaz.* XXIII, 353 in THOMSON L. C. T. III, p. 220.

copia vaporum maior adducitur, quam cum spatio pro temperatura data convenit, vel eadem manente vaporum copia, temperatura diminuatur, vapores antea elastici et invisibiles, nunc elasticitatem amittunt et visibiles fiunt. Forma vero, quam sic assumunt, ita est constituta, ut adhuc suspensi in aëre teneantur; concrefcente enim vapore, corpuscula formata tam subtilia sunt, tam minuta, ut sic iam satis facile cum ipso aëre in aequilibrio versari et comparari possint cum variae naturae corpusculis in aëre diffusis, ut pulvisculis, solis radiis cum illustrentur, detegendis. Praesertim vero huius vaporum in aëre suspensorum statui favet forma, sub qua ita concreti veniunt, quae est sphaerularum minutissimarum, vulgo *vesicularum* nomine designatarum, quaeque intermedium statum statit inter vaporem et ipsam aquam. Simpliciter modo iam DE SAUSSURE (292) hasce vesiculas demonstravit in liquidi cuicundam calidi superficie se attollentes et imprimis condensatione vaporis in recipiente vitreo sub antlia pneumatica. Vesiculae illae omnino equiparari posse videntur cum bullulis ex lixivio saponaceo conflatis. Multum defuderunt Physici in illarum magnitudine et natura determinanda; an cavae omnino essent, num fluidae quodam impletas, aëre scilicet atmosphaerico, vel vapore ipso aquae, vel fluido alio subtili, ut electrico etc.? Huius omnis tamen laboris fructus exigui fuerant, quod inde imprimis derivandum est, quia in illis vesiculis tot incognitas detegere voluerunt proprietates et vires, dum simplex assumptio, eas aëre atmosphaerico vel potius vapore aquae esse impletas, satisfaceret phaenomenorum explicationi. Revera tales vesiculae vapore aquae posse formari et esse impletas, testatur illarum formatio in vacuo, dum praeterea in pluribus casibus phaenomena ipsa hoc suadent, ut adscensus nubium etc. Haec theoria, quam imprimis ZYLIVS exposuit, vulgo hodie amplectitur; mox occasio erit illam exponendi et ad meteora applicandi. Similes revera vesiculas etiam DE SAUSSURE in nubibus ipsis conspiciere contigit (293). — Non differunt nebulae a nubibus, nisi quod nebulae ex vesiculis magis condensatis atque ponderosioribus conflatae esse videantur, quae differentia ex locis diversis, in quibus formantur, repeti potest; nebulae in inferioribus ori-

(292) Vid. O. C. S. 233.

(293) Vid. O. C. L. cit.

untur aëris stratis, dum nubes ortum petunt ex vaporibus ad altiores locos adscensis. Hinc phaenomena diversa explicari possunt. Nebulae aëris strata terrae proxima in genere occupantes, minime tantam, quantam nubes, attingunt altitudinem, ita ut tandem in terram praecipitentur vel denique in vaporem convertantur elasticum et ulterius se dispergant, quale in aestate post solis ortum vulgare est phaenomenon. Ad ipsam indolem porro si attendamus harum nebularum, invenimus, quae siccae magis sunt, dum aliae humidam sensibus offerunt conditionem. Humidae illae nebulae iam partim constant ex particulis vel guttulis aquae, ex vapore aquae concretis, ut DE SAUSSURE vocat, et tali in statu illas plerumque in terram delabi videmus. Observandum porro, in nebulis siccis saepe tales alius naturae inveniri vapores, qui odore, colore aliisve notis se palam faciunt, quorumque indolem non ita perspectam habemus, quemadmodum nebulae illius hisce in locis vulgaris et *Veerbrook* dictae.

Ut explicarent Physici, quomodo nubes talem, quem occupant, locum et habitum servare possent, varias excogitarunt hypotheses, et in auxilium imprimis electricitatem vocabant. Semper enim difficile fuit conceptu, quomodo tales massae vesicularum aquearum in adeo insigni altitudine versari et suspensae teneri possint, seu quomodo corpus, quod densitate aërem tali in altitudine millefies ducenties superat, in illo natere queat? Omnino vacuas enim has vesiculas esse assumere non licet. ZYLIVS opinatur (224), illas non tantum ab contentum fluidum aëre levius (vaporem aquae) ab hoc sustineri posse, sed etiam, formato involucri, caloricam et fluidum electricum liberum evadere, quo facto, ista involucria dilatantur et a se invicem separantur, unde iam etiam distenditur contentus vapor et ita vesicularum volumen augetur et pondus specificum diminuitur.

Haec theoria variis niteretur experimentis, praecipue a VOLTA institutis (225), quibus demonstratum esset, vapores electricum ligare fluidum, quod condensatione denovo perditur, tum et illis a nostrate VAN MARUM

(224) Vid. ZYLIVS in Comment. cit. S. 134. Praecipue etiam hanc opinionem fovit Cl. VILKENS (*Redevoeringen* etc. D. I, St. 2. bl. 593) et VAN SWINDEREN, *Disputatio de atmosphaera* etc. p. 78.

(225) Vid. *Journ. de Physique* XXIII, 95.

factis (226), e quibus pateret, fluido electrico gas hydrogenium expandi et globum hoc impletum in aëre elevari (227). A varis illa opinio, evaporatione electricum fluidum oriri, est oppugnata et etiam defensa. Inter alios VAN NARUM illam in dubium vocavit, cum eius tentamina nullum huius materiae influxum indicarent (228); imprimis vero GAY-LUSSAC (229) huic se opposuit et vero contrarium easse probavit, corpora electrica praeberere signa, si status corporum mutetur, et solum originem ducere illud phaenomenon a contactu aut frictione. Putat porro electricitatem, evaporatione et similibus causis exortam, et quidem vitream, statu libero et sensibili in atmosphaera tam per vapores quam aërem ipsum esse diffusam, cum facile se communicet cum corporibus conducentibus, quae in aëre offendit; eadem adesce quantitate in aëre ante et post nubium formationem etc.; quam theoriam imprimis ad nubium procellosarum formationem applicavit, de qua mox. Experimenta vero recentiora rem magis illustrare valebunt. Doct. POUILLET nullam in evaporatione simpliciori electricitatis signum observari, verum in omni separatione duorum corporum chemice coniunctorum, ut in evaporatione solutionum salinarum, aperte electricum fluidum extricari, exposuit; hoc invento nunc applicato ad varias decompositiones, ut vegetationis procesum, et ad evaporationes, ut aquae marinae, imo in genere omnis aquae et liquidi, quae corpora heterogenea secum vehunt, facile sequitur, fore in omni evaporatione, cum aqua omnino pura in natura forsan non detur, electricum fluidum posse oriri, et in atmosphaeram dispergi (230). De illius fluidi itaque praesentia in vaporibus

(226) Vid. *Vervolg. van proefnemingen met TRYLER's elektriseermachiene*, bl. 224.

(227) Contra hanc autem consequentiam, fluido electrico vesiculas expandi, ex experimentis talibus factam semper multum superest dubium. Nonne haec expansio gasis hydrogenii revera a calorico, ex electrico fluido oriundo, est derivanda, aequae ac in experimento ALIBES facta, in quo scilicet hygrometrum ad siccitatis punctum vergebat, quum electricum fluidum per aërem, recipienti inclusum, duceretur? Ipse enim ZYLIVS invenit, hic calorico extricato vaporem expandi et maiorem afferri siccitatem; nam thermometrum adhibitum revera adscendebat (Comment. Cit. S. 146.). FRANKLIN iam calorico scintilla electrica produci notavit in *Exper. et Observ. on Electricity* 5 edit. p. 397.

(228) Vid. *Seconde conte des expériences etc.* p. 190.

(229) Vid. *Lettres de M. GAY-LUSSAC à M. HUMBOLDT sur la formation des nuages orageux* in *Annal. de Chimie et de Phys.* VIII, 158 seqq.

(230) Vid. *Mémoires sur l'électricité des gas et sur une des causes de l'électricité de l'atmosphère*; par M.

nullum remanet dubium, nihilque vetat, quominus fiatnatur, illud denuo vaporum condensatione liberum fieri; quomodo vero vesiculas aquosas inflando et separando in aëre suspensas tenere possit, res est non ita facilis intellectu. GAY-LUSSAC ante aliquot annos nos attentos fecit ad peculiare phaenomenon, quod ad nubium in atmosphaera adscensum et moram explicandam valde idoneum est. De bullulis nempe saponaceis hic sermo est, quas, quam tenuia etiam externa sint involucria, nunquam, si in conclavi formentur, adscendere affirmat, at contra delabi, cum sibi relinquuntur; verum si sub dio et supra fundum calefactum inflentur, ad altitudinem satis notabilem elevari, donec destruantur, ita ut hic flumen aëreum identidem a superficie telluris adscendens bullulas saponaceas secum duceret, quod non in conclavi locum habere potest, cuius temperatura est aequabilis. Si itaque hae bullulae cum vesiculis aquae comparerentur, quas certe levitate illas superabunt, patet, quomodo istae vesiculae adeoque et nubes ad magnam satis altitudinem suspensae manere possint et cum temperaturae variatione adscendant et descendant etc. (231). Sequens est eiusdem Viri opinio de nubibus procellosis, electricitatis principiis citatis superstructa.

Si iam a variis causis, ut temperaturae diminutione, miscela stratorum inaequaliter calefactorum, vel quacunque causa nubes oriatur, electricitas libere ubique dispersa, cum quaeque vesicula idoneus sit conductor, ad harum superficiem strato tenuissimo coërit. Tensio electricitatis non multum intenditur, quamdiu procellosa non fit nubes; quo vero facto, densissima nempe nube et coacervatis vesiculis, tensio electricitatis ab omni parte ad superficiem vergentis maxime exaltatur, ubi est in contactu cum aëre ambiente, electricita-

POUILLET, in *Bulletin des Sciences Mathém. Phys. et Chim.* N°. 10. Oct. 1825, p. 236. Huius rei veritatem, imo in omni actione chemica fluidum produci electricum, unde atmosphaerae electricitas repetenda, denuo recentissime pulcherrimis et ingeniosis experimentis ulterius illustravit et confirmavit. Vid. *Annal. de Chimie et de Phys.* XXXV, p. 401 seqq.; *sur l'électricité des fluides élastiques*, et *sur une des causes de l'électricité de l'atmosphère*, et XXXVI, p. 5 seqq.; *sur l'électricité, qui se développe dans les actions chimiques*, et *sur l'origine de l'électricité de l'atmosphère*.

(231) Vid. *Annal. de Chimie et de Phys.* XXI, 59. Quod ad nubium variam formam et constitutionem pertinet, recentius Doct. L. HOWARD Anglicus novam tradidit theoriam. Vid. *GILB. Annal.* XXI. THOM. FORSTER, *Untersuchung über die Wolken und andere Erscheinungen in der Atmosphäre*, aus dem Eng. 2^{te} Aufl. 1819; ubi theoriae HOWARDI occurrit expositio tabulis, nubium figuras praebentibus, illustrata.

tem liberam isolante. Hoc tamen obfasculo tensione fortissima reposito, longis scintillis, five ab una nube ad alteram, five ad telluris superficiem se explicat. Phaenomena severa conveniunt; procellosae enim nubes semper ad adspectum densissimae sunt, cum etiam ex magna aquae quantitate, quae ex illis decedit, hoc concludi possit; orientur praeterea fere semper in aestate, ubi aer magna vaporum quantitate gravatur et minima temperaturae diminutio nubium ortui ansam praebet facilem (232).

(232) Vid. *Lettres de M. GAY-LUSSAC in Annal. de Chimie et de Phys.* l. c. Ideo potius mihi arridet explicatio a GAY-LUSSAC data praeter illa ZYLII, quia ille electricitatis aggregationem et productionem, ut effectum vaporum condensationis, consideret, aut potius nubium istarum formationem, ut causam, qua electrici fluidi aggregatio facile efficitur. Hanc opinioni forsan opponi posset, phaenomenon ipsum contrarium denotare, cum vulgo ictus fulminis insequantur pluviae, at haec difficultas tollitur, si consideremus, quanta cum celeritate fulminis lux ad nos veniat. Nonne verosimile utrumque phaenomenon fere eodem temporis puncto locum habere, cum, si electricitas ad maximum tensionis gradum sit redacta, etiam nubes densissima sit facta et in pluviam se converti debeat? — Cf. praeterea, quae de his habet A. VAN BEEK, *over damp en Wolkenvorming in Bijdragen tot de Natuurk. wetensch.* D. II. N^o. I, bl. 1 seqq. et H. P. THYSEN, *over de vorming van Mist* in eodem diario D. II. N^o. II. bl. 189 seqq.; ubi similis exponitur theoria.

C. A. P. U. T. I. L.

*De descensu vaporis aquae ex atmosphaera variis
sub formis.*

§ 36.

De rore: Theoria WELLSII.

Roris explicationem illam hodie Physici sequuntur, quam Doct. WELLS experientia duce nobis praebuilt (233). Ostendit nempe WELLS rorem non ex atmosphaera chemice praecipitari nec ex terra aut plantarum qriri effluviis, at praecipitationem fieri vaporis aquae condensati, hand ex generali refrigeratione atmosphaerae derivandam; copia enim maxime variat, pro corporum, in quae delabitur, natura, superficie, situ etc. Iam pridem observatum erat temperaturam corporum, quibus ros affigitur, minorem esse illa aëris ambientis; Doct. WELLS hanc observationem confirmavit et huius corporum refrigerationi deberi rorem, non rori hanc refrigerationem probavit. Corpora etenim multa reperiuntur aëre ambiente frigidiora, in quae ros non praecipitatur, dum alio tempore frigus atmosphaerae praecipitati roris quantitati non respondet, imo corporum refrigerationem veram phaenomeni esse causam ex eo derivavit, quod nunquam ros observatur, nisi corporis temperatura, in quod deponitur, temperatura aëris minor fit. Ad haec si attendatur, apparet phae-

(233) Vid. W. C. WELLS, *An essay on dew* Lond. 1814; in Germanicam linguam translatus a I. C. HORNER, Zurich, 1821. — Vid. porro SCHWEIGG. *Journ.* 1818, XXII, 187. *Annal. de Chimie et de Physique*, V, 183. THOMSON'S *Annal.* 1815. T. V, p. 251.

nomeni supra notati, vaporis scilicet praecipitationis, secundum LEROY et DALTONEM institutae, cum rore convenientia.

Nunc quaestio proponitur, quomodo corpora nocte serena talem subire possent refrigerationem, ut vapores condensarentur? Huic rei ansam praebet omnium corporum proprietas quaque versus caloricum emittendi vel ipsius *calorici radiatio*, qua corporum temperatura diminuitur, nisi debita fiat compensatio. Hinc refrigeratio variat pro corporum situ, superficie etc.; sic a situ pendet, cum ex corporibus vicinis radians caloricum restitui possit; pendet a superficie, magis minusve polita; pro vario enim hoc statu admodum variat corporum radiandi facultas; experimenta iam a Cel. LESQUIER facta probant, illam maximam esse in corporibus, quorum superficies minimum reflectunt caloricum. Quod praeterea corporum natura refrigerationem illam moderatur, exinde intelligitur, quia, quo conductores sunt aptiores, eo facilius corporum vicinorum accipiant temperaturam ac eo difficilius emittunt caloricum; unde lentior itaque refrigeratio. Sic explicari potest, quare in agris; plantis refertis, tanta copia roris praecipitetur, dum in viis praecipue sabulosis adjacentibus contrarium obtineat; quare in metalla polita minor sit roris praecipitatio; difficulter enim caloricum radiant; imo omnia huiusmodi phaenomena, antea electricitati aliisve viribus adscripta, e theoria hac egregia ratione illustrantur. — Eodem modo res se habet cum formatione pruinae siue roris congelati; in eo tantum differt, ut temperatura sit depressior, quae congelationem vaporum praecipitatorum efficere valet (234).

(234) Cl. VAN MONS recentius et aliam proposuit roris explicationem. — Illum non e refrigeratione, propter caloricum e corporibus radiantis amissionem, at ex aëris rarefactione, ex ipsius inspiratione vel attractione siderali derivanda, oriri affirmat. Hac aëris rarefactione frigus excitatur, quod semper rorem concomitatur et aquae praecipitationi originem praebet. Mechanica scilicet rarefactione fluidorum gasiformium capacitas pro calórico illo, quod moleculas inter adest et caloricum spatii vocari posset, augetur; caloricum tale non in ipsis invenitur fluidis vel saltem cum iis non communicari potest, quoniam comprimi se non sinat. Eodem modo vapor aquae non illico refrigerabitur, quum mechanica ratione expanditur, ita ut temperaturam 100 C. conservet, sed tanta vaporis copia, quae calórico dispendium compensare valet, in aquam condensabitur. Hoc caloricum in gasibus et vaporibus latens est, licet ab eo non pendeat corporum status gasiformis. Aëris rarefactio

De pluvia.

Si nunc ob refrigerationem obortam, copiam vaporum, attactum montium, actionem ventorum oppositorum vel resistentiam, quam nubes ipsae ventis praebent, massae vaporum concretorum magis condensatur, vesicularum pondere specifico inerescente, guttulae aquae sensim coeunt (235) — aut, secundum theoriam SYLII, si vis electrica, quae vesiculas alias separatas tenebat, evanescat, quia illa materies ab aliis attrahitur nubibus vel firatis aëreis et aequilibrium illud, quod cum aëre colebant, dirimitur, inferiora versus nituntur, identidem coalescunt particulae aquae et tandem pluviae sub forma in terram decidunt. Quodsi causae intensius et celerius agent, nubes conspicua ratione ab electrico liberetur fluido, procellae et pluviae copiosae oriuntur; quae denique si accendant in regione atmosphaerae satis alta, ubi temperatura infra congelationis est punctum, grando formabitur; unde fit, ut tales procellae saepius grando concomitetur (236). — Nequaquam tamen crederem has solas esse huius phaenomeni causas, sed potius numerum causarum incognitarum longe excedere illum numerum causarum cognitarum. In explicando ortu pluviae in censum omnino venit spatium, quod particulae aquae pervadere

ex inspiratione vel attractione nocturna, quum coelum est serenum, oborta, eundem exserit effectum in vaporem atmosphaericum, quippe qui se non condensans non compensare potest caloricum ex mechanica aëris dilatatione amissum et hoc frigus adhuc intensius esset, nisi ex vapore aquae, in rorem concreto, calor produceretur. Refrigeratione ex rarefactione oborta non semper omnis aqua ex aëre excerni potest, corpus autem requiri videtur, quod electricitatem magis arripiendo quam dimittendo condensationem perficere valeat, dum ex vaporibus electricitatis speciem attrahat. Haec aëris rarefactio, in roris phaenomeno obvia notabili globi manometri declinatione indicatur. Tale aëris affluentis ut et resluentis phaenomenon similis sideralis est effectus, ac aestus maris. Vid. BRANDES, *Archiv*, B. XVI, heft I, S. 96 seqq.

(235) Vid. DE LUC, *Recherches* etc. T. III, p. 277, qui saepius formationem pluviae in montibus observavit.

(236) Vid. SYLIUS, *Comment. Cit.* S. 137.

debent; identidem enim humiditatem in atmosphaerae stratis obviam assumendo, maiores fiunt.

Ex iis, quae iam tradita sunt de vaporum natura, facilius erit responsio ad quaestionem, quare barometri status in genere altior sit, durante coelo sereno, quam nebuloso et pluvioso. In primo enim casu continet atmosphaera maiorem aquae quantitatem sub forma veri vaporis, qui elasticitatem suam cum ista aëris communicat, et una cum illa in mercurium premit; hinc fit, ut tempore aestivo, quando per diem coelum serenum et calidum fuit, identidem barometrum maiorem notet altitudinem. Controversia autem, quae in eo sita est, ut scilicet vaporis additione aëris pondus specificum levius fieret ideoque in genere aër vapore onustus maiorem haberet levitatem sive minus premeret, quam aër vapore orbatus, facile solvitur, quoniam, si de gravitate aëris in tellurem ponderantis sermo sit, omnis atmosphaerae altitudo in censum veniat; unde sequitur, ut revera absoluta aëris massa et elasticitas vapore contento augeantur.

§ 38.

De nive et grandine.

Quando nubes ad temperaturam infra 0° C. formantur et condensantur, particulae aquae in minutissimos aciformes transeunt crystallos, quorum sensim complures sub angulis 60° — 120° , ut in aquae congelatione, sibi apponuntur (237) et ita pulcherrimas referant figuras. Quod praeterea de pluvia valet, pro magna parte nivi etiam applicari potest.

In grandinis origine etiam frigus primaria agnoscenda est causa; licet prorsus aliae etiam circumstantiae hic accedere videantur. Probabiliter ex subitanea guttularum aquearum refrigeratione producitur, cum ex nucleis conflent solidis rotundis et stratis concentricis, minime ex regularibus, uti in nive obser-

(237) Nuper CL. CLARKE invenit, aquam congelantem formare crystallos, quorum forma primitiva est rhomboidea ad angulos $\approx 120^{\circ}$ et 60° . Vid. *Annal. de Chimie* etc. XXI, 155 seqq.

vatur, crystallis; in horum enim delapsu ipsa aqua in aëre obvia se iis identidem affigit, congelatur, ac ita stratis sensim novis formatis ipsorum nucleorum magnitudo augetur.

Ad huius phaenomeni explicationem magnopere etiam Meteorologi fluidi electrici implorarunt efficaciam. Ex illo enim phaenomeno, in procellis, saltem gravibus, vulgo grandinem observari, nonnulli concluderant, fluidum electricum solum ad huius formationem sufficere; alii vero illud non ut causam sed ut effectum habuerunt, quoniam aqua in glaciem transformata multa electrici fluidi copia liberaretur. VOLTA imprimis grandinis originem ex evaporatione aucta in nubibus, per solis radios collustratis, derivavit: illi vapores (sic audit ipsius sententia) ad eam adsurgunt altitudinem, in qua denuo in particulas aqueas condescunt; superficies interea inferior nubis evaporatione in glaciem vertitur; haec corpuscula congelata, sive grando, sive nix, ab ista nube repelluntur, attrahuntur a superiore et vice versa (nubium autem superficies sibi opposita diversa est electrica); ita ut aquam continuo arripiendo illam formam adsumant et tandem electrico nubium fluido in aequilibrium constituto praecipitentur (238).

Talia vero etsi ingeniosa, non nisi hypothetica dici possunt; licet non inficias ire possim, si in ullo, in hoc imprimis hydrometeoro istius fluidi imponderabilis agnoscendam esse potentiam. Grandinem enim revera electricum phaenomenon constituere, a posteriore concludi potest e modo, quo illud avertere possumus. Inter recentiora enim inventa locum occupant instrumenta, quibus variis in locis grandines amovere et diffringere licuit; nituntur autem principio, electricitatem ex atmosphaera et nubibus auferendo procellas grandinosas rariores et minus vehementes fieri (239).

Ex iis, quae vidimus, iam ultro apparet, quid sit sentiendum de sequentibus quaestionibus: Quare grando raro in hyeme conspicitur? In hyeme temperatura stratorum atmosphaerae ad diversas altitudines aequalior quam in aestate esse videtur. Quia autem in stratis superioribus tem-

(238) Vkl. *Ueber den Einfluss der electricität auf die Verdunstung* in *Annal. der Physik* VII, 304.

(239) Vid. de hiis A. VAN BEEK in *Allgemeine Kunst- en Letterbode*, 1815, N°. 25, bl. 394.

peratura maxime constans et semper minor est, quam prope telluris superficiem, sequitur, in hyeme differentiam multo fore minorem, quam in aestate; hinc minus celeri refrigerationi in nubium regione ansa datur ac nubium procellosarum formatio rarior obtinet, quam in aestate. — Quare vulgo per diem modo grando habetur, non ita per noctem? Forsan ob evaporationem et temperaturae in diversis stratis differentiam, die maiorem, quam nocte etc.

§ 59.

Conclusio.

Conclusio nunc, ex omnibus dictis formanda sequentibus continetur.

1°. Evaporatio est phaenomenon liquidis omnibus in genere commune et simplex effectus tensionis, e calorigi, hisce corporibus infiti, vi expansiva derivandae.

2°. Hoc caloricum evaporationis proximam et unicam causam ac normam fistit.

3°. Aquae aut vaporis eadem quantitas semper requirit determinatam calorigi quantitatem, ut statum elasticum assumere et servare possit.

4°. Aëris praesentia tantum phaenomenon moderat, et quidem sua pressione, tanquam mechanico obstaculo, ita ut pro hoc maiori minorive obstaculo evaporatio minus magisque cito procedat.

5°. Hinc ebullitio ab evaporatione vulgari non differt; neque differunt producta. In ebullitione praeter evaporationem superficialem, ut in solita evaporatione, etiam interna locum habet, cum vis elastica aquae tanta sit, ut in aequilibrio sit cum aëris pressione externa.

6°. Vapor per aërem mechanice prorsus diffunditur et propria quidem vi, nulla habita aëris ratione, nisi eius vis elasticae, cum qua propria sua vis elastica in aequilibrio erit, si in dato volumine aequabiliter intermixtae sint vaporis et aëris molecule.


7°. Cum tali vaporis aquae in atmosphaera statu satis bene conveniunt et ex illo explicantur meteora aquosa. —

En Viri Clarissimi! conatus iuveniles, quos ut benevolo accipiat animo etiam atque etiam rogo; finem imponam sequenti NEWTONIS illustris sententia, quae legem exhibet a Physicis omnino observandam quamque in hac materia pertractanda numquam negligere studui:

Si una causa sufficiat ad phaenomenon explicandum, non plures sunt ponendae aut fingendae.

F I N I S.

ORDINIS CONSPECTUS.



INTRODUCTIO. pag. 3.

P A R S I.

EXPERIMENTORUM DALTONIS EXPOSITIO.

C A P U T I.

De vaporibus in vacuo.

- § 1. De expansione fluidorum elasticorum ope caloris. — 9.
- § 2. De vi elastica vaporis aquae. — 10.
- § 3. Summa experimentorum: Tabula et lex vis elasticae vaporis aquae. — 13.
- § 4. Virium elasticarum aliorum vaporum comparatio. — 14.

C A P U T II.

De vaporibus in aëre.

I. De miscela vaporum et gasum.

- § 5. De miscela vaporis aquae et aëris tum aliorum vaporum et gasum: Lex generalis de hac miscela. — 16.
- § 6. GAY-LUSSAC de ea re experimenta. — 18.

II. De evaporatione.

- § 7. De evaporatione aquae ad temperaturas elevatas. — 22.
- § 8. Methodus determinandi aquae vaporis in atmosphaera vim elasticam. — 25.
- § 9. De evaporatione aquae ad temperaturas vulgares: Lex et tabula evaporationis. — 27.
- § 10. Evaporationis aliorum liquidorum comparatio. — 31.

P A R S II.

EXPERIMENTORUM ET THEORIAE DALTONIS DISCUSSIO.

C A P U T I.

De vaporibus in vacuo.

- § 11. De expansione fluidorum elasticorum ope caloris. pag. 35.
 § 12. De vi elastica vaporis aquae. — 37.
 § 13. Tabulae de vi elastica aquae vaporis aliorum Auctorum: Harum comparatio imprimis tabulae Doct. URSE cum ea DALTONIS ut et examen ipsius legis de progressione vis elasticae. . — 39.
 § 14. Comparatio tensionum aliorum liquorum. — 45.
 § 15. Capituli conclusio: Quaedam de actione variorum corporum in liquorum tensionem. — 47.

C A P U T II.

De vaporibus in aëre.

I. De miscela vaporum et gasum.

- § 16. Experimenta variorum Auctorum de miscela vaporis aquae et aëris, tum aliorum vaporum et gasum: Probatum lex generalis a DALTONIS de hac miscela prolata. — 52.
 § 17. Phaenomeni ulterior indagatio: DALTONIS conclusio mechanicam statuentis mixtionem vaporum et gasum. — 54.
 § 18. Obiectio ex persistente vapore in miscela, non obstante pressura ambiente, desumpta: DALTONIS hypothesis de miscela fluidorum elasticorum: Theoria hac de re Cl. LA PLACE; tum et illa Cohesionis, — 58.
 § 19. Obiectio altera e differentia gravitatis specificae vaporum et gasum, ut miscelae obstaculo, et horum intima commixtione (homogenitate), ut coniunctionis chemicae iudicio, desumpta: Refellitur experimentis, imprimis DALTONIS, de gasum diversae gravitatis specificae mutua diffusionem et talis intimae miscelae, a vera coniunctione chemica alienae, consideratione. — 71.
 § 20. Obiectiones varii argumenti ab ipso DALTONIS refutatae: Adnotanda. — 76.

- § 21. Phaenomenorum nonnullorum, quae chemicam conjunctionem suadere videntur, consideratio. pag. 79.
- § 22. Consideratio fluidorum elasticorum chemicam ineuntium conjunctionem. — 84.

II. De Evaporatione.

- § 25. Phaenomeni consideratio secundum DALTONEM: FISCHERI obiectio ex atmosphaerae pressura sumta: DALTONIS hypothesi hic etiam oppugnatur, et reiicitur. — 86.
- § 24. Aër non affinitatis ope in evaporantem agit aquam: FISCHERI argumenti refutatio et Evaporationis ulterior consideratio. — 91.
- § 25. De aëris metus effectu mechanico in ipsam evaporationem: Applicatio huius rei ad varios processus et confirmatio ulterior mechanicae theoriae. — 96.
- § 26. Ebullitionis consideratio: Evaporatio et Vaporisatio non differunt. — 100.

III. Ulterior consideratio argumentorum, quae spectant aquae vaporis statum in atmosphaera. Concluditur, aërem atmosphaericum cum aquae vapore simplicem constituere mixtionem vel mechanicam inter se diffusionem.

- § 27. Variorum argumentorum pro chemica atmosphaerae principiorum coniunctione pugnantium consideratio et refutatio. — 106.
- § 28. Ulterior obiectionum, quae atmosphaeram spectant, enarratio et oppugnatio. — 110.
- § 29. Observationum, magis directe ipsum vaporis in aëre statum chemicum respicientium, diiudicatio. — 115.
- § 30. Accedunt quaedam argumenta pro mechanica pugnantia constitutione aëris et vaporis. — 118.

P A R S III.

METEORORUM AQUOSORUM SECUNDUM THEORIAM
MECHANICAM CONSIDERATIO.

C A P U T I.

De aquae vaporis in atmosphaera adscensu et statu.

§ 31.	De aëre sicco.	pag. 119.
§ 32.	De aëre humido.	— 121.
§ 33.	De adscensu vaporum et loco condensationis.	— 123.
§ 34.	De Hygrometria, imprimis de methodo DALTONIS vaporis atmosphaerici tensionem determinandi ut et de hygrometro a DANIELL constructo.	— 125.
§ 35.	De nebulis et nubibus.	— 130.

C A P U T II.

*De descensu vaporis aquae ex atmosphaera variis
sub formis.*

§ 36.	De rore: Theoria WELSH.	— 136.
§ 37.	De pluvia.	— 138.
§ 38.	De nive et grandine.	— 139.
§ 39.	Conclusio.	— 141.

IANI IACOBI DE GELDER,

H A G A N I,

*PHIL. THEOR. LIT. HUM. CAND. ET MATH. AC PHIL. NAT.
IN ACADEMIA LUGDUNO-BATAVA STUDIOSI,*

C O M M E N T A T I O

A D

QUAESTIONEM MATHEMATICAM

QUAM NOBILISSIMA DISCIPLINARUM MATHE-
MATICARUM ET PHYSICARUM FACULTAS,
IN ACADEMIA GRONINGANA

A^o. CIOIOCCXXIV.

POSUIT:

*Dato plano cuiuscunque positionis et puncto extra planum, deter-
minetur per Formulam generalem locus umbrae purae huius
puncti, proiectae per disci Solis centrum in hoc planum, pro
quavis diei hora et Solis declinatione, neglectis refractionis
et parallaxeos effectibus?*

QUAE PRAEMIUM REPORTAVIT,

die XIII Octobris CIOIOCCXXV.

P R A E F A T I O.

Si Veterum aliquis reviviscens, mihi, qui alienā Orbis Signiferi imagine natus sum, Astrologorum instar, Manilii versiculis:

Mollius e Geminis studium est et mitior aetas: —

Inveniunt et in astra vias, numerisque modisque

Consummant orbem, postque ipsos sidera relinquunt.

religiose obiscieset, solum esse Matheos studium atque ingenium sub uno Geminorum signo natis; et ille dixerit, hanc esse meam audaciam, qua sinistro Numine, in arenam claudus descenderem: ita fere, ne offenderetur eius reli-

gio; meas rationes defendendas esse crederem; scilicet me ingenium quidem magnopere desiderare, verum nec mihi deesse constantem Philosophiae amorem, nec spem aliquam benivolentiae qua Vos V. Cl. iuvenilem laborem existimare soletis. Etenim quamquam ea est ipsius Matheos praestantia, ut praemiis non opus sit, quibus ad illius studium incitemur, quippe cui ea inest delectatio, ut ipsa satis superque se commendet: dici tamen vix potest, quantum ad illud studium alendum, iuveni inprimis animo, valeat honorum spes vel tenuissima. Vobis autem illud persuasum fit, iucundissimi exercitii voluptatem potius, quam temerariam victoriae spem, me antea ad utilissimum laborem incitasse. Hunc igitur meae industriae fructum, licet fortasse non satis integrum, quominus Vobis V. Cl. non tradam, nullae prohibent rationes. Trado itaque, eumque omni observantia vestrae benivolentiae propterea commendo, quoniam probe mihi sum conscius, eam esse huius scriptiunculae indolem, ut tali commendatione quam maxime indigeat. Nunc autem, ne longiori quodam exordio, iudicii vestri integritatem corrumpere velle videar, posteaquam consilii mei rationes reddiderim, rem ipsam pro viribus aggrediar.

Quamquam ea semper iuvenibus opus est modestia, ut se novas res invenire non profiteantur, aut diversam ab aliis viam ingres, propterea se egregie scripsisse non existiment, ipsa tamen Matheos indoles ab iis, qui ad Geometricas quaestiones responsionem parare velint, talem mihi rationem flagitare videtur, qua Doctorum scripta non anxie evolvantur, nec omnis ars, uti saepius fit, in eo consistat, ut auctor mira quadam cura, lectorem celare studeat, quosnam libros, si non descripserit, certe ita memoria exceperit, ut interdum sua oratio cum aliorum oratione quam maxime conveniat. Illa ratione cum alios uti viderem, hanc etiam mihi pro virium tenuitate sequendam esse, ratus sum; atque insuper ipsa propositae quaestionis ratio, me, quominus aliam viam ingrederer, prohibere mihi videbatur. Responsio ad

P R A E F A T I O.

*quaestionem alteram, quam iuvenibus solvendam tradidit Facultas Disciplina-
rum Mathematicarum et Physicarum Nobilissima, si omnia, quae ad eam
referri possint, diligenter attendas; continetur Theoria artis Gnomonicae.
Alios homines me saepius dicentes audire memini (ego etenim nec ausim nec pos-
sim de omnibus iudicare, quippe cui hic vel ille tantum, nec omnes sunt noti)
multos homines et doctos et diligentes spissa de hac arte volumina condidisse.
Facile autem, dum in eo argumento elaborarem, percepi, illud argumentum
dignissimum esse, quod more recentiorum ratione Analytica pertractetur.*

*Planum datum nobis igitur aequatio repraesentet, atque, nimirum si poni-
mus Solis Declinationem, per totum Diem, eandem constanter manere, quae-
remus aequationem, quae conum rectum determinat, oriundum e motu rectae
indefinitae, per centrum Solis et punctum datum ductae. Hac aequatione in
illam substituta, facile exorta erit aequatio alia, seu formula generalis cur-
vae, quam umbra puncti dati in planum projiciet: qua aequatione determina-
ta, ipsae coördinatae eius curvae pro omni Diei Hora definiendae erunt. Se-
quenti ratione me illud optime facere ratus sum. Si lineae Meridiei et Sep-
tentrionis atque Orientis et Occidentis; et denique linea verticalis coördinata-
rum axes ponuntur, primo loco quaeremus aequationem plani dati, atque
rationem, quae est illam positionem inter et Axin Mundi, definiemus (Ca-
pite Primo): qua disputatione iam accurata theoria Horologii Solaris omnis
generis continebitur. Tum altero loco, pro iisdem Coördinatorum axibus, de-
terminanda erit aequatio Coni recti circularis, quem radius luminis, qui Solis
centrum et punctum datum transit, data Solis Declinatione efficit (Capite Secun-
do.) Ultimo denique loco, axibus coördinatorum plani illius dati et Coni recti
ita immutatis, ut, aequatione plani in illam Coni recti substituta, ambas pro-
ferant aequationem aliam curvae, quam curvam umbra puncti dati, data Solis
declinatione, in illud planum designat, ipsas iam coördinatas eius puncti, in*

in quo umbra versatur, pro quacunque Diei hora, determinare conabor; quo facto, omnes quas invenimus, formulas, quaecunque scilicet rationi non tantum, verum usui etiam inserviant, breviter contrahemus, eas exemplo quodam illustraturi (Capite Tertio.)

CAPUT PRIMUM.

*De aequatione Plani dati eiusque positione
ratione Axeos Mundi.*

PARS PRIMA.

De inventione Aequationis Plani dati.

§ 1.

Sit planum tabulae, qua figura delineatur, planum Meridiani, exempli gratia Groningae: fit in eo plano punctum M, *Fig. 1*, five centrum Terrae, five punctum aliud quodcumque, quod non longe ab illa terrae superficie recedit. Namque nulla erit, in problematis solutione, differentia, utrum illud punctum hoc vel alio loco ad terrae superficiem accedat, nec ne: quoniam effectus refractionis et parallaxeos Solis, quarum haec, utpote exigua in umbra puncti dati definienda, nihil valet, ipsa quaestione iubente, penitus sunt negligendi. Ponamus igitur idem illud punctum M, esse punctum datum, cuius umbra, quam Solis lumen in planum datum proicit, aequatione quadam est definienda.

Sit recta ZN linea, secundum quam planum Horizontis (1) fecat planum

(1) Verbosa mihi ante aliquod tempus disputatio orta est cum homine quodam, qui, Philosophos latine scribentes oratione uti, aiebat, quae, licet pura, tamen ad simplicem veteris aevi colorem non accederet; atque multa cum ille dixisset, attulit exempli causa nomen illud *Horizontis*, quo, Latina voce remissa, semper Astronomiae scriptores uti sunt; Citato CICERONIS loco de Divin.

Meridiani, et MZ plaga australis et MN plaga borealis. Repraesentet porro linea VT verticalem et planum WVTO planum verticale, quod, perpendiculariter supra planum Meridiani positum, Horizontem secundum rectam WMO secat et plagam Occidentis in MW, plagamque Orientis in MO determinat.

Planum autem illud datum Horizontem secundum rectam AB secare ponamus, atque ducatur per punctum M in illo plano Horizontis perpendiculara CD in rectam AB eamque in F secans: quo facto angulus AFM = angulo BFM = 90° erit.

Porro ponamus, eum, qui observat, aliquo loco ante illud punctum M Orientem inter et Occidentem adesse, eumque illud planum exinde contemplari; quod planum praeterea ita inclinare ponimus, ut quo altius eo longius, ab eo recedat, igitur ut post perpendicularam SF *inclinat* (2) quod cum fiat, illud planum secabit planum verticale CVD secundum rectam HFI, quae secabit rectam verticalem VT in I. Si igitur, in eo plano verticali, perpendiculara FS ducatur in rectam MD, erit angulus SFH *angulus inclinationis seu propensionis plani* AHB et an-

L. II. c. 44: „Cum enim illi orbes, qui coelum quasi medium dividunt, et adspectum nostrum definiunt, qui a Graecis *ὀρίζοντες* nominantur, a nobis finientes rectissime nominari possunt, varietatem maximam habeant, alique in aliis locis sunt.” Cf. Seneca Quaest. Nat. V. 17. Verum illi Astronomiae scriptores recte fecisse videntur, qui Horizontem non autem *finientem* vel *finiorem* scriberent, quoniam talis Horizon, qualem nos intelligimus, veteribus erat incognitus, qui semper de mutabili illo orbe finiente loquuntur, quem nostrates *Κίμα* nominant: cui rationi et illa accedit, quod eo nomine difficiliter appellari possit linea Horizontalis et planum Horizontale. At nos ne pingui Minerva agamus! ipse scribit Horatius

„Et nova fictaque nuper habebunt verba fidem, si

„Graeco fonte cadant, parce detorta.”

(2) Eorum saepenumero iactantiam mirare soleo, qui Latinam linguam alteram laudant Doctorum vernaculam: eosque propterea miror, quoniam in eiusmodi scriptunculis, quae sunt de recentiorum artibus et doctrinis aut verba saepissime defunt, quibus rerum ideae ipsis veteribus incognitae significantur, aut talis existit oratio, quae plerumque ad rationes dictionis Latinae difficiliter exigatur: ambo non sine levi bonae Latinitatis iactura. Eiusmodi molestiam hoc loco expertus sum, cum verba quidem non adfunt, quae ideam inclinationis illius plani AHB ante vel post lineam SF ita exponant, ut alii diversam hanc plani positionem uno verbo percipiant. Cui dictionis inopiae succurram (praeccepti illius, dabiturque licentia sumta prudenter memor) in sequentibus, planum si ante lineam SF *inclinat*, illud *propendere*, et si *inclinat* post illam lineam SF illud simpliciter *inclinare* dicemus, quamquam ipsi veteres neutro verbo sic usi sunt.

gulus ZGA erit angulus, quem linea; secundum quam planum datum fecat planum Horizontis, cum ipso Meridiani plano constituit.

Iam ponamus datam esse lineam MG atque angulos ZGA et SFH innotuisse: tum eo casu positio plani dati, ratione Meridiani et Horizontis, prorsus erit cognita. Namque si MG sumatur aequalis distantiae datae, et angulus ZGA aequalis dato angulo positionis, et ducatur perpendiculara MD in rectam AB, atque planum VMD transeat verticalem VT et rectam CD: si porro ducatur linea FS perpendiculariter in planum Horizontis, vel perpendicularis in rectam MD, in plano MVD sita: et si denique angulus SFH sit aequalis inclinationi plani dati: solum planum AHB illud erit, quod pro hisce datis possit existere.

§ 2.

In sequentibus angulum $ZGA = a$ *angulum positionis plani dati* dicemus: et quum punctum G esse centrum Horizontis ponimus, angulus ille $ZGA = a$ erit idem ille angulus, quem Astronomi *Azimuth* cuiusdam puncti appellant: quod punctum plano anguli recti SFA est insitum. Hunc angulum ZGA, duce viro celeberrimo DELAMBRE (3), a plaga Meridiei per plagas Occidentis, Septentrionis, Orientis et Meridiei, per totum igitur planum, seu omnem circuli circumferentiam numerabimus: et revera si systema rectarum SF, FH et AB (lineis eandem semper positionem inter se servantibus) circa axem SF inde a Meridie per Occidentem, Septentrionem et Orientem denuo versus Meridiem, circumvolvi ponimus, facile intelligitur, angulum $ZGA = a$ gradatim quantitates 0° usque ad 360° accepturum esse.

Angulum $SFH = i$ in sequentibus *angulum inclinationis plani* dicemus, qui angulus simul ac eodem plano CVD aut CSD, ante perpendicularam SF pervenerit, id est, simul ac fit negativus, erit *angulus propensionis plani*, atque exacte indicabit quousque planum propendat. Numerandus est autem ille angulus, inde a perpendiculara SF, (in ipso plano verticali sita, quod illam perpendicularam et verticalem VT tranfit) post eam versus FD et ante eam versus FC, a 0° usque ad

(3) Videatur Cel. I. B. I. DELAMBRE opus cui titulus est *Méthodes analytiques pour la détermination d'un arc du Méridien*: pag. 61. his verbis: *Nous compterons les azimuths de 0° à 360° , en allant du midi à l'occident.*

90°. Plani inclinatio valore $+i$, verum plani propensio $-i$ indicatur. Distantia inde a puncto G usque ad punctum M, quae est ipsa linea $MG = A$ positive aut negative sumatur, si adsit illud punctum G a parte Septentrionali aut Meridionali alterius puncti M. Pro hac igitur conditione, quae in Figura delineata est, sunt valores α , i et A omnes positivi. Praeterea monendum est, cum hac, tum sequentibus Figuris, lineas MZ, MW et MV nobis esse positivas plagas coördinatorum x , y et z ; et oppositas MN, MO et MT negativas earum plagas.

§ 3.

Aequatio plani dati AHBI erit eius formae (4).

$$\alpha x + \beta y + \gamma z + M = 0 \quad (4)$$

qua aequatione quantitates α , β , γ et M functione quadam angulorum α et i atque distantiae A sunt definiendae. Planum illud datum, uti in Figura delineatur, plagam negativam axeos coördinatorum x in puncto G secat, plagam axeos y positivam in E et plagam axeos z negativam in I.

Punctum autem illud, quo planum AHBI axem coördinatorum x secat, invenimus, si aequatione (4) ponimus $y = 0$ et $z = 0$ esse, quoniam puncto G (quod eiusdem illius plani est punctum) $y = 0$ et $z = 0$ erit: qua Hypothesi aequatio (4) illam accipit formam:

$$\alpha x + M = 0 \quad \text{id est} \quad x = \frac{-M}{\alpha} = MG.$$

Punctum E, quo planum datum ipsam coördinatorum axem y secat, erit cognitum, si aequatione (4) $x = 0$ et $z = 0$ ponimus, quoniam simili ratione, pro hoc plani puncto, revera $x = 0$ et $z = 0$ sunt; huius puncti, aequatio igitur erit

$$\beta y + M = 0 \quad \text{et} \quad y = \frac{-M}{\beta} = EM: \quad \text{quoniam autem, in Figura, recta ME sola est po-}$$

sitiva e ceteris coördinatorum axibus, coefficientis β aequatione (4) negative sumatur.

(4) Vid. Cl. DE GELDER, *Hoogere Meetkunst* Hagae Comitum nuperrime (1824) edita: I Deel. Inleid. § 36. p. 23.

Pofitis denique eadem aequatione (β) $x=0$ et $y=0$, innotefcet punctum I, quo planum datum fecat coördinatorum axem z , cuius puncti haec erit aequatio

$$yz + M = 0 \text{ vel } z = -\frac{M}{y} = MI.$$

$$\text{Cognitae igitur funt: } MG = -\frac{M}{\alpha}, ME = +\frac{M}{\beta} \text{ et } MI = -\frac{M}{\gamma} \quad (\alpha)$$

Sunt autem, uti diximus, MGA seu $MGE = a$ et $MG = A$. In triangulo rectangulo MGE est, (5).

$$ME = MG \times \text{tang. } G = A \times \text{tang. } a$$

In triangulo rectangulo MGF ,

$$MF = MG \times \text{fin. } G = A \times \text{fin. } a$$

Atque in triangulo rectangulo MFI ,

$$MI = MF \times \text{tang. } MFI = MF \times \text{cot. } MIF = MF \times \text{cot. } i = A \text{ fin. } a \text{ cot. } i$$

E superioribus igitur aequationibus (α) inueniemus:

$$-\frac{M}{\alpha} = A, \quad \frac{M}{\beta} = +A \times \text{tang. } a, \text{ et } \frac{M}{\gamma} = -\frac{A \text{ fin. } a}{\text{tang. } i}$$

ex quibus aequationibus continuo aliae fequuntur

$$\alpha = -\frac{M}{A}, \quad \beta = +\frac{M \times \cos. a}{A \times \text{fin. } a} \quad \text{et} \quad \gamma = -\frac{M \times \text{tang. } i}{A \times \text{fin. } a}$$

Aequatio igitur afumta, functionibus quantitatum cognitarum, haec erit:

$$-x \times \frac{M}{A} + y \times \frac{M \times \cos. a}{A \times \text{fin. } a} - z \times \frac{M \times \text{tang. } i}{A \times \text{fin. } a} + M = 0$$

Divifa hac aequatione per M , eaque per $A \times \text{fin. } a$ multiplicata, fignisque deinceps ad unum omnibus converfis, inueniemus:

$$x \text{ fin. } a - y \cos. a + z \text{ tang. } i - A \text{ fin. } a = 0 \quad (A)$$

quae ipfa est dati plani aequatio.

§ 4.

Hac aequatione (\mathcal{A}) valores α , i , et A pro omni quocunque plano, quod dari possit, non variantur, verum x , y et z sunt variables coördinatae pro omnibus eiusmodi plani punctis. Continet haec praeterea aequationes rectarum AB , GI , et EI , secundum quas planum AHB plana coördinatorum xy , xz , et yz lecat, quae transeunt axes coördinatorum ZN , OW et VT , quae linearum aequationes ex aequatione (\mathcal{A}) inveniuntur, singulis $z=0$, $y=0$, et $x=0$ positis: eo enim casu inveniemus, hasce linearum AB , GI et EI aequationes:

$$x \sin. \alpha - y \cos. \alpha - A \sin. \alpha = 0$$

$$x \sin. \alpha + z \tan. i - A \sin. \alpha = 0$$

$$y \cos. \alpha - z \tan. i + A \sin. \alpha = 0.$$

Quarum duae lineae posteriores non sunt in Figura delineatae, sed, rectis indefinitis per puncta G et I atque E et I ductis, indicantur.

Ponamus iam illud planum AHB ita sibi ipsum paralleliter moveri, ut perveniat inde a puncto F in M , angulis ZGA et VIH eandem magnitudinem servantibus: si igitur distantia MF diminuatur, simul MG brevior erit, et facile intelligitur MF et MG simul evanescere atque lineas AB et HI eodem tempore, quo puncta F et G in M pervenerint, ipsum illud punctum M transire. Cum igitur sit eam ob causam $MG=A=0$ et servant anguli α et i constanter eandem magnitudinem, haec pro eo casu erit aequatio (\mathcal{A});

$$x \sin. \alpha - y \cos. \alpha + z \tan. i = 0$$

quae ipsa formula longe etiam alia ratione posset inveniri.

Planum illud AHB , si eisdem conditionibus longius etiam procedere facias, ita ut punctum F perveniat, ab altera parte puncti M , erit etiam punctum G ab altera parte eius puncti, in recta ZM , atque A erit eo casu pro aequatione (\mathcal{A}) negativa, ita ut signum termini immutabilis $-A \sin. \alpha$ huius aequationis ex $-$ in $+$ fit convertendum.

Conservet planum AHB positionem, qua in Figura est delineatum, varia tamen hac lege, ut circa rectam AB ita circumvolvatur, ut perveniat inde a H , usque ad S , V , C et sic porro, iam exinde angulum $SFH=i$ pedetentim diminui apparebit. Cum autem sit ille angulus $SFH=i=0$ planum illud necessario perpendiculariter in Horizontem erit positum: transibit enim eo casu perpendiculariam FS , et erit $\tan. i=0$, Aequationem (\mathcal{A}) omnem terminum $z \tan. i$ propterea amittere unusquisque videt: haec igitur erit pro quocunque plano verticali aequatio:

$$x \sin. a - y \cos. a - A \sin. a = 0. \quad \dots \dots \dots (A_1)$$

Si planum circa AB. circumvolvi perrexerit, angulus SFH ratione perpendicularae SF ita in plano verticali CSHD erit positus, ut sit ante illam perpendicularam. Erunt angulus i et $\text{tang. } i$ negativi, atque aequatione (\mathcal{A}) plani inclinantis positionem definiente, haec erit propendentis plani aequatio;

$$x \sin. a - y \cos. a - z \tan g. i - A \sin. a = 0. \quad . \quad . \quad (A_2)$$

Postquam planum circa AB circumvolveris, fit angulus positivus vel negativus $\text{SFH} = 90^\circ$; quo casu $\text{tang. i} = 0$ erit. Dividatur igitur aequatio (A) per tang. i : erit itaque

$$\frac{x \sin. a}{\tan g. i} - \frac{y \cos. a}{\tan g. i} + z - \frac{A \sin. a}{\tan g. i} = 0$$

Cum autem *sin. a* et *cos. a* nunquam sunt maiores uno, et, numero infinito per numerum infinitae magnitudinis diviso, quotiens evanescet, erit aequatio pro plano Horizontali ZWNO,

$\delta = 0.5$

Horizontali itaque plano, pro dato illo plano sumto, ad punctum illud datum M , utpote extra illud planum situm, attendamus, atque ponamus, pro plano sic disposito, aequationem:

[illegible]

quoniam revera pro omnibus plani eiusmodi punctis $z = -\beta$ erit, qui valor β indicat puncti extra planum fiti distantiam ab eodem illo plano.

§ 5.

Porro planum AHB, angulo SFH eandem magnitudinem servante, circa verticalem SF circumvolvatur, versus Occidentem per Septentrionem Orientem et Meridiem; eo casu facile apparebit, rectam FA, lineis zn et wo paralleliter ad ZN et WO ductis, ipsam hoc motu quadrantes circuli partes zFw , wFn , nFo et oFz percurrere. Si igitur angulus $zFA =$ angulo $ZGA = a$ in prima quadrante versatur, omnia manebunt signa terminorum aequationis (A) eadem, verum haec convertenda erunt pro variis valoribus, quos pedetentim accipient \sin , a et \cos , a , sequenti ratione:

I. Si spectat planum AHB Orientem et spectator ex Oriente versus Occidentem observat, quoniam est eo casu $a=0$, erit eius aequatio:

$$y - z \operatorname{tang.} i = 0.$$

II. Si plani facies est mediis plagis, Orientem inter et Occidentem (quale spectaculum Figura nobis praebet) ipsa aequatio (A) huiusmodi plani aequatio erit: nimirum,

$$x \sin. a - y \cos. a + z \operatorname{tang.} i - A \sin. a = 0.$$

III. Plano Meridiem spectante, erit $a=90^\circ$, $\sin. a=1$ et $\cos. a=0$: aequatio igitur,

$$x + z \operatorname{tang.} i - A = 0.$$

IV. Si planum versatur media plaga intra Meridiem et Occidentem, erit a in quadrante secunda et sinus eius anguli a positiva, at cofinus eius negativa. Hinc eo casu aequatio,

$$x \sin. a + y \cos. a + z \operatorname{tang.} i - A \sin. a = 0.$$

V. Plano in Occidentem obverso, erunt $a=180^\circ$, $\sin. a=0$ et $\cos. a=-1$, atque aequatio

$$y + z \operatorname{tang.} i = 0.$$

VI. Si planum mediis plagis intra Occidentem et Septentrionem positum est, erit a in quadrante tertia, ambae $\sin. a$ et $\cos. a$ erunt negativae et ipsa aequatio haec:

$$x \sin. a - y \cos. a - z \operatorname{tang.} i - A \sin. a = 0.$$

VII. Si planum Septentrionem spectat: est $a=270^\circ$, $\sin. a=-1$, $\cos. a=0$, igitur hinc aequatio orietur

$$x - z \operatorname{tang.} i - A = 0.$$

VIII. Si planum versatur plaga quadam, intra Septentrionem et Orientem, erit a in quadrante quarta, $\sin. a$ erit negativa et $\cos. a$ positiva: igitur aequatio haec:

$$x \sin. a + y \cos. a - z \operatorname{tang.} i - A \sin. a = 0.$$

§ 6.

Haec omnia, ni fallor, probant, formulam illam generalem (A) singulos continere illos casus, de quibus separatim egerunt Gnomonices scriptores, cum

planum aut versus Meridiem esse aut a Meridie versus Occidentem recedere ponerent, aut illud versus Occidentem, Septentrionem et Orientem positum esse, aut illud ab Occidente versus Septentrionem, a Septentrione versus Orientem, et ab Oriente versus Meridiem recedere facerent. Hac formula insuper continentur valores positionis planorum aut inclinantium aut propendentium, five verticalium five horizontalium. Omnia igitur sequenti tabula, iusto ordine comprehendantur.

FORMA SPECIALIS AEQUATIONIS INVENTAE (A) PRO
HISCE CASIBUS SINGULIS.

<i>Spectatore ante planum observante.</i>	<i>Erit haec aequationis forma.</i>	
Ex Oriente	$y - z \text{ tang. } i = 0$	Aa
Orientem inter et Meridiem	$x \text{ fin. } a - y \text{ cos. } a + z \text{ tang. } i - A \text{ fin. } a = 0$	A
e Meridie	$x + z \text{ tang. } i - A = 0$	Ab
Meridiem inter et Occidentem	$x \text{ fin. } a + y \text{ cos. } a + z \text{ tang. } i - A \text{ fin. } a = 0$	Ac
ex Occidente	$y + z \text{ tang. } i = 0$	Ad
Occidentem inter et Septentrionem	$x \text{ fin. } a - y \text{ cos. } a - z \text{ tang. } i - A \text{ fin. } a = 0$	Ae
e Septentrione	$x - z \text{ tang. } i - A = 0$	Af
Septentrionem inter et Orientem	$x \text{ fin. } a + y \text{ cos. } a - z \text{ tang. } i - A \text{ fin. } a = 0$	Ag
Et aequatio plani Horizontalis	$z + \beta = 0$	A γ

Quibus omnibus aequationibus spectatorem ante planum observare illudque inclinare subintelligitur. Si autem propendat planum, signa termini $z \text{ tang. } i$ omni-

bus aequationibus sunt convertenda; et si verticalem acceperis positionem; tum ille terminus $z \tan g. i$ in omnibus aequationibus evanescet.

P A R S S E C U N D A.

De positione Axeos Mundi ratione plani dati.

§ 1.

Iam ipsa, uti vidimus, puncti dati M positio, ratione dati plani AHB ; valore quodam rectae $MG = A$ definita est: quo posset autem problematis solutio, cum structura Horologii Solaris cuicunque generis et formae coniungi (quo usu praecipuum certe positae quaestionis consilium continebitur), praeterea positionem Axeos Mundi ratione plani dati AHB definire conabimur, qui axis punctum M tranfit.

Mundi axe in plano Meridiani versante, sumatur eo plano angulus NMP aequalis latitudini Groningae (1); quo facto erit recta PMQ ille axis Mundi, qui secabit planum datum puncto quodam L . Inveniemus illud punctum simplici linearum constructione: etenim illud punctum L , uti per se patet, plano dato AHB est insitum atque puncta G et I in eodem illo plano sita esse, unusquisque facile videbit. Si igitur per I et G recta ducatur indefinita, haec, utpote in plano Meridiani sita, aut erit parallela cum PQ aut illam lineam PQ puncto quodam L secabit, quo posteriori casu L punctum erit, quo axis; Mundi planum datum secat.

Artis Gnomonicae scriptores lineam ML (quae in ipso Mundi axe sita est, et quam inde a puncto dato M ; usque ad L numerant) *stilum*, *gnomonem* seu *indicem* vocant, cuius umbra, quam in planum proiicit, varias potest diei horas indicare. Ita erit in plano Meridiani, in quo Sol medio die versatur, linea LGI umbra stili; id est, linea umbrae Meridianae. Ducatur plano VIH , quod est perpendi-

(1) Latitudo Borealis, qua maior turris Groningae sita est, definitur, $53^{\circ} 13' 12''$, 7: vid. KRAYENHOFF, *Précis historique des Opérations Géodésiques et Astronomiques faites en Hollande* pag. 157.

culare cum plano dato AHB, perpendicularia MK ex eodem illo plano AHB et præterea ducatur recta LK; quæ posterior linea erit projectio gnomonis in planum datum, quam lineam projectionis nonnulli *lineam subtilarem* dicunt. Ex his iam apparet, angulis MLK et KLG, functione quadam A, a et i, et latitudinis loci definitis, præcipuam partem structuræ Horologii Solaris ad finem esse perductam, cum nihil restet agendum, præterquam umbra gnomonis pro reliquis Diei horis definiatur.

§ 2.

Ducatur e puncto L axis Mundi perpendicularia LR in lineam ZN atque, propterea quod systema coördinatorum semel ita est assumptum, erit $MR = -x$ et $LR = z$: ponamus urbis Groningæ latitudinem five angulum $NML = L$, dabit triangulum rectangulum MLR: $LR = MR \times \text{tang. } L$ vel $z = -x \text{ tang. } L$ ex quo sequitur, esse

$$z + x \text{ tang. } L = 0 \dots\dots\dots (a)$$

æquationem rectæ PQ.

Si in formula illa generali (A), $y = 0$ ponimus, erit uti iam vidimus, hæc (a):

$$x \sin. a + z \text{ tang. } i - A \sin. a = 0 \dots\dots\dots (b)$$

æquatio lineæ IGL, secundum quam planum Meridiani secat planum datum.

Si igitur æquationes (a) et (b) solvantur, inueniemus, cum coördinatas x et z puncti L, quod ambabus lineis est commune, tum ipsam lineam ML:

$$\begin{aligned} (\sin. a - \text{tang. } i \text{ tang. } L) x &= A \sin. a \\ x &= - \frac{A \sin. a}{\text{tang. } L \text{ tang. } i - \sin. a} = MR \dots\dots\dots (c) \end{aligned}$$

et quoniam $z = -x \text{ tang. } L$ est, æquatio (c) per unam tantum $-\text{tang. } L$ multiplicanda erit, ut inuenias;

$$z = + \frac{A \sin. a \text{ tang. } L}{\text{tang. } L \text{ tang. } i - \sin. a} = LR \dots\dots\dots (d)$$

Quoniam denique in triangulo rectangulo MLR, $ML^2 = MR^2 + LR^2$ inueniemus, æquationibus (c) et (d) adiuvantibus,

(a) Cf. supra, Cap. I. Pars I. § 4. pag. 12.

$$ML^2 = x^2 + z^2 = \frac{A^2 \sin^2 a (1 + \tan^2 L)}{(\tan L \tan i - \sin a)^2}$$

id est, quoniam $1 + \tan^2 L = \sec^2 L$,

$$ML^2 = \frac{A^2 \sin^2 a \sec^2 L}{(\tan L \tan i - \sin a)^2}$$

atque radice quadrata extracta;

$$ML = \pm \frac{A \sin a \sec L}{\tan L \tan i - \sin a}$$

Signum ambiguum \pm valoris, qui hac formula quantitatem lineae ML determinat, si rem in abstracto contemplemur, facile indicaverit, eiusdem illius lineae longitudinem inde a puncto M, ad utrosque polos usque, scilicet tam ad Borealem quam ad Australem numerari posse. Cum autem conditio positiva vel negativa semper definienda est, puncto linea aut plano, quorum positio non mutatur et a quibus caetera numerantur, neque unquam a puncto linea aut plano, quae mutabilia esse ponuntur; non dubium est, quin non possit illa linea LM inde a puncto L numerari: cum satis superque intelligatur illam lineam, pro nostra regione inde a puncto M versus polum Borealem numerandum esse. Exinde iam quaestio oriatur necesse est, qua tandem ratione, linea ML in ipso mundi axe MP positive vel negative sit sumenda? Quo posset ad illam quaestionem responderi, notandum est, Latitudinem Borealem positivam et Australem negativam semper haberi.

Si igitur $L=0$ fit, quod locum habet cum sub ipso aequatore versetur, perveniet linea PQ in ZN atque quum, eo casu, puncto L versus polum Borealem recedente (propter rationem coördinatas numerandi semel ita constitutam, ut nulla eius numerationis mutatio admittatur, etiamsi linea, in qua numeratur, aliam acceperit quamcunque positionem) erit haec linea ML negativa. Hinc facilius est iudicium, quale signum ex ambobus, hoc casu, nobis inserviat. Si igitur planum AHB circa lineam AB ita circumvolvi facias, ut angulus SFH $= 0$ et IL parallela sit cum verticali VT, manebit punctum L ratione puncti M versus polum Borealem atque igitur linea ML negativa; dum, angulo a in quadrante prima versante et Latitudine Boreali manente, $\sin a$, $\tan L$ et $\sec L$ omnes erunt positivae; formula autem, quae ipsa lineae ML quantitas continetur, eo casu erit:

$$ML = \pm \frac{A \sin. a \sec. L}{-\sin. a} = \pm (-A \sec. L)$$

quae docet sumendum esse pro quantitate lineae ML signum superius + atque propterea scribendum esse;

$$ML = \frac{A \sin. a \sec. L}{\tan. L \tan. i - \sin. a}$$

Sive si huic aequationi, ex ipsa Figurae indole, negativam formam dederis:

$$ML = - \frac{A \sin. a \sec. L}{\sin. a - \tan. L \tan. i} \dots \dots \dots (e)$$

Hac igitur formula (e) quantitas lineae ML, functione quadam distantiae A et angulorum a. et i accurate est definita, atque ex ea facile haec statui potest;

REGULA. *Punctum L in ipso Mundi axe versus polum Borealem aut Australem ponatur, si, calculis institutis, appareat, valorem eius lineae ML sive negativum esse sive positivum: limites autem qui positivam aut negativam conditionem valoris eius lineae ML determinant, sibi pendent ab aequatione $\sin. a - \tan. L \tan. i = 0$: quae aequatio si obtineat, Mundi axis planum datum non secare docet, at cum eo parallelum esse: Porro quoniam pro latitudine Boreali et Australi, semper $\sec. L$ manet positiva (uti ex ipsa aequatione (e) forma patet) propterea: si a in quadrante prima et secunda versetur, cum valore positivo vel negativo functionis $\sin. a - \tan. L \tan. i$ conveniet positiva vel negativa conditio valoris lineae ML: atque si a in tertium et quartum quadrantem pervenerit, conveniet cum positiva vel negativa quantitate eius denominatoris negativa vel positiva conditio valoris lineae ML. Ita ut, institutis formulae istius (e) calculis, appareat a quam parte puncti M ipsa haec linea ML erit ponenda.*

§ 3.

Si praeter lineam ML insuper perpendiculara MR innotescat, possumus valorem anguli projectionis, quem gnómon in planum datum proicit, ope trianguli rectanguli MLR invenire. Ipsa perpendiculara hac ratione definitur. Nimirum:

$$\text{angulus MFK} + \text{angulo MFS} + \text{angulo SFH} = 180^\circ$$

vel quoniam angulus $MFS = 90^\circ$ est

$$\text{angulus MFK} + \text{angulo SFH} = 90^\circ$$

In triangulo rectangulo MFK est porro

$$\text{angulus MFK} + \text{angulo KMF} = 90^\circ$$

igitur;

$$\text{angulus MFK} + \text{angulo SFH} = \text{angulo MFK} + \text{angulo KMF}$$

et tandem

$$\text{angulus SFH} = \text{angulo KMF} = i$$

Verum enim vero iam invenimus (3) esse $MF = A \sin. a$ et propterea, quod in triangulo rectangulo MFK, est $MK = MF \times \cos. FMK$, erit

$$MK = A \sin. a \cos. i \dots \dots \dots (f)$$

Praeterea triangulum rectangulum MLK, ad quod indagandum iam nunc pervenimus, dabit;

$$\sin. MLK = \frac{MK}{ML} = A \sin. a \cos. i \times \frac{\sin. a - \text{tang. } L \text{ tang. } i}{A \sin. a \sec. L}$$

id est reductione bene instituta

$$\sin. MLK = -\cos. L \cos. i \times \{\sin. a - \text{tang. } L \text{ tang. } i\} \dots \dots (g)$$

Si ponimus hac formula esse $i = 0$, erit $\sin. MLK = -\cos. L \sin. a$. Haec autem forma negativa secundum primitivam figuram, negativum accipiet valorem. Exinde igitur apparet: cum *positivo vel negativo valore functionis* $\sin. a - \text{tang. } L \text{ tang. } i$ *negativam vel positivam convenire quantitatem anguli, quem stili projectionis efficit.* Verum, positione puncti L , ratione puncti illius M , semel cognita, locus anguli positionis per se innotescet.

Ipsa forma aequationis (g) docet, angulum projectionis vel positionis evanescere simul ac axis mundi sit parallelus cum plano dato. Praeterea memorabilis est animadversio, alteram aequationis partem, propter suam indolem valorem ± 1 numquam superare.

§ 4.

Definiendus restat angulus GLK , quod ut fiat, sphaera conscribatur radio,

(3) Cf. supra. Cap. I. Part. I. § 3, pag. 11. 1. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

qui unitas est aequalis, e centro L , quae sphaera secat plana angulorum MLK , KLK et MLG secundum arcus mk , kg et mg atque triangulum sphaericum mgk constituit: illud triangulum, quoniam plana MLK et KLK inter se sunt perpendicularia, erit rectum in k atque illud igitur *rectangulum* nominant. Iam exinde sequitur esse (4):

$$\cos. mg = \cos. mk \times \cos. kg \text{ et } \cos. gk = \frac{\cos. mg}{\cos. mk}$$

id est:

$$\cos. GLK = \frac{\cos. MLG}{\cos. MLK} \dots \dots \dots (h)$$

Angulum GLK ex hac aequatione facile inueniemus, cognito, praeter angulum MLK , altero angulo MLG , qui facile definiri potest, scilicet, ope trianguli LMG , cuius cognita sunt latera MG et ML una cum angulo iis incluso $LMG = L$. Namque in illo triangulo est (5);

$$\text{tang. } MLG = \frac{MG \times \sin. LMG}{ML - MG \times \cos. LMG}$$

id est, valoribus laterum MG et ML atque anguli LMG substitutis

$$\text{tang. } MLG = \frac{A \sin. L}{\cos. L \sin. a - \sin. L \text{ tang. } i}$$

Numeratore et denominatore eius fractionis compositae per $\cos. L \sin. a - \sin. L \text{ tang. } i$ multiplicatis, iisdemque per A divis

$$\text{tang. } MLG = \frac{\sin. L \cos. L \sin. a - \sin.^2 L \text{ tang. } i}{\sin. a - \sin. a \cos.^2 L + \sin. L \cos. L \text{ tang. } i}$$

id est quoniam $\sin. a - \sin. a \cos.^2 L = \sin. a (1 - \cos.^2 L) = \sin. a \sin.^2 L$:

$$\text{tang. } MLG = \frac{\sin. L \cos. L \sin. a - \sin.^2 L \text{ tang. } i}{\sin.^2 L \sin. a + \sin. L \cos. L \text{ tang. } i}$$

(4) Vid. Cl. DE GELDER, Oper. cit. XIII Boek. § 1063. pag. 425.

(5) Cl. DE GELDER, Oper. cit. IX Boek. § 654. pag. 247.

Numeratore et denominatore posterioris illius fractionis per $\sin. L \cos. L$ divis, erit aequatio (6).

$$\text{tang. MLG} = \frac{\sin. a - \text{tang. L tang. i}}{\text{tang. L sin. a} + \text{tang. i}} \dots \dots \dots (i)$$

(6) Poterit alia insuper ratione haec formula (i) inveniri. Etenim in triangulo illo IMG est $\text{tang. MIG} = \text{MG} : \text{MI}$, id est, substitutis, pro MG et MI illarum valoribus;

$$\text{tang. MIG} = \frac{A}{A \sin. a \cos. i} = \text{tang. i} : \sin. a$$

Porro est in triangulo MLI

$$\text{angulus MLI} = 180^\circ - \text{angulo IML} - \text{angulo MIL}$$

$$\text{angulus IML} = 90^\circ + \text{angulo NMP} = 90^\circ + L; \text{ igitur}$$

$$\text{angulus MLI} = 180^\circ - 90^\circ - L - \text{angulo MIL}$$

$$\text{angulus MLI} = 90^\circ - (L + \text{angulo MIL})$$

$$\text{tang. MLI} = \cot. (L + \text{MIL}) = \frac{1}{\text{tang. (L + MIL)}}$$

Verum est (Conf. Cl. DE GELDER, Oper. cit. VIII Boek. § 572. pag. 211.)

$$\text{tang. (L + MIL)} = \frac{\text{tang. L} + \text{tang. MIL}}{1 - \text{tang. L tang. MIL}}$$

igitur

$$\text{tang. MLI} = \frac{1 - \text{tang. L tang. MIL}}{\text{tang. L} + \text{tang. MIL}}$$

verum $\text{tang. MIL} = \text{tang. i} : \sin. a$

$$\text{tang. MLI} = \frac{1 - \text{tang. L} \times \frac{\text{tang. i}}{\sin. a}}{\text{tang. L} + \frac{\text{tang. i}}{\sin. a}}$$

Eius fractionis numeratore et denominatore per $\sin. a$ multiplicatis, erit aequatio, quam iam invenimus, haec:

$$\text{tang. MLG} = \frac{\sin. a - \text{tang. L tang. i}}{\text{tang. i} + \text{tang. L sin. a}}$$

Hæc æquatione $i=0$ posita, erit $\text{tang. MLG} = \cos. L$; uti facile ex ipsa figura apparet. Quo igitur e formula $\cos. GLK = \cos. MLG$: $\cos. MLK$ ipsum anguli GLK valorem inveniamus, formulis (g) et (i) utemur.

Quoniam $\cos.^2 MLK = 1 - \sin.^2 MLK$, habebimus ex æquatione (g),

$$\cos.^2 MLK = 1 - \cos.^2 L \cos.^2 i \times \{\sin. a - \text{tang. L tang. i}\}^2$$

Cum vero $\sec.^2 MLG = 1 + \text{tang.}^2 MLG$ est, formula (i) hæc suppeditat;

$$\sec.^2 MLG = 1 + \frac{\sin.^2 a - 2 \sin. a \text{tang. L tang. i} + \text{tang.}^2 L \text{tang.}^2 i}{\text{tang.}^2 L \sin.^2 a + 2 \sin. a \text{tang. L tang. i} + \text{tang.}^2 i}$$

atque altera æquationis parte ad aliam formam reducta:

$$\sec.^2 MLG = \frac{(1 + \text{tang.}^2 L) \sin.^2 a + (1 + \text{tang.}^2 L) \text{tang.}^2 i}{(\text{tang. L sin. a} + \text{tang. i})^2}$$

vel potius quoniam, $1 + \text{tang.}^2 L = \sec.^2 L$ et $\sec. a = 1 : \cos. a$ est,

$$\cos.^2 MLG = \frac{\cos.^2 L (\text{tang. L sin. a} + \text{tang. i})^2}{\sin.^2 a + \text{tang.}^2 i}$$

denique ex æquatione (h) invenimus esse,

$$\cos. GLK = \frac{\cos. L (\text{tang. L sin. a} + \text{tang. i})}{\sqrt{(\sin.^2 a + \text{tang.}^2 i) \times \{1 - \cos.^2 L \cos.^2 i (\sin. a - \text{tang. L tang. i})^2\}}}$$

Si pro cosinu illius anguli GLK eius finum quaerimus, formula $\sin.^2 GLK = 1 - \cos.^2 GLK$ adiuvante, longe simpliciore æquationis formam existere videbimus. Verum, priusquam illud aggrediamur, denominatorem eius fractionis in aliam formam reduxisse nobis multum iuvabit.

Patet, ex æquatione (g), illam

$$\sqrt{\{1 - \cos.^2 L \cos.^2 i (\sin.^2 a - \text{tang. L tang. i})^2\}} = \cos.^2 MLK$$

esse: atque factor $\sqrt{(\sin.^2 a + \text{tang.}^2 i)}$ ita reducitur. Elementa autem omnibus nota, docent,

$$\sin.^2 a + \text{tang.}^2 i = \sin.^2 a + \frac{\sin.^2 i}{\cos.^2 L} = \frac{\sin.^2 a \cos.^2 L + \sin.^2 i}{\cos.^2 L}$$

Sed numerator eius fractionis erit:

$$\sin.^2 a \cos.^2 L + \sin.^2 i = (1 - \cos.^2 a) \cos.^2 L + \sin.^2 i = \cos.^2 L + \sin.^2 i - \cos.^2 a \cos.^2 L$$

$$\sin.^2 a \cos.^2 L + \sin.^2 i = 1 - \cos.^2 a \cos.^2 L$$

$$\sqrt{(\sin.^2 a + \tan.^2 i)} = \frac{\sqrt{(1 - \cos.^2 a \cos.^2 i)}}{\cos. i}$$

Exinde illam formam habebit colinus anguli GLK

$$\cos. GLK = \frac{\cos. i \cos. L (\tan. L \sin. a + \tan. i)}{\cos. MLK \times \sqrt{(1 - \cos.^2 a \cos.^2 i)}}$$

e qua formula alia continuo sequitur

$$\sin.^2 GLK = 1 - \cos.^2 GLK = 1 - \frac{\cos.^2 i \cos.^2 L (\tan. L \sin. a + \tan. i)^2}{\cos.^2 MLK \times (1 - \cos.^2 a \cos.^2 i)}$$

vel, pro $\cos.^2 MLK$ eius valore substituto,

$$\sin.^2 GLK = 1 - \frac{\cos.^2 i \cos.^2 L (\tan. L \sin. a + \tan. i)^2}{\{1 - \cos.^2 i \cos.^2 L (\sin. a - \tan. L \tan. i)^2\} \times (1 - \cos.^2 a \cos.^2 i)}$$

Altera pars, si reducitur, quantitas illius $\sin.^2 GLK$ aequalis est fractioni, cuius numerator erit,

$$\begin{aligned} & 1 - \cos.^2 a \cos.^2 i - \cos.^2 i \cos.^2 L (\tan. L \sin. a + \tan. i)^2 \\ & \quad - \cos.^2 i \cos.^2 L (\sin. a - \tan. L \tan. i)^2 \\ & + \cos.^2 a \cos.^2 i \times \cos.^2 i \cos.^2 L (\tan. L \tan. i - \sin. a)^2 \end{aligned}$$

atque eiusdem illius fractionis denominator;

$$\cos.^2 MLK \times (1 - \cos.^2 a \cos.^2 i)$$

Iam vero habemus:

$$\begin{aligned} & - \cos.^2 i \cos.^2 L (\tan. L \sin. a + \tan. i)^2 - \cos.^2 i \cos.^2 L (\sin. a - \tan. L \tan. i)^2 \dots \\ & = - \cos.^2 i \cos.^2 L \times \{\sin.^2 a (1 + \tan.^2 L) + \tan.^2 i (1 + \tan.^2 L)\} \dots \\ & = - \cos.^2 i \cos.^2 L \times (1 + \tan.^2 L) \times (\sin.^2 a + \tan.^2 i) \\ & = - \cos.^2 i \cos.^2 L \times \sec.^2 L \times \frac{1 - \cos.^2 a \cos.^2 i}{\cos.^2 i} = - (1 - \cos.^2 a \cos.^2 i) \end{aligned}$$

ex quo apparet numeratorem (videatur aequatio (g)), esse:

$$\cos.^2 a \cos.^2 i \times \sin.^2 MLK$$

aequatio igitur erit:

$$\sin. GLK = \frac{\cos. a \cos. i \sin. MLK}{\cos. MLK \times \sqrt{(1 - \cos.^2 a \cos.^2 i)}} = \frac{\cos. a \cos. i}{\sqrt{(1 - \cos.^2 a \cos.^2 i)}} \times \tan. MLK \quad (k)$$

quae posterior formula simpliciore formam admittere non videtur.

§ 5.

Aequationes (e), (g) et (k) cum praecipuae sunt, quibus deinceps utemur, duabus prioribus talem dabimus formam, quae ceteris disquisitionibus magis apta esse videtur.

I. Negativa forma aequationis (e) in positivam mutetur (7), quo facto habebimus:

$$LM = \frac{A \sin. a \sec. L}{\tan. L \tan. i - \sin. a}$$

quae, quoniam $\sec. L = 1 : \cos. L$ et $\tan. L = \sin. L : \cos. L$ est, ita scribi potest:

$$LM = \frac{A \sin. a \times \frac{1}{\cos. L}}{\frac{\sin. L}{\cos. L} \times \frac{\sin. i}{\cos. i} - \sin. a}$$

Numeratore et denominatore posterioris illius fractionis per $\cos. L \cos. i$ multiplicatis, inveniemus:

$$LM = \frac{A \sin. a \cos. i}{\sin. i \sin. L - \sin. a \cos. i \cos. L} \dots \dots \dots (e)$$

II. Detur aequationi (g) forma positiva:

$$\sin. MLK = \cos. L \cos. i (\tan. L \tan. i - \sin. a)$$

qua mutatione erit, quoniam $\tan. L = \sin. L : \cos. L$;

$$\sin. MLK = \cos. L \cos. i \times \left\{ \frac{\sin. L}{\cos. L} \times \frac{\sin. i}{\cos. i} - \sin. a \right\}$$

vel

$$\sin. MLK = \sin. i \sin. L - \sin. a \cos. i \cos. L \dots \dots \dots (g)$$

Omnibus igitur iam in unum congregatis, haec inveniemus:

(7) Omnis functio sive forma, signis ad unum omnibus inversis (Cf. Cl. DE GEILDER *Beg. der Stellenkunst* § 67. pag. 30. *Encl. seconde*) si sit positiva in negativam, aut si negativa in positivam formam mutari potest, si sine eo, ut haec conditio positiva vel negativa in ipsam formae quantitatem aliquam vim habeat. Forma nimirum et quantitas toto coelo inter se distant.

Distantiam inde a puncto dato M, usque ad planum datum, quae est linea $MK = C$ esse;

Angulum projectionis in planum datum, sive angulum positionis cum plano dato, angulum scilicet $MLK = \varphi$;

Angulum quem gnomonis sive stili projectio cum umbra constituit, quam mundi axis tempore diei medio in datum planum proicit, nimirum angulum $GLK = \psi$:

$$MK = C = A \sin. a \cos. i \dots \dots \dots (f)$$

$$\sin. MLK = \sin. \varphi = \sin. i \sin. L - \sin. a \cos. i \cos L \dots \dots (g)$$

$$ML = C : \sin. \varphi \dots \dots \dots (e)$$

$$\sin. GLK = \sin. \psi = \frac{\cos. a \cos. i}{\sqrt{(1 - \cos.^2 a \cos.^2 i)}} \times \tan. \varphi \dots \dots (k)$$

Quibus formulis A, a, i et L, eadem ratione, quae supra semel posita est, numerantur.

§ 6.

Omnia quaecunque his formulis continentur simplici nec minus eleganti linearum structura definiri possunt: quam quidem structuram non alio exponemus consilio, quam ut experimento quodam appareat, eosdem sive constructione sive calculis institutis, ratiocinii exitus ad extremum existerè.

Datis A, a, i et L, sit, *Fig. 2*, ZWNO planum Horizontis, atque repraesentetur in eo plano, punctis Z, W, N et O Meridies, Occidens, Septentrio et Oriens ita ut lineae rectae WO et ZN inter se sint perpendiculares: quo rite facto, hoc planum erit idem illud, quod *Fig. 1*, secundum leges eius artis, quam *Perspectivam* vocant, est delineatum.

Iam haec porro instituat

CONSTRUCTIO 1. Reddatur $MG = A$, et

2. Angulus $ZGA = a$: qua structura linea AFGB erit recta; secundum quam planum datum secat planum Horizontis.

3. Ducatur per punctum M perpendiculara indefinita CMFD in rectam AB illam in F secans: quo facto ipsa positio puncti illius F, *Fig. 1*, erit definita.

4. Ducatur insuper per M recta indefinita VMI, parallela cum linea AB atque propterea perpendicularis cum CD,

5. Reddatur angulus $HFA = i$. Nimirum si planum inclinatur; verum plano propendente, sumatur ille angulus ab altera parte lineae AB: secabit autem HF rectam VI in puncto I.

6. Ducatur perpendiculara MK supra rectam FI. Hisce omnibus iam ad finem perductis, planum, quo rectae HFI et VMI sunt infinitae, circa lineam CD circumvolvi ponamus, donec, ratione plani Horizontalis, perpendicularem acceperit positionem; quo facto, linea VI erit verticalis eius loci, e quo spectator observat, et planum, quod lineas AB et FH tranfit, tam ratione centri, quam ratione plagarum Horizontis, datam accipiet positionem atque inclinationem.

7. Planum Horizontale ZWNO ponamus esse planum Meridiani, atque in ipsa linea MO reddatur $MI' = MI$: atque

8. E puncto I' ducatur recta indefinita I'GL punctum G transiens: et denique

9. Construatur angulus $NMP = L$. Posterior haec linea secat rectam IGL puncto L: atque lineae MF, MI, MK, FI, GL et ML huc usque constructione ita sunt definitae, ut omnes, cum data *Fig. 1* indole, conveniant.

Sit igitur, *Fig. 3*, (quae planum datum repraesentat) recta HI perpendiculariter cum AB, quae lineae se invicem in F secant, quarum (vid. *Fig. 1*. et *Fig. 2*.) AB est linea, secundum quam planum datum aliud planum Horizontis secat, atque recta HI linea, secundum quam planum verticale idem illud planum datum secat.

10. Transferatur linea FG, *Fig. 2*, in lineam FB: et ex eadem *Fig. 2*.

11. Lineae FK et FI in inferiorem partem lineae HF, atque,

12. Recta indefinita IGL ducta.

13. Transferatur linea GL e *Fig. 2*. in partem productam lineae IG.

14. Deinceps ducatur linea LK atque

15. KM perpendiculariter in LK, aequalis alteri lineae MK, *Fig. 2*. atque

16. Denique ducatur linea ML.

Postrema haec linea ML est stilus five gnomon, qui in ipso Mundi axe versatur: scilicet, plano trianguli rectanguli circa rectam LK, ita converso, ut illud sit perpendiculare cum plano dato: recta LK eo casu erit projectio gnomonis, angulus MLK angulus eiusdem projectionis et denique angulus KLG ille angulus, quem projectio gnomonis cum linea umbrae Meridionalis constituit. Si igitur hoc planum, triangulo rectangulo LMK perpendiculariter supra.

illud posito, secundum lineam AB, ita, in Fig. 2, transferas, ut in utrisque conveniant puncta F et G, talem revera habebimus figuram, qualem Fig. 1 delineatam nobis proposuimus.

Ducatur perpendiculara MA in rectam ML , triangulo semper in planum datum perpendiculariter posito. Reddatur $\angle\Phi = \angle M$ atque per punctum A ducatur perpendiculara indefinita $\Sigma\Omega$. Si eo casu planum $\Phi\Sigma\Omega$ circa indefinitam illam $\Sigma\Omega$ circumvolvi facias, perveniet aliquando punctum Φ in M , atque recta LM erit perpendicularis supra illud planum. Verum, cum recta LM ipsa quaedam pars est axeos Mundi, planum $\Phi\Sigma\Omega$ erit parallelum cum plano aequatoris. Rectissime autem illud planum ipsum aequatoris planum habetur, propter exiguam adeo Solis et multo minorem Fixarum parallaxin, extra quas infinita longitudine illud planum extenditur. Iam supra nobis observare liquit, puncta L et G atque insuper punctum M et Φ in ipso plano Meridiani versare. Ducta itaque per ipsa puncta Φ et Σ (quo posteriori puncto Σ indefinita $\Sigma\Omega$ lineam IL secat) recta indefinita $\Sigma\Phi\Pi$, haec ipsa linea in plano Meridiani erit sita atque punctis Φ et M eodem loco versantibus, cum axe Mundi angulum rectum constituet.

Ponamus, planis MA/L et $\Phi\Sigma\Omega$ ita dispositis, illud planum Meridiani $LM\Phi\Pi$, in quo linea ML Mundi axin repraesentat, una cum sole circa illum axin circumvolvi, quo casu illud planum mobile, quoniam ML est parallela in $\Sigma\Pi$ repraesentabit planum, quo circulus declinationis Solis comprehenditur, atque angulus $\Pi\Phi A$, quem constituunt planum circuli declinationis et planum Meridiani, erit angulus Horarius Solis, quem angulum inter et tempus post Meridiem praeterlapsum semper aliqua ratio existit. Hunc autem angulum horarum ponimus aequalem esse quantitati indefinitae U .

Interea dum planum circuli declinationis movetur, linea movens $A\Phi\Psi$ in ipso plano $\Phi\Sigma\Omega$ versabitur et propterea indefinitam $\Sigma\Omega$ secabit, sive plaga positiva $A\Omega$, sive negativa $A\Sigma$.

Ducta igitur e puncto L per aliud Ψ recta indefinita $L\Psi$, posterior illa una cum linea mobili $A\Phi\Psi$ et ipso Mundi axe, semper repraesentat planum, in quo circulus declinationis Solis situs est, ita ut illud planum Declinationis, secundum lineam $L\Psi$, planum datum AHB secet. Cum autem Solis centrum in eo plano mobili versetur atque ratione puncti Φ ab altera parte axeos Mundi, iam ex eo

apparet, esse lineam $L\Psi$ umbram, quam axis Mundi $L.M.$ in planum datum pro-
ficat, post illud tempus, quo Sol, qui planum circuli suae declinationis circum-
vehitur, ipse indiget, ut angulus $\angle\Phi\Pi$ constituatur.

§ 7.

Angulis φ et ψ pro plano quodam dato cognitis, angulos, quos lineae horarum
cum linea lubtilari $L\Delta$ constituunt, calculis ita institutis facile inueniemus.

Iam primo loco in triangulo rectangulo $LM\Delta$

$$M\Delta = \Phi\Delta = ML \tan \varphi \quad \text{et,} \quad L\Delta = ML \sec \varphi$$

Porro in triangulo rectangulo $L\Delta\Sigma$

$$\Delta\Sigma = L\Delta \tan \psi = ML \sec \varphi \tan \psi$$

In triangulo rectangulo $\Delta\Sigma\Phi$ est

$$\tan \angle\Phi\Sigma = \frac{\Delta\Sigma}{\Delta\Phi} = \frac{ML \sec \varphi \tan \psi}{ML \tan \varphi} = \frac{1}{\cos \varphi} \times \tan \psi = \frac{\tan \psi}{\sin \varphi \cos \varphi}$$

Posterior ita in Figura innotescit, atque si illum angulum χ dicimus, inuenie-
mus:

$$\tan \chi = \frac{\tan \psi}{\sin \varphi}$$

Iam vero triangula rectangula $\Phi\Delta\Psi$ et $\Delta\Psi L$ intheamur: quorum prior est,

$$\Delta\Psi = \Delta\Phi \times \tan \angle\Phi\Psi$$

id est, quoniam angulum $\angle\Phi\Pi = \Sigma\Phi\Psi = U$ posuimus et quoniam $\Phi\Delta = ML \times \tan \varphi$ est

$$\Delta\Psi = ML \times \tan \varphi \times \tan (\chi + U)$$

In altero illo triangulo rectangulo $L\Delta\Psi$ est, angulo $\angle L\Psi = u$ posito, angulus
 $\angle L\Psi = \psi + u$; habemus igitur

$$\tan \angle L\Psi = \frac{\Delta\Psi}{L\Delta} = \frac{ML \times \tan \varphi \tan (\chi + U)}{LM \times \sec \varphi}$$

id est reductione facta,

$$\tan (\psi + u) = \sin \varphi \tan (\chi + U)$$

Angulis φ et ψ tali ratione iam pro quocunque plano cognitis, memoriter nunc teneamus sequentes formulas:

$$\text{tang. } \chi = \frac{\text{tang. } \varphi}{\text{fin. } \varphi} \dots \dots \dots (m)$$

$$\text{tang. } (\psi + u) = \text{fin. } \varphi \text{ tang. } (\chi + U) \dots \dots \dots (n)$$

Valore anguli χ ope formulae (m) invento, ex altera formula (n) pro quacunque data quantitate illius U , angulus, quem linea horarum $L\Psi$ et linea subtiliaris $L\Delta$ constituunt, calculo instituto facile et accurate determinari poterit; scilicet gradibus quindecim pro quacunque hora sumtis, id est, si deinceps angulum $U = 15^\circ$, $U = 30^\circ$, $U = 45^\circ$, *ceterisque*, esse ponimus.

Facilius illos angulos linearum constructione definiri posse cuidam videatur: namque e centro Φ radio $\Phi\Delta$ circulus conscribatur cuius circumferentia inde a recta $\Phi\Pi$ versus Occidentem in viginti et quatuor partes est dividenda; quas partes, *Fig. 3*, numeri 1, 2, 3, 4, *ceteri*, indicant. Si igitur recta $\Delta\Phi\Psi$ per punctum 2, ac per ipsum circuli centrum ducitur, erit recta $L\Psi$ linea umbrae postmeridianae, quam Sol duabus horis post Meridiem in planum illud datum proicit. Simili ratione ceterae lineae horarum determinantur: eiusmodi tamen linearum structuram, licet simplex admodum et accuratam, calculus recte institutus longe superat.

§ 8.

Verumtamen ut facilius in oculos incurrat, quomodo Horologii Solaris structura ab ipso calculo instituto pendeat, praeter illas aequationes, quas iam invenimus, brevi relatione indicabimus, qua ratione quantitates linearum FG , IF , IK , FK , LK , $L\Delta$, $M\Delta = \Phi\Delta$ et LI , atque valores angulorum FIG et HKL , datis quantitatibus, C , α , i et L determinantur.

I. Aequatione (f) invenimus esse (8), $C = A \text{ fin. } \alpha \cos i$, igitur $A = C : \text{fin. } \alpha \cos i$.

II. In triangulo rectangulo MFG , *Fig. 2*, est $MF = MG \times \text{fin. } G$ et $FG = MG$

(8) Cf. Supra Cap. I. Pars II. § 5. Num. II. pag. 26.

$\times \cos. a$ id est $MF = A \times \sin. a$ et $FG = A \times \cos. a$, vel pro valore A eius quantitate $C : \sin. a \cos. i$ substituta

$$MF = C : \cos. i \quad \text{et} \quad FG = C : \tan. a \cos. i$$

HL. Praeterea triangulum rectangulum MFI, Fig. 2, praebet $MF = IF \times \sin. i$. Id est $C : \cos. i = IF \times \sin. i$, igitur $IF = C : \sin. i \cos. i = 2 C : \sin. 2i$. Porro $MK = IK \times \tan. i$ vel $C = IK \tan. i$; propterea $IK = C : \cot. i$.

$$\text{Denique } FK = MF^2 : IF^2 = \frac{C^2}{\cos.^2 i} \times \frac{\sin. i \cos. i}{C} = C \times \frac{\sin. i}{\cos. i} = C \times \tan. i.$$

atque etiam $FK \times FI = MK^2$ vel $FK \times C \cot. i = C^2$, igitur $FK = C \times \tan. i$. Habemus itaque

$$IF = 2 C : \sin. 2i, \quad IK = C \times \cot. i \quad \text{et} \quad FK = C \times \tan. i.$$

Lineae autem, quae MK , FG , IF , IK et FK nominantur Fig. 2 et Fig. 3 omnes sunt eadem.

IV. In triangulo rectangulo FGI, Fig. 3, est $FG = IF \times \tan. i$, et, angulo $FIG = \rho$ posito, $(C : \tan. a \cos. i) = (C : \sin. i \cos. i) \tan. \rho$, igitur $\tan. \rho = \sin. i : \tan. a$; quae posterior aequatio quantitatem valoris $\sin. \rho$ ita prodit:

$$\tan.^2 \rho = \frac{\sin.^2 i}{\tan.^2 a}, \quad \cot.^2 \rho = \frac{\tan.^2 a}{\sin.^2 i}, \quad 1 + \cot.^2 \rho = \operatorname{cosec}.^2 \rho = \frac{\sin.^2 i + \tan.^2 a}{\sin.^2 i}$$

$$\sin.^2 \rho = \frac{\sin.^2 i}{\sin.^2 i + \tan.^2 a}$$

$$\text{verum est, } \sin.^2 i + \tan.^2 a = \sin.^2 i + \frac{\sin.^2 a}{\cos.^2 a} = \frac{\cos.^2 a \sin.^2 i + \sin.^2 a}{\cos.^2 a}$$

$$\text{et porro, } \cos.^2 a \sin.^2 i + \sin.^2 a = \cos.^2 a (1 - \cos.^2 i) + 1 - \cos.^2 a = 1 - \cos.^2 a \cos.^2 i$$

$$\text{igitur } \sin.^2 i + \tan.^2 a = \frac{1 - \cos.^2 a \cos.^2 i}{\cos.^2 a}$$

$$\text{ex qua sequitur alia } \sin. FIG = \sin. \rho = \frac{\cos. a \sin. i}{\sqrt{1 - \cos.^2 a \cos.^2 i}}$$

V. Angulus ille LKH, quem in sequentibus ω dicemus, propterea dignus est, ad quem attendamus, quoniam, simulac puncta K et I data sunt, idem ille angulus positionem determinat, quam projectio axeos Mundi cum perpendiculari in planum datum constituit et praeterea angulus, quem linea, qua planum ae-

quatoris secatur, efficit cum linea Horizontali AB. Hunc angulum, angulus ψ et φ calculo definitis, posset, uti ipsa figurae indoles indicare videtur, aequatio $\omega = \psi + \varphi$ accurate determinare, nimirum si e quantitatibus *fin.* ψ et *fin.* φ modo inventis, quantitates *cos.* ψ et *cos.* φ definiuntur: e quibus valores *tang.* ω inveniemus:

$$\text{tang. } \omega = \frac{\cos. a \sin. i \sqrt{(\cos.^2 \varphi - \cos.^2 a \cos.^2 i)} - \sin. a \cos. a \cos. i \sin. \varphi}{\sin. a \sqrt{(\cos.^2 \varphi - \cos.^2 a \cos.^2 i)} + \cos.^2 a \sin. i \cos. i \sin. \varphi}$$

qui valor, si ponimus

$$\sin. \varphi = \sin. i \sin. L - \sin. a \cos. i \cos L$$

esse, reductione apte instituta, dabit:

$$\begin{aligned} \text{tang. } \omega &= \frac{\cos. a \cos. L}{\cos. i \sin. L + \sin. a \sin. i \cos L} \\ \cot. \omega &= \frac{\cos. i \text{ tang. } L}{\cos. a} + \sin. i \text{ tang. } a \end{aligned}$$

quae posterior aequatio (9), simulac punctum K innotuit *Fig. 3*, positionem lineae KL ratione linearum AB et HI determinat.

(9) Eandem illam aequationem longe alia ratione et ratiocinio multo simplici-ori sic invenies. Sit *Fig. 4*, NBOZ pars Orientalis Horizontis, ZEN pars inferior circuli Meridiani, MOCE pars quaedam plani aequatoris, et MDBC pars plani dati, inclinantis scilicet, quod in plagam mediam Orientem inter et Meridiem est obversum: eo casu erit MB linea Horizontalis, MC linea, secundum quam planum datum secat planum aequatoris. Igitur (quoniam O repraesentat Orientem et N Septentrionem) *arcus* OB = $90^\circ - a$, *angulus* sphaericus BOE = $90^\circ - L$, *angulus* sphaericus OBC = $90^\circ - i$ et *angulus* BMC, vel *arcus* BC = ω . Iam vero (Cf. Cl. DE GELDER oper. cit. XIII *Boek* 9, 1122).

$$\text{tang. BC} = \frac{\sin. BO}{\sin. B \cot. O + \cos. B \cos. OB}$$

id est, si BC, OB, B et O suas accipiant quantitates:

$$\text{tang. } \omega = \frac{\cos. a}{\cos. i \text{ tang. } L + \sin. i \sin. a}$$

quae aequatio, numeratore et denominatore per *cos. L* multiplicatis, illam quidem proferet, quam iam inveniimus.

VI. Triangulum rectangulum KLM dabit, $MK = KL \times \text{tang. } \varphi$ vel $C = MK \times \text{tang. } \varphi$ igitur $MK = C \times \cot. \varphi$.

Porro $MK = ML \times \sin. \varphi$ vel $C = ML \sin. \varphi$; igitur $ML = C : \sin. \varphi$ Denique $\Phi A = MA = ML \text{ tang. } \varphi = \dots$

$$= \frac{C}{\sin. \varphi} \times \text{tang. } \varphi = \frac{C \sin. \varphi}{\sin. \varphi \cos. \varphi} = \frac{C}{\cos. \varphi} \text{ et } LA = \frac{MA}{\sin. \varphi} = \frac{C}{\sin. \varphi \cos. \varphi} \text{ Habemus igitur}$$

$$KL = C \cot. \varphi, \sin. ML = \frac{C}{\sin. \varphi}, MA = \Phi A = \frac{C}{\cos. \varphi} \text{ et } LA = \frac{2C}{\sin. 2\varphi}$$

§ 9.

Breviter iam omnem Analyticam Horologii Solaris theoriam in unum quoddam corpusculum redeimus. Verumtamen quum ipsae formulae (f) (g) et (k), quae docent, quomodo e datis C , a , i et L ipsa stili et lineae subtilaris positio, ratione umbrae Meridianae possit definiri, calculo minus sunt aptae, hae ut Logarithmorum usum facilius admittant, ad aliam formam reducuntur: quod quidem sic efficitur.

Primo loco ponatur

$$\sin. i \sin. L = \text{tang. } p \quad \text{et} \quad \sin. a \cos. i \cos. L = \text{tang. } q$$

quo forma aequationis (g) ita mutatur (10)

$$\sin. \varphi = \sin. i \sin. L - \sin. a \cos. i \cos. L = \text{tang. } p - \text{tang. } q = \frac{\sin. (p - q)}{\cos. p \cos. q} \quad (g)$$

Ut valores $\sin. \psi$ et $\sin. \rho$ reducantur, ponamus esse

$$\cos. a \cos. i = \cos. r \quad \text{vel} \quad \cos.^2 a \cos.^2 i = \cos.^2 r$$

quam ob causam erit

$$\sqrt{(1 - \cos.^2 a \cos.^2 i)} = \sqrt{(1 - \cos.^2 r)} = \sin. r$$

sunt igitur valores $\sin. \psi$ et $\sin. \rho$ sequentes:

$$\sin. \psi = \frac{\cos. r \text{ tang. } \varphi}{\sin. r} = \cot. r \text{ tang. } \varphi \dots \dots \dots (k)$$

(10) Vid. CL. DE GELDER, Oper. cit. VIII Boek § 592.

$$\sin. q = \frac{\cos. a \sin. i}{\sin. r} = \frac{\cos. a \cos. i \sin. i}{\sin. r \cos. i} = \frac{\cos. r \sin. i}{\sin. r \cos. i} = \cot. r. \tan. i$$

Tandem, ut valor $\tan \omega$ formam accipiat, calculis instituendis magis aptam, ponamus:

$$\cos. i \tan. L = \tan. s \quad \text{et} \quad \sin. i \sin. a = \tan. t$$

quo facto, est

$$\cos. i \tan. L + \sin. i \sin. a = \tan. s + \tan. t = \frac{\sin. (s+t)}{\cos. s \cos. t}$$

$$\tan. \omega = \frac{\cos. a}{\cos. i \tan. L + \sin. i \sin. a} = \frac{\cos. a \cos. s \cos. t}{\sin. (s+t)}$$

Iam illud denique, pro valoribus reectarum et angulorum, quibus (*Fig. 2* et *Fig. 5*) structura Horologii Solaris cuiuscumque generis et formae superstruitur, systema aequationem condidimus:

A. VALORES ANGULORUM AUXILIARIUM.

$$\tan. p = \sin. i \sin. L \dots (\alpha) \quad \tan. q = \sin. a \cos. i \cos. L \dots (\beta)$$

$$\cos. r = \cos. a \cos. i \dots (\gamma)$$

$$\tan. s = \cos. i \tan. L \dots (\delta), \quad \tan. t = \sin. i \sin. a \dots (\epsilon)$$

B. VALORES LINEARUM ET ANGULORUM, QUI REPRÆSENTANTUR *Fig. 5*.

Sequentibus aequationibus, quantitas $C = MK$ pro lubitu sumitur, quoniam est distantia inter punctum datum et planum datum intercepta.

$$FG = C : \tan. a \cos. i \dots (1)$$

$$IF = 2C : \sin. 2i \dots (2)$$

$$IK = C \times \cot. i \dots (3)$$

$$FK = C \times \tan. i \dots (4)$$

$$\sin. \varphi = \sin. (p-q) : \cos. p \cos. q \dots (5)$$

$$\sin. \psi = \cot. r \tan. \varphi \dots (6)$$

$$\sin. \rho = \cot. r \tan. i \dots (7)$$

$$\tan. \omega = \cos. a \cos. s \cos. t : \sin. (s+t) \dots (8)$$

$$KL = C \times \cot. \varphi \dots (9)$$

$$ML = C : \sin. \varphi \dots (10)$$

$$MA = \phi A = C : \cos. \varphi \dots (11)$$

$$LA = \frac{1}{2}C : \sin. 2\varphi \dots (12)$$

$$\text{tang. } \chi = \text{tang. } \psi : \text{fin. } \varphi (15)$$

$$\text{tang. } (\psi + u) = \text{fin. } \varphi \times \text{tang. } (\chi + U) (14)$$

Quae formulae varios casus continent, quos hac de re gnomonices scriptores pertractarunt. Illud vero formularum systema exemplo quodam postea illustremus.

§ 10.

Principes ex iis aequationibus hae sunt, nimirum (5) (6) et (8), quarum prior positionem axeos Mundi, altera lineam umbrae Meridiei, ratione plani dati, determinat. Valor *fin. φ* praeterea unum est ex elementis praecipuis, quod, uti deinceps videbimus (11), continebitur aequatione curvae, quam umbra dati puncti M in planum datum proiicit. Notitia accurata conditionis positivae vel negativae illorum angulorum nobis opus est, pro omni illo casu, qui diversus est ab eo, quem Fig. 3. iam posuimus. Hanc ob causam in contemplandis iis formulis aliquod tempus consumetur.

Prima illarum haec est:

$$\text{fin. } \varphi = \text{fin. } i \text{ fin. } L - \text{fin. } a \cos. i \cos. L (g) \text{ vel } (h)$$

Iam videamus, quatenam haec aequatio erit, si 1° planum perpendiculariter est positum atque in unam plagarum Horizontis obvertitur; 2° quatenam erit pro plano Horizontali; 3° atque quamnam formam accipiet si planum aut inclinans aut propendens Orientem, Meridiem, Occidentem vel Septentrionem spectat.

Pro omni eiusmodi casu, forma aequationis (5) longe simplicior erit, atque singuli hi casus docebunt, quatenam aut positiva aut negativa conditione oporteat angulum illum positionis φ uti.

A. Plano dato perpendiculariterposito, erit $i = 0$, $\text{fin. } i = 0$ et $\cos. i = 1$ et forma aequationis:

$$\text{fin. } \varphi = - \text{fin. } a \cos. L (x)$$

ex quo patet, angulum φ , Fig. 3, esse negativum, eumque negativum vel positivum fore, si magnitudo anguli a sit, aut intra 0° et 180° aut intra 180° et 360° .

(11) Vld. Infra Cap. III.

I. Ponamus iam illud planum verticale in Orientem vel Occidentem obverti, quod efficitur, si ponimus $a = 0$ vel $a = 180^\circ$ utrisque conditionibus erit $\sin. a = 0$ igitur $\sin. \varphi = 0$; Hinc $\varphi = 0^\circ$ vel $\varphi = 180^\circ$, quo indicatur: *Axin Mundi pro quacunque latitudine semper parallelum esse cum plano verticali, quod versus Orientem vel Occidentem spectat.*

II. Si autem planum verticale versus Meridiem ponimus, in aequatione (k) erit $a = 90^\circ$ et quoniam eo casu $\sin. a = 1$, aequatio:

$$\sin. \varphi = -\cos. L = -\sin. (90^\circ - L) = \sin. (L - 90^\circ)$$

$$\varphi = L - 90^\circ \quad \text{et} \quad L = 90^\circ + \varphi$$

III. Verum cum facies plani verticalis septentrionem spectat, erit aequatione (k) $a = 270^\circ$ et $\sin. a = -1$, igitur:

$$\sin. \varphi = \cos. L = \sin. (90^\circ - L)$$

$$L = 90^\circ - \varphi$$

Aequationibus $L = 90^\circ + \varphi$ et $L = 90^\circ - \varphi$ (quoniam priori φ negativa, alterae φ positiva est) hac illa continetur. *Angulus igitur positionis, quem Axis Mundi cum plano verticali, in Septentrionem obverso, constituit, est aequalis complemento latitudinis.*

Singuli autem hi casus igitur docent, angulum positionis φ duabus quadrantibus prioribus negativum, posterioribus positivum esse, si planum verticale, versus Orientem positum, ex ea positione circa lineam verticalem per plagas Meridiei Occidentis et Septentrionis, circumvolvatur (12).

(12) Ipsa quidem aequatio (x) docet, angulum φ et $\sin. \varphi$ intra limites $a = 0^\circ$ et $a = 180^\circ$ negativum et intra $a = 180^\circ$ et $a = 360^\circ$ positivum esse. Verum cum Fig. 3 delineatio illud tam aperte non exhibeat, fusius illud explicasse operae pretium erit, ne Lectori dubium sit, quin ita res sese habeat. Repraesentet Fig. 5. linea PQ Mundi axin, VT lineam verticalem et ZN plagam Septentrionis et Meridiei. Sit XY planum parallelum cum plano Meridiani et igitur in Orientem obversum. Demittatur e puncto M perpendiculara MK in illud planum; et ducatur recta pq per punctum K parallela cum axe PQ, quo facto recta pq projectionem axis Mundi in planum datum designat: atque ducatur KH parallela cum VT. Plana XY et MKH, semper inter se perpendicularia, atque recta KH, semper parallela cum NM, per Meridiem, Occidentem et per Septentrionem ex illa positione, quam, Fig. 5, delineatio exhibet circumvolvi cogitemus. Sit M locus quem spectator occupat, qui semper ante planum datum observare intelligitur. Planum igitur

B. Si aequatione (g) $i = 90^\circ$ ponimus, erit illa aequatio,

$$\sin. \varphi = \sin. L \quad \text{vel} \quad \varphi = L$$

Pro quocunque igitur plano Horizontali, angulus positionis, quem Mundi axis cum plano illo constituit, est aequalis Latitudini.

C. Ut varias illas formas aequationis (g) inveniamus, pro iis planis quae siue inclinant siue propendent et in ipsas Horizontis plagas, quas Cardinales vocant, sunt obversa, ponamus $a = 0^\circ$, $a = 90^\circ$, $a = 270^\circ$ et $a = 360^\circ$.

I. Pro plano inclinante, quod Occidentem spectat, $\sin. a = 0$ est, et aequatio (g) igitur erit:

$$\sin. \varphi = \sin. i \sin. L \dots \dots \dots (1)$$

Quum autem angulus i , pro plano inclinante positivus, pro propendente vero est negativus; angulus φ pro plano inclinante, quod in Orientem seu Occidentem est obversum erit positivus, verum negativus pro plano, quod eadem positione, propendat.

II. Plani autem facie in Meridiem converso, erit $a = 90^\circ$ et aequatio (g) hanc formam accipiet:

tur, si duas priores quadrantes percurrat, Mundi axin versus Polum Australem puncto L secabit. Revolvatur planum datum, ex illa, quam delineavimus, positione, paulisper versus Meridiem, deinceps paululum versus Septentrionem. Si igitur X arcum Xa effecerit, erit L punctum, quo planum Mundi axin transit. Si autem planum paulisper versus Septentrionem recedere facias, ita ut punctum X efficiat, arcum Xb, planum datum Mundi axin in L' secabit. Ducantur itaque rectae KL et KL': priori, quem memoravimus, casu linea KL, posteriori linea KL' projectionem axeos Mundi in planum datum repraesentabit, Priori conditione angulus MLK = φ , et posteriori angulus KL'M = φ' , sunt anguli positionis, quos Mundi axis cum plano dato constituit. Iam vero, si ML negativam esse ponimus, erit ML' positiva. Est autem $\tan. \varphi = KM : ML$ et $\tan. \varphi' = KM : ML'$; igitur $\tan. \varphi$ negativa et $\tan. \varphi'$ positiva, et anguli φ et φ' negativi et positivi. Quae quidem contemplatio docet, angulum positionis φ negativum vel positivum esse, si punctum L in ipso axe Mundi, ratione puncti dati M, versus polum Borealem aut versus polum Australem versetur. (Cf. CL. DE GELDER in opere *Proev. over de Posit. en Negat. toestand der Grootheden II Hoofdst.* § 110 — § 114 pag. 106 — 110.)

$$\sin. \varphi = \sin. i \sin. L - \cos. i \cos. L = -(\cos. i \cos. L - \sin. i \sin. L)$$

$$\sin. \varphi = -\cos. (i + L) = -\sin. \{90^\circ - (i + L)\} = \sin. \{(i + L) - 90^\circ\}$$

$$\varphi = (i + L) - 90^\circ \quad \text{vel} \quad i + L = 90^\circ - \varphi$$

III. Denique simulac planum Septentrionem spectat, erit $a = 270^\circ$ et $\sin. a = -1$ igitur

$$\sin. \varphi = \sin. i \sin. L + \cos. i \cos. L = \cos. (L - i) = \sin. \{90^\circ - (L - i)\}$$

$$\varphi = 90^\circ - (L - i) \quad \text{vel} \quad L - i = 90^\circ - \varphi \dots \dots (b)$$

quae aequatio (b), uti ratiocinium diligenter institutum docebit, aequatione (a) continetur.

§ 11.

Quo possent illi casus determinari, quibus Mundi axis parallelus est cum plano dato, aequatione (g) angulus $\varphi = 0$ ponatur, quo facto erit

$$0 = \sin. i \sin. L - \sin. a \cos. i \cos. L$$

qua aequatione per $\cos. i \cos. L$ divisa, alia orietur

$$\sin. a = \tan. i \tan. L \dots \dots \dots (\mu)$$

qua aequatione usi, inveniemus, *quomodo pro latitudine data, dataque plani inclinatione vel propensione, illud planum ratione plagarum Horizontis sit ponendum, ut Mundi axis cum eo plano sit parallelus?*

Sumamus e. g. Latitudinem urbis Groningae (13), igitur $L = 53^\circ 15' 12'', 7$ atque ponamus planum ita inclinare, ut sit angulus $i = 20^\circ$, quibus conditionibus inveniemus (14)

$$a = 29^\circ 8' 10'', 2$$

et

$$a = 150^\circ 51' 49'', 8$$

(13) Cf. Supra Cap. I. Pars II. § 1. *Annot. 1*, pag. 16.

(14) Si cogitemus $\tan. i \tan. L$ numerum quemdam repraesentare, qui est sinus arcus cuiusdam; qualis numerus necesse est, sit minor uno, ut aequatio revera existere possit, atque si ponamus a' arcum esse, qui, dum in quadrante prima versatur, cum ea sinu conveniat, idem ille numerus praeterea erit sinus $180^\circ - a'$, atque sinus omnium illorum arcuum, quos duae illae series Arithmeticae, primi ordinis complectuntur

$$a', a' + 360^\circ, a' + 2 \times 360^\circ, a' + 3 \times 360^\circ \text{ cetera et}$$

$$180^\circ - a', 540^\circ - a', 900^\circ - a', 1260^\circ - a' \text{ cetera.}$$

Cf. Cl. DE GELDER, *Beg. der Meetk.* VIII Boek § 545.

Verum si inclinationem aut propensionem determinare velis, qua planum, pro plaga quadam Horizontis fit ponendum, ut illud sit parallelum cum axe Mundi, aequatio

$$\text{tang. } i = \sin. a \cot. L \dots \dots \dots (\mu')$$

illam definiet.

In illa aequatione (μ) $\sin. a$ maxima quantitate utitur, si fit $a = 90^\circ$ qua Hypothesi illa aequatio erit;

$$1 = \text{tang. } i \text{ tang. } L$$

igitur $\text{tang. } i = \cot. L = \text{tang. } (90^\circ - L)$ vel, $i = 90^\circ - L$, quo indicatur: *Mundi axin parallelum esse cum eo plano, in Meridiem obverso, quod ita inclinare facis, ut fit angulus i aequalis complemento Latitudinis.*

§ 12.

Iam si porro quaerimus, *utrum casus quidem adsint, quibus Mundi axis sit perpendicularis in planum datum dispositus?* ut nobis ad eam quaestionem responso in promptu sit, in aequatione (f) $\varphi = 90^\circ$ ponamus, quo facto inveniemus:

$$1 = \sin. i \sin. L - \sin. a \cos. i \cos. L$$

qua aequatione, angulus a intra limites 0° et 180° vel 180° et 360° versatur. Priori casu, si $\sin. i$ positivam esse ponimus, erit

$$1 = \sin. i \sin. L - \sin. a \cos. i \cos. L$$

altero autem casu, pro eadem illius $\sin. i$ conditione

$$1 = \sin. i \sin. L + \sin. a \cos. i \cos. L$$

quas ambas aequationes ita ponamus:

$$1 = \sin. i \sin. L + \cos. i \cos. L - \cos. i \cos. L - \sin. a \cos. i \cos. L$$

$$1 = \sin. i \sin. L + \cos. i \cos. L - \cos. i \cos. L + \sin. a \cos. i \cos. L$$

vel potius (15),

$$1 = \cos. (i - L) - (1 + \sin. a) \cos. i \cos. L$$

$$1 = \cos. (i - L) - (1 - \sin. a) \cos. i \cos. L$$

quae continuo suppeditant:

(15) Cf. CL. DE GELDER, oper. mox citato VIII Boek, § 549.

$$1 + (1 + \sin. a) \cos. i \cos. L = \cos. (i - L)$$

$$1 + (1 - \sin. a) \cos. i \cos. L = \cos. (i + L)$$

Verum enim vero, si ad illud animum advertimus, $\cos. (i - L)$ semper positivam esse, licet sit $i - L$ positivus aut negativus, atque si attendimus semper esse $1 + \sin. a$ vel $1 - \sin. a$ una cum $\cos. i$ et $\cos. L$ positivum, quoniam scilicet $\sin. a$ est minor uno, facile videbimus priorem aequationis partem unitate maiorem, posteriorem vero hac semper minorem esse; quare hae aequationes, utpote formulae generales, existere nequeunt, nisi vel $\cos. L = 0$ vel $\cos. i = 0$ ponamus; quo casu ambae aequationes erunt $1 = \cos. (i - L)$, igitur $i - L = 0$ vel $i = L$. Verum si $\cos. L = 0$ siue $\cos. i = 0$ ponas, priori casu $L = 90^\circ$, posteriori $i = 90^\circ$ erit, quo indicatur: aequationes pro uno tantum plano Horizontali ipsa latitudine 90° valere.

Ponamus aequatione (g) $\sin. i$ negativam esse, quo positivum vel negativum valorem illius $\sin. a$ inveniemus:

$$1 + (1 + \sin. a) \cos. i \cos. L = \cos. (i + L)$$

$$1 + (1 - \sin. a) \cos. i \cos. L = \cos. (i - L)$$

qua e, utpote formula generalis eo tantum casu existere potest,

I. $\cos. L = 0$ posito, qua conditione erit, $1 = \cos. (L + i)$ et $L + i = 0$. Cum autem sit $\cos. L = 0$ erit $L = 90^\circ$, igitur $i + 90^\circ = 0$ et $i = -90^\circ$ atque denuo oriatur aequatio pro plano Horizontali sub ipsis Polis.

II. Verum si $\cos. i = 0$ ponimus erit $i = 90^\circ$ et $i + L = 0$, cuius ratiocinii idem exitus ad extremum existit.

Sed in aequatione (g) potest etiam $a = 90^\circ$ poni, quo facto $\varphi = 0$ posita:

$$1 = \sin. i \sin. L - \cos. i \cos. L = -(\cos. i \cos. L - \sin. i \sin. L) = -\cos. (i + L)$$

igitur,

$$L + i = 180^\circ$$

quae aequatio locum habere non potest, nisi sit $L = 90^\circ$ et $i = 90^\circ$.

In eadem aequatione $a = -270^\circ$ posita, id est plano in Septentrionem obverso, inveniemus:

$$1 = \cos. i \cos. L + \sin. i \sin. L = \cos. (L - i)$$

ex quo sequitur, $L - i = 0$, igitur $L = i$, planum igitur eodem, quo Latitudinis angulo, inclinare oportet.

A quam igitur parte aequatio (g) consideretur, omnia huc redeunt: *Mundi axin uno hoc casu perpendicularem esse cum plano dato, si illud scilicet sit parallelum cum plano Aequatoris.*

§ 13.

Aliam duplicis argumenti quaestionem nobis ponere possumus, qua 1° quaeritur, quomodo, data inclinatione, seu propensione plani dati, angulum positionis determinari oporteat, ut sit angulus *positionis* φ *maximum vel minimum*; tum altero loco 2° *quam inclinatione seu propensione plano opus sit, ut, dato angulo positionis α , idem ille angulus positionis φ sit maximum vel minimum?* Responso autem ad priorem huius quaestionis partem ita paratur, ut aequatione (g) illum $\sin \varphi$, utpote functionem anguli α consideremus, qua functione i et L sunt invariables: per calculum igitur differentialem habemus:

$$d. \sin. \varphi : d\alpha = -\cos. \alpha \cos. i \cos. L$$

$$d^2. \sin. \varphi : d^2\alpha = +\sin. \alpha \cos. i \cos. L$$

secundum theoriā de maximis et minimis, erit, $-\cos. \alpha \cos. i \cos. L = 0$ quod nulla alia conditione, nisi $\cos. \alpha = 0$ posita, valebit. Sed ea conditio, si obtineat, erit $\alpha = 90^\circ$ vel $\alpha = 270^\circ$ quo indicatur, planum illud propendens sive inclinans in Meridiem vel Septentrionem obvertendum esse. Si versus Meridiem spectat est $\alpha = 90^\circ$ et $\sin. \alpha = 1$ igitur $d^2. \sin. \varphi : d\alpha^2 = +\cos. i \cos. L$: versus Septentrionem si planum disponitur $\alpha = 270^\circ$ erit, $\sin. \alpha = -1$. igitur $d^2. \sin. \varphi : d\alpha^2 = -\cos. i \cos. L$ ex quo apparet, *angulum positionis φ pro omni inclinatione vel propensione plani dati, minimum esse, si illud planum in Meridiem obvertatur, et maximum si planum versus Septentrionem spectet* (16).

Quo posset autem ad alteram quaestionis partem responderi, necesse est, ut illum $\sin. \varphi$ aequatione (g), utpote functionem anguli i , valoribus hisce L et α immutabilibus, consideremus; quo facto erit:

$$d. \sin. \varphi : d\alpha = \cos. i \sin. L + \sin. \alpha \sin. i \cos. L$$

$$d^2. \sin. \varphi : d\alpha^2 = -\sin. i \sin. L (-\sin. \alpha \cot. i \cot. L)$$

ponatur legibus, quas theoria tulit:

$$\cos. i \sin. L + \sin. \alpha \sin. i \cos. L = 0$$

(16) Si Fig. 5, $MR = Mr = MK$ reddatur et rectae RS et rs parallelae cum linea VT ducantur, planum datum verticale, si Meridiem spectat, in S , et si versus Septentrionem est dispositum, in puncto s secabit. Angulus MSR erit maximus valor negativus anguli φ , quem valorem, *Minimum* vocant: angulus vero Mr maximo utitur valore positivo, quem *Maximum* vocant.

qua per $\sin. i \sin. L$ divisa: $\cot. i = -\sin. a \cot. L$

quo valore, illius $\cot. i$ in illum $d^2 \sin. \varphi : d a^2$ substituto, habebimus:

$$d^2 \sin. \varphi : d i^2 = -\sin. i \sin. L (1 + \sin. a \cot. L)$$

qua aequatione omne iudicium prorsus ab uno factore $\sin. i$ pendet. Sit *e. gr.* $a = 75^\circ$ $L = 52^\circ$, eo casu inveniemus $i = -53^\circ 14' 15''$, 5, et cum $\sin. i$ positivus est, ille valor anguli i , efficiet angulum positionis φ esse *Minimum*.

Si ponis $a = 90^\circ$, erit $\cot. i = -\cot. L$ vel $-i = L$.

§ 14.

Iam omnem nobis repraesentare possumus nexum permutationis valorum φ , per totam plani dati circumversionem. Datae sunt $L = 53^\circ 13' 12''$, 7 et $i = 20^\circ$ cum qua conditione duo valores anguli a conveniunt: nimirum $a = 29^\circ 8' 10''$, 2 et $a = 150^\circ 51' 49''$, 8. Reddatur, *Fig. 6*, quae planum Horizontis repraesentat, angulus $NMP = 53^\circ 15' 12''$, 7 = L et $ZGA = 29^\circ 8' 10''$, 2, verum $ZGA' = 150^\circ 51' 49''$, 8 quo facto rectae AB et $A'B'$ lineas repraesentant, secundum quas, planum, cuius angulus inclinationis est 20° , rectam Septentrionis et Orientis secare oportet, ut ita illud planum sit parallelum cum axe Mundi. Ponantur perpendicularae CD et $C'D'$ in AB et $A'B'$, atque reddantur anguli AGH et $B'GH'$ singuli aequales 20° . Iam si his conditionibus, plana NMP , HGD et $H'GD'$ circa rectas MN , GD et GD' circumvolvi facias, donec cum Horizonte angulum rectum efficiant, plana haec inclinantia AHB et $A'H'B'$, eo casu, cum ipso Mundi axe parallela esse videbimus.

Pingamus porro planum AHB circa verticalem circumvolvi, quae verticalis punctum G tranfit, angulo inclinationis constanter eandem 20° quantitatem servante; recta AB , una cum perpendiculara GD , inter illam conversionem, omne Horizontis planum peragrabit. Ponamus spectatorem, qui circuli circumferentiam $CMC'DND'$ percurrit, semper eo loco versare, quem punctum C indicat, atque igitur ante planum, quod movetur, nec non, ipsum plani motum inde a plaga Meridionali per plagas Occidentis Septentrionis et Orientis denuo versus Meridiem institui: quo facto videbimus,

I. Si spectator puncto C versatur et planum AHB in plagam GC obvertitur, angulum positionis $\varphi = 0$ esse

II. Interea dum punctum C arcum CM pereurrit, negativus valor erit an-

gulo φ , qui accrescet, donec eo tempore, quo planum in ipsam Meridiem est obversum, atque igitur linea AB in lineam WO pervenerit, negativus ille angulus φ fit *maximus*, id est minima quantitate utitur. Ex ea inde positione et per illud tempus, quo punctum C arcum MC' percurrit, angulus positionis negativus φ magis magisque decrescet, usque dum illud punctum denique in C perveniat, planumque motum plagam GC spectet et, recta AB positionem A'B' accepta, ille angulus positionis φ denuo fit aequalis zero.

III. Punctum C si arcum C'DN peragrat, angulus positionis φ erit positivus et inde a 0° accrescet, donec punctum C in N perveniat, atque, plani facie versus septentrionem disposita, angulus positivus φ *maximus*. Verum iam exinde per illud tempus, quo punctum C arcum ND'C permeat, angulus positivus iterum decrescet, donec in C denuo evanescat.

Hisce omnibus recte expositis, iam unusquisque facile percipiet, *angulum positionis φ esse negativum, donec linea CG in ipso angulo CGC' versatur verum positivum, si pervenerit in ceteras Horizontis plagas.*

Cogitemus planum, ceteris paribus, angulo 20° propendere, iam ea conditione erit $i = 20^\circ$ et duae quantitates anguli a erunt: $a = -29^\circ 8' 10''$, 2 atque $a = -150^\circ 51' 49'' 8$. Itaque ab altera eaque negativa parte rectae GZ reddatur angulus $ZGB' = 29^\circ 8' 10''$, 2 et angulus $ZGB = 150^\circ 51' 49''$, 8; quo facto planum propendens determinatum erit, quod in punctum D' est obversum, et aliud etiam planum, quod versus D est positum; quae plana eodem modo cum axe Mundi sunt parallela. *Angulus positionis φ erit igitur negativus pro omni arcu D'OCMC'WD, verum positivus pro reliqua circuli parte.*

§ 15.

Angulus positionis ψ , quem projectio axeos Mundi in planum datum constituit, cum linea secundum quam planum Meridiani illud datum secat, determinatur aequatione

$$\sin. \psi = \frac{\cos. a \cos. i}{\sqrt{(1 - \cos.^2 a \cos.^2 i)}} \times \tan. \varphi$$

Si igitur $\sqrt{(1 - \cos.^2 a \cos.^2 i)}$ positivam esse ponimus, quoniam $\cos. i$, tam pro plano quod inclinatur, quam pro eo quod propendit, eundem valorem positi-

tivum servat, qui valor ab illo $\cos. a$ et $\tan g. \varphi$ pendet: ille angulus ψ tales habebit, pro plano inclinante sive propendente, valores, quales indicat haec Tabula:

TABULA, QUA POSITIVAE ET NEGATIVAE CONDITIONES
ANGULI ψ INDICANTUR.

<i>Plano incli- nante AHB atque ob- verso in:</i>					<i>Plano propen- dente A'B'H' atque obver- so in:</i>				
	<i>cos. a</i>	<i>tang. φ</i>	<i>sin. ψ</i>	<i>ψ</i>		<i>cos. a</i>	<i>tang. φ</i>	<i>sin. φ</i>	<i>ψ</i>
Plagam GC...	+	o	o	o	Plagam GD'..	+	o	o	o
inter GL et GM	+	—	—	—	inter GD' et GM	+	—	—	—
Meridiem	o	—	o	o	Meridiem	o	—	o	o
inter GM et GC	—	—	+	+	inter GM et GD	—	—	+	+
plagam GC'...	—	o	o	o	plagam GD ..	—	o	o	o
inter GC et GN	—	+	—	—	inter GD et GN	—	+	—	—
Septentrionem	o	+	o	o	Septentrionem	o	+	o	o
inter GN et GC	+	+	+	+	inter GN et GD'	+	+	+	+

Quae Tabula docet, angulum ψ per unam plani sive inclinantis sive propendentis conversionem, quater evanescere, priusquam e positiva in negativam conditionem perveniat.

§ 16₄

Nec minoris momenti esse habeatur permutatio conditionum formulae

$$\tan g. \omega = \frac{\cos. a}{\cos. i \tan g. L + \sin. i \sin. a} \dots \dots \dots (1)$$

quoniam angulus ω praecipuum est elementum, quod multum profecto facit ad ipsam Horologii Solaris structuram.

A. Planum si sit verticale, erit $i=0$ et aequatio generalis pro eo casu

$$\text{tang. } \omega = \cos. a \cot. L \dots \dots \dots (x)$$

quae, posita vicissim, $a=0^\circ$, $a=90^\circ$, $a=180^\circ$ et $a=270^\circ$ dabit.

I. Pro plano verticali, quod versus Orientem spectat, $\text{tang. } \omega = \cot. L = \text{tang. } (90^\circ - L)$ igitur $\omega = 90^\circ - L$; quo indicatur ω complementum Latitudinis esse.

II. Pro plano verticali quod in Meridiem est obversum, erit aequatio (x) $\text{tang. } \omega = 0$ igitur $\omega = 0$.

III. Si autem planum verticale Occidentem spectat, erit $a = 270^\circ$ et $\cos. a = -1$ igitur eo casu aequatio (x) erit $\text{tang. } \omega = -\cot. L = -\text{tang. } (90^\circ - L)$ et $\omega = 0$.

IV. Facie plani Verticalis in Septentrionem conversa, denuo erit $\text{tang. } \omega = 0$ vel $\omega = 0$.

B. Pro Horologio Solari, quod in planum aliquod Horizontale conscribitur, in aequatione (x) est $i=90^\circ$, aequatio (1) erit eo casu $\text{tang. } \omega = \cot. a = \text{tang. } (90^\circ - a)$. Verum hoc casu a pro labitu potest sumi, ita ut, $a=90^\circ$ posita, sit $\omega = 0$.

Nimirum in Horologio Solari, quod in planum Horizontale conscribitur Lineae LA et LF una in alteram cadunt.

C. Valor tangentis anguli illius ω , pro plano quod inclinatur vel propendit, et quod praeterea in plagas cardinales obvertitur, erit

I. Si versus Orientem ponitur $\text{tang. } \omega = i : \cos. i \text{ tang. } L$

II. Si Meridiem spectat, $\omega = 0$

III. Verum ubi in Occidentem est obversum $\text{tang. } \omega = -i : \cos. i \text{ tang. } L$

IV. Denique, plano in Septentrionem converso, $\omega = 0$.

Forma aequationis (1) docet, illam $\text{tang. } \omega$ duobus tantum casibus evanescere. Primo loco si a non est aequalis 90° vel 270° et igitur $\cos. i \text{ tang. } L + \sin. i \sin a = 0$, quae conditio postulat $L=90^\circ$; quod si obtineat, sub ipso polo versabimur. Altero loco illud fiet, si est $\cos. a = 0$, atque igitur $a=90^\circ$ et $a=270^\circ$. Illam exinde argumenti conclusionem deduci oportet, duabus tantum conditionibus angulum ω evanescere, scilicet, si planum datum five in Meridiem five in Septentrionem obvertitur, cum simul appareat illum angulum ω positivum esse pro coeli parte Orientali, negativum vero pro eius parte Occidentali.

Pro quo tandem plano, cuius data est inclinatio vel propensio, sit ille angulus ω maximum vel minimum inveniemus ex aequatione (1), quae, si a variabilem esse

ponis, secundum leges calculi differentialis est pertractanda. Quo facto inveniemus

$$\frac{d. \text{tang. } \omega}{da} = \frac{-(\cos. i \text{ tang. } L + \sin. i \sin. a) \sin. a - \sin. i \cos.^2 a}{(\cos. i \text{ tang. } L + \sin. i \sin. a)^2} = 0$$

vel

$$-\sin. a \cos. i \text{ tang. } L - \sin. i \sin.^2 a - \sin. i \cos.^2 a = 0$$

$$\sin. a \cos. i \text{ tang. } L + \sin. i = 0$$

$$\sin. a = -\text{tang. } i \cot. L \dots \dots \dots (\mu').$$

Haec aequatio (μ') (quae, quoniam sinus numquam maior est uno, non existere potest, si $\text{tang. } i \cot. L$, maior sit uno, aliis verbis, si i sit maior complemento Latitudinis) determinat, data plani inclinatione aut propensione, iustam anguli positionis eiusdem illius plani quantitatem, quae existat necesse est, ut sit ω maximum aut minimum. Ex antecedentibus autem apparet, maximum illud cadere in partem Orientalem et minimum in Occidentalem.

§ 17.

Prorsus iam nobis cognitae sunt conditiones variables angulorum φ , ψ et ω , neque ulla molestia restat, in nexu aequationum inde ab (1) usque ad (14) diligenter observando: neque etiam si iis aequationibus uti velimus, ad ipsam Horologii Solaris structuram calculis institutis determinandam: illam scilicet structurae rationem qui sequuntur, accuratissime facere videntur.

Sit *Fig. 3.* (quae constructionem Horologii Solaris, in plagam mediam inter Orientem et Meridiem obverfi, repraesentat, cuius autem angulus α in quadrante prima versatur) primitiva Figurae delineatio: planum tabulae, in qua haec delineatio inest, planum datum repraesentet, atque AB rectam Horizontalem, HI verticalem, quae ambae, una cum quantitate C, pro lubitu ponuntur.

Primitiva hac figura anguli φ et ψ sunt negativi, verum angulus ω positivus. Linea LK Φ est projectio Axeos Mundi in planum datum. Linea LI recta, secundum quam planum Meridiani, et linea $\Sigma\Omega$ recta, secundum quam planum Aequatoris planum datum secat.

Angulum ω inde a dextra aut a sinistra parte perpendicularae FH numerant, si est ω positivus vel negativus, verum angulum ψ a parte dextra aut a sinis-

tra lineae LK , si fit ille angulus negativus aut positivus: angulus autem φ , una cum recta LM , est positivus vel negativus.

Ad praecipua constructionis elementa illud referatur, quod positio rectarum LK et LI determinatur. Sola illarum positio pendet ab uno puncto G , K et I , atque ab uno angulo ω . Iam primo loco ad rectam FG et lineas FK et FI attendamus.

I. Linea FG (quae *Fig. 3*, a parte sinistra versatur et quam aequatio (1), $FG = C : \tan. a \cos. i$ determinat) tam pro plano quod inclinat quam pro eo quod pro-pendit (quoniam $\cos. i$ semper positivus) erit $+$, $-$, $+$, $-$, si in prima, se-cunda, tertia vel quarta quadrante versatur ille angulus a . Versus Orien-tem et Occidentem erit FG infinitae magnitudinis; versus Meridiem autem vel Septentrionem $FG = 0$, evanescet.

II. Lineas FK et FI aequationes (4) et (2), $KF = C \tan. i$ et $IF = 2 C : \sin. 2i$ determinant, atque hae lineae (quoniam *Fig. 3*. planum datum inclinare posuimus, at-que igitur i est positivus) sunt positivae atque versantur in parte infertione perpendicu-lae HI . Hinc facile intelligitur easdem illos lineas FK et FI , si planum propen-det inde a puncto F versus superiorem partem ponendas esse. Planum autem si perpendiculare est dispositum, erit $i = 0$, $FK = 0$ et IF infinitae magnitudinis; at-que linea LG est igitur parallela cum perpendiculari HI : itaque $\omega = \psi$ (17).

(17) Revera $\omega = \psi$ esse, si $i = 0$ ponimus, apparebit. Hac etenim hypothefi est;

$$\sin. \varphi = -\sin. a \cos. L \dots \dots \dots (1)$$

$$\sin. \psi = +\cot. a \tan. \varphi \dots \dots \dots (2)$$

$$\tan. \omega = +\cos. a \cot. L \dots \dots \dots (3)$$

Ex priori harum aequationum oritur, $\sin.^2 \varphi = \sin.^2 a \cos.^2 L$

$$\text{igitur} \quad \cos.^2 \varphi = 1 - \sin.^2 a \cos.^2 L \quad \text{et} \quad \tan.^2 \varphi = \frac{\sin.^2 \varphi}{\cos.^2 \varphi} = \frac{\sin.^2 a \cos.^2 L}{1 - \sin.^2 a \cos.^2 L}$$

Suppeditabit igitur aequatio (2),

$$\sin.^2 \psi = \cot.^2 a \tan.^2 \varphi = \frac{\cot.^2 a \sin.^2 a \cos.^2 L}{1 - \sin.^2 a \cos.^2 L} = \frac{\cos.^2 a \cos.^2 L}{1 - \sin.^2 a \cos.^2 L}$$

$$\cos.^2 \psi = 1 - \sin.^2 \psi = 1 - \frac{\cos.^2 a \cos.^2 L}{1 - \sin.^2 a \cos.^2 L} = \frac{1 - \sin.^2 a \cos.^2 L - \cos.^2 a \cos.^2 L}{1 - \sin.^2 a \cos.^2 L}$$

III. Verum enim vero si potius desideraretur, ut coördinatae puncti L calculo definiantur, ne penderent elementa Figuræ ab angulis, qui difficile constructione iustam accipiunt quantitatem, illud est observandum, esse in triangulo rectangulo LMK, Fig. 3.

$$KH = KL \times \cos. \omega = C \times \cot. \varphi \cos. \omega \dots \dots \dots (15)$$

$$HL = KL \times \sin. \omega = C \times \cot. \varphi \sin. \omega \dots \dots \dots (16)$$

Quæ coördinatae Fig. 3. negativæ sunt; illas igitur, si pro alio valore, a et i signa mutantur, ex adversa parte puncti K vel perpendicularæ IH sumendas esse, unusquisque intelligit.

Reliqua pars structuræ Horologii Solaris, Theoriæ quam formulæ (9) usque ad (14) docent, superstructa, siue sua indole siue iis rebus, quas iam exposuimus, adeo simplex est, ut alia insuper expositione non indigeat: præcipue cum, in extrema Commentatione, omnes nostras rationes usu illustrare conabimur: quo exemplo omnes hæc formulæ melius etiam poterunt intelligi.

$$\cos.^2 \psi = \frac{1 - \cos.^2 L}{1 - \sin.^2 a \cos.^2 L} = \frac{\sin.^2 L}{1 - \sin.^2 a \cos.^2 L}$$

Denique erit:

$$\begin{aligned} \tan.^2 \psi &= \frac{\sin.^2 \psi}{\cos.^2 \psi} = \frac{\cos.^2 a \cos.^2 L}{1 - \sin.^2 a \cos.^2 L} \times \frac{1 - \sin.^2 a \cos.^2 L}{\sin.^2 L} = \cos.^2 a \cot.^2 L \\ \tan. \psi &= \cos. a \cot. L \end{aligned}$$

Quæ æquatio (si eam cum æquatione (3) comparas) probat revera fore $\psi = \omega$, si ponitur $i = 0$.

CAPUT SECUNDUM

*De inventione aequationis conus recti circularis, quem
motus radii solaris quotidie efficit.*

Si Solis Declinationem per totam diem eandem manere ponamus et per centrum Solis et punctum aliquod, verum non longe a terrae superficie remotum, recta ducitur indefinita, per se patet, illam rectam, visibili circumversione coeli, qualis quotidie obtinet, produturam fore superficiem conus recti circularis, cuius ipsum illud punctum erit cuspis. Invenienda est igitur altero loco, aequatio eius superficiem. Posita hac coni cuspide sive in Terrae centro sive in centro Horizontis, at eo semper loco, ubi est coördinatorum origo, facile inveniemus aequationem, quae, coördinatorum origine alio loco posita, aliam eiusdem superficiem dabit aequationem, quae nostro scopo magis expedit.

§ 1.

Repraesentet *Fig. 7.* planum ipsius tabulae, in qua *Figura* delineatur, planum Meridiani, quod spatium coeli dividit in Hemisphaeram Orientalem et Occidentalem, nempe ita, ut pars Orientalis supra, pars Occidentalis infra planum tabulae versetur. Sit *VT* linea verticalis; *ZN* recta, secundum quam planum Horizontis secat planum Meridiani, et quae veram Borsam veramque Meridiem in *N* et *Z* indicat. Situs est Axis Mundi *PQ* in eo plano Meridiani; igitur angulus *PMN* est latitudo Borealis = *L*. Ducatur per punctum *M* recta *LE* perpendiculariter in Axin Mundi, et illa recta erit linea, secundum quam planum Aequatoris secat illud Meridiani, ita ut angulus *ZML* fit angulus elevationis aequatoris supra Horizontem, qui angulus aequalis est complemento anguli Latitudinis *PMN* = *L*.

Fingamus Solem adesce in puncto *S* lineae *SM* in plano Meridiani a Septentrionali parte plani Aequatoris, et ducatur per eius centrum et punctum *M* (centrum

Horizontis apparentis) recta indefinita SMU: quo facto angulus $LMS = A$ erit Borealis declinatio Solis.

Ponamus systema reectarum PQ, LE et SMU (angulis PMS et PML eandem quantitatem constanter servantibus) circa axem PQ ita circumvolvi, ut ille axis PQ, ratione linearum TV et ZM, eandem servet positionem: et eo quidem casu percurrat linea LE planum Aequatoris et radius luminis SMU producat superficiem conii recti circularis, cuius erit cuspis M: tali autem ratione, ut sit superficies conii superior a Septentrione, verum inferior ab Australi parte Aequatoris, quae perfecte sita est medio loco inter ambas conii superficies.

Solem aliquo tempore post Meridiem in A pervenisse et rectam immobilem MS positionem lineae AM summissee cogitemus. Transeat per verticalem MT et centrum Solis A planum, quod secabit planum Horizontale secundum rectam BM, quo facto, erit ZMB angulus positionis plani verticalis, quod Solem tranfit, cum plano Meridiani, quem angulum Astronomi *Azimuth* nominant, et quem, ut supra notavimus (1), per omnem circuli circumferentiam inde ab Australi parte versus Occidentem, ceteras, numerabimus. Recta MB est projectio radii luminis AM in planum Horizontale et, quod exinde sequitur, angulus AMB est ille, quem hic radius luminis cum Horizonte efficit: Astronomi autem illum angulum Solis altitudinem appellant. In sequentibus angulum $ZMB = A$ et angulum $AMB = H$ ponemus.

Sumatur aliquo loco in recta AM punctum p pro lubitu, quod erit punctum aliquod superficiei conii. Ducatur perpendiculara pq in rectam BM quae linea pq simul erit perpendicularis supra planum Horizontale (2): perpendiculara qr denique in MZ ducta, erunt, (scilicet siquidem, uti requiritur, coördinatae eodem modo ac *Fig. 1.* ponantur) $rM = +x$, $qr = +y$ et $pq = +z$ coördinatae puncti illius p : quibus lineis coördinatis, aequatio superficiei conii definitur.

In triangulo rectangulo qrM est:

$$qM^2 = rM^2 + qr^2 = x^2 + y^2$$

$$qr = rM \times \text{tang. } M$$

five

$$y = x \times \text{tang. } A \dots\dots\dots (a)$$

(1) Cf. Supra Cap. I. Pars I. § 2. pag. 9.

(2) Vid. Cl. DE GELDER, Oper. cit. X *Book* § 747.

In triangulo rectangulo Mpq est

$$pM^2 = qM^2 + pq^2 = x^2 + y^2 + z^2$$

$$pq = pM \times \sin. pMq$$

$$pq^2 = pM^2 \times \sin.^2 pMq$$

$$z^2 = (x^2 + y^2 + z^2) \times \sin.^2 H \dots \dots \dots (\beta)$$

Altera haec aequatio (β) est aequatio superficiei coni, quae nobis inservire posset, si angulus ille H non esset eiusmodi, qui unoquoque momento temporis mutetur. Illud igitur agendum est, ut haec aequatio inveniatur functione quadam angulorum invariabilium L et A id est functione Latitudinis loci et Declinationis Solis.

§ 2.

Conscribatur radio tM , cui unitas est aequalis, sphaera, cuius est centrum M et cuius superficies secat planum anguli PMT secundum arcum πt , planum anguli TMA , secundum arcum ta , et planum anguli PMA secundum arcum πa (sunt autem omnes hi, arcus circuli cuiusdam maioris)

$$\angle TMP = 90^\circ - \angle PMN = 90^\circ - L$$

$$\angle PMA = \angle PMS = 90^\circ - \angle LMS = 90^\circ - A$$

$$\angle TMA = 90^\circ - \angle AMB = 90^\circ - H$$

Planum mobile PMS percurrerat angulum sphaericum $at\pi$, antequam ita est dispositum, ut transeat per lineas PM et MA : hunc angulum Astronomi *Angulum Horarum* appellant, qui tempore metitur, si pro angulo unius horae sumatur angulus quindecim graduum. Supplementum anguli Sphaerici $at\pi$ est angulus positionis plani verticalis TMB , cum plano Meridiani, aequalis angulo ZMB . Ducuntur itaque e triangulo Sphaerico $at\pi$ haec

$$\text{latus } \pi t = 90^\circ - L$$

$$\text{latus } \pi a = 90^\circ - A$$

$$\text{latus } at = 90^\circ - H$$

$$\text{angulus } \pi = U$$

$$\text{angulus } at\pi = 180^\circ - A.$$

Est autem (3):

$$\cos. at = \cos. \pi \sin. t\pi \sin. a\pi + \cos. t\pi \cos. a\pi$$

(3) Vid. Cl. DE GELDER, Oper. cit. XIII *Beek* § 1110.

id est quoniam, in univcrsum $\cos. (90^\circ - m) = \sin. m$, et $\sin. (90^\circ - m) = \cos. m$
 $\sin. H = \cos. U \cos. L \cos. A + \sin. L \sin. A \dots \dots \dots (a)$

Praeterea (4)

$$\begin{aligned} \tan. a\pi &= \frac{\sin. \pi}{\sin. \pi \cot. a\pi - \cos. \pi \cos. \pi} \\ \text{et quoniam } \tan. (180^\circ - m) &= -\tan. m \\ -\tan. A &= \frac{\sin. U}{\cos. L \tan. A - \sin. L \cos. U} \end{aligned}$$

vel

$$\tan. A = \frac{\sin. U}{\sin. L \cos. U - \cos. L \tan. A} \dots \dots \dots (b)$$

§ 3.

E Formulis (a) et (b), nimirum (α) et (β) opitulantibus, quaerenda est aequatio superficiei coni, qua anguli variables A et H non continentur et quae, coördinatis variabilibus exceptis, nullos admittit valores, nisi qui sibi constant. Ex aequatione (α), $y = x \times \tan. A$ sequitur $\frac{y}{x} = \tan. A$; igitur ex aequatione (b) oritur alia

$$\begin{aligned} \frac{y}{x} &= \frac{\sin. U}{\sin. L \cos. U - \cos. L \tan. A} \\ \frac{y^2}{x^2} &= \frac{\sin.^2 U}{(\sin. L \cos. U - \cos. L \tan. A)^2} \dots \dots \dots (c) \end{aligned}$$

Ex aequatione (β) vel $z^2 = (x^2 + y^2 + z^2) \times \sin.^2 H$ sequitur

$$\sin.^2 H = \frac{z^2}{x^2 + y^2 + z^2} \quad \text{vel} \quad \sin. H = \frac{z}{\sqrt{x^2 + y^2 + z^2}}$$

At aequatio (a) est eiusmodi

$$\sin. H = \cos. U \cos. L \cos. A + \sin. L \sin. A$$

(4) Vid. Cl. DE GELDER, Oper. cit. XIII Boek § 1127.

$$\frac{z}{\sqrt{(x^2 + y^2 + z^2)}} = \cos. U \cos. L \cos. A + \sin. L \sin. A \dots \dots \dots (d)$$

Hac et altera aequatione (c) unus tantum adest valor variabilis, scilicet angulus U , in cuius locum alius substitui potest, quo facto habebimus aequationem, pro x , y et z , quae erit aequatio superficiei coni.

Statim ex aequatione (d) alia sequitur:

$$\cos. U \cos. L \cos. A = \frac{z}{\sqrt{(x^2 + y^2 + z^2)}} - \sin. L \sin. A$$

$$\cos. U = \frac{z}{\cos. L \cos. A \times \sqrt{(x^2 + y^2 + z^2)}} - \frac{\sin. L \sin. A}{\cos. L \cos. A}$$

vel, ambabus secundae partis aequationis fractionibus sub eundem denominatorem redactis;

$$\cos. U = \frac{z - \sin. L \sin. A \times \sqrt{(x^2 + y^2 + z^2)}}{\cos. L \cos. A \times \sqrt{(x^2 + y^2 + z^2)}} \dots \dots \dots (e)$$

§ 4.

Ex hac aequatione (e) valores partis secundae reducendi sunt et eum in finem indagandum est quid valeant $\sin.^2 U$ et $(\sin. L \cos. U - \cos. L \tan. A)$.

Multiplicetur formula (e) per $\sin. L$ eique subtrahatur $\cos. L \tan. A$, inueniemus;

$$\sin. L \cos. U - \cos. L \tan. A = \frac{z \sin. L - \sin.^2 L \sin. A \times \sqrt{(x^2 + y^2 + z^2)}}{\cos. L \cos. A \times \sqrt{(x^2 + y^2 + z^2)}} - \frac{\cos. L \sin. A}{\cos. A}$$

$$\dots = \frac{z \sin. L - \sin.^2 L \sin. A \times \sqrt{(x^2 + y^2 + z^2)}}{\cos. L \cos. A \times \sqrt{(x^2 + y^2 + z^2)}} - \frac{\cos.^2 L \sin. A}{\cos. L \sin. A}$$

Vel potius fractionibus secundae partis huius aequationis sub eundem denominatorem redactis

$$\sin. L \cos. U - \cos. L \tan. A = \dots$$

$$\frac{z \sin. L - \sin.^2 L \sin. A \times \sqrt{(x^2 + y^2 + z^2)}}{\cos. L \cos. A \times \sqrt{(x^2 + y^2 + z^2)}} - \frac{\cos.^2 L \sin. A \times \sqrt{(x^2 + y^2 + z^2)}}{\cos. L \cos. A \times \sqrt{(x^2 + y^2 + z^2)}}$$

Verum quoniam $\sin.^2 L + \cos.^2 L = 1$, haec erit aequationis forma:

$$\sin. L \cos. U - \cos. L \tan. A = \frac{z \sin. L - \sin. A \times \sqrt{x^2 + y^2 + z^2}}{\cos. L \cos. A \times \sqrt{x^2 + y^2 + z^2}}$$

et quadratum, seu secunda eius potentia;

$$\begin{aligned} & (\sin. L \cos. U - \cos. L \tan. A)^2 = \dots \\ & \frac{\sin.^2 A \times (x^2 + y^2 + z^2) - 2z \sin. L \sin. A \times \sqrt{x^2 + y^2 + z^2} + z^2 \sin.^2 L}{\cos.^2 L \cos.^2 A \times (x^2 + y^2 + z^2)} \dots (f) \end{aligned}$$

quae in aequatione illa (c) erit valor denominatoris fractionis.

Ut autem valor numeratoris inveniatur, tenendum est $\sin.^2 U = 1 - \cos.^2 U$ esse, quo facto erit aequatio

$$\cos.^2 U = \frac{z^2 - 2z \sin. L \sin. A \times \sqrt{x^2 + y^2 + z^2} + \sin.^2 L \sin.^2 A \times (x^2 + y^2 + z^2)}{\cos.^2 L \cos.^2 A \times (x^2 + y^2 + z^2)}$$

igitur:

$$\begin{aligned} & \sin.^2 U = 1 - \cos.^2 U = \dots \\ & \frac{(\cos.^2 L \cos.^2 A - \sin.^2 L \sin.^2 A) \times (x^2 + y^2 + z^2) + 2z \sin. L \sin. A \times \sqrt{x^2 + y^2 + z^2} - z^2}{\cos.^2 L \cos.^2 A \times (x^2 + y^2 + z^2)} \dots (g) \end{aligned}$$

Substituatur aequatio (f) et (g) in aliam aequationem (c) qua substitutione invenimus:

$$\frac{y^2}{x^2} = \frac{(\cos.^2 L \cos.^2 A - \sin.^2 L \sin.^2 A) \times (x^2 + y^2 + z^2) + 2z \sin. L \sin. A \times \sqrt{x^2 + y^2 + z^2} - z^2}{\sin.^2 A \times (x^2 + y^2 + z^2) - 2z \sin. L \sin. A \times \sqrt{x^2 + y^2 + z^2} + z^2 \sin.^2 L} \dots (h)$$

§ 5.

Haec aequatio (h) libera est ab angulis variabilibus U, H et A: est igitur aequatio superficiei conici. Cum autem a priori cognitum sit, eam conici aequationem non nisi ad secundam potentiam adscensuram fore, exinde quam certissime conici licet eam aequationem (h) apta quadam reductione posse in formam simpliciore redigi. Sequitur continuo (5) ex aequatione (h),

(5) Eius formulae (h) transformatio, simplici innititur hoc elemento proportionum, quo scilicet traditur esse $y : x = p : q$. Hinc $y + x : x = p + q : q$ id est, $\frac{x+y}{x} = \frac{p+q}{q}$

$$\frac{x^2 + y^2}{x^2} = \frac{(\cos.^2 L \cos.^2 A - \sin.^2 L \sin.^2 A + \sin.^2 A)(x^2 + y^2 + z^2)z^2 + z^2 \sin.^2 L}{\sin.^2 A(x^2 + y^2 + z^2) - 2z \sin. L \sin. A \sqrt{(x^2 + y^2 + z^2)} + z^2 \sin.^2 L} \dots (i)$$

In eo fractionis numeratore, observabimus:

1° esse $-z^2 + z^2 \sin.^2 L = -z^2(1 - \sin.^2 L) = -z^2 \cos.^2 L$

2° elementa satis superque cognita docebunt:

$$\begin{aligned} \cos.^2 L \cos.^2 A - \sin.^2 L \sin.^2 A + \sin.^2 A &= \cos.^2 L \cos.^2 A + (1 - \sin.^2 L) \sin.^2 A = \\ \cos.^2 L \cos.^2 A + \cos.^2 L \sin.^2 A &= \cos.^2 L \times (\sin.^2 A + \cos.^2 A) = \cos.^2 L \end{aligned}$$

qua reductione, aequatio (i) iam simpliciori utitur forma:

$$\frac{x^2 + y^2}{x^2} = \frac{\cos.^2 L \times (x^2 + y^2 + z^2) - z^2 \cos.^2 L}{\sin.^2 A \times (x^2 + y^2 + z^2) - 2z \sin. L \sin. A \sqrt{(x^2 + y^2 + z^2)} + z^2 \sin.^2 L}$$

Eiusdem autem fractionis numerator, uti apparet, aequalis est $\cos.^2 L \times (x^2 + y^2)$ et propterea omnis aequatio dividi potest per $x^2 + y^2$, quo facto, erit

$$\frac{1}{x^2} = \frac{\cos.^2 L}{\sin.^2 A \times (x^2 + y^2 + z^2) - 2z \sin. L \sin. A \sqrt{(x^2 + y^2 + z^2)} + z^2 \sin.^2 L}$$

Posterioris huius fractionis denominator est aequalis quadrato valoris illius $\sin. A \sqrt{(x^2 + y^2 + z^2)} - z \sin. L$; extracta igitur ex ambabus aequationis partibus radice quadrata: erit

$$\frac{1}{x} = \pm \frac{\cos. L}{\sin. A \sqrt{(x^2 + y^2 + z^2)} - z \sin. L}$$

seu potius remota fractione

$$\sin. A \sqrt{(x^2 + y^2 + z^2)} - z \sin. L = x \cos. L$$

quae aequatio elevetur ad secundam potentiam: atque habebimus;

$$(x^2 + y^2 + z^2) \sin.^2 A = z^2 \sin.^2 L \pm 2xz \sin. L \cos. L + x^2 \cos.^2 L$$

§ 6.

Dabit autem signum illud ambiguum, quod peperit radicis extractio, duas easque varias coni superficies: propterea autem indagandum est, quod signum fit negligendum (6)? Illud autem facile inveniemus; ambabus scilicet aequatio-

(6) Si signum $\sqrt{}$ amoveri requiritur, ut ita e problematis solutione finalis (venia sit verbo!) inveniat aequatio aut si opus est radicem extrahi, semper nos summa cura vel decet, ut aequationis

nibus cum ipsa Figuræ conditione, et ratione coördinatas numerandi, accurate comparatis.

$$(x^2 + y^2 + z^2) \sin.^2 \Delta = z^2 \sin.^2 L - 2xz \sin. L \cos. L + x^2 \cos.^2 L \dots (\delta)$$

$$(x^2 + y^2 + z^2) \sin.^2 \Delta = z^2 \sin.^2 L + 2xz \sin. L \cos. L + x^2 \cos.^2 L \dots (\epsilon)$$

Illud quo fieri posset, tenendum est, si in aequatione (δ) $y=0$ ponimus, necessario nos inventuros esse aequationem omnium punctorum, quibus planum Meridiani superficiem coni secat, quod planum Meridiani per ipsam coni cuspidem necessario tranfit. Itaque a priori exinde cognitum est, daturam esse hanc secandi rationem systema duarum rectarum.

In aequatione $y=0$ posita, invenimus:

$$(x^2 + z^2) \sin.^2 \Delta = z^2 \sin.^2 L - 2xz \sin. L \cos. L + x^2 \cos.^2 L$$

vel transpositione quadam

$$z^2 (\sin.^2 L - \sin.^2 \Delta) - 2xz \sin. L \cos. L + x^2 (\cos.^2 L - \sin.^2 \Delta) = 0$$

Haec aequatio pro z est aequatio, quae ad secundam potentiam adscendit et e qua z tali ratione legregatur

$$z = \frac{2x \sin. L \cos. L}{\sin.^2 L - \sin.^2 \Delta} \times z + \frac{x^2 (\cos.^2 L - \sin.^2 \Delta)}{\sin.^2 L - \sin.^2 \Delta} = 0$$

igitur;

$$z = \frac{x \sin. L \cos. L}{\sin.^2 L - \sin.^2 \Delta} \pm \sqrt{\frac{x^2 \sin.^2 L \cos.^2 L - x^2 (\cos.^2 L - \sin.^2 \Delta) (\sin.^2 L - \sin.^2 \Delta)}{(\sin.^2 L - \sin.^2 \Delta)^2}}$$

Valor autem, cuius radix est extrahenda, tali modo reducitur:

$$\begin{aligned} (\cos.^2 L - \sin.^2 \Delta) (\sin.^2 L - \sin.^2 \Delta) &= \sin.^2 L \cos.^2 L - (\sin.^2 L + \cos.^2 L) \sin.^2 \Delta + \sin.^4 \Delta \\ &= \sin.^2 L \cos.^2 L - \sin.^2 \Delta + \sin.^4 \Delta = \sin.^2 L \cos.^2 L - \sin.^2 \Delta (1 - \sin.^2 \Delta) \\ &= \sin.^2 L \cos.^2 L - \sin.^2 \Delta \cos.^2 \Delta \end{aligned}$$

illius finalis (quae ob radicem extractam duplicem formam accepit) accurate periculum faciamus, ita ut appareat quatenam tandem forma inserviat casui in problemate posito. Errare videntur qui illud esse perhibent Universalis Arithmetices vitium, ut talis adsit ambiguitas, quae revera non est ambiguitas. Est potius altera haec forma, quae in eiusmodi problemate non requiritur et quam propterea negligimus, forma quaedam, quae alterius continet problematis solutionem, artissime tamen cum hoc coniuncta. Verum forma, quae ipsius problematis solutionem suppeditat, tamen duplici hac forma semper continetur et tot semper in problemate conditiones sunt posita quot requiruntur, ut forma propria facile inveniat. Haec igitur ambiguitas nihil continet incertum aut superfluum: quippe quod aetis conditionibus problematis solum imputetur. Cf. CL. DE GELDER *Beginf. der Steek. II Afk. III Hoofdst. § 517 — § 519.*

igitur

$$z = + \frac{x \sin. L \cos. \frac{1}{2} \sqrt{(\sin.^2 L \cos.^2 L - \sin.^2 L \cos.^2 L + \sin.^2 A \cos.^2 A)}}{\sin.^2 L - \sin.^2 A}$$

vel tandem

$$z = \frac{x \sin. L \cos. L + x \sin. A \cos. A}{\sin.^2 L - \sin.^2 A}$$

quæ aequatio duas rectas determinat, qui sequenti ratione simplicior forma datur:

Est enim (7):

$$\sin. L \times \cos. L = \frac{1}{2} \sin. 2 L \quad \text{et} \quad \sin. A \times \cos. A = \frac{1}{2} \sin. 2 A$$

Praeterea (8):

$$\sin.^2 L - \sin.^2 A = \sin. (L + A) \sin. (L - A)$$

quæ duas hasce suppeditat aequationes,

$$z = \frac{x (\frac{1}{2} \sin. 2 L + \frac{1}{2} \sin. 2 A)}{\sin. (L + A) \times \sin. (L - A)}$$

et

$$z = \frac{x (\frac{1}{2} \sin. 2 L - \frac{1}{2} \sin. 2 A)}{\sin. (L + A) \times \sin. (L - A)}$$

Est autem (9):

$$\sin. 2 L + \sin. 2 A = 2 \sin. (L + A) \cos. (L - A)$$

$$\sin. 2 L - \sin. 2 A = 2 \sin. (L - A) \cos. (L + A)$$

Hæ igitur erunt illæ aequationes:

$$z = x \times \frac{\sin. (L + A) \cos. (L - A)}{\sin. (L + A) \sin. (L - A)} = x \times \frac{\cos. (L - A)}{\sin. (L - A)} = x \times \cot. (L - A)$$

$$z = x \times \frac{\sin. (L - A) \cos. (L + A)}{\sin. (L + A) \sin. (L - A)} = x \times \frac{\cos. (L + A)}{\sin. (L + A)} = x \times \cot. (L + A)$$

Suppeditabit autem aequatio (ε) simili ratione $z = - x \times \cot. (L - A)$ et $z =$

(7) Cl. DE GELDER, *Beginf. der Meetk.* VIII Boek § 552.

(8) Cl. DE GELDER, *Oper. cit.* VIII Boek § 596.

(9) Cl. DE GELDER, *Oper. cit.* VIII Boek § 584.

— $x \times \cot. (L + \delta)$: quae aequationes cum ipsa Figuræ indole conferantur necessæ est.

§ 7.

Planum Meridiani, *Fig. 8*, secat superficiem conï secundum lineas SU et CD, quae lineae cum recta LE, id est, cum plano Aequatoris constituent angulum $LMS = \text{angulo } LMC = \delta$. Verum est angulus $ZML = 90^\circ - L$ igitur

$$\angle ZMS = 90^\circ - L + \delta = 90^\circ - (L - \delta)$$

$$\angle ZMC = 90^\circ - L - \delta = 90^\circ - (L + \delta)$$

Sit p punctum aliquod lineae SU; ducatur perpendiculara pq in rectam MZ, quo facto erit $qM = +x$ et $pq = +z$: atque in triangulo rectangulo Mpq erit;

$$pq = qM \times \text{tang. } ZMS \quad \text{vel,} \quad z = x \times \text{tang. } \{90^\circ - (L - \delta)\}$$

$$z = +x \times \cot. (L - \delta)$$

Sit p' punctum quoddam lineae CD; ducatur perpendiculara $p'q'$ in rectam ZM; erit in triangulo rectangulo $Mp'q'$

$$p'q' = q'M \times \text{tang. } ZMC \quad \text{vel,} \quad z = x \times \text{tang. } \{90^\circ - (L + \delta)\}$$

$$z = +x \times \cot. (L + \delta)$$

Probant haec omnia, solam aequationem (δ) cum ipsa Figuræ indole consentire: eamque esse superficiem conï (e linea mota MS ortæ) aequationem facile intelligimus, scilicet hanc:

$$(x^2 + y^2 + z^2) \sin.^2 \delta = z^2 \sin.^2 L - 2xz \sin. L \cos. L + x^2 \cos.^2 L \dots (B)$$

qua omnes lineae coördinatae omnium punctorum superficiem eius conï continentur.

§ 8.

Iam vero operæ pretium erit, in illam aequationem paulo diligentius inquisisse.

I. Si sit Solis Declinatio $\delta = 0$ qualis die vicesimo aut vicesimo primo mensium Martii et Septembris, obtinet, radius ille luminis non conï superficiem efficiet, verum planum quoddam quod ipsum est Aequatoris planum. Cuius quidem plani aequationem formula (B) propterea continet; etenim si ponimus esse $\delta = 0$ erit etiam $\sin. \delta = 0$ atque hæc igitur æquatio:

$$z \sin. L - x \cos. L = 0$$

$$z = x \times \cot. L$$

quae, uti Figura facile docebit, lineam L determinat, secundum quam lineam planum Aequatoris illud Meridiani secat: atque eadem haec aequatio, uti cognitum est, simul erit aequatio plani, quod secundum lineam LE perpendiculariter supra planum Meridiani est positum, scilicet aequatio plani Aequatoris. Praeterea posita $\Delta = 0$ exinde facile probatur, aequationem (B) ad ipsam quaestionem non pertinere, namque ex illa hypothese efficeretur esse

$$x = -x \cot. L$$

pro plano Aequatoris, quae, linea LE , positivam valoris x conditionem cum negativa valoris z convenire doceret, quod prorsus absurdum esset.

II. Quum autem in aequatione (B) $z = 0$ ponimus, invenimus aequationem pro x et y , quae omnes omnium punctorum coördinatae continentur, quibus punctis planum Horizontale secat superficiem conii: erit illa aequatio

$$(x^2 + y^2) \sin.^2 \Delta - x^2 \cos.^2 L = 0$$

$$y^2 \sin.^2 \Delta = x^2 (\cos.^2 L - \sin.^2 \Delta)$$

$$y \sin. \Delta = \pm x \sqrt{(\cos.^2 L - \sin.^2 \Delta)}$$

$$y \sin. \Delta = \pm x \cos. L \times \sqrt{\left(1 - \frac{\sin.^2 \Delta}{\cos.^2 L}\right)}$$

vel posita $\sin.^2 \Delta : \cos.^2 L = \cos.^2 m$

$$y \sin. \Delta = \pm x \cos. L \sin. m$$

$$y = \pm x \times \frac{\sin. m}{\cos. m} = \pm x \times \tan. m$$

Angulus m , uti e formula $\sin. \Delta : \cos. L = \cos. m$ apparet, quo five a parte Orientali, five ab Occidentali, punctum determinatur, quo in ipso Horizonte Sol oritur vel occidit. Insuper his duabus aequationibus $y = x \tan. m$ et $y = -x \tan. m$ rectae continentur, quibus Horizon superficiem conii secat: nimirum illae lineae, secundum quas nos Solem quotidie Orientem atque Occidentem vidimus.

III. Si in eadem aequatione (B) $x = 0$ ponimus, illa sic mutatur

$$(y^2 + x^2) \sin.^2 \Delta - x^2 \sin.^2 L = 0$$

$$y^2 \sin.^2 \Delta - x^2 (\sin.^2 L - \sin.^2 \Delta) = 0$$

$$y^2 \sin.^2 A = z^2 \sin.^2 L \left(1 - \frac{\sin.^2 A}{\sin.^2 L}\right)$$

Posita $\sin.^2 A : \sin.^2 L = \sin.^2 h$ erit

$$y^2 = z^2 \times \frac{\sin.^2 L}{\sin.^2 A} \times \cos.^2 h = z^2 \times \frac{\cos.^2 h}{\sin.^2 h} = z^2 \times \cot.^2 h$$

et

$$y = \pm z \times \cot. h$$

Planum verticale; quod Orientem transit et Occidentem, secat itaque superficiem conii secundum duas rectas atque angulus h determinat altitudinem Solis verticalem in Oriente et Occidente.

IV. Ponamus $L = A$ esse, scilicet Latitudinem aequalem Declinationi: dividatur aequatio per $\sin.^2 A = \sin.^2 L$; hinc

$$x^2 + y^2 + 2xz \cot.^2 L = x^2 \cot.^2 L = 0$$

atque exindé invenimus;

$$x^2 (1 - \cot.^2 L) - y^2 = 0$$

$$z = \frac{y}{2x \cot. L}$$

e quibus patet eo casu, unam tantum quantitatem valoris x et y cum altera valoris z convenire: atque si sumatur $x = 0$ et $y = 0$, erit

$$z = 0$$

quae forma docet, omnia Verticalis puncta esse puncta superficiei conii: Verticalis Orientis et Occidentis tangit superficiem conii, cuius una pars a Septentrionali, altera a Meridionali parte Verticalis Orientis et Occidentis sita est: Sol igitur transit per verticem loci in quo spectator versatur.

V. Verum si complementum anguli Latitudinis aequalem esse angulo Declinationis ponimus, erit $A = 90^\circ - L$ et $\sin. A = \cos. L$. Dividatur itaque formula (B) per $\cos.^2 L = \sin.^2 A$, atque specialis aequatio erit:

$$y^2 + z^2 - z^2 \tan.^2 L + 2xz \tan. L = 0$$

$$x = \frac{z^2 (\tan.^2 L - 1) - y^2}{2z \tan. L}$$

Cum omni igitur valore coördinatarum z et y , quaecunque in ipsa verticali Orientali et Occidentali sumantur, unus tantum valor coördinatae x consentiet Positis vero $z = 0$ et $y = 0$ erit;

$$x = 0$$

que forma indicatur, omnia puncta linearum Septentrionalium et Meridionalium esse puncta superficiei conii. Dimidia pars superficiei conii supra, verum altera pars infra planum Horizontis versatur, quod planum igitur ipsam conii superficiem tangit. Sol igitur per totum diem sive supra sive infra Horizontem versatur.

VI. Planum verticale, quod lineam verticalem sive axem coördinarum z tranfit, uti iam supra vidimus (10), hæc æquatio determinat:

$$y = x \operatorname{tang.} a$$

Si itaque valorem illius y in æquationem (B) transferamus, innotescet æquatio pro x et z : quæ determinabit projectionem linearum, quibus planum datum conii superficiem secat: cum autem planum illud secans transeat cuspidem conii, tam ipsa illa sectio, quam eius projectio, ambæ necessario erunt systema duarum rectarum: quam quidem observationem ipsa confirmat substitutio;

$$x^2 (\sin.^2 L - \sin.^2 A) - 2xz \sin. L \cos. L + x^2 (\cos.^2 L - \sin.^2 A \sec.^2 a) = 0$$

atque, si ex hac æquatione z solvas,

$$z = x \times \frac{\sin. L \cos. L \pm \sqrt{\{\sin.^2 L \cos.^2 L - (\sin.^2 L - \sin.^2 A) (\cos.^2 L - \sin.^2 A \sec.^2 a)\}}}{\sin.^2 L - \sin.^2 A}$$

atque, valore infra signum radicis ulterius reducto:

$$z = x \times \frac{\sin. L \cos. L \pm \frac{1}{\cos. a} \times \sqrt{(\cos.^2 A - \cos.^2 L \sin.^2 a)}}{\sin.^2 L - \sin.^2 A}$$

Si in illa æquatione $\cos.^2 A - \cos.^2 L \sin.^2 a = 0$ ponimus, erunt ambo hi valores illius z æquales, quo facto, iam illum casum determinavimus, quo planum verticale conii superficiem tangit.

Ex eadem illa Hypothesi porro sequitur, hanc æquationem

$$\sin. a = \cos. A : \cos. L$$

(10) Scilicet Cap. I. Part. I. § 4. pag. 13. Illa enim æquatio, licet tali forma non descripta sit, tamen sequitur ex illa (A1); in qua, quoniam (si planum verticale lineam MW vel axem coördinarum z , non autem ipsam verticalem ST, transire ponis) sumenda est distantia $A = 0$; quapropter erit $x \sin. a - y \cos. a = 0$; ex qua invenimus $y = x \operatorname{tang.} a$.

quantitatem valoris α definire, quae si obtineat, planum verticale conï superficiem tangit: cum illa autem aequatione specialis conditio est conïanota, quae efficit, ut illud planum conï superficiem tangat. Nimirum haec ea est conditio, ut sit $\cos. L$ maior $\cos. \Delta$ vel angulus declinationis Δ maior angulo Latitudinis L . Nullo igitur alio loco, nisi intra Tropicos, planum conï superficiem tangere poterit.

Haec omnia, quum convenient cum ipsis Astronomiae initiis, ab omni parte veram esse aequationem (B), quam invenimus, probant.

§ 9.

Antequam huic Capiti finem imponere liceat, breviter notandum est, aequationem (B), eo tantum casu, conï superficiem determinare, si Solis Declinationem, quae est angulus Δ , sibi constare ponimus. Cum autem haec Declinatio unoquoque puncto temporis variet, superficies illa (quam constituit radius Luminis, qui transit per punctum datum atque centrum Solis) non quidem erit superficies conï recti circularis, verum superficies conï transcendentalis, cuius innumerabiles circumferentiae, circa cuspidem, spiralia instar, sunt dispositae, unaquaeque vero eiusmodi circumferentia, quam Sol uno die efficit, non longe distat ab ipsa conï recti circularis superficie. Aequatio quae superficiem eiusmodi conï transcendentalem, determinaret, iam eo casu, quo Solis orbitam circulum, et annum eius motum motum uniformem esse, ponimus admodum esset composita: ex quo facile videmus eam formam multo magis compositam fore; si, mutua planetarum perturbatione neglecta, Solis orbitam ellipfin esse poneremus. Inde a certo quodam temporis puncto (e. gr. quo Sol in Arietis signo versatur nullamque habet aut Declinationem aut Longitudinem) tempus esset numerandum; quo tempore pro variabili valore sumto, ipsa huius superficiei aequatio esset determinanda, quam superficiem radius Solis, qui positione mutatur, efficit. Sed illa aequatio adeo composita nobis nihil inserviret, cum pro dato quodam temporis puncto, valores illius temporis variabilis et, quem illud definit, anguli variabilis Δ , semper utpote dati aut cogniti essent considerandi, tamen ipsa aequatio (B) ex illa formula magis composita oriretur: quam ob causam nulla exstat ratio; cur illam aequationem quaeramus.

CAPUT TERTIUM.

De ratione, qua aequatio curvae, quam pura puncti umbra in planum datum proiicit, recte possit definiri.

INTRODUCTIO DISPUTATIONIS.

In antecedentibus iam eo perventum est, ut determinatae sint, aequationes plani dati atque conici, quem efficit motus radii Solis: superest igitur ut ambae hae aequationes, hac plani dati in illam conici recti substituta, uni reddantur formae, quo facto generalem inveniemus formulam curvae, quam facit umbra, a puncto dato M in planum datum projecta.

Theoria illarum aequationum, quae planorum positionem determinant, docet, una coördinarum, v. gr. z , ex aequatione (A)

$$x \sin. a - y \cos. a + z \tan. i - A \sin. a = 0$$

separata, eiusque valore in alteram (B)

$$(x^2 + y^2 + z^2) \sin.^2 L = z^2 \sin.^2 L - 2xz \sin. L \cos. L + x^2 \cos.^2 L$$

substituto, oriri exinde aequationem pro coördinatis variabilibus x et y , atque haec erit aequatio projectionis omnium punctorum, tam plano dato, quam superficiem conici communium in planum designatae, quod axes coördinarum x et y tranfit, id est in planum Horizontale. Verum haec formula, prouti forma aequationum (A) et (B) iam indicare videtur, eiusmodi erit, ut coördinatae illius variables x et y ad potentiam, secundam non maiorem, adscendant: atque (pro variis rationibus, quae sunt pro vario casu et conditione varia inter coefficients invariabiles) haec formula erit vel aequatio circuli vel systematis duarum rectarum vel unius e tribus conici sectionibus.

Siquidem similiter ex aequatione (A) valor quantitatis y separatur atque in alteram (B) substituitur, inveniemus aequationem curvae, quae est projectio alterius curvae, secundum quam planum datum secat superficiem conici recti, designatae in planum axium coördinarum x et z , id est in planum Meridiani. Erit

etiam haec aequatio, pro coördinatis variabilibus x et z ob rationes, quas modo attulimus, aequatio circuli vel systematis duarum rectarum vel unius e tribus conic sectionibus.

Valore quantitatis x ex aequatione (A) segregato, eoque in alteram (B) substituto, inveniemus projectionem eiusdem illius curvae in planum verticale, quod Orientem et Occidentem tranfit atque cum plano Meridiani rectum efficit angulum. Eadem vero curvas aut idem systema rectarum suppeditabit haec aequatio.

Verum enim, si umbrae projectio in planum datum est curva duplicis curvaturae (qui casus obtineret, si planities data non quidem planum esset, sed curva quaedam superficies) duae e tribus illis aequationibus, quae varias projectiones determinarent, pro lubitu posset eligi. Porro projectionibus linearum structura in planis coördinatarum, has projectiones determinantium, designatis, haec curva duplicis curvaturae constructione determinanda esset, nec longius eo casu hac via progredi possemus (1). Sed cum planum datum coni superficiem necessario secundum curvam simplicis curvaturae secet, illa res diutius persequi potest, atque apto quodam systemate axium coördinatarum assumpto, nullis ambagibus usque ipsam possumus aequationem invenire, quae curvam determinat, secundum quam planum datum secat superficiem coni, quae curva necessario erit circulus seu coni sectio: qua formula excitata, omnis responsio ad quaestionem propositam erit parata.

Antequam illud agamus semel observasse sufficiat, quod in sequentibus nobis prorsus haud inutile erit: nimirum aequationem superficiei coni in illam plani mutari, si Solis Declinatio sit aequalis *nullo*, qualis, ut neminem lateat, erit in eantibus Vere et Autumno. Namque quoniam altera pars aequationis (B) perfecte est quadrata, in priori eius parte, $\Delta = 0$ posita, omnis illa pars evanescet, eoque casu aequatio superficiei coni erit

$$z/\sin. L - x \cos. L = 0$$

exinde apparet: coni superficiem secare planum datum secundum rectam, cuius rectae projectio in plana Horizontis et Meridiani nec non in planum verticale Orientis et Occidentis designata, eadem, quam supra indicavimus, ratione invenitur.

(1) Eiusmodi constructionis leges et praecepta docuit. Cl. DE GELDER in opere *Hoogere Meetkunst I Deel* § 46. pag. 28. 19.

Iam ante vidimus (2) aequationem plani dati Horizontalis hac forma

$$z + \beta = 0$$

contineri. Si igitur in aequatione (B) $z = -\beta$ ponimus, inueniemus continuo aequationem curvae, quam proiicit umbra puncti M in planum Horizontale. Similiter ceteri, quos memoravimus, casus (3) facili substitutione docebunt, aequationem eiusdem illius curvae proiectae in omnia plana verticalia seu versus Orientem vel Occidentem posita, seu in Meridiem aut Septentrionem obversa. Illud iam ex iis statuere licet (tali coördinatorum systemate sumto, ut una axium perpendicularis supra planum datum, duae aliae sint parallelae cum illo plano) informari posse aequationem superficiei conici, apta quadam reductione, pro coördinatis ultimo loco positis, atque deinceps simplici substitutione, umbrae aequationem continuo inveniri posse: qua formula generali definita, omnis quaestio soluta erit.

P A R S P R I M A.

*De optima axium coördinatorum positione, quibus inventio
aequationis umbrae ipsa facilius erit.*



§ 1.

Ut invenire possis aequationem pro mutatis hisce coördinatorum axibus, ponamus, *Fig. 1*, planum aliquod, parallelum cum plano dato AHB originem coördinatorum M transire. Indicetur illud planum *Fig. 9*. (in qua ZNWO planum Horizontis repraesentat) literis AHB, cum recta AMB sit linea secundum quam illud planum Horizontem secat et quae linea originem coördinatorum transfit. Erit angulus $ZMA = \alpha$ ille angulus, quem *Fig. 1*, eadem litera

(2) Cf. Supra Cap. I. Part. I. § 4. pag. 13.

(3) Hos supra memoravimus Cap. I. Part. I. § 5. seq. pag. 14.

indicabat. Ponamus perpendicularam MV esse supra planum Horizontale atque lineam CM , uti in, *Fig. 1*, in ipso plano Horizontali versari et perpendicularem dispositam esse in rectam AB , secundum quam planum datum secat illud Horizontis. Porro planum $CMVH$ erit planum verticale; perpendicularare supra planum datum, atque angulus VMH , in eo plano verticali fitus; est aequalis angulo i , *Fig. 1*. Hanc autem Figuram ita delineavimus ut planum datum inclinare intelligatur, atque planum AHB sibi ipsum parallelum, tamdiu moveri ponimus, donec coördinatorum originem M tranfiverit, angulis α et i eandem, uti in *Fig. 1*, quantitatem semper servantibus.

Fingamus rectam ML in plano verticali CVH perpendiculararem esse cum MH ita ut fit angulus $LMC = \text{angulo } VMH = i$; rectae $MLMA$ et MH eo casu perpendiculariter inter se sunt positae atque efficiunt angulum rectum triaedrum.

Ponamus tres illas perpendiculas repraesentare axes coördinatorum t , u et v tali modo,

ML pro plaga positiva axeos t

MA pro plaga positiva axeos u

MH pro plaga positiva axeos v.

Sit P punctum aliquod superficiei conii recti, fitum intra plana anguli, quem coördinatorum axes constituunt. Ducatur PQ perpendicularis in planum Horizontale, perpendiculara QR in MZ atque per punctum Q recta indefinita EQF , perpendiculariter in AM . Reddatur angulus FES aequalis angulo $LMC = i$. Demittatur e puncto P perpendiculara PS in rectam ES . Porro eam Figurae partem FEP circa lineam EF tamdiu circumvolvi ponamus, donec planum FPE perpendiculariter supra planum Horizontale sit positum; quo facto lineae ES et LM necessario in eodem plano erunt fitae, quod planum, Horizontem secans, cum illo efficit angulum $SEF = \text{angulo } LMC = i$. Ducatur in eodem illo plano e puncto S recta SU parallela cum linea AM , et propterea perpendicularis in ML . His factis erunt $MR = x$, $RQ = y$ et $PQ = z$ coördinatae puncti P , pro illo systemate coördinatorum, quibus supra (1) aequationem superficiei conii definivimus. Verum quoniam SE parallela est cum recta ML , atque SU parallela cum AM et PS parallela cum MH , habebimus pro novo coördinatorum systemate:

(1) Cap. II. § 7. pag. 58.

$$UM = ES = t$$

$$SU = EM = u$$

$$PS = v$$

Atque iam omnis quaestionis cardo nuno in eo versatur, ut aequatio superficiei conici (B) in aliam eiusdem illius superficiei transferatur, quae pro coördinatis hisce t , u et v valeant.

Illud autem effici potest, si adiuvante Figura, posteriorum coördinatarum t , u et v valores, functione quadam priorum x , y et z determinare possumus. Etenim e tribus eiusmodi aequationibus denuo x , y et z functionibus coördinatarum t , u et v segregatae poterunt definiri. His denique valorum x , y et z quantitibus in ipsa aequatione (B) substitutis, nova orietur aequatio, quae eandem hanc conici superficiem determinat, pro systemate coördinatarum mox assumpto.

In triangulo rectangulo FRQ cuius angulus FQR = angulo ZMA = a est, observamus esse

$$FR = y \operatorname{tang}. a \quad \text{et} \quad FQ = y \operatorname{sec}. a$$

igitur ex ipsa Figurae conditione

$$FM = MR + RF = x + y \operatorname{tang}. a$$

In triangulo rectangulo MEF porro invenimus

$$EF = FM \sin. a = x \sin. a + y \sin. a \operatorname{tang}. a$$

$$EM = FM \cos. a = x \cos. a + y \sin. a$$

$$\text{vel} \quad u = x \cos. a + y \sin. a \dots\dots\dots (a)$$

Ex ipsa figura apparet, esse

$$\begin{aligned} EQ &= EF - FQ = x \sin. a + y \sin. a \operatorname{tang}. a - y \operatorname{sec}. a \\ &= x \sin. a + y \times \left\{ \frac{\sin.^2 a}{\cos. a} - \frac{1}{\cos. a} \right\} = x \sin. a - y \times \left\{ \frac{1 - \sin.^2 a}{\cos. a} \right\} \\ &= x \sin. a - y \cos. a \dots\dots\dots (a) \end{aligned}$$

Porro in triangulo rectangulo EGQ

$$EG = EQ \sec. i = (x \sin. a - y \cos. a) \sec. i$$

$$GQ = EQ \operatorname{tang}. i = (x \sin. a - y \cos. a) \operatorname{tang}. i$$

igitur

$$PG = PQ - GQ = z - x \sin. a \operatorname{tang}. i + y \cos. a \operatorname{tang}. i$$

Deinceps in triangulo rectangulo PSG, cuius angulus P = i est; observamus:

$$PS = PG \cos. i$$

id est,

$$v = z \cos. i - x \sin. a \sin. i + y \cos. a \sin. i \dots \dots \dots (\beta)$$

Praeterea in eodem illo triangulo PSG,

$$SG = PG \sin. i = z \sin. i - x \sin. a \tan. i \sin. i + y \cos. a \tan. i \sin. i$$

Facile autem ex ipsa figura intelligitur esse

$$ES = EG + GS = z \sin. i - x \sin. a \tan. i \sin. i + y \cos. a \tan. i \sin. i \\ + x \sin. a \sec. i - y \cos. a \sec. i$$

igitur

$$t = z \sin. i + x \sin. a \times (\sec. i - \tan. i \sin. i) - y \cos. a (\sec. i - \tan. i \sin. i)$$

Verum prima Goniometriae elementa docent, esse

$$\sec. i - \tan. i \sin. i = \cos. i$$

hanc igitur formam indicat posterior haec aequatio

$$t = z \sin. i + x \sin. a \cos. i - y \cos. a \cos. i \dots \dots \dots (\gamma)$$

Valores quantitatum t , u et v functionibus quantitatum x , y et z iam definiti sunt. Has vero aequationes sequenti ordine denno adscribamus:

$$t = z \sin. i + x \sin. a \cos. i - y \cos. a \cos. i \dots \dots \dots (\gamma)$$

$$v = z \cos. i - x \sin. a \sin. i + y \cos. a \sin. i \dots \dots \dots (\beta)$$

$$u = + x \cos. a + y \sin. a \dots \dots \dots (\alpha)$$

§ 2.

Hisce aequationibus opitulantibus, determinari oportet valores quantitatum x , y et z functionibus quantitatum t , u et v , quod facile quidem efficitur, si, in illis aequationibus t , u et v cognitae esse ponimus, atque, x , y et z nondum innotuisse finguntur, quam solutionem optima ratione me sic instituire opinor.

Multiplicatis aequatione (γ) per $\sin. i$, et aequatione (β) per $\cos. i$, productus multiplicationum inter se addantur: quibus factis inueniemus:

$$z = t \sin. i + v \cos. i \dots \dots \dots (\gamma)$$

Verum aequatione (γ) per $\cos. i$ et aequatione (β) per $\sin. i$ multiplicata, producitur:

$$t \cos. i - v \sin. i = x \sin. a - y \cos. a \dots \dots \dots (\delta)$$

aequatio (α) huic aequationi subscribatur, ita quidem

$$u = x \sin. a + y \cos. a$$

ex hac et ex antecedenti valores quantitatum x et y facillime determinari possunt. Etenim aequatione (δ) per $\sin. a$ et aequatione (α) per $\cos. a$ multiplicata, additisque productibus erit;

$$x = u \cos. a + t \sin. a \cos. i - v \sin. a \sin. i \dots \dots \dots (\alpha')$$

et aequatione (δ) per $\cos. a$ et aequatione (α) per $\sin. a$ multiplicata, atque productibus inter se subtractis, erit

$$y = u \sin. a - t \cos. a \cos. i + v \cos. a \sin. i \dots \dots \dots (\beta')$$

Ipsi igitur valores quantitatum x , y et z functionibus quantitatum t , u et v definiuntur; scilicet:

$$x = u \cos. a + t \sin. a \cos. i - v \sin. a \sin. i \dots \dots \dots (\alpha')$$

$$y = u \sin. a - t \cos. a \cos. i + v \cos. a \sin. i \dots \dots \dots (\beta')$$

$$z = t \sin. i + v \cos. i \dots \dots \dots (\gamma')$$

Quae aequationes rationem indicant, quae est inter coördinatas eiusdem puncti in spatio indefinito siti, tam pro systemate coördinatarum prius posito, quam pro systemate posterius assumpto. Igitur in aequatione plani cuiusdam vel curvae aliquius superficiei, definita hoc coördinatarum x , y et z systemate, pro hisce coördinatis, earum valores (quos aequationes (α'), (β') et (γ') definiunt) sunt substituendi, ut continuo eiusdem illius plani seu superficiei curvae aequationem pro systemate coördinatarum t , u et v invenias.

§ 3.

Veros esse valores illos quantitatum x , y et z ceteris omisfis, duplici hoc modo posset probari.

I. Cum axes coördinatarum mox assumptae, sunt parallelae cum plano dato et perpendiculariter supra illud, valoribus quantitatum x , y et z in formulam primariam (A) substitutis, aequatio plani dati necessario longe erit simplicior.

Sequenti ratione calculus instituitur, qui hanc thesin quam evidentissime probat. Nimirum:

$$\begin{aligned} + x \sin. a &= + u \sin. a \cos. a + t \sin.^2 a \cos. i - v \sin.^2 a \sin. i \\ - y \cos. a &= - u \sin. a \cos. a + t \cos.^2 a \cos. i - v \cos.^2 a \sin. i \end{aligned}$$

$$+z \operatorname{tang}.i = \dots + t \sin.i \operatorname{tang}.i + v \sin.i$$

$$+ A \sin.a = \dots + A \sin.a$$

Hae aequationes, si inter se addantur, quoniam summa priorum partium omnium harum aequationem est aequalis zero, uti aequatio (A) docuit, inveniemus.

$$0 = t \times \{ \cos.i (\sin.^2 a + \cos.^2 a) + \sin.i \operatorname{tang}.i \} \dots$$

$$\dots + v \times \{ \sin.i - (\sin.^2 a + \cos.^2 a) \sin.i \} + A \sin.a$$

Id est quoniam $\sin.^2 a + \cos.^2 a = 1$ et $\operatorname{tang}.i = \sin.i : \cos.i$

$$t \times \left\{ \cos.i + \frac{\sin.^2 i}{\cos.i} \right\} + A \sin.a = 0$$

Multiplicetur posterior haec aequatio per $\cos.i$, quo facto erit:

$$t \times (\cos.^2 i + \sin.^2 i) + A \sin.a \cos.i = 0$$

id est, quoniam iterum $\cos.^2 i + \sin.^2 i = 1$;

$$t + A \sin.a \cos.i = 0 \dots \dots \dots (A)$$

Iam haec erit plani dati aequatio pro novo systemate coördinarum t , u et v , quae ipsa aequatio probat nos, in calculo antea instituto, novisque valoribus coördinarum t , u et v definiendis, non lapsos fuisse. Etenim cum axes coördinarum u et v sunt parallelae cum plano dato, omnia eius plani puncta aequali distantia ab eo plano sint remota, necesse est, quod planum axes coördinarum MA et MH tranfit, cum pro omnibus eius plani punctis, fit $t = -A \sin.a \cos.i$; qui valor ordinatae t ipsam lineam MK, Fig. 1, accurate determinat (2).

II. Cum figura docet esse $x^2 + y^2 + z^2 = MP^2$, necessario $t^2 + u^2 + v^2 = MP^2$ erit: ex quo sequitur aequationibus (α'), (β') et (γ') ad secundam potentiam elevatis, aequationem exinde hanc $x^2 + y^2 + z^2 = t^2 + u^2 + v^2$ oriri.

Revera secundae illarum aequationum potentiae haec suppeditant:

$$x^2 = u^2 \cos.^2 a + t^2 \sin.^2 a \cos.^2 i + v^2 \sin.^2 a \sin.^2 i + 2 tu \sin.a \cos.a \cos.i \dots$$

$$\dots - 2 uv \sin.a \cos.a \sin.i - 2 tv \sin.^2 a \sin.i \cos.i$$

$$y^2 = u^2 \sin.^2 a + t^2 \cos.^2 a \cos.^2 i + v^2 \cos.^2 a \sin.^2 i - 2 tu \sin.a \cos.a \cos.i$$

$$+ 2 uv \sin.a \cos.a \sin.i - 2 tv \cos.^2 a \sin.i \cos.i$$

$$z^2 = t^2 \sin.^2 i + v^2 \cos.^2 i + 2 tv \sin.i \cos.i$$

Si hae aequationes ad unam omnes addantur et coefficientes potentiarum et il-

lae productum quantitatum t , u et v more solito coniungantur, ceterisque Arithmetices universalis legibus observatis invenimus:

$$\begin{aligned} x^2 + y^2 + z^2 = & u^2 (\sin.^2 a + \cos.^2 a) + t^2 \{ (\sin.^2 a + \cos.^2 a) \cos.^2 i + \sin.^2 i \} \\ & + v^2 \{ (\sin.^2 a + \cos.^2 a) \sin.^2 i + \cos.^2 i \} \\ & + 2tv \{ \sin. i \cos. i - \sin. i \cos. i (\sin. a + \cos. a) \} \end{aligned}$$

Verum quoniam $\sin. a + \cos. a = 1$, antecedens aequatio erit:

$$\begin{aligned} x^2 + y^2 + z^2 = & u^2 + t^2 (\cos.^2 i + \sin.^2 i) + v^2 (\sin.^2 i + \cos.^2 i) \\ & + 2tv (\sin. i \cos. i - \sin. i \cos. i) \end{aligned}$$

vel quoniam denuo $\sin.^2 i + \cos.^2 i = 1$;

$$x^2 + y^2 + z^2 = t^2 + u^2 + v^2$$

Sic altero igitur experimento confirmatur, accuratas esse aequationes (α') (β') et (γ'), quas invenimus; ita ut substitutis valoribus quantitatum x , y et z , in aequatione superficiei conii recti (B), aequatio eiusdem illius superficiei, pro coördinatis t , u et v erit cognita. Hac deinceps aequatione formula (A') nimirum $t = -A \sin. a \cos. i$ erit substituenda, ut curvae aequatio innotescat, quam curvam umbra, a puncto dato M proiecta, in planum datum designat.

§ 4.

Aequationem superficiei conii, pro novo systemate coördinatarum t , u et v , propterea facile inveniemus quoniam est $x^2 + y^2 + z^2 = t^2 + u^2 + v^2$. Quo posuit autem haec aequatio,

$$(x^2 + y^2 + z^2) \sin.^2 A = z \sin.^2 L - 2xz \sin. L \cos. L + x^2 \cos.^2 L \dots \dots (B)$$

pro novo hoc coördinatarum systemate informari pro $x^2 + y^2 + z^2$ eius valor $t^2 + u^2 + v^2$ est substituendus, qui in alteram partem aequationis transferatur;

$$x = t \sin. a \cos. i + u \cos. a - v \sin. a \sin. i$$

$$z = t \sin. i + v \cos. i$$

quo facto, valoribus quantitatum x^2 et z^2 , nec non productu illius x multiplicatae per z , calculo accurate definitis, et terminis eiusdem speciei coniunctis, orietur illa aequatio:

$$\begin{aligned} 0 = & t^2 \{ (\sin. i \sin. L - \sin. a \cos. i \cos. L)^2 - \sin.^2 A \} \\ & + u^2 (\cos.^2 a \cos.^2 L - \sin.^2 A) \\ & + v^2 \{ (\cos. i \sin. L + \sin. a \sin. i \cos. L)^2 - \sin.^2 A \} \\ & - 2tu (\sin. i \sin. L - \sin. a \cos. i \cos. L) \cos. a \cos. L \end{aligned}$$

$$+ 2 tv (\sin. i \sin. L - \sin. a \cos. i \cos. L) (\cos. i \sin. L + \sin. a \sin. i \cos. L) \\ - 2 uv (\cos. i \sin. L + \sin. a \sin. i \cos. L) \cos. a \cos. L \dots \dots (B')$$

Est autem haec aequatio superficiei conii pro axibus coördinatorum t , u et v id est, *Fig. 6*, pro axibus ML , MA et MH , posita coördinatorum origine in ipsa conii cuspidem M . Posset autem simili ratione, uti nos indicavimus, haec ipsa aequatio probari; quod, cum longum sit, neque me illa assensione penes Lectorem indigere existimem, ad reliqua explicanda progrediemur.

P A R S S E C U N D A.

De inveniendae aequatione, quae curvam umbrae, in planum datum proiectae, determinat.



§ 1.

Omnibus iam pro consilio mutatis ex aequatione (B') quam modo ante invenimus, determinare conabimur aequationem curvae quam radius Solis in planum datum designat: quod quo facilius procedat in ea aequatione (B') ponenda est ordinata $t = -A \sin. a \cos. a$, quoniam, ipsa distantia quae est inter conii cuspidem et planum datum, id est ipsa linea $MK = A \sin. a \cos. a$, et quoniam illa recta MK directione axeos ordinatae t producitur, et negativae illius axeos plagae est infixa; qua substitutione terminis eiusdem speciei invicem coniunctis, aequatio curvae, quam umbra puncti dati M in planum datum proiicit, haec erit:

$$0 = v^2 \{ (\cos. i \sin. L + \sin. a \sin. i \cos. L)^2 - \sin.^2 A \} \\ - 2 uv (\cos. i \sin. L + \sin. a \sin. i \cos. L) \cos. a \cos. L \\ + u^2 (\cos.^2 a \cos.^2 L - \sin.^2 A) \\ - 2 A v (\sin. i \sin. L - \sin. a \cos. i \cos. L) (\cos. i \sin. L + \sin. a \sin. i \cos. L) \sin. a \cos. i \\ + 2 A u (\sin. i \sin. L - \sin. a \cos. i \cos. L) \sin. a \cos. a \cos. i \cos. L \\ + A^2 \sin.^2 a \cos.^2 i \{ (\sin. i \sin. L - \sin. a \cos. i \cos. L)^2 - \sin.^2 A \} \dots (C)$$

Haec aequatio, quae ad secundam potentiam adscendit atque omnes, quotquot existant, terminos comprehendit, si suapte natura sit possibilis, erit aequatio unius e tribus conici sectionibus aut systematis duarum rectarum. Si igitur iusta ratione in illam aequationem inquireretur (1), posset illa construi, id est, ex ipsa coefficientium invariabilium indole posset cum genus sectionis conicae, tum diametri coniugatae accurate definiri. Verum cum nobis propositum est, invenire polarem earundem illarum conici sectionum aequationem, pro illo puncto, in quo Mundi axis planum datum secat, melius nobis egisse videbimur, si axes coördinatorum v et u , qui inter se angulum rectum constituunt, eodem puncto M, Fig. 9, pro origine coördinatorum sumto, eademque anguli magnitudine servata, ita circumvolvantur, ut hac ipsa circumversione simplicior existat aequatio.

§ 2.

Sit, Fig. 10, recta horizontalis MA axis ordinatae u , verticalis MV axis ordinatae, v , quae lineae eadem sunt, ac in Fig. 9, verum in planum datum translatae. Ponamus igitur alteras lineas MH' et MA' esse axes coördinatorum V et U, quae lineae cum prioribus axibus, definitum quemdam angulum m constituunt (2). Si igitur ponimus

$$v = V \cos. m - U \sin. m$$

$$u = V \sin. m + U \cos. m$$

nova orietur aequatio eiusdem curvae, pro coördinatis, quae parallelae sunt cum axibus modo assumtis. Cum autem haec aequatio, quae eandem accipiet formam, qua antecedens utitur, pro omnibus valeat valoribus anguli m , una certe coefficientium potest aequalis *nullo* poni, atque ita valor anguli m definiri, eoque facto, illum valorem anguli m in ipsas reliquorum terminorum coefficientes substituere possumus, qua substitutione invenimus talem aequationis formam:

(1) Bismodi examinis exemplum fufius explicat. Cl. DE GELDER in opere *Hoogere Meetkunst*, I *Afdeeling*, II *Hoofdstuk*, § 221.

(2) Cf. Cl. DE GELDER, Op. cit. II *Afdeeling*, I *Hoofdstuk*, § 284.

$$\begin{aligned}
0 = & V^2 \{ [\cos. m (\cos. i \sin. L + \sin. a \sin. i \cos. L) - \sin. m \cos. a \cos. L]^2 - \sin.^2 L \} \\
& - 2 UV \{ \sin. m \cos. m (\cos. i \sin. L + \sin. a \sin. i \cos. L)^2 - \sin. m \cos. m \cos.^2 a \cos.^2 L \dots \\
& \dots + (\cos.^2 m - \sin.^2 m) (\cos. i \sin. L + \sin. a \sin. i \cos. L) \} \cos. a \cos. L \\
& + U^2 \{ [\sin. m (\cos. i \sin. L + \sin. a \sin. i \cos. L) + \cos. m \cos. a \cos. L]^2 - \sin.^2 L \} \dots \\
& - 2 AV \{ \cos. m (\sin. i \sin. L - \sin. a \cos. i \cos. L) (\cos. i \sin. L + \sin. a \sin. i \cos. L) \sin. a \cos. i \\
& \dots - \sin. m (\sin. i \sin. L - \sin. a \cos. i \cos. L) \sin. a \cos. a \cos. i \cos. L \} \dots \\
& + 2 AU \{ \sin. m (\sin. i \sin. L - \sin. a \cos. i \cos. L) (\cos. i \sin. L + \sin. a \sin. i \cos. L) \sin. a \cos. i \\
& + \cos. m (\sin. i \sin. L - \sin. a \cos. i \cos. L) \sin. a \cos. a \cos. i \cos. L \} \\
& + A^2 \sin.^2 a \cos.^2 i \{ (\sin. i \sin. L - \sin. a \cos. i \cos. L)^2 - \sin.^2 L \} \dots \dots (C')
\end{aligned}$$

§ 5.

Ponamus hac aequatione coefficientem quarti termini, quo termino potentia prima valoris V multiplicatur aequalem esse zero. Si utrumque eius aequationis terminus per factorem $\sin. i \sin. L - \sin. a \cos. i \cos. L$, ambobus terminis communem, dividas, invenies:

$\cos. m (\cos. i \sin. L + \sin. a \sin. i \cos. L) \sin. a \cos. i = \sin. m \sin. a \cos. a \cos. i \cos. L$
qua posteriore aequatione per $\sin. a \cos. i$ et deinceps per $\cos. m$ divisa, invenimus:

$$\cos. i \sin. L + \sin. a \sin. i \cos. L = \tan g. m \cos. a \cos. L$$

$$\tan g. m = \frac{\cos. i \sin. L + \sin. a \sin. i \cos. L}{\cos. a \cos. L}$$

Si igitur ille valor, quem determinavimus (qui convenit cum illo $\cot. \omega$ quem supra (5) invenimus), detur tangenti anguli m , quartus terminus illius aequationis (C') evanescet: verum idem ille valor illius $\tan g. m$ efficit alteram aequationis partem evanescere. Quod ut demonstrari possit, tenendum est (4) $\sin. m \cos. m = \frac{1}{2} \sin. 2 m$ et $\cos.^2 m - \sin.^2 m = \cos. 2 m$ esse. Iam vero coefficiente secundae partis aequationis (C') = 0 posito. (nimirum, ut ita videamus, quinam tandem sit valor anguli m) inveniemus:

$$\begin{aligned}
\frac{1}{2} \sin. 2 m \{ (\cos. i \sin. L + \sin. a \sin. i \cos. L)^2 - \cos.^2 a \cos.^2 L \} = \\
- 2 \cos. m (\cos. i \sin. L + \sin. a \sin. i \cos. L) \cos. a \cos. L
\end{aligned}$$

Hac aequatione duobus multiplicata, eiusque terminis per $\cos. 2 m$ divisa, erit

(3) Cap. I. part. II. § 8. Num. V. pag. 32.

(4) Vid. Cl. DE GELDER, *Beg. der Mechanik*, VII. Book, § 550.

$$\text{tang. } 2m = \frac{2 \cos. a \cos. L (\cos. i \sin. L + \sin. a \sin. i \cos. L)}{\cos.^2 a \cos.^2 L - (\cos. i \sin. L + \sin. a \sin. i \cos. L)^2}$$

Ille valor, quem pro Tangente anguli m invenimus, facile docebit valorem tangentis anguli $2m$: est enim (5)

$$\text{tang. } 2m = \frac{2 \text{ tang. } m}{1 - \text{tang.}^2 m}$$

e quo valore tangentis anguli m , hic oritur:

$$\text{tang. } 2m = \frac{2 (\cos. i \sin. L + \sin. a \sin. i \cos. L)}{\cos. a \cos. L} \\ 1 - \frac{(\cos. i \sin. L + \sin. a \sin. i \cos. L)^2}{\cos.^2 a \cos.^2 L}$$

quae aequatio, numeratore et denominatore fractionis per $\cos.^2 a \cos.^2 L$ diviso, eundem pro tangente anguli duplicis m dabit valorem, quem, secunda parte aequationis (C') = 0 posita, iam invenimus.

§ 4.

Ex eo ni fallor apparet, aequationem (C') hanc formam $\alpha V^2 + \beta U^2 + \gamma U + \delta = 0$ accepturam esse, si tangenti anguli m detur valor, quem invenimus. Si igitur coördinatorum axes circa originem circumvolvere facimus, donec angulum effecerint, cuius tangens fit aequalis $\text{tang. } m$, aequatio quae coni sectionem determinat longe erit simplicior, quum ipsa axis ordinarum V fit axis sectionis conicae. Etenim habet illa aequatio, termino invariabili δ excepto, eandem formam, quae invenitur, si aequationem sectionis conicae cuiusdam, ex ipsa coni sectione determinare conabimur, posita coördinatorum origine in extremo axe vel diametro, igitur in ipsa coni superficie. Et si mathematicas problematis condiciones serie mente perpendimus, eiusmodi angulam m revera adesse facile intelligitur e quo scilicet angulo, illa aequationis forma oriatur. Namque superficies coni, quem luminis radius efficit, est superficies coni recti

(5) Cl. DE GELDER, Op. cit. l. c. § 577.

circularis; igitur omnes intersectiones centrales eius axin transeunt et perpendiculariter basi insistant. Linea verticem sectionis conici tangens cum axe angulum rectum constituit, et planum, cui sectio conici insita est, perpendiculariter in centrali intersectione est positum. Ea ratione, *Fig. 5*, *M* sit cuspidis conici, recta *ML*, quae Mundi axin repraesentat, eiusdem illius conici axis, et *KL* projectio eius axeos, qui est axis coördinatorum *U*. Haec omnia nos docent, eodem coördinatorum systemate ita servato, ut earum origo in linea *KL* inde a puncto *K* in *L* transferatur, aptissimam nos inventuros esse formam, e qua, puncto *L* pro foco coördinatorum polarium sumto, oriatur aequatio, cuius valores definiuntur radiis vectoribus eorumque angulo positionis: quae aequatio aliam denique suppeditabit, quae unice ab iis radiis vectoribus et ab uno angulo horario pendet.

§ 5.

Detur aequationi (C) (angulo *m* e termino priori, tertio et quinto eius aequationis remoto) forma quae ab illo angulo *m* prorsus non pendet. Invenimus

$$\text{tang. } m = \frac{\cos. i \sin. L + \sin. a \sin. i \cos. L}{\cos. a \cos. L}$$

Haec aequatio, si ad secundam potentiam elevatur, eique secundae potentiae partium $1 = 1$ addatur, quoniam $\sec.^2 m = 1 + \text{tang.}^2 m$ et $\cos.^2 m = 1 : \sec.^2 m$, et fractione inversa erit

$$\cos.^2 m = \frac{\cos.^2 a \cos.^2 L}{\cos.^2 a \cos.^2 L + (\cos. i \sin. L + \sin. a \sin. i \cos. L)^2}$$

et, quoniam $\sin.^2 m = 1 - \cos.^2 m$, continuo, ex illa aequatione haec sequitur:

$$\sin.^2 m = \frac{(\cos. i \sin. L + \sin. a \sin. i \cos. L)^2}{\cos.^2 a \cos.^2 L + (\cos. i \sin. L + \sin. a \sin. i \cos. L)^2}$$

Valores igitur illius $\sin. m$ et $\cos. m$, qui in terminis eius aequationis (C) sunt substituendi, erunt hi:

$$\sin. m = \frac{\cos. i \sin. L + \sin. a \sin. i \cos. L}{\sqrt{\cos.^2 a \cos.^2 L + (\cos. i \sin. L + \sin. a \sin. i \cos. L)^2}}$$

et

$$\cos. m = \frac{\cos. a \cos. L}{\sqrt{\{\cos.^2 a \cos.^2 L + (\cos. i \sin. L + \sin. a \sin. i \cos. L)^2\}}}$$

Coëfficiens prioris termini aequationis (C) hic est

$$[\cos. m (\cos. i \sin. L + \sin. a \sin. i \cos. L) - \sin. m \cos. a \cos. L]^2 - \sin.^2 A$$

Si igitur in illa functione pro $\cos. m$ et $\sin. m$ valores, quos modo ante determinavimus, substituantur, primo iam intuitu apparet, omnem illum terminum, qui uncinis quadratis includitur, evanescere, quoniam ambabus eius partibus idem erit valor: quam ob causam longior coëfficiens prioris termini aequationis (C) aequalis erit huic $-\sin.^2 A$

Coëfficiens tertii eius aequationis termini, hic est:

$$[\sin. m (\cos. i \sin. L + \sin. a \sin. i \cos. L) + \cos. m \cos. a \cos. L]^2 - \sin.^2 A$$

valoribus eius $\sin. m$ et $\cos. m$. substitutis et fractionibus, quae exinde oriuntur, in unam redactis, invenimus:

$$\left\{ \frac{(\cos. i \sin. L + \sin. a \sin. i \cos. L)^2 + \cos.^2 a \cos.^2 L}{\sqrt{[\cos.^2 a \cos.^2 L + (\cos. i \sin. L + \sin. a \sin. i \cos. L)^2]}} \right\} - \sin.^2 A$$

et revera, si in illa functione priorem terminum enucleamus, inveniemus, pro coëfficiente illius U^2

$$\frac{[\cos.^2 a \cos.^2 L + (\cos. i \sin. L + \sin. a \sin. i \cos. L)^2]^2}{\cos.^2 a \cos.^2 L + (\cos. i \sin. L + \sin. a \sin. i \cos. L)^2} - \sin.^2 A \dots$$

$$\dots = \cos.^2 a \cos.^2 L + (\cos. i \sin. L + \sin. a \sin. i \cos. L)^2 - \sin.^2 A$$

Tandem ut e coëfficiente quinti termini angulus m removeatur, ita agendum est $2A \{ \sin. m (\sin. i \sin. L - \sin. a \cos. i \cos. L) (\cos. i \sin. L + \sin. a \sin. i \cos. L) \sin. a \cos. i$
 $+ \cos. m (\sin. i \sin. L - \sin. a \cos. i \cos. L) \sin. a \cos. a \cos. i \cos. L \}$
 duo termini sunt, qui illum factorem constituent, atque hoc divisore communi utuntur, scilicet;

$$2A \sin. a \cos. i (\sin. i \sin. L - \sin. a \cos. i \cos. L)$$

quo factore per divisorem communem diviso, atque valoribus huius $\sin. m$ et $\cos. m$ substitutis, invenimus;

$$\sin. m (\cos. i \sin. L + \sin. a \sin. i \cos. L) + \cos. m \cos. a \cos. L = \dots$$

$$\frac{(\cos. i \sin. L + \sin. a \sin. i \cos. L)^2 + \cos.^2 a \cos.^2 L}{\sqrt{[\cos.^2 a \cos.^2 L + (\cos. i \sin. L + \sin. a \sin. i \cos. L)^2]}} = \dots$$

$$\dots \sqrt{[\cos.^2 a \cos.^2 L + (\cos. i \sin. L + \sin. a \sin. i \cos. L)^2]}$$

Quodsi hanc formam eodem illo factore, quo antea divisa est, multiplicare perreximus, hic erit terminus quintus aequationis (C)

$$2 A \sin. a \cos. i (\sin. i \sin. L - \sin. a \cos. i \cos. L) \times \dots$$

$$\sqrt{\cos.^2 a \cos.^2 L + (\cos. i \sin. L + \sin. a \sin. i \cos. L)^2}$$

Omnibus hisce igitur observatis, aequatio, libera ab illo angulo m , hanc formam accipit:

$$\begin{aligned} V^2 \sin.^2 A &= A^2 \sin.^2 a \cos.^2 i \{ (\sin. i \sin. L - \sin. a \cos. i \cos. L)^2 - \sin.^2 A \} \\ + 2 AU \sin. a \cos. i (\sin. i \sin. L - \sin. a \cos. i \cos. L) &\sqrt{\cos. i \sin. L + \sin. a \sin. i \cos. L}^2 \\ &\dots + \cos.^2 a \cos.^2 L \} \\ + U^2 &\{ (\cos. i \sin. L + \sin. a \sin. i \cos. L)^2 + \cos.^2 a \cos.^2 L - \sin.^2 A \} \end{aligned}$$

Atque haec est aequatio, quae puram puncti dati umbram in planum datum determinat, posita coördinatorum origine, Fig. 3, in puncto K : scilicet si ipsa projectio cuspidis conici, in planum datum delineata, sit axis U , atque recta KL , quae est projectio axeos Mundi, sit axis V ; quae linea, Fig. 3, per punctum K ducta, perpendicularis est in rectam KL , atque igitur parallela cum recta $\Xi\Omega$.

§ 6.

Verum enim vero haec aequatio in formam longe simplicioiorem redigi poterit. Iam supra (6) determinavimus lineam MK , quae est distantia, quae punctum datum inter et planum datum intercedit atque igitur distantiam, quae est inter cuspidem conici et planum datum intercepta; quam ponamus aequalem esse quantitati C . Igitur primo loco habemus

$$C = A \sin. a \cos. i \dots \dots \dots (f)$$

Praeterea iam vidimus (7) esse

$$\sin. i \sin. L - \sin. a \cos. i \cos. L = \sin. \varphi \dots \dots \dots (g)$$

Qua aequatione ad secundam potentiam elevata, inveniemus,

$$\sin.^2 \varphi = \sin.^2 i \sin.^2 L - 2 \sin. a \sin. i \cos. i \sin. L \cos. L + \sin.^2 a \cos.^2 i \cos.^2 L$$

cui haec addatur

(6) Vid. Supra Cap. I. Part. II. § 3. pag. 20.

(7) Vid. Supra Cap. I. Pars II. § 5. pag. 26.

$$(\cos. i \sin. L + \sin. a \sin. i \cos. L)^2 + \cos.^2 a \cos.^2 L = \dots$$

$\cos.^2 i \sin.^2 L + 2 \sin. a \sin. i \cos. i \sin. L \cos. L + \sin.^2 a \sin.^2 i \cos.^2 L + \cos.^2 a \cos.^2 L$
 quarum aequationum summa erit:

$$\sin.^2 \varphi + \{(\cos. i \sin. L + \sin. a \sin. i \cos. L)^2 + \cos.^2 a \cos.^2 L\} =$$

$$(\sin.^2 i + \cos.^2 i) \sin.^2 L + (\sin.^2 a + \cos.^2 a) \sin.^2 i \cos.^2 L + \cos.^2 a \cos.^2 L$$

id est, quoniam $\sin.^2 i + \cos.^2 i = 1$

$$\sin.^2 \varphi + \{(\cos. i \sin. L + \sin. a \sin. i \cos. L)^2 + \cos.^2 a \cos.^2 L\} = \sin.^2 L + (\sin.^2 a + \cos.^2 a) \cos.^2 L$$

$$\sin.^2 \varphi + \{(\cos. i \sin. L + \sin. a \sin. i \cos. L)^2 + \cos.^2 a \cos.^2 L\} = \sin.^2 L + \cos.^2 L = 1$$

ex qua continuo sequitur, esse

$$(\cos. i \sin. L + \sin. a \sin. i \cos. L)^2 + \cos.^2 a \cos.^2 L = 1 - \sin.^2 \varphi = \cos.^2 \varphi$$

quibus omnibus aequatio, quam modo ante determinavimus, illam simplicissimam formam accipiet

$$V^2 \sin.^2 \Delta = C^2 (\sin.^2 \varphi - \sin.^2 \Delta) + 2 C \sin. \varphi \cos. \varphi U + U^2 (\cos.^2 \varphi - \sin.^2 \Delta) \dots (D)$$

Hac aequatione *angulus φ determinatur valoribus angulorum a , i et L* , qui pro quocunque plano, quod in spatio indefinito cogitari possit, constanter iidem manent. Solae igitur coördinatae V et U pro eodem plano hac aequatione sunt variables, atque haec puncta umbrae purae determinant, quam umbram conici cuspidis, quae ipsa est punctum datum, unaquaque Diei hora in planum datum projicit.

§ 7.

Propterea operae pretium erit ad formam huius aequationis (D) diligentius attendere, quoniam, in altera eius parte, valore $\sin.^2 \Delta$ neglecto, haec altera pars erit potentia secundi ordinis perfecta, cuius radix est $C \sin. \varphi + U \cos. \varphi$. Nec alia nos expectatio teneat necesse est: etenim, Sol, simulac in Aequatore versatur, nullam habet declinationem; atque eam ob causam erit $\Delta = 0$ et $\sin. \Delta = 0$ atque aequationis forma

$$C^2 \sin.^2 \varphi + 2 C U \sin. \varphi \cos. \varphi + U^2 \cos.^2 \varphi = 0$$

$$C \sin. \varphi + U \cos. \varphi = 0$$

$$U = - \frac{C \sin. \varphi}{\cos. \varphi} = - C \tan. \varphi$$

Ex quo apparet conici sectionem eo casu in lineam rectam mutari, quoniam,

Sol ubi in Aequatore versatur, non oritur superficies conï verum planum; quod necessario planum datum secundum lineam rectam secabit. Verum enim, uti iam vidimus, recta $\Xi\Omega$, *Fig. 3*, et KA erunt aequales huic $-C \times \text{tang. } \varphi$, quod facile ex iis, quae supra pertractata sunt, demonstrari potest.

Hac aequatione (D) insuper adest terminus constans $C^2 (\sin.^2 \varphi - \sin.^2 A)$ qualem simplicissima aequatio sectionis conï non admittit: posset ille terminus facile eiici, si observamus, penes extremum sectionis conï axin, valorem ordinatae $V=0$ esse: atque ita aequatio oritur quadrata

$$(\cos.^2 \varphi - \sin.^2 A) U^2 + 2 C \sin. \varphi \cos. \varphi U + C^2 (\sin.^2 \varphi - \sin.^2 A) = 0$$

$$U^2 + \frac{2 C \sin. \varphi \cos. \varphi}{\cos.^2 \varphi - \sin.^2 A} \times U + \frac{C^2 (\sin.^2 \varphi - \sin.^2 A)}{\cos.^2 \varphi - \sin.^2 A} = 0$$

cuius radices sunt,

$$U = \frac{-C \sin. \varphi \cos. \varphi \pm C \sin. A \cos. A}{\cos.^2 \varphi - \sin.^2 A}$$

vel

$$U = \frac{-\frac{1}{2} C (\sin. 2 \varphi \pm \sin. 2 A)}{\cos.^2 \varphi - \sin.^2 A}$$

Qui duo valores illius U indicant puncta, quibus conï sectio axin KL , *Fig. 3*, secat: melius tamen erit rem generaliter contemplari.

§ 8.

Sit, *Fig. 11*, aliud punctum L in ipso abscissarum axe U , origo coördinarum. Ducatur LA'' parallela cum KA' atque fit LA'' axis V et LH' axis W . Ponamus P punctum curvae esse, quo facto erit $PQ=RK=V$ et $QK=PR=U$ ex quo apparet, quantitates illius V non mutari, coördinarum origine in puncto L posita. Si igitur est $KL=N$ et $LQ=W$ erit $U=N+W$. Hoc igitur valore illius U in aequatione (D) substituto, invariabilem esse percipimus valorem V , et sequens oritur aequatio

$$V^2 \sin.^2 A = C (\sin.^2 \varphi - \sin.^2 A) + 2 C \sin. \varphi \cos. \varphi N + (\cos.^2 \varphi - \sin.^2 A) N^2$$

$$+ 2 \{ C \sin. \varphi \cos. \varphi + N (\cos.^2 \varphi - \sin.^2 A) \} W + (\cos.^2 \varphi - \sin.^2 A) W^2 \dots (d)$$

Si in illa aequatione huic N varios dederis valores, illi, quos velis, termini facile evanescent.

I. Si exempli gratia; omnem terminum constantem auferri valeat, illum æqualem zero ponamus: hinc erit

$$(\cos.^2 \varphi - \sin.^2 \Delta) N^2 + 2 C \sin. \varphi \cos. \varphi N + C^2 (\sin.^2 \varphi - \sin.^2 \Delta) = 0$$

quæ æquatio, cui eadem est forma, quam habet æquatio, quam pro U modo ante determinavimus, illum habebit radicem

$$N = \frac{-\frac{1}{2} C (\sin. 2 \varphi \pm \sin.^2 \Delta)}{\cos.^2 \varphi - \sin.^2 \Delta}$$

Qui valor quantitatis N puncta, in ipso axe KH' vel, Fig. 3, in KL sita, indicat, quibus coni sectio axem secat.

II. Coëfficiente illius W = 0 posito, inveniemus,

$$N (\cos.^2 \varphi - \sin.^2 \Delta) + C \sin. \varphi \cos. \varphi = 0$$

ex quo alia continuo sequitur forma,

$$N = -\frac{C \sin. \varphi \cos. \varphi}{\cos.^2 \varphi - \sin.^2 \Delta} = -\frac{\frac{1}{2} C \sin. 2 \varphi}{\cos.^2 \varphi - \sin.^2 \Delta}$$

ita quidem, ut si ille sit valor quantitatis N, alter terminus æquationis (δ) evanescat, quo igitur valore ceteris partibus huius æquationis substituto, erit

$$V^2 \sin.^2 \Delta = C^2 (\sin.^2 \varphi - \sin.^2 \Delta) - \frac{2 C^2 \sin.^2 \varphi \cos.^2 \varphi}{\cos.^2 \varphi - \sin.^2 \Delta} + \frac{C^2 \sin.^2 \varphi \cos.^2 \varphi}{\cos.^2 \varphi - \sin.^2 \Delta} + (\cos.^2 \varphi - \sin.^2 \Delta) W^2$$

vel

$$V^2 \sin.^2 \Delta = C^2 (\sin.^2 \varphi - \sin.^2 \Delta) - \frac{C^2 \sin.^2 \varphi \cos.^2 \varphi}{\cos.^2 \varphi - \sin.^2 \Delta} + (\cos.^2 \varphi - \sin.^2 \Delta) W^2$$

quæ si per $\cos.^2 \varphi - \sin.^2 \Delta$ multiplicatur, dabit:

$$V^2 \sin.^2 \Delta (\cos.^2 \varphi - \sin.^2 \Delta) = C^2 (\sin.^2 \varphi - \sin.^2 \Delta) (\cos.^2 \varphi - \sin.^2 \Delta) - C^2 \sin.^2 \varphi \cos.^2 \varphi + (\cos.^2 \varphi - \sin.^2 \Delta)^2 W^2$$

Verum

$$C^2 (\sin.^2 \varphi - \sin.^2 \Delta) (\cos.^2 \varphi - \sin.^2 \Delta) = C^2 \sin.^2 \varphi \cos.^2 \varphi - C^2 \sin.^2 \varphi \sin.^2 \Delta - C^2 \sin.^2 \Delta \cos.^2 \varphi + C^2 \sin.^2 \Delta \sin.^2 \Delta$$

$$= C^2 (\sin.^2 \varphi + \cos.^2 \varphi) \sin.^2 \Delta + C^2 \sin.^4 \Delta = C^2 \sin.^2 \varphi \cos.^2 \varphi - C^2 \sin.^2 \Delta + C^2 \sin.^4 \Delta$$

igitur

$$C^2 (\sin.^2 \varphi - \sin.^2 \Delta) (\cos.^2 \varphi - \sin.^2 \Delta) - C^2 \sin.^2 \varphi \cos.^2 \varphi = \dots$$

$$= -C^2 \sin.^4 \Delta + C^2 \sin.^2 \Delta = -C^2 \sin.^2 \Delta (1 - \sin.^2 \Delta)$$

$$= C^2 \sin.^2 \Delta \cos.^2 \Delta$$

Quæ cum ita sint, prior æquatio talem formam accipiet;

$V^2 \sin.^2 \Delta (\cos.^2 \varphi - \sin.^2 \Delta) = (\cos.^2 \varphi - \sin.^2 \Delta) W^2 - C^2 \sin.^2 \Delta \cos.^2 \Delta$
aut potius hanc;

$$V^2 = \frac{\cos.^2 \varphi - \sin.^2 \Delta}{\sin.^2 \Delta} \times \left\{ W^2 - \left(\frac{\frac{1}{2} C \sin. 2 \Delta}{\cos.^2 \varphi - \sin.^2 \Delta} \right)^2 \right\} \dots (D')$$

Quae est aequatio *Hyperbolae*, si $\cos.^2 \varphi - \sin.^2 \Delta$ est quantitas positiva. Est autem observandum coördinatarum originem *Fig. 3*, fitam esse in puncto Δ ,

nam si in aequatione $N = -\frac{C \sin. \varphi \cos. \varphi}{\cos.^2 \varphi - \sin.^2 \Delta}$, ponimus $\Delta = 0$, inveniemus

$N = -C \tan. \varphi = K \Delta$; e quo valore sequitur ΔL et ΔZ esse axes coördinatarum W et V .

§ 9.

Verumtamen haec aequatio, alia quidem ratione, qua calculo instituyendo fiat aptior, potest proponi. Etenim quum erit (8)

$$\cos.^2 \varphi - \sin.^2 \Delta = \sin.^2 (90^\circ - \varphi) - \sin.^2 \Delta = \sin. \{90^\circ - (\varphi - \Delta)\} \times \sin. \{90^\circ - (\varphi + \Delta)\} \therefore \\ \dots = \cos. (\varphi - \Delta) \cos. (\varphi + \Delta)$$

haec aequatio illam formam accipiet

$$V^2 = \frac{\cos. (\varphi + \Delta) \cos. (\varphi - \Delta)}{\sin.^2 \Delta} \times \left\{ W^2 - \frac{\frac{1}{2} C^2 \sin.^2 2 \Delta}{\cos.^2 (\varphi + \Delta) \cos.^2 (\varphi - \Delta)} \right\} \dots (D')$$

Quodsi nunc a determinat dimidium axin priorem et b dimidium axin secundum seu transversum, coördinatarum origine in ipso centro posita, *Hyperbolae* illius aequatio erit (9),

$$V^2 = \frac{b^2}{a^2} \times \left\{ W^2 - a^2 \right\}$$

quam si cum aequatione (D') conferas, erit:

$$a^2 = \frac{C^2 \sin.^2 \Delta \cos.^2 \Delta}{\cos.^2 (\varphi + \Delta) \cos.^2 (\varphi - \Delta)}$$

(8) Cf. Cl. DE GELDER, Opere paulo ante citato *VIII Boek*, § 596.

(9) Cf. Cl. DE GELDER, *Hoog. Meetk.*, I *Hoofdst.*, I *Afdeling*, § 53.

et
$$\frac{b^2}{a^2} = \frac{\cos. (\varphi + \Delta) \cos. (\varphi - \Delta)}{\sin.^2 \Delta}$$

ergo
$$b^2 = \frac{a^2 \cos. (\varphi + \Delta) \cos. (\varphi - \Delta)}{\sin.^2 \Delta}$$

vel potius
$$b^2 = \frac{C^2 \sin.^2 \Delta \cos.^2 \Delta \cos. (\varphi + \Delta) \cos. (\varphi - \Delta)}{\sin.^2 \Delta \cos.^2 (\varphi + \Delta) \cos.^2 (\varphi - \Delta)}$$

itaque
$$b^2 = \frac{C^2 \cos.^2 \Delta}{\cos. (\varphi + \Delta) \cos. (\varphi - \Delta)}$$

Ex quo apparet, eam conic sectionem, quam umbra puncti M in planum datum designat, Hyperbolam fore, cuius axis prior dimidius et axis dimidius transversus, illis valoribus determinantur:

$$\text{Dimidius axis prior} = \frac{\frac{1}{2} C \sin. 2 \Delta}{\cos. (\varphi + \Delta) \cos. (\varphi - \Delta)}$$

$$\text{Dimidius axis transversus} = \frac{C \cos. \Delta}{\sqrt{\cos. (\varphi + \Delta) \cos. (\varphi - \Delta)}}$$

$$\text{Parameter} = \frac{2b^2}{a} = 2C \cot. \Delta$$

Verum æquatio (D) eo tantum casu erit æquatio Hyperbolæ, si $\cos.^2 \varphi - \sin.^2 \Delta$ positiva sumitur, aut sit $\cos.^2 \varphi > \sin.^2 \Delta$: sin. autem sit $\cos.^2 \varphi - \sin.^2 \Delta = 0$ hæc erit æquatio Parabolæ:

$$V^2 \sin.^2 \Delta = C^2 (\sin.^2 \varphi - \sin.^2 \Delta) + 2C \sin. \varphi \cos. \varphi U$$

vel coördinatorum origine altius posita, conferatur æquatio (δ) quoniam $\cos.^2 \varphi - \sin.^2 \Delta = 0$

$$V^2 \sin.^2 \Delta = C^2 \{ \sin.^2 \varphi - \sin.^2 \Delta \} + 2C \sin. \varphi \cos. \varphi N + 2C \sin. \varphi \cos. \varphi W$$

Iam ponamus,

$$C^2 (\sin.^2 \varphi - \sin.^2 \Delta) + 2C \sin. \varphi \cos. \varphi N = 0$$

ut prior terminus evanescat, quo facto erit,

$$N = - \frac{C (\sin.^2 \varphi - \sin.^2 \Delta)}{2 \sin. \varphi \cos. \varphi}$$

sive

$$N = - \frac{C \sin. (\varphi + \Delta) \sin. (\varphi - \Delta)}{2 \sin. \varphi \cos. \varphi}$$

et aequatio *Parabolae*

$$V^2 = \frac{2 C \sin. \varphi \cos. \varphi}{\sin.^2 \Delta} \times W = \frac{C \sin. 2 \varphi}{\sin.^2 \Delta} \times W \dots \dots (D'')$$

cuius parabolae igitur hic erit parameter, $2 C \sin. 2 \varphi : \sin.^2 \Delta$

Tandem si $\cos.^2 \varphi - \sin.^2 \Delta$ sit negativa, vel $\sin.^2 \Delta > \cos.^2 \varphi$, haec erit eo casu aequatio:

$$V^2 = \frac{\cos. (\varphi + \Delta) \cos. (\varphi - \Delta)}{\sin.^2 \Delta} \times \left\{ \frac{\frac{1}{2} C^2 \sin.^2 2 \Delta}{\cos.^2 (\varphi + \Delta) \cos.^2 (\varphi - \Delta)} - W^2 \right\} \dots (D''')$$

quae *Ellipfin* determinat, cuius axis Maior et Minor ita determinantur, scilicet

$$\text{Axis Maior dimidius} = \frac{\frac{1}{2} C \sin. 2 \Delta}{\cos. (\varphi + \Delta) \cos. (\varphi - \Delta)}$$

$$\text{Axis minor dimidius} = \frac{C \cos. \Delta}{\sqrt{\cos. (\varphi + \Delta) \cos. (\varphi - \Delta)}}$$

$$\text{Parameter} = \frac{2 b^2}{a} = 2 C \cot. \Delta$$

Si igitur pro aequationibus (D') et (D'') ponimus esse $\sin. \Delta = 0$ orietur aequatio $W = 0$ atque valor illius N erit eo casu, $N = -C \tan. \varphi$, quod prorsus convenit cum iis, quae supra diximus. Verum $N = -C \tan. \varphi$ est, *Fig. 5*, recta KA : punctum illud A est igitur centrum sive Hyperbolae sive Ellipseos, atque ΔL positio axeos prioris, et ΔZ positio axeos transversii.

Apparet igitur aequationem sectionis conici, quae locum umbrae puncti M determinat, pendere ab angulo positionis φ , quem Mundi axis cum plano dato constituit, nec non ab ipso declinationis angulo Δ , et a distantia inde a plano dato usque ad punctum datum, id est a valore C . Quum autem anguli φ et Δ singuli semper sunt minores 90° , erunt $\cos. (\varphi - \Delta)$ et $\cos. (\Delta - \varphi)$ semper positivae: verum $\cos. (\varphi + \Delta)$ positiva, nulla aut negativa, si sit $\varphi + \Delta$ minor, aequalis aut maior 90° . Ex eo itaque sequitur; *umbram puncti dati M Hyperbolam Parabolam vel Ellipfin fore, si angulus positionis, quem Mundi axis cum plano*

dato efficit, scilicet angulus φ , sit minor, aequalis vel maior complemento Declinationis Solis.

§ 10.

Aequatio generalis (D) cum igitur Hyperbolam, Parabolam aut Ellipfin designat, pro positiva, nulla aut negativa valoris $\cos.^2 \varphi - \sin.^2 \Delta$ quantitate, illa nobis superest inquisitio, quae tandem plani dati positio (ratione conii illius, quem linea, Solis et terrae centra iungens, quotidie efficit) postuletur, ut possit umbra pura puncti M unam trium conii sectionum in planum datum delineare: vel potius inquirendum est, quamvis huic plano opus sit positione pro quaunque Latitudine, ratione plani Horizontalis vel lineae verticalis, ut posset Parabola, Ellipsis sive Hyperbola locum illius umbrae determinare?

Geometrica linearum constructio omnia, quae ex antecedentibus formulis et aequationibus eruuntur, illustrabit. Scilicet planum illud datum ratione axeos Mundi et plani Aequatoris ita potest disponi, ut in illud planum datum Hyperbola Parabola Ellipsis; imo etiam circulus facile proiciatur.

Sit Fig. 12, circulus PABQ circulus Meridiani, P polus Septentrionalis et Q polus Meridionalis, atque recta PQ axis Mundi, ZN linea secundum quam planum Horizontale planum Meridiani secat: repraesentet recta LE, quae perpendicularis est cum axe Mundi, illam lineam secundum quam planum Aequatoris illud Meridiani secat: ita ut puncta Orientis et Occidentis in ipso Meridiani centro M sint proiecta. Ponamus Soli esse declinationem Borealem aequalem arcui AL. Ducatur inde ab A per centrum M recta AMD, quo facto linea AM radium luminis repraesentabit, qui Solis centrum erit et versus centrum globi terrestri tendit. Ducta igitur linea AEC parallela cum recta LME, illa linea erit diameter circuli minoris, quem Sol eo die, tali declinatione in ipso coelo conscribere videtur, atque illa linea simul erit diameter baseos conii recti circularia, quem conum metus radii Solaris AMD circa axem Mundi PQ constituit.

Igitur triangulum AMC repraesentat partem superficiei conii Borealis et triangulum BMD partem superficiei conii Australis. Ponamus iam pro lubitu punctum aliquod G in Mundi axe extra conii cuspidem: per quod punctum, si recta HGI, ambas conii superficies secans, ducitur, postquam planum illam rectam HGI ita transire feceris, ut illud perpendiculare supra planum Meridiani sit po-

fitum, linea secundum quam illud planum utraque coni superficies secabit, erit *Hyperbola*. Verum si lineam KGO parallelam cum ipso latere coni per idem illud punctum G duxeris, planum, quod, eadem lege, illam lineam tranfit, superficiem coni Borealem secundum *Parabolam* secabit. Ducta tandem per illud punctum G linea RGS, quae unum triangulum AMC duobus lateribus secat, planum, quod perpendiculare supra Meridianum illam rectam tranfit, coni superficiem ita secabit, ut exinde *Ellipse* oriatur. Si denique recta TGV parallela cum AC, punctum illud G transeat, erit illa linea simul perpendicularis supra planum Meridiani: atque planum illud, quod, iisdem legibus observatis, hanc rectam tranfit, superficiem coni Borealem secabit, secundum *circuli circumferentiam*. Si igitur ponimus M punctum aliquod fixum esse, pura eius puncti umbra in planum datum proiciet unam curvarum, quas notavimus. Haec omnia autem sunt eiusmodi, ut tam perspicue ex ipsa Figurae contemplatione appareant, quae maiori illustratione non indigeant. Iam videamus quomodo formulae et aequationes, quas invenimus, rationem doceant, quae inter valores variables et constantes intercedit, ut exinde duplex quaestio explicetur, nimirum; *quanam plano opus est positione, ut unam e tribus coni sectionibus umbra puncti designet: tum altero loco; data eius plani positione, quomodo, ex angulo positionis et angulo inclinationis seu propensionis eius plani, possit iudicari quibus occasionibus, id est pro quanam Solis Declinatione, umbra pura unam trium coni sectionum proiciet?*

§ 11.

Fingamus planum quoddam (quod planum Horizontale penes plagas Orientis et Occidentis secat) aliquo die, quo Soli est declinatio Borealis, exempli gratia 15° , ita esse dispositum, ut illud ipso Medio die Solis centrum transeat; eo casu illud planum erit perpendiculare cum plano Meridiani, quod planum Meridiani, quoniam et illud Solis centrum tranfit, praeterea erit planum Declinationis Solis: planum autem datum, uti facile intelligitur eo casu ipsam coni superficiem tangit, quam superficiem radius Solis eo die efficit.

Fingamus porro illud planum, perpetuo perpendiculare supra planum Declinationis positum, circa axin Mundi, Fig. 13, revolvi, ita ut plano Declinationis Solis positio PSM detur, et plano, quod cum illo perpendiculare est,

positio AVSBW. Cogitemus sphaeram e puncto M conscriptam esse radio, cui unitas est aequalis, quo facto planum Horizontale sphaerae superficiem secabit, secundum circulum maiorem ZHBN; planum Declinationis secundum circulum maiorem, cuius pars quaedam arcu SP indicatur: et planum verticale, quod Solis centrum tranfit, secundum circulum maiorem, cuius partem quadrantem indicat arcus ille THS: praeterea planum quod dato casu perpendiculare est cum ipso Mundi axe, eius sphaerae superficiem secabit secundum circulum maiorem AVSBW et denique planum anguli PMB secundum arcum circuli maioris PB. Ex illa Figurae conditione nobis sequentis animadvertere licet. Iam primo loco adest triangulum sphaericum TFS, infiniti fere apud Astronomos usus, quod *triangulum* hi *parallacticum* nominant: cuius latus TP est complementum Latitudinis, latus TS complementum Altitudinis, quae est Soli eo die, sive distantia Solem inter et Verticem, et denique latus PS distantia Solis inde a polo Boreali. Verumtamen angulus TSP eius trianguli ipse est *angulus parallacticus*. Tam altero loco tria insuper exorta sunt triangula rectangula sphaerica.

1°. Triangulum PSB rectum in S, quoniam planum PMS perpendiculare est supra planum AVSBW.

2°. Triangulum SHB rectum in H, quoniam plana arcuum SH et HB sive plana lineae Verticalis et Horizontis invicem sunt perpendicularia.

3°. Triangulum BPN propterea rectum in N, quoniam planum Meridiani cum plano Horizontis angulum rectum constituit. Deinceps notandum est, angulum HSB trianguli rectanguli Sphaerici SHB, complementum esse anguli Parallactici TSP; quoniam $\angle TSP + \angle PSB + \angle BSH = 180^\circ$ et angulus $PSB = 90^\circ$; atque eiusdem trianguli angulum sphaericum HBS angulum esse, quem planum Solis Declinatione dispositum cum plano Horizontis constituit, et quem angulum antea i nominavimus. Cum autem casu posito ille angulus propendeat, in omnibus formulis et aequationibus quas iam invenimus, hi angulus i negative sumatur. Atque ultimo loco latus BN trianguli rectanguli sphaerici BMN, angulum rectis lineis constitutum BMN vel AMZ metitur. Hunc autem angulum in antecedentibus formulis et aequationibus aequalem α esse posuimus.

Iam primo loco in triangulo parallactico PST habebimus (10):

(10) Cf. CL. DE GELDER, *Beg. der Meetk. XIII Boek*, § 1111.

$$\cos. PST = \frac{\cos. PT - \cos. PS \times \cos. ST}{\sin. PS \times \sin. TS}$$

id est quoniam $PT = 90^\circ - L$, $SP = 90^\circ - \Delta$ et *angulus* $PST = 90^\circ - \text{angulo}$ PSH , TS , brevitatis causa, $= h$ posito

$$\cos. PST = \sin. BSH = \frac{\sin. L - \sin. \Delta \cos. h}{\cos. \Delta \sin. h}$$

Trianguli rectanguli sphaerici SBH latus SH , cum angulo contiguo S , cognitum haberi potest, atque ex iis valoribus definiri possunt valores anguli B et hypotenusae SB . Etenim (11),

$$\cos. B = \cos. SH \times \sin. BSH$$

Verum *angulus* B est complementum anguli i , latus HS complementum arcus $ST = h$: igitur $\cos. B = \sin. i$ et $\cos. SH = \sin. h$: atque pro $\sin. BSH$, valore quem mox invenimus substituto, erit;

$$\sin. i = \sin. h \times \frac{\sin. L - \sin. \Delta \cos. h}{\sin. h \cos. \Delta} = \frac{\sin. L - \cos. h \sin. \Delta}{\cos. \Delta}$$

quae aequatio continuo suppeditabit:

$$\cos. h = \frac{\sin. L - \sin. i \cos. \Delta}{\sin. \Delta} \dots \dots \dots (x)$$

Ex eodem triangulo sphaerico SBH erit, (12);

$$\tan. BS = \frac{\tan. SH}{\cos. BSH} \quad \text{et} \quad \tan.^2 BS = \frac{\tan.^2 SH}{\cos.^2 BSH} = \frac{\cot.^2 h}{\cos.^2 BSH}$$

quoniam $\tan. SH = \cot. h$ est.

Facile intelligitur, si conferas quae supra exposuimus, esse

$$\cos.^2 BSH = 1 - \sin.^2 BSH = 1 - \frac{(\sin. L - \sin. \Delta \cos. h)^2}{\cos.^2 \Delta \sin.^2 h}$$

vel

$$\cos.^2 BSH = \frac{\cos.^2 \Delta \sin.^2 h - (\sin. L - \sin. \Delta \cos. h)^2}{\cos.^2 \Delta \sin.^2 h}$$

(11) Cf. Cl. DE GELDER, Op. cit. XIII Book, § 1063.

(12) Cf. Cl. DE GELDER, Op. cit. l. c. § 1063.

Hoc valore in aequatione, quae valorem *tang.* BS determinat, substituto, invenimus:

$$\text{tang.}^2 \text{BS} = \frac{\cos.^2 \Delta \cos.^2 h}{\cos.^2 \Delta \sin.^2 h - (\sin. L - \sin. \Delta \cos. h)^2}$$

Cognitis iam duabus cathetis BS et PS trianguli rectanguli sphaerici PSB, quod in S est rectum, hac nobis opus est aequatione

$$\cos. \text{BP} = \cos. \text{BS} \times \cos. \text{PS}$$

ut valor Hypothenusae innotescat. Igitur valor illius $\cos.^2 \text{BS}$ ipso valore $\text{tang.}^2 \text{BS}$ est definiendus: quod quo melius procedat ponamus

$$1 + \text{tang.}^2 \text{BS} = \sec.^2 \text{BS} = \frac{\cos.^2 \Delta (\sin.^2 h + \cos.^2 h) - (\sin. L - \sin. \Delta \cos. h)^2}{\cos.^2 \Delta \sin.^2 h - (\sin. L - \sin. \Delta \cos. h)^2}$$

et quoniam cofinus aequalis est unitati divisae per secantem

$$\cos.^2 \text{BS} = \frac{\cos.^2 \Delta \sin.^2 h - (\sin. L - \sin. \Delta \cos. h)^2}{\cos.^2 \Delta - (\sin. L - \sin. \Delta \cos. h)^2}$$

Multiplicetur illa aequatio per $\cos.^2 \text{PS} = \sin.^2 \Delta$, quo facto, illa quam attulimus, erit

$$\cos.^2 \text{PB} = \frac{\sin.^2 \Delta \cos.^2 \Delta \sin.^2 h - \sin.^2 \Delta (\sin. L - \sin. \Delta \cos. h)^2}{\cos.^2 \Delta - (\sin. L - \sin. \Delta \cos. h)^2}$$

Denique, in Triangulo Sphaerico rectangulo PBN, cuius PB est Hypothenusa, haec aequatio occurrit

$$\cos. \text{PB} = \cos. \text{PN} \times \cos. \text{BN}$$

verum PN est = L et BN = a, igitur

$$\cos.^2 \text{PB} = \cos.^2 L \cos.^2 a$$

Variis hisce $\cos.^2 \text{PB}$ valoribus, invicem comparatis, invenimus:

$$\cos.^2 a \cos.^2 L = \sin.^2 \Delta \times \frac{(\sin. L - \sin. \Delta \cos. h)^2 - \cos.^2 \Delta \sin.^2 h}{(\sin. L - \sin. \Delta \cos. h)^2 - \cos.^2 \Delta}$$

E qua aequatione, altera (x) adiuvante, angulus h auferatur, ut ita aequationem invenias, in qua talis adest ratio inter elementa L, A, a et i, ut planum datum quibuscumque modis coni superficiem tangere possit.

Detur aequationi, quam ultimo loco invenimus, talis forma:

$$\begin{aligned}
 \frac{\cos.^2 a \cos.^2 L}{\sin.^2 \Delta} &= \frac{(\sin. L - \sin. \Delta \cos. h)^2 - \cos.^2 \Delta (1 - \cos.^2 h)}{(\sin. L - \sin. \Delta \cos. h)^2 - \cos.^2 \Delta} \\
 &= \frac{(\sin. L - \sin. \Delta \cos. h)^2 - \cos.^2 \Delta + \cos.^2 \Delta \cos.^2 h}{(\sin. L - \sin. \Delta \cos. h)^2 - \cos.^2 \Delta} \\
 \frac{\cos.^2 a \cos.^2 L}{\sin.^2 \Delta} &= 1 + \frac{\cos.^2 \Delta \cos.^2 h}{(\sin. L - \sin. \Delta \cos. h)^2 - \cos.^2 \Delta}
 \end{aligned}$$

Præterea iam invenimus (κ)

$$\begin{aligned}
 \sin. a \cos. h &= \sin. L - \cos. \Delta \sin. i \\
 \sin. L - \sin. \Delta \cos. h &= \sin. L - \sin. L + \cos. \Delta \sin. i = \cos. \Delta \sin. i \\
 (\sin. L - \sin. \Delta \cos. h)^2 &= \cos.^2 \Delta \sin.^2 i
 \end{aligned}$$

Iam habemus æquationem, nimirum si valores $\cos.^2 h$ et $(\sin. L - \sin. \Delta \cos. h)^2$ postrema hac æquatione substituantur, termino 1 in primam æquationis partem redacto:

$$\frac{\cos.^2 a \cos.^2 L - \sin.^2 \Delta}{\sin.^2 \Delta} = \frac{\cos.^2 \Delta \times \frac{(\sin. L \sin. i \cos. \Delta)^2}{\sin.^2 \Delta}}{\sin.^2 i \cos.^2 \Delta - \cos.^2 \Delta}$$

Id est, utraque æquationis parte per $\sin.^2 \Delta$ multiplicatis et numeratore et denominatore secundae partis, per $\cos.^2 \Delta$ diviso

$$\cos.^2 a \cos.^2 L - \sin.^2 \Delta = \frac{(\sin. L \sin. i \cos. \Delta)^2}{\sin.^2 i - 1}$$

id est, terminorum signis converſis, quoniam $1 - \sin.^2 i = \cos.^2 i$

$$\sin.^2 \Delta - \cos.^2 a \cos.^2 L = \frac{(\sin. L - \sin. i \cos. \Delta)^2}{\cos.^2 i}$$

quae æquatio continuo ſuppeditabit aliam;

$$\cos.^2 a = \frac{\cos.^2 i \sin.^2 \Delta - (\sin. L - \sin. i \cos. \Delta)^2}{\cos.^2 i \cos.^2 L} \dots \dots \dots (2)$$

§ 12.

Haec autem æquatio docet, rationem, quae inter a , i L et Δ exiſtat neces-

se est, ut planum, pro Latitudine data, dataque Solis Declinatione (cuius plani inclinatio seu propensio, aequalis est i et angulus positionis aequalis angulo p) iusta ratione dispositum coni superficiem tangat.

Ipsa vero Figurae contemplatio cum nullas alias aequationes nobis praebere videatur quae arotiorem rationis necessitudinem inter valores α et i definiunt, facile exinde intelligitur, dato anguli i , posse angulum α inveniri, atque inversa ratione, dato angulo α , posse determinari angulum i . Verum tamen forma aequationis (2) docet, etiam si possint innumerabiles fere valores, qui quidem inter se conveniunt, pro angulis α et i , quacumque data Latitudine et Declinatione Solis existere, tamen nec i nec α pro lubith possunt sumi. Etenim quod si pro i aliquam quantitatem ponamus, necessario duas res, quae postulatur, haec aequatio (2) coniungat necesse est. Namque primo loco oportet numeratorem secundae partis huius aequationis esse positivum, quoniam radix quadrata pro numero negativo ne existit quidem: tum altero loco valor illius i ita est sumendus, ut quantitas eius fractionis certe numquam sit maior unitate, quoniam cosinus, hac nullorum graduum excepta, semper uno sunt minores. Haec igitur valeant;

$$\cos. i \sin. \Delta > \sin. L - \sin. i \cos. \Delta$$

$$\cos. i \sin. \Delta + \sin. i \cos. \Delta > \sin. L$$

$$\sin. (i + \Delta) > \sin. L$$

vel

$$i + \Delta > L$$

Ex quo iam patet eam profecto, casu posito, conditionem desiderari, qua sit summa propensionis plani et Declinationis Solis aequalis seu maior Latitudine: aut propensio plani sit aequalis, seu maior differentiae Latitudinis loci et Declinationis Solis. Si fit $i + \Delta = L$, erit, uti e formula (2) apparet, $\cos.^2 \alpha = 0$, igitur $\cos. \alpha = 0$ et $\alpha = 90^\circ$: quo significatur, planum propendens versus Meridiem esse positum et illud ipso medio die Solis centrum transire.

§ 13.

Verum enim vero altera quaestio est, utrum aequatio (2), (quae determinat positionem plani, quod coni superficiem tangit, et in quod planum umbra puncti M igitur Parabolam proiecit) conveniat cum conditionibus valoris $\cos.^2 \varphi - \sin.^2 \Delta$, quo valore, e formula generali (D), aequatio Parabolae exorta est? Diffi-

cilius illud quidem explicari posse videtur, aequatione (λ) cum aequationibus (μ) et (ν) comparatis, tamen sequens ratiocinium docebit ex aequatione (λ) necessario sequi esse $\cos.^2 \varphi - \sin.^2 A = 0$.

Igitur ex aequatione (λ) sequens deducatur

$$1 - \cos.^2 a = \sin.^2 a = \frac{\cos.^2 i \cos.^2 L - \cos.^2 i \sin.^2 A + (\sin. L - \sin. i \cos. A)^2}{\cos.^2 i \cos.^2 L}$$

id est

$$\sin.^2 a = \frac{\cos.^2 i (\cos.^2 L - \sin.^2 A) + (\sin. L - \sin. i \cos. A)^2}{\cos.^2 i \cos.^2 L}$$

Nunc autem $\cos.^2 L = 1 - \sin.^2 L$ et $\sin.^2 A = 1 - \cos.^2 A$: igitur $\cos.^2 L - \sin.^2 A = \cos.^2 A - \sin.^2 L$. Multiplicata hac aequatione per $\cos.^2 i = 1 - \sin.^2 i$, invenimus,

$\cos.^2 i (\cos.^2 L - \sin.^2 A) = \cos.^2 A - \sin.^2 L - \sin.^2 i \cos.^2 A + \sin.^2 i \sin.^2 L$
 sequenti aequatione huic addita

$(\sin. L - \sin. i \cos. A)^2 = + \sin.^2 L + \sin.^2 i \cos.^2 A - 2 \sin. i \sin. L \cos. A$
 inveniemus;

$$\begin{aligned} \cos.^2 i (\cos.^2 L - \sin.^2 A) + (\sin. L - \sin. i \cos. A)^2 &= \\ \cos.^2 A - 2 \sin. i \sin. L \cos. A + \sin.^2 i \sin.^2 L &= (\cos. A - \sin. i \sin. L)^2 \end{aligned}$$

Itaque valor $\sin.^2 a$ erit

$$\sin.^2 a = \frac{(\cos. A - \sin. i \sin. L)^2}{\cos.^2 i \cos.^2 L} \quad \text{igitur} \quad \sin. a = \frac{\cos. A - \sin. i \sin. L}{\cos. i \cos. L}$$

Atque, si ex hac aequatione $\cos. A$ determinetur, habebimus;

$$\begin{aligned} \cos. A &= \sin. i \sin. L + \sin. a \cos. i \cos. L \\ \cos.^2 A &= (\sin. i \sin. L + \sin. a \cos. i \cos. L)^2 \end{aligned}$$

Verum supra (15) invenimus aequationem (μ),

$$\sin. \varphi = \sin. i \sin. L - \sin. a \cos. i \cos. L$$

Sed illa aequatio ita planum inclinans determinat, nec planum propendens: i igitur positiva est, quae, quoniam casu quem posuimus, illud planum propendit, negative est sumenda.

Hinc

$$\begin{aligned} \sin. \varphi &= - \sin. i \sin. L + \sin. a \cos. i \cos. L \\ \sin.^2 \varphi &= (\sin. i \sin. L - \sin. a \cos. i \cos. L)^2 \end{aligned}$$

(13) Cf. supra Cap. I. Pars. II. § 5. pag. 26.

atque ex eo apparet, aequationem (λ) necessario illam simplicissimam formam habere

$$\begin{aligned} \cos.^2 \Delta &= 1 - \sin.^2 \Delta = \sin.^2 \varphi \\ \text{igitur} \quad 1 - \sin.^2 \varphi &= 1 - \cos.^2 \Delta \\ \cos.^2 \varphi - \sin.^2 \Delta &= 0 \end{aligned}$$

Illud itaque, sine eo ut dubium superfit, probat aequationem (λ), quaecunque sint quantitates angulorum α et i , Parabolam definire.

§ 14.

Hisce omnibus iam pertractatis, eo deinceps perventum est, ut accurate exponi posset, qua tandem ratione, pro eadem Latitudine atque pro eodem plano dato, mutata Solis Declinatione, umbra pura puncti dati M , pro hac anni parte Hyperbolam, uno tantum die Parabolam, atque deinde Ellipfin in illud planum datum proiciat. Maxima Solis Declinatio Borealis vel Australis, illa est qua planum Declinationis cum Aequatore angulum $23^\circ 28'00''$ constituit.

Ponamus Soli declinationem 12° Borealem, quo casu, si, *Fig. 13*, reddas distantiam MY in axe Mundi fitam, aequalem sinui Declinationis, id est $MY = \sin. \Delta$, quo facto Y erit centrum circuli diurni abc , quem Sol eo die describit: qui circulus praeterea est basis conii recti, quem radius Solis efficit, atque circuli circumferentiam in puncto S tranfit.

Planum datum tangit conii superficiem secundum lineam MS : circulus diurnus abc et circulus maior $VSBW$ uno tantum puncto S utuntur ambobus circulis communi. Planum circuli diurni abc igitur prorsus parte Septentrionali a plano dato est positum. Sol igitur partem anteriorem plani eo die nequaquam collustrabit verum solam partem posteriorem, Septentrioni obversam. Verum simul ac maiorem Sol acceperit Declinationem Borealem, omnis circulus diurnus extra planum datum situs erit et umbra pura puncti dati, in axe Mundi versantis eo casu Ellipfin proiciet. At si Declinatio Borealis minor 12° est Soli, circulus diurnus planum datum secundum rectam secabit, atque lux Solis hac diei parte antea, illa diei parte posterius planum collustrabit, in quod planum umbra puncti Hyperbolam delineabit. Uno tantum illo casu, quo planum datum est parallelum cum plano Aequatoris, puncti umbra supra illud circulum describit.

§ 15.

Siquidem opacum terrarum orbis corpus Solem per diei partem recondet, donec eius centrum supra Horizontem adscendisset, plano quocunque dato, duo tantum casus adesse possent. Sol etenim per omnem diem Solarem sive per omnes viginti et quatuor horas, unam sive anteriorem sive posteriorem plani partem collustrabit: quod quidem continget, si illud planum, ipsum sibi parallelum in ipsa conii cuspide positum, eius conii superficiem tangit, aut intra duas obversas conii superficies situm est. Prima conditione radius luminis, qui punctum *M* transit Parabolam efficiet, altera conditione Ellipsis orietur. Altero autem loco planum ratione circuli diurni Solis ita erit dispositum, ut per hanc viginti et quatuor horarum partem antea, per illam autem posterius planum collustret, quo casu umbram puncti *M* Hyperbolam efficere iam vidimus. Verum exinde nondum satis accurate intelligitur, quomodo eo casu ambos Hyperbolae ramos efficiat umbra puncti *M*. Repraesentetur *Fig. 14.* Horologium quoddam solare positione verticali, accurate Meridiei obversum. Sit *abc* inferior et *fcd* superior Hyperbolae ramus, quam pro data Declinatione, formulis opitulantibus, definivimus. Eo puncto temperis, quo Solis centrum ante meridiem planum datum transit umbra illius puncti *M* indefinita distantia in extremo puncto *a* rami inferioris Hyperbolae proiicitur. Umbra Solis igitur illum rami tamdiu designat, donec centrum Solis post meridiem denuo illud planum sed a parte Occidentali transit. Punctum *M* eo casu umbram diutius in eam plani partem non proiciet: sed illae lineae, quae una post alteram e centro Solis usque ad punctum *M* ducuntur planum secundum puncta rami superioris Hyperbolae *d* *e* *f* secabunt. Si itaque (nimirum, post planum in quo Horologium illud solare conscribitur) punctum aliquod *K'* in linea producta *MK* ea lege sumatur, ut sit *MK' = MK*, propter longam adeo Solis distantiam umbra puncti *K'* ramum Hyperbolae *d* *e* *f* describet.

§ 16.

Aequatio quam definivimus e generali aequatione (D), scilicet,

$$V^2 = \frac{\cos.(\varphi + \Delta) \cos.(\varphi - \Delta)}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\cos.^2(\varphi + \Delta) \cos.^2(\varphi - \Delta)} \right\}$$

simplex, est et adeo generalis, ut ceteras omnes aequationes comprehendat, quae cum singulis casibus, pro varia plani dati positione, conveniunt, quarum forma, singulis anguli φ valoribus, quos iam invenimus (14), iusto modo substitutis, ita exponitur.

A. Sit planum datum planum aliquod verticale (15) quod, si locum habent, erit $\sin. \varphi = -\sin. a \cos. L$, quo facto $\cos.^2 \varphi = 1 - \sin.^2 \varphi = 1 - \sin.^2 a \cos.^2 L$; propterea $\cos.^2 \varphi - \sin.^2 \Delta = \cos.^2 \Delta - \sin.^2 a \cos.^2 L$. Hinc, quoniam (16) $\cos.^2 \varphi - \sin.^2 \Delta = \cos. (\varphi + \Delta) \cos. (\varphi - \Delta)$, aequatio generalis erit:

$$V^2 = \frac{\cos.^2 \Delta - \sin.^2 a \cos.^2 L}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{(\cos.^2 \Delta - \sin.^2 a \cos.^2 L)^2} \right\} \dots (Da)$$

quae aequatio Hyperbolam, Parabolam, aut Ellipsin determinat, si $\cos.^2 \Delta$ est maior, aequalis vel minor valore $\sin. a \cos. L$. Utitur haec aequatio forma simpliciori, plano in plagam quamdam cardinalem obverso.

I. Etenim si Orientem vel Occidentem spectat, in aequatione (Da) erit $a = 0^\circ$ vel $a = 180^\circ$ et $\sin. a = 0$, quo casu erit aequatio

$$V^2 = \cot.^2 \Delta \times \{ W^2 - C^2 \tan.^2 \Delta \} \dots \dots \dots (Da')$$

quae semper est aequatio Hyperbolae, eo tantum casu excepto, quo nulla est Solis Declinatio; atque igitur $\tan. \Delta = 0$ et $\cot. \Delta = \infty$, ita ut $W = 0$ fit aequatio rectae, quam umbra unaquaque Vere et Autumno efficit. Dimidius axis prior eius Hyperbolae est aequalis valori $C \tan. \Delta$; dimidius axis transversus valori $C \tan. \Delta \cot. \Delta = C$: Parmetrum idem valor determinat, qui illum pro generali casu definit, nimirum valor $2 C \cot. \Delta$.

II. Illo, autem plano verticali versus Meridiem aut versus Septentrionem posito, erit $a = 90^\circ$ vel $a = 270^\circ$ et $\sin.^2 a = 1$, qua mutatione, aequatio (Da) illam induit formam:

$$V^2 = \frac{\cos.^2 \Delta - \cos.^2 L}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{(\cos.^2 \Delta - \cos.^2 L)^2} \right\}$$

(14) Hi valores exponuntur supra Cap. I. Pars II. § 10. pag. 35, sqq.

(15) Vid. supra Cap. I. Pars II. § 10. form. (x) pag. 35.

(16) Vid. supra Cap. III. Pars II. § 9. pag. 82.

vel quoniam (17), $\cos.^2 \Delta - \cos.^2 L = \sin. (L + \Delta) \sin. (L - \Delta)$; hanc formam illa aequatio accipiet:

$$V^2 = \frac{\sin. (L + \Delta) \sin. (L - \Delta)}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\sin.^2 (L + \Delta) \sin.^2 (L - \Delta)} \right\} \dots (Da'')$$

Cum autem maximam quantitatem angulus declinationis Δ , ineunte aestate vel hieme, obtineat; quae aequalis est $23^\circ 28'$, pro iis tantum locis, qui intra Tropicos versantur, haec aequatio (Da'') Hyperbolam, Parabolam aut Ellipsin supeditabit, nimirum si L maior, minor aut aequalis est angulo declinationis Δ : quandoquidem autem est $L = \Delta$ aequatio Parabolae, quam umbra puncti M illo die proiicit, haec erit $V^2 = 2 C \cot. L \times W$.

III. In antecedenti hac aequatione (Da''), posita $L = 0$, erit $\sin. (L + \Delta) = \sin. \Delta$ et $\sin. (L - \Delta) = -\sin. \Delta$, atque inuenimus

$$V^2 = -\frac{\sin.^2 \Delta}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\sin.^2 \Delta} \right\}$$

cui si simplicior forma detur;

$$V^2 \times W^2 = C^2 \cot.^2 \Delta \dots (Da''')$$

quae est aequatio circuli, illo quidem casu excepto, quo est $\Delta = 0$ et illa aequatio impossibilis $V^2 + W^2 = \infty^2$ oritur: quae probat eo casu punctum M nullam proiicere umbram in planum datum.

IV. Iam vero si ponimus $L = 90^\circ$, erit $\sin. (L + \Delta) = \sin. (90^\circ + \Delta) = \cos. \Delta$ et $\sin. (L - \Delta) = \sin. (90^\circ - \Delta) = \cos. \Delta$, atque aequatio (Da'') erit

$$V^2 = \frac{\cos.^2 \Delta}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\cos.^2 \Delta} \right\}$$

vel etiam

$$V^2 = \cot.^2 \Delta \times \{ W^2 - C^2 \tan.^2 \Delta \} \dots (Da''')$$

quae aequatio umbram puncti dati M determinat, quae in planum verticale sub polis dispositum proicitur: haec autem, si illum casum excipias quo $\Delta = 0$ atque umbra linea recta erit, ceteroquin semper est Hyperbola.

B. Plano dato horizontaliter disposito, erit (18) $\varphi = L$ et aequatio generalis (D) erit haec:

(17) Cf. Cl. DE GELDER, in Opere paulo ante citato *VIII Boek*, § 596.

(18) Cf. supra Cap. I. Pars II. § 10. pag. 37.

$$V^2 = \frac{\cos. (L + \Delta) \cos. (L - \Delta)}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\cos.^2 (L + \Delta) \cos.^2 (L - \Delta)} \right\} \dots (Db)$$

Ad illam aequationem, quae pro omni plano Horizontali valet et cuius coëfficientes pendent a Latitudine loci et Declinatione Solis, observandum est:

1°. Eam fore aequationem Hyperbolae, si est $L + \Delta < 90^\circ$: si igitur planum versatur loco quodam, qui est intra zonas temperatas. Verum intra circulos polares sive zonas frigidas vicissim erit aequatio Hyperbolae, Parabolae aut Ellipseos, si est $L + \Delta$ minor, aequalis aut maior 90° , aequatio eo casu, quo $L + \Delta = 90^\circ$, erit $V^2 = 2C \cot. L \times W$.

2°. Altero loco observandum est, $L = 90^\circ$ posita, fore $\cos. (L + \Delta) = \cos. (90^\circ + \Delta) = -\sin. \Delta$ et $\cos. (L - \Delta) = \cos. (90^\circ - \Delta) = \sin. \Delta$, aequatio (Db) erit igitur:

$$V^2 = -\frac{\sin.^2 \Delta}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\sin.^4 \Delta} \right\}$$

qua ulterius reducta

$$V^2 + W^2 = C^2 \cot.^2 \Delta \dots \dots \dots (Db')$$

quae est aequatio circuli, cuius radius aequalis est altitudini puncti M supra planum Horizontale multiplicatae per cotangentem anguli, qui indicat Solis Declinationem, et quae aequatio valet tantum pro polo Septentrionali vel Meridionali. Vere et Autumno ineuntibus, quo tempore $\Delta = 0$ est, haec aequatio illam accipiet formam $V^2 + W^2 = 0$, quae, cum sit impossibilis, indicat eo die nullam esse puncti M in planum datum umbram.

3°. Iam ultimo loco ponamus in illa aequatione (Db) $L = 0$ esse, pro plano Horizontali, quod sub ipso aequatore versatur, habebimus

$$V^2 = \frac{\cos.^2 \Delta}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\cos.^4 \Delta} \right\}$$

quae ad aliam formam reducta, talis erit:

$$V^2 = \cot.^2 \Delta \times \left\{ W^2 - \frac{C^2 \sin.^2 \Delta \cos.^2 \Delta}{\cos.^4 \Delta} \right\} \dots \dots \dots (Db'')$$

quae Hyperbolam determinat, illo tantum casu excepto, quo $\Delta = 0$ est et igitur $W = 0$, quae aequatio rectam Horizontalem ab Oriente versus Occidentem productam definit.

C. Plano inclinante vel propendente in unam plagarum cardinalium obverso, aequatio generalis (D) varias etiam inducit formas, de quibus breviter videamus.

I. Eiusmodi planum si versus Orientem vel Occidentem ponitur, erit (19) $\sin. \varphi = \sin. i \sin. L$ igitur $\cos.^2 \varphi = 1 - \sin.^2 \varphi = 1 - \sin.^2 L \sin.^2 i$ et $\cos.^2 \varphi - \sin.^2 \Delta = \cos.^2 \Delta - \sin.^2 i \sin.^2 L$, quibus observatis aequatio (D) talis erit:

$$V^2 = \frac{\cos.^2 \Delta - \sin.^2 i \sin.^2 L}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{(\cos.^2 \Delta - \sin.^2 i \sin.^2 L)^2} \right\} \dots (Dc)$$

II. Sin autem planum five propendens sive inclinans in Meridiem obvertas (20), erit $\varphi = i + L - 90^\circ$ atqui ergo,

$$\varphi + \Delta = i + L + \Delta - 90^\circ \quad \text{et} \quad \cos. (\varphi + \Delta) = \sin. (i + L + \Delta)$$

$$\varphi - \Delta = i + L - \Delta - 90^\circ \quad \text{et} \quad \cos. (\varphi - \Delta) = \sin. (i + L - \Delta)$$

generalis aequatio (D) igitur erit,

$$V^2 = \frac{\sin. (i + L + \Delta) \sin. (i + L - \Delta)}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\sin.^2 (i + L + \Delta) \sin.^2 (i + L - \Delta)} \right\} (Dc)$$

III. Verum idem illud planum, si Septentrionem spectat, erit (21) $\varphi = 90^\circ - (L - i)$ et propterea,

$$\varphi + \Delta = 90^\circ - L + i + \Delta \quad \text{et} \quad \cos. (\varphi + \Delta) = \sin. (L + i + \Delta)$$

$$\varphi - \Delta = 90^\circ - L + i - \Delta \quad \text{et} \quad \cos. (\varphi - \Delta) = \sin. (L + i - \Delta),$$

haec igitur eo casu erit generalis aequatio

$$V^2 = \frac{\sin. (i + L + \Delta) \sin. (i + L - \Delta)}{\sin.^2 \Delta} \times \left\{ W^2 - \frac{C^2 \sin.^2 \Delta \cos.^2 \Delta}{\sin.^2 (i + L + \Delta) \sin.^2 (i + L - \Delta)} \right\}$$

quae ab antecedenti non differt.

§ 17.

Atque hoc loco iam finem Commentationi imponere possem, nisi praeterea quaesitum esset, ut, umbra pura puncti dati pro quacunque Solis Declinatione

(19) Cf. supra l. c. § 10. pag. 37.

(20) Cf. l. c.

(21) Cf. l. c.

definita, illa etiam pro quavis Diei hora per Formulam generalem determinaretur, ad quam quaestionis partem, ut pro viribus quam accuratissime respondeam, definiendae sunt coördinatae punctorum cuicunque sectionis coni, quam Sol loco dato dataque Solis Declinatione, quacunque Diei hora in planum datum proiicit. Quod quo melius fieri posfit, tali opus est forma generalis illius aequationis (D), quam supra invenimus (22), ut illa transferatur in eodem axes parallelos et in punctum L, *Fig. 3*, in quo puncto Mundi axis planum datum secat: supra invenimus (23), origine coördinarum in K posita, esse

$$V^2 \sin.^2 \Delta = C^2 (\sin.^2 \varphi - \sin.^2 \Delta) + 2 C \sin. \varphi \cos. \varphi U + (\cos.^2 \varphi - \sin.^2 \Delta) U^2$$

et $KL = C \cot. \varphi$

igitur hac aequatione substituenda est,

$$U = C \cot. \varphi + X$$

quo facto habemus,

$$\begin{aligned} V^2 \sin.^2 \Delta = & C^2 (\sin.^2 \varphi - \sin.^2 \Delta) + 2 C^2 \sin. \varphi \cos. \varphi \cot. \varphi + (\cos.^2 \varphi - \sin.^2 \Delta) C^2 \cot.^2 \varphi \\ & + 2 C \{ \sin. \varphi \cos. \varphi + (\cos.^2 \varphi - \sin.^2 \Delta) \cot. \varphi \} \times X \\ & + (\cos.^2 \varphi - \sin.^2 \Delta) \times X^2 \end{aligned}$$

quae mutuum coördinarum curvae rationem repraesentat, earum origine e puncto K in punctum L translata: huius aequationis pars altera tribus terminis continetur, quorum priores simpliciore formam facile admittunt. Etiam prior terminus, qui est eiusmodi

$$C^2 (\sin.^2 \varphi - \sin.^2 \Delta) + 2 C^2 \sin. \varphi \cos. \varphi \cot. \varphi + (\cos.^2 \varphi - \sin.^2 \Delta) C^2 \cot.^2 \varphi$$

sic transformatur

$$C^2 \sin.^2 \varphi + 2 C^2 \sin. \varphi \cos. \varphi \times \frac{\cos. \varphi}{\sin. \varphi} + C^2 \cos.^2 \varphi \times \frac{\cos.^2 \varphi}{\sin.^2 \varphi} - C^2 \sin.^2 \Delta (1 + \cot.^2 \varphi)$$

id est

$$\begin{aligned} C^2 \times & \frac{\sin.^4 \varphi + 2 \sin.^2 \varphi \cos.^2 \varphi + \cos.^4 \varphi}{\sin.^2 \varphi} - C^2 \sin.^2 \Delta \operatorname{cosec}.^2 \varphi = \dots \\ C^2 \times & \frac{(\sin.^2 \varphi + \cos.^2 \varphi)^2}{\sin.^2 \varphi} - \frac{C^2 \sin.^2 \Delta}{\sin.^2 \varphi} = \frac{C^2 (1 - \sin.^2 \Delta)}{\sin.^2 \varphi} \end{aligned}$$

(22) Cf. Cap. III. Part. III. § 6. pag. 79.

(23) Cf. l. c.

Alter autem terminus; qui hac forma utitur,

... $2C \times \{ \sin. \varphi \cos. \varphi + (\cos.^2 \varphi - \sin.^2 \Delta) \cot. \varphi \} \times X$...
tali ratione simpliciori formae redditur

$$\begin{aligned} 2C (\sin. \varphi \cos. \varphi + \cos.^2 \varphi \cot. \varphi - \sin.^2 \Delta \cot. \varphi) \times X = \\ 2C (\sin. \varphi \cos. \varphi + \cos.^2 \varphi \times \frac{\cos. \varphi}{\sin. \varphi} - \sin.^2 \Delta \times \frac{\cos. \varphi}{\sin. \varphi}) \times X = \\ 2C \times \left\{ \frac{\cos. \varphi (\sin.^2 \varphi + \cos.^2 \varphi)}{\sin. \varphi} - \frac{\sin.^2 \Delta \cos. \varphi}{\sin. \varphi} \right\} \times X = \\ X \times \frac{2C \cos. \varphi (1 - \sin.^2 \Delta)}{\sin. \varphi} = \frac{2C \cos. \varphi \cos.^2 \Delta}{\sin. \varphi} \times X \end{aligned}$$

quibus reductionibus aequatio antecedens hanc simpliciore induit formam

$$V^2 \sin.^2 \Delta = \frac{C^2 \cos.^2 \Delta}{\sin.^2 \varphi} + \frac{2C \cos. \varphi \cos.^2 \Delta X}{\sin.^2 \varphi} + (\cos.^2 \varphi - \sin.^2 \Delta) X^2 \dots \dots (E)$$

quae erit aequatio curvae, quam umbra puncti dati M efficit, coördinatorum origine, iisdem axibus, in punctum L translata, (24).

Haec aequatio (E) nobis inserviet ad coördinatas umbræ puncti M, pro quavis Diei hora, inveniendas (videantur semper Fig. 3 et Fig. 8.) Illud autem lectorem in memoriam revocare oportet, nos antea (25) angulum horarum, Fig. 3, qui post meridiem constituitur, scilicet angulum $\angle \Phi \Pi = U$ et angulum qui cum eo convenit $\angle L \Psi = u$ posuisse: ex quo sequitur angulum quem umbra pura Styli seu axeos Mundi cum linea subtilari, igitur cum axe ordinatarum X constituit, nimirum angulum $\angle K L \Psi = \psi + u$ esse. Anguli autem φ et ψ supra (26) iam sunt definiti: atque invenimus, quodsi ponimus

$$\tan. \chi = \frac{\tan. \psi}{\sin. \varphi} \dots \dots \dots (m)$$

(24) Haec aequatio (E) aequae al altera, quae hanc suppeditavit, $\Delta = 0$ posito, alteram eius partem habebit $\left(\frac{C \cos. \Delta}{\sin. \varphi} + \cos. \varphi \right)^2$

(25) Supra Cap. I. Pars. II. § 7. pag. 30.

(26) Conf. Supra l. c.

aequationem quae pro quavis Diei hora angulum $KL\psi = \psi + u$ determinat, illam,

$$\text{tang.}(\psi + u) = \text{fin.} \varphi \text{ tang.}(\chi + U) \dots\dots\dots (n)$$

qua formula anguli φ , χ et ψ pro quocunque plano dato sibi constant.

§ 18.

Sit, *Fig. 11*, P' locus umbrae puncti M *Fig. 3*, quo casu $LQ' = -X$ et $P'Q' = -V$ coördinatae erunt illius puncti, quae aequatione (E) comprehenduntur, atque LP' indicabit longitudinem, umbrae stili.

Iam vero ponamus, longitudinem $LP' = Z$, atque angulum $Q'LP' = \psi + u$ atque triangulum rectangulum $LP'Q'$ suppeditabit hasce formas,

$$V = Z \text{ fin.}(\psi + u) \quad \text{et} \quad X = Z \text{ cos.}(\psi + u)$$

Hisce quantitibus valorum V et X , aequatione

$$V^2 \text{ fin.}^2 \Delta = \frac{C^2 \text{ cos.}^2 \Delta}{\text{fin.}^2 \varphi} + \frac{2 C \text{ cos.} \varphi \text{ cos.}^2 \Delta}{\text{fin.} \varphi} \times X + (\text{cos.}^2 \varphi - \text{fin.}^2 \Delta) \times X^2 \dots (E)$$

vel potius hac aequatione

$$V^2 = \frac{C^2 \text{ cot.}^2 \Delta}{\text{fin.}^2 \varphi} + 2 C \text{ cot.} \varphi \text{ cot.}^2 \Delta X + \left\{ \frac{\text{cos.} \varphi}{\text{fin.}^2 \varphi} - 1 \right\} \times X^2$$

substitutis inueniemus:

$$Z^2 \times \left\{ \frac{\text{fin.}^2 \Delta - \text{cos.}^2 \varphi \text{ cos.}^2(\psi + u)}{\text{fin.}^2 \Delta} \right\} - 2 C \text{ cot.} \varphi \text{ cot.}^2 \Delta \text{ cos.}(\psi + u) \times Z - \frac{C \text{ cot.}^2 \Delta}{\text{fin.}^2 \varphi} = 0 \dots (F)$$

quae est aequatio polaris, quae *Fig. 11*, determinat rationem inter angulum positionis $Q'LP' = \psi + u$ et radium vectorem LP' five longitudinem umbrae Stili LM ea diei hora, qua umbra angulum $Q'LP'$ constituit.

Hac aequatione (F) valor Z et angulus $(\psi + u)$ est variabilis, reliqua autem eius elementa, qualia sunt C , φ et Δ pro eodem plano dato eademque Solis declinatione sibi constant: verum Z et $\psi + u$ vario temporis puncto varii sunt: quorum valorum quantitates, quae invicem conveniunt, curvae speciem determinant, in qua curva locus puncti P' , *Fig. 11*, versatur. Si igitur ex hac aequatione valorem Z definiamus pro quavia Diei hora, id est pro quacunque anguli $\psi + u$ quantitate, innotescet longitudo umbrae $LP' = Z$ atque aequationibus

$V = Z \sin. (\psi + u)$ et $X = Z \cos. (\psi + u)$ iuvantibus, coördinatas puncti P' five umbrae, quam punctum M proiicit, poterunt determinari.

Detur aequationi (F) forma haec,

$$Z^2 - \frac{2 C \cot. \varphi \cos.^2 \Delta \cos. (\psi + u)}{\sin.^2 \Delta - \cos.^2 \varphi \cos.^2 (\psi + u)} \times Z - \frac{C \cos.^2 \Delta : \sin.^2 \varphi}{\sin.^2 \Delta - \cos.^2 \varphi \cos.^2 (\psi + u)} = 0$$

quam si solvas, habebis

$$Z = \frac{C \cot. \varphi \cos.^2 \Delta \cos. (\psi + u)}{\sin.^2 \Delta - \cos.^2 \varphi \cos.^2 (\psi + u)} \\ \pm \sqrt{\frac{C^2 \cos.^2 \varphi \cos.^4 \Delta \cos.^2 (\psi + u) + C^2 \cos.^2 \Delta \times \{\sin.^2 \Delta - \cos.^2 \varphi \cos.^2 (\psi + u)\}}{\sin.^2 \varphi \times \{\sin.^2 \Delta - \cos.^2 \varphi \cos.^2 (\psi + u)\}^2}}$$

Duplex illa quantitas valoris Z , licet valde sit composita, tamen formam longe simpliciore admittere. Etenim primo loco, quod attinet ad terminum radicalem, numerator et denominator fractionis per $C^2 \cos.^2 \Delta$ et $\sin.^2 \varphi$ dividatur, et valor radicalis per $C \cos. \Delta : \sin. \varphi$ multiplicetur, quo facto habebimus, si pro $\sin.^2 \Delta$ scribimus $1 - \cos.^2 \Delta$

$$\frac{C \cos. \Delta}{\sin. \varphi} \times \sqrt{\frac{\cos.^2 \varphi \cos.^2 \Delta \cos.^2 (\psi + u) + 1 - \cos.^2 \Delta - \cos.^2 \varphi \cos.^2 (\psi + u)}{\sin.^2 \Delta - \cos.^2 \varphi \cos.^2 (\psi + u)}}$$

verum est, ut facile intelligitur

$$\begin{aligned} & \cos.^2 \Delta \cos.^2 \varphi \cos.^2 (\psi + u) + 1 - \cos.^2 \Delta - \cos.^2 \varphi \cos.^2 (\psi + u) = \\ & \{1 - \cos.^2 \varphi \cos.^2 (\psi + u)\} - \cos.^2 \Delta \{1 - \cos.^2 \varphi \cos.^2 (\psi + u)\} \\ & = \{1 - \cos.^2 \Delta\} \times \{1 - \cos.^2 \varphi \cos.^2 (\psi + u)\} \\ & = \sin.^2 \Delta \times \{1 - \cos.^2 \varphi \cos.^2 (\psi + u)\} \end{aligned}$$

valor radicalis igitur talis est

$$\pm \frac{C \times \sin. \Delta \cos. \Delta \times \sqrt{\{1 - \cos.^2 \varphi \cos.^2 (\psi + u)\}}}{\sin. \varphi \times \{\sin.^2 \Delta - \cos.^2 \varphi \cos.^2 (\psi + u)\}}$$

duplex igitur quantitas valoris Z , multiplicato scilicet numeratore et denominatore termini prioris per $\sin. \varphi$, hanc formam habebit:

$$Z = C \cos. \Delta \times \frac{\cos. \varphi \cos. (\psi + u) \cos. \Delta \pm \sin. \Delta \times \sqrt{\{1 - \cos.^2 \varphi \cos.^2 (\psi + u)\}}}{\sin. \varphi \times \{\sin.^2 \Delta - \cos.^2 \varphi \cos.^2 (\psi + u)\}} \dots (F')$$

quae forma etiam simplicior erit, si

$$\sin. \alpha = \cos. \varphi \cos. (\psi + u)$$

ponimus, quae hypothesis semper possibilem valorem α dabit; eo enim casu erit

$$1 - \cos.^2 \varphi \cos.^2 (\psi + u) = 1 - \sin.^2 \alpha = \cos.^2 \alpha$$

$$\sqrt{1 - \cos.^2 \varphi \cos.^2 (\psi + u)} = \cos. \alpha$$

Præterea (27) est

$$\sin.^2 \Delta - \cos.^2 \varphi \cos.^2 (\psi + u) = \sin.^2 \Delta - \sin.^2 \alpha = \sin. (\Delta + \alpha) \sin. (\Delta - \alpha)$$

quo angulo auxiliari α adhibito, valor Z hic erit:

$$Z = -C \cos. \Delta \times \frac{\sin. \alpha \cos. \Delta \pm \sin. \Delta \cos. \alpha}{\sin. \varphi \sin. (\alpha + \Delta) \sin. (\alpha - \Delta)} = -C \cos. \Delta \times \frac{\sin. (\alpha \pm \Delta)}{\sin. \varphi \sin. (\alpha + \Delta) \sin. (\alpha - \Delta)}$$

aut variis eius quantitibus separatim positis,

$$Z = - \frac{C \sin. \Delta}{\sin. \varphi \sin. (\alpha + \Delta)} \quad \text{et} \quad Z = - \frac{C \sin. \Delta}{\sin. \varphi \sin. (\alpha - \Delta)}$$

Unus tantum valor Z e duobus cum data quadam hora consentiet: alter valor punctum determinat, quo radius vector productus coni sectionem fecat, quae posterior sectio demum post duodecim horas umbram designabit. Ne igitur dubitemus, quinam valor Z pro data Diei hora recte adhibeatur, diligenter inquiramus, qualis fit ille valor Z , dato temporis puncto, quo exempli gratia $\psi + u = 0$ est, atque igitur Sol in plano trianguli LMK versatur et curva axem ordinatae U vel X , id est projectionem axeos Mundi in planum datum delineatam, fecat: quod ut efficiatur in aequatione (F') ponamus:

$$Z = - \frac{C \cos. \Delta}{\sin. \varphi} \times \frac{\cos. \varphi \cos. \Delta \pm \sin. \varphi \sin. \Delta}{\cos.^2 \varphi - \sin.^2 \Delta}$$

id est, quoniam $\cos.^2 \varphi - \sin.^2 \Delta = \cos. (\varphi + \Delta) \cos. (\varphi - \Delta)$,

$$Z = - \frac{C \cos. \Delta}{\sin. \varphi} \times \frac{\cos. (\varphi \mp \Delta)}{\cos. (\varphi + \Delta) \cos. (\varphi - \Delta)}$$

$$\text{et} \quad Z = - \frac{C \cos. \Delta}{\sin. \varphi \cos. (\varphi + \Delta)} \quad \text{vel} \quad Z = - \frac{C \cos. \Delta}{\sin. \varphi \cos. (\varphi - \Delta)}$$

quos valores X etiam inuenimus, si ex aequatione generali (E) $V = 0$ ponimus. Illae autem aequationes, quas capite primo inuenimus, facile docebunt

(27) Vid. Cl. DE GELDER, *Beg. der Meetk. VIII Boek*, § 596.

a quam parte puncti *K*, *Fig. 3*, umbra proiciatur, centro disci Solis in plano triangulari *LMK* versante, atque de radice, quae cum data Diei hora convenit, diutius dubitare non possumus.

Hoc casu, *Fig. 3*, pro umbra Styli inde ab *L* versus Δ , maximus valorum *Z* lignis ipsis neglectis usurpetur. Caeterum falli non possumus, si ad illud attendamus, punctum *K* projectionem puncti *M* in planum datum delineatam esse centrum sectionis conici et valores, *U*, *WX* atque etiam valorem *Z*, prouti aequationes (*D*), (*D'*), (*E*), (*E'*) docent, ab altera parte puncti *K*, id est inde a *K* versus Δ esse negativos.

His igitur omnibus ad unum corpus redactis, coördinatas umbrae puncti dati pro quavis Diei hora, data scilicet Solis Declinatione, inveniemus hoc aequationum systemate usi

$$\begin{aligned} \text{tang. } \chi &= \text{tang. } \psi : \text{fin. } \varphi; & \text{tang. } (\psi + u) &= \text{fin. } \varphi \text{ tang. } (\chi + U) \\ \text{fin. } \alpha &= \cos. \varphi \cos. (\psi + u) \end{aligned}$$

$$\begin{aligned} Z &= - \frac{C \cos. \Delta}{\text{fin. } \varphi \text{ fin. } (\alpha + \Delta)} & \text{vel} & \quad Z = - \frac{C \cos. \Delta}{\text{fin. } \varphi \cos. (\alpha - \Delta)} \\ V &= Z \text{ fin. } (\psi + u) & \text{et} & \quad X = Z \cos. (\psi + u) \end{aligned}$$

quibus formulis ad praecipuas quaestionis propositae partes nobis pro viribus respondisse videamur.

§ 19.

Ne quid theoriae quam tractavimus deesse videatur, necesse est ut pro plano quodam dato, quod quacunque ratione, data quodam latitudine ponitur tempus determinemus, quo planum circuli diurni secabit planum datum: quo tempore definito, innotescet, quibus Diei horis quo Soli data est declinatio, Solis lumen partem anteriorem, quibus vero horis posteriorem plani partem collustret.

Planum trianguli *LMK*, *Fig. 3*, quod simul planum Declinationis Solis repraesentat perpendiculariter supra planum datum est positum atque linea *MΣ* prouti supra vidimus (28) pro omni Solis declinatione umbram Styli circa meridiem

(28) Patet illud ex ipsa Horologii Solaris structura quam descripsimus supra Cap. I. Part. II. § 6. pag. 26. Cf. § 7. et § 8.

designat; angulus $KLZ = \psi$ tempore dimensus, qui pro plano dato, quod intra Orientem et Meridiem est dispositum, est positivus, indicat, quamdiu ante Meridiem umbra Styli LM in ipsam eius projectionem cadat. Eo die quo Sol in Aequatore versatur umbra puncti M tamdiu in anteriorem plani partem proicietur, quamdiu recta $\Phi\Psi$ non parallela est cum recta ZQ : eo igitur die nisi planum Horizontis impediat, Sol partem plani dati anteriorem per tot horas ante meridiem collustrabit, quot indicat angulus $90^\circ + \psi$; et per totidem horas post meridiem, quot angulo $90^\circ - \psi$ indicantur, ambobus scilicet angulis tempore dimensus. Itaque facile intelligitur, iis diebus, quibus Sol in Aequatore versatur, ipsum, per hanc viginti et quatuor horarum partem ante, per illam post planum datum esse: quod illa etiam sphaerae proprietate, qua omnes eiusdem sphaerae circuli maiores in duas partes aequales se invicem dividunt, prorsus confirmatur. Verum quam primum Sol vel minimam acceperit Declinationem, tempus, per quod anteriorem plani partem collustrat, minus erit duodecim horis, et sic inversa ratione.

Fingamus Fig. 15, planum ipsius tabulae qua Figura delineatur esse planum trianguli LMK e Fig. 3. Sit HI planum datum perpendiculariter supra illud trianguli planum positum, cuius plani dati marginem linea HI demonstrat. Repraesentet linea PQ axin Mundi, qui cum plano dato, sive cum recta HI angulum constituit, aequalem angulo φ , videatur Fig. 3. Indicat porro recta CD planum Aequatoris parallelum supra planum tabulae dispositum. Sit angulus CLS declinatio Solis Borealis: LS recta, qua Solis et Terrae centra quasi coniunguntur. Iam vero ducatur perpendiculara SG e centro Solis in axin Mundi. Conscribatur circulus e puncto G radio GS: ducatur KE perpendiculariter in SG atque porro linea GE. Planum eius trianguli KEG, si perpendiculariter in planum tabulae disponitur, simul erit planum circuli diurni Solis et basis coni recti: quae igitur basis planum datum secundum rectam KE secatur, quo facto arcus SE dimidium tempus metitur, per quod anteriorem plani partem Sol collustrat, ita ut angulus SGE, horis dimensus, facile possit eius temporis mensura existere. Ponamus iam $GS = 1$ ex quo sequitur esse $GL = \text{tang. } \delta$, $KG = \cos. SGE$. In triangulo rectangulo LKG est $KG = GL \times \text{tang. } \varphi = \text{tang. } \delta \times \text{tang. } \varphi$ erit igitur:

$$\cos. SGE = \text{tang. } \delta \text{ tang. } \varphi$$

$$\text{Angulus } SGE = \text{Arcui } \cos. (\text{tang. } \delta \text{ tang. } \varphi)$$

Cum autem angulus ψ , qui a declinatione Solis prorsus non pendet, pro eo-

dem plano semper eodem utitur valore, tempus ante meridiem, quo centrum Solis planum datum tranfit eiusque anteriorem partem collustrare aggreditur, determinat illa forma:

$$\frac{1}{2} \times \{ \psi + \text{arcu cos. (tang. } \Delta \text{ tang. } \varphi) \}$$

sequens autem forma tempus post meridiem, quo Sol denuo illud planum datum tranfit.

$$\frac{1}{2} \times \{ \psi - \text{arcu cos. (tang. } \Delta \text{ tang. } \varphi) \}$$

Borealis aut Australis declinatio Solis determinat, utrum hiee formis *Arcus cos. (tang. Δ tang. φ)* sit positivus an vero negativus, atque igitur in quadrante primo vel secundo collocetur.

LIBELLI CONSPECTUS, QUI DISPUTATIONIS SUMMAM EXHIBET.

Cum igitur omnia, pro nostra virum tenuitate, exposuimus, haec breviter in unum quoddam corpus ita contrahere liceat, ut et melius in oculos illa incurrant et rationes facilius in usum converti possint; quare si praecipuas aequationes notavero, quas supra invenimus, eo consilio me illud non fecisse arbitremini, ut haec commentatio maiori volumine comprehensa esse videretur: verum hanc ob rem illud operae pretium esse existimaui, ne forte Lecturi, posteaquam hoc opusculum perlegissent, in formulis inspiciendis ac notandis bonas horas confunderent, quas formulas nobis ante oculos esse oportet, ut calculus, qualem mox instituemus, intelligatur.

Si itaque in memoriam revocemus *Fig. 1*, angulum positionis dati plani nimirum angulum $ZGA = a$ esse, qui angulus inde a meridie versus occidentem numerandus est.

Angulum inclinationis plani dati $SFH = +i$ esse, qui angulus est negativus si planum propendeat. Valorem $MG = A$ esse.

Distantiam puncti dati a plano dato, vel rectam $MK = C$ esse.

Angulum L latitudinem Borealem cuiuscunque loci superficiei terrestri determinare.

Posita Solis Declinatione per totum diem invariabili, pro quovis die haec Declinatio, uti notavimus in Commentatione, erit aequalis Δ .

Haece iam observatis erit aequatio plani dati inclinantis, angulo a in prima parte quadrante versante

$$x \sin. a - y \cos. a + z \tan. i - A \sin. a = 0$$

vel si placeat, quoniam $C = A \sin. a \cos. i$

$$x \sin. a - y \cos. a + z \tan. i - \frac{C}{\cos. i} = 0 \dots \dots (A)$$

Aequatio conici recti circularis, quem radius Solis, punctum datum transiens, illo die efficit

$$(x^2 + y^2 + z^2) \sin^2 A = (z \sin L - x \cos L)^2 \dots \dots \dots (B)$$

Quibus aequationibus, linea plagae Australis et plagae Occidentis et Verticalis loci sunt axes coördinatorum positive sumtae.

Deinceps *Fig. 3* fit angulus, quem axis Mundi cum plano dato constituit, angulus scilicet $MLK = \varphi$.

Angulus quem projectio axeos Mundi in planum datum, recta scilicet LK , cum intersectione illius plani et alterius plani Meridiani, vel cum recta $L\Sigma$ constituit, ponatur aequalis valori ψ .

Recta FH quae est intersectio plani Verticalis, quod planum datum perpendiculariter secat, etiam cum projectione axeos Mundi constituit angulum $HKL = \omega$.

Angulus quem eadem illa intersectio FH cum altera LI determinat, nimirum angulus $FIG = \rho$. Angulus $A\Phi\Sigma = \chi$.

Angulus Horarum a medio die computandus, scilicet angulus $\Pi\Phi A = U$ et angulus qui cum illo convenit $\Sigma L\Psi = u$. Valor anguli $O\Phi A = \chi + U$ et valor anguli $A L\Psi = \psi + u$.

Iam sequentes *angulos auxiliares* constituimus;

$$\text{tang. } p = \sin. i \sin. L \dots \dots \dots (\alpha) \quad \text{tang. } q = \sin. a \cos. i \cos. L \dots \dots (\beta)$$

$$\cos. r = \cos. a \cos. i \dots \dots \dots (\gamma)$$

$$\text{tang. } s = \cos. i \text{ tang. } L \dots \dots \dots (\delta) \quad \text{tang. } t = \sin. i \sin. a \dots \dots \dots (\epsilon)$$

Omnia, quae Horologii Solaris structura requirit, sequentes aequationes docent, quibus valor rectae C ad libitum sumatur

$$FG = C : \text{tang. } a \cos. i \dots \dots \dots (1) \quad IF = s C : \sin. s i \dots \dots \dots (2)$$

$$IK = C \times \cot. i \dots \dots \dots (3) \quad FK = C \times \text{tang. } i \dots \dots \dots (4)$$

$$\sin. \varphi = \sin. (p - q) : \cos. p \cos. q \dots \dots (5) \quad \sin. \psi = \cot. r \text{ tang. } \varphi \dots \dots \dots (6)$$

$$\sin. \rho = \cot. r \text{ tang. } i \dots \dots \dots (7) \quad \text{tang. } \omega = \cos. a \cos. s \cos. t : \sin. (s + t) \dots (8)$$

$$KL = C \times \cot. \varphi \dots \dots \dots (9) \quad ML = C : \sin. \varphi \dots \dots \dots (10)$$

$$MA = \Phi A = C : \cos. \varphi \dots \dots \dots (11) \quad LA = \frac{1}{2} C : \sin. s \varphi \dots \dots \dots (12)$$

$$\text{tang. } \chi = \text{tang. } \psi : \sin. \varphi \dots \dots \dots (13) \quad \text{tang. } (\psi + u) = \sin. \varphi \times \text{tang. } (\chi + U) \dots (14)$$

Qua posteriori aequatione (14) adiuvante, omnes quoscunque angulos $AL\Psi$, quos umbra axeos Mundi five filii horologii Solaris cum ipsa projectionis axeos constituit, pro quavis diei hora calculo inveniemus, si talem angulo horario U valorem damus, qualem temporis momentum desiderat. Observandum est omnes hasce aequationes a Solis Declinatione minime pendere.

Porro, *Fig. 5*, quae planum datum repraesentat, recta AB plani dati intersecti-
onem cum plano Horizontis indicat, et, uti iam notavimus, HI intersectio eiusdem
illius plani dati cum plano verticali, quod rectae LO et LI repraesentant. Recta
 ΔQ denique est intersectio ipsius dati plani cum plano Aequatoris. Ponamus iam
originem coördinatarum in puncto Δ , et ipsae rectae indefinitae ΔL et ΔQ sint
plagae positivae axium coördinatarum W et V : quibus observatis aequationem,
quae curvam, qua locus umbrae purae puncti dati indicatur, ipsa determinat,
iam supra esse invenimus.

$$V^2 = \frac{\cos.(\varphi + \Delta) \cos.(\varphi - \Delta)}{\sin.^2 \Delta} \times \left\{ W^2 - \frac{\frac{1}{2} C^2 \sin.^2 2 \Delta}{\cos.^2(\varphi + \Delta) \cos.^2(\varphi - \Delta)} \right\} \dots (D')$$

in qua, valor φ solus pendet a positione plani dati, id est ab angulis α et i , quod
confirmat aequatio:

$$\sin. \varphi = \sin. i \sin. L - \sin. \alpha \cos. i \cos. L$$

vel

$$\sin. \varphi = \sin. (p - q) : \cos. p \cos. q$$

Aequatio (D'), uti supra explicavimus, Hyperbolam Parabolam vel Ellepsin de-
terminat, si sit $\varphi + \Delta$ minor, aequalis vel maior 90° . Cuius Hyperbolae haece
valoribus determinantur

$$\text{Dimidius axis prior} = \frac{\frac{1}{2} C \sin. 2 \Delta}{\cos.(\varphi + \Delta) \cos.(\varphi - \Delta)} \dots \dots \dots (\kappa)$$

$$C \cos. \Delta$$

$$\text{Dimidius axis transversus} = \frac{\dots \dots \dots}{\sqrt{\cos.(\varphi + \Delta) \cos.(\varphi - \Delta)}} \dots \dots \dots (\lambda)$$

$$\text{Parameter} = 2 C \cot. \Delta \dots \dots \dots (\mu)$$

$\cos.(\varphi + \Delta)$ negativum valorem accipiens, five si $\varphi + \Delta > 90^\circ$, ipsae aequationes
(D'), (κ), (λ), et (μ) ellepsin determinabunt.

Iam transferatur origo coördinatarum, *Fig. 5*, e puncto Δ in punctum L et sit
Fig. 11 P' umbra puncti dati, pro quavis Diei hora. Ponatur $LQ' = -X$, $P'Q' = -V$ et $LP' = Z$ et angulus $Q'LP = \psi + u$, quem aequatio (14) determinat.

Iam insuper ponamus

$$\sin. \alpha = \cos. \varphi \cos. (\psi + u) \dots \dots \dots (15)$$

Valores umbrae puncti dati pro quavis Diei hora, data solis Declinatione sic
determinantur

$$Z = - \frac{C \cos. \Delta}{\sin. \varphi \sin. (\alpha + \Delta)} \quad \text{vel} \quad Z = - \frac{C \cos. \Delta}{\sin. \varphi \cos. (\alpha - \Delta)}$$

$$V = Z \sin. (\psi + u) \quad \text{et} \quad X = Z \cos. (\psi + u)$$

Mutationes, quas illae aequationes pro variis valoribus angulorum α , δ , L et Δ patiuntur, ipsa Commentatio docebit.

EXEMPLUM iam sequens ponamus. Sit $\alpha = 60$, $\delta = + 20^\circ$, $L = 55^\circ 13' 12'', 7$
Invenimus in tabulis Logarithmorum.

$\text{Log. sin. } \alpha =$	9,9375506	$\text{Log. cot. } \delta =$	0,4589341
$\text{Log. cos. } \alpha =$	9,6989700	$\text{Log. sin. } 2\delta =$	9,8080675
$\text{Log. tang. } \alpha =$	0,2385606	$\text{Log. sin. } L =$	9,9056013
$\text{Log. sin. } \delta =$	9,5340517	$\text{Log. cos. } L =$	9,7772392
$\text{Log. cos. } \delta =$	9,9729858	$\text{Log. tang. } L =$	0,1265621
$\text{Log. tang. } \delta =$	9,5610659	$\text{Log. cot. } L =$	0,8756579

I. Computatio Angulorum Auxiliarium.

$\text{Log. sin. } \delta =$	9,5340517	$\text{Log. sin. } \alpha =$	9,9375506
$\text{Log. sin. } L =$	9,9056013	$\text{Log. cos. } \delta =$	9,9729858
$\text{Log. tang. } p =$	9,4376530	$\text{Log. cos. } L =$	9,7772392
$p = 16^\circ 19' 10'', 9$		$\text{Log. tang. } q =$	9,6877556
$\text{Log. cos. } p =$	9,9842872	$q = 25^\circ 58' 40'', 3$	
$p - q = 10^\circ 59' 29'', 4$		$\text{Log. cos. } q =$	9,9557420
$\text{Log. sin. } (p - q) =$	9,2670523		
$\text{Log. cos. } \alpha =$	9,6989700		
$\text{Log. cos. } \delta =$	9,9729858		
$\text{Log. cos. } r =$	9,6719558		
$r = 61^\circ 58' 32'', 5$			
$\text{Log. cot. } r =$	9,7261186		
$\text{Log. cos. } \delta =$	9,9729858	$\text{Log. sin. } \delta =$	9,5340517
$\text{Log. tang. } L =$	0,1265621	$\text{Log. sin. } \alpha =$	9,9375506
$\text{Log. tang. } \alpha =$	0,0993479	$\text{Log. tang. } t =$	9,4715823

$$s = 51^{\circ} 29' 49'', p = 1^{\circ} 10' 12'', t = 16^{\circ} 29' 57'', 1$$

$$\text{Log. cos. } s = 9,7941784 \quad \text{Log. cos. } t = 9,9817388$$

$$s+t = 67^{\circ} 59' 46'', 2$$

$$\text{Log. sin. } (s+t) = 9,9686633$$

II. Computatio rectarum et angulorum, Fig. 3, posita $C = 10000$ partibus.

$\text{Log. } C = 4,0000000$	$\text{Log. } C = 4,0000000$
$\text{Log. tang. } a = 0,2385606$	$\text{Log. } z = 0,3010300$
$\text{Log. cos. } i = 9,9729858$	$4,3010300$
$0,2115464$	$\text{Log. sin. } 2t = 9,8280675$
$\text{Log. FG} = 3,7884536$	$\text{Log. IP} = 4,4929625$
$FG = 6144,031$	$IP = 3111,448$
$\text{Log. } C = 4,0000000$	$\text{Log. } C = 4,0000000$
$\text{Log. cot. } i = 0,4389341$	$\text{Log. tang. } i = 9,5610659$
$\text{Log. IK} = 4,4529541$	$\text{Log. FK} = 3,5610659$
$IK = 27474,77$	$FK = 3639,703$
$\text{Log. sin. } (p-q) = 9,2670625$	
$\text{Log. cos. } p = 9,9842872$	
$\text{Log. cos. } q = 9,9557420$	
$9,9384292$	
$\text{Log. cos. } \varphi = 9,5190231$	
$\varphi = -12^{\circ} 19' 00''$	
$\text{Log. cos. } \varphi = 9,9898873$	
$\text{Log. tang. } \varphi = 9,5591553$	
$\text{Log. cot. } \varphi = 0,4408447$	
$\text{Log. cot. } r = 9,7261188$	$\text{Log. cot. } r = 9,7261188$
$\text{Log. tang. } \varphi = 9,3391333$	$\text{Log. tang. } i = 9,5610659$
$\text{Log. sin. } \psi = 9,0682521$	$\text{Log. sin. } \varrho = 9,2871847$
$\psi = 6^{\circ} 40' 24'', 3$	$\varrho = 11^{\circ} 10' 12'', 8$
$\text{tang. } \psi = 9,0681957$	
$\text{Log. cos. } a = 9,8989700$	
$\text{Log. cos. } s = 9,7941784$	

$$\begin{array}{rcl}
 \text{Log. cos. } t & = & \underline{9,9817388} \\
 & & 9,4748872 \\
 \text{Log. fin. } (s+t) & = & \underline{9,9656035} \\
 \text{Log. tang. } \omega & = & \underline{9,5092839} \\
 \omega & = & 17^\circ 54' 12'',9 \\
 \\
 \text{Log. C} & = & 4,0000000 \qquad \text{Log. C} = 4,0000000 \\
 \text{Log. coti } \varphi & = & \underline{0,6608667} \qquad \text{Log. fin. } \varphi = \underline{9,3290231} \\
 \text{Log. KL} & = & \underline{4,6608667} \qquad \text{Log. ML} = \underline{4,6709769} \\
 \text{KL} & = & 45800,12 \qquad \text{ML} = 46878,84 \\
 \\
 \text{Log. C} & = & 4,0000000 \qquad \text{Log. } \frac{1}{2}\text{C} = 3,6989700 \\
 \text{Log. cos. } \varphi & = & \underline{9,9898873} \qquad \text{Log. fin. } 2\varphi = \underline{9,6199578} \\
 \text{Log. MA} & = & \underline{4,0101127} \qquad \text{Log. LA} = \underline{4,0790322} \\
 \text{MA} & = & 10235,51 \qquad \text{LA} = 11995,88 \\
 \\
 \text{Log. tang. } \psi & = & 9,0681957 \\
 \text{Log. fin. } \varphi & = & \underline{9,3290231} \\
 \text{Log. tang. } \chi & = & \underline{9,7391726} \\
 \chi & = & 28^\circ 44' 40'',3
 \end{array}$$

Ut lineam umbrae, pro hora prima post Meridiem, invenias, sive angulum $\Delta L\psi$, ponamus $U = 15^\circ$, igitur $U + \chi = 15^\circ + 28^\circ 44' 40'',3 = 43^\circ 44' 40'',3$.

$$\begin{array}{rcl}
 \text{Log. fin. } \varphi & = & 9,3290231 \\
 \text{Log. tang. } (\chi + U) & = & \underline{9,9809613} \\
 \text{Log. tang. } (\psi + u) & = & \underline{9,5099844} \\
 (\psi + u) & = & 11^\circ 32' 21'',5 = \text{angulus } \Delta L\psi.
 \end{array}$$

qua ratione ceteri omnes anguli inveniuntur, quos, cum linea subtilari, efficiunt lineae horarum: quibus angulis pro omni quadrante horae parte, definitis, horologium Solare compositum erit.

Aequatio (D') pro quacunque Solis declinatione mutatur id est pro quovis die. Ponamus exempli gratia $\Delta = 10^\circ$, erit $\varphi + \Delta = -12^\circ 19' 00'' + 10^\circ = -2^\circ 19' 00''$ et $\varphi - \Delta = -22^\circ 19' 00''$.

$$\begin{aligned}
\text{Log. cos. } (\varphi + \Delta) &= 9,9996449 \\
\text{Log. cos. } (\varphi - \Delta) &= 9,9661884 \\
\text{Log. cos. } (\varphi + \Delta) \cos. (\varphi - \Delta) &= 9,9658333 \\
\text{Log. fin. } \Delta &= 9,2396702 \\
\text{Log. fin.}^2 \Delta &= 8,4793404 \\
\text{Log. } \frac{\cos. (\varphi + \Delta) \cos. (\varphi - \Delta)}{\text{fin.}^2 \Delta} &= 1,4864929 \\
\frac{\cos. (\varphi + \Delta) \cos. (\varphi - \Delta)}{\text{fin.}^2 \Delta} &= 30,65440 \\
\text{Log. C} &= 4,0000000 \\
\text{Log. 2} &= 0,5010300 \text{ subtrahatur} \\
\text{Log. } \frac{1}{2} \text{ C} &= 5,6989700 \\
\text{Log. fin. } 2 \Delta &= 9,5340517 \text{ addatur} \\
&= 5,2330217 \\
&= 6,4660434 \\
\text{Log. cos.}^2 (\varphi + \Delta) \cos.}^2 (\varphi - \Delta) &= 9,9316666 \\
&= 6,5543768 \\
\frac{\frac{1}{2} \text{ C}^2 \text{ fin.}^2 \Delta}{\cos.}^2 (\varphi + \Delta) \cos.}^2 (\varphi - \Delta) &= 3422763,2
\end{aligned}$$

Ergo aequatio Hyperbolae, quam umbra puncti dati in planum datum tali Solis Declinatione designat, est illa

$$V^2 = 30,6544 \times \{W^2 - 3422763,2\}$$

qua iuvante, Hyperbola conftrui potest, quo facto, valores Z, V et X eius intersectionem cum umbra axeos Mundi determinant.



En igitur V. Cl. quaestionis solutionem, de qua utrum illud perfecerim, quod me in disputationis ingressu facturum esse, promiseram, nec ne, penes vos iudicium esto! Cuicunque autem sententiae faveatis, necesse fit altera de duabus; scilicet, aut hanc scriptiunculam vestra laude ab aliqua parte dignam esse, aut illam prorsus in vestram reprehensionem incurrere. Hoc si mihi contingat, iustos vos esse existimabo. Illud si eveniat, me intra musei parietes, de hoc libello, illud aliquando cogitasse non poenitebit, quod Symboli loco ponam:

I, bone, quo tua te virtus vocat: I pede fausto!

HORATIUS.

IANI SONIUS SWAAGMAN, C O M M E N T A T I O

A D

Q U A E S T I O N E M

A B

ORDINE PHILOSOPHIAE THEORETICAE
ET LITTERARUM HUMANIORUM

I N

ACADEMIA GRONINGANA

A°. MDCCCXXIV

PROPOSITAM:

„*Praemonitis nonnullis de linguae Belgicae et caeterarum linguarum ac dialectorum Germanicarum, Anglicarum et Scandinavicarum origine ex communi Teutonica stirpe, deque stirpis illius antiquissima divisione in linguas et dialectos superiores et inferiores, explicetur deinde, inter quasnam dialectos, dialectus Groningana sit referenda, et quomodo orta sit: Praecipuae porro litterarum permutationes et formae grammaticae, quibus dialectus illa a vernacula nostra cultiori distinguatur (ex. c. quod pro diphthongo ie, ei sive ai, pro oe saepissime ou vel au utatur; quod particulam praefixam ge sexcenties in participiis abiiciat, v. c. daan pro ge-daan etc. etc.) breviter enumerentur; denique, speciminis causa, series aliqua detur vocabulorum, quae urbi ac provinciae Groninganae magis minusve propriae sint, quorumque multa ex linguis et dialectis cognatis explicari possint et, quoad eius fieri liceat, explicentur.*”

CUI PALMA EST ADIUDICATA.

PROLEGOMENA.

§ 1.

Antiquis temporibus apud quoscunque populos diversos horum populorum tribus diversis sibi prae privis gavisos fuisse dialectis, undique apparet. Graecorum Doricam, Aeolicam, Ionicam et Atticam dialectum hic commemorasse sufficiat. — Apud plerasque gentes vero, successu temporum, e diversis hisce dialectis una prae ceteris principatum obtinuit, et totius populi κατ' ἐξοχήν lingua, sive vernacula cultior, est facta. Ita v. c. apud Germanos Reformatorem, qui vulgo dicuntur, scripta ansam dederunt, ut lingua Germanica hodierna, quae in multis Saxoniarum dialectorum indolem redolet, per universam Germaniam, tum in libris, tum in ore cultiori, recepta fuerit. Et sic apud nos, eximius illis scriptoribus, qui in Hollandiae provincia floruerunt, ducibus, nec non adiuvante quodammodo forsan librorum sacrorum versione Dorderacena, post annum 1618 et 1619 in lucem prolata, dialectus Hollandica (in specie sic dicta) caeteras expulit, easque plebi tantum sive rudioribus patriae nostrae incolis reliquit. Huius rei commodum aut detrimentum diiudicare neque meum est, neque huius est loci, sed de hoc omnino dubitandum non est, quin eius, qui universae cuiusdam linguae indolem verborumque copiam cognoscere voluerit, conamina felici sint caritura successu, si cultioris illius linguae dialecti scientiam tantum calluerit, dialectos vero minus cultas prorsus neglexerit (1).

(1) Multa hic disputari possent ad quaestionem, num Hollandica dialectus (in specie sic dicta) praeferenda sit dialectis Groninganis, Gelricis, Transsylvanicis, Selandicis etc. etc. de quibus cf. Clar. *EULORS*, *Schets der Germaansche taaltakken* etc. aliosque.

Utilem igitur, Viri Eruditissimi! et ad Belgicae linguae studium excitandum augendumque quam maxime inservientem alumni vestris disceptandam posuistis quaestionem; non solum, quia a diligenti *Dialecti Groninganae* studio egregii in Linguam vernaculam Belgicam redundant fructus, verum etiam ideo, quod ii, qui, ad hanc quaestionem respondendo virium suarum periculum facere cupiant, antequam hoc opus aggrediantur, omnes animi nervos intendere debent, ut ipsam addiscant linguam Belgicam.

§ 2.

Sed quamvis huius quaestionis utilitatem satis perspiciam, hoc tamen non impedit; quominus eius difficultatem persuasam mihi habeam. Quid enim, Viri Cl. moderatores huius certaminis! quid tironibus difficilius excogitari potest, quam intra ne unius quidem anni spatium, dialectum quandam (Groninganam scilicet!) ita tractare, ac vos in quaestione vestra illud postulare videamini? etenim nulla vel saltem exigua sunt, quae huc usque de hac dialecto literis mandata reperiuntur. At dicet quis:

purius ex ipso fonte bibuntur aquae:

Recte quidem: Sed is cogitet, velim, temporis spatium, nobis ad hoc opus absolvendum concessum; is rationem habeat reliquorum nostrorum studiorum, quae, qualiacunque sint, non unice in dialectum Groninganam impendi possunt; is ad quaestionis argumentorum diversitatem tam, quam ad ipsius dialecti Groninganae latitudinem ac varietatem animum advertat; — is denique iuveniliu nostrarum virium debilitatem secum confideret. Accedit eo, ut idiomate Latino sit scribendum, quod si in aliis sit difficile, at saltem in hoc argumento, de quo, — quod nemo facile inficiabitur, — quasi vi sua, Belgice est cogitandum; et sic innumerae aliae difficultates mihi obversabantur, ex quibus me expedire fere non poteram.

§ 3.

Saepius igitur me ipsum non potui non accusare de nimia mea in aggredienda huius quaestionis tractatione audacia, utpote de virium mearum debilitate probe persuasum; sed peculiare quaedam causae, ob quas dialecti Groninganae studio

ego fortasse lubentiori animo, quam quidem multi alii, tempus quoddam seligerem; ipsius porro quaestionis perspicuitas atque utilitas; vestra denique auctoritas et moderantia, quae profecto nihil a surculo expectat; quod ab arbore sit expectandum, et multa alia id effecerunt, ut rem ipsam sim agressus. In ea vero, qua ratione sim versatus, paucis exponam.

§ 4.

Totam hanc commentationem dividendam duxi in tria capita; horum ambo priora iterum dividuntur in duas sectiones, quarum quaeque suas habet subdivisiones. Tertium vero caput divisioni non erat obnoxium.

In capitis I sect. I, paucis agitur de dialectis Teutonicae stirpis superioribus et inferioribus: sed tantum abest; ut omnes has dialectos calleam, ut plurimarum ne minimam quidem partem intelligam, sed in his (et licet profecto tironibus provocare ad verba magistri) tuto satis sequi posse putabam Clarissimi LULOFSII librum *Schets van een overzicht der Germaansche taaltakken*; cui accedebant eiusdem Viri Cl. institutiones de iis, quae ad scientiam praestantiae, originis, indolis ac grammatices totius linguae Belgicae et Literarum Belgicarum pertinent, quaeque in universum huic disertationi viam explanavisse sunt censendae.

In capitis I sect. II, explicare conatus sum quaestionem: inter quasnam dialectos dialectus Groningana sit referenda, et quomodo exorta sit. In huius rei explicatione fontibus usus sum viri Cl. YPERII *Geschiedenis der Nederl. Tale*, I. F. A. KINDERLING *Geschichte der Nieder-Sächsischen oder so genannten Plattdeutschen Sprache*, T. D. WIARDA *Geschichte der ausgestorbenen alten Friesischen oder Sächsischen Sprache*, ADELUNGII *Mithridate* et quibusdam passim laudandis.

In capitis II sect. I, de praecipuis Literarum permutationibus tam, quam in eiusdem capitis sectione II, praecipuus fons mihi fuit experientia atque, a quo tempore ad quaestionem vestram, si possem, respondere mecum constitueram, diligens in vita quotidiana attentio, ac denique occasio, qua multis rusticis ex diversis Groninganae Provinciae plagis familiariter uti mihi licuit.

Ex eodem illo fonte manavit caput III, continens seriem vocabulorum, utbi atque provinciae Groninganae magis minusve propriorum. Hanc vocabulorum collectionem maxime dilatare potuissem, si nostrae seriei addere voluissem ea

vocabula, quae sunt collecta a Viro pl. Venerando M. LAURMAN, sed timens, ne bis idem fieret et nos institutum nostrum egredi videremur, illud omittendum arbitrati sumus, etiam si unum alterumve vocabulum ex his in nostram seriem retulerimus. Caeterum in horum vocabulorum explicatione ex linguis sive dialectis sibi cognatis, saepius confugere potui ad WACHTERI *Glossar. Germ.* (form. max.) ad scriptores Bremenles, sive *Versuch eines Bremisch-Niederländischen Wörterbuchs*, ad T. D. WIARDAE *Altfrisisches Wörterbuch*, WEILANDUM etc. Iam vero, Viri Clarissimi! transeatis ad ipsam commentationem, quae, quomodo-
cunque exciderit, omnino nihil aliud est habenda, nisi specimen dialecti Gro-
ninganae; in quo, ut ea, quae necessario adesse debuerint, benevolentia vestra
suppleatis, supervacanea non attendatis, at imprimis ea, in quibus exponendis
lapsus sum, benigne excusetis, etiam atque etiam vos rogatos velim.

CAPUT PRIMUM.

Praemonita nonnulla de linguae Belgicae et caeterarum linguarum ac dialectorum Germanicarum, Anglicarum et Scandinavicarum origine ex communi Teutonica stirpe, deque stirpis illius antiquissima divisione in linguas et dialectos superiores et inferiores, — addita largiori explicatione quaestionis: inter quasnam dialectus Groningana sit referenda et quomodo exorta sit.



SECTIO PRIMA.

Praemonita nonnulla de Linguae Belgicae et caeterarum Linguarum ac dialectorum Germanicarum, Anglicarum et Scandinavicarum origine ex communi Teutonica stirpe, deque stirpis illius antiquissima divisione in linguas et dialectos superiores et inferiores.

§ 5.

Hodiernas Europae linguas, praeunte Cl. LULOFSTIO, in tres potissimum classes dividimus, in Romanicam scilicet, Teutonicam et Slavonicam (1).

Romanica classis praecipue linguam Francicam, Italicam, Hispanicam et Portugallicam continet, quae medio aevo in meridionalibus Europae occidentalis partibus con-

(1) Scilicet loquimur hic de praecipuarum et imprimis tritarum linguarum in Europa divisione, et omitimus v. c. Tschudicas, veteres Celticas, Magyaricas, aliasque linguas de quibus cf. Cl. LULOFSTII *Schets van een overzigt der Germ. taaltakken* p. 1.

flatae sunt ex lingua Latina, ex vetustarum, quae in illis regionibus vernaculae erant, linguarum reliquiis, et ex Teutonicis dialectis, tempore seriori per victores e septentrione in eas regiones traductis.

Quae Teutonicam classem constituunt, sunt linguae ac dialecti totius Germaniae, porro lingua Belgica, Danica, Suedica, Norvegica, Islandica, et quoad eius originem Anglica.

Slavonica denique complectitur Rusforum, Polonorum, Bohemorum, aliorumque linguas (2).

Ex his autem tribus secunda classis, Teutonica scilicet, ea est, cuius partes tractandas, nobis praepositas iam aggredimur.

§ 6.

Variae semper ac multiplices fuerunt sententiae de Teutonicae linguae origine. (3) Nobis vero tam ipsorum Teutonum, quam eorum linguae origo, doctissimorum virorum auctoritate, in Asia quaerenda videtur. (4) Atque hanc sententiam potissimum ita explicemus, ut veteres Tentones, nisi pertinuerint ad Scythas, Thraces aliasque Gentes, saltem cum iis sint conferendi. Hi itaque populi Teutonici, Asiam egressi, secundum alios circa Pontum Euxinum per Sarmatiam Europaeam cursum in Germaniam direxerunt, secundum alios primo ex Asia in Thraciam appulsi censendi sunt, ac dein, iuxta Danubii ripas, per Moesiam inferiorem, superiorem, Panoniam, Noricum et Vindeliciam in intimas Germaniae partes tetendisse. (5) Quidquid horum sit, (nam de hac re in longum et latus disputari potest) nobis hic generaliter persuasum esse sufficiat de populorum Teutonicorum eorumque linguarum origine ex Asia repetenda.

(2) Cf. erud. LULOFS *Schets* etc. pag. 1 et 2. — L. H. CATENIUS *aanleiding tot de kennis van het verheven der Nederl. Sprake*, tom. I. p. 62.

(3) KINDERLING *Geschichte* etc. p. 9. seq.

(4) LULOFS *Schets* p. 30. — LULOFS *Spraakkunst*, pag. 323. KINDERLING p. 15 seq. — YPERIJ *Gesch. der Nederl. tale*, p. 46. allique.

(5) Cf. LULOFS *Schets* p. 41. — KINDERLING p. 24

§ 7.

Hæ linguæ, quæ — quod ex ipsius rei natura apparet — tunc certe pauperes adhuc erant, ab antiquissimis tamen inde temporibus in duas dialectos præcipuas fuerunt divisæ (6), in superiores nimirum et inferiores. Harum distinctio imprimis hac in re consistit, ut illæ maxime sonis gaudeant gravioribus ac sibilantibus, hæ vero consonantes molliores durioribus anteponant. (7) Sic v. g. in superioribus dialectis magnas agit partes diphthongus *ai*, *au*, et ingrata nonnunquam consonantium accumulatio; etiam si hoc loco animadvertendum est, multas dialectos inferiores, et ante alias, eas, quæ inferiores Saxonicae vocari solent, in multis respondere superioribus, et sic vice versa.

Cl. LULOFSIUS nobis in libris suis harum dialectorum exposuit descriptionem Geographicam. Lineam nimirum fingendam esse dicit, ductam a meridionalium provinciarum regni nostri finibus, ubi lingua Flandrica cum Gallica commiscetur, trans Aquis-granum, versus Göttingam et Wittenbergam usque ad remotas maris Orientalis ripas, atque ita eas regiones, quæ ad septentrionem et ad occidentales septentrionis partes huius lineæ sitæ sunt, (inter quas etiam refertur patria nostra) pertinere ad dialectos Teutonicæ stirpis inferiores; eas vero, quæ ad meridiem et meridiei partes Orientales huic lineæ adjacent, ad superiores dialectos esse referendas (8).

§ 8.

Inter dialectos igitur superiores in universum referendæ sunt eas linguæ, quæ in meridionali Germaniæ parte, ad utramque ripam Rheni superioris præsertim ad partem Orientalem inter Danubium Rhenumque ad Hungariam ac Poloniam usque, in usu fuerunt et etiam nunc sunt. (9) Ex omnibus vero hisce dialectis

(6) LULOFS *Schets* p. 44 et quos laudat p. 197. nota 46. LULOFS *Nederl. Spraakk.* § 164. p. 324. — YPERIJ *Gesch.* p. 134. WIARDA *Geschichte der ausseß.* etc. p. 32. p. 19. — ADELUNG *Geschichte der Deutschen Sprache* p. 72.

(7) Cf. Cl. LULOFS *Schets* p. 45 seq. *Spraakkunst* 365.

(8) Cl. LULOFS *Schets* p. 56 et 204. eiusdem viri *Spraakk.* § 164. pag. 324.

(9) Conf. LULOFS *Schets* p. 69 seqq.

superioribus mixtis cum inferioribus seculo demum XVI, postquam LUTHERUS renascentium literarum opportunitatem, in Germania prae aliis ad collapsam religionis doctrinam restituendam arripuerat, orta est ea lingua, quae hodie per totam Germaniam cultior lingua vernacula habetur (10).

Lingua denique Mesogothica, cuius reliquias, ab episcopo Ulphila medio fere seculo IV conscriptas, nobis conservat codex, ita dictus argenteus, num ad superiores, an vero ad inferiores dialectos sit referenda, forsitan quodammodo adhuc sub iudice lis est (11).

§ 9.

Ad inferiores Teutonicae stirpis dialectos referimus in genere, primo linguam inferiorem Saxoniam (12) (*het Nederfakfisch of Platduitsch*), secundo linguam Belgicam, tertio linguas Scandinavicas, quarto denique linguas five dialectos Anglicas. (13) Harum vero singulae paulo altiori indagine sunt investigandae, ita quidem, ut primo loco videamus de lingua inferiori Saxonica.

Linguam inferiorem Saxoniam intelligimus eam, quae complectitur dialectos Frisiae Orientalis, Westphaliae, Lüneburgenses, Magdeburgenses, Brandeburgenses, dialectos Bremenses, Lubecenses, Hamburgenses aliasque complures (14).

Huius inferioris Saxonicae linguae dialecti interdum quidem hic magis, illic minus, dialectorum superiorum vestigia prae se ferunt, attamen hoc non impedit, quominus in universum ad dialectos inferiores sint referendae. Eius linguae fata semper fuerunt tristissima; et quo tempore eum acceptura videbatur honorem, quem dein accepit lingua Germanica, iterum subito, reformatione oborta, haec spes ipsi evanuit. Plurima enim Reformationum scripta in ea dia-

(10) Conf. LULOFS *Schets* p. 79 seqq.

(11) De hac lingua Conf. Cl. LULOFSIUS *Schets* p. 87 et 218, nota 76 ibique laudatus EULDA. Vid. praeterea eruditissimus YPERIJ *beknopte Gesch.* p. 138 seqq.

(12) Latissimo sensu illa lingua inferior Saxonica hic est accipienda, ita ut etiam dialectos Rheni inferioris, Gelriae, Transilvaniae similesque complectatur.

(13) In his secutus sum divisionem Cl. LULOFSII, cuius liber *Schets* etc. de singulis videndus est.

(14) Cf. LULOFS *Schets* p. 91. *Spraak.* p. 325. YPERIJ *Gesch. der Nederl. taal* pag. 137. KINDERLING *Geschiede der Nederfakfischen Sprache* pag. 24.

lecto erant confecta, quae postea hodiernae Germanicae linguae mater exstitit. Nobis autem praesertim ad inferiorem Saxoniam, utut incoltam, linguam est animadvertendum, cum certo quodam sensu totius huius commentationis quasi fundamentum sit habendum. Posthac igitur in tractanda dialecto Groningana saepius de ea dicendi recurret opportunitas, adeoque haec hoc loco de ea dixisse, sufficiat (15).

§ 10.

Secundo ad dialectos inferiores referenda est lingua Belgica (16), quam intelligimus omnes eas dialectos, quae per totam Belgiam sunt usitatae, et inter quas antea haud exiguum obtinebat locum antiqua illa Frisica lingua. (17) Haec vero lingua Belgica, omnium dialectorum sive linguarum, ad inferiores dialectos pertinentium, longe celeberrima, flumine Amisia a supra memoratis dialectis est seiuncta, et totius Belgiae lingua fuisset vernacula, nisi in meridionalibus patriae nostrae finibus eius facies luto Gallico, ut ita dicam, esset infuscata. (18) Quod ad eius originem ex communi Teutonica stirpe, haec unienique, ad illius indolem atque integritatem attendenti, in oculos incurrat, necesse est. Quam diu vero iam ante seculum XIII, peculiaris dialecti instar, sub caeteris dialectis latuerit, quis est, qui propter monumentorum inopiam definiat. Etenim I. NAARLANDI ET ARMILII STOKII scripta prima sunt, quae ad nostra usque tempora pervenerunt, et quamquam verum sit, in horum scriptis linguam non adeo excoltam, sed quodammodo rudem reperiri, ea tamen ab hoc inde tempore magis minueve a caeteris dialectis mansit diversa sibi que constans, atque sic tandem eum attigit perfectionis gradum, quem nos eam attigisse laetamur.

§ 11.

Tertio loco inter dialectos inferiores recensendas esse diximus linguas Scandi-

(15) Ante alios de hac lingua legendus est KINDERLING, apud quem tamen probe distinguendum est inter veterem et hodiernam inferioris Saxoniae linguam.

(16) De ea legendi sunt LULOFIIUS *Schets* pag. 104—147. YPERII pag. 116 alique.

(17) LULOFIIUS *Schets* p. 108 seq. *Spraak*. § 160. ag. 332.

(18) LULOFIIUS *Schets* p. 128.

navicas. Ad has linguas, quae omnes artificio cognationis vinculo inter sese sunt coniunctae, vulgo referuntur lingua Danica, Suedica, Norvagica et Islandica. (19) Harum quoque linguarum origo ex communi Teutonica stirpe, etiam si non in omnibus aequè dilucide appareat, satis tamen perspicua est unicuique has linguas callenti, uti in universum etiam inferioribus huius stirpis dialectis sunt annumerandae, (20) quod haud dubie apparet ex diversis harum linguarum idiomatibus, a LULOFSSIO aliisque suo loco in medium prolatis. Ante alias vero pertinet ad dialectos inferiores lingua Danica, utpote quae maxime convenit cum veteri illa Frisiorum Saxonumque lingua, quod, institutâ comparatione Danicam inter et Anglofaxoniam linguam, quae posterior veteris Frisicae linguae soror habenda esse videtur, satis dilucide apparet. Eadem ratione explicari quoque potest, cur etiam lingua Danica in nonnullis respondeat dialecto Groninganae, quippe quae posterior originem suam pro maxima saltem parte dialectis Saxoniciis ac veteribus Frisiciis acceptam refert. Sic v. g. Danis peculiaris est vocalis, qua sonum litterae *a* exprimant, eadem ratione, qua a Groninganis interdum pronuntiari solet, nempe ut Gallorum *o* in *dort*, *remord*. Sic pro Belgarum *sch* Dani, aequè ac Groningani, utuntur *sh*; et plura alia, de quibus cf. CL. LULOFSSII (21).

Lingua Suedica quoque, etiam si forte hic magis, illic minus, ad superiores dialectos pertinere videatur, in universum tamen a viris, harum linguarum peritis, dialectis inferioribus accensetur. Idem hoc statuendum videtur de Norvagica et Islandica lingua, quarum illa, secundum ADLUNGIUM aliosque, locum cedit linguae Danicae, quae et ibi ecclesiae lingua facta est, haec vero, celebrata illa et illustrissima lingua, ex veteri Norvagico idiomate originem suam duxisse, puraque magis ac intacta in Islandia, quam in ipsa Norvagia, manifeste perhibetur (22).

(19) LULOFSS. *Schets* p. 148. *Spraak* p. 324. § 163.

(20) LULOFSS. *Schets* p. 149 seqq. KINDERLING *Geschichte* etc. p. 117 — 124.

(21) LULOFSS. *Schets* p. 151, 159 etc. Nec mirum igitur, etiam tot vocabula, Groninganae dialecto propria, mera esse Danica. Exempla in promptu sunt in vocabulorum Groninganorum serie, huic meae dissertationi annexa.

(22) De illis, quae in hac § de linguis Scandinavicis diximus, conferendi sunt CL. LULOFSS *Schets* pag. 147 — 167 et 234 — 236. ADLUNGIUS *Mithridates* tom. II. p. 294 — 315. WIARDA *Altfrisisches Wörterbuch*, prol. § 20.

§ 12.

Denique instituti nostri ratio postulat, ut paucis mentionem iniciamus de dialectorum Anglicarum origine ex communi Teutonica stirpe. Hodierna enim lingua Anglica, licet variis casibus variaque fortuna adversa sensim sensimque remotior facta sit a fonte, ex quo manaverit, tamen permanentia in se retinuit retinetque hodie adhuc criteria, quibus eius ex communi Teutonica stirpe origo luculenter effici potest. Sic v. g. sexcentis gaudet vocabulis originis Teutonicae; praecipua verba sunt Teutonica, eorumque verborum antiquissima aequae sunt dialectis, (*ongelijkvloeiend*) ac nostra et similia ex reliquis Teutonicis linguis. Sic praeterea verba auxiliaria, pronomina, numeralia, adverbia; praepositiones, coniunctiones sunt pro maxima parte Teutonica; et, licet sub EDUARDO *Confessore*, ac dein sec. XI sub GULIELMO, *Conquestore* cognominato, in multis Gallica facta fuerit lingua Anglica, Teutonicae tamen linguae radices nulla unquam ratione ex ea exarari potuerant (23).

Orta est ex lingua Anglo-saxonica medio fere sec. V. Hoc enim tempore Anglo-saxones in Britanniam sunt profecti. Pertinet autem lingua Anglica ad dialectos inferiores, aequae ac mater eius lingua Anglo-saxonica, quae, ut § praecedente diximus, veteri Frisicae linguae perquam est cognata. Atque illud hoc loco observatione dignum videtur propterea, quod in tractanda dialecto Groningana plus semel apparebit, in multis adhuc inter se convenire linguam Anglicam et dialectum Groninganam; quae, quod in sectione iam sequenti § 18 videbimus, pro parte eosdem habuit avos sive proavos, qui Anglicae linguae parentes sunt habendi (24).

(23) Conf. LULOFS *Schets* p. 169. *Spraak* 332.

(24) Conf. et legendus de his LULOFSIUS inde a pag. 167, et audiendus praeterea in lectionibus ad quaestiones, in eius grammatica p. 342 propositas.

CAPITIS PRIMII

SECTIO SECUNDA.

Explicatio quaestionis, inter quasnam dialectos dialectus Groningana sit referenda, et quomodo exorta sit.

§ 13.

Praemonitis igitur iis, Viri eruditissimi! quae in huius capitis sect. I, de superioribus et inferioribus dialectis praemonenda videbantur, iam pervenimus ad eam quaestionis, a vobis ad disceptationem positae, partem, qua explicandum sit, ad quasnam dialectos dialectus Groningana sit referenda, et quomodo sit exorta. In hisce explicandis ita versari mecum constitui, ut distinguam inter dialectum provinciae et urbis Groninganae, cum, (quod et in sequentibus ostendere conabor) ipsius rei ratio hanc distinctionem postulare videatur. Primo itaque loco videamus de dialecto provinciae Groninganae.

Haec dialectus quo facilius detegatur, ad quasnam pertineat dialectos, considerandi ante alia sunt huius provinciae termini et conditio antiqua. Terminatur nimirum a septentrione maris Germanici parte, ad occidentem Frisiae occidentali adiacet, ad meridiem Drenthiae, et denique a septentrionalibus, orientem versus, partibus Frisiae orientalis, a meridionalibus Vestphaliae eius fines constituunt. (25) Habitata fuit olim haec provincia ab iis populis, qui communi Frisorum nomine appellabantur, quique ex septentrionalibus regionibus oriundi, ab antiquis inde temporibus haec loca incoluerunt.

(25) Cf. UBBONIS EMMII syntagma de agro Frisiae etc. p. 3. ibique expressa huius Provinciae charta. *Tegenwoordige Staat van Stad en Lande* pag. 3. tom. I.

§ 14.

Hi autem Frisii, quos hoc loco intelligimus Frisios orientales, occidentales et Groninganos, olim, secundum UBBONEM HEMMUM, usi sunt lingua unâ eademque, (26) quae per longam annorum seriem in supra dictis provinciis existisse est censenda.

Tandem vero haec lingua, quae dicitur *vetus Frisica*, exeunte sec. XIII, per seculum XIV et ineunte seculo XV ex Frisia orientali et provincia Groningana evanuit eiusque locum occupavit lingua *inferior Saxonica*, vulgo *het Platduitsch* (27).

Hanc potissimum in universum de dialecto provinciae Groninganae amplector sententiam. Ei vero ut saltem auctoritatemque conciliam, nihil melius a me fieri posse putavi, quam breviter in medium proferre sententias Virorum, de quibus penes vos iudicium esto!

Sic ex. g. haec sunt hae de re eruditissimi WIARDAE verba: „In den itzi-
gen Provinzen Friesland, Gröningen und Ostfriesland, und etwas weiter zur We-
ser, hat sich die alte Sprache (*vetus Frisica* sollidet) am längsten erhalten. Im
dreyzehnten und vierzehnten Jahrhunderte stand sie noch in ihrem völligen Flo-
re, im fünfzehnten wankte sie zwischen dem Flämischen und Niederländischen,
und im sechzehnten hielt sie sich nur in einigen abgelegenen Gegenden und bey
einigen alten Familien, wie wohl schon ziemlich verdorben, auf, und so starb
sie endlich völlig aus. etc.” (28) Huc quoque redeunt KINDERLINGII ver-

(26) WIARDA *Altfrisisch. Wörterb. prol.* § 1.

(27) Linguam inferiorem Saxoniam (latissimò sensu vocabulum semper sumatur) iam, seculo 13 ineunte, in nonnullas huius Provinciae plagas irrepsisse, coniecerit quis forsitan ex *de Willekoeren van Langewolt*, quae iura statuta sunt circa annum 1207. Collecta ea vide in *Verh. van het Gron. genootsch.* tom. I. Extant autem ibi, lingua inferiori Saxonica (aut visne eam veterem belgicam vocare) conscripta. Fieri autem potest, ut in eam dialectum, qua nunc exhibentur, ex veteri Frisica dialecto sint translata, ita ut anno 1207 Frisice promulgata fuerint, aut, (quod magis probandum videtur) iura illa, dum ederentur, Latine fuerint scripta. Posterionem hanc sententiam proponit Auctor eruditiss. dissertationis, cui titulus *Verhandeling over den Staat en regeringsvorm der Ommelanden*, p. 426. Vid. *Verh. van het Gron. Genootsch.* tom. II. — Ius illud antiquissimum, quod *Hunsingoër Landregt* vocatur, et anno 1252 redactum est, lingua veteri Frisica memoriae fuit mandatum. vid. *Verh. van het Gron. Genootsch.* tom. II. in fine.

(28) Cf. WIARDA *Geschichte der ausgeß. alten Fries. oder Sächsischen Sprache* § 12. p. 14. Falli

ba, quae ita sese habent: „am längsten erhielt sie (sc. die alte Friesische Sprache) sich in Ost- und Westfriesland und in Gröningen (Gröningerland). Im vierzehnten Jahrhunderte näherte sie sich mehr der Niedersächsischen (29).”

Quo vero magis horum virorum sententia constabiliatur, provocare hic possumus ad eruditissimum LULOFSIUM et YPREIUM, qui eiusdem sententiae alumni esse videntur, quique omnino ipsi de hoc argumento sunt legendi (30).

§ 15.

Sic igitur iam vidimus, exeunte sec. XIII et ineunte sec. XIV, verosimiliter ad *veteris Frisicae* linguae interitum sensim sensimque posita fuisse fundamenta. His enim seculis in Frisia-Orientali et in provincia Groningana quam maxime increvit lingua *inferior Saxonica*, et quidem eum in modum, ut in Frisia-Orientali, exeunte sec. XIV, iam fere universam lingua ad inferioris Saxoniae idioma esset accommodata. In provincia Groningana sec. XIII et XIV adhuc vigeat; sed tandem sec. XV et XVI ubique fere, exceptis in Frisiae occidentalis plagis, emortua est haec lingua et oblitterata: (31) Quae vero etiamnum in Frisia nostra apud agricolas viget lingua, eius filia est habenda, et unicum fere est reliquium, quod illustrissimae huius linguae, ob vetustatem plurimi a quocunque faciendae, adhuc extat. Perit itaque huius linguae longe maxima pars, quaeque de ea supersunt forsan temporis tractu eadem ratione sunt peritura. Atqui facta cum infecta fieri nequeant, nobis in rem praesentem persuasum esse sufficiat, ad seculum usque XIII et XIV hac *veteri Frisica* lingua gloriari quoque licuisse provinciae Groninganae maximam partem, illiusque locum occupasse linguam inferiorem Saxoniam, cum veteri Belgica, sive Flandrica, commixtam, quae in

autem videtur Cl. WIARDA, siens, linguam Frisicam prorsus esse extinctam; nam sine dubio adhuc vitam pertrahit in hodierno Frisiorum idiomate, quod vulgo *het Landfriesch*, *Boerefriesch*, sive *Friesch-Boersch*, et a Cl. LULOFSIO soboles veteris linguae Frisicae dicitur. Cf. hic praefatio ante libellum WAATZE GRIBBERTS *Brillost* etc. Liauwert 1820. in qua Erud. WIARDAE sententia refutatur.

(29) KINDERLING *Geschichte der Niedersäch. Sprache* pag. 115 et 116.

(30) LULOFS *Schets* p. 108 seq., ubi etiam huius veteris Frisicae linguae specimina repertuntur. — A. YPREIJ *Gesch. der Nederl. taal* pag. 301 seq. et 368 et 369. Conf. praeterea H. KREMER *beknopte Aardrijks- en Geschiedkundige beschrijving der provincie Groningen* pag. 24.

(31) Vid. omnino LULOFS *Spraak*. § 169. pag. 332.

hunc usque diem essentiam, ut ita barbare dicam, dialecti Groninganae efficere sunt censendae. Attamen his non illud volo, ac si semper dialectus Groningana tota et integra pertinuerit ad linguam veterem Frisicam ac dein ad inferiorem Saxoniam, et cum nullis aliis dialectis fuerit commixta, sed hoc imprimis urgeo, quod ambae hae dialecti, vetus Frisica scilicet et inferior Saxonica, Provinciae Groninganae dialecti quasi characterem constituerint antea et hodiernum adhuc constituent.

§ 16.

Quae haecenus diximus de dialecto Groningana, olim pertinente ad linguam veterem Frisicam, referenda imprimis sunt ad Provinciam, minus forte vero ad Urbis dialectum. Nulla enim, secundum eruditorum sententiam, in veteribus huius urbis monumentis, veteris Frisicae linguae reperiuntur vestigia, quod primo quidem mirum videtur (rem enim ipsam indagantibus de eius veritate dubitare non licet) (32) sed quo facilius hoc intelligere queamus, animadvertamus necesse est ad antiquam urbis Groningae ac Provinciae conditionem civilem. Olim scilicet urbem inter et Provinciam nulla fere intercedebat communio; utraque suas habebat leges suosque dominos, utriusque igitur lingua eo facilius pura et a se invicem distincta manere poterat. Quaeritur vero, quaenam igitur urbis Groningae dialectus fuerit, et ad quasnam dialectos sit referenda. Dicam, quid sentiam, quam brevissime potero. Si primorum huius urbis incolarum manes ab antiquis inde temporibus ex sepulchris revocare, et cum iis colloquium ingredi potuissem, plenius forsan ac melius ad hanc quaestionem responderem, quam nunc, cum vetustissima monumenta nobis, saltem desint. Forsan tamen statuendum videtur, urbi Groningae eandem antiquitus dialectum fuisse privam, quae Transsylvanicae, Gelicae et imprimis Drenthiae propria erat; tum, quia Drenthia meridiionalem huius urbis finem constituit, tum, quia urbs Groninga primos suos eosque praecipuos incolas ex Drenthia accepisse perhibetur. (33) Haec lingua dici-

(32) Si hoc nobis persuadere velimus, codicem M. S., qui dicitur *het Stadsboek van Groningen*, inspicere suffecerit.

(33) Cf. R. K. DRIESSEN in monumentis Gron. vet. aevi ineditis, tom. II. pag. 240—244.

tur vulgo inferior Rhenana (*het Nederrhijnsch*), quae erat dialectus media inter Flandricam sive veterem Belgicam, et inferiorem Saxonicam. (34) Postea vero in huius urbis dialectum posterior illa, et imprimis ea eius dialectus, quae Vestphaliae propria dicitur ac priva, sensim sensimque tantam exercuit vim atque efficaciam, ut saltem eo tempore, quo scripta sunt sive confecta statuta, quae continet liber, dictus *het Stadsboek*, huius urbis lingua etiam ad inferiorem Saxonicam linguam, ut ut Belgico colore perfusa semper, pertinuisse sit censenda, et non uno titulo respondeat monumentis Bremensibus, Lubecensibus, Hamburgensibus, aliisque.

§ 17.

Ex iis igitur, quae praecedentibus paragraphis diximus, effici posse putamus, hodiernam dialectum Groninganam, tam urbi, quam Provinciae propriam, ea, quibus distinguenda sit a vernacula lingua cultiori, pro magna saltem parte accepta referre linguae inferiori Saxonicae, quae cum a viris doctis, uti scet. I vidimus, ad Teutonicae stirpis dialectos inferiores referatur, nos etiam ad eas referre dialectum Groninganam nulli dubitamus. Iam vero superest, ut paulo altiori indagine inquiramus, num argumentis quibusdam, ex ipsius linguae infer. Saxonicae indole desumptis, comprobari possit, dialectum Groninganam ad eam esse referendam.

Primo loco, si huius rei veritatem persuasam nobis habere velimus, provocare hic liceat ad seriem vocabulorum, quam continet huius commentationis caput III, utpote quorum magna pars explicanda videtur ex lingua inferiori Saxonica; sed secundo, in hac lingua, sic ut in Belgica, Germanica, Anglica aliisque locum habet, variae reperiuntur dialecti, et hoc quidem ita, ut secundum KINDERLINGIUM inter peculiare has dialectos eadem fere intercedat differentia, quae apud Graecos inter Atticam, Ionicam, et Doricam dialectum reperitur. Posterius illud suo loco relictum volo: sequens huius differentiae specimen, a KINDERLINGIO prolatum, ita nobis exponitur *e, g*,
 loco Germanorum *Buch* alii dicunt *Buuk*, alii *Book*, alii *Bauk*;
 ————— *Tuch* ————— *Duuk* ————— *Dook* ————— *Dauk*;

(34) Cf. de ea Cl. YPERIJ *Gesch. der Ned. taal*, p. 133, 137, 149 etc.

loco *Thun*, alii dicunt *Duun*, alii *Doon*, alii *Daun*;
 — *Lieb* — — — *Lief* — *Leef* — *Leif*;
 — *Dieb* — — — *Dief* — *Deef* — *Deif* (36).

Quibus addit sequentia:

„Die zuletzt gefetste grobere und vollere Mundart hat keinen gewissen Platz, sondern findet sich nur hin und wieder in Niedersachsen, und noch mehr in „Westfalen (36).“

Quæ quidem omnia apte in rem nostram quadrare videntur, partim quoniam ultima illa diphthongus *aa* vel *ou* et *ei* in dialecto Groningana vernaculae cultioris *oe* et *ie* semper locum occupat; (quid enim usitatus Groninganorum *goud*, *roust*, *mouder*, *mouten*, *wrouten*, pro *goed*, *roet*, *moeder*, *moeten*, *wroeten*, et *zeib*, *deip*, *breif*, *zein*, *genieten*, etc. pro *ziek*, *diep*, *brief*, *zien*, *genieten*, de quibus postea plura,) partim quia conveniunt cum iis, quæ de Vestfalia, utpote primaria huius dialecti sede, supra diximus; tertio denique ipsa inspicienda sunt inferioris Saxonicae linguae monumenta, in quibus is, qui in dialecto Groningana paululum est versatus, statim eam agnoscere potest. Speciminis causa; (nam brevitati est studendum) sequentia inspiciantur epitaphia;

*Hier leit de Borgemeister Kerkering,
 Die so scheef up den vouten ging.
 O Her! mak om de schinken lek,
 Und help om in diin Hemelrik!
 Du nimmet dy ja de schape an,
 Lat doch den buck ok medegan!*

Alterum ita fese habet:

*Hier leit Her Jan Macarius,
 Was Publicus Notarius,
 Mar seine leive Sophey
 Was noch Publiker as Hey (37).*

(35) Cf. omnino CL. LULOFS *Schets* p. 192, ubi inter alia hæc: *Niets toch is gewoner, dan dat men in het plat- Groningsch Bank of Bonk voor Boek zegt: Monder voor Moeder, Beijer voor Bier, Deip voor Diep, Goud voor Goed, etc.* Cf. præterea ADELUNG, *Mithridat.* tom. II. p. 261.

(36) Cf. KINDERLING *Gesch.* p. 142 et 143.

(37) Ea, quæ in his speciminibus cum dialecto Groningana convenire repertus sum, brevitatis causa lineola subduxi. Eorum ætas est incerta; KINDERLINGIO sec. 16. confecta videntur.

Et sic plura alia inveniuntur huius linguae specimina, e quibus laetenter satis effici potest, ad eam hodiernam dialectum Groninganam praecipue referendam esse, (38) eamque in iis, quae ad pronuntiandi rationem, literarum permutationes etc. pertinent, dialecti Groninganae nativam indelem finxisse et efformasse.

§ 18.

Iam vero, cum tot in dialecto Groningana reperiantur vetustatis indicia, tot formae primitivae et grammaticae, quae antiquis linguis Teutonicis propriae fuisse videntur, cum multa denique in ea occurrant vocabula, quae non nisi ex lingua Anglofaxonica, Saxonica, veteri Frisica, Anglica et Scandinavica linguis, atque ex inferiori Saxonica lingua explicari possunt, iam, inquam, hanc nostrae dialecti ex his linguis originem, et quatenus cum iis coniuncta esse potuerit, altius paululum indagare et breviter explicare conabor (39).

Ad oras maritimas inter Rhenum et Albin antiquitus habitabant Frisi Cauchique; trans Albin inter multos populos minores Angli et Saxones. Hi Saxones, qui saec. II adhuc inter reliquos populos parvi erant momenti, postea sensim sensimque adeo se dilatabant, ut Angli et Iuti, ac deinde etiam Cauchi Frisique foedere sese cum iis coniunxerint. Ex his populis coniunctis, qui iam tunc temporis commune Saxonum sive propriae Anglo-Saxonum nomen sibi assumerant, medio fere saec. V, in Britanniam profectae sunt coloniae, quae, ut ipsius rei natura docet, veterem illam dialectum Teutonicam, Anglo-Saxonicam dictam, quae etiam Scandinavicarum linguarum soror erat (40), eo secum transportarunt, ita ut ibi quasi sedes posuerit fixas. Haec lingua Anglo-Saxonica in Anglia pura fere mansit et non permixta usque ad Nor-

(38) Cf. KINDERLING p. 156—161.

(39) In his sequendum duxi libellum *W. IARDÆ Gesch. der ausgef. alten Fries. Sprache*. Eum igitur ubique laudare nihil attinet.

(40) Nec mirum, cum orae maritimae, in quibus degebant Anglo-Saxones, Frisi, Hollandi, Dani atque sibi essent finitimae, et omnes hi populi ex communi, eaque fere praee omnibus aliis gentibus Teutonicis antiquissimae stirpe originem traxisse videantur. Moka enim sunt, quae militat pro sententia: dialectos et populos, qui inferiores dicuntur, generis antiquitate ceteros Germanos, dumtaxat in Europa, antecelluisse. Vide argumenta, quae obiter attulit Cl. L. LOPES *Sihets* p. 48, ad quaestionem: *welke de oudste en uitgebreidste zij der twee hoofdtakken van de atende Duitche taal*.

minorum tempera, tunc enim, uti vidimus sect. I, § 12, ex magna parte Gallia facta est. (41) Sed ut ad Germaniam redeamus, Anglo-Saxones in Anglia, et Teutones inferiores in Germania, per multa secula unam fere eandemque locuti sunt linguam, (42) quae illic (in Anglia scil.) Anglo-Saxonicae, hic vero (in Germania) Saxonicae sive Frisicae nomine erat insignita. In foedere illo Saxonico Frisi longe erant potentissimi, eorumque nomen a Rheno inde ad Albin divulgabatur.

Omnia ea loca, quae antea Saxoniae nomine appellabantur, iam (secundum WIARDAM) Frisiae nomen prae se ferebant, atque ita etiam lingua, quae antea appellabatur Saxonica, posthac Frisicae nomine gaudebat. Ei vero linguae (an Saxonica appelletur, num vero Frisica periade est) originem suam debet lingua inferior Saxonica recentior. Atque sic tandem eo pervenimus, ubi esse debeamus, ad dialectum nimirum Groninganam, quae, quod antea demonstrare conati sumus, ante seculum XV pro maxima parte pertinebat ad veterem Frisicam, postea vero valde immutata est, et ad linguam inferiorem Saxoniceam, Belgico tamen colore tinctam, se composuisse est existimanda.

§ 19.

Ita fere de harum linguarum sive dialectorum origine sentit erud. WIARDA, de cuius tamen viri sententia animadvertendum est, eum rem ac non tetigisse in derivanda lingua inferiori Saxonica a veteri Frisica, cum a Cl. LULOFSIO aliisque viris doctis derivetur a lingua Saxonica. (43) Sed cum antiquissima Saxonica veteri Frisicae linguae adeo sit cognata, ut ambae fere eadem sint habendae, hanc horum virorum disensionem magis in verbis, quam in re ipsa positam esse putemus, ideoque ad institutum nostrum minus attinet.

Haec igitur sunt, viri eruditissimi! quae de huius sectionis argumento monenda habeo, e quibus, quomodocunque explicitis, hoc duntaxat effici posse videtur, dialectum Groninganam, etiam, ut in multis aliis linguis, (praesertim

(41) MORHOVIUS *Polyh.* p. 748.

(42) Cf. hic omnino WIARDA, qui § 10. p. 10. inter has linguas comparisonem instituendo earum convenientiam luculenter demonstrat.

(43) Vid. Cl. LULOFS *Schets* p. 94, et quos laudat scriptores p. 419. infra in nota.

in dialectis inferioribus Saxonis sive Belgiae *de Platduitsche*) ad stirpem inferiorem pertinentibus, obtinet, interdum nonnulla habeat, quibus superioribus dialectis respondeat, referendam tamen esse ad stirpem inferiorem, et ea, in quibus a vernacula lingua Belgica recedit, pro maxima parte accipisse ex ambabus illis dialectis, quae ad inferiorem stirpem vulgo referuntur.

Fortasse vero aliquis est, qui roget: si igitur ita sese habeat historia dialecti Groninganae, unde, quaeso, tum illa diversitas, quam hodie etiam in ipsius provinciae nostrae dialecto hic illic regnantem videmus? Respondemus, huius rei causam ex nostra sententia praecipue in eo esse positam, quod

I. haec provinciae plaga terminetur a Frisia Orientali et Vestfaliae parte, illa vero ab Occidentali Frisia. Huius igitur idioma magis ad inferiorem Saxoniam vergit, illius magis ad hodiernae Frisiae linguam;

II. quod haec provincia, uti notum est, quondam in plures provincuolas sive populos quosdam minores, legibus et imperio a se invicem distinctos, fuerit divisa. Cum vero nulla inter eos intercederet communio, ne dicam gravissima interdum bella eos inter se se gessisse, (44) ex his facile efficitur, eorum linguam etiam non semper unam fuisse eandemque;

III. denique hanc diversitatem explicandam esse existimem ex hominum moribus, eorumque vivendi ratione, et ex nonnullorum locorum situ, ab aliis locis remotiori: sic ex. g. in iis locis, quae vulgo dicuntur *Meidammerboetendiek*, *Spiekerboetendiek* et similia, homines degunt vitam, separatam fere ab aliis hominibus; eorum mores sunt rudes, eorum vero lingua, quia ibi magis intacta, quam in aliis locis mansit, ad cognitionem dialecti Groninganae fructuosissima.

§ 20.

Priusquam vero huic sectioni finem imponamus, nonnulla dialecti Groninganae specimina in medium proferre animus est. Veteres cum vero varie loquerentur et voces suas, tunc temporis incultas, diverse admodum scriptis consignasse videantur, cum praeterea lingua legibus non erat subiecta, et antiquorum monu-

(44) UBBO EMMIUS de agro Frisiae inter Lavic. et Amazon p. 4, 24. etc. — *Tegenwoordige Staat van Stad en Lande*, I dl. p. 2, 48, 60, 70 et alibi.

mentorū scriptores parum de ipsa lingua fuerint solliciti, eante semper in talium monumentorum lingua diiudicanda est verlandum (45).

Sequens specimen petitum est ex Codice M. S. *het Stadteboek* lib. II. append. I. cap. 182.

Kan oldenloose kinder de en mogen geen arfachtig goet verteyen noch verkoopen:

In den Jahre onses Heeren 1459 des donderdaeges voor nativitatē Mariae overdroegen Burgemeesteren en Raadt, swoorne meente, en de wysheit van de Stadt, dat kinderen, de olderloos sint, de en mogen geen arfachtig goet verteyen noch verkoopen buyten consent Haerer Voormondt, eer se gekomen sint tot 25 Jaeren; dede ook Iemandt daer en boven, dat en sal van geender waerden wezen.

Lib. II. c. 29.

Van Uytbuyren goet toegeven.

Kofte Ienich man van buiten arfachtich goet in onse stadt, ofte in onze marke, soo mogen de mage naerkoop bruycken, daerna de swettnoten, unde daernaes onse Borghers binnen jaars, ofte se willen.

Quantum vero haec lingua differat ab hodierna Groningae lingua, patet ex specimine sequenti; hodie enim Groningae ita loquuntur.

Jantien, wat is dat ja'en klain dinkien; roup onze Trientien hier rais heer, en zeg heur, dat ze vort by Mouder komt! breng Anna dan met — heurste?

Ze wollen strakkies na t' mark, en dan zeulen ze by Grootmouder pofferties of bolbaifies eten. — Nou kom an, dan is Ootien ja deksels mal met heur, want guster het ze heur ook braaf marrimis koft; Myke en onze Haittien en kakstaultien, en en deusften en potties, ja alderlai tuug.

Lingua in universum Omlandica sic fere se se habet. *Heur Jaap! dee hest mi vergangen week ja verdolt betrokken: Doe zeeste dou (toen), dat Vader en Mouder na stad wasfen. Onze Trienje en Klaaske meinden t' zulfat ook, maar heur lutje kiend zee heur, dat t' nijt waar was. Onze Knellies zit nou stevig*

(45) Praeterea repetendum iterum duco, me in responsione mea ad quaestionem a Facultate propositam magis sollicitum fuisse de dialecto Groningana, qualls hodie in ore plebis existit, quam de ea, quae ex veteribus scriptis erui possit. De antiquioribus enim scriptis difficulter saepe dirimitur, num ad idioma peculiare Groninganum, an vero ad communem linguam vernacalam, qualls pristino tempore florebat, sint redacta.

ien Mestershoss te katten en te snorken. Dij zol ook lijver op zûn wark pasfen.

Kom, potje! Tutte wil di oetboefjen. Ga vort, wicht, zek di! lopste mit dikke bek ien de wind. (alibi in de wind) Doe zelte na 't nust; damit komen onze volk ook weer. Geef Anje en doetje, en doek heur an, dan biste mems potje ook, heur! Mörge vro geiste mit na Mester Jan bi de Mölen.

C A P U T S E C U N D U M,

Continens praecipuas literarum permutationes et formas grammaticas, quibus dialectus Groningana a vernacula nostra cultiori distinguatur.



S E C T I O P R I M A.

De praecipuis literarum permutationibus.

§ 21.

Litera *a*, si post eam non sequatur litera consonans, quae syllabam claudit, ut in *dat*, *wat*, *lagchen* etc., aut si *a* duplicetur, semper sonum efficit mixtum inter literas *a* et *o* vernaculas, qui sonus subsurdus opponi potest acutae pronuntiationi literae *a* Frisiorum hodiernorum. Sic ex. g. Groningani *laken*, *vragen*, *maken*, *daar*, *baas*, *maan*, pronuntiant, ac si fuerit *loaken*, *woagen*, *moaken*, *doar*, *boas*, *moan*.

Haec pronuntiatio plane convenit cum pronuntiatione Hebraeorum א. Danica lingua peculiari gaudet caractere, quo eundem huncce sonum exprimat (46).

(46) Cf. LUDOLF Schets p. 151 ubi quae de Gelrica dialecto monentur, applicare potueris Groninganae dialecto.

Duplex *a* ante literam *r* transit plerumque in *ee*. Ita v. g. dicitur *eerde*, *geern*, *keers*, *leers*, *heerd*, *peerd*, *scheer*, *steert* etc. pro *aarde*, *gaarne*, *kaars* etc.

In nonnullis tamen hæc permutatio locum non habet. Succurrunt *kaart*, *baars*, *vaart*, *baard*. (47) Interdum etiam mutatur in *ai*, rarius in *ei*, ut in 2^a ac 3^a pers. sing. præf. verbi *gaan* et *staan*, dicitur *dou* five *doe* *staist*, *hi* *stait*, rarius *doe* *steist*, *hi* *steit*; et *dou* vel *doe* *gaist*, *hi* *gait*, interdum *geist*, *geit*.

Is dat Jaap nyt, dy daar stait?

Ja, hy is't. Dag Jaap! hou gait?

En dat zal dy toch nyt lieken,

Datst hier op de piepe staist.

K'leuf t'is best, datst mit mi gaist.

Aai semper mutatur in *ai*, rarius in *ei*. Sic pro *hij* *maait*, *zaait*, *draait* etc. auditur *hy* *mait*, *zait*, *drait*, interdum *hy* *meit*, *zeit*, *dreit* (48).

§ 22. De permutatio *a* in *e* ante *r* in eadem syllaba.

Litera *e*, si ponatur ante literam *r* in eadem syllaba, in dialecto Groningana mutatur plerumque in *a*.

Sic codicis, qui dicitur *het Stadtsboek*, lib. III inscribitur *het darde bosck* pro *derde*: libri III, cap. XX, *van toe slaen off warpan*; pro *werpen*; et sic hodie dicitur *stark*, *wark*, *mark*, *zark*, *barg*, *varwer*, *bargen*, (condere) *argeren*, *bewarken*, *verstarken* etc. etc. pro *sterk*, *werk*, *merk* etc. Excipiendum tamen est nomen proprium *Derk*. Sic etiam substantivum *kerk*, particulae præfixae *her* et *ver*, articulus *der* etc. In lingua Inf. Saxonica eadem permutatio locum obtinet.

(47) Sic etiam apud antiquos, inter quos CATSIUS, eandem hanc permutationem locum habere videmus. Provocasse sufficiet ad CATSII illud:

Een pœert, een Tweert, een lieve vrou

Leent niemant nyt als met berou.

(48) De diphthongo *aai*, quas nihil est nisi productio soni *ai*, vid. LULOFS *Spraak*. p. 17, 18.

Pyter.

En dou kanst ook ja nog arven

Jaap.

Ja, as mouder mader wol farven.

Duplex *e* (pp. *de scherplange e*) in omnibus fere vocabulis mutatur in diphthongum *ei*, ita ut Groninganos interdum fere Germanice loquentes putaveris. Sic v. c. dicunt, *ik wil gein gemeine steinen hebben*, germ. *ich will keine gemeine Steine haben*, pro *geen gemeene steenen* — *mien eine bein is mi zoo stief, dat ik nyt alleine loopen kan*; pro *mijn een bein is mij zoo stijf, dat ik niet alleen* etc.

Sic etiam *leenen*, fit *leinen*, *deel*, *deil*, *algemeen*, *algemein*, *week*, (*mollis*) *weik*.

Eeu mutatur in *y*, ut *mywe*, *lywe*, *ywig*, *sny*, etc. pro *meeuw*, *leeuw*, *eeuwig*, *sneeuw*:

Jaap, onthol wat ik dy zeg!

Dutste t' nyt, bist ywig weg.

Ei mutatur in *ai*, ut *heil* in *hail*, *leiden* in *laiden*, et sic porro; ut *zail*, *maifies* (puellae), *rain*, *hailig*, *schoonhaid*, *deinstmaid*, *vailig* etc.

De Kastelain.

k' Wens gous raize met joun baiden.

Pyter.

Jaapbuur, eer dat wi nog sehaiden etc.

Hunc sonum *ai* amare videtur dialectus Groningana; sic saepe pro *duit* dicitur *dait*, pro *fluit*, *flait*, imprimis vero in urbe; in Provincia hic manet *duit* et *fluit*, illic fit *doit* et *floit*.

Duvelhaal! dy ligte wait!

Muite veul en winst gein dait.

Praeterea secunda ac tertia persona singularis indicativi praesentis verbi *doen*, in ea Provinciae plaga, quae dicitur *het Oldampt*, est: *doe daist*, *hi dait*; alibi, ut et in urbe: *doe*, vel *dou*, *dust*, *hi dut* (49).

(49) Permutatio *rov ei* in *ai* apud veteres scriptores Belgicos saepe occurrit; cf. LULOFS *Spraak*. p. 18. Roterodamensibus diphthongus *ai* maxime est usitata.

§ 25.

Litera *h* in nonnullis Provinciae plagis non adeo patitur permutationem, ac, quod quidem magis est, plane omittatur, ita ut audiamus *ond*, pro *hond*, *aan*, pro *haan*, *Arm*, pro *Harm*, *Indrik ad ein andvol aver*, pro *Hindrik had eene hand vol haver*. Imprimis hoc locum habet in quibusdam Provinciae partibus occidentalibus, ut in pagis, quos nuncupamus *Veendam*, *Wilderbank* etc.

§ 24.

I breve hic illic in Provincia, praesertim in parte eius occidentali, Germanorum more pronuntiatur, ut *i* longum sive *ie*, ita ut pro *vinden*, dicant *vien-den*, pro *kind*, *kiend*, pro *in*, *ien*.

„*Dat lutje kiend lopt mit dikke bek ien da wiend.*”

pro, *Dat kleine kind loopt met den dikken mond in den wind.*

Ie (quod cap. I, sect. II, § XVII, iam vidimus) in multis mutari solet in *ei* sive *y* ad libitum; sic dicitur *leif*, *deif*, *breif*, *byer*, *dyer*, *nyt*, *zyn*, pro *lief*, *dief*, *brief*, *bier*, *dier*, *niet*, *sien* (50).

Dunder, kerel! kweit nog nyt.

Mour is old, dat wytstou, Pyt!

§ 25.

O longum vel duplex *o* vulgo eadem ratione pronuntiatur, qua Belgae pronuntiant diphthongum *eu*; ex. g. *euliamenlan*, *neuten*, *steuten*, *reuster*, *steuven*, *deuze*, *leuven*, *beusheuft* etc. pro *oliamelen*, *noten*, *flooten*, *rooster*, *floven*, *daos*, *gelooven*, *boeshoofd*.

Jaap,

Zagt dy wever mi nyt stikken?

K' stik haast in dy dreuge brokken.

Alia vero est pronuntiatio *ou* *o brevis* et etiam *longi*, praesertim si ponatur

(50) Cf. CL. LULOFS *Seften* p. 94.

ante literam *r*. Tunc enim longius recedit dialecti nostrae pronuntiatio a Belgica five Gallica pronuntiatione *eu*, et accedit e contrario magis ad Germanorum *ö* breve. Sic ex. g. dicunt Groningani *körf*, *börg*, *zörg*, *mörgen*, *Nörg*, *dörschen* etc. pro *korf*, *borg*, *zorg* etc.

Pyter.

Jaap, wat bist 'en löse börger!

Jaap.

Ja, ik bin gein starke zörger.

In iis tamen, quae *o* longum habent ante *r*, sonat *o* magis, ut in Belgico *heur* et *keur*; ut *hören*, *stören*, *vörhoes*, *dörgang*.

Ab his tamen nonnulla sunt excipienda, quae nullam patiuntur permutati-
onem, inter quae referenda sunt *moor*, *beloven*, *stoof*, licet, uti vidimus, *stoven* mutetur in *stauwen*. Et sic non permutantur *groot*, *lood*, *snood*, *verloren*, *vermoorden*, et multa alia.

§ 26.

Diphthongus, si sit, *oe* mutatur in sonum, qui est intermedius *ou* inter et *au*, (scribam igitur in posterum *ou* vel *au* ad libitum) quae permutatio, quod antea iam cap. I, sect. II, § 17, videre licuit, tam, quam pleraeque reliquae, etiam inferiori Saxonicae linguae accepta est referenda. Sic dicitur *ik mout dat down*, pro *ik moet dat doen*, et sic quotidie audimus *raut*, *kauke*, *gaud*, *dauk*, *kou*, *houd*, *bloud*, *bekoulen*, *touvoueren*, *snoueren* etc. pro *roet*, *koek*, *goed*, *doek*, *koe* etc.

't Wief is zunig; dat 's genong....

Maar, daar is Jan Mugges kroug.

Saepius etiam diphthongus *oe* permutatur cum *ui*, quod ex *vluiken*, *pruiven*, *zuiken*, *ruijen*, *snuijen*, *snuijen*, *vluiken*, *muij*, *muite*, *beruierte*, *gevuil*, pro *vloeken*, *proeven*, *zoeken*, *roeijen* etc. effici potest. Permutatio tamen in *au* vel *ou* usitatio videtur, quam in *ui*. In nonnullis etiam manet *oe*; ut in *koets*, *toets* et etiam in *boer*, quod eo magis mirandum videtur, quia *boer*, proprie nihil aliud est nisi *bouwer*.

Jaap.

Maar ik zol dien kouke pruiven.

*Kastelain,**Jaap! hest honger? luste ruiven?*

§ 27.

Diphthongus *ou* mutatur in *ol*, ex qua permutatione iterum huius dialecti antiqua origo ex Saxoniciis sive veteribus Frificis dialectis apparet: sic dicunt Groningani *zolt*, *old*, *holt*, *stolt*, *seholte*, *boukholder*, *vollen*, *zollen*, *hollen*, pro *zout*, *oud*, *hout*, *goud*, *stout*, *schout*, *boekhouder*, *vouwen*, *houden*, *zouden*.

*Pyter, smiet 'en hand vol holt**Op de heerd! want t'is hier kold.*

Si vero *ou* non transit in *ol*, mutatur in *au*, ut *vrau*, *beschauwen*, *brauwen*, pro *vrouw*, *beschouwen* etc.

§ 28.

Litera *r* nullam, quantum novimus, subit permutationem; attamen hoc loco aliquid de ea est observandum, nimirum hoc, quod Groningani post diphthongos quasdam sive vocales, quae cum sequente litera *r* non facile coniunguntur ac pronuntiantur, quo facilius ab illis diphthongis sive vocalibus ad literam *r* fiat transitus, inferere soleant literam *e*, cum Hebraeorum schevate mobili (:) comparandam, ut *byer*, *dyer*, *ruieren*, *beruierte*, *snouer*, *vervoueren*, *houer*, et plura alia, pro *bier*, *dier*, *roeren*, *beroerte*, *vervoeren*, *snoer*, *hoer*:

§ 29.

Litterae *sch*, imprimis in fine vocabulorum, in dialecto Groningana plerumque referunt sonum *rou sk* sive *sc*, quod antiquitus etiam in lingua vernacula locum habebat. (51) Ita v. g. auditur apud Groninganos vulgo *mensk*, *grootsk*, pro *mensch*, *grootsch*, et sic in caeteris. Superest imprimis haec permutatio in vocabulis, qualia sunt *meesterske*, *majoorske*, *koopmanske*, *bakkerske*, etc. pro *meesterfche*, *majoor-*

(51) Cf. LULOFS *Spraak*. 114.

ſche, etc. Etiam in linguis Scandinavicis, Meſogothicis et aliis pro *ſch* dici ac ſcribi *ſk* monēt Catenus (52).

§ 50.

Supra vidimus, diphthongum vel vocalem *oe* ſaepe mutari in *ui*, at ſic vice verſa *ui* plerumque mutatur in *oe*: ita v. g. dicitur *oele*, pro *uil*, *oet*, pro *uit*, *hoeten*, pro *buiten*, et ſic in reliquis, ut *hoes*, *moes*, *roet*, *oel*, *teen*, *woeten*, *moelen*, *hoelen*, pro *kuis*, *muis*, *ruit*, etc.

„*Bin de ſcheuvels om dien hoet*,

„*Anders holst het dog nyt oet.*”

Saepeſſime etiam *ui* mutatur in ſimplex *u* longum, ut *duvel*, *zuver*, *lumen*, *kuten*, *guut*, *juust*, *kruut*, *ſchuut*, pro *duivel*, *zuiver*, etc. Haec permutatio diphthongi *ui* tam cum *oe* quam cum *u* five *uu* ex uno eodemque fonte manare videtur, nimirum ex idiomate inferioris Saxoniae, quod pro nostro vernaculo *ui* habet *u*; ſic v. c. legitur *ut der ſtede*, *dar de duvel utvel*, pro *uit de plaats*, *waar de duivel utviel*. (53) Iam vero alii fortasſe hanc literam *u* Germanorum more ut *oe*, alii ut noſtrum Belgicum *u* pronuntiant.

Y five *y* ſemper ſere mutatur in *i* longum, quod pronuntiat ut *ie*; ſic dicitur *wien*, *mien*, *zien*, *niedig*, *verblieden*, *mieden*, *ſrieden*, etc. pro *wijn*, *mijn*, *zijn*, *nijdig*, *verblijden*, *vermijden*, *ſtrijden* (54).

Pyter.

..... 't wief is zyk,
En moest zoo iebaarliek lieden,
Dat ik heur rais wol verblieden
Met 'en endelkouke of twy.

Jaap.

Brandewien ſmaakt er ook goud by.

(52) Cf. TEN KATE *aankleding tot het verh. deel der Ned. Sprake*, tom. II. pag. 19, LULOFS *Schets* p. 160.

(53) Cf. LULOFS *Schets* p. 100 ſeqq.

(54) Ita *y* olim ſemper pronuntiabatur; cf. LULOFS *Spraakb.* p. 22.

Praepositio bij, et *pron. hij, wij, jij*, (*pro gij*) et *zij*, in urbe retinent sonum, quem in vernacula lingua cultiori habent; in Provincia vero mutantur vulgo in *bi, hi, wi, ji*, et *zi*.

Z olim semper mutabatur in *f* Frisorum more, sic ubique in libro *Stadsboek* dicto legimus *foa, fy, fulk, fulver, wesen, dese*. Num vero in pronuntiatione discrimen inter *z* et *s* observaverint antiqui, non apparet.

C A P I T I S S E C U N D I

S E C T I O S E C U N D A.

De praecipuis formis Grammaticis, quibus dialectus Groningana a vernacula nostra cultiori distinguatur (55).

§ 31.

De Nominibus substantivis et articulis.

I. **P**rimo loco hic observandum videtur, dialectum Groninganam duobus modo gaudere, vel saltem gavissam fuisse, generibus.

Inter masculinum enim et foemininum nullum olim discrimen existisse videtur. Apparet hoc ex ratione, qua hodiernum hic illic in Provincia rustici utuntur pronomine personali *hij*, (*hi*) et possessivo *zijn*, (*zien*). (56) Sic v. o. nuperrime rusticum iocose de puella narrantem audiebam „*hi het guster avond ook 'en vent had, maar dy te van hom ofsloopen, en het hom in de harbarghe veur 't gelag zitten laten:*” pro *zij heeft gisteren avond ook een' jongman (wrijer) gehad*,

(55) Hanc sectionem dividendam duxi in tres partes maiores, quarum quaeque suas habet subdivisiones. In prima agitur de nominibus substantivis et articulis, in altera de pronominibus, et in tertia de verbis. Quae in reliquis orationis partibus supersunt formae grammaticae, mihi quaeque erant cognitae, non inter praecipuas referendae videbantur; si tamen quae sint, quae memorandae fuissent (et sunt certissime) Vos ut cogitatione vestra eas supplicatis, enixe rogo.

(56) De huius rei veritate nobis persuaderi potest in locis § 19, 3^o memoratis et imprimis et iam in ea Provinciae plaga, quae dicitur *het Gooch*.

doch deze is van haar afgeloopen en heeft haar in de herberge voor het gelag laten zitten. Et sic in universum multi rustici nostrates adhuc dum discrimen illud non observant.

Fortasse etiam hoc apparet ex articulorum declinatione, quae semper sic se habet.

Artic. definit.		Indefinitus
masc. et fem. sing.	neut.	per omnia genera
1 <i>de</i>	1 <i>het</i>	1 <i>ein</i>
2 <i>van de</i>	2 <i>van het</i>	2 <i>van ein</i>
3 <i>an de</i>	3 <i>an het</i>	3 <i>an ein</i>
4 <i>de</i>	4 <i>het</i>	4 <i>ein</i>
Pluralis similis est singulari.		Pluralis similis est plur. masc. et fem.

Atque ita *des, den, der, eenes, eenen, eene, aut eener*, in dialecto Groningana nunquam audiuntur. Attamen hoc loco animadvertendum est, in aliis quoque dialectis articulorum declinationem penitus negligi; sic legimus apud *VERWERUM*, „dicunt Amstelaedamenses *bestelt de brief aan de bakker op de hoek van de oude Rijn* (57).”

II. Multa in dialecto Groningana obvia sunt nomina substantiva, quorum numerus pluralis simpliciore et ad indolem Belgicae linguae accommodatiore ratione formari videtur, quam quidem hoc in ipsa vernacula cultiori fieri solet. Dialectus nimirum Groningana saepius retinet simplicem pluralis terminationem *en* vel *er*, ubi vernacula lingua pro ea assumet terminationem *eren*, quae secundum *LULOFSIUM* nihil aliud est nisi pluralis Germanorum in *er*, cui dein pleonastice addita est terminatio *en* (58). Exempla rem illustrent, sic v. c. Groningani dicunt *bladen, raden, lijden, volken, kalver, kinder, aijer*, etc. pro quibus vernacula lingua habet *bladeren, raderen, liederen, volkeren, kalveren, kinderen, eijeren*.

III. Ad alicuius domicilium vel domum, quo quis tendit, significandam, sae-

(57) *VERWER* Idea linguae Belgicae p. 39. — Eadem et maior simplicitas etiam in declinatione Anglorum; vid. *LULOFS Schets* p. 172. Et sic Danis declinatio articuli etiam est simplicissima.

(58) Cf. omnino *CL. LULOFS Spraakk.* p. 78, 79 et 80. *ADELUNG Deutsche Sprachlehre* p. 114. — *WEILAND Spraakk.* p. 56. § 98.

pius utuntur. Groningani nihil nisi praepositione *tou*, (Belgicae *ten*, vel *tot*;) cum genitivo personae, cuius domus est, omisso substantivo *huis*. Sic v. o. dicunt *hi woont tou Doornys*, pro *hij woont ten huize van den Predikant*; *wi bin van avond tou onze volks*, pro *wij zijn heden avond ten huize van onze ouders*. — *Ik ga tou mien zuster's* pro *ik ga naar de woonplaats van mijne zuster* etc. Haec loquendi forma fortasse ex veteri Frisica lingua in Provincia nostra remansit; ab urbe enim est aliena. Angli eadem gaudent constructione, qui etiam dicunt *I am going to my sister's*, (*Ik ga naar mijn zusters sc. huis*, Ang. *house*) (59).

IV. Ad affinitatis gradum hunc inter et illum indicandum Groningani, ubi in vernacula lingua usurpatur genitivus, utuntur praepositione *tou*. Sic dicitur *'en Neeften tou Jan*, *'en bruiër tou Grytien*, *'en zuster tou Pyt.* etc. pro *een Neeffe van Jan*, *een broer van Grietje*, *eene zuster van Pieter* (60).

V. Substantivorum diminutivorum terminationes in *je* Groningae semper mutantur in *ien*, ut *Jantien*, *Klaasien*, *Pytertien*, *Derkien*, *koppien*, *schöteltien*, *boukien*, *bryfien*, pro *Jantje*, *Klaasje*, *Pietertje*, *Derkje*, *kopje*, *schoteltje*, *boekje*, *briefje*. Hoc vero in Provincia nullibi locum habet; in ea enim ubique diminutivorum terminatio est *ke*, vel *je*, ut *kopke*, *schöttelke*, *meske*, *jonkje*, *maagdje*, etc. pro *kopje*, *schoteltje*, *mesje*, *jongetje*, *meisje* (61).

VI. Substantiva, in consonantem desinentia, plerumque post eam in singulari accipiunt *e* breve, praesertim in urbe, ut *kerke*, *staule*, *schaule*, *piepe*, *kouke*, *brugge*, *katte*, etc. pro *kerk*, *stoel*, *school*, *pijp*, *brug*, *kat*. Germani etiam habent *Kirche*, *Schule*, *Katze*, etc. Et sic etiam in lingua Belgica antiquitus illam litteram *e* sexcenties verbis et nominibus adiectam videmus. Ita v. g. canit

HOOFDIJUS:

„t' Hailigjen, daar ik by zweere, schildert met een witte veere (62).

VII. Groningani, quum in foemina quadam officium aut dignitatem mariti significare velint, iis nominibus, quae munus illud aut dignitatem indicant, addere solent *ske*, sic v. g. pro *majoorsvrouw*, *meestersvrouw*, *koopmansvrouw*, *weversvrouw*,

(59) Sic nostrates olim *tot Amsterdam*, *tot Groningen*, de quo Cl. LULOFS in dictatis ad pag. 210, *Spraak*. ubi *de*, *te*, *tot*, etc.

(60) Est Danismus; cf. LANGUE *Dänische Sprachlehre* pag. 552. Utuntur Dani praepositione *til*.

(61) LULOFS in Dictatis ad *Spraak*. p. 77.

(62) LULOFS *Spraak*. p. 523.

burgemeestersvrouw, dicitur vulgo *majoerske*, (Danico *majoriska*) *meesterske*, *koopmanske*, *weverske*, *börgemesterske*.

§ 32.

De pronomibus apud Groninganos eorumque usu in filo.

I. De pronomibus personalibus observandum est:

1^o. remanente in dialecto Groningana secundam personam sing. numeri, quae caeterum temporis tractu in vernaculae linguae detrimentum plane obsolevit. Superest scil. antiquum illud *du*, pro quo apud Groninganos in urbe dicitur *dou*, in Provincia *doe*, cuiusque pluralis in urbe est *jy* et *je*, (litera *g*, uti antiquitus saepius fieri solebat, mutata in *j*,) in Provincia *ji*, vel *i*; apud Gallos *tu* et *vous*, Germ. *du* et *ihr*, Anglos *thou* et *you*. (63) Idem hoc pronomen *dou*, vel *doe*, pluralis *jy*, vel *i*, etiam in casibus obliquis est residuum, et sequenti modo declinatur.

Singularis in Urbe est.	pluralis	sing. in Provincia	pluralis.
1 <i>dou</i>	1 <i>jy</i>	1 <i>doe</i>	1 <i>i</i> vel <i>ji</i>
2 <i>van dy</i>	2 <i>van jou</i>	2 <i>van di</i>	2 <i>van joe</i>
3 <i>an dy</i>	3 <i>an jou</i>	3 <i>an di</i>	3 <i>an joe</i>
4 <i>dy</i>	4 <i>jou</i>	4 <i>di</i>	4 <i>jou</i>

Etiam hi casus e vernacula nostra cultiori evanuerunt; antiquae nimirum iis gaudēbat; sic v. c. HUGENS, Deum alloquens, rogat:

„*Waaromme foudst Du ons de smaetheid laten dragen*
„*Van de versmaderen van Dy en dyn gebod* (64)?”

Animadvertendum autem est, Groninganos, si cum quopiam colloquantur, quem reverentur, loco singularis *dou* vel *doe*, uti plurali *jy* vel *i*; et sic etiam in reliquis casibus. Ita v. g. dicet filius *vaoder! het dy man Jou al betaald? moeder heb I kopseerte? (hoofdpijn)* etc.

2^o. Secunda illa persona singularis *dou* vel *doe* saepius omittitur aut cum verbo coalescit, praesertim in interrogationibus directis; ex. g. *zalst ook wat hebben?* pro *dou zalst*, i. e. *gij zult ook wat hebben*. — *Gaist ja met, wees den maar*

(63) Vid. Cl. LULOFS *Nederl. Spraakk.* p. 134. WEILAND *Spraakk.* p. 104. Advertas, autem quaeſo, nominativum pluralem i Groniganum Danicum esse. Dani nempe in singulari dicunt *du*, in plurali *i*.

(64) Cl. LULOFS de pronomine *dy*, *Spraakk.* § 72. p. 132. et § 106. p. 229.

klout, pro *dou gaist*, i. e. *gij gaat immers mede*, *wees dan maar gehoorzaam*. Et sic dicitur *gaiste? heeste? lopste? wilste? meinste?* etc. pro *gaat gij? hebt gij? loopt gij? wilt gij? meent gij?* Talem contractionem pronominis *dou* vel *doe*, etiam cum aliis orationis partibus locum habere videmus; sic ex. g. dicitur *watste duete*, pro *wat gij doet*, *offte 't meinste*, pro *of gij het meent*, *houste heitste*, pro *hoe gij heet*, *welste biste*, pro *wie gij zijt*.

5°. Habent pronomen quoddam personale Groningani, quod in lingua vernacula cultiori nunc est ignotum, nimirum pronomen *ein*, idem fere denotans ac Belgicum *iemand*, *men*, vel *ons*; ita v. o. dicitur *dou zolst Ein zoo kel maken*, *dat*, etc. pro *gij zoudt iemand*, *mij*, vel *ons zoo verschrikt maken*, *dat*, etc. *zy geven Ein naauwken zat eten*, pro *men krijgt er naauwlijks genoeg eten* (65).

II. De pronomibus possessivis tenendum est:

1°. ea plane esse indeclinabilia; sic ex. g. pronomina *mien*, (*mijn*) *onze*, *zien*, (*zijn*) *heur*, (pro *haar*, *hare*, et *hun*, *hunne*) substantivis addita, per omnes casus et per omnia genera tam in singulari, quam in plurali, manent *mien*, *onze*, *zien*, *heur*, ex. g. *mien moeder het onze knegt zegt*, *dat hi zien vader vragen zol* etc. pro *mijne moeder heeft onzen knecht gezegd*, *dat hij zijnen vader zoude vragen*.

2°. Sicut antiquum illud pronomen personale *dou* et *doe* in dialecto Groningana est superses, ita etiam in hunc usque diem gaudet haec dialectus pronomine possessivo *dien* (tuus) tam in urbe, quam in Provincia ulitato. Hic vero pluralis plerumque est *joen*, illic *jou*; et idem ille pluralis *jou*, vel *joen*, eadem ratione quo *jij* vel *i*, nominibus in singulari positis addi potest, et ita pluralis dignitatis est censendus. Sic ex. g. dicitur *jou bouk*, *jou vrouw*, *joen hoer*, *joen land*, etiam si ad unam personam sit referendum.

3°. Dialectus Groningana, cum declinatione proprie sic dicta indigeat ad Genitivum nominis substantivi exprimendum, omissa praepositione *van*, accipit post substantivum pronomen *zien*, vel *heur*. Exemplum rem illustrent. Sic dicitur *mien moeder*, *heur bruir*, pro *mijn moeders broeder*. — *Mevrouw heur sloffen*, pro *de mui- len van Mevrouw*. — *Jan zien houd is köst veur vader zien geld*, pro *Jans hoed is gekocht voor 's vaders geld*. Et sic etiam pronomen possessivum ponitur post

(65) Germani simili fere ratione suo *einer* utuntur. Et sic etiam *een*, pro *iemand*, apud praesatos Belgicos scriptores. Exemplum habet Cl. LULOFS *Spraakl.* p. 148 quocum conferas quae de hoc monuit in dictatis et ab eo laudatum BILDERDYKUM.

pronomen relativum *dei*, (*die*) et *wel*, (*wie*) et interrogativum *wel*, (*wie*) ad Genitivi casum indicandum; ut *hi is de man*, dy zien *vrundschap mi veel weerd is*, pro *wiens vriendschap mij veel waard is*. *Dat is 'en maiste*, dy heur oetkiek *mi regt anstait*, pro *dat is een meisje*, wier *gelaat mij zeer bevalt*. — Wel zien *bouk dat dit is*, *weet ik nyt*, pro *wiens boek dit is*, *weet ik niet*; wel heur *vingerhoud is dit?* pro *van wie is deze vingerhoed?*

4°. Denique in lingua vernacula pronominebus posess. additur articulus *de*, neutrum *het*, et pronomen transit quasi in substantivum; ut *de mijne*, *het mijne*, *de uwe*, *het uwe*, *de zijne*, *het zijne*, etc. etc. Pro iis vero omnibus dialectus Groningana habet reiecto articulo *mienent*, *zienent*, *onzent*, *jouent* (in Provincia *joen* vel *joenent*), et *heurent*. Quod litera *t* hic in fine addatur, eadem forte ratione explicaveris, qua huius literae causam reddideris in vernaculae cultioris dicendi formis *tot mijnent*, *ten uwent* etc., in quibus ultima illa litera *t*, corroborandae pronuntiationis causa, addita videtur (66).

De Pronomine relativo.

1. Loco Pronominis relativi *die*, five *dewelke*, non raro Groningani usurpant voculam *zoo*, quod Germanismus est. Germanorum enim *so* saepe pronominis relativi locum obtinet. Sic semper fere in nunciis publicis legimus: „*de houders der bank van leening te Groningen adverteren, dat alle panden, zoo bij hen zijn verzet*” — pro *dewelke* etc. et ita quoque apud DRIESSEN in Monum. Groningania t. I. pag. 38. occurrit, „*Opdragtbrief van de confiliarii in Groningen, wegens een stuk grond van hunne gemeente, zoo an SIERANDUS UMMELOPEN OTTO BUNINGE was verkocht*,” pro *hetwelke* et ita in aliis (67).

De Pronominebus reciprocis.

1. Veteres postrates nullum olim disctimen observarunt inter pronomen *hem*, five *haar*, et reciprocum *zich*. Sic legimus apud HUIGENS:

„*Tryn seght: sy wil geen melkmuyt trouwen,*
„*Sy hond' haar niet van lagchen houwen,*
„*Wanneer een kind aan 't vragen saet,*
„*Moer! is dat jongetje mijn vaer.* (68)?”

(66) Cf. LULOFS *Spraak*. etc. pag. 139. N°. 4.

(67) Dani habent *so*. Groninganorum autem et Germanorum *so* five *zoo* pro *welke* ex lingua Mesogothica derivari potest, nec cum particula nostra *zoo* est confundendum.

(68) Cf. LULOFS *Spraak*. p. 139.

Idem hoc discrimen ad hunc usque diem in Provincia Groningana parum curatur, ita ut ibi pro *zich* usurpetur *hom*; v. c. *hi het hom bekeerd*, pro *hij heeft zich bekeerd* — *hi het hom wat te goude daan*, pro *hij heeft zich wat vermaakt*.

De Pronominibus demonstrativis denique observandum est,

1. Frequentissimum esse usum five repetitionem pronominis *dei*, (*die*) et neutrius *dat*, post substantivum quodlibet. Dicant nimirum Groningani *de man dei lopt hard*, pro *de man loopt snel*. *De vrouw dei ropt heur kinder*, pro *de vrouw roept hare kinderen*. *Dat wicht dat is klouk*, pro *dat meisje is gehoorzaam* etc.

Etiam in vernacula lingua hæc repetitio, five pleonasmus, ut dicitur, occurrit; sic ex. c. legimus apud CATSIUM:

Ben dinck, dat Gij niet sparen moet;

Dat is de rand van uwen hoed.

Qualis tamen repetitio in vernacula lingua hodie non admittitur, nisi peculiaris quædam requiratur emphasis (69). Etiam in Germanica lingua est usitatus talis huius pronominis usus v. g.

Mein Unschel und mein kleiner Hans

Die drehen sich im Schleifertanz (70).

§ 33.

De Verbis.

Verborum coniugatio est, qua omnium maxime dialectus Groningana recedit a lingua vernacula. In universum antiquitatis notas prae se fert, suamque ex inferiori Saxonica lingua originem luculenter fatis ostendit. Certam vero constituere normam, quam in verbis coniugandis sequitur dialectus Groningana, propter varietatem in his conspicuam difficillimum est, nostrasque vires superat; ideoque sequentes de coniugatione Groningana teneantur observationes.

I. De Indicativi modi tempore praesenti.

1. In secunda ac tertia persona sing. Ind. praesentis omnia fere verba unam eandemque sequuntur regulam, nimirum hanc; ut antiquam coniugandi rationem,

(69) CL. LULOFS *Spraak*. p. 141.

(70) Hic conferatur SCHUBART, „*der Bauer im Winter*“ theil 3. sect. 51.

qua in ipsa dictionis inflexione singulis personis sua est characteristica terminatio, diligenter conservent, addita simul vocalium in prima persona longarum permutatione in breves, cum in secundam et tertiam personam transeant. Exemplis dicta comprobare conabimur. Sic ex. gr. pro *ik gaap*, *gij gaapt*, *hij gaapt*, Groningani dicunt *ik gaap*, *dou vel doe gapst*, *hij gapt*, et ita in reliquis, ut

<i>ik raak</i> ,	<i>dou rakst</i> ,	<i>hij rakt</i> ,	<i>ik vraag</i> ,	<i>dou vragst</i> ,	<i>hij vragt</i> ,
<i>ik slaag</i> ,	<i>dou slagst</i> ,	<i>hij slagt</i> ,	<i>ik draag</i> ,	<i>dou dragst</i> ,	<i>hij dragt</i> ,
<i>ik geef</i> ,	<i>dou geset</i> ,	<i>hij gest</i> ,	<i>ik breek</i> ,	<i>dou brekst</i> ,	<i>hij brekt</i> ,
<i>ik steek</i> ,	<i>dou stekest</i> ,	<i>hij steekt</i> ,	<i>ik eet</i> ,	<i>dou etet</i> ,	<i>hij et</i> ,
<i>ik smiit</i> ,	<i>dou smitst</i> ,	<i>hij smit</i> ,	<i>ik kiiik</i> ,	<i>dou kiiiket</i> ,	<i>hij kiiikt</i> ,
<i>ik gliid</i> ,	<i>dou glidst</i> ,	<i>hij gliidt</i> ,	<i>ik geriif</i> ,	<i>dou gerifst</i> ,	<i>hij gerift</i> ,
<i>ik liid</i> ,	<i>dou lidst</i> ,	<i>hij liidt</i> ,	<i>ik blijf</i> ,	<i>dou blifst</i> ,	<i>hij blift</i> ,
<i>ik loop</i> ,	<i>dou lopst</i> ,	<i>hij lopt</i> ,	<i>ik koop</i> ,	<i>dou kofst</i> ,	<i>hij koft</i> ,
<i>ik steut (shoot)</i>	<i>dou stötst</i> ,	<i>hij stöt</i> ,	<i>ik dou (doe) dou dust</i> ,	<i>hij dut</i> ,	
<i>ik vlijg (vlieg)</i>	<i>dou vlugst</i> ,	<i>hij vlugt</i> ,	<i>ik liyg (lieg) dou lugst</i> ,	<i>hij lugt</i> ,	
<i>ik bevrijs, (bevries)</i>	<i>dou bevrust</i> ,	<i>hij bevrust</i> ,	<i>ik zij (zie) dou zugst</i> ,	<i>hij zugt</i> .	

Sunt tamen nonnulla verba ab his excipienda, quorum secunda ac tertia persona vocalem longam retinent. V. c. *ik maal*, in 2^a persona habet *dou maalt*, in 3^a *hij maalt*, et ita in aliis; qualia sunt

<i>ik kraak</i> ,	<i>dou kraakst</i> ,	<i>hij kraakt</i> ,	<i>ik bepaal</i> ,	<i>dou bepaalt</i> ,	<i>hij bepaalt</i> ,
<i>ik leef</i> ,	<i>dou leefst</i> ,	<i>hij leeft</i> ,	<i>ik vrees</i> ,	<i>dou vreest</i> ,	<i>hij vreest</i> ,
<i>ik verbliid</i> ,	<i>dou verbliidst</i> ,	<i>hij verbliidt</i> ,	<i>ik miid (vermijd)</i>	<i>dou miidst</i> ,	<i>hij miidt</i> ,
<i>ik hoop</i> ,	<i>dou hoopst</i> ,	<i>hij hoopt</i> ,	<i>ik stook</i> ,	<i>dou stookst</i> ,	<i>hij stookt</i> .

Ex hoc autem, quod dialectus Groningana, singulas personas singulis suis terminationibus distinguat, iterum satis manifesta est eius origo ex inferiori Saxonica lingua. Germani eadem fere ratione coniungere solent, ut *ich liebe*, *du lobest*, *er lobet*, *ich liebe*, *du liebest*, *er liebet*, *ich habe*, *du habest*, contracte *du hast*, *er hat*, et sic etiam in vetustioribus linguae nostrae vernaculae monumentis pro hodierno, *ik heb*, *gij hebt*, *hij heeft*, reperitur *ik have*, *du heves*, *hi hevet*, *ik stelle*, *du stelles*, *hi stellet* (71).

2. Quod ad 1^{am} et 2^{am} plur. numeri personam attinet, etiam in his differt dialectus Groningana a lingua vernacula. In 1^a nimirum persona, si pron. perso-

(71) Cf. LULOFS *Spraak*. § 95. p. 189. — WEILAND *Spraak*. p. 149. VERWER *idem* ling. Belgic. p. 64.

nale *wi* ponatur ante verbum, sequantur Groningani vulgarem coniugandi rationem, dicentes *wi mouten*, *wi leven*, *wi starven*, ut in vernacula linguae *wij moeten*, *wij leven*, *wij starven*: Si vero pron. pers. *wi* post verbum sequatur, (ut v. o. fieri solet in interrogationibus directis, et in aliis,) tunc semper omittitur verbi terminatio *en*, sive litera *n*, ut *mout wi? slaap wi? leef wi? loop wi? breng wi? schrijf wi? dou wi? sta wi? ga wi? pro moeten wij? slapen wij? leven wij? lopen wij? brengen wij? schrijven wij? doen wij? staan wij? gaan wij?*

In 2^a vero pers. pluralis plane contrarium locum habet. In ea scil., quas in vernacula lingua non admittit terminationem *en* sive *n*, sed pro ea accipit litteram *t*, ut *gij leeft*, *gij staat*, pro *gij leven*, *gij staan*, dialectus Groningana firmiter priorem terminationem *en* vel *n* retinet, quando nempe verbum sequitur post pronomen, ut *jij geven*, *jij huiven*, *jij willen*, *i hebben*, *i leuven*, *jij gaan*, *i doun*, etc. pro *gij geeft*, *gij behoeft*, *gij wilt*, *gij hebt*, *gij gelooft*, *gij gaat*, *gij doet* (72).

Si vero pronomen personale post verbum ponatur, non tantum, ut in vernacula lingua, abiciatur terminatio *en* vel *n*, verum etiam ne ultima quidem vernaculae linguae littera *t* admittitur, atque sic dicitur *slaap jij*, *heb jij*, *leer jij*, *help i*, *dou i*, *ga i*, *sta i*, pro *slaapt gij*, *hebt gij*, *leert gij*, *helpt gij*, *doet gij*, *gaat gij*, *staat gij*, etc. etc.

II. Tempus imperfectum.

1. De imperfecto tempore idem fore observandum est, quod de praesenti. Sic enim eius 2^a pers. sing., accurato veteri coniugandi more, peculiari terminatione a secunda persona plurali distinguitur; ea vero vocalis longa vel diphthongus, quae est in prima persona, remanet etiam in reliquis neque, ut in praesenti, transit in vocalem breviorē. In plurali eadem habet literas finales, ac in praesenti, quae eodem quoque modo in nonnullis casibus apocopen subeunt, quo in praesenti. Sic imperfectum verbi *roepen* est *ik ruij*, *dou ruijste*, *hij ruij*, plur. *wij ruijen*, *jij ruijen*, *zij ruijen*, in Provincia vulgo *ik reip*, *doe reipste* etc. Imperfectum verbi *hangen*, *ik hong*, *dou hongste*, *hij hong*, *wij hon-*

(72) Haec forma etiam apud Germanos est residua, qui pro secunda pluralis tertia utuntur (sed cum pron. plurali tertiae personae) *Sie Saufen*, *sie gehen*, pro *Ihr lauft*, vel *du lauft* etc. Cf. LULOFS *Spraak*. p. 135.

gen, jij: hongen, zij: hangen. Si vero pronomen post verbum ponatur, fit *hong wi, hong je, reip wi, reip ji, sluip wi, sluip ji*, pro *hingen wij, hingt gij, riepen wij, riept gij, slapen wij, slaapt gij*. Igitur eadem ratione ac in praesenti.

2º. Alia vero, eaque difficilior quaestio est de permutatione vocalium, quae vulgo radicales dicuntur, in imperfectis verborum dissonorum, (*ongelijkvloei-jende werkwoorden*) utpote quae permutatio in plurimis ab ea differt, quae in vernacula cultiori obtinet. In universum dici potest, pleraque horum verborum vocalem praesentis in imperfecto mutare in diphthongum *ui*. De hac imperfecti temporis formatione a tempore praesenti sequentia sunt tenenda (73).

In lingua vernacula verborum dissonorum imperfecta *a* longum ante literas *d, p, t* et *z*, mutant in *ie*, ut *ik slaap, ik sliep, ik laat, ik liet*, in dialecto Groningana vero in *ui*, in Provincia interdum etiam in *ei* vel *ou*. Sic imperfectum verbi *blazen* Groningae est *ik bluis*, in Provincia etiam *ik blous*; *a raden*, imperf. est *ik ruid*, in prov. *ik roud*; *a slapen*, *ik sluip*, in Prov. *ik sleip*; *a laten*, *ik luit*, in Prov. *leit*, pro *ik blies, ik ried, ik sliep, ik liet*.

Eadem vocalis *a* ante *g, r* et *v*, in imperfectis vernaculae linguae mutari solet in *ou*, ut *ik vraag, ik vroeg, ik jaag, ik joeg, ik draag, ik droeg, ik vaar, ik voer, ik graaf, ik groef*; Groningae iterum ut supra in *ui*, et in Provincia tam in *ou*, quam in *ui*, ut *ik vruig, five vroug, ik juig et joug, ik druig, droug, ik vuier, vouer*.

In vernacula lingua *a* breve ante *l* et *s* tranfit in *ie*, in dialecto Groningana in *o*, ut *ik val, imperf. ik vol, (interdum etiam ik vil) ik wask, (wasch) ik wosk*. Eadem illa litera *a*, quam vernacula ante *n* mutat in *i*, vel *o*, in dialecto Groningana mutatur tantum in *o*, non vero in *i*, sic verbi *ik hang*, imperf. est *ik hong, ik vang, imperf. ik vong*, nunquam *ik hing, ik ving*.

O breve, *oo* et *oe* in cultiori lingua permutantur in *ie*, in dialecto Groningana in *ui*, in Provincia etiam in *ou* vel *ei*, ut *ik roup, (roep) imperf. ik ruip*, in Provincia *reip, ik hol, (houd) imperf. ik huil*, in Prov. *ik houl, ik word, ik wuir, ik loop, ik luij, Prov. leip*:

E breve acutum (*scherp kort*) ante *r*, in vernaculae cultioris imperfectis temporibus tranfit in *ie* aut *o* breve, in dialecto Groningana in *u* vel *o*, *ik starf (sterf) ik sturf, ik help, ik hulp et holp*.

(73) Cum sequentibus cf. Cl. WEILAND *Nederd. Spraakk.* p. 125

3°. Praeterea etiam in lingua vernacula multa hodie reperiuntur verba consona (*gelijkvloeiende*) quae, quod ex antiquitate dialecti Groninganae videtur explicandum (dissona namque consonis antiquiora videntur) apud Groninganos sunt dissona (*ongelijkvloeiend*); sic v. c. pro *maakte*, a *maken*, Gron. est *muik*, pro *geraakte*, a *raken*, Gron. *ruik*, pro *wilde*, a *willen*, Gron. *wol*, pro *bemerkte*, a *bemerken*, Gron. *mork*, et sic plura alia.

Haec sunt, quae de ambobus hiis temporibus monenda habebam. De subiunctivo quod animadvertam nihil habeo, nisi quod, addita coniunctione *dat*, caeterum cum indicativo plane conveniat. De verbis auxiliaribus mox videbimus.

III. De Participiis.

1°. Hic igitur, Viri eruditissimi! ad eam dialecti Groninganae proprietatem pervenimus, de qua Vos ipsi in huius quaestionis programme mentionem iniicitis, nimirum, quod in participio praet. particulam praefixam *ge* sexcenties abiciat. Sic pro *gedaan*, dicitur *daan*, pro *gemaakt*, *maakt*, *gestaan*, *staan*, *gekocht*, *koft*, *gelopen*, *lopen*, etc. Animadversione dignus est transitus, quem hic a dialecto Groningana facit dialectus Drenthina, Gelrica et Transsallana ad linguam vernaculam, utpote in quarum participiis *ge* non plane abicitur, sed pro *ge*, haud raro reperitur sola litera *e*; sic ex. g. dicunt Drenthini etc. *edaan*, *ezegd*, *elezen*, *eraakt*, pro *gedaan*, *gezegd*, *gelezen*, *geraakt*.

In Anglica lingua, nec non in Danica, etiam haec particula *ge* plane omittitur. Sic v. c. Anglice dicitur *torn*, pro *gescheurd*, *having been*, pro *geweest zijnde*, *i have seen him*, pro *ik heb hem gezien*, et ita in aliis.

2°. Neque in dialecto Groningana haec abiectio particulae *ge* in participiis tantum locum habet, verum etiam multa sunt verba, quibus plerumque in vernacula cultiori per omnia tempora praefigitur derivationis particula *ge*, dum apud Groninganos abest. Sic v. c. supersunt *raken*, pro *geraken*, *leuven*, pro *geloven*, *braken*, five *broeken*, pro *gebruiken*, *hören*, pro *behoren*, *wennen*, pro *gewennen*, (partic. *wend*, anglic. *wont*,) *lieken*, pro *gelijken*, et plura alia. Ex his iterum effici potest dialecti Groninganae antiquitas. Nos enim, LULOPSIUM secuti, assensum praebere non possumus VERWERO, qui, cum statuat antiquitas omnia linguae nostrae verba particulam *ge* sibi habuisse praefixam, a veritatis tramite aberrasse videtur, cum *ge* proprie nihil aliud sit, nisi derivationis particula (74).

(74) Cf. LULOP: *Spraakh.* p. 33. § 17 et pag. 176. N°. 11. *Idea linguae Belgic.* p. 60, ubi

3°. Praeterea etiam substantivis quibusdam dialecti Groninganae non praefigitur particula *ge*, ubi vernacula lingua eam recipit. Ita v. g. in codice *m s*, *het Stadteboek* dicto, ubique fere occurrit *de olderlingen en zwoorne meinte*, pro *de ouderlingen en gezwoerne gemeente*, et sic etiam *meina*, *meinte*, pro *gemeene*, *gemeente*; atque ita etiam nunc vix urbem egressi audiamus *hou gait t'?* *bin je zond?* pro *hoe gaat hat?* *ben je gezond?* (anglice *sound*). Ad- das porro *makkeliak*, pro *gemakkelijk*, *zwal*, pro *gezwel*, et plura alia, quae etiam in urbe sunt usitata (75).

IV. Peculiaris inflexio verborum auxiliarium *hebben* et *wzen*.

1°. *Hebben*.

Infinitivus modus.

Tempus praef.	<i>hebben</i> ,
praet.	<i>had hebben</i> ,
Fut.	<i>te zellen, zoulen, five zellen hebben</i> .

Participia.

praef.	<i>habbende</i> ,
praet.	<i>had habbende</i> ,
Fut.	<i>zellende, zoulende, five zellende hebben</i> .

Indicat. modus.

Subiunct. modus.

Tempus

Praesens.

Ang.

Ang.

ik heb,

dat ik hebbe,

dou, (in Prov. *doe*) *heest*,

dastou heeste,

hi het (76),

dat hij het,

plur.

plur.

wi hebben,

dat wi hebben,

jij (in Prov. *i*) *hebben*,

dat ji hebben,

zi hebben,

dat zi hebben.

haec. „Licet praepositio inseparabilis *ge* post in plurimis verbis obsoleverit, eius tamen patent vestigia, omni contradictione malora, in verbis, quae hodiernum *αυποτερας* scribuntur, nimirum nunc addita praepositione *ge*, nunc demta” etc.

(75) Cf. omnino de hac derivationis particula *ge* commentatio Cl. I. P. DE FREMERY, ibi quae laudati scriptores. Vid. annales acad. Gron. 1819—1820, p. 40.

(76) In ea Provinciae Gron. parte quae dicitur *Westerwolde* in usu est *hef* vel *heft*.

Indicat.

Subiunct.

Imperfectum.

sing.

*ik had,**dou hast,**hi had,*

plur.

*wi hadden,**ji hadden,**zi hadden,*

sing.

*dat ik hadde,**dastoe haste,**dat hi hadde,*

plur.

*dat wi hadden,**dat ji hadden,**dat zi hadden.*

Perfectum.

sing.

*ik heb had,**dou heest had,**hi het had,*

plur.

*wi hebben had,**ji hebben had,**zi hebben had,*

sing.

*dat ik had hebbe,**daste had heste,**dat hi had het,*

plur.

*dat wi had hebben,**dat ji had hebben,**dat zi had hebben.*

Plus quam Perfectum.

sing.

*ik had had,**dou hast had,**hi had had,*

plur.

*wi hadden had,**ji hadden had,**zi hadden had,**dat ik had hadde,**dastou heest haste,**dat hi had hadde,*

plur.

*dat wi had hadden,**dat ji had hadden,**dat zi had hadden.*

Futurum.

sing.

*ik zal (in Prov. zel) hebben,**dou zalfte (in Prov. doe zelte) hebben,**hij zal (in Prov. hi zel) hebben,*

sing.

*dat ik hebben zal,**dastou hebben zalfte,**dat hi hebben zal,*

plur.
wij zeulen (in Prov. zellen) hebben,
jij zeulen — zellen hebben,
zij zeulen — zellen hebben,

Indicativus.

plur.
dat wi hebben zollen,
dat ji hebben zollen,
dat zi hebben zellen.

Subiunctivus.

Futur. exactum.

sing.
Ik zal had hebben,
dou zalst had hebben,
hij zal had hebben,

sing.
dat ik had hebben zol,
daste had hebben zolste (in Prov. zolte)
dat hij had hebben zol,

plur.
wij zeulen (in Prov. zellen) had hebben,
jij zeulen — zellen — — — —
zij zeulen — zellen — — — —

plur.
dat wi had hebben zollen,
dat ji had hebben zollen,
dat zi had hebben zollen.

Imp. modus.

sing.
heb dou, vel doe,
 plur.
heb jij, vel i (77).

2°. *Wezen*, (nam infinitivus *zijn* in dialecto Groningana non est in usu.)

Inf.	modus:
praesf.	<i>wezen;</i>
praeter.	<i>west hebben,</i>
Futur	<i>te zeulen, five te zellen wezen.</i>
Indic.	Subj.

Praef.

sing.	sing.
<i>Ik bin,</i>	<i>dat ik bin,</i>
<i>dou bist,</i>	<i>dastou bist,</i>
<i>hij is,</i>	<i>dat hij is,</i>
plur.	plur.
<i>wij binnen, five bin,</i>	<i>dat wij binnen, five bin,</i>

(77) *Wi* et *wij*, ut etiam *ji* et *jij*, promiscue usurpavi.

*jij binnen, five hin,
zij binnen, five bin.*

dat zi binnen, five bin,

Imperf.

sing.

ik was,

dou wast,

hij was,

plur.

wij wasfen,

jij wasfen,

zij wasfen.

Indicat.

sing.

dat ik was,

dastou wast,

dat hij was,

plur.

dat wij wasfen,

dat jij wasfen,

dat zij wasfen.

Subiunct.

Perfectum.

sing.

Ik heb west,

doe hest west,

hi het west,

prural.

wi hebben west,

ji hebben west,

zi hebben west.

sing.

dat ik west heb,

daste west hest,

dat hi west het,

plur.

dat wi west hebben,

dat ji west hebben,

dat zi west hebben.

Plusq. perf.

sing.

Ik had west,

doe hast west,

hi had west,

plur.

wi hadden west,

ji hadden west,

zi hadden west,

sing.

dat ik west had,

daste west hast,

dat hi west had,

plur.

dat wi west hadden,

dat ji west hadden,

dat zi west hadden.

Futurum.

sing.

Ik zal (in Prov. zel) wezen,

dou zalfte (in Prov. zelte) wezen,

hij zal (in Prov. zel) wezen,

sing.

dat ik wezen zal, (in Prov. zel)

daste wezen zalfte, (in Prov. zelte)

dat hij wezen zal, (in Prov. zel)

plur.	plur.
<i>wi zeulen</i> (in Prov. <i>zellen</i>) <i>wezen</i> ,	<i>dat wi wezen zeulen</i> , (in Prov. <i>zellen</i>)
<i>ji zeulen</i> (in Prov. <i>zellen</i>) <i>wezen</i> ,	<i>dat ji wezen zeulen</i> , (in Prov. <i>zellen</i>)
<i>zi zeulen</i> (in Prov. <i>zellen</i>) <i>wezen</i> .	<i>dat ze wezen zeulen</i> , (in Prov. <i>zellen</i>).

Imperal.

ing.	<i>wees</i> ,
plur.	<i>weest</i> (78).

V. Observanda praeterea pauca supersunt de usu verborum *kennen*, (nosse) et *kunnen*, (posse, valere). Haec verba nimirum promiscue a Groninganis usurpantur; sic ex. g. dicunt *ik kan de man nyt, maar de vrouw kon 't wel*, pro *ik ken den man niet, maar de vrouw kende ik wel*; et contra *ik ken 't nyt doun*, pro *ik kan het niet doen*, quod tamen in imperfecto non habet *ik kende*, sed *ik kon*, ut in vernacula lingua. In Islandica lingua *kann* etiam significat scio, *kunne* scivi, *kunna* scire. Quod vero ad *kennen*, (posse valere) hoc eadem quoque significatione occurrit apud WACHTERUM et cum viro doctissimo ita explicari potest, ut sensus a scientia ad potentiam sit translatus, non quod *scire* et *posse* semper sint coniuncta, sed quod utriusque naturaliter tantum possit, quantum scit, nisi aliae adsint causae, quae agendi potestatem impedian.

VI. Ultimo denique loco mentio est iniicienda de peculiari quodam usu verbi *doun*, (vern. *doen*) *facere*, qui quamvis auribus Belgicis satis nunc sit inauditus, tamen, quia origine sua Germanis linguis proprius fuisse videtur, dignus est, qui memoretur. Nimirum omnibus omnino verbis, in quocunque modo, tempore aut persona positis, verbum *doun* saepissime praefigitur *facere*. Exemplis hanc regulam explicare conabor. Sic v. g. dicit Groninganus *ik dou jou bedanken*, (*ik doe u bedanken*) pro *ik bedank u*; — *heengaan dut hy nyt*, (*heengaan doet hij niet*) pro *hij gaat niet heen*; — *reeren zol 'k er nyt om doun*, *as 'k dy was*, (*schreijen zoude ik er niet om doen*, *indien ik in twee plaatse ware*) pro *ik zoude er niet om schreijen*, etc. *Hom slagen meugen ze nyt doun*, *maar wel met hom anpaen*, (*hem slaan mogen zij niet doen*, *maar zij mogen hem wel bekijken*) pro *zij mogen hem niet slaan*, *maar wel* etc. etc. etc. etc.

Ad hanc tamen peculiarem loquendi formam animadvertendum est, eam ho-

(78) Dedit opera nunc uti sumus pronominebus Provinciarum, nunc urbis, de quibus cf. § 39. I: 1°.

die plerumque ita esse constitutam, ut verbum *dou* non praecedat, sed sequatur post verbum in infinitivo positum; ita v. c. nunquam dicitur *hy dut nyt starven*, (*hij doet niet sterven*) sed semper *starven dut hy nyt*, et sic fere in omnibus reliquis, unice excepto, quod supra laudavimus, exemplo *ik dou joe bedanken*, (*ik doe u bedanken*) pro *ik bedank u* et formula: *Hier doet men het gladmangelen, opwekken*, etc. Eadem haec forma usitatisima est in lingua Anglica, v. c. *what do you say?* pro *wat zegt gij?*

Sed non solum Anglicismus, verum etiam Germanismus videtur, et praesertim apud Germanos occurrit in filio familiari, quod ex sequentibus apparet.

HOLTY, „*Das Feuer im Walde.*”

„*Sie schwätzten diesf und schwätzten das*

„*Vom seel'gen Pfarrer HABERMAN,*

„*Der noch den Nusfbaum pflanzen thät.*

BÜRGER *Hist. von Jupiter.*

„*Ich habe ein altes Buch, das thut von ihm berichten.*

Der Raubgraf.

„*Und als ihn hungern thät.*

GÖTHE, in *Faust.*

„*Und thu nicht mehr in Worten kramen* (79).

SCHUBART *Liefels Brautlied.*

„*Mädel, sagt es laut,*

„*Lisel ist 'ne Braut,*

„*Michel thut mich heuren, (pro heurathen)* (80).

P. L. STOLBERG, *Daphne am Bach.*

„*Ich thät mir gleich erkiesen,*

„*Ein Plätzchen kühles Moos.*

C. STOLBERG, *der wahre Traum.*

„*Einst hatt ich ein Weib; — besingen*

„*That kein Dichter je ein Weib,*

„*Schön wie sie, an Seel und Leib;*

„*Keinem Maler (hundert gingen*

(79) Vld. v. KAMPEN, *Hoogd. letterk.* tom. II. p. 307. Not. 9.

(80) Cf. iterum omnino v. KAMPEN *ib. laud.* t. II. p. 467. Not. 45.

„Stolz zum Werke) thät'egelingen
 „Sie auf Leinwand zu bringen (81).“

CAPUT TERTIUM,

*Continens seriem aliquam vocabulorum, quae urbi ac provinciae
 Groninganae magis minusve sunt propria (82).*

A.

Aiber. Ciconia, een Ooijevaar. vet. Fris. est adebar cf. WIAERDA *Altfr. Wörterb.* in voce. Apud WACHTERUM invenitur adebar vel edebar, quod secundum eum compositum est ex *ade* vel *ede* avis, et *faren* Belg. *varen*, proficisci. Cf. praeterea *Bremisch Niedersächsisch Wörterbuch* in voce, et BILDERDYK *Geslachtslijst* in voce *Ooijevaar*.

Aide. Instrumentum dentatum, quo terra conteritur. Belg. *een egge*. Frisii dicunt *lide* et *liden*, pro *eggen*.

Aijen. blandiri, *liefkozen*, *streslen*. Forte onomatopoioumenon a sono *a* five *aai*, quem balbutiendo edunt infantes, v. c. *a f. aai hondje*, *poesje*, etc.

(81) Olim etiam apud Belgicos scriptores non absimilis usus verbi *doen* occurrit. Exemplum vide apud HUGENIUM; cf. LULOFS *Spraak*. p. 258. Ubivis etiam obviis in lingua inf. Saxonica.

(82) Ne tamen putaveris, velim, B. L. vocabula, quae hic enumerentur, omnia Groninganae dialecto tantummodo esse propria. Nonnulla eorum forsan etiam tam in aliis belgicis dialectis quam in dialecto Gron. inveneris sed sufficiat, ea in vernacula cultiori non adhiberi. Praeterea in prolegomenorum fine exposui, ad quosnam potissimum fontes in eruenda horum vocabulorum etymologia confugere potuerim. Iam verò addendum videtur; his fontibus imprimis etiam accensendos esse familiares de hoc argumento sermones cum Cl. LULOFSIO, praefectore carissimo, viro, cuius benevolentiam in adjuvandis discipulorum conatibus plus discipulus grata semper mente recolam.

Aisk. *Ingratus, turpis.* Sic v. c. dicitur *en aiske kleur, color ingratus, iniucundus.* Cf. nostrum *ijsfelijk.* Graecorum *αἰσχος* significat *turpitudine, αἰσχος turpis.* Cognatum videtur Anglo-Saxonico *oga, ege, five egfa,* quae omnia *terroris* notionem habent. In vet. Gothica lingua *agis* significat *timor.*

Vid. *Br. N. S. Wörterb.* in voce, et *WACHTERUS* in voce *eisch.*

Aker. *Lebes, ahenum.* Vet. Fris. est *akker,* de quo vide *WIARDA;* cf. praeterea *WEILANDUS* in voc *aker,* ibique laudatus *WACHTERUS.*

Al. Si, pro *ale,* five *indien;* et non, ut in vern., *etiamfi.* Vide etiam *WASSEN.*

Alliek. Idem; ut *'t is mi net alliek, mihi plane periade est.* Cf. vernac. *gelijk,* et vid. *WIARDA* sub voce *al.* Hinc descendit:

Alliekewel. Nihilominus; *attamen,* Belg. *al evenwel, ten minste;* of. *WASSENBERGII* *Idioticon Frisicum* in voce.

Amper. *Vix.* Haec notio a primaria notione *acerbi, immaturi, austeri* etc. derivanda videtur; of. *WASSEN.* Id. Fris.

Anderdaags. *Nuper.* Sic Galli *un jour, l'autre jour.*

Angaan. 1°. *Streptare, percrepare* 2°. *increpare, obiurgare aliquem* (op iemand *kijven*).

Anwaisel. *Alapa (een oorveeg), deducendum ab aanwaaijen;* sic Gallorum *soufflet* a *souffler.*

As. 1°. *Quum, si, (als, indien),* 2°. *quam (dan).* Vet. Fris. *az,* Anglis et inferioribus Saxonibus *as.*

Astertau. *Valde, maxime, ut nihil superet, v. c. hi lopt astertau, currit celerissime,* Belg. *proprie als daar toe;* cf. *Brem. N. S. Wörterb* in voce *asferta.*

Astrant. *Rude five rustice et cum audacia obloquens et agens;* Belg. *brutaal;* corruptum ex Gall. *asurant.*

Avend. *Vesper* pro usitationi, licet non accuratiori, *avond,* Germanorum more, quibus *Abend,* et non *Abond.* Frisii dicunt etiam *avend,* vid. *WASSEN.*

Awaar. Interiectio: *Vide, habeas,* etc.; usurpatur, quum aliquid alicui tradatur; fere idem est, ac Anglorum *aware* et Gallorum *gare!* Belg. *pas op! geef acht! wacht u! Gelrice waar u!*

B.

Bagge. Usurpatur de calida coeli temperie; sic dicitur *het is bagge,* pro quo vulgo dici solet *de lucht is drukkend.* Propinquum est nostro *bakeren, calefacere, fovere infantem ad ignem.* Stirps autem frequentativi nostri

babere verosimiliter in Inf. Sax. simplici *bäen*, sive *bähen*, i. e. *fomentare*, *calcfatere*.

Bal. *Palma manus*; cf. *WASSENBERG* in voce.

Barg. *Porcus domesticus castratus*; Ang. Sax. *bearg*, vet. Fris. *barch*, Inf. Sax. *borg*; cf. omnino *WACHTERUS* in voce *boŕk*, *WIAERDA* in *barch*, et *Brem. N. S. Wörterb.* in *borg*.

Barve. Instrumentum, quo quid fertur, *ferculum*, *feretrum*, (*eene draagbaar*,) generaliori sensu; porro etiam speciatim *eene doodbaar*. Certe a *baren*, *beren*, sensu *ferendi*.

Bats. *Arrogans*, vel etiam *comptus*, *valde ornatus*. Hoc vocabulum, etiam in aliis provinciis obvium, secundum *WEILANDUM* in vernacula cultiori obsolevit. Vide, num illud derivare potueris ab antiquo *batten*, *ferire*, *pulsare*; ita ut *een batsch mensch* proprie sit *homo*, *promptus ad ferendum*, *ad laedendum alios*. Eadem ratione *bitsch* est a *bijten*, nam *bitsch* est *mordens*, Gall. *mordant*. *Een bitsch antwoord* significat *een bijtend*, *scherp*, *stakelig*, *vinnig antwoord*. Vide *bats* et *bite* apud *HOOFDIJUM Nederl. Hist.* 982, 15.

Bazen. *Delirare*, *errare*, Belgice *ijlen*. Cf. *WASSENBERG. Idiot. Fris.*

Bidoeren. *Lugere*, *dolere*, v. c. *ziin ongeval bedoert mi*; idem, quod Germ. *dauern*, *bedauern*.

Beer. *Porcus domesticus integer*, *non castratus* (*een mannetjes zwijn*). Saxonicè *ber*, Inf. Sax. *beer*. Forſan ab antiquo Teutonico *bar*, *vir*, cf. *WACHTERUS* in voce *bar*, *vir*; *Brem. N. S. Wörterb.* in *beer*; *WASSENBERG* in *beer*.

Bekken. *Osculum*; diminutivum a *bek*, eadem ratione, qua Germ. *Mäulchen* a *Maul*, et Lat. *osculum* ab *os*.

Benul. *Intelligentia alicuius rei*, sive *sensus communis*, Inf. Sax. *benul*; v. c. *daar heb ik geen benul van*, *hoc captum meum superat*. Affine videtur antiquo *nal*, *caput*, de quo *WACHTERUS*. Conferas Belgicum *belul*.

Betyn laten. *Desistere ab aliquo*, *missum facere aliquem*; sic dicitur *laat mi betyn*, quod nihil aliud significare mihi videtur, nisi *laat mij gaan*, nam *betijden*, quod obsoletum est, antike secundum *WEILANDUM* significabat *voortgaan*. Eiusdem sententiae alumnus esse *WASSENBERGIUM* video in voce *betien laten*. Cf. autem Germanorum *ziehen* sive *zieh'n*, Belg. *trekken*, *tijgen*.

Beune. *Laquear, lacunar, locus editus (zoldering).* Inf. Sax. *bön*; Germ. *Bühne*; hinc *klunderbeun, locus editus in aedibus sacris*; (Frifis *de kraak*) et *beunhazen*, quos intelligimus tales homines, qui clam artem quamdam facitabant sive exercent, (*die niet gepatenteerd zijn*), ideoque, ne detegantur, fabricam suam habent in laqueare, in coenaculo; hinc abiit in convicium in quoddam proxenetarum genus. WACHTERUS vero *beunhazen* potissimum intelligit *socios petitionis, sive socios supplices*. Cf. praeterea WEILAND in voce *beun*, BILDERDYK aliique.

Beuren. *Accipere, ut geld beuren, accipere pecuniam.*

Beutel. De pueris dicitur eadem significatione, qua dicimus *spring in 't veld, kabouter*; derivandum videtur a Belg. *buitelen*.

Bindgaren. *Funis tenuis, inserviens ad aliquid colligandum*; cf. WASSERB. in voce.

Birzen. *Huc illuc curfitare, idem esse videtur, quod antiq. Germ. birsen, vana-ri*, de quo vid. WACHTERUS in voce.

Bituun. *Exiguus (schaarsch, schraak)* sic v. c. dicitur *onze appels bin van 't jaar heil bituun, numerus pomorum nostrorum hoc anno valde est exiguus*. Vide, num explicare possis hoc vocabulum, ut sit quasi *betuun*, sive *betuind*, i. e. *sepimento circumdatus, inclusus*, et deinde *arctus, angustus*, sc. eadem fere metaphora, qua dicimus *beperkt*, quod prima sua significatione *in een perk ingesloten*, sed metaphorice *arctus, exiguus, parvus*, denotat, v. c. *beperkt verstand, beperkte voorraad*.

Tuin, quod in dialecto Gron. *taun* sonat, proprie *sepimentum* significat. Res notissima. Et ecce, HOOFTIUS habet *betuind*, pro *beperkt*, Tacit. Jaarb. 229, 6.

Boijen. Non amplius in usu est, sed hinc derivata *anboijen, vestes induere, oetboijen, vestes exuere, touboijen, foedare, commaculare aliquid*. Quorsum hoc vocabulum *boijen* sit referendum, adhuc me latet; cf. WASSERB. Idiot. Frif. in voce *boijen*.

Boezeroen. *Vestis superior, eaque tenuis (een dun, luchtig opperkleed van een' boerenknecht)* multum conveniens cum hodiernis *blauwe kisten*.

Boksen. *Cinctus, braccas*; Dan. *buxer*, Inf. Sax. *bäse*, quod scriptores Bremenses derivandum putant a *boč*, sive *baksel*, TEN KATE a *boksleer*; cf. WEILAND in voce *bokse*.

Borries. Usurpatur a nonnullis de diabolo. Inf. Sax. *borjes* significat *homo par-*

vus et simul *densus*, pro quo Groningani dicunt *barriess*. Anglorum *burly*, significat *obesus*, *corpulentus*.

Braugen. *Sponsus*; Inf. Sax. *brögam*, vern. *bruidegom*.

Briek. *Debilis*, *periculo plenus*; v. c. *dat zugt der maor briek oet*, haec res satis *periculosa*, *anceps* et *angusta videtur*. Cf. nostrum *breken*, et WASSENB. in voce *briek*.

Brugge. *Panis butiratus*; (proprie *een dikke boterham*) Inf. Sax. *brugge*; cf. WEILAND in voce *brug*.

Bulten five *böten*. *Succendere ignem*; etiam dicitur *anbuiten*, *addere ignem fornaci*. Inf. Sax. est *böten*. Suëo-goth. *böta* significat *emendare*, *böta eld*, *ignem facere*; cf. *Brem. N. S. Wörterb.* in voce *böten*. Galli dicunt *un bout-feu* (*een stokebrand*). Antiquitus apud nos 't vier *boeten*.

Bulken. *Ructare*, *eructare*, (*oprispen*) Ang. *to belch*. Usurpatur porro, ut in vern, de vacois significatione *mugiendi*; cf. IUNII Etymol. Anglie. in voce *belche*.

Bult. *Multum*, ex. g. *en bult geld*, *multum pecuniae*. *Bult* etiam significat *acervum*, Belg. *een hoop*, ut *heubult*, *stroobult* etc. Vocabula *bult*, *bol*, *buil* et plura alia eiusdem sunt originis, et primitiva sua significatione actionem vel effectum *intumescendi* seu *turgendi* denotant.

Buning. *Ora*, *ripa*, (*de oever van eene gracht, vaart of diep*). Apud Saxones inferiores *Bune* dicitur *sepes* five *agger*, quem exstruunt rustici in fluminum ripis, ut, defluentibus aquis, pisces ibi retineantur; vid. *Brem. N. S. Wörterb.* in voce *bune*, quae vox absque dubio eadem est, ac Groninganorum *buning*.

Buten. *Ombuten* et *verbuten*, *commutare*, *permutare*, Belg. *ruilen*. Inf. Sax. *büten*, *verbüten*, *umbuten* idem denotant.

D.

Daalkies. *Mox*; corruptum ex *dadeliĳtjes*, diminutiva forma *tot dadeliĳk*. Groningae dicitur *strakkies*, vern. *straks*.

Danig. *Valde*, *perquam*. Danis verbum (*at*) *daane* significat *linqui animo*, (*flaauw vallen*) *daanelse*, *animae defectus* (*flaauwte*). Sit igitur primo obtutu Groninganum *danig* proprie *ad animas defectum usque* (*tot flaauwvallens toe*), et deinceps generaliori significatione *valde*, *vehementer*. Videt enim unusquisque *danig*, in *het dut mi danig zeer*, et similibus non idem esse posse, ac *danig*, in *dusedanig*, quod posterius nihil est, nisi *gedaan*. Si

displicet Etymologia a Danorum *daane*, vocabulum deduxeris per apocopen ab Inf. Sax. *averdanig*, idem significante ac *danig*, v. c. *averdanig groot*, *valde magnus*, *permagnus*. Prima vero significatione hoc vocabulum, adiective sumtum, notat aliquem, qui *over*, vel ut Inf. Sax. pronuntiant *aver*, i. e. *boven hetgeen doet, wat hij kan of moet*; v. c. *een averdanig mensch*, (apud Gelros *een overdoensk mensch*) est *homo* vel *prodigus* vel *cum nimia munificentia res suas agens*, qui igitur plus facit, plus sibi sumit, quam sumere posuit. Deinde adverbialiter adhibetur *averdanig*, pro omni re, quae ultra et supra modum et fas est; *averdanig groot*, *averdanig rijk*, *averdanig ziek*, etc. etc. quod idem est, ac si dixeris *overdanig groot*, etc. Et haec quidem vera erit etymologia, ita ut tandem ad verbum *doen*, tanquam ad primam stirpem confugere debeamus. Casterum *danig* etiam in aliis patriae nostrae provinciis est usitatum.

Daimt, Contractum ex *dagmat*, *diurnum foenifecae pensum*; vid. infra in voce *meiden*.

Deel. 1°. *Deorsum* pro Belg. *naar beneden*, ut *deel vallen*, *decidere*, *humi procumbere*. Rarius dicitur *del*. Similis locutio etiam apud AEMILIUM STOKIUM aliosque veteres Belg. scriptores invenitur. In carmine NIBELUNGORUM legimus eodem sensu *ze thal fallen*; vet. Fris. est *del*; cf. WASSENBERG. 2°. *Solum*, *pavimentum*, in Provincia *κασιόχην area*; Germ. est *diel*, quibus cognatum videtur Ang. Sax. *dael*, Ang. *deal*, vocabula eiusdem significationis.

Deeg, *five dege*. *Plene*, *fatis*, *solide valde*, ut *dit is dege zoo mooi*, *as dat*, *hoc illo est pulchrius*; *hi was dege doen*, *valde ebrius erat*; *hi past wel op*, *dat hi zijn dege krijgt*, *probe cavet*, *ne minorem caeteris accipiat partem*. *Dege*, interdum etiam significat *mentis compos*; sensu vero affirmativo tunc minus est in usu; nunquam enim dicitur *hy is dege*, *rationis compos est*, sed saepius *hy is nyt dege*, *rationis impos est*; cf. WIARDA in voce et *Brem. N. S. Wörterb. in deger*.

Dik. *Iratus*, *ira quasi gravidus et inflatus*. *Dickdohn* in lingua Inf. Sax. (*Plattd.*) significat *gloriari*, *inflatus esse superbia*, cf. BORNEMANN *Plattd. Gedichte*, 1 th. p. 184.

Drum dickdohn wil ick drup wie hut,
So dorch mien leben alle tiet,
Dat voader Fritz mit mie to glick,
Hät leewt — Joa doomit doh ick dick.

Dobbe. *Fovea*; hinc *rakeldobbe*, *fovea*, in qua ignis et cineres absconduntur; Belg. *een haardkolb*.

Dofte. Apud alios *dogt*, *sedes currus*, quae huic non est affixa; Belg. *een losse zitbank op een' boerenwagen*.

Doen. *Ebrius*; derivandum videtur ab antiquo Germ. *dunen*, *turgere*, *intumescere*; cf. hic *вѣхнѹма* in *duyn*. Inf. Sax. dicunt *daun*; *fök dik en deen drinkert*, ad nauseam usque vino se implere, 'en doen swien, contemtim homo ebrius. Cf. nostrum *duin*, *collis in littore maris*, sed proprie *humus pars in altum tumescens*. Huo referas etiam *dons*, *plumae intumescens*. Illud vernaculum *dons* scilicet est a verbo *dunfen*, quod Inf. Sax. significat *turgere* et frequentativum est *rov dunen*.

Dook. *Nebula*. Inf. Sax. (*Plattd.*) audit *daak*, Danis *taage*, vern. *mist*; hinc adiect. *dookrig*, *nebulosus*. Idē *daket*, significat in lingua Inf. Sax. *het is mistig of nevelig*, (*Gron. het, dookt*). Inf. Saxonice *dakerig*, (a in his vocibus ao pronuntiandum) sive *dakig*, est *mistig*. Forte haec omnia a verbo *dekken*, unde etiam *dak*, *tectum*, ita ut *dook*, sive *daak*, sit *vapor tegens* et *obvelans*.

Dou. 1°. Adverbium temporis *tunc*, *quum*, ut *dou wi der kwammen*, *dou wasfen zi der al*, nos *quum adveniebamus*, illi *tunc iam aderant*; 2°. pronomen *tu*, Germ. *du*, Ang. *thou*, de quo antea.

Draak. Pro vern. *vlieger*, forsitan ita dicitur a figura draconis. Etiam apud Frisios et Gelros occurrit; vid. *WASSENB.*

Drel. *Implicatus*, *contortus*; usurpatur de funibus et fanticulis contortis et difficilibus resolutis. Origo quaerenda videtur in Germ. *drehen*, freq. *drehe-len*, Belg. *draaijen*. Cf. *Brem. N. S. Wörterb.* in voce *drall*.

Dreutelen. *Cunctari*, *tarde et pigre incedere* aut *aliquid perficere*, *instar hominis defatigati*. Idem fere et significatione et origine, ac Belg. *treuzelen*, quod frequentativum est a Danorum *drøse*, *cunctari*, *morari*. Inf. Sax. audit *dröteln*. Suecis *trötta* significat *defatigare*. Cf. *WACHTERUS* in voce *trotten*, et *trotteln*.

Drouen. *Propositum quoddam sibi habere*, sive proprie, *verbis declarare*, *nobis aliquid esse in mente*; Inf. Sax. *drauen*. Antiquitus nostrum *drouen* eandem habebat significationem, ac Germ. *drohen*, *minari*; cf. e. c. *het Stadtsboek*, lib. 8, *foo welk mensche, die jemand drouwede toe branden*,

pro dreigde te branden. Ceterum cf. WACHTERI Gloss. in voce *drohen*, Brem. N. S. *Wörterb.* in voce *drouen*.

Druppel. Limen, pro *drenpel*. Etymologia nota. Frisii *drompel*, Gelris *dorpel*.

Duren. Audere, Belg. *durven*, Ang. *dare*, apud veteres Belgas *darren*.

E.

Eiber. Ciconia; vide *aiber*.

Emertjes. Genus quoddam formicarum, plerumque in locis calidis degentium, Ang. Sax. *aemet*, Ang. *emmet*. Eiusdem fere generis animal ab agricolis dicitur *mieg-eimerke*, ut ab Anglis *pismire*. Apud Gelros formicae saepe vocantur *emten*, quod vocabulum ex laudato *aemet* et *emmet* contractum est.

En einloopend gezel. Iuvenis coelebs, qui solus, quocunque lubet, vagatur; cf. WASSENB. in voce *eenloopend gezel*.

Eelék. Comis, amicus, blandus, v. c. *en eslek maagdje, puellula comis*. Dani-oum est vocabulum, five a Danis derivatum, apud quos (*as*) *elske* significat *amare, elskelig, amabilis*.

Etik, five eék. Acetum (azijn).

Enter. Anniculus, ex. g. *'en enter vool, equulus unius anni*. Convenit inter KILIANUM, IUNIUM, WACHTERUM et scriptores Bremenses, hanc vocem contractam esse ex *een* et *winter*, i. e. *unius hiemis*, quia veteres Germani annos non aestatibus, ut Romani, sed brumis computare solebant. Idem hoc valet de vocabulo *twenter, biennis*, quod contractum est ex *twée* et *winter*, et vet. Fris. audit. *twinter*; cf. WACHTERI Gloss. et Brem. N. S. *Wörterb.* in vocibus *enter* et *twenter*, et vide etiam WASSENB.

Hinc in Provincia Gron. vulgaris dicendi formula *'t is hier alles henter de twenter deur mekaar*, res hic valde sunt perturbatae, de qua cf. omnino Cl. J. A. UILKENS, *Almanak tot nut en vergenoegen voor het jaar 1825*, p. 41.

Eunspraak. Conviciium five dictio, qua ii vituperio afficiuntur, qui maximi a nobis sunt faciendi, v. c. *Deus, parentes* etc. Illud *eun* idem esse putem, quod nostrum *hoon*, Germ. *Hohn*. Vet. Fris. dicitur *oentale*; cf. hic *het Stadtsboek van Gron.* lib. III, c. 6. *Van den, de daer hoensprake doen tegens de raadt*, et vid. praeterea Brem. *Niedersax. Wörterb.* in voce *hienfsprake*.

F.

Feng. *Vehemens, acerbus, ferox, v. c. hi is 'en feng man, homo est vehemens, 't is feng kold, vehementer hiemat.* Contractum videtur ex Belgico *vinnig*, et cognatum vet. Frisco *feng*, quod secundum *WIARDA* denotat *ein gewaltiger Zugriff, Angriff.* Cf. *WIARDA* pag. 121, seqq.

Fenne. Sive, quod usitatus est, *venne, ager vel campus pascuus, villae subiectus (een stuk weideland)* Sic dicitur vulgo *'en venneweegs*, pro *mensura longitudine talis agri.* Ang. Sax. *fenn.* Ang. *venn.* Island. *ven.* vet. Fris. *fenne.* *WACHTERUS fen* intelligendam vult *paludem, locum palustrem*; cf. *Brem. N. S. Wörterb. in fenne*, *WIARDA in fenne*, *WACHTERUS in fen.* *WASSENBERG in fenne.*

G.

Gadelijk. *Aptus, accommodatus, et adverbialiter apte*; ut, *dat komt mi gadelijk oet, hoo in rem meam egregie quadrat.* Eadem significatione occurrit in codice argenteo *gatils.* Est autem *gadelijk*, certo quodam sensu, oppositum *op gadeloos*, i. e. *quod par non habet.* *Gade-lijk* e contrario significat proprie aliquid, *quod alii rei par est*, et consequenter *quod convenit ei.* Cf. *WEILAND in gelijk.*

Galpen. *Blata voce lacrymari*; onomatop. videtur; Angl. audit *yelp*, quod de vulpibus. Secundum *WEILANDUM* affinitatem habet cum nostro *gaal*, in *nachtegaal, gillen* etc.

Gaps. *Duplex plena manus (een greep met de beide handen tegen elkander).* Inf. Sax. est *göpfe.* *KILIANUS* habet *gasp, gape een handvol*; *to gasp*, apud Anglos significat *cum quodam oris hiatu extremum spiritum emittere*, unde sublt. *gasp, extremus spiritus, quem os hians emittit.* Est *gasp*, illud a verbo. *(to) gape, hiare* (belg. *gapen*) ita ut *gasp, sive gape*, significare possit *hiatum, qualis efficitur, quum ambae manus a parte inferiori iunguntur, a superiori autem parte apertae sunt.*

Geeren. *In quadrato obliquum esse*; (singatur figura, quae mathematicis dicitur *rhomboides*). Fortasse eiusdem est originis, ac *gieren*, quod in nonnullis patriae nostrae plagis usurpatur de navibus, oblique flumen traicientibus, unde *gierbrug*; cf. *WEILAND* in voce *geeren.*

Glende, f. glendig. *Ardens, vern. gloeiend.* Frisii dicunt *glandig*, de quo

WASSEN. Sed *glende ripe*, quid illud? *Glend*, *glent*, *ghelente*, *ghelinte*, *glente* apud KILIANUM significant *sepes*, *lutamentum*, *maceria*, *sepimentum fabrilis*, *paries contractitiuus*. *Glende*, sive *glente ripe*, fit igitur *via*, minutis lateribus pavimentata, quae maioribus filicibus adiacet, quibus quasi *sepimentum*, sive *sepes* est. Belgice reddiderim *glente ripe*: de *heining-boord der straat*. Thema autem fit adiectivum *gelend*, i. e. *finitimus*, Belg. *aangrenzend*. Qui *glende ripe* explicant *gloeijende ripe*, quia haec plateae pars solis radiis imprimis est exposita, frigidiuscule, ut mihi videtur, de vocabuli origine coniectant.

Glieve. *Rima*, *fissura*, Graece *γλῶφη*. Convenit cum vet. Fris. *glupe*, secundum WIARDA *ein Loch*, *enge Paasage*, quocum conf. Belg. et nostrum *gluip*, et *glop* apud HOOFDIJUM, de quibus WEILAND. *Glieve* idem esse videtur, ac obsoletum in vernac. lingua vocabulum *klieve*, Groningani adhuc usitatum, iisque significans *eene soort van kleine sluis*; certe a *klieven*, *scindere*, *findere*. *Gniezen*. *Subsannare*, *amare subridere*; idem, quod Inf. Saxon. *gnezen*, i. e. *subsannare*, *suspensio naso ridere*.

Goun. Nonnulli; in urbe *gounent*; idem, quod *gene* in *dexe en gene*, in *de-gene*, etc. AEMILIUS STOKIUS aliique habent saepe *degone*.

Graolen. *Laetari*, *ridere prae laetitia*; saepe ob alterius dolorem. Hoc vocabulum, licet significatio eius mutata sit, etymologice sine dubio respondet Germanorum *grollen*, i. e. *secreto indignari*, *murmurare*, pro quo Angli dicunt (to) *growl*, i. e. *ringi*, *hurrare*. *Grollen* olim apud nos diversas significationes habuisse videtur, de quibus inspicias KILIANUM. Inf. Saxones nostrum *graolen* pronuntiant *gralen*, *grólen*, sive *gróólen*.

Group. *Sulcus ad pecudum stercorea recipienda*. De *benaming dier groeven*, of *afleidingen in de stallen van het rundvee*, waarin de *mest en verdere ontlasting worden opgevangen*; cf. vern. *groef*, Germanum *grup* etc. quae cuncta a *graven*.

Greimen. *Maculis inficere*, *maculare*, *sordidare*. Angl. (to) *grime*. Belg. *morfen*, *morfig maken*; cf. WASSEN. in voce *griemen*.

Grel. *Splendidus*, *iniucundo modo*; ut *hi kikt grel*, *oculi ipsi sunt iniucunde splendentes*. Vocabulum Germ. — Germani enim dicunt *grelle Farbe*, *greller Anblick*, *grelle Augen*, i. e. *oculi*, *splendore perstringentes*.

Griizen. *Horrere*, *abhorrere*, Belg. *ijzen*, Inf. Sax. *greezen*. Simplex est compositi nostri *afgrijselijk*.

Groude. Fasciculus framenti, (den schoof).

H.

Haffelen. Elata voce rixari, multa inordinate et alta voce loqui. Groninganis vero non idem significat, quod apud WASSENBERGIUM, quem vide in voce. Usitatissima literarum permutatione (xó g sc. 'in f) in auxilium vocata, hoc vocabulum considerari potest, tanquam frequentativum τού Frisiorum *haggen*, quod KILIANI tempore significabat *rixari*. Ex hoc enim facile formari potuit *haggelen* sive *haffelen*.

Haisteren s. *heisteren*. Idem, quod apud WASSERB. *overhoop halen, van zijn stel brengen, omhalen*, Etymologias vide apud БРКЕМА ad G. I. in voce *heisterjen*, et Brem. N. S. *Wörterb.* in *heisterbeisen*.

Halfschaid. Dimidium alicuius rei; Belg. de helft.

Hef. Mare. Superest in dicendi formula *het hef* seu *haf* *raet*, quae usurpatur de murmure, quod edit ad littora huius provinciae mare septentrionale, quale murmur saepius e longinquo auditur. Falluntur, qui hoc vocabulum derivandum coniciant ex *schef, scheven, scheffen, schuiven*. Vocabulum enim *hef* plane Danicum est. Danis mare est *Hav*; sic dicunt *Havet bruser*, i. e. *mare murmurat*; *det store Hav bruser, magnum mare murmurat*. Quae hic dicta sunt de origine vocis *hef* egregie confirmantur antiquis huius Provinciae et Frisiae Orientalis legibus, lingua vet. Frisica conscriptis. Sic mare Germanicum, sive septentrionale, in antiquissimo *Friselgoër Landrecht*, (cuius manuscriptum adest) *thet Northeff* vocatur, nec non eadem appellatio occurrit in *Hunsing. Landr.*, anno 1259 lato. Et in Rustr. *Afega-Boek*, mare dicitur vel *Haff*, vel *See*. Loca citata vide in *verh. over den staat en regeringsvorm der Ommelanden*, pag. 119, Tom. II., quam inveneris in *de verh. van het Gron. genootschap* pro iure patrio. In infer. Saxonia *Haf*, sive *Hef*, non amplius usitatum videtur, nisi in *Haffdiel*, quo vocabulo Saxones inferiores aggerem indicant, contra mare exstructum, quod forte non est derivandum ab *Höft*, (caput) uti scriptores Bremenenses faciunt, sed ab *Haff*, mare.

Heim. Spatium, sive locus, qui circumdat domos agricolarum, a via et agro circumiacente fossa seclusus. Ang-Sax. *ham*, vet. Fris. *hem*, Belg. *heemstede*, Germ. *Heim*. Antiquae *heim* communem habitationis locum denotat.

tabat; *vicum* v. c. vel *pagum*; cf. WACHTERUS in voce. Hinc in provin-
cia Gron. nomina pagorum *Stedum*, *Bedum*, *Loppersum*, *Farmsum*, (apud
EMMIUM *Farmeshem*;) ex *Stedeheim*, *Bedeheim*, etc. sunt contracta.

Heistrig. Raucus, Angl. *hoarse*, Belg. *heesch*, Germ. *heiser*, Dan. *haes*. cf.
Brem. N. S. Wörterb. et WEILAND in voce.

Heit. Pater, quod magis obsoletum est. Vocabulum notissimum et Frisiis ad-
huc usitatum; vid. WASSENB.

Hellig. Iratus, *ira incensus*. In Glosf. Germ. WACHTERI, et in *Brem. N. S.*
Wörterb. *hellig* significat *incitatus*, *incitate*, vel etiam *laesus*, *feasus*. Nostra
significatio quodammodo congruit cum Gr. *ἔλκω*, *ἔλκω* et *ἔλκω*, quæ verba
significant *trahere*, *discerpere*, *dilacerare*, quod est hominis *ira incensi*.

Cf. WEILAND in voce, et WACHTERUS, qui plures habet etymologias.

Helster. Sive etiam *halster*, *capistrum*; Ang. Sax. *haelster*, Belg. *halster*,
Ang. *halter*; cf. WACHTERUS in voce *halster*.

Hemmelen. Mundare, *ornare*, *conciannare*; cf. WASSENB. in voce *hemel*.

Hennekleed. Vestis, *mortuis induenda*. Sunt, qui putent, illud *hene* idem esse,
quod *hunne*, in *hunnebedden*; cf. WASSENBERG in voce *hennekleed*.
Sed, ni fallor, probatu est difficile, illud *hene* significare posse *mor-*
tem sive *vita defunctum*. Equidem non longe alienus essem a dedu-
cendo *to hene*, alibi *henne*, ex Belg. *hennep*, ita ut significet *vestem*
cannabinam; fortasse, quia mortui tali veste, minus pretiosa, indu-
bantur; sed nihil definitio.

Himen. Suspirare, *anhelare*, *spiritum ducere cum sono quodam acuto*. Saxo-
nicum est, KILIANO et PLANTINO notum, apud quos *himen* et *him-*
men invenire tibi licet. Vocabulum sonum pectoris anhelantis et op-
pressi refert, uti *hijgen*, sive olim *higen*, ad eundem similemve sonitum
effectum esse videtur. *Himen* etiam apud Frisios. Vid. WASSENB. —
Inf. Sax. *himen* idem est, quod Groningani; sic dicunt *wo himet di de*
Börste? quid tibi anhelat pectus?

Hize. Caro infumata (rookvleesch). — Loqo *hize* dicitur etiam *naogelholt*. Tu, quæ-
so, videris, num *hize* dicatur ab *hizen*, sive *hijzen*, i. e. *in altum tollere*, quia
talis caro, ut infumetur, alte suspenditur, num vero ab *heisf*, *hiet*, i. e.
heet, *calidus*, quia calore et fumo apparatus, num denique a calore, flam-
ma, fumo; sic enim in Cod. Arg. *haize* significat *fax*; apud Islandos *eisa*

sunt *cineres candentes*; apud Hebraeos *eesch*, (עש) significat *ignis*.

Hochtied. Nuptiae; vern. *hoogtijd*, Germ. *Hochzeit*; cf. WEILAND in voce. *Hoezeieren. Domicilium habere, habitare*. Germ. *hausiren*, ab *hausen*.

Holm. Hoc nomen superest adhuc in vocabulis, qualia sunt *Schoonholm* et *Monnikkeholm*, quibus hodie duae plateae urbis Groningae indicantur. *Holm* denotat proprie locum, aqua circumfluum, et hinc parvam insulam, quae invenitur in flumine vel lacu. Cui nota sunt antiqua et hodierna huius urbis conditio et situs internus, sic facile sibi explicuerit vocabulum *holm*, in *Schoolholm* et *Monnikkeholm*. Nam, nisi fallor, etiam haec loca antiquitus aqua erant circumdata. Vox *holm* est Scandinavica, uti videre est in *Stockholm*, etc.

Holsken. Soleae lignae (vrouwen-klompen), Inf. Sax. *holsken*; cf. LULOFS *Schets*. p. 115.

Hörn. Cuiuscunque loci angulus, v. c. domus, agri, regionis etc. — Ang. Sax. *hyrne*, vet. Fris. *herna*, et Sued. *hörne* eiusdem sunt significationis; cf. WACHTERI *Gloss*. Germ. p. 752 in voce *horn*. WIARDA in *herna*. Hinc nonnulli pagi in provincia Gron. nomen acceperunt, ut *Zuidhorn*, *Noordhorn*, *Dijkshorn*, *Hornhuizen* etc.

Houken. Effodire locum aliquem, fordes e fossis extrahere, Belg. *uitbaggeren*. Sine dubio affine Belgico *hoek*, quia illud opus absolvitur instrumento, anguli formam habente, quod dicitur *'en houk*. Frisii, secundum WASSENB., vocant *hekkelen*, ab instrumento *hekkel*, eodem ac *haak*, cuius frequentativum est; vid. WASSENBERG in *hekkelen*. *Haken, houken, hakelen, hekkelen* etc. omnia eiusdem sunt originis, uti *haak* et *houk*.

Hozen. Tibialia, Belg. *koufen*, Inf. Sax. *hase*, Ang. *hose*. Hodiernis Germanis *Hofen* sunt *braccae*; Danis vero *hose* est *kous*.

Hulter de bulter. Adverbialiter sumitur, et usurpatur de eo, quod fit *inordinate, sursum deorsum*; cf. nostrum *bulterig*. In aliis locis Belgiae dicitur *holder de bolder*. Anglorum *hurly-burly* significat *tumultus*; cf. Brem. N. S. *Wörterb.* in voce. IUNIVS Etym Angl. in *hurlic-burlic*.

Hus. Sus. Praesertim haec vox tunc usurpatur, quum *fues* ad pabulum convocantur clamando *hus, hus, hus!* Vocabulum etiam est Anglicum. Veteres Angli dicebant *his*; Graeci iam habebant *ov̄*; et simul *ὄς*.

Hutspot. Caro, minutim dissecta. Ufurpatur etiam metaphorice de commixtione rerum cuiuscunque generis. Idem, quod Anglis *hodge-podge*, Gallis olim *hochepot*. Iunio Belgarum *hutspot* sunt varia edulliorum genera, minutim confecta, atque in copioso iure ita cocta, ut crebra ferventis ollae succussione mutuo sibi misceantur. Eadem hac significatione etiamnum in provincia Gron. occurrit. Est ab *hutsen*, sive *hutselen*, i. e. quaterere, concutere. Vocabulum in aliis provinciis etiam notum.

I.

Ja. Profecto, quidem, ut *ik heb 't ja nyt daon*, equidem hoc non feci. Belg. *immers*. Germanismus est.

Jaor. Contractum ex *jadder*, i. e. *uber pecudum*; A. S. *uder*, Ang. *udder*, Graec. *ὠδρα*; cf. *Brem. N. S. Wörterb.* in voce. Vacca vero interfecta, ubera defecta apud Groninganos non vocantur *jaar*, sed *jidder*, quod probe observavit cl. WEILANDUS in voce *jadder*.

Jentig. Decorus, elegans, accurate, belle; idem, ac antiquum *jent*, quod in regni nostri provinciis, ad septentrionem sitis, obsoletum est; cf. WEILAND in voce *jent*.

Jiere. Liquamen ex sterco pecoris; Fris. *jarre*, vet. Fris. *jere*; cf. WIARDA in *jere*.

Ieme. Apis. Apud Inf. Sax. audit *imme*. WACHTERUS vocabulum *immen*, (apes) pro quo ex eius sententia etiam dicitur *ympen*, derivat a Graec. *ἰμνοειν*!

Hinc quoque Groninganis est *iemker*, i. e. *apiarius*, *iemekörf*, *apiarium* etc. — Cf. *Brem. Nied. Sax. Wörterb.* in voce.

Inbouken et *oetbouken*. Haec vocabula provinciae Gron. sunt propria, quia res ipsa huic Provinciae tantum familiaris est; pertinet enim ad ius illud peculiare inter dominos et villicos, quod *het beklemmingsregt* dicitur. Quando scilicet villicus praedium filio tradere cupit, curat, ut suum ipsius nomen ex libro domini deleatur (*den let hi zök oetbouken*, vern. *dan laat hij zich uitboeken*). Filius vero suum nomen, tamquam novi villici, inferendum curat, et hoc dicitur *inbouken*. Similiter fere I. N. BÖRNEMANN in carminibus, lingua Inf. Sax. conscriptis, et 1822 editis, de urbibus *Hamburg* et *Lübeck*, Gallicae ditioni subiectis, canit;

..... **Hamborg en Lübeck.**

Weren, so heet et, in 't grote Fransche Riek mit hepinbunkt.

Jobinaom. Corrupte jodenom, i. e. *imprimis, praesertim.* Illud jobinaom conflatum dixerim ex vocabulis *ja, bij naam; ja* enim sonat *jao, bij, bi, naam, naam.* Alia etymologia me latet.

Juchteren. *Inter clamorem laetum huc illuc cursitare;* usurpatur praesertim de pueris ludentibus. Frequentativum videtur a Belg. *juichen.* Desumptum autem est ab Inf. Saxonibus, qui formis frequentativis magnopere delectantur, v. c. *juchteren, (a juchen, i. e. juichen, Germ. jauchsen) jachteren, jakkeren (a jagen) et similia.*

K.

Kalfbruiera et Kalfzusters. Sunt fratres vel sorores, ex duobus lectis, plane diversis, oriundi. Illud *kalf* corruptum mihi videtur ex *kolt*, ita ut sit *eene verwantschap, die niet in den bloede bestaat, die, zoo als men het in Holland noemt, koud, d. i. afgestarven is.* Probatur eo magis Etymologia, quia in Inf. Sax. lingua dicantur *koltzusters.*

Kallen. Loqui; cf. Ang. *to call.* Gr. *καλεω.* Vid. WEILAND in voce *kallen.* Danis (at) *kalde* est *vocare, nominare;* *kallen* etiam apud HOOFDIJN aliosque scriptores occurrit.

Kant. 1^{mo}. *Mundus, elegans, exquisitus,* de quo WEILANDUS. 2^{do}. *Omnino, ut ik heb 't kant vergeten, omnino, prorsus hoc oblitus sum;* idem forte, ac si dixeris, *ik heb het van alle kanten of zijden vergeten, Germ. ich habe es ganz und gar vergessen.*

Kel, five Kil. *Perterritus, perterrefactus.* Killen in Brem. N. S. *Wörterb.* significat *heftig schmerzen, eine kalte Empfindung geben.* Angli dicunt *to be chill for fear, i. e. algere, cohorrescere metu.* Notissima belgica est locutio *eene kille vrees, five schrik;* nam terror algere facit. — *Koud, Gron. kold, Germ. kalt, Gelris keld, uti bel, kil, koel, etc. omnia eiusdem sunt originis.*

Kette. Catena, Germ. *Kette,* Belg. *keten.*

Kidde. Equulus, vern. *kidje;* apud Danos *kid* significat *capella.* Inf. Sax. *kiddelen* denotat *velociter currere.*

Kibbig vel **kibig**. Significatio huius vocis ex variis significationibus est componenda. *Een vaardig, klein, net, wijtje* dicitur v. c. *'en kibig wiefte*, sive *wieffien*. Interdum etiam dicitur *kiebig*, ut apud Frisios, de quo WASSENB.

Kiet. *Computatus (afgerekend)* e. g. *wi bin kiet*, nos invicem computavimus; Gall. *quitte*. — *Loco toe kiet*, Groningani etiam utuntur *liek*, a Belg. *lijk*, *gelijk*.

Kintje. *Vasculum, mensura quaedam butyri*; cf. WASSENB. in voce *kimmetje*.

Kippe. *Tegumentum quoddam capitis, instar pilei gestum*. In Gelria *kips*, *kipse*, Germ. *Kipfe*; cf. WACHTERUS in vocibus *Kipfe* et *Kopf*, WEILANDUS in voce *kip*.

Kleimen. *Superillinare*; sic v. c. dicitur *'en brugge kleimen*, i. e. *panem butyro illinare*. Hinc *kleimsk*, Belg. *kleverig*, *pappig*. Inf. Sax. *klehmen*, et Ang. (to) *cloom* idem est, quod Groninganorum *kleimen*. Cf. etiam WASSENB. in voce *kliemen*.

Klenzen. *In cerniculo secernere*; usurpatur plerumque de fluidis. Vet. Fris. audit *klenfa*, de quo WIARDA in voce. In vernacula cultiori est *kleinzen*.

Klieve. Vid. in *glieve*.

Klikker. Sic Groningani dicitur, quod in vernacula cultiori est *voorslag*, v. c. *klik voor vier*. *Klik* in Inf. Sax., uti hic illic apud nostrates, significat *portiuncula*, *paululum*. Pro *voorslag* Gelri etiam *klik*.

Klitse. *Femina peioris notae*; cf. omnino WEILAND in *klits*; *klits* proprie est *catella*, *canis feminina*. *Dat vrouwmensk is 'en regte klitse* idem est, ac tritum *zij is eens regte teef*.

Klouk. *Obediens, submissus*; fortasse ita, quia obedientia est calliditatis sequela; nam vern. *kloek* interdum significat *sapiens*, *callidus*; cf. WEILAND.

Kloun. Idem, quod *kluwen*, i. e. *glomus*; cf. WEILAND in voce.

Klunderen. *Pulsare, pulsando strepitum vehementem edere*, (*allarm maken, dat het daver*). Apud KILIANUM vertitur *pulsare*. Forte frequentativum est a *kleunen*, i. e. *pulsare*, *ferire*; cf. WEILAND. *Klönen*, *geklöön* etiam in lingua inferioris Saxoniae (*Plattddeutsch*) notum est, et significat *elata voce loqui*, *sonum percutere*, vel etiam *queri*. Hinc *klunderbeun*, quod vide in *beune*.

Kluun, sive *kluunbier*. Quoddam cerevisiae genus, olim Groningani in deliciis habitum.

Kniezen. *Animum affligere, consumere (zich kwellen)*, v. c. ex invidia; cf. WASSENB. in voce.

Kolde. *De koorts*, i. e. *febris*. Inf. Sax. (*Plattd.*) *koelde*. Danis *febris* etiam dicitur *Kolden* vel *kold Feber*.

Kordonfels. *Tubera*, vern. *aardappelen*, Germanis *Kartoffeln*; cf. Gallorum *carottes*.

Körven. *Reiicere*, 'non admittere. *Körfd* (pro *gekörfd*) *relictus*, non *admisus* idem est, quod *gedropen*, uti vulgo dicitur. Sic v. c. aiunt *die student of propo- nent is körfd*, i. e. *admisus ad sacrum ministerium non est*. Loquendi formula mihi a Germanis desumpta videtur, apud quos ille iuvenis, qui a puella repulsam fert, dicitur *einen Korb zu bekommen*. (qui mos antiquitus ibi in usu fuisse videtur) Belg. audit *een blaauwe scheen loopen*.

Kotfen. *Vomere*, *evomere*, Belg. (per iocum) *lange woorden spreken*. Vet. Teutonibus *kot* significat *sordes*, *eluvies*, *excrementa*; cf. WACHTERUS in vocibus *kot* et *kotfen*. Frisii dicunt *koren*, de quo WASSENBERG in voce

Kraamwaarster. *Curatrix puerperae* (*eene baker*); cf. WASSENBERG in voce *kraamwaarster*.

Krek et krekt. Idem, quod Belg. *juist*, *even*, et *evensens*, v. c. *dat komt mi krek van pas*, hoc egregie in rem meam quadrat. Corruptum videtur ex Gallico *correct*.

Kuutjebuten. Hoc vocabulum usurpatur vulgo a pueris, quum res suas invicem commutant. Inf. Sax. *kütjebuten* ab antiquo vocabulo Teutonico *cuyden* derivatur, de quo cf. *Brem. N. S. Wörterb.* in voce.

Kregel. Substantive usurpatur, quasi sit *kregelheid*; sic v. c. dicitur *wat zit daar 'en kregel in*; de quo cf. WEILAND in voce.

Kwalm. *Vapor*, *humor*, Germ. *Qualm*, Belg. *wahn*; cf. WEILAND in voce et WACHTERUS in *Qualm*.

Kwalfster. *Pituita*; latius hoc vocabulum explicatum videas apud WASSENBERGIUM in voce.

Kween. *Vacca iuvenca*, quae nondum peperit. Vocabulum diversa significatione in omnibus linguis Teutonicis ebyium. Generalis significatio est *femina*. Scriptores in *Brem. N. S. Wörterb.* derivant hanc vocem ab antiquo Teutonico *kennen*, Ang. Sax. *cennan*, Graec. *γεννάν*. Cf. omnino *Brem. N. S. Wörterb.* in voce *Quene*, WACHTERUS in *Quen*, WASSENBERG in *queen* etc. etc.

Kweer. *Praedulcis*, ita ut sapor non adeo iucundus sit; secundum WEILANDUM originis est incertae. *Queer* apud Saxones Infer. significat *mollis*, *dulcis*.

Anglorum *queer* significat idem, ac *ineptus, infipidus, morosus*. Vide, num affinitatem inveneris.

Kwel. *Kwellen* sunt *compedes, equis alligatae, ne in pascuis nimis exsultent*. Cognatum Belgico *kwellen*, i. e. *vexare*. Cf. WEILAND in voce. Apud Anglos (to) *quell* significat *domare, subigere, coercere, impedire*, quae significationes satis Groningantum substantivum explicant.

Kwengelen. *Continuo diffundere aquam vel alia fluida*. Apud WEILANDUM audit *door beweging van het watervat gedurig storten en kleine plaesfen maken*.

L.

Laten. *Simile esse, assimilari*, Belg. *gelijken*, ut hi *let perfect op zijn vader, omnino patrem suum ore refert*. Sic etiam in inf. Sax. lingua occurrit: BORNEHANN *Plattd. gedichte*, Tom. II, p. 4, in *catmine der neue Pfeifenkopf*:

Mutter! schau moal an bie Lichte

Up den Kop dat Kriegersfichte!

Vader Blüchern — let et so,

Ann're mein'n: — den Gneisenow.

Secundum Brem. N. S. *Wörterb.* in nonnullis Angliae locis *leeten* significat *sich stellen, sich das Ansehn geben*, uti Lal. *laeta* idem denotat. A *laten* nostrum est *gelaat*. Cf. praeterea WACHTERUS in voce *laesen*, sensu *toû simile esse*.

Lei anzeggen. *Nuntiare mortem alicuius*. Hinc tales homines, quorum provincia est mortem huius illiusve cum aliis communicare, dicuntur *lee- five leianzeggers*, (*doodbidders, aansprekers*). Illud *lee* forsan perverſe dictum censetur pro *leed*, cum *lee* nihil aliud esse videatur, nisi antiquum *leeing*, (*Gron. leeing*) i. e. *het overlijden*. Vetus *liden* significat *ire*, unde *overliden*, i. e. *transire*, et hoc metaphorice *transire in aliam vitam*.

Lelk. 1°. *Turpis* 2°. *iratus, ira incensus*, v. o. *ik bin lelck op di, tibi iratus sum*. Prima significatio convenit cum belgico *leelijk*, quod contractum videtur ex *leedelijk*. Frisii dicunt *lilk*, de quo WASSERB.

Lenden et zwetten. Duo vocabula idem significantia, quod Belgis verbum *grenzen, aangrenzen*, i. e. *terminari*. Cf. *Landregt van Drenthe*, 3de boek, art. 70, ubi dicitur „*an dat goet gekwettet of gelendet te zijn*.”

Liepen. *Lacrymari.* Hoc vocabulum eiusdem originis esse potest, ac Graecorum *λαΐειν*, i. e. *stillare, fundere*, v. o. *δαιμνα λαΐειν, lacrymas fundere*. Videt praeterea unusquisque, hoc vocabulo *liepen* explicari originem vernaculi *leep, leepoogig*, quod indicamus aliquem, cuius oculi humorem quemdam effundant, Belg. *die druipende of tranende oogen heeft*.

Litse. *Laqueus, sive nodus vestis*; Germ. *Litze*, inf. Sax. *litse*, Belg. *eene lis*; cf. WEILAND et *Brem. Nied. Sächf. Wörterb.* in voce, nec non WASSERB. in *lide*.

Loug. Proprie *dispositio aggregatarum habitationum*; hinc in pagis ea series domorum inseparatarum, quae aedi sacrae vulgo est proxima. WEILANDUS hanc vocem ortam esse censet a Latinorum *locus*; cf. LAURMAN in voce *laug*.

Lougen. *Disponere, ordine quodam collocare*, v. o. *cespites bituminosos* (Belg. *turven*). Vocabula *loug* et *lougen* affinia videntur Belgico *leggen*, unde *laag*, v. o. *eene lage van turf, hout* etc. Sed cf. WASSERB. in *loegen*, ubi late de Etymologia huius vocabuli.

Luggiespale. *Stipes lanternae, (een lantaarnpaal)*. A Belgico *licht*, cuius diminutivum est *lichtje*, quod Groningania effertur *liggien* sive *luggien*.

Luttik et lutje, parvus. Haec vox omnino eiusdem est originis, ac Ang. Sax. *lyt, lyte, lytel*, Ang. *lite, little*, Belg. *luttel* etc. quae omnia parvitas et paucitatis notionem habent; cf. *Brem. N. S. Wörterb.* in voce *lutjet*. Danis est *lille*, qui etiam substantive dicunt *den lille*, pro *puer, infans*, Belg. *de kleine*.

M.

Maijer. *Agricola, ruricola, villanus*; cf. WASSERB. in voce *meijer*. Belgice exponam, quid apud Groninganos sit 'en *maijer*. Een *meijer* is in de Provincie Groningen die gene, die eene boerenplaats geheel naar zijne eigene willekeur bebouwt; hij wordt gezegd de zoogenaamde beklemming (ius, quod quodammodo convenit cum iure, ita dicto *Emphyteutico*, de quo late egit doctissimus TRESLING) van zulk eene landhoeve te hebben, en staat over tegen den eigenaar, aan wien hij jaarlijks de eens bepaalde huur moet betalen. De *meijer* heeft vrijheid, om zijne beklemming te verkoopen aan wien hij wil, met dat beding echter, dat den eigenaar dan een jaar huur van den *meijer* en den huurder ten geschenke gegeven worde. Cf. quae diximus in voce *inbouwen*.

Mank. *Mixtus, intermixtus, inter*; v. c. *ik heb 't er vort mank ruiert, statim illud intermiscui.* Ang. *among* et Ang. Sax. *amanik* significant *inter*. Ang. Sax. *maengan* est *miscere*, i. e. nostrum *mengen*. *Hamburgensibus mank* etiam notat *inter*, nec non *Frisiis mank* notum est. Vid. *WASSENS*.

Maren. Hoc verbum usurpatur de *coitu volucrum*; idem est quod vulgare *treden*. Vide, num hic affinitatem invenias cum Latinorum substantivo *mas*, *maris*, et cum Teutonico *mar*, i. e. *incubus*, de quo posteriori vid. *WACHTERUS*.

Meiden. (*de*) Est nomen proprium duorum pagorum in provincia Groningana, pro quo etiam dicitur *de Mei*, vernacule *de Meeden*. Hoc vocabulum commode explicari posse videtur ex Ang. Sax. *maed*, Ang. *mead*, *meadow*, vet. Fris. *mede*, quae omnia significant pascuum; ita ut *meeden* sit pluralis ab antiquo singulari *maede*, i. e. *eene weide*; *een weideland*, quod hodiernum in Inf. Sax. lingua audit *mäde*. Proprie igitur vocabulum *meeden* nihil aliud significat; nisi Belg. *weidelanden*, pro quibus in multis Frisiae Orientalis plagis dicitur *de meilande*. Quin etiam in dialecto Groningana residua sunt vocabula *mad*, i. e. *pratium*, et *deimt* pro *deimad*, quod posterius pro *dagmad*, i. e. *diurnum foenifecae penjum*. Quibus omnibus affine videtur Belg. *maaijen*. Praeterea est flosculus quidam, dictus vulgo *maagdeliefje*, de quo dubitem, num quidem recte ita dicatur. Potius illud *maagde* corruptum putaverim ex *mäde*, seu *made*, (*weide*); floret enim in *pratis*; ita ut pro *maagdeliefje* dicendum esset *madeliefje*, vern. *weideliefje*. Cf., si placeat, *Brem. Nied. Sächf. Wörterb.* in voce *mäde*, *WIARDA* in *mede*, *WASSENS* in *mad*. Pascua in Alpibus dicuntur *matten*.

Mem. *Mater*; quod tamen, aequè ac *heit*, i. e. *pater*, magis obsoletum est. Usitatius adhuc est vocabulum *memme*, *nutrix*, de quo cf. omnino *WACHTERUS* in voce, et *Brem. N. S. Wörterb.* in *momme*, five *möme*, *WASSENS* in *memi*.

Met. *Caro; minutim dissecta*, Belg. *sijn gesneden vleesch*; hinc *metworst* et verbum *met snijden*. — Danis *mad* significat: *cibus* in universum; Anglis *meat* 1º. est *cibus*, 2º. speciatim *caro*.

Met jong five *met kind maken*. *Mulierem gravidam reddere*, Belg. *bezwan-geren*. Est Danismus.

Meurbra. Vox Danica. Danorum enim *mårbraten* idem est, quod Gron. *meurbra*, sc. talis caro, five ea pars bovis vel vaccae, quae ita dicitur a mol-

litie carnis, nam *mör* apud Danos est *mollis*, unde, mutata paulum significatione, Gallorum *mur*. Huc spectat vernaculum *murw*, quod Gron. effertur *meur*. Vocabulum *mörbraten* etiam Inf. Saxonibus notum est. *Middewinter*. Pro *keretijd* five *kersefeest*, certe, quia hoc festum in hiemem mediam incidit. Invenitur iam in Ang. Sax. versione Evangeliorum, Luc. IV: 53. Dani etiam dicunt *mitfommer* pro media aestate. Cf. hic KILIANUS in voce.

Miegen. *Mejere*, *mingere*, Island. *myga*, A. S. *migan*, Sax. *migen*, Lat. *mingere* (cuius supinum *mictum* adhuc superest), Gr. *ομυξω*. Frequentativum *ου migen* videtur sequens:

Miggelen. *Rorare* (*stofregenen*); cf. WEILANDUS in *mijge*, *mijgen* et *miggelen*, et vide WASSENB. in *miegen*.

Mier. *Fastidium*, *taedium*, v. c. *ik heb 'er en mier an*, *hanc rem fastidio*. *Mier* scilicet non tantum est *formica*, sed apud KILIANUM etiam *morbus*, *pustulis se indicans*. Igitur *een mier aan iets hebben* idem fit, quod alii dicunt *eens puist aan iets hebben*.

Min. *Aeger*, *aegrotus*, e. g. *hi is heile min*, *periculose aegrotat*. Elliptica loquendi ratio. Scilicet *hi is min* significat *hij is minder, dan in een goeden toestand; deterioris est conditionis*.

Mot. *Perca* (*eenie oude zeug*), cf. WEIL. in voce.

Moezen. Idem, quod *greimen*, i. e. *sordidare*, de qua supra; cf. vern. *bemeuzelen*.

Muite five *möte*. (in de) *Obviam*, in *occursum*; e. g. *ein in de muite gaan*. (Dani (at) *gaas een i möde*) *obviam venire alicui*; Isl. *mot*, Ang. *meeting*, Inf. Sax. *möte*, Belg. *te gemaet* huc spectant. Cf. Brem. N. S. *Wörterb.* in voce *möten* et *möte*.

N.

Naaber. *Vicinus*, *accola*; Wendice *nober*, A. S. *nehbun*, Angl. *neighbour*, Inf. Sax. *nawer* five *naber*, Germ. *Nachbar*, vern. *buurman*, five *na-buur*; cf. Brem. N. S. *Wörterb.* in *naber*.

Nao geraoden. *Ex ordine*, (*geregeld*) v. c. *'t luyt altemaal nae geraoden of*, *omnia ex ordine processerunt*; cf. Germ. *gerade*, v. c. *es ist gerade so*, Belg. *het is juist zoo*.

Neulen. Hoc vocabulum difficile definitur. Est fere, quod Belg. dicimus *in een slecht humeur zijn*, ita ut in omnia animadvertamus, omnia carparamus,

Pueri ingrati hanc animi conditionem vagiendo vel lacrymando exprimere solent. Hinc adiectivum *neutelig* illi applicatur, qui ita est dispositus (*verdrietig*). Apud Danos verbum *nyta* significat *cunctari*, *morari*. Sic etiam Apud Saxones Inf. *nöhlen*, *nötelen*, *netelen*, omnia eiusdem originis esse videntur et significationem habent *cunctandi*, *morandi*, *morose*, *segniter et tarde agendi* etc. Pro *neulen* apud Frisios etiam dicitur *eamelen*, quod WASSERB. explicat *aures alicui obtundere*.

Niedsk. *Invidiosus*, *invidiose*. Inf. Sax. (*Plattd.*) *niedsk.* Belg. *nijdig*. Vocabulum Danicum est *nidsk*, quod Danis etiam significat: *invidiosus*, v. c. et *nidskt Menneske*, *homo invidiosus*. En. *niedsche streek* Galris: *est een kwaadaardige streek*, *zet*, *klap*.

Nikkenakke. *Dorsum* vel *cervix*, quo quid fertur; usurpatur vulgo a pueris. Cf. nostrum *nek*, Germ. *Nacken* et *Genicke*, et vide WACHTERUM in voce *Nacken*.

Niks. *Nihil*, Inf. Sax. *nike*, Germ. *nichts*, Belg. *niets*.

Nirten. *Taedio* five *molestia afficere*; usurpatur imprimis de pueris, quorum alter alterum clanculum vexat; hinc *nirtig*, i. e. *taediosus*, idem fere quod *neutelig*. Pro *nirtig* etiam usurpatur *narrig*, quod per epenthesein satis frequentem literae *n* dictum est pro *arrig*, i. e. *iratus*, *morosus*; vel simile quid significans, et obvium adhuc in formula *in arren moede*. Groninganorum *nirten* Inf. Saxonibus audit *nurken*, unde *homo morosus*, *querulus* vocatur apud eos *'en nurkepot*, Belg. *een brombaard of brompot*. Pro *vexare aliquem*, *irritare* Sax. Inf. dicunt *nirt-narren*, quod vocabulum etiam imprimis huc facit, quippe ex *nirten* et *narren* conflatum.

Nogt five *nugt*. Usurpatur in loquendi formula *ik heb der gein nogt an*, i. e. *ik heb daar geen' sijnak*, *geen genoegen aan*; non tamen, ut apud Frisios dicitur *ik heb miin nogt*, etc. Hinc adiectivum *noglik*, i. e. *gratus*, *iucundus* (*genoeglijk*, *aangenaam*). Apud Saxones Inf. *noog*, *nöge*, *nögehaftig*, *nögehn*, *benögen*, *genöge*, *genögte*, *vernögen*, etc. satietatis et interdum voluptatis notionem habent. Neugen. Sax. *nögen*, cum denotat *aliquem ad cibum vel potum fumendum invitare*, *excitare*, a Groninganis corruptum est ex Belg. *noodigen*.

Nuun. *Ceneha* quaedam *vacua* (*een schelpje*). Frisii *nunen* dicuntur *nun-*

clere sine mundaere; cf. WASSERB. in voce. Vocabulum *nuun*, secundum WHILANDUM, originis est incertae. Germanorum *nonne* significat *spatium vacuum*.

Nuver. *Decorus, elegans, bellus.* Significatione sua hoc vocabulum multum respondet Germ. *niedlich*; v. c. *ein niedliches Mädchen* idem fere est, quod Groninganis vocatur *'en nuver wicht*. *Niedlich* autem ab antiquo *nied*, i. e. *gratus, iucundus*, derivandum. In Inferiori Saxonica lingua habemus vocem *nürig* eodem fere significatu, et, ut mihi videtur, forte contractam ex *nuverig*, forma prolongata *rou nuver*, cuius forma contracta esse videtur *nuur* in composito Groningano *onnuur*, de quo infra. Gron. *nuver* apud Hamburgenses non ignotum est, et idem iis significat, quod in aliis locis Inferioris Saxoniae audit *niber*, i. e. *elegans, venustus, delicatus, tener*, v. c. *een lütjet niber gesicht*, *facies parvula et venusta*; *dat let niber*, (*dat ziet er lief uit, dat lijkt aardig, netjes*). Lüneburgenses dicunt *niver*, mutata labiali *b* in *v* eadem ratione, qua Groningae et Hamburgi incolae in suo *nuver*.

Ny down. Verbum impersonale, v. c. *het dat mi ny*, vernacule *het doet mij nieuw*, i. e. *het verwondert mij*; *ny* enim five *nei* nihil est, nisi *nieuw*. De usu verbi *down* plura vide in observatione 6^a Sect. II, Cap. II; cf. porro WASSERB. in *nijghed*.

O.

Oetbouken (*uistbouken*); vid. *inbouken*.

Offsteken (pro *afsteken*, nam *af* semper pronuntiatum est) *solvere pecuniam* (*betalen*).

Omstaon leren. Idem est, quod alibi *de breupelstraat door moeten*, i. e. *coactum esse vitae conditionem mutare e meliori in peius*.

Onderste. (*'en*) *Vestis muliebris, dorsum et pectus tegens.* Dicitur *onderste*, quia reliquis vestibus mulierum superioribus tegitur. Etiam apud Frisios.

Onnuur five *onhuur.* *Sordidus, immundus, turpis.* Fortasse compositum ex *on* et *nuver* (scilicet, ut velis, ex *on* et *nürig* Saxonum), quod vide supra; forsitan etiam contractum ex Germanorum *ungeheuer*; *ge* enim a Groninganis sexcenties abimitur, ut in *zond, makkelijk* pro *gezond* etc. Prius illud proponit WHILANDUS, posterius WASSERBERGIUS.

Ontuug. *Sordes, immunditiae.* Belg. *ontuig*; etiam Frisio notam.

Ordeneieren. *Iudicare de aliqua re, putare, censere*, v. c. *wat ordeneier-*

ste van 't weer, Knellies? quoniam tanta est sententia de futura coeli temperie, Cornelis? Corruptum est ex Lat. *ordinare* et propria significat *iets met zijn verstand beschikken of bepalen*. Memor sis, v. e. spurii vocabuli *voerverordining*, i. e. *voorbeshikking*.

Ort. *Reliquium pastus pecudum in stabulis.* Anglis *orts* significant: *fructa residua, cibus supervacaneus; int et ort apud wachtrum explicatur epulum, praecipue festivum.* Cf. etiam *Brem. N. S. Wörterb.* in voce *ort*. Hinc

Orten. *E pastu optima eligere, caetera relinquere.*

P.

Paikamer. Est ea camera, quae extensis fenestrarum iugamentis a vestibulo sive officina separatur, ita ut lux in eam penetrare possit. Cf. *WASSENBERGIUS* in voce *peikamer*.

Pazen. Calcare, consuloare; sic rusticum quemdam narrantem audiavi *schao-pen bin goud ien 't land, jobenaom 's waars, as ze 't gree nyt weg pazen*, i. e. *oves profunt agris, praesertim tempore autumnal, quum gramen pedibus non conterunt.* Cf. nostrum *pas*, i. e. *gressus*. Inf. Sax. *pedden* significat *ingredi, calcare*, quod idem est, ac Graecorum *πατεω*, unde *πατος*, *via trita, calcata*, nostrum *pad*, apud Saxones *padweg*. In veteri Anglico idiomate *pase* idem est, atque hodiernum *peise, poise*, i. e. *ponderare*; cf. *IUNIUS*.

Permantig. *Superbus, superbe.* Imprimis usurpatur de *incesso*, ut *hi gait der permantig lange, superbe incedis*. Si Latinum *permanens* seriori aevō notionem superbiae habuisset, non alienus casum a coniectura, vocabulum *permantig* corruptum esse ex *permanentig*, et hoc barbare dictum pro *permanens*.

Pelen. *Pausen et pelen*, unde *anpielen* i. e. *continuo et magna patientia in re quadam occupatum esse, zich onopgemerkt al zachtken op iets bevlj-tigen, met geduld en aanhoudend werkzaam zijn.* Idem, quod Frisiorum *aanpielen*, de quo cf. *WASSENBERG.* in voce *pielen*.

Pimpelen. *Bibere, potare lentis haustibus, sed continuo, ita ut tandem ebrii evadamus.* Frequentativum est a Danico *pimpe*, quod Germanis dicitur *ein wenig nippen aus dem Glase*.

Posp. Convicium in ita dictos *Velingios*, (*een scheldnaam der maaijers uit Westfalen*) qui se invicem salutare solent nomine Germanico *Bube*, i. e. *jongen*, unde nos-

trum *boef*; cf. *WEILAND* in voce *poep*. Vocantur illi homines per contumeliam etiam *moffen*, quod, iudice *BILDERDYKIO*, origine sua nihil aliud significat, nisi *mesforës*, ab Anglorum scil. verbo *(to) mow*, apud Anglo Sax. *mawan*, apud Danos *meje*, apud nos *maaijen*, i. e. *metere*. *Poesten*. *Flare*, *sufflare*, *inflare*; ab antiquo Germanico *bauzen*, quod eiusdem est significationis; cf. *WACHTERUS* in *bauzen* et *WEILANDUS* in voce. Danis est *puste*. Inf. Sax. *pusten*.

Pokkel. *Dorsum*. Hoc vocabulum proprie significat, *gibbum*, quo sensu Dani suo *pukkel* utuntur, Germani *Puckel* sive *Buckel*, nos *bogchel*. Per contemptum igitur pro *dorso* dicitur, nisi potius Gron. *pokkel* et Germ. *buckel* diminutivum esse censeas veteris substantivi *bach* sive *bak*, i. e. *tergum*, quo utuntur adhuc Angli, et quod nobis remansit in *achterbake* pro *achter den rug*.

Ponge. *Crumena*, *faccus*, in Gelria *penge*. Danorum *punge* etiam crumenam notat. Usitatissimum quoque est *punge* apud Inf. Sax.; cf. *Brem. N. & Wörterb.* in voce.

Potje. *Infans*, *puella*; usurpatur plerumque a rusticis nostratibus de filiola, natu minima. Aut diminutivum est *rov boy*, quod Anglis *puerulum* significat, ita ut sit corrupte pro *boitje*, aut derivandum est a Danorum verbo *patte*, i. e. *zuigen*, ita ut sit *lactens* (*een zuigeling*), qui Danis *en patter* dicitur; aut denique contractum est ex *poppetje*, *een klein kindje*.

Potsen sive *poetsen*. *Purgare a sordibus*, *ornare aliquid*; Germ. dicunt *putzen*, quod *WACHTERUS* derivat a Latino *putus*.

Prietjen. *Diu de emtionis pretio contendere*, *licitari*, alias *handjebakken*. Vocabulum originis Danicae. Danis *prutte* significat *licitari*, Belg. *din-gen*, *afdingen*; *en prutter* iis est *een afdinger*, *prutning het afdingen*. I, more Frisiorum et ipsorum Danorum inserto, a *prutte* oritur *prutje* sive *prietje*. Cf. *LULOFS Schets*.

R.

Ragchen. *Calumniari*, *iactare verba*, *minas in aliquem*; cf. Germ. *rächen*, i. ð. *ulcisci*.

Rakken. *Obscoenum laborem perficere*, *aliquid putigare ab obscenitatibus*

casque eiicere; idem quod antiquum Tent. *rekken*, *eiicere*. Cf. Belg. *rakker*.

Reike. Idem, quod alibi dicitur *een schommel*, *schop*, *ruil*, *touter*.

Reis. Aliquando, una vice, Belg. *eens*, ut: *geef mi reis 'en doetje*, five *bekkien*, vern. *geef mij eens een kusje*. Etiam alibi in vernacula lingua est in usu.

Rige. *Series*, *ordo*. Ang. *row* et *ridge*, Germ. *Reihe*, *Reigen*, Belg. *rij*, *rei*; Inf. Sax. *rege* et *rige*.

Rive. *Rastrum*. Belg. *een hark*.

Rim. *Margo alicuius rei*, v. c. *van een' schoorsteen*. Apud Anglos est *rim*, apud Anglo Saxones *rima*, apud Suecos *rimsa*; cf. *Brem. N. S. Wörterb.* in vocibus *remmen*, *rimm* et *raam*.

Rinkelmandje. *Mensura quaedam*, five *vasculum cerevisiae*; Frisiis etiam notum. Cf. WASSENB. in voce.

Ripe. Belg. *de kleine blinkers*; cf. Latinorum *ripa*, et Danorum *ripe*, quod iis *margo scaphae* est. Quod Groningani *ripe* vocant, Frisiis dicitur *het slecht*, de quo WASSENBERG in disertatione de nominibus propriis Frisorum, appendice 6, pag. 155, ubi docemur, quid *rijp* five *ripe* olim fuerit, et multa nomina vicorum vocabulum illud adhuc servare, v. c. *Dronrijp*, *Garijp*, *Hardegarijp*, *Rijperkerk*, etc.

Roep. *Scolopendra*, Belg. *eene rups*. Germani dicunt *Raupè*. Frisii *ruip* vel *ruup*. Gelri *roep*.

Roeze. (*in de*) Idem, quod vernacule *in de gisfing*, *raming*. Usurpatur imprimis, cum quis ad singularum rerum emendarum pretium non accurate attendat, sed pro omnibus rebus, quae ementur, simul unum pretium constituat. Id dicitur *in de roeze kopen*. Vid. cl. WASSENB. in voce *roes*.

Ruiven. *Rapa* five *rapas*. Germ. dicunt *rüben*, Inf. Sax. *röven*. Sic v. c. in Inf. Sax. (*Plattd.*) lingua proverbium est: *wurtelen un röven achter fastel-avend*, *un ene deern achter dartig juren de hebt beide den smak verlaren*. Ang. *rape*, Gal. *rave*, Belg. *raap*; cf. *Brem. N. S. Wörterb.* in voce *röve*.

Rusken. *Iunci*, *scirpi*; A. S. *resc*, *risk*, *aerisc*, Angl. *rush* et *bul-rush*, Inf. Sax. *rusk*. Nomen hoc accepisse videntur a *strepitu* et *sufurro*, quem edunt, quum vento agitantur, ut origo sit quaerenda in Belg. *ruischen*, pro quo Germ. *rau-*

ſchen, Inf. Sax. *ruſten*, Angl. (to) *rustle*, Sued. *ruſa* etc. etc. cf. *Brem.*
N. S. *Wörterb.* in voce *ruſt*, WEILANDUS in *ruſch*.

Rijve five *reive*. *Instrumenta*, Belg. *gereedschap*. Frifi habent *reesuw*, de quo WASSENB.

S.

Sags. *Facile*. V. c. *ik kan dat ſags doen*. Est, ac ſi dixeris: *ik kan dat wel zoo zoetjes en zachtjes, zoo zonder veel moeite doen*. Dani eadem ratione adverbio ſuo *ſagtens* utuntur.

Schadde. *Umbra*, Germ. *Schatten*, Belg. *ſchaduw*. Etiam apud Frifios.

Schamel. *Fulcrum*, *ſuſtentaculum*, tribus vulgo, interdum quatuor pedibus inſtructum. Tali ſuppellectili agricolae inſident, quum vaccas mulgent, et ſic etiam in uſu eſt vocabulum *weige-ſchamel*, i. e. *cuniarum fulcrum*. Cf. WASSENB. in voce *ſchamel*.

Scheel. *Discrimen*, *rixa*. Vern. *verſchil*, *onderſcheid*. Saepe occurrit apud HUIGENS. Plura videas apud WASSENB. in voce.

Schillig. *Limus* pro *ſcheel*. Frif. *ſchijlig*, quod vid. apud WASSENB.

Schenzen. *Fasces*, Belg. *takkeboſen*. Vide, num hoc vocabulo Groningano forte explicare poſſis Belg. et Germ. *ſchans*, *ſchanze*, *verſchanſing*, in cuius etymologia multum deſudat WACHTERUS. Nonne, quod *ſchans*, i. e. *vallum*, *munimentum*, vocamus, origine ſua agger eſſe potuit, fascibus ligneis et terra exſtructus? Equidem hac de re nullus dubitem, cum mihi ipſi talia munimenta ſaepius videre licuerit.

Scherbilſkop. *Perſona*, vern. *een momaangezicht*. Inf. Sax. dicunt *ſcherbellenkop*, Germ. *ein Scherbenbild* five *ein Fratzengeſicht*. Porro *ein Zerrbild* hodie apud Germanos ſignificat, quod nos nominamus *eene caricatuur*.

Schjer. *Mundus*, *purus*, *ſordium expers*. Vet. Frifiis *ſcir* ſignificabat *album*, *candidum*; hinc *Schiermonnik-oog* proprie eſt *inſula monachorum albicantium*. Quam interpretationem WACHTERUS ſe MENSONI ALTINGIO debere fatetur. Ang. Sax. *ſcir* five *ſcire*, Vet. Frif. *ſcir*, Island. *ſeyr*; cf. WACHTERUS in *ſchier*, WIARDA in *ſcir*. Hinc Groninganum *ſchierſchoonen*, i. e. *mactatorum animalium*, imprimis *vaccarum*, *intestina purgare a ſordibus*. De *ſchier* apud Frif. WASSENB.

Schink. *Perna*, *petaso* (*een ham*). Ang. Sax. *ſcanca* eſt *crus*, *tibia*; cf. WACHTERI Gloſſarium in voce et WASSENB. in *ſchinke*.

Schoer. *Nimbus, procella.* Meso-Gothis audit *skura*, Ang. Sax. *seur*, Suecis *seur* et *regnstur*, Anglis *shower*, Germ. *Schauer*. Illud *schoer* eiusdem plane originis esse videtur, ac Belg. *schœur*, ita ut proprie sit *disruptio nubium* sive *eruptio ventorum et pluviarum*. Cf. IUNIUS in *shower*, qui in eadem versatur opinione; vid. praeterea WEILAND et WASSENBERG in voce, *Brem. N. S. Wörterb.* in *schuur*, et WACHTERUS in *schur*.

Schoeven. *Propellere*, pro vulgari *boomen*, i. e. *een schip voortduwen met een' langen stok of boom*. Cf. WASSENBERG in voce *schuiven*.

Schrol. Idem est origine sua et significatione, quod Belgice *een grol* sive *gril* vocamus. Danis est *skrolle*, Germ. et Inf. Sax. *schrulle*. Verbum *schrollen* Belgis adhuc usitatum est, non aequè *schrol* substantivum. De Frisiorum *schrol* cf. *ΕΡΚΕΜΑ* ad G. I.

Schrompelig. *Rugosus, contractus*, Belg. *rimpelig*, *zaamgetrokken*; cf. Germ. *schrumpfen*, i. e. *rugare*; *contrahere*. Etiam est apud Frisios.

Sibbe. *Affinis, cognatus*. Hoc vocabulum in Provincia Groningana semper de personis usurpatur, etiam si in linguis cognatis affinitatem ipsam vulgo indicet. Cf. Ang. Sax. *syb*, *sybbe*, *cognatio*, *affinitas*, Germ. *sippe*, *Sipperschaft*. Vet. Fris. *fibbe* etiam significat: *cognatus*. Cf. WACHTERUS in *sippe*, *Brem. N. S. Wörterb.* in *fibbe*, WIARDA in *fibbe*, WASSENBERG in *fib*, IUNIUS in *fibb* etc. etc.

Sieken. *Abrupte spiritum ducere, halitare*. Usurpatur praesertim de puerulis, inter lavandum animam ducentibus. Etymologia videtur in *zicken*, *ziek*, *zucht* etc. *Sican* apud Angl. Sax. significat *suspirare*, pro quo Angli nunc (to) *figh*. Dani dicunt *sukke*. *Süken* apud Inf. Sax. notat *aegrotare, languere*. Et sic nos dicimus *waterzucht* pro *waterziekte*. *Ziegen* (Frisiis *siegen*) apud Groninganos est, quod Belgice *togten* vocamus. *Sieken* Frisiis est *spirare, animam ducere* et etiam subst. ipsa *anima*. Cf. WASSENBERG in voce.

Siepel. *Bulbina, (een uije)* Inf. Sax. *fibol*, Germ. *Zwibel*, Danice *svibel*, Fris. *spel*.

Slank. *Tenuis, exilis, gracilis, qui corpus suum facile movet ac procera et eleganti gaudet statura*, v. c. *'en slank wigt* sive *mafsien*. Germ. dicunt *schlank*; v. c. *mein schlankes Mädchen ist es werth, dass ich ihr Küsse gebe*. Frisiis etiam notum; vid. WASSENBERG.

Sladderig. *Immundus*, Belg. *vuil*, *morsig*, *inzonderheid bij de straat*. Affine

videtur vern. *flodderig*, et Germ. *schlotterig*. Inf. Sax. dicunt *flatterig*, et *fladderig*, quod. posterius Hamburgensibus *immundus*, *squalidus*, *oblimatus*, *luto aspersus* est; cf. Anglorum adiect. *flattern*, Danorum *flatte* etc., Forte huc etiam facit Frisiorum *flatten*, i. e. *uitmodderen*.

Slei. 1°. *Tinca*, piscis quidam, qui Belg. dicitur *zeelt*, Germ. *Schleije*, Inf. Sax. *flie*, Dan. *flie*; Frisiis *slei* interdum *muidhond* dicitur; vid. WASSENB. in *muidhond*.

2°. *Slei* etiam adiective occurrit, sed alia significatione.

Sleifer et *sleifertien*. Saltus quidam, (*eene zekere soort van dans, een wals*) Germanis dictus *Schleifertanz*, a *schleifen*, Belg. *slepen*.

Slenters. Fuitiles excusationes, mendacia, Belg. *uitvlugten*, *leugens* etc. Explicet, ut sint *slender*— five *slenterwegen*, i. e. *uitwegen*, *uitvlugten*, a verbo *slenderen*, i. e. *lente et oblique se movere*, *otiose hic illic vagari*, *ambulare*.

Sloeg. *Piger*, *iners*, *desidiosus*, (*lusteloos*). Affinia videntur Anglorum *slow*, *lothfull*, five *sluggish*, i. e. *piger*, *iners*, Frisiorum *sloeg*, *sluwgjen*, *sleus*, i. e. *piger*, *hebes*, *tardus*, Gelrorum *slee*, i. e. *stupidus*, *obtusus*, de quo Teutonista. Convenit porro cum Danorum *sløv*, *tardus*, *hebes*, *stupidus*, *obtusus*, veteri Belgico *sloef*, i. e. *homo discinctus*, *sordidus*, *disolutus* et cum pluribus aliis eiusdem familiae, v. c. cum Belg. *slof* cet.

Slyf. 1°. *Trulla lignea*; cf. Dan. *slæve*, Fris. *sleef*. 2°. *homo invenustus*, *tardus*, tam corporis, quam animi ratione habita. Danorum *sløv* significat: *stupidus*, *obtuso ingenio*, *tardus ingenio*, idem quod memoratum *sleu*, *sloeg* cet.

Snarren. *Gloriari*, *ostentare*, Belg. *pogchen*, *opsnijden*. Contraetum, si velis, ex Germanorum *schnatteren*, i. e. *crepitare*. Proprium illud *anatum* et *ciconiarum* est, sed contemptui, inquit WACHTERUS, dicitur de *garrulo* et *nimia loquacitate stridulo*. Ipsum autem *schnarren* Germanis est *per nares loqui*, uti *schnarchen* est *stertere* (*snorken*). Inf. Sax. (*Plattd.*) *snarren* significat *crepitare*, *affremere cuidam* etc. Ex uno alterove horum vocabulorum Groninganum *snarren*, quocum cognatum puto adiectivum *snir*, quod loquitur infra, facile deducas. *Snarren*, sensu *gloriandi*, etiam apud Frisios; vid. WASSENB. De *snarren*, *snirren*, *snorren*, *snurren* vid. Brem. N. S. *Wörterb.* *Snar* apud CATSIUM de clamore anserum.

Sneidig. *Amare*, *amarulente* (*schielijk en te gelijk wat vinnig*); cf. Germ. *schneidig*, *schneidend*, et, significatione mutata, Belg. *sneidig*, Inf. Sax. *sneidig*.

- Sneu.** Idem, quod ad eius originem, ac Germanorum *schnod* five *schnöde*, Belg. *snood*, i. e. *vanus*, *vilis*, *despicatus*, *pravus*, et vi suae originis olim forte *nudus*, *egenus*, *expers*, *privatus*, *deslitutus* (cf. WACHTERUS), e quibus diversis significationibus notio peculiaris Groningani *sneu* est componenda; v. c. *wanneer A op een post hoopt, waar B mede gaat strijken, dan wordt A gezegd sneu daar af te zijn gekomen*, five *dat is sneu veur A*. — Frisii *snoad*, *snood* est *callidus*, *intelligens*; cf. EPKEMA. Quot autem diversas significationes in diversis linguis *snood*, *snöd*, *snöe* acceperit, vid. in Brem. N. S. *Wörterb.* ad vocem *snöde*, *snöe*.
- Snik.** *Cymba*, *navicula*, Belg. *een trekshuit*. WEILANDO haec vox affinis videtur Belgico *smak*. Ang. Sax. audit *snacca*, Isl. *sneccia*; cf. WEILANDUS in voce et WASSERB.
- Snir.** *Celeriter et paululum amarulente* (Belg. *wat viunig*); v. c. *de woorden gingen hom snir of*. Vide supra *snarren*.
- Spei.** 1°. Subst. *saliva*, *sputum*, Fris. *spui* (*spog*) 2°. adiective sumitur et idem fere notat, quod *sprii*, de quo infra. *Spy* five *spei* scilicet dicitur de eo, *quod quam maxime et vehementer cadit in oculos*. Originem habere videtur in antiquo verbo *spæhan* five *spiohon*, unde postea Germanorum *spähen*, Belgicum *spieden*, Anglicum (*to*) *spy*, etc., quorum omnium prima significatio est *videre*. Hinc Gron. adiect. *spv*, κατ' ἔξοχην notare potuit aliquid, *quod distincte videre possumus*, *quod oculos ferit*, *quod visum percellit*. Eadem scilicet fere analogia Latinorum *spectrum* fit a *spectare*, five a *spicere*. E priori autem illa significatione, quae Belgice forte redatur *oogtreffend*, facile defluere potuisse notionem hodiernam ingratam Groning. *spei*, non est, quod moneam. Res enim, quae imprimis feriunt oculos nimio suo splendore similesve ob causas, visui saepe sunt molestae et iniuncundae. Apud Inf. Sax. *speye* est *illudens*, *ridiculus*, sed alia est origo huius vocabuli. *Spye* iis, uti Danis; est *saliva*.
- Spieren** five *bespiieren*. *Impedire sponsalia, nuptias (de geboden suiten)*. Vox *bespiieren*, pro *impedire*, *occupare* est apud PLANTINUM, et *verspiieren* apud KILIANUM. Invenitur etiam apud poetam Groning. celeb. TRIP, *Tijdwinst in ledige uren*; cf. LAMAN *Aanl. tot de Groninger regtskennis*, pag. 27 et 28, et LAURMAN in voce *spieren*, pag. 117. Vide etiam WASSERB.
- Sprii.** *Aliquid, quod oculos vehementer afficit*. Dicitur imprimis de coloribus

splendidis, et sumitur vulgo in malam partem. Sic etiam dicitur 'en *spril peerd*, quo non indicatur equus, talibus coloribus splendidis ornatus, sed, equus, talibus coloribus vel alia quadam re perterrefactus; hinc in universum *een dartel, wat schichtig paard*. — Vide, an *spril* forte contractum sit ex *spriemel a spriemelen*, unde verbum *spriemeloogen*, de quo WEILAND. Affine vocabulum in linguis sororibus melatet, nisi confugere velis ad Germanorum *prellen* et *prallen*, i. e. *vibrare et vibrari*, et ex eo fonte, praeposito sibilo, (quod non rarum) derivare nostrum *spril*.

Stadig. *Temperatus, moderatus, modestus*, v. c. 't is 'en *heile stoadige jonge*, *iuvenis est valde modestus*. Ang. *steady* est *firmus*. In lingua vernacula *gestadig* significat: *continuus*.

Stakker. *Homo infelix, miser, pauper*, v. c. *en arme stakker*. Vox Danica. *Stakkels* enim Danice significat *pauper, infelix*. *En stakkel* est *homo miser*.

Steevast pro *stedevast, certissime, sine dubio*. Ang. *stedfast* est *constans, stabilis*; inde adv. *stedfastly, constanter*.

Stevel. *Ocrea*, Inf. Sax. *stewel*, Sued. *stövvel*, Dan. *støvle*, Germ. *Stiefel*; cf. *Brem. N. S. Wörterb.* in voce.

Stengeldoorn. *Papilio albus*.

Stiege. *Numerus five collectio viginti*, Lat. barb. *stega* et *stica* (*een twintigtal*). Vet. Fris. est *stiga*; cf. *WIARDA* in *stiga*, *Brem. N. S. Wörterb.* in *stige*, *LAURMAN* in *stijg*. Hodie Frisii dicunt *sneess, wassere*.

Stoens. *Austerus, asper, insuavis*, Belg. *stuursch, onvriendelijk*. Vide, num referre possis ad Anglicum *stun, stunned*, i. e. *obstupefactus*.

Stoer. *Perquam difficilis*, v. c. *stoere arbeid*. Vox Danica. Danis *stor, store*, est *magnus, validus, durus, difficilis*. Inferioribus Saxonibus etiam notum, qui *stuur* scribunt, sed *stoer* pronuntiant. Cf. etiam Anglorum *sturdy*, etc.

Stökelen. v. c. *met een tang in het vuur*. Nihil est, nisi frequentativum *τοκτοκεν*.

Stubber. *Scopae pro een stoffer five stofbezemtje*; hinc *oetstubby, i. e. munda, purgare*, Germ. *ausstauben*. A *Staub*, Belg. *stof*.

Strunen. *Perscrutari aliquid, ut inde fructus redundant*. Anglosaxones ha-

bent verba *streonan* et *strynan*, varias habentia significationes, v. c. *rou foenerari, acquirere, lucrari, generare* etc. Inde Groninganum vocabulum forte derivandum.

Swat. Ordo, quo *stratum iacet gramen mesum*. Angl. Sax. *swathe* significat *vestigium*, quae significatio, si nugari velis, congruere videtur cum Gron. *swat*, quoniam gramen, quod metitur, cadit fere in mesorum vestigia. Anglis *a swathe of gras* (secundum IUNIUM) est *series vel recta linea graminis defecti, quod longo tractu referat institam vel taeniam, in longum exporrectam*. Sed quid haec omnia sibi volunt? Groninganum *swat* Belgice audit *zwade*, quod WEILANDUS et WASSEN. rectissime derivant a *zwaaijen*, (uti *made* a *maaijen*, *gloed* a *gloeijen*, *vloed* a *vloeijen*) ita ut nihil aliud sit, nisi *de zwaai of streek, dien de maaijer met de zeisfen doet, en het gras, dat daardoor valt*. Pari fere ratione Anglo Sax. *swath* inter alia significat *scissionem, rasuram*; *swathe* vero, uti diximus, *vestigium*. Frisii pro *swat* dicunt *swee*; de quo WASSEN.

Swien. (*Zwijn*) semper Germanorum et Danorum more pro *varken*.

Swiet. Secundum scriptores Brem. (*Brem. N. S. Wörterb.*) vocabulum antiquissimum, in Provincia Gron. tamen hodiernum usitatisimum ad indicandam admirationem; significat proprie *valde*. Sic e. g. dicitur *das (dat is) nou den swiet*, vern. *wel, dat is verbazend!* Ang. Sax. *swithe* est *valde*, Vet. Angl. *swithe* notat *vehementer, promte*. De veteri Belgico *zwydig*, i. e. *valde*, eximis cf. WEILAND in *zwijdig*. WASSEN. in *swiedig*.

T.

Tai. *Ovis*; usurpatur plerumque a pueris.

Teems. *Cribrum (een zeef)*. Vocabulum fere Danicum. Danis *Tims* est *crebellum, spissa et minuta foramina habens*; verbum *timse* iis est *cribrare, cernere, (ziften)*. KILIANI tempore *tems* five *temst* pro *cribro* et *temsen* five *temsten* pro *cribrare* apud Belgas etiam occurrunt. Nec *tems* pro *cribro*, *spisse cernenti* hodie hic illic inusitatum. Vid. WEILAND. et cf. WASSEN.

Teimen. *Ea ratio foeni, per agrum in serie dispersi, in cumulum colligen-*

di, quae fieri solet per equos trahentes. Hinc teimtuug sunt instrumenta, huic actioni inservientia. Vocabulo teiman lucem adspergi posse videtur ex iis, quae habet IUNIVS in Etymol. Ang. ad vocem team, i. e. temo; eiusmodi enim instrumentum ante alia ad hoc opus pertinet. Praeterea vide WASSENB. in tiemen.

Tets. Habena, sive equi retinaculum, pertinens ad aratrum. Tedder veteribus Anglis est equi retinaculum, tuidr Islandis est funis, quo equi vel pecora ligantur. KILIANUS habet tets significatione ictus palmae, sed hoc longe aliud est vocabulum, ac nostrum tets. Sed tudder et tuijer ei est pedica, lorum, loramentum, restis, quibus pecora in pascuis vincuntur. Inde tuijeren, vincere pecora. Anglis (to) tie est ligare. Haec vocabula ad Groning. tets facere videntur.

Tibbe. Aliquis, qui MENNONIS sectae addictus est (een Mennoniet). Unde? Origine sua hoc vocabulum eum significare videtur, quem Belg. vocamus een sjne. Scilicet in Holsatia homo, qui immodicam morum austeritatem praese fert, et a mundi voluptatibus prorsus abhorreere videtur, vocatur 'en Zib (pronuntiandum t/sp). Dani eiusmodi hominem appellant 'en sfp, quod t/sp et sfp in dialectis Belgicis, quae Germanorum z et s plerumque mutant in t, audire debet tib, sive productius tibbe. Haec autem etymologia non prorsus repugnat pristinae indoli sectatorum MENNONIS.

Sic porro in Inf. Sax. lingua (*Plattd.*) puella, sive mulier fastidiosa, quae contractis labiis (*met een gespitst mondje*) loquitur, et ad hilares iocos nasum corrugat, *Jumfer Sipp* vocatur. *Den mund sipp trekken* significat contrahere sive acuere labia. Ab aliis vero audiui, MENNONEM habitasse domum, dictam *de tibbe*, et inde illius sectatores dici *tibben*. An verum sit, nec ne, non definio.

Tieren (zich) se gerere (zich aanstellen) v. c. submisso sive honeste; hy tieret zök gek, insanum agit. Cf. WEILANDUS et WASSENB. in voce.

Tit, plur titten. Mamma, uber, fons lactis tam hominum, quam animalium; Inf. Sax. tittle, Graec. τῆδος et τῆδν. Ang. Sax. tit, tiht, et tyht. Germ. Zitze, Ang. teat, Ital. tetta, Gall. tette, tétou, etc. Omnia a themate tiën, Germ. ziehen, i. e. trahere, Belg. trekken, ut sit nihil, nisi treklid, lid, waaruit men trekt of zuigt.

Rem igitur acu non tetigisse videntur illi, qui dicunt; *tit* certe esse loco *tip*, (*summitas*). Praeterquam enim, quod talis consonantium permutatio a Teutonicis linguis fit aliena, insuper etiam plurimis linguis, mutatis tantum interdum vocalibus, haec vox propria fuisse videtur.

Toeze. (*in de*) *Confuse*, *complexa* (*in de war*, *verwarring*). Hoc vocabulum, dialectorum diversitatis ratione habita, in vernacula cultiori efferreretur *in de tuiſe*, i. e. *in de tuizing* vel *tuiſching*, nam *ui* apud Groninganos fit *u* vel *oe* (vid. supra). *Tuiſchen* autem et derivatum *vertuiſchen* apud nostrates significant *cambiare*, *res rebus permutare*, idem igitur, quod Inf. Sax. *tuusken*, Germanorum *tauschen*, *täuschen*, licet posterius illud *decipere* notet. Potest igitur *in de toeze* initio significasse *in permutatione*, et deinde, causa sumta pro effectu, *in confusione*, quia ex confusione saepe oritur, ut res una cum altera permutetur. Alia Etymol. petatur ex Inf. Sax. *teusen*, cui affine *tusen*, *tuseln*, i. e. *negligenter relinquere*, *dispergere*, *discerpere*.

Tuimig. Non multis occupationibus praesens, vacans a labore. Vet. Fris. est *tömig*. Danis *tom* est *vacuus*, *inanis*, quibus vocabulum Groninganum satis explicatur. *Tuimen* sive *tömen* significat *morari*. An huc facit Belg. *zuimen*?

Tweibak. Idem, ac Belg. *beschuit*. Frisii dicunt *twiebak*. Est *bis coctum*. *Twenter*. Vid. supra ad vocem *enter*.

U.

Ulk. *Mustella*, *viverra*; uti apud Inf. Sax. Vet. Frisii haec animalia etiam dicebantur *ulke*. Nunc Frisii saepediciunt *mud* vel *murd*, de quo WASSER.

Utiſte. Rarius *uterst*. Honor supremus, qui mortuis praestari solet, ipsa humationis solemnitas et imprimis convivium funebre. Etymologia est in nostro *uiterst* sive *laatst*, ita ut sit elliptica dicendi ratio pro *de uiterſte* sive *laatſte eer*, vel simile quid.

V

Valge-land. Terra novalis, sive arva cessata, quae fertilitatis causa saepissime arantur. Ang. *fallow-field*, Belg. *braakland*. Hinc *valgen* apud Gron. et Inf. Sax. dicitur *iterum iterumque arare*, *volvare terram*, quod convenit cum Meso-Goth. et Anglo-Saxonico *walwian* et Ang. *(to) wallow*, i. e. *verte-*

re, volvere. Cf. *Brem. N. S. Wörterb.* in voce *falge* et *falgen*, *WACHT.* in *walgen*, *IUNIUS* in *walujan* aliique.

Venne. *Ager, pratum, pascuum* (een stuk weideland). *Vet. Fris. fenne.* *Fen* apud *WACHTERUM* proprie significat *paludem* sive *locum palustrem*. *Ang. Sax. et Ang. est fenn, Isl. fen.* Vide supra in *fen*.

Verdold. *Valde, vehementer* etc. v. c. *das* (dat is) *den verdolde mooi, hoc est pulcherrimum.* Propria huius vocis significatio esset *insanus*, ad *insaniam* redactus, a *Belg. dol.* Usurpatur igitur eadem ratione, qua *verduiveld, ijselijk*, *Gron. euvels* sive *ijbals*, et quae eiusmodi sunt plura.

Vergangen. Germanice pro *verleden* sive *voorleden* ab antiquo verbo *gan-gen*, (*gaan*).

Vervaren. *Mutare habitationis locum*; (*Belg. verhuizen*) ab *Inf. Sax. varen*, i. e. *commigrare*.

Ververen et verveerd. *Perterrefacere, perterrefactus.* Sic *Inf. Sax.* habent *verværet*, *Belgae vervaard*, ab *Inf. Sax. vare*, olim apud nos *vaer*, *Ang. fear*, idem ac nostrum *vrees*.

Vlint. *Silex.* *Ang. et Dan. flint* etiam notat *een kei- of vuursteen*.

Voel. *Callidus, astutus.* Apud *Inf. Sax. vuul*, apud *Belgas vuil*, quae tamen alias significationes habent, uti *German. faul*, *Dan. fuul*, *Angl. foul*.

Vurge. *Sulcus.* *Ang. Sax. audit furh a fyrian arare*, *Ang. furrow*, *Germ. Furch*, *Belgis et Hannover. vore*, reliquis *Inf. Sax. vare* vel *vaart*. Omnia a *faren*, i. e. *trahere*. *WACHTERI* derivatio a *brechen* displicet scriptoribus *Bremenlibus*. Vid. *Brem. N. S. Wörterb.* in voce *fars*, *WACHTERUS* in *furch*.

W.

Waar. *Forfun.* Haec vox ea significatione tantummodo usurpatur in interrogationibus, v. c. *hi schryt ja, het hi waar vallen*, pro *hi schreit immers, is hij mischien gevallen?* Est vel pro *waarschijnlijk*, vel pro *is het soms waar, dat hij*, etc. ut plenior foret sensus *hette*, (pro *het hi, heeft hij*, i. e. *is hij*) *is het soms waar, vallen?* Eadem autem ratione pro *forte* *Inf. Sax.* dicunt *meenst du woor?* *Germ. meinst du etwa, putasne forsan?*

Waores. Ab aliis usurpatur tantum pro *vere*, ab aliis tem pro *veris*, quam pro *autumni* tempore. Vocabulum Scandinavicum. Nam *Danis vaar* est *ver*, uti *Snecks waar, waartid*, (*Gron. waorstied*, i. e. *lentetijd*). Horum omnium affinitas cum *Latinorum ver* satis videtur probabilis.

Wafchop. Nuptias. Inf. Sax. audit *waarfchap*, Vet. Frif. *waarſchap*. Est a *wären*, i. e. *cautionem*, *evictionem præſtare*, apud Inf. Sax. in uſu.

Welteren. Gravi quodam instrumento equæ rotundo agrum volvendo planare. Frequentativum videtur Germanici *wallen*. A. S. *wyltan*, et Ang. (to) *welter* ſignificant *volvere*. Inf. Sax. audit *wälteren*, *wolteren* vel *wehlen*, quibuſcum of. vetus Belg. *woelteren*, i. e. *volvere*. Cf. Brem. N. S.

Wörterb. in voce *wälteren*, WIARDA in *walen*, IUNIUS G. G. in *walwjān*.

Wichter. Dicitur ſpecialiter de puellis adultis, v. c. de *Groninger wichter*.

Wierde. Locus exaggeratus, reliqua circumiacentis terræ planitie elatior.

His locis antiquitus plerumque ædes ſacræ erant ſuperſtructæ, et ad ea maiores noſtri, quo melius inundationis periculum evaderent, confugiſſe videntur. Cf. *Tegenwoordige ſtaat van Stad en Lande*, Tom. I, pag. 25. Cum *wierde* omnino conferri meretur Germanicum *werd*, ſive etiam *werder*, i. e. locus ſolidus inter paludes vel rivos, quam vocem nos habemus in *waard*, v. c. *Thieler waard*. Cf. WACHTERUS in voce *werder*.

Hinc aliquot pagi in Prov. Gron. nomen acceperunt, ut *Opwierde*, *Uitwierde*, *Holwierde*, (antique *Helewyrd* ac deinceps *Halewirth*, forſan *eene heilige hoogte*,) de quibus of. *tegenw. ſtaat van Stad en Lande*, Tom. II, pag. 363. Inf. Sax. pro *wierde* dicunt *wuurt*.

Woord. *Mas anatis* (een mannetjes eendvogel). Hinc dicendi formula æquivoca *woorden down het nyt, maar eenden leggen de aijer*, i. e. verbis rem abſolvere non poſſumus, ſed factis.

Woul. *Foſſa in agro, tres pedes lata, tres alta*. Forte a verbo *woelen*, de quo WEL.

Wröſſelen. *Luctari, colluctari*. Per literæ tranſpoſitionem idem, ac Belg. *worſtelen*, quod Angliſtis eſt (to) *wrestle*, forma nempe frequentativa ſimplicis verbi (to) *wreſt*, (apud Angl. Sax. *wreſtan*) forte eiſuſdem originis, atque (to) *wrench*, i. e. *contorquere*. Inf. Sax. dicunt *wreuſſen*, cuius frequent. foret *wreuſſelen*; quod proxime accedit ad Gron. *wröſſelen*.

Y.

Ybale. Est vox, admirationi de re quadam indicandas inſerviens. Uſurpatur tam adiective, quam adverbialiter. Sic v. c. dicitur *ybale mooi*, i. e. *pulcherrime*; *hi ie ybale knāp*, *ſupra modum doctus eſt*; *ybale klappen*, *plagæ, alapæ vehementes* etc. Vox *ybale* urbi Gron. tantum propria eſt, et corruptam eam puto ex *eybele*, quod eadem ſignificatione in Provin-

cia est nfitatissimum. Cf. Belg. *euvel*. Inf. Sax. *oevel*, Germ. *übel*, Angl. Sax. *yfel*, Ang. *evil*. Haec omnia *malum* significant. Belgicum *duivel* quidam explicant *de euvels*, i. e. *de booze*, quod Anglica lingua confirmatur, in qua nostrum *duivel* audit *devil*, i. e. *de* (vel ut Angli dicunt *the*) *evil*. *Ybals*, five *euvels mooi* idem igitur fit, ac *duivelsch mooi*, *eeuwig mooi*, *ijeselijk mooi*, *verdold mooi* et eiusmodi loquendi formulae triviales;


Z.

Zoepen. *Oxygala (gekarnde melk)*. Hunc potum ideo potissimum *zoepen* dici putem, quia in Provincia eum suibus et vitulis bibendum dare solent; ut itaque proprie sit *het zuipen*:

Zwat. Vid. *swat*.

Zweelen. *Foenum furcillis convertere*. Cf. WASSENB. in *sweelen*.

Zwil five *swil*. *Callus*, vern. *eelt*. Germ. dicunt *Schwiele*. Cf. WACHTERUS in voce *schwill*, WASSENBERG in *swil*.



Haec iam vocabulorum Groninganorum specimina sufficiant. Multa adhuc ex LAURMANNO, WESTENDORPIO aliisque viris eruditis, qui Groningas voces collegerunt et optime de dialecto Gron. meruerunt, addi potuissent, sed in nimiam molem tunc excrevisset responso. Propterea etiam abstinui a vocabulis istiusmodi inferendis, quae in Provinciae Groninganae et urbis Groningae legibus et statutis antiquis obvia sunt, qualia sunt v. c. *Hovetling*, *Opstallung*, *Meente*, *Wysheit der Stad*, *Taalsmannen*, *Wedmannen*, *Grietmannen*, *Redgers*, *Lanckregters*, five *Overregters*, *Buurregters*, *Zijlregters*, *Keders*, *Waarmannen*, *Schappers*, *Delfzijlen*, *Roof*, *Overkeuren*, *Seendregten*, *Seendbrieven*, *Bedevare of Wrogere* et sexcenta alia. Horum enim vocabulorum magnam partem explicatam iam videmus a WICHTIO, WIARDA, a viris doctis in dissertationibus *societatis Groninganae pro excolendo iure patrio* et in eiusmodi aliis eruditorum libris. Praeterea multae earum vocum, ad iuris exercitium et legislationem civilem, nec non ad reipublicae administrandae modum et munus pertinentium, potius ad dialectum veterem Groninganam, quam ad eam, quae nostris temporibus in ore Groninganorum existit et ad quam imprimis in nostro opusculo respiciendum duximus, sunt referendae.

E P I L O G U S.



Tradidi Vobis; Viri Eruditissimi! ea, quae de argumento, ad disceptationem a vobis proposito, monenda habebam. Oleum et operam perderem; si iudicii vestri integritatem longo quodam ac splendido Epilogo corrumpere conarer, adeoque haec solum advertatis velim, me non mei ipsius tantummodo, verum etiam (quidni enim diffitear?), Parentum meorum causa, quibus tot ac tanta debeo, pergavissurum esse, si post laboris molestiam praemii suavitatem experiri mihi concederetur. Ab altera vero parte, si alterius labor meo labori victoriae palmam praecipere mereatur, me tamen nunquam poenitebit fecisse, quae feci; tunc enim, etiamsi praemia amittere debeam arbitraria, percepero tamen naturalia. Atque ita hoc mihi erit solatio, quod nunc etiam symboli loco pono:

„Segetis herbescentis spem non superat flavescentis maturitas, nisi propinquitate fructus.”



IACOBI HERMANNI PHILIPSE

N A R R A T I O

EORUM, QUAE, IPSO RECTORE, ATHENAEO
FRANEQUERANO ACCIDERUNT,

DICTA

FRANEQUERAE D. VIII IUNII MDCCCXXIV.

*QUUM ATHENABI REGUNDI
MUNUS DEPONERET.*

**QUICUNQUE MUNERUM DIGNITATE ATQUE HONORE IL-
LUSTRES, BRUDITIONIS LAUDE CLARI, AUT DOCTRI-
NARUM AMORE, STUDIOVE DUCTI, AD HAEC SOLEN-
NIA CELEBRANDA CONVENISTIS, CIVES, HOSPITES,
OMNIS ORDINIS AC LOCI, AUDITORES EXOPTATIS-
SIMI!**

Et si probe mihi conscius sum, me fronte parum serena, neque ea animi tran-
quillitate, quae oratorem maxime commendet, in hunc locum ascendisse, tan-
tum tamen abest, ut vestrum hac de re iudicium pertimescam, ut palam pro-
fitear, importunum mihi esse ac ferreum, qui, quam ad me detulit muneris
necessitas, provinciam nactus, solitam ad dicendum animi constantiam attulerit.

Ex quo enim optimi Regis beneficio in hac civitate instaurata fuit doctrina-
rum sedes, tanta quotannis eruditorum frequentia, iisque animorum studiis,
ipsum hunc locum celebrastis, ut universa propemodum Frisiae anniversarium
Athenaei diem festum et vocaret, et aestimaret. Neque, si bene memini, sermo-
nis festivitatem, laeto huic diei convenientem, frustra expectavistis unquam.

Ea nimirum, qui vobiscum in praeteriti temporis memoriam redibant, ora-
toribus obtigerat felicitas, ut, quod laetarentur, plurimum, quod Athenaei
vicem dolerent, parum haberent. Florebant res nostrae cum docentium inco-
lunitate et vigore, tum discipulorum studiis; et vero tanta aliorum existimatione
creverat Franequera, ut si — quod singulari temporum iniquitate factum est —
inter patrias Academias caput non extolleret, nemini tamen pristini nominis
gloriam non tueri videretur. Ex docentium quidem ordine nonnulli disciplinae
commendatione et praestantia celebres, ampliorem dignitatis honorisque statio-
nem nacti, alio migraverant; neque tamen perpetuam in horum virorum dis-
cesu iacturam fecistis: idque praesertim summi Numinis beneficio acceptum
referre licuit, quod, quae patriam toties afflixerant, Clarissimorum Virorum

mortes, etfi et nobis acerbae, privatas tamen lugendi causas non magnopere adtulerint.

Excepto enim ALLARDIO, V. Cl., biennium fere abhinc erepto de vita — etfi quatenus est ista vita dicenda, quae, confopito velut animi vigore, corpore tantum et spiritu continetur (a) — nullius ex Profesforibus funus duxerant nostri ordinis homines, nulli ex decesforibus praeterea triste incubuit parentandi officium.

Eheu quam dispar fuit anni mei ratio! — cumque iam eo ventum est, ut, exacto fere hoc studiorum curriculo, in vestrum conspectum solenni more prodeam, quam tristis luctuosi temporis imago mentem excruciat meam! Quae quidem omnia, A. A.! recenti adhuc memoriae inhaerentia, utinam privatae omnium meditationi committere possim: ne meo sermone recrudescant vulnera, quae nemo quidem prorsus confanuisse dixerit, at quibus tamen medicinam haud mediocrem attulit tempus, et, quam de novis collegis suscepimus, spes atque expectatio. Verum quae tantopere ad me deterrendum valent rationes, ne ad exoulandum eas prodesse putem, monet locus, et tempus, et vero defunctorum virorum, quos magni aestimabam, triste desiderium. Praeterea legis accedit auctoritas, et publicam me hic sustinere personam succurrit.

Quandoquidem tamen sermonem angustis horae finibus circumscribendum esse video, hanc mihi sponte veniam largiemini, ut magistratus mei vicissitudines, quoad eius fieri poterit, obiter vobiscum percurram, adeoque hodie defungar sola *descriptione status Athenaei Franequerani, me Rectore, inprimis vero Duumvirorum hoc anno defunctorum recolenda memoria.*

Vos igitur A. A. H. H. narranti linguis, animisque favete!

O vere calamitosum, patriaeque nimis acerbum tempus, cuius initia in tantos publicos luctus inciderint! — Nisi vero quis publicam calamitatem esse ne-

(a) De hoc optimi senis casu retulerunt Cl. DE CRANE, *in orat. de IO. MAURITIO, hab. a. 1816.* et Cl. AMERSFOORDT, quum Athenaei regundi munus deponens, ALLARDII vitam publice commemoraret. Huius autem orationis pars exstat in *Ann. Acad. Groning. ann. 1822—1823.*

gaverit optimi viri decesum, cuius fama simulac increbuit, et Regiam domum, et omnes civitatis ordines ingenti luctu implevit, optimum vero quemque ita maxime perculit, uti quisque virtutis ac probitatis fallere nesciae studiosior, uti avitae eruditionis, patriaeque amantior esset civis. — Scilicet **KEMPERUM** non luxisset patria universa, cui magnam salutis suae partem patria debuit; — non luxissent omnes boni, quem optimum e probis merito vocaveris; — non luxissent omnes docti, collegae, discipuli, totidem dilectissimi praeceptoris amici! — sed tanti quidem viri laudatorem agere a mea mediocritate longe alienum est, et vetant temporis angustiae. Quare, si, quae mihi de **KEMPERI** laudibus sponte veluti exciderunt, minus opportune prolata esse videantur, ea pio gratoque in praeceptorem animo velim ignoscatis, meaque potius de causa dicta existimetis: — me quidem virtutum suarum praecone non indiget **KEMPERUS**, vobis vero, A. A.! quale tandem esset iudicium de discipulo, cui tanti praeceptoris, tam cito, et tali dicendi opportunitate excidisset memoria.

Itaque ad inceptum redeo: — utinam dilectissimi viri desiderio afflictum recrearet animum recordatio eorum, quae Athenaeo nostro insecuta sunt, temporum. Sed ad privatas res nostras cum redeam, ad privatum luctum commemorandum me revocari quis vestrum ignorat? Etenim ipsae illae feriae, quae Academiae Lugduno Batavae, quae patriae tantam cladem intulerant, ne nobis quidem sine acerbo casu abierunt; quippe qui ultimus aestivae vacationis erat dies, idem quoque Clarissimo **THOLENO** anni sexagesimi, et vitae terminus exstitit.

Verum, si cogitemus A. A.! quod praeclare **CICERO**, „naturam nobis usum, ram vitae dedisse tanquam pecuniae, nulla praestituta die,” non est profecto, quod ab optimo viro eam acerbius exactam existimemus; quippe qui, licet ad summam senectutem non pervenerit, ea tamen aetate extinctus sit, quae nihil aut magnopere admirari, aut sperare amplius sinat in vita. — Praeterea exitum habuit facilem, cui neque graves, aut si forte, non diuturni accesserunt corporis dolores, neque angoris quidquam aut sollicitudinis. — Illos enim cum sensu abstulisse videtur subita morbi vis, ab hac vero immunem praestitit aetatis bene et utiliter actae conscientia, et vero spes melioris vitae.

Quare, etsi iure meritoque, et nostram, et Athenaei in **THOLENO** iacturam, moleste tulerimus, querelis sit modus, ne vitae procellis perfuncto portum in-

videre, nostramque vicem nimium dolere videamur. — Iusti tamen doloris petamus solatium ex vitae meritorumque pia recordatione.

IACOBUS PIERSON THOLEN, Leoardia Frifius, natus est anno fuperioris feculi fexagefimo quarto, patre literato, honefto genere, et rebus fatis lautis utente; neque firpi maternae defuit omnino generis honeftas, aut meritorum fama (b). Quae quidem, etfi nemini laudi ferenda, non tamen eiusmodi efle existimamus, ut homini in literarum aliquo genere habitaturo, non expetenda ducantur; cum haud raro fic mores ad honeftatem facilius componantur, et ftudiorum initia, in quibus eruditionis futurae vis maxima, patrimonii fubfidii alantur ac fufitententur.

Pater quidem mature decefit: quo minus tamen hac iactura educationis interciperetur fructus, ex propinquorum votis in hominis literati disciplinam ac familiaritatem traditur adolefcens: — optimo fane confilio, neque minore fuccef fu. — Nactus enim praeceptorem, qui et probabili eruditione, et docendi facultate valebat, paulatimque, et quafi ludibundus difcendi amore incenfus, a teneris inde cum disciplinarum; literarum inprimis humaniorum, ftudiis confuetudinem ac veluti amicitiam contraxit, quae, ut per variam vitae fortunam nunquam fallit, ita a THOLENO, ad extremum vitae tempus fancte culta eft.

Neque hoc fane Mathematico in minima felicitatis parte ponendum efle, fatis intelligetis A. A. ! quotquot omnes, quae ad humanitatem pertinent, disciplinas, tum inprimis Philofophiae ftudium, e Graecia ac Latio ad nos perveniffe grati agnofcatis. — Sed praeterea ecquem veftrum latent, quae in omnium ferme ore funt, five verae narrationes, five fabulae, Mathematicas fcilicet disciplinas ingenio quidem ad verum investigandum ac penitus cognofcendum multum conducere, pulchri vero et honefti fenfum mirifice extinguere, nifi Literarum cultus accerferit, ac feveriora adeo Philofophiae ftudia temperaverit. — Quid vero huius rei fit: in florentiffimam quondam Frifiorum Academiam cum migrasset THOLENUS,

(b) Plura cum de genere paterno ac materno, et utriusque meritis, tum de THOLENI vita privata, quae huius loci non efle videbantur, collegit et accurate confcripfit collega aeft. DE CRANE in *Artium ac Literarum Nuncio Belgico anni 1825*. Eorum vero, quae, ad publicam THOLENI vitam pertinentia, hoc fermone memoravi, notitiam eiusdem *Viri Cl.* et WASSENBERGHII benevolentiae me acceptam referre gratus agnofco.

SCRADERO ac WASSENBERGII usus praeceptoribus, Literarum deliciis, quas ex pueritiae institutione amare didicerat, totum se tradidit; quippe qui probe intelligeret, hiisce demum ad cuiusvis doctrinae praestantiam sibi patefieri aditum. Praeterea literis Hebraicis et Arabicis operae nonnihil impendit duce VERSCHUURIO: quae potissimum consilio, latet; neque ipse id unquam magni fecit, aut prae se tulit. Cum vero bene cognitum haberet magni LEIBNITZII effatum, ad Mathematicorum evidentiam nihil propius accedere, quam Ictorum, quorum scripta in Digestis exstant, disputandi solertiam et acumen, quid miremur A. A.! Iuris quoque Romani explorandi cupidum fuisse THOLENUM. Neque tamen hoc studium leviter perstrinxit, aut in loca tantum nonnulla involavit; sed cum in HERMANNI CANNegieteri, atque IOANNIS VALCKENAEII disciplinam se tradidisset, totum Iurisprudentiae campum, quibus tum contineri consuebat finibus, ita peragravit, ut summos in utroque Iure honores, sive Doctoris titulum et facultatem pro meritis acciperet. — Id brevi contigit ante quam SWINDENUM secuturus hanc Academiam cum Amstelodamensium Athenaeo commutaret.

Huius autem consilii rationes si quaeratis, duae potissimum in prompta sunt, nimirum SWINDENIANAE eruditionis praestantia, quemque ex ea Franequerae perceperat, suavitatis utilitatisque fructus uberrimus.

Quamvis enim, uti ex superioribus abunde constat, in hunc ignavorum hominum errorem non inciderit THOLENUS, ut, reliquis penitus neglectis, se unius disciplinae finibus circumferberet, prae caeteris tamen ei semper placuit illud studiorum genus, quod a Mathematicorum elementis, tanquam certis cognitionis humanae principiis, proficiscitur, eamque complectitur Philosophiae partem, quae in observando huius universi praecelso motu versatur, naturae leges investigat, vires ponderat, easque ad vitae usum revocat atque utilitates humanas.

Horum quoque studiorum egregios duces habuit NICOLAUM YPEUM, et IOANNEM HENRICUM SWINDENUM; quorum altero tamen brevi post defuncto, unius SWINDENI, — at vero quanti viri! — institutione usus est. Quo minus certe miremur A. A.! in dies ei crevisse ipsius disciplinae existimationem, ita quidem, ut eam non ut reliquorum studiorum adiumentum, sed propter proprias virtutes adamaret. — Itaque brevi tantos in ea progressus fecit, et cum ingenii bonitatem, tum studiorum ardorem SWINDENO adeo probavit,

ut magnam hic de THOLENO spem conciperet, neque minorem haberet iuvenilis quidem, at accuratae tamen doctrinae fiduciam.

Dubium tamen A. A.! an SWINDENO magis placuerit studii ineundi ratio, ardoris iuvenilis constantia ac perseverantia, an morum honestas et animi candor; maiorine admiratione an amore praeceptorem profectus sit discipulus; — unde sponte quasi utrique enata est, quae postea Amstelodami familiari consuetudine crevit, atque ad SWINDENI mortem stetit, amicitiae caritas; qualis, non dicam praeceptorem cum optimo quoque discipulo, verum sodales et doctrinarum et animorum studiis coniunctos, stabili amoris vinculo copulet.

Itaque monere supervacaneum fit, hanc commorationem Amstelodamensem, etiam si, cum ad voluptatem, tum ad doctrinae fructum satis brevem, inter maximas vitae exactae iucunditates retulisse THOLENUM; quippe qui ibi cum NIEUWLANDIO, BEEMELENO, KRAYENHOFIO, amicitias iunxerit; eorumque atque quotidiana fere SWINDENI consuetudine ad eam Mathematicarum et Physicarum disciplinarum praestantiam pervenerit, ut brevi post dignus esset et haberetur, qui acceptam a tanto praeceptore doctrinam cum aliis communicaret.

Tantum tamen aberat, ut Amstelodami veterem deponeret Literarum amorem, ut postquam per biennium magnum WYTTENBACHIIUM audivisset, serio aliquamdiu cogitaverit de reliqua aetate in Literis transigenda. — Oblatum tamen anno superioris seculi octogesimo octavo *Lectoris Matheos et Architecturae Militaris* munus ad Philosophiam revocavit THOLENUM, ac Franequerae restituit.

Si qui forte sint, quibus in enarranda viri inventute nimius fuisse videar, sci-ant illi, omne, quod reliquum fuit vitae tempus, in uno Franequerae oppido, sibi potissimum, familiae, studiis ac iuventuti vixisse THOLENUM, neque — quod maximopere dolendum — libris edendis gloriam sibi quaesivisse: quò minus certe nobis committendum esset, ne talem studiorum praestantiam, qualem in eo agnoverint omnes, quibus esset suffragii ius, tacitam abire pateremur: — est enim officii ac religionis erga mortuum, cuius vivi amicitiam colueris, cuius virtutes cognoveris, eiusdem memoriam debita laude celebrare, aliisque, iuventuti in primis, ad imitandum proponere.

Cum vero, ut diximus, per triginta et tres annos, quos docendo Franeque-

rae transegit, aequabili studiorum ratione usus fit, eaque aetas contineatur fere cum privatarum rerum vicissitudine, tum lectionibus singulis annis habitis, atque in doctrinae copiis sibi augendis diligentia, non est, A. A. quod hanc rerum, quae ad publicam eius vitam pertinent; paucitatem, oratorio more exornem atque amplificem.

Hoc enim uti nunquam non culpandum existimo, ita quam maxime animadvertendum in commemoranda viri vita, qui, qua erat morum simplicitate, quoque animi candore, fastum eruditum neque in aliis tulit, neque doctrinae laudes magnifico titulorum adparatu, aut inanis gloriae praestigiis nisi apud imperitum vulgus crescere, pulchre arbitratus est.

Quae vulgo Lectoris Academici officia habentur, ea in Mathematicis disciplinis tradendis adeo approbantibus collegis tuitus est, ut brevi post *Artium Liberalium Magistri et Philosophiae Doctoris* tutulus ei honoris causa decerneretur; cumque per novennium probabili cum doctrinae atque diligentiae laude munere suo functus esset, tandem *Matheseos, Architecturae Militaris, et Geographiae Professor ordinarius* cooptatus est. Quam provinciam suscepit oratione Belgica *de insigni utilitate, quam societati humanae, explicandisque mentis facultatibus affert Philosophia.* — Magistratum Academicum semel gessit anno huius seculi septimo, eumque in Cl. WASSENBERGHIIUM transtulit, habita oratione *de vero Philosophiae studio.*

Caeterum, quamvis per medias disensionum civilium rixas, et reipublicae conversiones, in quas haec THOLENTI aetas incidit, nulli magnopere partium studio addictus, sibi suisque tranquille vixerit, nunquam tamen, sive privatâ, si postularetur, operâ, sive muneribus gerendis communis patriae commodis inservire recusavit.

Academiae quidem, quam florentem viderat, casum, pro eo ac debuit, tulit molestissime; neque tamen publica haec, neque privata rei domesticae calamitas, ne vel ipse, quem ex dilectissimi filii, magnae spei iuvenis, praematura morte percepit, dolor, optimum civem, optimum patremfamilias penitus oppresit, aut a disciplinarum studiis avocavit. Itaque, cum reviviscente patria, restitutaque Franequerae doctrinarum sede, ad *Philosophiae Theoreticae, Physicesque professionem* vocaretur, intermissas quidem per triennium lectiones novo ardore instauravit, artium vero et doctrinarum studia magis continuavit quam repetiit; vere enim ipse quoque exemplo patuit, prosperis quidem

rebus multum illa praesidii atque ornamenti conciliare, adversis vero optimum praebere perfugium ac solatium.

Doctrinae comprobationem iam antea tulerat ab Instituto Regio Hollandico, quippe cuius primae, quae censetur, classi hac lege adscriptus esset, ut epistolarum commercio atque consiliis ei praesto esset: nunc vero restituta patria novo a civibus suis honore mactatus est, et inter Frisiae procures coöptatus, ut studiosae iuventuti utilibus praeceptis, ita reipublicae consiliis prodesse ad supremam usque aetatem nunquam desistit.

Mores autem ut depingam, neque meae personae valde convenit, neque Vos requiritis A. A.! — In omnium enim animis adhuc vivit viri integerrimi, probi, honesti imago, quem, quod e Mathematicis hausserat, veri simplicisque studium, ad vitam veluti et mores traduxisse diceres. Qui talem vitam in media hominum luce vixerit, ut omnibus intuentibus, et vero collaudantibus, officia erga Deum, semet ipsum, aliosque fideliter exsecutus esse praedicetur, ei profecto neque morum censore, neque vitae exactae laudatore opus sit.

Atque haec quidem, si minus pro Viri meritis, at pro nostris certe viribus et pie celebrata THOLENI memoria, dicta sunt: iam ad reliquas officii mei partes pergere licet. — Quo minus tamen, aut desiderio vestro lenimentum afferam, aut tristem hanc Athenaei calamitatem laetioribus enarrandis compensem, prohibet singularis anni mei infelicitas.



Ne alterum quidem mensem post THOLENI decesum exegimus: — ecce, tristem iterum nuncium! novam eamque gravissimam Athenaei rebus afflictis imminere cladem!

Etenim Vir Clarissimus IACOBUS AMERSFOORDT, Theologiae in hoc Gymnasio per sexennium Professor ordinarius, Leidam abierat, praeceptores atque amicos, festum Divinae liberationis diem celebraturos, invisendi causa; iamque rumor est, exoptatissimum quidem virum ex itinere ad nos rediisse, sed periculoso morbo correptum, atque ita affectum animo, ut mortem inde sibi imminere continuo praesagiat. Conturbamur sane hoc tristi nuncio; spem tamen magnam reponimus in tua, expertissime ENS! in tua, inquam, quae plurimis auxilio fuit ac salutis, Medicinae factitandae peritia; Deoque Optimo

Maximo vota facimus, ut virum nobis coniunctissimum, uxori, nova prolis spe beatæ, liberis, Athenæo adeo ac bonis literis restituat et conservet.

Aliter tamen sapientissimo rerumstrarum moderatori visum est: ingravescentis enim morbi atrocitate fractæ paulatim vires succumbunt, neque finem eiusdem mensis, cuius tertium diem Leidæ festum egit, attigimus, cum lugentibus omnibus bonis exstinguitur, osaque viri desideratissimi in hoc templo Academico terra conduntur. O hominum cogitationes inanes, o spes fallaces nostræ!

Nunc itaque five clarissimum hunc ordinem intuemur, locus, quem ornare solebat, vacuus, five huius templi pavimenta, ipsa sepulchri taciturnitas, five parietes conspiciamus, monumentum, quod manibus et piæ memoriæ pia exstruxit vidua, quocunque demum inciderint oculi, omnia nos monent, ne doctissimum virum in viventium frustra quaeramus numero: — me vero, ut supremo illo ac tristi fungar parentandi munere. — Quo utinam digne celebrando, neque mea me prohibeat mediocritas, neque temporis angustia!

Erat enim ad omnem doctrinarum excellentiam ipsa natura conformatus: — ingenio hæud infelici præditus, ei tamen rationis, cuius iam magna vis in adolescentulo, mature adhibuit modum: a tenera inde ætate inerat natus quidam elegantia ac honesti sensus, quo doctos et elegantis ingenii viros sibi facile conciliaret, veterum scriptorum venustatem dignitatemque perciperet, ac Literarum humanicrum deliciis sponte caperetur. Hi autem suavitatis perpetui fontes eum aluerunt. studiorum ardorem ac perseverantiam, quam neque, quæ solet esse iuvenilis ætatis, levitas, neque commotiones animi immoderati, neque cupiditates perturbaverint. Erat enim, ut accepimus, per omnem vitam prorsus ad lenitatem ac facilitatem compositus, atque ad severitatem, quam ad levitatem propensior. — Quibus quidem tam præclaris naturæ dotibus cum accesserint studiorum opportunitates, fautores egregii, celeberrimorum Professorum monita et præcepta, nemo sane dubitet, quin studiorum suorum præstantiam, uti institutione, ita scriptis quoque orbi erudito egregie probaturus fuisset. — Sed vita, quam degit, publica, continua fere munerum vicissitudine agitata atque distracta, nimiam officiorum attulit commutationem; — cumque otio tandem exoptato fruiturus videretur, mediis illum cogitatis, et inceptis, et vero paratis mors abstulit.

In commemoranda igitur A M E R S F O O R D T I I vita Literaria — ultra enim exspatiari

vetat hodiernum munus — duae in primis considerandae sunt aetates, quarum diversa admodum inter se fuit ratio. — Altera aequabili fluminis cursui simili, perpetuam praebuit aluitque studiorum opportunitatem; — altera, et si eorum praesidiis augendis, dilatandisque finibus apta, accurati tamen et limati ingenii viro ad eruditionis partae fructus in publicam notitiam proferendos in primis noxia atque infesta. — Cuius quidem-rei mox aperiam causas.

In revocanda vero pueritiae memoria, persequendisque adolescentiae studiis breviori esse liceat. Haec enim, cum accuratissime descripta sunt (c) a clarissimo DE CRANE, tum ab ipso AMERSFOORDTIO eleganti oratione expofita, cum, relicta Academia, studiorum veluti rationes redderet, easque intelligentibus egregie probaret.

Ne tamen quid pietati hodie defit, aut vestro forfitan desiderio, age, pauca ex iis delibemus, quaeque vir modestissimus studiorum opportunitati atque felicitati tribuit, nos ad ipsius laudes convertamus: — nam, si cognoveritis, quibus ille praeceptoribus placuerit, quos habuerit fautores, simul de eruditionis praestantia recte iudicabitis, mihiue largiemini, nihil ad iuventutis commendationem afferri posse cumulatus.

Amstelodami natus anno superioris seculi octogesimo sexto, ac patre mature orbatus, a propinquis, acto velut de iuvenis indole augurio, doctrinarum studiis destinatur, sive erudito, quod dicitur, vitae generi, cuius se amore unice captum et re et verbis significaverat. — Scholasticum tempus, ei non tantum ad grammaticam utriusque linguae cognitionem insigniter profuit, sed ad cogitandi scribendique elegantiam, ex diligenti veterum scriptorum tractatione haustam, eaque sibi magnorum virorum conciliandam benevolentiam plurimum valuit. — Hanc enim Latine scribendi facultatem, quam et ex peritissimi HANNAE, scholarum Rectoris, institutione, et ex quotidiana legendi scribendique consuetudine tenebat, mox cum scholas relinqueret oratiuncula adeo explicuit, ut hac sibi ad BOSSCHIORUM, HIERONYMI in primis, familiaritatem aperiret aditum. — Hic autem iuvenilium ingeniorum fautor egregius, quoad vixit, mōnitis, commendatione in primis omnique beneficiorum genere AMERSFOORDTIUM cumulavit, neque mortuus idem ei prorsus defuit: — quippe cuius ex-

(c) In *Nuncio Art. et Litt. Belgico* anni 1824. n^o. 53.

emplo alios, eximios item viros, incitatos diceres, ut pari eum, quo BOSSCHIIUS olim, amore ac benevolentia profecerentur.

In patriae urbis Athenaeo LENNEPIUM in literis Graecis Romanisque, WILLMETTUM in Orientalibus habuit praeceptorem, Historiarum vero doctore usus est HERMANNO BOSSCHA: — quorum quidem virorum institutio quam fructuosa fuerit tali discipulo, nemo non intelliget, nisi in Literis plane hospes sit. — Illi autem praestantissimi Daumviri cum iuvenem vehementi literarum amore percussus ad maiora tendere deprehendisset, ei auctores fuerunt, ut studia Leidae absolveret, seque prius in WYTTENBACHII ac PALMII traderet disciplinam.

Illius autem cum scriptis, RUHNKENII in primis vita quotidie terenda, familiaritatem diu contraxerat; ita quidem, ut ad Latini sermonis usum, eiusque scribendi facilitatem nihil ei deesse vel rerum intelligentibus videretur: — PALMII vero eloquentiam, atque elegantem eruditionem absens adeo suspexerat, ut ipsum virum coram intueri atque admirari dudum desideraret. — Itaque hisce praeceptorum Amstelodamensium monitis nihil optatius ei accidere potuit.

Cumque Leidam profectus omnia vel expectatione maiora deprehendisset, et per quinquennium expertus esset, quis miretur A. A.! nullum omnino vitae genus magis docto viro arrisisse, quam quod Literarum Orientalium cum Graecis Latinisque colendarum praeberet opportunitatem.

Ad ipsa tamen Theologiae studia, a quibus primo alienior fuerat, adduxerunt cum privatae rationes, tum in primis VOORSTII, praestantissimi eiusdem vindicis, consilia, sermones, adhortatio: hoc igitur duce, item TEWATERO, BORGERO, aliisque, — longum enim est omnium in AMERSFOORDTIUM merita referre, — hisce igitur doctoribus ad sacrum munus se praeparare constituit.

Neque tamen is erat, qui, ad quod se contulisset studiorum genus, idem remissius tractaret, ac Theologiam adeo, tanquam instrumentum sibi adscisceret, quo probabilem aliquando concionandi commendationem assequeretur; sed prorsus ad eruditi Theologi, qualem et oratione et magis etiam exemplo expresserat TEWATERUS, adspiravit laudes. — Itaque utramque postea tenuit facultatem: sic enim omnino sese res habet A. A.! ut sine multiplici ac praestanti rerum scientia eloquentiae affectatio in loquacitatem abeat; eruditio vero, nisi apta sermonis partitione, dictionisque elegancia, oratoriis omnino virtutibus exhilata, invitis potius obtrudatur, quam auditorum animos capiat atque oblectet.

Quam in Literis dudum a praeceptoribus ac fautoribus tulerat comprobationem, eandem in Theologia cum Literis coniuncta ipsi non defuturam egregie patuit, cum a VOORSTIO V. Cl. dignus haberetur, cui *Adnotationum in Novum Foedus specimen* publice defendendum traderet: — denique anno huius seculi decimo quinto omnium doctorum expectationi cumulate latisfecit, edita disputatione *de variis lectionibus HOLMESIANIS locorum quorundam Pentateuchi Mosaici*; qua conscribenda sibi ad doctoris in Theologia dignitatem patefecit aditum, vereque suo quoque probavit exemplo, quantum Theologiae in Philologia atque Critica facultate positum sit praesidii atque ornamenti.

Haec de adolescentiae studiis. — Quamvis iam antea a Classe Hagana Sacri Ministerii candidatorum albo esset inscriptus, et cum saepius Harderovici, tum in hac civitate aliquoties concionator prodierit, hoc tamen munus, etsi honestissimum, atque ab AMERSFOORDTIO suo pretio aestimatum, non magnopere expetivit: — quippe metuebat, ne sacri officii ambitus et infigne momentum nimium sibi vindicaret temporis, quod Literarum Orientalium studiis, deliciis suis, impertire destinaverat.

Atque primo quidem iuvenilibus votis arridere fortuna et obsecundare visa est; cum haud ita diu post, condito Harderovici Athenaeo publico, ordinaria Literarum Orientalium ibi docendarum provincia ipsi decerneretur. — Hanc igitur conditionem, qua nihil ad vitam itcunde degendam optatius ei contingere potuisset, continuo accepit, ipsumque munus auspicatus est oratione *de studio Literarum Arabicarum, variis post renatam in Europa doctrinam aetatibus itidem variato*; qui quidem sermo cum ab opportunitate, tum ab eruditionis elegantia magnam habuit commendationem (d).

Neque tamen haec Harderovicenae stationis diuturna fuit felicitas: anno enim h. f. 18. sublato ob discipulorum paucitatem Athenaeo, atque Cl. HENGELIO Franequeranam cum Amstelodamensi cathedra commutante, Harderovico Franequeram, et a Literis Orientalibus ad Theologiam traductus, HENGELIO in hoc Athenaeo fuit succesfor.

(d) Sub idem fere tempus Societati Leidensi, quae ab excolendis Literis Belgicis nomen habet, adscriptus est: quem honorem etiam postea, cum Franequerae degebat, a societate artium et scientiarum Traiectina obtinuit,

Aegerrime quidem sic a Literarum studiis, quibus reliquam aetatem consecraverat, abductus est, uti ipse significavit in *Oratione de Religionis Christianae popularitate*, qua Theologiae professionem solenniter adiit; sed temporis necessitati parendum, ac iuventutis commodis inserviendum existimans, ad Theologiae studia, nunquam sane intermissa, novo se ardore applicuit. — Praeterea satis sibi otii relictum iri sperabat, quod, nisi publice docendis, at privatim tamen, et forte in publicam utilitatem excolendis Literis Orientalibus impenderet. — Quam tamen expectationem sefellit nova, quibus deinceps implicitus est, occupationum varietas, Logices et Metaphysices docendae susceptum munus, ac Bibliothecae publicae procuratio.

Ad utrumque quidem rite tuendum magnas sane et egregias adtulit copias: ex WYTTENBACHII enim disciplina, Veterum Dialecticam, et omnem omnino Philosophiam tenebat, neque minorem ex BORGERI institutione, Naturalem Theologiam, recentiorumque in primis Philosophorum sententias ad criticam lancem exigentis, perceperat utilitatis fructum: in Literis vero adeo ab ineunte aetate habitaverat, eruditionisque deinceps progressus suis quasi vestigiis erat persecutus, ut cum egregius fuerit in aliis, in Historia, quae dicitur, Literaria, et cum optimorum scriptorum, tum editionum praestantissimarum cognitione nemini certe inferior esset habendus: — quo minus certe miremur, ultimum vitae tempus hoc officii genere, conscribendoque catalogo prorsus fuisse absumtum. — Hoc enim cum procuratione Bibliothecae legitime coniunctum erat onus; eique haud leve momentum accesserat munificentia Viri Ampl. VAN SCHELTINGA, Gravissimi huius Athenaei Curatoris: quam quidem prorsus silere vetant grati animi officia, pluribus vero testificari Viri modestissimi praesentia.

Verum A. A.! — quidni enim ingenue fateremur? — quod eiusmodi ingenii, et accuratae doctrinae viris solet accidere, ut nimirum in nimiam sui calumniam prolabantur, et omnino nihil de manibus dimittant, nisi cum pulvisculo quasi exactum, nisi omnibus numeris absolutum, — idem, uti in aliis, ita quoque in hoc opere Viro doctissimo obstitit, quo minus industriae suae fructum adspiceret unquam. — Mors enim, literatae in primis morae infesta, supervenit antequam ultimam operi manum admoverat.

Haec quoque ultimum nobis invidit laboris fructum: anno enim h. f. 21 usque ad sequentem 23^{um} Rectoris Magnifici munere perfunctus, hanc dignita-

tem in succesforem transtulerat, habita oratione *de certo, in Naturali quoque Theologia agnoscendo*; cuius quidem argumentum, quippe abstrusius, atque ex intima Philosophia petitum, cum non satis audientium intellectui patuisset, locupleta adnotatione id efficere constituit, ut legentibus saltem causam suam probaret. — Sed cum ne hac quidem in re perficienda satis adhuc sibi placuisset, eam tantum orationis partem, quae ad Athenaei fata pertinet, typis mandari permisit.

Haec igitur et alia paranti, otiique literati, quod sibi tantopere optaverat, futuras nequicquam cogitanti delicias, mors laborum quidem attulit quietem, nobis vero optimam spem, certissimam, quam angurabamur, expectationem interceptit. — O frustra saepe susceptos praeclaros hominum conatus, o vitam nostram incertam, ut fabulae comparari solitam, ita fabulae revera simillimam. — Scilicet A. A.! suo quisque apparatu instructi in scenam prodimus; — ludimus aliquamdiu, suas quisque agit partes in vitae theatro: — brevi autem post decedimus, et, uti quisque maiorem admirationem movit, ita diutius in ore versatur ac sermonibus hominum celebratur; — verum mox adveniunt novi actores, et nomina nostra delet oblivio. Verum enim vero in eo multum differt, quod non solo eorum, qui in terris remanent, plausu diiudicetur, atque absolvatur vitae munus.

Quod tamen et si vel maxime ita esset, A. A.! equidem non valde metuo, ut, cuius memoriam vobiscum celebravi, Vir praestantissimus, partes sibi datas non egregie exsecutus esse, nostramque omnium comprobationem meruisse videatur. — Sunt enim, qui in theatrum irruant, qui praeclaro aliquo facinore omnium in se oculos convertant, omnes suo lumine obscurant; — alii contra certo et aequabili motu se gerunt in scena, sicubi ferat occasio, aliis sese ostendunt, neque nimio fulgore circumfundi gestiunt: — utrique autem hominum generi cum propriae sint dotes, diversam quoque esse apparet, qua fungantur, qua excellant, vitae rationem.

Hanc igitur AMERSFOORDTII praestantiam in iis vitae partibus ostendere conatus sum, quas potissimum delineare in hodierni muneris necessitate positum erat: — a reliquis tamen invitus abstineo. Cuius enim in omni vita summa eluxerit pietas, atque in nullo praetermittendo officii munere diligentia, et vero sanctimonia; — qui, quas a natura accepisset lenitatis atque honestatis partes, honestissimis expresserit moribus; — quique omnia consilia, dicta, facta ex ve-

teram Philosophia ad dignitatē referre, hanc vero religionis Christianae praeceptis temperare consueverit; huius profecto viri vitam universam, moresque cognoscere fructuosum sit, atque iucundum. — Haec vero, cum alio oratore, tum dicendi opportunitate dignissima, ut praetermittam, monet temporis brevis, suadentque ipsius defuncti virtutes; ne, si parum aut ieiune dixerim, meo sermone quidquam de eius laudibus detrahatur. Itaque hisce salutatis veluti viri manibus me ad meum munus pensumque revocabo.



Ita Divinitus comparatae sunt res humanae; ut nisi bonorum et malorum per omnem vitam aequa videatur distributio, et luctuosis adeo feliciora usque succedant tempora, illa tamen ex subiunctis sibi bonis non leve accipiant doloris lenimentum. — Nos igitur, ne erga Divinam providentiam ingrati reperiatur, hinc quoque doloris aliquod petamus solatium.

Quid autem prius habeam, quidve in tanto omnium luctu dulcius accidat, quam ut grati animi me religione erga illos exsolvam, qui defunctorum collegarum partibus suscipiendis id egerunt, ne florentissima huius Athenaei iuventus quid detrimenti caperet.

Ad Te clarissime BNE! ad Vos quoque clarissimi GROENEWOLD et MULDER! hanc meam spectare orationem meritorum conscientia admonemini. — Nolim equidem, viri coniunctissimil in hac doctorum celebritate vestro pudori obflare; neque vobis meo ad laudem opus est praeconio. — Id tamen his praesentibus, iisdemque audientibus palam facere liceat, uti amicus certus in re incerta cernatur, ita quo sitis in disciplinarum studia amore, qua in iuventutis commodis tuendis diligentia, in rebus huius Athenaei afflictis apparuisse maxime.

Nos igitur A. A.! gratulemur Frisiae, gratulemur iuventuti, quod ne hac quidem in praeceptorum paucitate desint viri, qui in rebus prosperis Athenaei decus amplificent, in quorum meritis certissima spes et praesidium in adversis paratum sit.

Laetemur porro A. A.! quod, uti iuniores et aetate florentes re et factis, ita quoque seniores, et animorum studiis, et saluberrimo exemplo Athenaeo bonisque literis prodesse pergant. Et vero pro Divini beneficii magnitudine

laetemur vehementer, quod in tanto carissimorum virorum desiderio, salvam etiam nunc et incolam adspicere liceat huius Athenaei deus, WASSENBERGHIIUM, senem venerandum, quem, nisi incommodo pro aetate satis levi, nisi meritorum longaeva memoria, senectutem referre nemo dixerit, etiam admodum senem, et eruditorum Batavorum Nestora merito celebratum.

Neque vero hanc opportunitatem neglexit, aut, quam ante significavi, praeceptorum insigni benevolentia indignam se praestitit studiosa huius Athenaei inventus, quippe quam, si frequentia et numero censere velis, florentem, fin vero, quod pluris est, doctrinarum studiis et in literas amore, florentissimam praedicare licet.

Denique A. A. ut cumulus accedat, Augustissimo Regi, ut Athenaeum Frisicum ex nuperrima calamitate in novam se erigeret spem, Professorum Ordini addi, et huc vocari placuit Duumviros, defunctorum meritis dignos successores, nobisque multis nominibus acceptos.

Alterum IANUM GUILIELMUM ERMERINS, Math. Mag. Philos. Nat. et Med. Doctorem, Virum expertissimum, uti nunc novo muneris honore clarissimum, ita iam antea in certamine studiosorum literario bis reportatâ victoriâ, editisque pro utriusque Doctoratus honore egregiis disputationibus clarum, atque doctae patriae commendatum.

Alterum BARTHOLOMÆUM REGNERUM DE GER, Theol. Doctorem, Virum doctissimum, plurimum venerandum, genere quidem, sed magis doctrina nobilem, quippe cum studiorum praestantia, tum scriptis clarum inter Theologos nomen adeptum.

Caeterum Bibliothecae procurandae et instruendae, quod valde laetamur, praefectus est IACOBUS CORNELIUS SWYGHUISEN GROENEWOUD, vir a prima inde aetate in Literis versatus, et multiplici eruditione excellens, et egregia iuventutis institutione diu nobis cognitus et celebratus.

Vobis autem, Viri coniunctissimi! dum de novis hisce honoribus omnium collegarum nomine publice gratulor, mihi certe non verendum est, ne ex officii tantum more ac necessitate, neque ex animi dudum Vobis cogniti sensu haec pronunciasse videar; — non metuo in primis Cl. ERMERINS! ne, quantum doloris significationi hoc sermone dederim, tantam communi de tuo adventu laetitiae a me detractum existimes. Imo vero, in pio hoc THOLENI desiderio quid ad solatium efficacius, quam te collegam salutare; te, inquam, THO-

LENE quondam amicam, eiusque filia ex intimis familiaribus; te igitur, uti meritis tuis dignum defuncto succesorem, ita ex pluribus unum, quem sibi ipsi optasset THOLENUS. — Quid autem mihi, siue iuventutis memoriam repenti, siue virilis aetatis spem occupanti, hisce tui muneris auspiciis optatius accideret; quibus ego verbis laetitiae sensum significarem, nisi ad serias cogitationes revocarent ipsa huius diei solennia. — O variam igitur, et volubilem vitae nostrae rationem! Ergo qui ante aliquot annos una iuventutis percepimus suavitates, iidem nunc ad maturiorem aetatem accedentes, quas iuvenes accepimus, iuventutis trademus praecepta. Veniet aliquando tempus, quo et haec persona deponenda sit, quo alii forsitan de nostris laboribus ad alios sint relaturi. — Nos igitur, Amicissime! id agamus, ne vita nostra tanquam fabula peracta, frustra vixisse videamur, utque aliquando probabiles rationes reddamus. Ei, qui has nobis vitae partes imposuit.

Bibliotheca publica cum insigni Regis munificentia ex celeberrimo MEERMANNIANORUM thesauro, tum e privatorum donis haud exigua cepit incrementa. — Inter haec eminet Viri pl. venerandi SIMONIS BAKKERI, V. D. Min. quondam Kimsverdiensis, manusculum, mole quidem exiguum, sed multam habens antiquitatis commendationem. Nimirum album amicorum Domini SUFFRIDI SAARDAB, qui sub ipsis seculi decimi septimi initiis Franequerae Iurisprudentiae studuit, et multis sibi doctorum, Professorum in primis illius temporis, conciliatis amicitiiis floruisse videtur.

Alterum, quod filere nefas sit, et pretio, et donantis animo, et vero maxime pristini domini memoria carum nobis et acceptum munus, *Philonam* inquam *Iudaeum*, doctum illum et elegantem, et *Platonizantem*, ut est in proverbio, de re et antiquitate Iudaica scriptorem. Hunc autem, seculo decimo sexto Manu-scriptum, ex MEERMANNI Bibliotheca insigni pretio sibi comparaverat IACOBUS AMERSFOORDT, collega quondam aestumatisimus, cuius viduae, tacita veluti mariti mandata exsequens, munificentia ac dono ad nos pervenit, ut caset certissimum AMERSFOORDTI erga nos, atque Athenaeum amoris testimonium. — Nos quidem A. A.! cogitatione mortalitatis moesti, neque tamen ingrati accepimus; memoriam vero optimi viri non hoc ma-

gis; similive monumento colemus, sed meritorum recordatione perpetuo celebrabimus.

Laboratorium Chemicum insignibus Chemiae hac aetate progresibus investigandis prorsus non sufficiebat; vel potius nullum praestabat utilitatis fructum. Quare Cl. MULDERO novam eius formam, novaque aliquot instrumenta Curatorum provida cura comparata laeti gratulamur.

Hortus quoque Botanicus plurima rarissimarum plantarum accepit incrementa. Viro enim doctissimo LEHMANNO, Botanices Profesori, Hortoque Hamburgensi florentissimo Praefecto; item Viro expertissimo CAROLO LUDOVICO BLÜME, Med. Doctori, Historiae Naturalis cultori diligentissimo, qui in insula Iava REINWARDTIO succcessit, hisce igitur viris, eorumque cum MULDERO nostro paratae necessitudini accepta referimus multa plantarum semina, in primis, quae ad genus ericae pertinent: — quod vero eadem felicissime proveniant, debemus HOFFMANNO, Athenaei hortulano, qui maiorine rei Botanices peritia, an in plantis curandis, fovendisque indefessa diligentia excellat, teste MULDERO, dubium admodum videatur.

Atque sic quidem ad Vos, Viri Gravissimi, huius Athenaei Curatores, ad Vos omnes, Auditores, quibus nostra disciplinarum studia cordi sunt, retuli de rebus prosperis et adversis, quae hoc anno Athenaeo acciderant, quaeque referre in muneris ratione positum erat. Huic igitur velim imputetis, si narratoris magis quam oratoris partibus functus sim; si vero in enarrandis huius anni fati nimis et forte ieiunus fuisse videar, ignoscite, quaeso, rerum dicendarum copiae, ignoscite magis etiam, — equidem enim non repugno, — oratori in dicendo parum exercitato.

Ad supremam muneris hodierni partem propero. Ex Amplissimorum igitur huius Athenaei Curatorum decreto, et potestate mihi facta, in annum sequentem Rectorem Magnificum renuncio NICOLAUM MULDER, Virum Clarissimum, Math. Magistrum, Philos. Nat. et Med. Doctorem, Chem. Pharmaceut. et Bot. Profesorem Ordinarium,

Quem tibi recens decretum honorem, ut rite et maiorum more in te conferam, Vir Clarissime! ut ad me in hanc cathedram adscendas, humaniter rogo.

Salve Rector Magnifice! — Imperium quidem nullum tibi trado; sed in fidem dignitatis in te collatae publice tibi trado sceptrum, — trado sigilla, — addo etiam album — Rectoriae quondam maiestatis et imperii monimenta omnia.

Noli tamen, Amice! hunc ritum hodie inanem putare! Sapientissimi quippe viri, qui rebus huius Athenaei constituendis interfuerunt, hasce nobis felicitatis aevi reliquias non donarunt, ut haberet, quo se puerilis iactaret superbia; verum ut pristinam Academiae gloriam cogitantes, et in Maiorum mores veluti intuentes, ad Maiorum nosmet conformare exemplum, dignitatem, praestantiam:

Annus tibi sit felix! prospera tibi quaevis, nobisque, te Rectore, contingant! — Tu vero, si vota rata fiant, hac provincia non ante discedes, quam praeteriti infelicitatem futuri felicitate temporis egregie compensatam digno et laetiore sermone celebraveris.

D I X I !

IANI GUILIELMI ERMERINS

O R A T I O

DE

STUDIO MATHESEOS AD PLURIMORUM HOMINUM
INGENIA ACCOMMODATO,

HABITA FRANEQUERAE, A. D. 8 IUNII MDCCCXXV

*QUUM ORDINARIAM PHILOSOPHIAE THEORETICAE,
DISCIPLINARUMQUE MATHEMATICARUM
ET PHYSICARUM PROFESSIONEM
SOLENNITER AUSPICARETUR.*

FRISIAB GUBERNATOR, VIR ILLUSTRISIME!

ATHENAEI CURATORES AMPLISSIMI, GENEROSISSIMI!

MAGNIFICE RECTOR!

PROFESSOR HONORARIE! CETERIQUE DOCTRINARUM PROFESSORES CLARISSIMI!

**SACRORUM ORACULORUM INTERPRETES, VIRI PLURIMUM-
VENERANDI!**

ARTIUM ET DISCIPLINARUM DOCTORES BRUDITISSIMI!

**QUOTQUOT PRÆTEREA ADESTIS, CUIUSCUNQUE ORDINIS,
LOCI AC DIGNITATIS, VIRI HONORATISSIMI!**

**VOS DENIQUE ADOLESCENTES ORNATISSIMI, ATHENAEI
ALUMNI!**

AUDITORES EXOPTATISSIMI!



Haud minor profecto ingeniorum; quam vultuum; est diversitas: — Ingenium dico innatas quasdam mentis facultates, quas, cum suapte natura ingeruntur, *non voluntarias* appellarunt Philosophi. Nimirum haec est mentis humanae indoles, ut e plurimis, quibus praedita sit, facultatibus, quaedam solius Naturae dona videantur, aliae in hominum ipsorum potestate sint positae. Illae studio, labore et exercitatione explicantur tantum et perficiuntur: hae fere procreantur. Quodsi Natura illas nobis negaverit, nulla arte in nobis excitantur: hae vero nemini defunt, qui eas sive eruditione sive alia ratione sibi acquirere studuerit.

Uti vero singulis hominibus non eadem est discendi cupido, ita quoque variam in singulis deprehendimus ingenii rationem. Sunt enim, quibus Natura maximam iudicandi celeritatem concesserit; alii qui summo mentis acumine aliisve dotibus prae ceteris excellant: quae quidem tantam inter homines diversitatem efficiunt, ut qui nonnullis modo facultatibus aliis eminentioribus instructi sint, mentis ipsius indole penitus differre videantur.

Ad hanc vero ingeniorum dissimilitudinem si referamus artium et doctrinarum studia, non miramur, fere neminem esse, cui Natura non dederit aliquid indolis ad aliquam artem doctrinamve excolendam. Artes etenim et doctrinae, non minus quam ipsa hominum ingenia, diversae sunt. — Aliae non nisi ab illis percipiuntur, quos Natura maxima sagacitate instruxerit; aliae promptam ac paratam iudicandi subtilitatem, aliae alias facultates peculiare requirunt: quas prouti quis a Natura acceperit, ita in hoc vel illo studiorum genere excelsit. Eiusmodi vero nonnullis hominibus ad aliquod studium innatam esse indolem videmus, ut divino veluti impetu excitati, illud appetant, eiusque cognitionem brevi acquirant: cum ad alia quaevis percipienda fere inepti sint, eaque avertentur.

At vero haec non ita intelligenda sunt, ac si quaevis ars peculiare sibi posceret ingenium. Namque plurimae reperiuntur, quae, ut industria et labore addiscuntur, ita a quovis possunt intelligi, qui hisce praesidiis uti velit. Haec igitur a plerisque hominibus possunt disci, tenerique, modo probabilibus mentis facultatibus instructi sint; in illis vero disciplinis pauci tantum cum laude versantur, quorum ingenia ad peculiarem earum rationem accommodasse videtur Natura.

Haec animi cogitata A. A. equidem saepissime retuli ad studii mathematici rationem. Quippe divina illa ingenia, quae in *Newtono*, *Leibnitzio*, *Eulero*, aliisque admiramur, mihi observabantur. Memineram irritos quorundam conatus, qui cum ad Matheseos studium utilitatis persuasionem adducti, nulla magno-pere progressuum felicitate animadversa, ab eo recesserant: atque ita in eam incidi opinionem, ut crederem, Mathesin non nisi ab iis probabiliter posse disci, quibus Natura ad illam excolendam peculiarem dedisset indolem, adeoque de Mathematicis valere, quae de Poetis dicuntur: *Mathematicus non fit, sed nascitur*.

Cum vero ad ipsas Disciplinas Mathematicas attendissem, eiusmodi illas esse

intellexi, ut revera a plerisque hominibus studio et labore facillime perciperentur. Quum igitur Maiorum nostrorum institutum me iubeat, muneri solenniter auspicandi gratia, Oratoris personam sustinere; nec a munere meo alienum, nec Vobis, ut spero, ingratum fore existimavi, si, desumptis argumentis ex ipsa Disciplinarum Mathematicarum ratione, Vobiscum agerem: *de studio Matheseos ad plurimorum hominum ingenia accommodato.*

At vehemens me perturbat metus, cum ex hoc loco amplissimam illam Eru-
ditissimorum Virorum coronam intueor. Quis enim ego sum, aut quae in me
tanta est facultas, qui in eundem illum locum ascendere ausus sim, quem an-
tea non nisi a summis Viris occupatum fuisse novimus, qui institutione et scri-
ptis immortalis nominis famam consecuti sunt? Tantamne mihi doctrinae co-
piam arrogarem, ut eorum praestantiam mecum reputans, non toto animo
commoverer? Praeterea, si difficile est Oratoris munus vel iis ipsis, quorum
studia ad eloquentiam ducunt: quanto id mihi difficilius erit, cui ea sit studio-
rum ratio, ut nihil inde oratoria facultas, si quae in me sit, augeri, aut si de-
sit evocari possit. Quae quidem cum Vobis quoque cognita esse credam, Ves-
tram nunc benignitatem, et in iudicando juvenili hoc opere facilitatem imploro,
Vosque vehementer rogo, ut quae minus recte dicta animadvertatis, ea ingenii
mei tenuitati, non vero voluntati meae tribuatis.

Verum enim vero quosdam fore suspicor, qui, audito hoc dicendi argumen-
to, mihi omnem iam diu praereptam esse materiam existiment. Videor enim
eiusmodi argumentum elegisse, quod non modo Clarissimorum Virorum aucto-
ritate, sed etiam communi omnium consensu fuit probatum. — Qui haec cogi-
tant, iis obversantur plura, cum antiquorum, tum recentiorum scriptorum lo-
ea, ubi eam, quam memoravimus, de studio Matheseos opinionem propositam
invenimus; inter quae illud *Ciceronis* nominasse sufficiet: „Quis ignorat”, in-
quit, „i qui Mathematici vocantur, quanta in obscuritate rerum, et quam re-
condita in arte et multiplici subtilique versentur? Quo tamen in genere ita
multi perfecti homines exsisterunt, ut nemo fere studuisse ei scientiae vehemen-
tius videatur, quin quod voluerit consecutus sit.” — Neque eos fugit, iam an-
tiquissimis temporibus, cum de Matheseos usu et praestantia inter omnes con-
staret, eam cuivis artium et doctrinarum studioso tam fructuosam et neces-
sariam esse visam, ut nemini liceret, cuidam disciplinae sese tradere, nisi pro-
babiles in Mathesi fecisset progressus. Quam quidem sententiam nostris quoque

temporibus adeo probari novimus, ut illi, quorum nutu et voluntate nostra omnium studia diriguntur; Disciplinas Mathematicas, tamquam ceterarum doctrinarum adiumenta et initia, a quovis colendas esse statuant: quod omnino non fecissent, nisi ipsis persuasum fuisset, plurimorum hominum ingenia ad Mathe-
sin intelligendam esse apta.

Hic vero monere mihi liceat, me, de veritate magis quam de novitate argu-
menti sollicitum; ipsas disciplinas mathematicas esse contemplatum, non ut no-
vam quamdam proferrem opinionem, sed ut praecipuas colligerem rationes,
quae eiusmodi studium plerisque hominibus aptum esse evincant. Licet igitur
praeclaris illis Viris, sensuique communi magnam equidem auctoritatem tribu-
am, acta tamen minime me acturum confido, si paullo accuratius hasce rationes
Vobiscum communicavero. In Disciplinis enim Philosophis non tantum aucto-
ritati, sed inprimis rationibus credere oportet. — Itaque *primo* quidem agamus:
de primis et universalibus mathe-
seos notionibus, ut ex earum contemplatione
nobis constet, illas cuiusque hominis intellectui facile patere.

Solent plerique, cum de Mathe-
seos cognoscendae facilitate loquuntur, princi-
piorum Mathematicorum simplicitatem afferre. Veluti nimirum ad leve quod-
dam onus loco movendum, minima virium corporis intentio sufficit, sic quo-
que simplicissimas ideas a mente omnium facillime comprehendi posse perhibent.
Quum enim hominum ingenia maiori tantum minorive vires suas exserendi fa-
cultate differre videantur, simplicissimas ideas etiam iis, qui mediocribus inge-
nii dotibus praediti sint, claras distinctasque fieri concludunt.

Haec, etsi per se forte vera sunt, attamen hoc loco minus valere videntur.
Simplicior sane idea corporis est *Mathematicae* quam *Physicae* spectati. Haec
enim ideas comprehendit omnium proprietatum, quae communes sunt naturae cor-
poribus; in illa autem figurae solum ratio habetur. Attamen corporum mathema-
ticorum ideae imperitis obscurae sunt, nisi eorum notio corporum *Physicorum*
exemplo illustrata fuerit. Sic etiam in Geometricis idea lineae simplicior est
idea corporis; *corpori* nimirum longitudinem, latitudinem et profunditatem tri-
buimus, *lineae* vero tantum longitudinem. At accuratam *lineae* notionem non
percipiunt tirones, nisi haec a *corporis* idea derivata sit.

Norunt omnes, quibus Mathe-
seos tradendae munus incumbit, quam aegre
prima Geometriae elementa percipiuntur ab iis, qui his similibusque abstractis
ideis nondum asfueverint. Ipsa simplicitas fere impedimento esse videtur, quo

minus ab omnibus intelligantur. Haec igitur sola nondum sufficit, ut rerum notiones omnibus ingeniis statim manifestae sint, sed aliud quidpiam accedat necesse est. Hoc autem quaerendum esse videtur in facilitate, qua ipsae ideae e sensuum perceptionibus possint derivari.

Est haec enim cognitionis humanae ratio, ut magnam partem e corporis sensibus proficiatur, a quibus, veluti nunciis, rerum notitiae in mentem inferantur. Sensus tamquam instrumenta sunt, quae ex obiectis quibuscumque rebus externis materiam colligunt, rudem et inertem, menti tradendam. Haec allata a sensibus materiam suscipit, retinet, nova quotidie accedente copia augere cupit. Innatis ipsi viribus eam disiungit; diversarum rerum imagines secum invicem comparat; singulas suis proprietatibus discernit; earum proprietatum nonnullas a reliquis seiungit et separatim cogitat: quibus deinde suo more iterum coniunctis, novas et distinctas rerum imagines constituit; et hisce veluti permutationibus id demum efficit, ut ipsae illae ideae a se procreatae, neque extrinsecus ei illatae esse videantur.

Quum igitur sensus externi primas rerum ideas in nobis excitent, hae autem confusae nec manifestae vulgo sint, prima mentis ipsius actio ad illustrandas rerum notiones in abstractione versatur: adeoque illa actio eo facilius perficitur, quo facilius quaedam proprietates rerum a reliquis ita separantur, ut ideae inde formatae satis distinctae sint. Iam vero ideae, quibus Matheseos elementa nituntur, eiusmodi sunt, ut a perceptionibus, quas mens a sensibus accepit, levi facillique opera deducantur.

Novimus ad duo potissimum Capita referenda esse Matheseos elementa, quorum alterum *Arithmeticam*, alterum *Geometriam* continet. Utrumque agit de *quantitatibus*, quae diversa ratione, diversis etiam signis in utroque considerantur.

In Arithmetice de quantitatibus loquimur, tamquam ex pluribus partibus, quas *unitates* vocamus, compositis. Prima huius artis initia oriuntur, ex observatione unius et plurium eiusdem generis individuorum, unde *Multitudinis* idea exoritur. Neque ad hanc ideam formandam eminenti mentis acumine, aut quadam subtilitate opus est, sed sensus sani et mediocre ingenium huc sufficiunt. Quis enim adeo hebeti foret ingenio, ut inter millena eiusdem indolis corpora collocatus, *multitudinis* magis minusve adauctae notionem distinctam sibi compara-

re nesciret, atque hinc non intelligeret Arithmetice regulas, quae omnes augendo et diminuendo continentur?

Ab Arithmetice cognitione progressus facilis est ad Arithmetice illam universalem, quam *Algebram* vulgo dicunt, quae perperam ab Arithmetica speciali segregatur, et sola ad Disciplinas Mathematicas refertur. Hae enim arctissimo inter se continentur vinculo, nec Algebrae regulae eiusque enunciationes rite perspiciuntur, nisi accurata Arithmetice cognitio praecesserit.

Alterum Elementorum Mathematicorum Caput, five Geometria, methodum nos docet, qua quantitates extensorum suis quaeque finibus contineantur, ut sic earum invicem relationes cognoscantur. Triplici ratione haec extensa spectantur. Geometrae nimirum de *solidis* five de corporibus Geometricis, de *superficiebus* et *lineis* agunt, quarum notiones ex puncti ipsius idea deducunt. Videamus autem quam facile horum quoque principiorum notio acquiratur.

Ex variis, quae per corporis sensus in mentem inferuntur imaginibus, mens facile corporum singulorum figuram distinguit. Hanc in quibusdam corporibus eandem esse videt, licet ceteris proprietatibus magnopere differant; et contra ipsi perspicuum est, diversam illis corporibus saepe esse figuram, quibus, habita ratione ceterarum proprietatum, eadem sit indoles. Atque hinc sponte ducitur ad coniungendam corporum figuram ab aliis eorum dotibus, quam idcirco abstracte, separatim cogitat. — Constituta semel hac corporis idea, qua unice ratio habetur loci, quem corpus illud in *spatio universali* occupat, five figurae eius abstracte sumtae, mox progredimur ad planorum notitiam, quippe quibus corporum ipsorum figuram definitam esse sciamus. A planorum five superficierum notitia, aditus facilis est ad linearum contemplationem, quarum cogitatio tantum ponit *longitudinem*. Omnibus denique abstractis separatisque *extensi* ideis, ad simplicem puncti ideam pervenimus.

Apparet igitur, quam brevi facilique modo, continua abstractione, ex corporum a sensibus perceptorum proprietatibus, paullatim ad abstractam et distinctam puncti ideam perveniamus. Cumque adeo nullum fere hominem invenias, qui sua sponte hanc mentis actionem non instituat, recte concludimus, ut videtur, certum et quibusvis ingeniis facilem esse aditum ad Geometriae ipsius cognitionem.

Non ignoro, quosdam cum praeis, tum nostris quoque temporibus, hanc co-

gnitionis nostrae e sensibus originem negasse, et primum omnium idearum fontem ex mente ipsa derivasse. At vero, si concedant necesse est, ideas sine sensibus excitantibus vel admonentibus menti nequaquam obverfari; atque eam, quam indicavi, ratiocinandi methodum plerosque homines sequi. Quod si fuerit concessum, quae modo memoravimus dubia esse nequeunt.

Quae cum ita sint A. A! patet non meliori modo, cum aliarum doctrinarum, tum imprimis Matheseos elementa cum tironibus communicari, quam exponenda ratione, qua ipsa illa initia ex sensuum perceptionibus deriventur. Rarius quidem ita proponuntur Matheseos elementa, neque hinc fortasse necessaria videtur eiusmodi expositio; imprimis cum rationi admodum consentaneum sit, ex simplicissimis ideis, et ex ipsis cuiusque disciplinae principiis universum illius ambitum explicare. Ne tamen hisce rationibus in errorem inducamur! Si enim Matheseos elementa, a primis illis ideis (ad quas, me quidem indice, universalibus abstrahendo facile pervenimus) doctrinae nostrae initia solum ducantur, maxime verendum est, ut ea tirones intelligant. Usu quidem et exercitatione sibi comparant scientiam rationis, qua mathematici suis signis utantur. Theoremata igitur praeclare demonstrant, problemata solvunt, definitiones accurate memoria servant. Sin autem agatur de veritatum Mathematicarum nexu, de earum ratione ad alias disciplinas, de ratiocinandi modo Mathematicorum, vel de utilitate, quam haec in ceterarum artium cultu praestet, haec omnia ipsis ignota sunt. Dens ubique tenebris circumdantur, quas non repellunt, nisi a primis inde initiis iterum inchoaverint. Itaque plerique, qui hac ratione signorum tantum Mathematicorum usum didicerunt, postquam aliquos in his fecerunt progressus, principia iterum contemplantur, quo facto demum ad rectam Matheseos cognitionem perveniunt.

Quicumque vero brevissima via ad intima Matheseos penetralia tendit, is ante omnia Arithmeticam intelligat, eiusque regulas ex una *multitudinis* idea derivare solet. Arithmetica rite intellecta, ad Algebram progrediatur, cuius rationem ad Arithmeticam probe perspectam habeat. Cum deinde ad Geometriam procedit, eius initia sibi ex sensuum perceptionibus illustret, atque in id semper incumbat, ut singulorum argumentorum veram notionem acquirat, illasque tamdiu contempletur, donec quicquid obscuri dubiive antea adfuerit, penitus sublatum sit. Quibus peractis, nullus dubito quin futurum sit, ut bre-

visissimo tempore facillimaque ratione accuratam distinctamque Matheſeos notionem teneat.

Intellectis hac ratione Matheſeos elementis, ultiores progresſus faciles ſunt. Ratio nimirum, qua Mathematici doctrinae ſuae argumenta diſponunt, cum ratiocinandi cogitandique legibus maxime convenit: quod *altero loco* nobis explicat, cur Matheſeos ſtudium plurimorum hominum ingeniis ſit accommodatum.

Ut univerſae Naturae ordo, conſtitutis a ſapientiſſimo Creatore legibus, ſervatur; ſic mentis humanae vires facultatesque ſuas agnoſcunt agendi leges. Hae licet corporis animique motibus affectionibusque ſaepe abſconditae et velut obrutae iaceant, data tamen opportunitate manifeſtae ſunt. Quicumque enim ita cogitat, ut mens eius rebus externis non avocetur, continua idearum ſucceſſione, alteram ex altera deducit. Nonnulli quidem tanta ingenii celeritate, ab una idea ad alteram progrediuntur, ut difficile ſit in his idearum nexum diſcernere: at omnes tamen ſimili ratione procedunt, neque ulla re homo ab homine differt, niſi celeritate, qua ſingulae ideae ſibi invicem ſubſequantur.

Duplicem autem omnes hic ſequimur viam, alteram a componendo *ſyntheticam*, alteram a diſiungendo *analyticam* diotam. Synthetice qui cogitat, a ſimplicioribus ideis pergit ad compoſitas, a formis et individuis ad genera, ab effectibus ad cauſas adſcendit. Analytica vero methodus, ſyntheticae oppoſita, ex complicatis quibusvis ideis plures ſimplices conſtituit, adeoque, ſeparatis aſſidue nonnullis, ſimpliciſſimam denique ideam format. Haec igitur a generibus ad individua, et ab univerſali notionem ad ſpecialem, ſimplicem deſcendit. Quamcunque vero viam ſequamur, idearum ſucceſſio ſemper continua eſt, neque ab una ad alteram ideam progredimur, niſi prior posteriorem provocaverit.

Ad hanc igitur normam quarumvis artium doctrinarumque ſententiae diſpoſitae eſſe debent, ut ab imperitis earumque ignaris rite intelligantur. A ſimplicioribus rerum notionibus ad compoſitas, vel contra ab his ad ſimplices, ita procedatur oportet, ut altera notio ex altera quam proxime deducatur. Quod ſi ita ſit comparata earum ratio, intellectui cuiusque patebunt; ſin autem argumenta nullo inter ſe vinculo continentur, neque a ſe invicem derivantur, non niſi ab illis percipi poterunt, quibus Natura ſingularem ſagacitatem conceſſit.

Collata iam diſciplinarum mathematicarum ratione cum iis quae univerſe de-

monstravimus; nullam sane artem aut doctrinam invenimus, cuius notiones artius inter se cohaereant. In mathematicis nihil ut verum ponitur, nisi quod iusta ratiocinatione fit effectum, nulla idea, nisi quae aliis antea perceptis fit formata. Accurata cuiusque sententiae contemplatione, quidquid ea contineatur, id omne paullatim explicatur, et ab antecedenti argumentatione ad proxime sequentem transitus fere sentiri nequit. Simples quasvis ideas, ab omni parte diligenter attendunt Mathematici, easque cum aliis simplicibus ita componunt ut illarum ratio luce clarius appareat. Compositas has ideas denuo seiungunt, cum aliis iterum conferunt, ut novas hinc veritates detegant: atque hac ratione procedendo complexum formant sententiarum, quae disciplinas mathematicas constituunt. — Si de incognita quadam quantitate definienda sermo est, hanc cognitam sibi fingunt. Aperto, distinctoque ratiocinio deinde ostendunt, quoniam illi fuerit cum cognitis rebus nexus, quasque ipsi tribuerint proprietates. Eius notione ita constituta, hanc accurate contemplantur, et in suas partes dividunt, donec ad talem enunciationem perveniant, unde, cum de quaesita quantitate, tum de ratiocinandi modo rectum ferri possit iudicium. Neque has argumentationes magna cum verborum copia exponunt, qua, protracta diutius attentione, mens ipsa fatigatur; sed brevibus facileque addiscendis signis maxime composita ratiocinia paucis lineis explicantur. Profecto nisi eiusmodi doctrina a plerisque hominibus intelligeretur, reliquae fere omnes nos latebant. — Ipsi quoque tirones, si praeter signorum usum veram rationem perspiciant, cur hoc nec alio modo Mathematicorum calculi instituantur, sua sponte *mathematice* ratiocinabuntur. Ex cognitis quibusdam notionibus veritates eruent, antea ipsis ignotas, illasque tam manifestas sibi reddent, ut nullus dubitandi locus super sit; cumque adeo a primo tantum limine Matheseos salutaverint, inveniendi veri artem praeclare tenebunt. Detectis quotidie novis veritatibus, ad ulteriorem indagacionem invitantur, et quo magis in his proficiant, eo magis studii mathematici amore capientur, illoque prae aliis delectabuntur.

Ob hanc vero ratiocinandi methodum disciplinarum Mathematicarum studium omnibus tantopere commendatur. „Prodest enim Mathesis, ut ait *Quintilianus*, „non ut ceterae artes cum perceptae sint, sed cum discantur.” — A primis inde initiis cogitandi leges in illa manifestae sunt, easque omnes usu facile cognoscere queunt. Dialectica illas leges ex mentis ipsius natura eruit, illarumque veram indolem ostendit. Haec igitur ratiocinandi cogitandique veluti

theoriam exponit: cum in mathematicis cogitandi leges *practice* discantur. Uti autem in aliis artibus plerumque fieri videmus, ut tenuia ingenia eas facilius exercitatione, quam contemplatione discant; ita Matheseos quoque studium non raro aptius deprehenditur ad percipiendum rectum rationis usum, quam ipsa Dialectica. Ne credant igitur iuvenes, qui bonarum artium cultui sese dicant, se tempus illud perdere, quod in discenda Mathesi forte consumunt, Mathesis etenim ingenium acuit et celeritatem percipiendi auget, unde haec in reliquarum doctrinarum studio maximam omnino habet vim atque utilitatem.

Neque hoc loco reticendum est, Mathematicorum enunciationes certas esse, quod ad confirmanda ea quae de studii mathematici ratione memoravimus, plurimum valere videtur.

Quicumque humanas artes doctrinasque accuratius spectavit, is plurimas earum dubiis incertisque opinionibus refertas esse cognovit. Ut enim experientiae fere unice plerarumque fundamenta debentur, haec autem fallax et incerta saepe est; ita quoque quas hinc componimus disciplinas, obscura et falsa permulta insciunt. Quodsi quis, ut ad illarum doctrinarum cognitionem perveniat, veram argumentorum, quae in illis tractantur, rationem perspectam habere velit, hoc ipsi erit difficillimum. Nam cum ex sensuum testimonio rerum notiones colligimus, non semper de earum veritate nobis constat, quippe sensus nobis tantum tales rerum imagines tradunt, quales ipsis videantur. Hinc falsa saepe veris, dubia certis commiscuntur, ac praeter accuratam rerum tractandarum cognitionem, acutum requiritur iudicium, ut haec rite a se invicem distinguantur. Quo iudicii acumine nisi eiusmodi doctrinam studiosus praeditus erit, nullos omnino progressus faciet, et ubique gradum sistere cogetur. Quibus igitur consideratis, omnes facile concedent, peculiarem ingenii felicitatem illis esse debere, qui ad illarum artium cognitionem tendunt.

Harum autem difficultatum nulla in mathematicis offenditur. Non tantum prima Matheseos elementa certa ac vera sunt, sed etiam singula eius argumenta. — Cum definitiones res ipsas ponant, neque ulla rei cuiusdam proprietas admittatur, nisi de qua in definitionibus fuerit dictum, rerum notiones ex ipsa earum natura petuntur, adeoque dubia aut falsa esse nequeant. In aliis contra disciplinis ab experientia deductis, definitiones vel descriptiones, propter obscuram rerum notionem, saepe vitiosae sunt, et novis detectis earum rerum do-

tibus continuo mutantur. Non est igitur quod Mathematici anxie progrediantur, metuētes ut vera a falsis dubiisque discernere valeant, quum singula hic manifesta et certa sint, atque summa cum evidentia cuivis pateant.

Quid mirum itaque A. A.! eiusmodi studium cunctis fere ingeniis esse accommodatum. — Rebus externis levi mentis intentione observatis, quaedam earum proprietates abstracte cogitantur. — Hae universae doctrinae fundamenta constituunt. Cum veritatibus nonnullis, singulis hominibus manifestis, iisque innatis, illa principia deinde coniunguntur, et novae inde veritates derivantur. Detectae veritates accurate perpenduntur et illustrantur. Certis definitionibus argumentorum notiones explicantur; atque hinc demum universa disciplina mathematica formatur, quae ab ingenio humano penitus creata, nulla ex aliis disciplinis argumenta petit, adeoque prae ceteris apta est, ut a plurimis hominibus discatur.

Quamvis ea, quae adhuc a nobis collata sunt, probabilem rationem reddant, cur ad Matheſeos studium iter plerisque hominibus pateat, adeoque nostram quoque sententiam confirment, haec tamen experientiae contraria et hinc nonnullis forte dubia videtur. Cum enim omnes, qui doctrinarum studia colunt, in Mathematicorum Scholas ventitare soleant, cur demum pauci Matheſeos periti evadunt? Num igitur plurimi ista sunt ingenii mediocritate, ut disciplinam tam facile discendam intelligere nequeant? An vero iniquae sunt plerorumque querelae de Matheſeos difficultate, cuius cognitionem, (licet omnem, ut aiunt, operam adhibeant), frustra sibi acquirere conantur?

Verum A. A.! haec minus mathematicis doctrinis, quam illarum cultoribus tribuenda sunt. Attendatur velim ad eos, qui Matheſeos operam navare student, et ratio facile inveniatur, cur vera eius cognitio tam rara sit. Plerique hasce disciplinas adeunt sine ulla Arithmetices cognitione, aut si quae ipsis sit, hanc irrationali plane modo sibi acquisiverunt. In Scholis Mathematicorum nunc de ideis abstractis agitur, de numeris universe cogitatis, nulla habita ratione eorum valoris, de aliis similibusque argumentis, quae ipsis iam obscurae sint necesse est. Neque tempus a reliquis studiis iis superesse videtur, ut haec accuratius perpendantur et illustrentur, imprimis, cum de Matheſeos utilitate rarius ipsis sit persuasum. Itaque negligunt eius initia, nec curant signorum usum cognoscere; ac diu hisce Scholis intersunt, neque tamen quidquam proficiunt.

Sin vero principia paullo diligentius attenderint, levi tantum accedente exercitio, ad unum omnes Mathesin discent.

Quae cum ita sint, probanda videtur nostra de studii mathematici ratione sententia. Si enim studio et labore omnes ad Matheseos cognitionem pervenire possunt, proprium certe ingenium haec sibi non requirit; sed quicumque praefidiis hisce utuntur, iis Matheseos cognitio facilis est.

Nolim tamen existimetis A. A. me huius argumenti tractatione id egisse, ut omnem ingenii mathematici vim et dignitatem tollerem. Sunt profecto homines, quibus Natura ad disciplinas mathematicas propriam dederit indolem. Hi sua sponte mathematicarum veritatum rationem et vinculum intelligunt, brevi facillique operam viam inveniunt, quam ceteri, aliis tantum praeeuntibus, summa cum mentis intentione diuturnoque labore sequuntur. Illis igitur contingit Matheseos limites proferre, et medio aetatis cursu sibi eius cognitionem talem comparare, qualem ne in summa quidem senectute alii percipiunt. — Neque haec opinioni nostrae contraria sunt. Namque non negavimus alios homines aliis esse aptiores ad Mathesin discendam; sed hoc tantum significamus, ad Matheseos cognitionem diversisimis etiam ingeniis aditum patere, dummodo studio et labore illum sibi parare conentur.

Atque haec habui A. A. H. H. quae de studio Matheseos dicerem. Fateorequidem, me non ita esse locutum, ac rei locique dignitas, et Auditorum doctrina postulare. Sed spero fore ut, si, cum temporis mihi ad dicendum concessi, tum inprimis meae mediocritatis rationem habeatis, faciles vos meae orationis praebeatis indices.



Ad alteram igitur officii mei partem cum pervenerim, grati animi sensus me iubet ad Vos me convertere, Gravissimi huius Athenaei Curatores! Vestra nimirum commendatione Augustissimo Regi placuit, mihi publici Doctoris munus in Vestro Athenaeo mandare. Vos igitur me tanta ingenii doctrinaeque copia instructum existimatis, ut non omnino ineptus Vobis videar, qui studiosae inventnti viam ad Philosophiam et Mathesin ostendam. Itaque vix peracto Academicum curriculum, ex benevola Vestra de me opinione, mihi tam felici esse

contingit, ut, quibus a prima inde iuventute tantopere delectabar studiis, quaeque vitae ac temporis ratio mihi denegare videbantur, iis nunc omnem operam tribuere possim. Utinam Vestrae de me exspectationi satisfacere, Vobisque pro tot tantisque beneficiis debitam gratiam referre mihi liceret! At quoties muneris adeundi magnitudinem animadverto, toties me graviter affectum et penitus perculsum sentio metu, ut officio meo rite fungar. Profecto nisi spes me erigeret fore, ut vires meas diligenti exercitatione validiores possem reddere, animo caderem. Quidquid vero ingenii mihi concesserit Natura, et quae mihi sit doctrina, haec, licet exigua sint, in Vestri Athenaei commoda convertere conabor. Vobis interim, Optimi Maecenates! me meaque studia commendo, et Vos ex animo precor, ne benevolentiam Vestram, cuius tot mihi dedistis specimina, in posterum denegetis.

Neque ex officii tantum ratione Vos compello, quarumvis Doctrinarum Profesores Celeberrimi! qui tam comiter et benevole me excepistis, tot deinde beneficiis cumulastis, ut de Vestro erga me favore dubitare nequeam. Itaque hoc unum addere mihi liceat, eo haec mihi gratiora contigisse, quo magis perspexerim, me hac potissimum aetate Vestris indigere consiliis, omnibusque viribus me in id enisurum, ne tantae benevolentiae documentis indignus reperiar.

Vobis praefertim, Clarissimi *Ens* et *Groenewoud*! plurima me debere profiteor. Vos enim amplissimae, quam susceperam, provinciae difficultates sublevastis, tamque egregie inventutis commodis consulistis, ut in ingrati animi suspicionem apud omnes inciderem, nisi in ipsis hisce muneris auspiciis, perpetuam mihi horum beneficiorum memoriam fore, publice declararem.

Quibus autem verbis laetitiam meam Vobis significem, Amicissimi *Philipse* et *Mulder*! — Sic igitur qui per plures annos Leidae iucundissimam degimus vitam, iterum et loci et muneris necessitudine iungimur. Quantumvis mutata sit vitae scena, pristina tamen manent amicitiae vincula, nosque haud minores concordiae benevolentiaeque suavitates ex ea percepturos auguror.

Vos denique Optimi Commilitones! totum me habetote vestrum. Audivistis, cuius ad Matheseos cognitionem viam studio et industria parari: age igitur

tar hisce praefidiis utamini, ut dulcissimos illius fructus percipiat. Equidem nihil me antiquius habiturum polliceor, quam ut Vestris commodis Vestrisque studiis inserviam, atque efficere conabor, ut Vos vestra me amicitia non indignum censeatis.

D I X I.

**THE NEW YORK PUBLIC LIBRARY
REFERENCE DEPARTMENT**

**This book is under no circumstances to be
taken from the Building**

Form 418

